

ROMA





8. 24. P. 37.
DOCTOR ANGÉLICVS
DIVVS. THOMAS
AQVINAS,


DIVINÆ VOLVNTATIS,
ET SVIIPSIVS IN SVMMA
Theologiæ Fidissimus Interpres, atque
Doctrinæ Patrum observantissimus
Custos, in lucem publicam editus,

A R. admodum P. F.

NICOLAO ARNU,
ORDINIS PRÆDICATORVM,
*S. Theologiæ Magistro, Studiorum olim Regente
in Collegio S. Thomæ de Vrbe Conventus S.
Mariæ super Minervam, & nunc in celeberrimo
Studio Patavino Metaphysica Publico Professore.*

TOMVS SECVNDVS,

Complectens sex Quæstiones primæ Partis D. Thom.
à decima-quarta ad decimam-nonam inclusivè.




LVG DVNI,
Apud FRANCISCUM BARBIER, Typograph.
& Bibliopolam Regium.

M. DC. LXXXVI.

Cum Approbationibus, & Privilegio Regis.

Ad usum (sic) Dom. Pattoni B. G. 18: 2-90





I N D E X

QVÆSTIONVM,

ARTICVLORVM,

Capitum & Paragraph. hujus
primæ partis Tomi secundi in
primam partem D. Thomæ.

Q U Æ S T I O X I V .

De Scientia Dei. pag. 1

ART. I. *TRVM in Deo sit scientia.*
pag. 2



CAP. I. *Relatis quibusdam di-*
cendi modis statuitur in

Deo esse scientiam & probatur tum authori-
tate cum ratione Divi Thomæ. p. 2

CAP. II. *Ostenditur in Deo esse verè ac propriè*
scientiam & non tantum communiter dictam.
pag. 11

CAP. III. *Solvuntur argumenta contraria.* p. 15

CAP. IV. *Solvuntur instantia contra rationem D.*
Thomæ. p. 24

CAP. V. *Solvitur alia instantia & ostenditur*

Index Quæstionum,

quomodo immaterialitas sit radix cognoscendi.
pag. 30

CAP. VI. Solvitur ultima instantia contra rationem à Divo Thoma allatam, & ostenditur repugnare substantiam immaterialem per se subsistentem, qua essentialiter non sit intellectiva. p. 37

CAP. VII. Quatenus, & respectu quorum objectorum constituenda sit in Deo ratio scientia propriè dicta, sapientia, atque intelligentia. pag. 43

§. I. Quibusdam suppositis statuitur conclusio, & probatur auctoritatibus D. Thome. ibid.

§. II. Ratione probatur conclusio quoad omnes suas partes. p. 50

§. III. Solvuntur argumenta contraria. p. 62

CAP. VIII. Virum in Deo scientia à posteriori constituenda veniat. p. 71

CAP. IX. Virum divina scientia rationem habitus repugnet habere. p. 76

ART. II. Virum Deus intelligat se. p. 81

CAP. I. Doctrina articuli proponitur. ibid.

CAP. II. Solvuntur quedam instantia contra rationem D. Thome & breviter explicatur quomodo intellectus in actu sit ipsum intelligibile in actu. p. 87

ART. III. Virum Deus comprehendat se ipsum. pag. 95

ART. IV. Virum intelligere Dei sit ejus substantia. p. 98

ART. V. Virum Deus alia à se cognoscat. p. 105

CAP. I. Relatis quibusdam statuitur Deum non modo se ipsum, sed & alia à se cognoscere. ibid.

CAP. II. Solvuntur argumenta contraria. p. 112

Articulator. Cap. & Paragraphorum.

- CAP. III. *Quodnam sit objectum formale moti-
vum, & terminativum intellectus divini, di-
vinaque cognitionis.* p.116
- §. I. *Varia opiniones referuntur, & quadam ad
dicendum notitiam praeferuntur.* ibid.
- §. II. *Deciditur quaestio.* p.121
- §. III. *Solvuntur contraria argumenta.* p.138
- ART. VI. *Utrum Deus cognoscat alia à se pro-
pria cognitione.* p.149
- CAP. I. *Quorundam relato errore statuitur con-
clusio D. Thoma & probatur.* ibid.
- CAP. II. *In quo medio Deus creaturas possibiles
cognoscat.* p.158
- CAP. III. *Solvuntur argumenta.* p.167
- CAP. IV. *Utrum Deus creaturas in se ipsis imme-
diatè, seu independentè ab essentiâ divinâ
prius visâ & cognitâ cognoscat.* p.181
- §. I. *Deciditur quaestio.* ibid.
- §. II. *Solvuntur argumenta.* p.189
- ART. VII. *Utrum scientia Dei sit discursiva.*
pag. 196
- CAP. I. *Ostenditur in Deo nullatenus reperiri
formalitèr discursum, etiam virtuale.* ibid.
- CAP. II. *Solvuntur argumenta.* p.202
- ART. VIII. *Utrum scientia Dei sit causa rerum.*
p.207
- CAP. I. *Statuuntur duae conclusiones D. Thoma, &
brevitèr elucidantur.* ibid.
- CAP. II. *Solvuntur argumenta.* p.212
- ART. IX. *Utrum Deus habeat scientiam non en-
tium.* p.223
- CAP. I. *Doctrina articuli breviter proponitur.*
ibid.
- §. I. *Solvuntur argumenta.* p.228
- CAP. II. *De divisione scientiae divinae in scien-*

Index Quaestionum,

tiam simplicis intelligentia, & scientiam visionis. p.231

§. I. Sit ne hac divisio bona & adequata. ibid.

§. II. Virum Deus per scientiam simplicis intelligentia quidditates possibiles rerum, quae aliquando erunt, cognoscat. p.237

ART. X. Virum Deus cognoscat mala. p.242

CAP. I. Quod mala omnia à Deo cognoscantur. ibid.

CAP. II. Solvuntur argumenta contraria. 252

ART. XI. Virum Deus cognoscat singularia. pag.162

CAP. I. Statuitur conclusio affirmativa, & probatur tum auctoritate; cum ratione. ibid.

CAP. II. Solvuntur argumenta, p.269

ART. XII. Virum Deus possit cognoscere infinita. pag 273

CAP. I. Deum cognoscere infinita, etiam per scientiam visionis ostenditur, & quomodo. ibid.

CAP. II Contraria argumenta dissolvuntur. pagina 279

ART. XIII. Virum scientia Dei sit futurorum contingentium. p.284

CAP. I. Quid sit futurum, quidve contingens, & quod duplex. p.285

§. I. Quibusdam amotatis deciditur questio. ibid.

§. II. Quedam evasiones pracluduntur. p.290

§. III. Solvuntur argumenta. p.300

CAP. II. Ostenditur Deum futura contingentia absoluta cognoscere. p.311

CAP. III. Solvitur primum argumentum in contrarium à D. Thom. adductum, & ostenditur unde in rebus contingentia proveniat. p.317

Articulator. Cap. & Paragraphorum.

CAP. IV. *Alia argumenta dissolvuntur.* p. 326

CAP. V. *Quomodo futura coëxistant, sive presentia sint Deo in aternitate.* p. 334

§. I. *Quedam prenotantur, & referuntur varie authorum sententia.* ibid.

§. II. *Statuitur conclusio, & probatur, tum ex modo loquendi S. Scriptura cum ex SS. Patribus.* p. 339

§. III. *Divi Thome de hac re sententia, & genuina mens ostenditur.* p. 349

§. IV. *Probatur conclusio ratione desumpta ex ipsius aternitatis formali constitutivo.* p. 358

§. V. *Probatur conclusio ratione desumpta ex divinz cognitionis & scientie invariabilitate.* pag. 367

§. VI. *Solvuntur argumenta contraria ab auctoritate desumpta.* p. 379

§. VII. *Solvuntur argumenta à ratione petita.* pag. 387

§. VIII. *Solvuntur alia argumenta à ratione petita.* p. 404

§. IX. *Alia argumenta dissolvuntur.* p. 413

CAP. VI. *An & quomodo Phisica rerum in aternitate presentia ad intuitivam earum notitiam desideretur.* p. 426

§. I. *Relatis variis dicendi modis deciditur questio.* ibid.

CAP. VII. *Utrum Deus certò & infallibiliter cognoscat futura contingentia conditionata.* pag. 443

§. I. *Quibusdam prenotatis deciditur questio.* ibid.

CAP. VIII. *Referuntur varii dicendi modi, quibus Deus futura contingentia, praesertim li-*

Index Quæstionum,

bera, tam absoluta, quàm conditionata certò, & infallibiliter cognoscere à Theologis asseritur.

P.452

§. I. *Modi dicendi circa absolutiorum conditionem recensentur.*

ibid.

§. II. *Referuntur Theologorum sententia de modo, quo Deus infallibiliter & certò futura contingentia conditionata, præsertim libera, cognoscere dicitur.*

P.465

CAP. IX. *Quod Deus futura contingentia libera, in proximis illorum causis, vel super comprehensione eorum non cognoscit.*

P.472

§. I. *Solvuntur argumenta.*

P.480

CAP. X. *An Deus futura contingentia in veritate illorum objectivâ certò & infallibiliter cognoscatur?*

P.487

§. I. *Statuitur conclusio & probatur.*

ibid.

§. II. *Solvuntur argumenta.*

P.502

CAP. XI. *Quo pacto Deus futura contingentia in suis ideis cognoscat.*

P.521

§. I. *Solvuntur argumenta.*

P.527

CAP. XII. *Virum Deus futura contingentia libera certò & infallibiliter cognoscat in decreto purè concomitanti non præsupponente prævisionem sive præscientiam futuri eventus seu determinationis libera voluntatis creata.*

pag.533

§. I. *Quid nomine decreti divini intelligendum veniat, & de variis ejus nominibus.*

pag.534

§. II. *Dari in Deo nedum decretum purè concomitans, sed etiam prædefiniens, & prædeterminans.*

P.545

§. III. *Quòd divina prædeterminationes nedum*

Articular. Cap. & Paragraphorum.

important antecessorem durationis respectu
eorum quæ à Deo præfinitur, sed etiam
causalitatis. p.552

§. IV. Quod prædefinitio, sive decretum præ-
definiens divinæ voluntatis non importet so-
lam concomitantiam in causando, sed præ-
vium & antecedentem usum & liberam coope-
rationem voluntatis create. p.562

§. V. Adversariorum solutio adducitur & confu-
tatur. p.570

§. VI. Quod futura contingentia absoluta cer-
tò non cognoscat in decreto purè concomitanti.
pag.580

§. VII. Probatnr ampliùs præcedens conclusio.
pag.594

CAP. XIII. Verum Deus futura contingentia ab-
soluta in decreto efficaci præfinitivo suæ divi-
næ voluntatis cerò & infallibiliter cognoscat.
pag.611

§. I. Quibusdam prænotatis stabilitur veritas.
ibid.

§. II. Probatnr hæc conclusio quoad tertiam
illius partem ratione. p.621

§. III. Solvuntur argumenta contraria. pagi-
na 630

CAP. XIV. In quo medio Deus peccata futura co-
gnoscat. p.638

§. I. Solvuntur argumenta. p.645

CAP. XV. Sit ne scientia media consentaneum
& conveniens medium ad hoc ut Deus de fu-
turis conditionatis liberis scientiam habeat.
pag.650

§. I. Rejicitur hujusmodi scientia tanquam Ar-
rianorum Pelagianorum ac Semipelagianorum

Index Quæstionum,

inventum ad eludendum propositum Dei & efficacitatem gratia illius. ibid.

§. II. Refutatur scientia media testimoniis adductis ex eodem D. Augustino. p.663

§. III. Adducuntur quadam adversariorum explicationes ad dicta Divi Augustini testimonia & refelluntur. p.674

§. IV. Rejicitur scientia media testimoniis D. Thomæ & aliorum Patrum. p.683

§. V. Impossibilitas scientia media ostenditur ratione desumpta ex incertitudine objecti.
pag.693

§. VI. Adversariorum quadam evasiones præcluduntur. p.697

§. VII. Aliæ evasiones adversariorum repelluntur. p.709

§. VIII. Aliâ ratione scientiam illam mediam non esse admittendam ostenditur, quippe quæ omnino inutilis sit ad conciliandam libertatem arbitrii cum efficacia divine voluntatis, & infallibilitate divine scientiæ, immo cum ipsa libertas arbitrii coherere nequit.
pag.723

CAP. XVI. Solvuntur argumenta quibus scientiæ media fautores illam stabilire conantur.
pag.737

§. I. Solvitur primum argumentum desumptum ex celeberrimo illo scripturæ testimonio, vñ tibi Corozaim, vñ tibi Bethsaida, &c. Math. cap.11. & Luce cap.10. ibid.

§. II. Solvuntur argumenta ex autoritate Patrum desumpta. p.754

§. III. Solvuntur argumenta à ratione petita.
pagina 767

CAP. XVII. Virum in Deo admittenda sint de-

Articulus. Cap. & Paragraphorum.

*creta quadam ex parte objecti conditionata,
in quibus Deus futura conditionata certè pra-
videat.* p.771

§. I. Quibusdam annotatis stabilitur conclusio
atque auctoritate probatur. ibid.

§. ultim. Alia argumenta dissolvuntur, &
quadam notatu digna explicantur. p.793

ART. XIV. Vtrum Deus cognoscat enuntiabilia.
pag.805

CAP. I. Solvuntur argumenta. p.808

ART. XV. Vtrum scientia Dei sit variabilis.
pag.812

CAP. I. Solvuntur argumenta. p.815

ART. XVI. Vtrum Deus de rebus habeat scien-
tiam speculativam. p.821

Solvuntur argumenta. p.824

*Facultas Reverendissimi Patris Fr. Antonii
de Monroy, totius Ordinis Prædicatorum
Magistri Generalis.*

NOS FR. ANTONIVS DE MON-
ROY S. Theol. Professor, ac Ord.
FF. Prædicatorum humilis Magister Ge-
neralis & servus : Harum serie nostri-
que autoritate officii Tibi à R. Patre
Mag. Fr. NICOLAO ARNV hujus no-
stri Collegii S. Thomæ de Urbe studio-
rum Regenti facultatem concedimus ut
typis mandare possis opus à te compo-
situm, cui titulus ; *D. Thomas Aquinas Do-
ctor Angelicus, Divina voluntatis & sui
ipsius in Summa Theologia fidelissimus In-
terpres, &c.* jam revisum & approbatum à
duobus nostri Ordinis S. Theologiæ
Magistris ; servatis aliàs de jure servan-
dis. In nomine Patris & Filii & Spiritus
Sancti, Amen. Dat. Romæ in Conventu
nostro S. Mariæ super Minervam die 5.
mensis Aprilis 1678.

FR. ANTONIVS DE MONROY
Magister Ordinis.

Registrata fol. 15.

FR. FRANCISCUS JUSTINIANUS
Mag. & Soc.

† *Loco sigilli.*

A P P R O B A T I O.

EX mandato Reverendissimi Patris Generalis Fr. Antonii de Monroy, vidimus & perlegimus Theologiam A. R. P. Magistri Fr. NICOLAI ARNV, Collegii Sancti Thomæ de Urbe studiorum Regentis, nihilque in eo offendimus aut à fide absonum, aut probatis moribus adversum, sed omnia solida, Sanctis PP. & Scholæ Thomisticæ consentanea, & difficillima quæque perspicacis Autoris ingenio clara & pervia facta; arbitramur proinde, in publicam Theologorum utilitatem & luce & prælo dignam. Romæ in Conventu Sanctæ Mariæ super Minervam. 3. Aprilis 1678.

FR. ANTONIVS CLOCHE, *Sacra
Theologia Mag. Ord. FF. Præd.*

FR. GVINANDVS WYNANS, *Sacra
Theologia Magister.*

A P P R O B A T I O.

HAnc Theologiam ex commissione Reverendissimi Patris Magistri Sac. Palatii legi, & consideravi, nihilque in eo quod Sacræ Doctrinæ adversetur, reperi; ideoque summa cum utilitate excudi posse censeo. Die 4. Aprilis 1678.

LAVRENTIVS BVLBVL, *Cler. Reg.
Minor. S. Congr. Indicis Consultor.*

IMprimatur
Si videbitur Rev. P. Mag. Sac. Palatii Apost.
I. DE ANG. Archiep. Urbin. Vicesg.

IMprimatur.
FR. RAYMUNDVS CAPISVCCVS.
Ord. Prædic. Sac. Pal. Apost. Mag.



SVMMMA PRIVILEGII
Regis Christianissimi.

LUDOVICUS XIV. Dei gratiâ Galliarum & Navarræ Rex Christianissimus, singulari Privilegio sanxit, ne quis per universos Regnorum suorum fines, intra sex annos à die novæ impressionis finitæ computandos, imprimat, seu typis excudendum curet & venalem habeat librum qui inscribitur, *Doct̃or Angelicus Divus Thomas Aquinas, divina voluntatis, & suisipsius in Summa Theologia Fidissimus Interpres, atque Doctrinæ Patrum Observantissimus Custos, in lucem publicam editus ad commodam Theologorum eruditionem auctore, NICOLAO ARNU, Presbitero Ordinis Predicatorum, S. Theologiæ Magistro necnon Doct̃ore Regente, præter Bibliopolam aut Typographum ab eodem auctore commissum.* Ita prohibuit Rex sub pœnis latis in diplomate Regio ut latiùs patet in eo. Datum Chavillei vigesima-sexta die

mensis Augusti anno Domini millesimo
sexcentesimo-octogesimo.

Ex mandato Regis.

Signatum DALENTIN.

Peraeta hac impressio die 12. Martii 1686.

TOMI



TOMI SECUNDI

IN PRIMAM PARTEM

D. THOMÆ,

PARS PRIMA,

DE SCIENTIA DEI,

& his quæ illam consequuntur.



QVÆSTIO XIV.

De Scientia Dei.

POST considerationem eorum, quæ ad divinam substantiam pertinent, de his considerandum restat, quæ ad illius operationem spectant. Et quia operatio quædam est, quæ in operante manet; quædam verò quæ in exteriorem effectum procedit: Primò agemus de scientia & voluntate (nam intelligere in intelli-

Tom. I I. Pars I.

A

2 *Quaest. XIV. De Scientia Dei,*
gente est, & velle in volente:) & postmo-
dam de potentia Dei, qua consideratur ut
principium operationis divina in exteriorem
effectum procedentis. Quia verò intelligere
quoddam vivere est: post considerationem
Divina scientia, de vita Divina conside-
randam erit. Et quia scientia verorum est,
erit etiam de veritate & falsitate agen-
dum. Rursum, quia omne cognitum in cog-
noscente est, rationes autem rerum, quate-
nus sunt in Deo cognoscente, idea vocantur,
cum scientia consideratione, erit etiam ad-
jungenda consideratio de ideis.



ARTICVLVS PRIMVS.

Vtrum in Deo sit Scientia.

CAPVT PRIMVM.

Relatis quibusdam dicendi modis statuitur
in Deo esse scientiam, & probatur tum au-
thoritate, cum ratione D. Thoma.

I. **Q**uamvis omnes Philosophi, ac Sapientes
 Dist. 35. ipso convicti rationis naturalis lumine
 q. 1. a. 1. 1. Deo scientiam concessisse reperiantur, nec ta-
 cōt. gēt. men verè, aut quemadmodum oportet, teste D.
 c. 46. de Th. q. 2. de verit. art. 1. in c. Quidam etenim ipso-
 ver. q. 2. rum intra ingenij sui, & humanæ scientiæ com-
 a. 1. opus pressi

pressi angustias, opinati sunt Dei scientiam, quemadmodum & nostram, dispositionem non nullam esse illius essentiae superadditam, cū perfectionem ejus. Quod planè absurdum est, & à fidei regulis dissonum. Simplicitatem enim omnimodam Deo adimit, & realem in eo compositionem ex substantia & accidente inducit. Etenim illa dispositio divinæ accrescens naturæ, qualitas esset, & subinde accidens reale ipsius. Insuper Deus est suum esse purissimum: quapropter aliquo neutiquam participat, vel participare potest: sed si scientia esset quædam dispositio illius essentiae superaddita, participaret quoddam esse, videlicet actu vel habitu scientem esse: ergo nequit ullatenus esse, aut dici dispositio realis Dei essentiae superaddita. Maj. patet, quia si participet aliquod esse, oportet ut ab alio ipsum accipiat; ac subinde ipse Deus non erit, qui sibi ipsi per essentiam suam est omnino essendi causa.

Alij nonnulli existimaverunt scientiam, & quamlibet aliam perfectionem in Deo, quæ ab ejus essentia concipitur distincta, in eo formaliter non inveniri, sed per modum causalitatis, & remotionis, hoc est, Deum scientem dici, quòd in nobis scientiam causet; vel quatenus omnis prorsus ab eo ignorantiae defectus removendus est: Ita sensuunt Avicenna *lib. 1. de intelligentia cap. 1.* Rabbi Moyses *lib. 1. cap. 57. & 58.* & alij antiqui, quibus subscripsisse videtur Origenes. Quæ sententia, quamvis à vero non aberret omnino, nec tamen plenè veritatem explicat, aut ejus rationem reddit: Primò, quia eodem prorsus modo in divinam prædicationem veniret quidquid à Deo in rebus causa-

2. c. 18.
& 35. lib.
12. Metaph. 1.

2.
Loco cit.
& 1. sent.
dist. 2. q.
1. 2. 2.

tum est : ac subinde non minùs propriè dicetur moveri , quam sapere , cum aequè motum in rebus , ac sapientiam producat ; quod absurdum est. Secundò , illa quæ propriè de causatis & causis dicuntur , propter causas causatis insunt , & non è contra , v. g. quia calidum inest igni & ferro , igni tanquam causæ ; & ferro ignito tanquam effectui , non inest igni propter ferrum , sed ferro propter ignem ; sed Deus in nobis scientiam causat : ergo scientia , sive scientem esse , non effertur de Deo , aut ipsi propter creaturas inest , sed potiùs creaturis propter Deum , cum sit perfectio ipsius scientis.

3. Idcirco alij dixerunt scientiam , & alias ejusmodi perfectiones per quandam proportionis similitudinem Deo attribui , quemadmodum & passiones iræ , & alias id genus , itaut sicut Deus iratus dicitur , quia ad modum irati se habet , vel similem irato producit effectum (namque punit , & supplicio mulctat , quod est iræ peculiaris ac proprius effectus , quamvis ipse Deus iræ passione non laboret :) haud aliter sciens dicitur , quia effectum scienti similem præstat. Quemadmodum enim opera scientis ex determinatis principiis ad determinatos fines procedunt , ita ipsa naturæ opera quæ divinitus fiunt , ut patet in 2. Physic. Quæ positio cum dictis Sanctorum pugnat , præsertim D. Dionysij *cap. 7. de Divinis nom.*

4. Prima conclusio : In Deo verè est scientia , nec ei debet attribui metaphoricè duntaxat , sed sicuti perfectio realiter & propriè in eo existens , & ratione ab ejus essentiâ distincta. Scientiam in Deo existere , prout certam & evidentem rerum notitiam dicit , catholica fides confite-
tur,

Art. I. An in Deo sit scientia, Cap. I. 5

tur, & plurima sacræ Scripturæ testimonia D. Th. ibidem.
ostendunt. Dicitur enim de ipso Deo Iob. cap. 9. & 19. quodd, *Sapiens est corde, & fortis robore:*
Et quodd, *Apud ipsum est fortitudo & sapientia,*
Quæ nonnisi de sapientiâ, sive scientiâ propriè dictâ intelligenda veniunt. Vocatur namque sapiens corde, quasi geminando sapientiæ rationem, quæ & per cor in Scripturâ significari consuevit, ut notet perfectissimam in eo sapientiam, & excellentissimam scientiam, cum quâ nulla humana cognitio, quantumlibet perspicua, comparari queat. Proptereaque ibi de sapientia sermo est, prout ad perfectam, & omnibus suis numeris absolutam providentiam requiritur, ut notum est: hæc autem est in ipso providente propriè existens, cum sit suapte naturâ in finem directiva per cognitionem. Quod insinuat D. Gregorius lib. 9. Moral. cap. 1. dicens: *Quid mirum si conditorem sapientium sapientem dicimus, quem ipsum esse sapientiam scimus? Et quid mirum quod fortem esse memorat, quem esse fortitudinem nullus ignorat? Sed sanctus vir duobus verbis in laudem auctoris prolatis aliquid nobis intimat, unde nos ad cogitationem nostram trepidos reducat. Sapiens quippe Deus dicitur, quia occulta nostra subtiliter agnoscit: & esse fortis adjungitur, quia valenter cognita percutit. Nec falli ergo à nobis, quia sapiens: nec vitari, quia fortis est, valet.*

Insuper cap. 12. Iob. dicitur de Deo: *Apud ipsum est sapientia & fortitudo, & ipse habet consilium & intelligentiam: Ipse novit & decipientem, & eum qui decipitur, &c.* Ex quibus verbis S. Th. hoc argumentum desumit: ille 5.
sapientiâ pollere dicitur, seu esse egregiè sa- Ibidem lect. 2.

piens, qui rectum de omnibus judicium habet, sed ille rectum habet de rebus judicium, qui non modò non mentitur, sed mentientem ostendere potest, seu discernere quomodo aliquis decipiat à veritate declinans: ergo in Deo propriè est sapientia, seu scientia, cum noscat & decipientem, & eum qui decipitur. Idcirco idem Iob c. 21. agebat: *Nunquid Deum docebit quispiam scientiam, qui excelsos judicat.*

Loc. cit. Ex quibus idem S.D. hoc deducit argumentum: Nullus judicat quæ ignorat; sed Deus excelsos quoque judicat, & in statera judicij sui opera eorum appendit, & multò magis humilia aspicit: igitur in eo est scientia. Qui enim, inquit Gregorius lib. 15. c. 32. *Super nos mirafacit, constat procul dubio, quia de nobis scienter omnia disponit.*

6. Eadem veritas stabilitur Esther 14. *Domine, ait, qui habes omnium scientiam.* Ecclesiast. 42. *Cognovit Dominus omnem scientiam,* Psal. 138. *Mirabilis facta est scientia tua ex me.* Ad Rom. 11. c. *O altitudo divitiarum sapientia & scientia Dei.* Coloss. 2. *In quo sunt omnes thesauri sapientia, & scientia Dei.* Quæ testimonia ad sensum metaphoricum detorqueri nequeunt: tum quia juxta communem regulam à D. Augustino traditam lib. 2. de doct. Christiana cap. 10. Verba Sacrae Scripturae sunt propriè accipienda, cum nullum sequitur absurdum, vel inconveniens: quod non sequitur ex eo quod constituatur in Deo scientia: cum ista secundum rationem suam dicat perfectam cognitionem. Quapropter idipsum testantur communiter Patres. Philosophi etiam tanquam veritatem lumine naturali notam asserunt. *Quinimmo hujus fidei veritas,*

Art. I. An in Deo sit scientia. Cap. I. 7

tas, inquit D. Thom. tantum apud homines inva-
luit, ut ab intelligendo nomen Dei imponderent.
Nam Theos, quod secundum Græcos Deum sig-
nificat, dicitur à theaste, quod est considerare. Vi-
de quæ dicta sunt supra q. 13. art. 8.

Lib. 1.
cōt. gēt.
cap. 44.

Deinde probat suam conclusionem S. D. ra-
tione, quæ in hunc modum deduci potest.
Scientia nihil aliud sonat, quam perfectam rei
cognitionem: sed Deus est perfectissime cog-
noscens, sive intelligens: ergo est perfectissi-
mè sciens, seu in eo est perfectissima scientia.
Prob. min. immaterialitas alicujus rei est ra-
tio quòd ipsa sit cognoscitiva, & secundum mo-
dum immaterialitatis est modus cognitionis:
sed Deus est in summo immaterialitatis, cum
sit ipsum esse subsistens & illimitatum: ergo
est etiam in summo cognitionis, seu est perfe-
ctissime cognoscens & intelligens. Minor quo-
ad 1. partem prob. In hoc differunt cognoscen-
tia à non cognoscentibus, in perfectione essen-
di & gradu naturæ, quòd non cognoscentia ni-
hil habent, nisi formam suam tantum, sed
cognoscens natum est habere etiam formam
rei alterius: sed natura cognoscens id non ha-
bet, nisi quia est quodammodo immaterialis,
& elevata super materialia & cognitione desti-
tuta: ergo rei ipsius immaterialitas est ratio
cur ipsa sit cognoscitiva. Mai. Patet, quia spe-
cies cogniti est in cognoscente: sed species
cogniti est ut forma, & actus cognoscentis, per
eam enim fit actu cognoscens: ergo cognos-
cens natum est habere etiam formam rei alte-
rius: Minor verò prob. cognoscens non est ap-
tum natum habere plures formas, nisi in quan-
tum natura ejus est minùs limitata & coarctata,

7.
Hic & 1.
cont.
gēt. c. 44.
& q. 2. de
verit.
art. 2.

Supra q.
7. art. 1.

8 *Quaest. XIV. De Scientia Dei,*

quam natura ipsius rei non cognoscentis, habetque maiorem amplitudinem & extensionem, quam ista: sed natura cognoscens non est minus limitata, quam natura non cognoscens, nisi quia illa magis à materia recedit, per quam fit coarctatio formæ: ergo per id natura cognoscens nata est habere etiam formam rei alterius, quia est immaterialis, & quodammodo supra materiam elevata. Maj. Patet ex Philosopho 3. *de anima com.* 15. & 37. dicente, quod anima est quodammodo omnia, quia nata est cognoscere omnia. Minor etiam est manifesta: quia per materiam determinantur, & limitantur in suo esse formæ, seu perfectiones. Confirmat hoc S. D. autoritate Arist. 2. *de anima tex.* 124. dicentis, quod plantæ propter suam materialitatem non cognoscunt.

8.

Loc. cit.
& 2. 2. q.
8. art. 1.

Quoad secundam autem partem prob. Prima minor: licet sensus quilibet sit cognoscitivus, quia est receptivus specierum sine materia, tamen intellectus magis cognoscitivus est quam sensus, cum rerum quidditates penetret; sensus verò circa exteriora duntaxat, & accidentia sensibilia occupatur; sed intellectus non est magis cognoscitivus, nisi quia est magis separatus à materia, & immixtus, ut dicitur *lib.* 3. *de anima tex.* 4. ergo secundum modum immaterialitatis est modus cognitionis.

9.

Lib. 12.
metaph.
lect. 8. &
1. cont.
gent. c.
44

Conf. in tantum aliqua natura est agens in quantum est actu: ergo in tantum est aliquid cognoscens, seu intelligens, in quantum est in actu in linea intelligendi: sed est in actu in hac linea per hoc quod attingit ipsum intelligibile, & ei unitur ut formæ: ergo in tantum est cognoscens seu intelligens, in quantum habet

bet suscipere ipsum intelligibile ut propriam formam : sed nihil suscipit aliud ut propriam formam nisi sit inter utrumque proportio, quia unumquodque recipitur ad modum recipientis: ergo inter cognoscens & cognoscibile debet esse proportio : sed est aliquid intelligibile per hoc quod est à materia separatum : ergo & erit cognoscens prout fuit immateriale.

Pro intelligentia notandum est ex D. Thom. quod res aliqua invenitur perfecta dupliciter. 10.
Qu. 2.
de verit.
art. 1. c.
Vno modo secundum perfectionem sui esse, quod ei secundum propriam speciem competit: sed quia esse specificum unius rei est distinctum ab esse specifico alterius : ideo in qualibet re creata huiusmodi perfectioni habitæ, in unaquaque re, tantum deest de perfectione simpliciter, quantum perfectionis in aliis speciebus invenitur, ut sic cujuslibet rei perfectio in se considerata sit imperfecta, veluti pars totius perfectionis Vniversi, quæ ex singularum rerum perfectionibus invicem adunatis confurgit. Vnde ut huic imperfectioni aliquod remedium adhiberetur, invenitur alius modus perfectionis in rebus creatis, secundum quod perfectio, quæ est propria unius rei, in altera invenitur : & hæc est perfectio cognoscentis, in quantum est cognoscens. Quia secundum hoc à cognoscente aliquid cognoscitur, quod ipsum cognitum est aliquo modo apud cognoscentem. Et secundum hunc modum possibile est, ut in una re totius universi perfectio existat. Vnde hæc est ultima perfectio, ad quam anima, secundum Philosophos, pervenire potest, ut in ea totus Vniversi ordo, & causarum ejus describatur. In quo etiam finem ultimum humanæ

10 *Quæst. XIV. De Scientia Dei,*
humanæ vitæ constituerunt, qui secundum nos
in visione Dei situs est, quem videntes omnia
vident, secundum illud Gregorij lib. 4. Dialog.
c. 33. *Quid est quod non videant, qui videntem
omnia vident?*

11. *Ibidem.* Perfectio autem unius rei in altera esse ne-
quit secundum determinatum essendi modum,
quem in illa sortiebatur. Quapropter, ut nata
sit in re altera esse, oportet eam considerare
absque his, quæ nata sunt eam determinare: &
quia formæ & perfectiones rerum per mate-
riam determinantur, inde est, quod secundum
hoc est aliqua res cognoscibilis, secundum
quod à materia separatur. Vnde etiam oportet
ut id, in quo suscipitur talis rei perfectio, sit
etiam immateriale; si enim materiale esset, per-
fectio recepta esset in eo secundum aliquod esse
determinatum: & ita non esset in eo secundum
quod est cognoscibilis, scilicet prout existens
perfectio unius, est nata esse in altero. Et ideo
erraverunt antiqui Philosophi & posuerunt,
simile simili cognosci, volentes secundum hoc
quod anima, quæ cognoscit omnia, ex omni-
bus naturaliter constitueretur, ut terrâ terram
cognosceret, aquâ aquam, & sic de aliis. Exi-
stimarunt enim, quod perfectio rei cognitæ in
cognoscente determinatum esse haberet, quem-
admodum & in propria natura illud habet;
quod omnino falsum est. Non enim ita recipi-
tur forma rei cognitæ in cognoscente, quem-
admodum formæ naturales in materia prima:
nam in intellectu cognoscente oportet eas im-
materialiter recipi, & non materialiter. Vnde
videmus quod secundum ordinem immateria-
litas in rebus, natura cognitionis invenitur;
Plantæ

Plantæ enim & alia, quæ infra plantas sunt, nihil immaterialiter possunt recipere, & ideo omni cognitione destituuntur. Sensus autem recipit species sine materia, sed tamen cum conditionibus materialibus: intellectus autem etiam à conditionibus materialibus species depuratas recipit. Similiter est etiam ordo in cognoscibilibus. Quia igitur Deus est in fine separationis à materia, cum ab omni potentialitate sit penitus immunis, relinquitur quod sit ipse maximè cognoscitivus, & maximè cognoscibilis.

C A P V T II.

Ostenditur in Deo esse verè ac propriè scientiam, & non tantùm communiter dictam.

Cum scientia dupliciter accipi, & usurpata 12.
valeat, primò largè & communiter pro 1. Poster.
qualibet certitudinali cognitione, quâ ratione lect. 7.
de ipsa loquitur Aristoteles 1. Poster. dicens,
quod non omnis scientia est per demonstrationem accepta, sed immediatorum principiorum
est scientia indemonstrabilis: Secundò propriè, prout contra intellectum principiorum
dividitur; quo pacto est certa & evidens cognitio rei per suam causam necessariam, & infallibilem; dubium oritur, utrum in Deo scientia constitui debeat propriè, non modò prout
ly propriè excludit scientiam metaphoricè dictam, sed etiam communiter usurpatam.
Negat P. Vasquez disp. 4. c. 4. num. 9. & disp. 85.

c.7.num.48. Affirmant verò communiter Theologi .

13. *Secunda conclusio: datur in Deo verè & propriè scientia, ut distinguitur à scientia communiter dicta. Prob. omnis perfectio, quæ in aliquo genere entium reperitur, & in suo conceptu nullam dicit imperfectionem, formaliter & propriè in Deo constituenda est: sed inter rerum perfectiones potissima est esse intellectuum intellectu adeptu, seu perfectè scientem, atque intelligentem: ergo oportet in Deo scientiam strictè dictam constituere, cum ista in suo conceptu nullam imperfectionem involvat. Maj. Patet; minor verò prob. Vivum simpliciter est melius non vivente, & inter viventia melius est vegetativum sensitivo, & intellectuum utroque melius est, quia utrumque includit, & novum gradum seu perfectionem superaddit: & denique intellectuum intellectu adeptu est melius intellectivo in potentia, vel in habitu, quia habitus est quodammodo medius inter potentiam & actum, unde sciens in habitu dormienti comparatur: ergo rerum potissima perfectio est esse intellectuum intellectu adeptu, seu perfectè scientem.*

14. *Hanc rationem insinuat D. August. lib.1. de doct. Christ. cap.6. & 7. dicens: Itaque hoc omnes Deum consentiunt esse, quod cæteris rebus omnes anteponunt. Et quoniam omnes qui de Deo cogitant, vivum aliquid cogitant, illi soli possunt non absurda, & non indigna de Deo asstimare, qui vitam ipsam cogitant, & quæcunque illis forma occurrerit corporis, eam vitâ vivere vel non vivere statuunt, & viventem non viventi anteponunt, eamque ipsam viventem corporis formam, quantalibet luce præfulgeat,*

Art. I. An in Deo sit scientia. Cap. II. 13
 fulgeat, quantalibet magnitudine praeamineat,
 quantalibet pulchritudine ornetur, aliud esse ip-
 sam, aliud vitam, qua vegetatur intelligunt, eam-
 que illi moli, qua ab illa vegetatur & animatur,
 dignitate incomparabili praeferrunt. Deinde ipsam
 vitam pergunt inspicere, & si eam sine sensu ve-
 getantem invenerint, qualis est arborum, prapo-
 nunt ei sentientem, qualis est pecorum, & huic
 rursus intelligentem, qualis est hominum. Quam
 cum adhuc mutabilem viderint, etiam huic ali-
 quam incommutabilem coguntur praeponere; illam
 scilicet vitam, qua non aliquando desipit, aliquan-
 do sapit, sed potius est ipsa sapientia. Sapiens
 enim mens, id est adepta sapientiam, nec fuit un-
 quam insipiens, nec esse unquam potest. Quam si
 non viderent, nullo modo plenam fiduciam vitam in-
 commutabiliter sapientem commutabili vite ante-
 ponerent.

Dices, quod licet esse intellectuum intelle-
 ctu adepto sit potissima omnium perfectio, non
 tamen esse scientem scientiam strictè & proptiè
 dictam, hæc enim in suo conceptu intrinsecè
 claudit imperfectionem: Etenim dicit cogni-
 tionem conclusionum causatarum ex principiis;
 in Deo autem nihil causatum reperiri potest;
 nec aliquid per modum conclusionis cognoscit:
 aliàs à principiis ad conclusiones descenderet,
 quod etiam ab Angelis, ceu quid imperfectum,
 removet Dionysius 7. cap. de divin. nom. Simi-
 liter illud quod scitur, per aliquid magis no-
 tum sciri debet, nimirum conclusiones seu
 principia, quæ sunt notiora conclusionibus:
 Deo autem non est aliquid magis vel minus
 notum.

Contra quando aliquid ex creaturis ad
 Deum,

15.
 Qu. 2.
 de verit.
 a. l. arg.
 4. & 5.

16.

Ibid. ad 4. Deum, seu divinam transfertur prædicationem, ab eo removendum est, quidquid imperfectionis dicebat, ex eo quod in tali subjecto reperiatur; servandum autem omne id quod perfectionis ipsi inerat: sed quod scientia sit cognitio conclusionum descendens à cognitione principiorum, ceu magis notorum ex parte cognoscentis, habet ex subjecto, in quo reperitur, nimirum intellectu humano, qui dum actu principia intelligit, solum in potentia scit conclusiones; certitudo autem cognitionis ad perfectionem scientiæ pertinet: ergo, cum ratio scientiæ Deo attribuitur, non debet cum hac imperfectione attribui, quam in nobis ex modo imperfecto cognoscendi contrahit, sed debet ab huiusmodi imperfectione denudari, & denudata perfectissimè Deo attribui, ac magis propriè quam in nobis reperiatur, quoad rem significatam.

17. Conf. quamvis in Deo non sit aliquid magis & minùs notum, si consideretur modus cognoscentis, quia eodem intuitu omnia videt: tamen si consideretur modus rei cognitæ, Deus cognoscit quædam esse magis cognoscibilia in seipsis, & quædam minùs, & effectus maximè per causas cognoscit: sed hoc & nihil ampliùs ad rationem scientiæ propriè & strictè dictæ requiritur: ergo hæc propriissimè in Deo attribuenda venit. Mai. patet, quia inter omnia maximè cognoscibilis est ejus essentia, & per eam sicut per causam ex parte objecti omnia cognoscit, ut infra probabitur. Minor etiam est evidens, quia ad scientiam propriè dictam nil aliud exigitur nisi quodd sit certa & evidens rei cognitio per suam causam ex parte rei cognitæ

nitæ ; non verò desideratur, quod ex parte cognoscentis una cognitio sit ab alia causata , quia in tantum hoc evenit , in quantum cognoscens uno cognito non perfecte attingit aliud simplici intuitu ; unde certificari debet de illo per resolutionem ad principia , resolutio autem præsupponit ex parte cognoscentis quandam compositionem , & descensum à principiis ad conclusiones. Vnde Angelus absque tali descensu , & resolutione perfectam habet scientiam , simplici intuitu res cognoscens. Sed de his amplius infra.

C A P V T III.

Solvuntur argumenta contraria.

ARg. 1. contra 1. quidquid in sua ratione 18.
formali imperfectionem claudit, Deo, ^{Hic, &}
saltem propriè, attribui nequit : sed scientia in ^{q. 2. de}
sui ratione imperfectionem claudit : ergo Deo ^{verit. a. 1.}
scientia propriè dicta attribui nequit. Prob.
min. omnis actus primus dicit imperfectionem
respectu actus secundi, seu operationis : sed
scientia habet rationem actus primi, sicut
considerare actus secundi rationem sortitur, ut
dicitur in 2. de anima : ergo scientia in sui ra-
tione imperfectionem claudit. Maj. patet, quia
actus primus est ut potentia respectu actus
secundi.

Conf. quælibet cognitio scientifica propriè 19.
dicta est causata, causatur enim ex decursu Ibidem
principiorum in conclusiones, & collatione
earum ad principia veluti causas : sed in Deo
nihil

16 *Quaest. XIV. De Scientia Dei,*
nihil est causatum, & multominus discursus,
quia iste est motus animæ rationalis exeuntis
de potentia in actum considerandi: ergo in
Deo non datur scientia propriè dicta.

20. Resp. neg. min. Ad cujus prob. dist. maj.
Loc. cit. & q. 2. de pot. 2.1. & q. 1. a. 1. omnis actus primus, qui per essentiam est
conjunctus cum actu secundo, vel omni po-
tentialitate carens, dicit imperfectionem res-
pectu actus secundi, nego: actus primus, qui
non est per essentiam conjunctus cum actu se-
cundo, sed est in potentia ad ipsum, concedo
maj. Et dist. min. Scientia secundum suam ra-
tionem absolute & simpliciter sumptam est
actus primus separatus ab actu secundo, & po-
tentialitati admixtus, nego: prout habet esse
in tali subjecto, nimirum intelligente exeunte
de potentia in actum intelligendi, concedo.
Non sic autem est in Deo, sed essentialiter con-
jungitur cum actuali consideratione, cum essen-
tialiter sit ipsum esse Dei, atque ejus intel-
ligere.

21. Resp. ad conf. quod licet Dei scientia omni
Loc. cit. discursu careat, non tamen omni causalitatis
ratione: etenim scientia actualis, qualis in
Deo constituitur, essentialiter est cognitio rei
per suam causam. Quo supposito Doctores
communiter respondent, quod esto essentia
Dei (quæ est ratio cognoscendi se & alia om-
nia, sicut medium in demonstratione est per
se notum, & ratio cognoscendi conclusionem)
non sit causa realis actualis productiva eorum
quæ sunt in Deo, nimirum attributorum; ta-
men est causa virtualis eorum, quia videlicet
si attributa causam haberent, ab ipsa Dei
essentia veluti à causa dimanarent. Quod suffi-
cit

Art. I. An in Deo sit scientia, Cap. III. 17

cit ut sit cognitio scientifica, & cognitio rei per suam causam. Nam & Metaphysica propriè scientia est, & tamen non demonstrat proprietates de suo subjecto reipsà ab ea fluentes, & distinctas, sed virtualiter duntaxat. Sed nos ex dicendis respondemus quod licet ex parte cognitionis in Deo non detur causalitas, tamen ex parte objecti cognoscit unum esse causam alterius, quod sufficit. Causalitas enim ex parte cognitionum solum exigitur in intellectu discurrente, & procedente de noto ad ignotum, seu notiori ad minùs notum.

Argum. 2. ad rationem scientiæ propriè dictæ requiritur, ut minùs notum per aliquid notius cognoscatur, propter quod enim unumquodque tale & illud magis: sed in Deo non datur aliquid magis vel minùs notum: ergo neque scientia propriè & strictè sumpta. Minor patet, quia Deus simplici intuitu omnia perfectissimè videt & cognoscit.

22.
Qu. 2.
de verit.
arg. 5.

Conf. in Deo non datur propriè intelligere: sed scire est quoddam intelligere: ergo in Deo non reperitur scientia propriè dicta. Prob. maj. arg. 1. primò, quia intelligere est quoddam pati & moveri, ut patet ex Aristot. 1. de anima tex. 12. & 18. motus autem & passio Deo repugnant. Secundò, quia in Deo non datur potentia intellectiva propriè dicta: sed operatio dispositionem ipsius potentiz sequitur: ergo neque in ipso datur intelligere propriè. Maj. prob. ex D. Thom. dicente: *Quia verò nihil est sui ipsius principium cum divina actio non sit aliud quam ejus potentia, manifestum est ex predictis, quòd potentia non dicitur in Deo sicut principium actionis, sed sicut principium facti: Vnde si aliqua*

23.
Ibidem
arg. 1.
Lib. 2.
còr. gèt.
c. 10.

actiones Deo convenient, quae non in aliquod factum transeant, sed maneant in agente, respectu horum non dicetur in Deo potentia, nisi secundum modum intelligendi, non secundum rei veritatem. Hujusmodi autem actiones sunt intelligere & velle: potentia igitur Dei propriè loquendo non respicit hujusmodi actiones, sed solos effectus. Intellectus igitur & voluntas non sunt in Deo ut potentia, sed solum ut actiones. Tertio, quia intelligere est quoddam vivere: sed vivere dicit actum viventis, à quo ceu principio elicitivo, & modo vitali egreditur: ergo cum in Deo repugnet unum procedere ab alio, ut à principio elicitivo, & productivo ejus, intelligere propriè in Deo reperiri nequit.

24.
Loc. cit.

Resp. ad arg. S. Doct. quòd quamvis in Deo non sit aliquid magis, vel minùs notum, si consideretur modus cognoscentis, quia eodem intuitu omnia videt: tamen si consideretur modus rei cognitæ, Deus cognoscit quædam esse magis cognoscibilia in seipsis, & quædam minùs: sicut inter omnia maximè est cognoscibilis sua essentia, per quam quidem omnia cognoscit, non aliquo discursu, cum simul videndo essentiam suam omnia videat; unde & quantum ad istum ordinem, qui potest attendi in divina cognitione ex parte cognitorum, etiam salvatur in Deo ratio scientiæ.

25.
1. dist. 8.
q. 1. 2. 2.
corp.

Contrà modus cognitionis non sequitur modum rei cognitæ, sed modum cognoscentis, ut ex Boëtio docet S. Doct. sed scientia ex se est quædam ignoti cognitio, seu cognitio minùs noti per notum: ergo si ex parte cognoscentis in Deo non datur magis & minùs notum, non erit in eo cognitio scientifica propriè

Art. I. An in Deo sit scientia. Cap. III. 19

prædicta. Maj. prob. quia cognitio non fit, nisi secundum quod cognitum est in cognoscente : sed unumquodque est in aliquo per modum ipsius, & non per modum sui, ut dicitur in lib. de caus. prop. 10. ergo oportet ut cognitio fiat secundum modum cognoscentis.

Resp. dist. Maj. modus cognitionis non 26.
sequitur modum rei cognitæ, secundum esse Loc. cit.
quod habet ad extra, concedo : secundum esse
quod habet in cognoscente mediante sua
specie, nego : ex objecto enim ut unito cum
potentia in ratione principij formalis determi-
nativi ipsius actus intelligendi ad speciem, pa-
ritur notitia in aliqua specie determinata, ut
hominis, vel equi, &c. Notum autem, & ig-
notum sunt rei differentia prout habet esse in
cognoscente. Vnde potest dari magis, & mi-
nus notum, non quidem ex parte actus intel-
ligendi, prout significatur esse à divino intel-
lectu, sed prout significatur esse ab essentia
divina, tanquam specie repræsentante plura,
quæ in seipsis sunt magis & minus cognosci-
bilia.

Resp. ad conf. quod datur in Deo intelligere 27.
proprie, non ut quædam actio, sed ut actus Hic autem
perfectus. Ad 1. instantiam resp. quod intelli- 2.
gere dicitur quoddam pati, & moveri improprie.
Et hoc quidem habet in nobis, in quantum
est dependens intellectus noster à sensibus
in cognoscendo : sic enim patitur continuum
& tempus ; habetque quodammodo motui &
passioni subesse, quod longè à Deo abest : ac
subinde in ipso intelligere datur per modum
actus perfecti duntaxat, quod est propriissime
intelligere.

18. Ad 2. instantiam fusè dicturi sumus infra.
- Qu. 15. art. 1. Quantum ad præsens expedit, dicimus in Deo verè dari intellectum per modum potentiae in ordine ad actualem intellectionem, non quidem per modum potentiae realiter producentis operationem & physicè, seu agentis cum transmutatione, & separabilis ab actu: sed per modum potentiae grammaticaliter agentis, & essentialiter conjunctae cum suo actu. Et ita venit intelligendus S. Doct. unde ly, *secundùm rei veritatem*, reddit sensum, quod non est ibi potentia respectu actionis, secundum esse, quasi scilicet potentia realiter sit principium productivum actionis: *sed secundum modum intelligendi*; quia enim de ratione actionis in creaturis est, ut à principio sit, ut docet S. Doctor; ideo cum intellectus in Deo concipit aliquid per modum actionis, ut intelligere & velle, concipit ut id, quod est à principio activo, nimirum à potentia; quæ tamen habitudo non est in re, sed tantum in ratione.
- Quaest. 1. de potentia 2. 1. ad 1.

19. Ad 3. instantiam dicimus, quòd in Deo datur intelligere, sicut & vivere per modum actionis grammaticalis & actus perfecti, qui realiter est ipsa ejus essentia, & intellectus: tamen significatur ut egrediens ab eo: non sicut actus à potentia in re, sed sicut actus perfectus ab actu perfecto: quem tamen intellectus noster nequit intelligere, nisi sub ratione potentiae, dum significatur, ut principium actus, qui est operatio. Quod enim est sic principium actus, oportet ut sit potentia, seu ut potentia activa significetur.

20. Arg. 3. de ratione scientiae propriè dictæ est discursus:


Art. I. An in Deo sit scientia, Cap. III. 21

discursus : sed in Deo non datur discursus : ergo in Deo non datur scientia propriè dicta. q. 1. de
verit. 2.
1. arg. 4.
Maj. prob. tum quia scientia est cognitio conclusionum per demonstrationem acquisita, quæ est quidam discursus, Tum etiam quia scientia in hoc ab intellectu principiorum distinguitur, quodd iste veritatem absque discursu attingit ; non verò scientia.

Respondent quidam, in Deo non dari eundem formalem discursum, bene autem virtua-
lem, quod sufficit ad rationem scientiæ : & per id satis superque ab habitu principiorum distingui. Sed profectò hæc solutio non est admittenda, nisi per virtualement discursum intelligatur esse in Deo, quidquid perfectionis est in cognitione scientifica discursiva, nimirum certitudinem cognitionis, & notitiam infallibilem principiorum, uno tamen simplici intuitu, & absque successione, vel causalitate cognitionum adinvicem, ut dicemus *art. 7.* unde.

Resp. cum D. Thom. dist. maj. de ratione scientiæ propriè dictæ est discursus, quantum ad actum perfectum ejus, nego : quantum ad modum acquirendi ipsam per motum inquisitionis, & rationis discurrentis ex principiis in conclusiones, concedo maj. unde cum illud, quod in creaturis reperitur imperfectione aliqua involutum, sit Deo sublatâ imperfectionis facie attribuendum, removendus est discursus à Dei scientia. *Dicendum, inquit, quod quia illud quod in Deo est, in creaturis cum aliquo defectu invenitur, propter hoc oportet, ut si aliquid in creaturis inventum Deo attribuat, separemus totum quod ad imperfectionem pertinet, ut*

31.



32.

quæst. 1.
de verit.
2.1. ad 4.
& in 3.
d. 31. q.
1. art. 4.

22 *Quaest. XIV. De Scientia Dei,*
 solum maneat hoc quod perfectionis est ; quia se-
 cundum hoc tantum creatura Deum imitatur. Di-
 co igitur quod scientia , qua in nobis invenitur,
 habet aliquid perfectionis , & aliquid imperfectionis.
 Ad perfectionem ejus pertinet certitudo ip-
 sius : quia quod scitur , certitudinaliter cognosci-
 tur. Sed ad imperfectionem pertinet discursus in-
 tellectus à principiis in conclusiones , quarum est
 scientia. Hic enim discursus non contingit nisi
 secundum quod intellectus cognoscens principia ,
 cognoscit in potentia tantum conclusiones : si enim
 actu cognosceret , non esset ibi discursus , cum mo-
 tus non sit nisi exitus de potentia in actum. Dici-
 tur ergo in Deo scientia ratione certitudinis de re-
 bus cognitis : non autem ratione discursus predicti,
 qui nec etiam in Angelis reperitur , ut Dionysius
 dicit cap. 7. de divin. nom.

33. Ad 1. prob. similiter dicimus , quod cum
 Ex di- demonstratio sit quidam syllogismus , sicuti
 tis loc. in Deo non datur discursus , sic neque eget
 cit. demonstratione ejus scientia , quæ non est ha-
 bitualis , sed actualis , & per intuitum rei. Nec
 enim de ratione cujuslibet scientiæ est , quod
 sit cognitio conclusionum per demonstratio-
 nem acquisita , sed illius duntaxat quæ colla-
 tiva est , & per inquisitionem , motumque ra-
 tionis acquiritur , ut in nobis contingit. Ad
 1.2 q. 57. 2. prob. resp. non distingui in hoc scientiam
 art. 1. & ab intellectu principiorum , quia illa sit per
 2. q. 2 de demonstrationem acquisita , iste verò non : sed
 verit. art. quia intellectus principiorum respicit verum
 1. ad 5. ut per se notum : scientia autem respicit ve-
 rum , ut per aliud notum , & quia in nobis ad
 hoc opus est discursu & collatione , ideo scien-
 tia nostra per demonstrationem comparari in-
 diget.

Art. I. An in Deo sit scientia. Cap. III. 23

diget. Deus autem omnia unico & simplici intuitu cognoscit, nec ex parte cognoscentis est ei aliquid magis vel minus notum, licet ex parte rei cognitæ cognoscat quædam esse magis cognoscibilia in seipsis, & rationes cognoscendi alia.

Arg. 4. de ratione scientiæ strictè sumptæ est attingere primariò conclusiones demonstratas, cum istæ sint primarium objectum ipsius: sed cognitio Dei non attingit primò & per se conclusiones demonstratas: ergo non est scientia strictè. Minor prob. nam divina cognitio primariò attingit essentiam suam, & in illa intuetur attributa & creaturas: sed veritates scibiles ac demonstrabiles sunt veritates creatæ, aut illæ quibus attributa enunciantur de Deo, non autem divina essentia; hæc enim simplici intuitu, qui est intellectus principiorum, vel sapientiâ attingitur: ergo cognitio Dei non attingit primò & per se conclusiones demonstratas.

Respondetur, omissis variis solutionibus, quas affert Illustriss. Godoy hîc §. 2. dist. maj. de ratione scientiæ est attingere primariò conclusiones, secundum se sumptas, nego: ut visas in principiis, seu medio sciendi, & demonstrandi concedo maj. Namque materialiter scita sunt conclusiones, sed ratio formalis sciendi sunt principia, seu medium. Et dist. min. non attingit conclusiones demonstratas secundum se sumptas, concedo, sic enim sunt materialiter scita: ut visas in divino esse, seu divina essentia, tanquam in medio & ratione sciendi illas, nego min. & conseq. Itaque primum cognitum quo, est divina essentia, sed

34.

35.

*Infra a.
7. c. &
supra q.
1. 1. dist.
35. q. 1.
art. 1. &
2.*

24 *Quaest. XIV. De Scientia Dei,*
secundarium cognitum, & quod sunt res crea-
tæ, quæ secundum esse earum sunt effectus di-
vini esse, & in eo videntur sicut in principio,
& in essentia divina sicut in medio sciendi.
Vide quæ ex S. Thom. diximus tom. 2. clyp.
Phil. q. 15. art. ultimo.

C A P V T IV.

Solvuntur instantia contra rationem
D. Thomæ.

36. *Hic in c. & q. 2. de verit. art. 2.* **A**Rg. 4. contra rationem D. Thom. cum S. Doct. ait, *In hoc cognoscencia à non cognoscentibus differre, quòd non cognoscencia non habent nisi formam suam tantum, cognoscens vero natum est habere etiam formam rei alterius,* vel loquitur de modo habendi naturaliter formam alterius, vel de modo intentionaliter suscipiendi? Si primum dicatur, omnino falsum est, quia lapis secundum esse naturale, quod habet ad extra, non est in intellectu, sed species ejus. Quinimmo hoc admissio non valeret discrimen allatum. Non cognoscens enim præter formam suam naturaliter habet alias, v. g. aqua calorem, paries albedinem, & sic de cæteris accidentalibus formis. Si autem de modo habendi intentionaliter fiat sermo, prout reipsa quidem fit, non est propositio undequaque vera: nam aër etiam intentionaliter recipit colores, tanquam medium deferens species eorum ad oculum; & tamen nullatenus est cognoscens.

37. Quot & quantas solutiones ab interpretibus

bus D. Thomæ hæc instantia extorserit, no-
runt qui legerint, de quibus latè Illustrissimus
Godoy hic §. 3. Quibus omnibus omiſſis bre-
viter dicimus, ibi sermonem eſſe de forma
prout eſt actus & perfectio rei conſtituens eam
in eſſe perfectio, non modò abſolutè & perfe-
ctione proprij eſſe, ſed etiam in habitudine
ad alias perfectiones in aliis entium, quorum-
libet gradibus repertas. Similiter ly *habere*
ſumitur prout includit modum habendi natu-
raliter & intentionaliter. Quapropter cum di-
citur, quòd non cognoscentia non habent niſi
formam ſuam tantum, ſenſus eſt, quòd non
habeant niſi formam ſuam naturaliter, tan-
quam perfectionem ſpecificam, & principium
omnis actualitatis naturaliter ſibi debitæ; v.g.
ignis habet igneitatē duntaxat, quā ſortitur
ſuum eſſe ſpecificum, ignitque ac calefacit,
quæ ſunt operationes propriæ ſpeciem ignis
conſequentes tanquam actus ejus. Cum verò
dicitur, quod cognoscentia natum eſt habere
etiam formam rei alterius, ſermo eſt de modo
habendi intentionaliter quidditates vel formas
aliarum rerum, ut patet: ſtatim enim ſubdit:
Quia ſpecies cogniti eſt in cognoscente. Eſt au-
tem ſpecies cogniti intentionaliter in cogno-
ſcente. Habere autem formas ſic, eſt habere
illas tanquam proprias perfectiones, ſeu actus
perfectivos ipſius naturæ, ſeu potentiæ co-
gnoscitivæ per ſe, & in ordine ad operationem
ipſi cognoscenti propriam ſecundum ſpeciem
ſuam; v.g. cum ſpecies coloris eſt actu in oculo
facit videre tanquam principium formale, &
actus perficiens potentiam in ordine ad pro-
priam & ſpecificam operationem, nimirum
viſionem.

Ex q. 2.
de verit.
art. 2.

1. contra
gent. c.
47. rat. 4.

visionem. Visio enim est proprius actus cognoscentis, seu videntis, in quantum cognoscens seu videns est.

38. Vnde ad 1. nimirum quod non cognoscens præter formam suam quam naturaliter habet, etiam alias habet, dist. habet alias tanquam perfectiones específicas, seu propriarum operationum principia, nego: secundum rationem informandi, & ut principia operationum extranearum à forma, seu natura propriæ speciei, concedo. Et in hoc à cognoscentibus distinguuntur, quia cognoscentia habent tales formas ut proprias perfectiones específicas, & principia formalia propriarum & specificarum operationum; v. g. aqua recipit quidem calorem, sed secundum naturam suam calore non perficitur, quin potius alteratur & corrumpitur, nec calor est principium formale propriæ operationis specificæ ipsius aquæ: sed, cum intellectus recipit speciem seu formam intelligibilem caloris, per eam fit actus, & per eam perficitur in ordine ad propriam operationem, scilicet intelligere: & quod perfectius recipit intentionaliter, eò sit in intelligendo perfectior.

39. Ad illud quod de aëre subditur, resp. dist. aër intentionaliter recipit colores, tanquam perfectiones naturales & específicas, seu ut principia propriarum operationum, & actuum, nego: tanquam medium deferens species coloris ad oculum, ut perficiatur ad videndum, concedo: nam propria operatio aëris non est videre ad quod deservit color lucidus, sed humectare, &c. ad quod receptus color nihil deservit. Nisi dicamus, quod ad genus cognoscibilem

scibilium reducitur quodammodo, prout recipiens intentionaliter colores, quia est medium deferens speciem ejus ad oculum, quò perveniente, & informante ipsum, pròducitur visio.

40.

Igitur cognoscens cum non cognoscente equidem convenit in hoc, quòd utrumque habet suam quidditatem, seu formam naturaliter: naturaliter enim homo habet humanitatem, & quaslibet alias perfectiones ipsam naturaliter consequentes, sicut risibilitatem, &c. Sed in ratione majoris & minoris perfectionis per id distinguuntur, quòd cognoscens est perfectius & magis in actu aliarum rerum, in quantum suscipit intentionaliter illas, tanquam proprias actualitates, per quas est in actu specifico propriæ naturæ, & speciei, & supplet defectum, quem habebat cognoscens, in potentia existens ad alias perfectiones. Et quòd majorem virtutis amplitudinem habuerit cognoscens ad suscipiendas alias formas ceu perfectiones & actus, eò erit perfectius. Vnde cognoscens sensitivum est in infimo perfectionis gradu inter cognoscentia, quia nec recipit omnes formas, nec secundum totalitatem formæ; bene verò intellectivum, quia secundum Aristotelem anima nata est quodammodo fieri omnia: ac subinde perfectius est, & quò magis fuerit in actu formarum, eò perfectius erit, ut in Deo contingit, qui per essentiam suam, tanquam formam intelligibilem est in actu omnium rerum, eo modo quo intellectus est in actu per speciem intelligibilem.

Arg. 5. contra id quod deducit S. Doct. nimirum quòd immaterialitas sit ratio cur aliquid sit cognoscitivum: nam sensus sunt cognoscitivi:

41.

gnoscitivi : & tamen non sunt immateriales, sed materiales & affixi organo corporeo. Multa etiam sunt immaterialia, nec tamen cognoscitiva, aut ratio cognoscendi, sicut charitas, & aliae qualitates spirituales.

42.

q. 2. de
verit. a.
2. c. & 1.
p. q. 79.
art. 3.

Resp. ex S. Doct. quod licet sensus entitativè sit virtus affixa organo corporeo, tamen est mobilis per se intentionaliter ab objecto sensibili, quod est actu motuum ejus proportionatum, & à quo factus in actu sensationem producit. Unde sensus vocatur deficiens ipsius intellectus participatio. Quia intellectus per se habet efficere intelligibilia in actu, si illa in actu non sint in linea intelligibilitatis, ut accidit in rebus materialibus; at verò sensus non est præditus aliquâ virtute activa per quam faciat sensibilia in actu, sed ea actu sunt, & efficiunt seu reddunt ipsum actu sentientem. Quemadmodum enim non implicat ut quidditas rei corporeæ fiat actu intelligibilis, & suscipiens immaterialitatis modum, ita non repugnat ut sensus, qui entitativè est virtus affixa organo corporeo, species sensibilibus modo intentionali suscipiat, & ab eis efficiatur in actu cognoscendi.

Vide q.
de spirit.
creat. a.
2. c.

43.

1. dist. 35.
q. 1. art.
1. c.

Ad illud quod additur, nimirum multa esse immaterialia, quæ non sunt cognoscitiva, resp. quod cum in genere subsistentium, nihil sit immateriale, quod non sit operativum, nihil est immateriale, quod non sit cognoscitivum. Cum enim agere secundum suam rationem communem nonnisi supposito conveniat, quia sequitur ad esse actu seu existere: oportet quod hoc agens, quod est cognoscitivum sit per se subsistens. Et de hac immate-

rialitate

rialitate intelligit D. Thom. quod sit ratio cognoscendi seu operandi in genere cognoscitivo, ut patet ex eodem dicente: *Oportet formas esse intelligentes si sint subsistentes, sic enim solum possunt esse operantes.* Ea propter dist. multa sunt immaterialia, & non cognoscitiva, si sint per se subsistentia, nego: non per se subsistentia, concedo. Dico tamen quod huiusmodi, licet non cognoscant, sunt tamen cognoscentium perfectiones propriæ, in eo quod cognoscentia sunt. Et hoc pacto gratia, charitas, & aliæ qualitates ad genus intelligentium pertinent.

Lib. 1.
cōr. gēt.
cap. 44.
num. 7.

Vide supra q. 8.
art. 3.

Sed instabis, quia voluntas est immaterialis virtus animæ, quæ est per se subsistens: sed tamen non est cognoscitiva: ergo nec omnis immaterialis forma, vel virtus per se subsistens est cognoscitiva.

44.

Resp. dist. min. voluntas non est virtus cognoscitiva, ut eliciens cognitionem, concedo: ut operans cum cognitione, seu per cognitionem, nego. Est enim voluntas essentialiter rationalis. Verumtamen quia bonum, quod est objectum ipsius, secundum rationem, seu formaliter est posterius vero, quod est objectum intellectus, voluntas ipsi intellectui in cognoscendo subordinatur, qui est virtus eliciens cognitionem, per quam voluntas habet operari. Vnde voluntas à S. Doct. nonnunquam vocatur rationalis participativè, quia in operando ab intellectu dirigitur. Eo igitur modo, quo voluntas ad immaterialitatem dicit habitudinem, habet etiam rationem potentia cognoscitivæ, nimirum mediante intellectu, secundum habitudinem ad suum objectum

45.
3. dist. 23.
quæst. 1.
a. 3. dist.
27. q. 2.
a. 3 quæ-
stiunc. 1.
ad 1.

formale,

30 *Quaest. XIV. De Scientia Dei,*
formale, ut mediante apprehensione est forma-
liter motuum ipsius, & reddens actu volen-
tem : & secundum modum operandi.

C A P V T V.

*Solvitur alia instantia, & ostenditur quo-
modo immaterialitas sit radix
cognoscendi.*

46. **A** Rg. 6. ad idem, immaterialitas, quæ po-
nitur ratio cognoscendi, vel est aliquid
positivum, vel negativum? neutrum dici po-
test: ergo non est ratio cognoscendi, vel co-
gnoscibilitatis. Prob. min. imprimis nequit
esse ratio cognoscendi ut aliquid positivum;
quia si ipsa esset quid positivum, vel esset quid
prius ipsa intellectualitate, ceu quid generi-
cum & superius, vel tanquam ratio differen-
tialis & constitutiva? Sed neutrum horum:
ergo non est ratio cognoscendi, ut aliquid po-
sitivum. Min. prob. nam si se habeat ut quid
genericum, ex ea non rectè infertur intelle-
ctuale seu intellectuum esse, quia à superiori
ad inferius affirmativè consequentia non tenet;
v. g. non valet, est vivens: ergo est rationale:
Si autem dicatur se habere tanquam rationem
differentialem, & constitutivam; sequetur,
quòd intellectualitas non sit forma constitui-
va intellectualis naturæ, sed passio ejus ad
rationem immaterialitatis consequens. Dein-
de non est aliquid negativum: Tum quia ens
positivum negatione non constituitur: Tum
etiam quia Deus, & Angelus carent omnino
materia

materia simpliciter : & tamen non sunt æquæ intellectuales & cognoscitivi : ergo negatio materiæ non est ratio & causa intellectualitatis , seu cognoscibilitatis.

Conf. essentia est id quod est prius in re : sed intellectualitas seu intelligere est ipsa Dei essentia , ut supra reliquimus probatum : ergo non habet aliquam rationem in Deo seipsâ priorem : ergo immaterialitas non est causa intellectualitatis in Deo.

Pro majori intelligentia notandum est ex S. Doct. quod dupliciter aliquid ad rationem alterius consequi intelligitur : primò ut ad aliquam positivam rationem , vel causam ; quemadmodum visibile consequitur in homine ad esse animal rationale ; ratio enim cur homo est visibilis , est , quia est rationalis. Secundò tanquam ad aliquid negativum , seu negationem , sicut indivisionem consequitur in ente ratio unius , non quidem sicut ad aliquid positivum enti superadditum , sed sicut ad negationem. Dicitur enim unum indivisum , quia in se divisione caret in eo quod unum est.

Notandum est 2. quod sicut rei subsistenti per se , dum est in actu seu actus perfectus , competit agere : ita & formæ seu quidditati rei esse principium formale quo agendi , assimilationum agentis cum termino producto , vel effectu. Vnde principium quo assimilans verbum productum intelligenti est species seu quidditas rei , quæ quatenus efficit cognoscens in actu , per hoc reddit actu intelligens , & procedit verbum in exercitio simile intelligenti , prout per illam formam agit. Itaque exercere intellectionem , seu agere intellectualiter est ipsius

47.

48.

In 1. dist.
2. q. 1.
art. 3. c.

49.

Opusc.
14.

ipsius entis per se subsistentis, actiones enim sunt suppositorum: sed quòd actio illa sit secundum speciem determinata, est per formam seu speciem intelligibilem, tanquam principium formale continens objectum, & in virtute illius agens.

50.

Dicendum est itaque immaterialitatem quæ ponitur causa & radix intellectualitatis, seu intelligendi, ac intelligibilitatis, non dicere ex parte rei aliquid positivum superadditum naturæ intelligenti, seu intelligibili, sed negationem duntaxat, & remotionem materialitatis: Ac subinde esse intellectuum realiter est ipsummet esse per se simpliciter & in sua puritate: esse verò intelligibile est ratio formæ seu naturæ secundum se, & ut est ratio rei, & actus formalis ipsius, seu lux. Sumitur hæc conclusio ex D. Thoma in 1. dist. 2. q. 1. art. 3. c. ubi ait: *Quæ Deo attribuantur, verificantur dupliciter, vel per modum negationis, vel per modum causalitatis. Per modum negationis dupliciter, vel ad removendum privationem seu defectum oppositum: vel secundum quod aliquid ex negatione consequitur, sicut est de hoc nomine unus, qui ex hoc ipso quod non est divisus, est unus. Similiter ex hoc ipso quod est immaterialis, est intelligens.* Et dist. 35. q. 1. art. 1. c. Dicendum, inquit, quod secundum Dionysium in lib. de divin. nom. tribus viis ex creaturis in Deum devenimus, scilicet per remotionem, per causalitatem, per eminentiam, quarum qualibet nos in Dei scientiam inducit. Prima igitur via, quæ est per remotionem, est hæc; cum a Deo omnis potentia, & materialitas removeatur, eò quòd ipse est actus primus & purus, oportet essentiam ejus esse denudatam

Art. I. An in Deo sit scientia. Cap. V. 33
denudatam à materia & esse formam tantum. Si-
cut autem particulationis principium est materia,
ita forma debetur intelligibilitas. Vnde forma prin-
cipium cognitionis est. Vnde oportet quod omnis
forma per se subsistens separata à materia sit in-
tellectus naturalis natura. Et siquidem sit per se subsi-
stens, & intelligens: si autem non sit per se sub-
sistens, sed quasi perfectio alicujus subsistentis non
erit intellectus, sed principium intelligendi, quem-
admodum omnis forma non in se subsistens non ope-
ratur, sed est operationis principium, ut caliditas
in igne. Et opusc. 70. q. 1. att. 2. ad 4. Intelligibi-
le, ait, videtur magis dici per remotionem quam
per positionem. Ex hoc enim unumquodque est in-
telligibile, quod est à materia immune & se-
paratum.

Prob. breviter eodem modo sequitur esse in-

§ I.

1. p. q. 7.
 2. 1 & hic
 att. 1.

tellectuum, seu esse intelligens ad esse imma-
 teriale, sicut ad esse illimitatum: sed esse illi-
 mitatum non addit supra ens per se, seu esse
 simpliciter, aliquid positivum reale, sed ne-
 gationem duntaxat contractionis formæ ad
 materiam & potentialitatem: ergo similiter
 esse immateriale non est aliquis modus realis
 positivus præter esse per se, ac simpliciter in
 sua puritate consideratum. Maj. prob. ideo non
 cognoscens non est natum habere formam rei
 alterius, quia natura ejus est magis coarctata
 & limitata in actualitate essendi & virtute:
 ergo è contra cognoscens per id natum est ha-
 bere formas aliorum, quia natura ejus est ma-
 gis illimitata, seu majorem actualitatis & vir-
 tutis amplitudinem sortitur: sed non cogno-
 scens est coarctatum hoc modo per immer-
 sionem in materia: quia forma in sua actuali-

tate & virtute per materiae grossitiem fit torpescens, & minùs perfectè actus: igitur non est aliquid illimitatum nisi per remotionem à materia: ergo per hoc aliquid habet esse immateriale, per quod habet esse illimitatum, seu amplitudinem essendi. Hinc fit quod Deus est in summo intellectualitas gradu constitutus, & essentia ipsius est ratio perfectissima intelligendi, quia ejus esse est esse purissimum, seu in sua puritate consistens, & non receptum in aliquo, per cujus commercium impuritatem aliquam contrahere possit. Sub Deo statuuntur Angeli, qui cùm aliquam potentialitatem ex ordine ad nihilum, ex quo prodierunt, contrahant, necessum est ut illorum esse sit actus in sua puritate simpliciter, unde & minùs intellectivi, seu intelligentes sunt: & his minùs homines, quorum forma est corporis actus: in ultimo autem gradu cognoscendi sensitiva locata subsistunt. In Deo est ut lux purissima, in Angelis est lux cadens, in homine obumbrata, quia ratio nascitur in umbra intelligentiae: in sensitivis est immersa: in non cognoscentibus est tenebra. Videnda quæ diximus *tomo 5. clypei Philosoph. q. 14. art. 1.*

52. Nec tamen inde velim inferatur, quod intelligens, seu intelligibile non dicantur de Deo ut perfectiones quædam positivæ in eo existentes, hoc enim nullatenus in mentem venit: sed tantummodo dico, quod esse intelligens & intelligibile, esto sint positivæ perfectiones, non tamen consequuntur physicè immaterialitatem entis sicut rationem aliquam positivam enti superadditam, sed sunt ipsum ens in sua puritate consistens, & ut per se, seu quasi

quasi in statu solitudinis & naturæ secundum se, & ut per se subsistens est, remotaque à materia; sicut esse unum simpliciter in Deo est maxima perfectio, attamen non sequitur ad indivisionem essentia, seu esse divini sicut ad aliquam rationem positivam, sed prout dicit negationem divisionis omnimodam. Ex quibus colligitur primò, quod esse naturale & esse intellectuum, intelligere, aut esse intelligibile in Deo unum & idem sunt, quia ipse est ens seu potius ipsum esse in omnimoda sua puritate consistens, in qualibet autem creatura aliquatenus distinguuntur.

1. cont.
gentes
cap. 47.
rac. 4.

Colligitur secundò, quod huiusmodi demonstratio, qua ex summa immaterialitate divini esse probatur ipsum esse perfectè cognoscentem, seu scientem, solùm est demonstratio quia; ut sumitur ex D. Thom. lib. 3. cont. gent. cap. 39. ubi ait: *Rursus est quedam alia Dei cognitio altior quam premissa* (nimirum quâ communiter cognoscitur Deus ab hominibus) *per quam magis ad propriam ipsius cognitionem acceditur: cum per demonstrationem removeantur ab eo multa; per quorum remotionem ab aliis discretus intelligitur.* Ostendit enim demonstratio Deum esse immobilem, æternum, incorporeum, omnino simplicem, unum, & alia huiusmodi. Ad propriam autem alicujus rei cognitionem pervenitur, non solùm per affirmationes, sed etiam per negationes; sicut enim proprium hominis est esse animal rationale, ita proprium ejus est non esse inanimatum, neque irrationale. Sed hoc interest inter utrumque cognitionis propria modum, quod per affirmationes propria cognitione de re habita scitur quid est res, & quomodo ab aliis separatur: per

53.

36 *Quest. XIV. De Scientia Dei,*

1. perih.
lect. 1.

negationes autem habita propriâ cognitione de re sciuntur quod est ab aliis discreta : tamen quid sit remanet ignotum : tales autem est propria cognitio, qua de Deo habetur per demonstrationes. Similiter est à posteriori, tum quia omni negatione prior est affirmatio : sicut prius est esse rationale, quam non irrationale : tum quia proceditur à creaturis ad Deum, per viam remotionis, removendo scilicet ab eo imperfectionem & limitationem formæ, & esse, quæ in non cognoscentibus reperitur, & attribuendo ipsi perfectionem, quæ est intelligentium propria, seclulis imperfectionibus.

54.
Ex dictis
supra.

Resp. itaque ad arg. quod immaterialitas, quæ ponitur ratio cognoscendi, secundum suam rationem non explicat aliquid positivum, sed magis dicitur per remotionem : unde per immaterialitatem distinguuntur cognoscencia à non cognoscentibus, non tanquam per aliquam differentiam, per quam positivè constituentur, sed tanquam per differentiam distinguentem, utrumque enim conceptum habet differentia : primus est positivus, secundus negativus, unum enim distinguere ab alio est unum esse aliud ; sicut non esse inanimatum, vel non irrationale, non est differentia constitutiva hominis, sed distinctiva, non enim constituitur homo per hoc, quod non sit inanimatus, vel non irrationalis, sed rationalitate, tamen per hæc à brutis & inanimatis distinguitur. Vnde concedimus quod per immaterialitatem non constituuntur cognoscencia, sed per proprias formas, tamen per eam distinguuntur. Quapropter immaterialitas in Deo solum explicat quid non sit, sed non

Art. I. An in Deo sit scientia. Cap. VI. 37

non quid sit, vel aliquam positivam perfectionem: bene verò intellectualitas, quæ est ratio entis per se subsistentis in sua puritate omnimoda accepti. Vnde intellectualitate in Deo nihil est prius per modum formæ seu naturæ speciei, nec etiam secundum rationem relatum ad rem, esto concipiatur aliquid secundum rationem relatum ad nostrum modum concipiendi, non tamen per modum formæ, & naturæ speciei. Cum igitur instatur, quod essentia est id quod primò concipitur in re, dicendum est hoc intelligi, cognitione perfectâ, distinctâ, & dicente quid sit res, & non quid non sit, aut an sit: unde esto ponamus quod immaterialitas ponatur ut ratio cognoscendi intellectualitatem, nec tamen dicit quid sit, sed quid non sit, unde non est prædicatum constitutivum. Per quod ad conf. patet. Videntur sunt quæ diximus supra quæst. 2. art. 3. cap. 7.

✓ C A P V T VI.

Solvitur ultima instantia contra rationem à D. Thoma allatam, & ostenditur repugnare substantiam immaterialem per se subsistentem, quæ essentialiter non sit intellectiva.

ARg. ultimò, si immaterialitas formæ per se subsistentis esset causa seu ratio intellectualitatis, seu intelligendi, implicaret substantia spiritualis, seu immaterialis non intel-

55.

lectiva, sicut implicat hominem constare animâ rationali, & non esse rationalem: sed non implicat substantiâ immaterialis, quæ intellectiva non sit: ergo immaterialitas formæ per se subsistentis non est ratio per se cur ipsa sit intellectiva. Prob. min. Tum quia non potest sufficiens hujus implicantiae reddi ratio: Tum quia potest intelligi substantia spiritualis absque ulla connexionem cum vi radicali intelligendi: cum ratio substantiæ spiritualis sit per se subsistere, & independentem à corpore esse, cum qua non convertitur essentialiter intellectuum.

56. Conf. non repugnat substantia corporea non operativa, ut patet in materia prima: immo non repugnat substantia completa corporea, quæ non sit operativa operatione corporea: ergo non repugnat substantia spiritualis non operativa operatione spirituali, cujusmodi est intelligere & velle: ergo non repugnat substantia spiritualis non intellectiva. Prima consequ.

In 1. dist. patet à paritate rationis. Antecedens autem 2. q. 2. prob. nam de facto cælum Emphyreum operativum non est, ut docet D. Thom. art. 3.

57. Omissis variis authorum solutionibus, quas latè prosequitur Illustriss. D. Godoy hîc disp. 22. à num. 179. usque ad 198. Respond. neg. min. ad cujus primam prob. dicimus rationem

q. 2. de implicantiæ, juxta doctrinam S. Doct. hanc
verit. a. esse, quod substantia spiritualis physicè & se-
2. cap. & cundum suum esse, in supremo entium ordine
hic a. 1. & gradu constituta est: ergo debet esse per
c. se subsistens, & actus perfectus simpliciter:
quia in tantum aliquid est perfectum ens,
& attingens supremum entium gradum, in
quantum

quantum est actu, seu habet esse simpliciter: sed ut sit aliquid perfectum simpliciter, & attingens ad supremum entis gradum, non sufficit proprium esse specificum, ut excludens aliarum rerum perfectiones, & gradus entis, quia se habet ex additione ad illos: ergo debet illos habere saltem in virtute, & eos complecti; sicut numerus major est perfectior, se habens ex additione ad minorem, quem in se necessario complectitur: sed nequit habere illos secundum modum limitatum essendi, & naturaliter determinatum, quem habent in inferioribus: ergo debet aptum natum esse habere illas perfectiones naturarum specificas; & suscipere intentionaliter sicut actus perfectos, per quos sit actu omnia illa, vel sit actu non solum absolute, sed cum quadam habitudine ad hujusmodi intelligibilia: sed hoc est esse cognoscens, seu intellectivum: ergo repugnat substantia spiritualis per se subsistens, quæ non sit intellectiva.

Conf. quia implicat substantia spiritualis per se subsistens, quæ non sit melior quam corporea: ergo debet esse vivens seu habere vitam: sed vivere est quædam operatio: ergo in substantia spirituali erit operatio spiritualis: sed operatio spiritualis non est alia quam intelligere & velle: & implicat esse volentem nisi sit intelligens, ut infra dicetur: ergo necessum est, quod spiritualis substantia, quæ est per se subsistens, & ut actus perfectus, sit intellectiva, & operativa spiritualiter. Tandem esse operativum est potissima naturæ perfectio, cum operatio sit ut complementum omnis actualitatis: quapropter & natura divina est maxi-

§ 8.

Ex dictis
supra n.
13. & 14.

q 19. 2 1.

40 *Quaest. X I V. De Scientia Dei,*
 mè operans, & diffusiva sui : ergo implicat ut
 sit perfecta simpliciter, & in supremo gradu
 entis constituta, & quòd non sit operativa
 proprio modo spiritali, & distincto à modo
 operandi rei corporeæ, quod est intelligere,
 aut velle.

59. Ex his ad primam prob. patet. Ad 2. dici-
 mus, quod ratio substantiæ spiritalis est per
 se subsistere, ad quod necessariò sequitur esse
 operativum modo spiritali & vitali : & sub-
 inde intelligere & velle.

60. Ad 3. resp. quod esto admitteremus posse
 dari substantiam materialem, & corpoream non
 operativam, nec tamen cogeremur concedere
 substantiam spiritualement per se subsistentem
 non operativam; dispar enim est ratio. Quia
 substantia materialis est in ultimo gradu entis,
 habens minimum de actualitate, & subinde
 de esse operativo secundum seipsam. Cujus
 contrarium evenit in substantia spiritali, quæ
 est omnino à materia immunis & absoluta : ac
 subinde ei competit quòd sit actus perfectus
 per se subsistens, & perfectè operativus. *Quan-*
tò enim aliqua forma est perfectior, inquit S. Doct.
tantò magis superegre ditur materiam corporalem
 (ac subinde est magis in actu, debeturque ei
 operari magis perfectè.) *Vnde forma elementi*
non habet aliquam operationem, nisi qua sit per
qualitates activas & passivas; qua sunt disposi-
tiones materiae corporalis : forma autem mineralis
habet aliquam operationem excedentem qualita-
tes activas & passivas, qua consequitur speciem
ex influentia corporis caelestis; ut quòd magnes
attrahit ferrum : & quòd sapphyrus curat aposte-
ma. Vtcrius autem anima vegetabilis habet ope-
rationem,

q. unica,
 de spirit
 creat. a.
 2. c.

Art. I. An in Deo sit scientia. Cap. VI. 41

rationem, cui quidem deserviunt qualitates activa & passiva organica; sed tamen supra posse huiusmodi qualitatum, ipsa effectum proprium sortitur in nutriendo & augendo usque ad determinatum terminum, & alia huiusmodi. Anima autem sensitiva ulterius habet operationem, ad quam nullo modo se extendunt qualitates activa & passiva, nisi quatenus exiguntur ad compositionem organi, per quod talis operatio exercetur, ut videre, audire, appetere, & huiusmodi. Perfectissima autem formarum, id est, anima humana, qua est finis omnium formarum naturalium, habet operationem omnino excedentem materiam, quæ non fit per organum corporale, scilicet intelligere. Et quia esse rei proportionatur ejus operationi, cum unumquodque operetur secundum quod est ens, oportet quod esse anima humana superexcedat materiam, & non sit totaliter comprehensum ab ipsa, sed tamen aliquo modo attingatur ab ea. Esse ergo operativum convenit arti inquantum perfectum est. Et cum repugnet dari substantiam spirituales per se subsistentem quæ non sit perfecta, & attingens ultimum gradum entis in actualitate essendi, & perfectione, idcirco repugnat eam esse operativam, non verò materiale, quæ operativa non sit.

Sed omisâ hac solutione responderetur 2. negando posse dari substantiam completam physicè, esto materialis sit, quæ non sit operativa, saltem radicaliter, & remotè: sicut implicat eam esse corpoream & non dicere ordinem ad accidentia corporea, quæ ut passiones consequuntur eam, ex parte quidem materiæ quantitas, ex parte autem formæ qualitas. Tum quia debet esse realiter in aliqua specie corporis

ris naturalis actu determinata, & habens formam naturalem, quæ est principium radicale actuum motus naturalis: ergo est realiter operativa. Tum quia est ordinata ad finem, & dicit aliquam habitudinem intrinsecam ad ipsum, tanquam proprium bonum: sed implicat per se ordinari ad finem, nisi secundum aliquam rationem motus & operationis circa finem: ergo necesse est quamlibet substantiam naturalem completam esse radicaliter operativam. Tandem quia omnis forma debet esse participatio primi actus, qui est per essentiam operans; sed non potest ipsum participare nisi conveniat aliquo modo cum ratione ejus: ergo debet esse quodammodo operativa.

62.

Ad prob. de cælo Emphyreo ex D. Thom. autoritate desumptam, quidam respondent ipsum mutasse sententiam, quam in secundo tradiderat, quod probari potest ex quodlibet 6. art. 19. ubi ita scribit: *Dicendum, quod quidam ponunt cælum Emphyreum non habere influentiam in aliqua corpora, quia non est institutum ad effectus naturales, sed ad hoc ut sit locus beatorum, & hoc quidem mihi aliquando visum est: sed diligentius consideranti magis videtur dicendum, quod influat in corpora inferiora, quia totum universum est unum unitate ordinis, ut patet per Philosophum 12. Metaphys. (tex. 52.) Hac autem unitas ordinis attenditur secundum quod ordine quodam reguntur corporalia per spiritualia, & inferiora corpora per superiora, ut Augustinus dicit in 3. de Trinit. Unde si cælum Emphyreum non influeret in corpora inferiora, cælum Emphyreum non contineretur sub unitate universi, quod est inconveniens. Videtur autem proprius ejus effectus*

Scil. 2.
sent. dist.
24. q. 2.
art. 3.

Art. 1. An in Deo sit scientia. Cap. VII. 43
Elus esse perpetuitas, & permansio in inferioribus
corporibus.

Sed breviter respond. aliud esse, quodd non
sit operatiuum, aliud est quod non sit opera- 63.
tiuum absque motu & transmutatione. Dico
ergo quod est operatiuum, attamen inquan-
tum attingit ad substantias spirituales est ope-
ratiuum absque motu, & per quietem positi-
vam, quæ quidem non est operatio simpliciter
per modum actionis, sed adinstar actus per-
fecti: *Hoc autem est proprium huic corpori*, nimi- *Quod-*
rum cælo Empyreo, *quod influat absque motu*, lib. 6. cit.
in quantum est supremum, attingens quodammodo art. 19.
ordinem substantiarum spiritualium, prout Diony-
sus dicit 2. cap. de divin. nom. quod divina sa-
pientia conjungit principia secundorum finibus
primorum.

C A P V T VII.

Quatenus, & respectu quorum objectorum
constituenda sit in Deo ratio scientia pro-
prie dicta, sapientia, atque intelligen-
tia.

§. I.

Quibusdam suppositis statuitur conclusio, & proba-
tur autoritatibus D. Thomæ.

CUm sint tres virtutes intellectuales in no- 64.
bis, quibus intellectus in cognitio ne ve- 1. 2. q. 57.
ri, quod est bonum ejus, perficitur, nimi- 2. 2. Hic
rum intellectus principiorum seu intelligentia, art. 1. ad
sapientia, 2.

sapientia, & scientia, non dubium quin in Deo perfectissimè reperiantur, cum in sui conceptu nullam prorsus imperfectionem involvant, sed sint intellectualis naturæ potissimæ perfectiones. De sapientia, & scientia testatur Apostolus ad Rom. 11. c. dum exclamat: *O altitudo divitiarum sapientia & scientia Dei, quam incomprehensibilia sunt iudicia ejus, & investigabiles via ejus* ! De intelligentia autem habetur Iob. 12. c. *Apud ipsum est sapientia, & fortitudo: & ipse habet consilium & intelligentiam.* Quatenus verò, & respectu quorum objectorum sub his rationibus Deo tribuendæ sint, explicatu haud facile est. Quapropter Theologi non uno modo rem explicant.

65. Durandus in 1. dist. 35. q. 4. n. 6. asserit, quod esto essentia divina sit primum objectum ab intellectu divino cognitum, & ratio cognoscendi omnia alia, tamen cognitio Dei, ut fertur in essentiam suam secundum se, vel secundum ea quæ sibi attribuuntur, non sortitur rationem scientiæ, sed simplicis intelligentiæ, vel cognitionis principiorum: quia scire est rem per causam cognoscere; Deus autem non cognoscit se, vel ea quæ sibi attribuuntur, per causam: & ideo talis cognitio non est scientifica. Sed cognitio aliarum rerum secundum ea quæ ipsis attribuuntur, potest in Deo dici scientia: quia talia ab ipso cognoscuntur per essentiam divinam, ut est causa omnium rerum, & omnium proprietatum, quæ illis attribuuntur. Idem docet Ferrara lib. 1. cont. gent. c. 25. Nazarius hic contr. 2. conclus. 1. & novissimè Ildefonsus Michaël ibid. dub. 3. Veruntamen ex Thomistis plurimi in Deo rationem scientiæ propriè

propriè dictæ , respectu attributorum etiam ipsius , communiter constituunt , & non tantum respectu creaturarum. Ipsos sequitur , & citat Illustriss. Godoy *hic tract. 3. disp. 23.* Quomodo autem Deo competat ratio sapientiæ & intelligentiæ diminutè satis , ut in plurimum à Theologis recentioribus explicatur.

Supponendum est ex D. Thom. quod cum 66.
istæ tres virtutes intellectuales deñtur ad per- 1. 2. q. 57.
ficiendum intellectum in cognitione veri, art. 2.
quod est proprium ipsius bonum : intellectus principiorum perficit intellectum in cognitione veri per se noti , & quod statim percipitur. Scientia verò perficit ipsum in cognitione veri , quod est per aliud notum , & non statim percipitur , sed per inquisitionem rationis. Vnde scientia dependet ab intellectu principiorum , subindeque respicit etiam ipsa principia non quidem absolutè , sed ut deducta in conclusiones , de quibus certitudinem accipit per resolutionem ad ipsa. Sapientia verò intellectum perficit in cognitione altissimarum causarum , quæ sunt principia essendi omnibus : ac subinde ei competit de omnibus judicare , atque ordinare : quia iudicium perfectum & universale haberi nequit , nisi per resolutionem ad primas , & altissimas causas. Idcirco tam intellectus principiorum , quam scientia dependent sicut à principalissimo ab ipsa sapientia , quæ , & de ipsis scientiarum conclusionibus , & de principiis earundem habet judicare. Vnde sapientia cum omnibus scientiis convenit equidem , in quantum hoc sortitur quod est omnibus scientiis commune , ut scilicet ex principiis conclusiones demonstrat :

monstret : sed tamen aliquid proprium supra omnes alias scientias habet, in quantum de omnibus iudicat, tam principiis, quam conclusionibus, quapropter rationem perfectioris virtutis sortitur.

67.

2. 2. q. 8.
art. 1. c.

Supponendum est 2. quod nomen intellectus quandam intimam cognitionem importat, dicitur enim intelligere, quasi intus legere. Tunc autem intimè cognoscitur res, cum ejus essentia cognoscitur, seu quod quid est ipsius; unde intellectus principiorum ex eo dicitur, quod per cognitionem terminorum ad intima rei penetret: & sit ratio demonstrandi accidentia propria de subiecto. In quantum ergo sapientia quædam communia notificat, ut sunt ens, & quæ conveniunt enti, in quantum ens, dicitur de principiis iudicare. Sicut igitur certitudo conclusionum, quæ dicunt rem esse vel non esse, accipitur per resolutionem in principia, quibus probatur rem esse vel non esse: ita & certitudo seu evidentia principiorum accipitur ex notificatione terminorum; v. g. scito quid sit totum, & quid pars, statim intellectus certitudinaliter cognoscit, omne totum esse majus sua parte. Vnde cognitio quod quid est rei, est radix omnis intelligentiæ, & scientiæ: intelligentiæ quidem proxima & immediata; sed scientiæ mediantibus principiis, quæ cum sint complexa dicunt rem esse, vel non esse, & sunt probativa conclusionum secundum esse veri, quod in compositione, & attributione unius ad alterum consistit.

68.

Hic art.
1. ad 1.

Supponendum est 3. quod, cum ea, quæ sunt divisim & multipliciter in creaturis, & cum aliqua imperfectione, in Deo sint simpliciter,

&

Art. I. An in Deo sit scientia. Cap. VII. 47

& unitè , & absque ulla prorsus imperfectionis umbra, aut caligine : esto homo secundum diversa cognita , habeat diversas virtutes intellectuales, nam secundum quod cognoscit principia habet intelligentiam ; prout cognoscit conclusiones , scientiam : & secundum quod cognoscit causas altissimas , sapientiam ; consilium vel prudentiam , quatenus agibilia cognoscit : Hæc tamen omnia Deus unâ & simplici cognitione cognoscit. Vnde simplex Dei cognitio omnibus istis nominibus nominari potest ; ita tamen quod ab unoquoque eorum, secundum quod in divinam prædicationem venit, secludatur quidquid reperitur imperfectionis , & retineatur quidquid perfectionis est. In scientia autem , prout in nobis reperitur ; imperfectionis est , quod sit habitus , qualitas quædam , & cum discursu , unde omnia ista à divina cognitione semovenda. In intelligentia reperitur quod sit complexa quædam cognitio , seu divisio & compositio , unde cognitioni Dei non debet sic attribui , qui omnia uno simplici intuitu cognoscit. In sapientia , prout quædam scientia est , reperitur quod sit implicata præfatis omnibus illis imperfectionibus : sed perfectionis est , quod sit cognitio altissimarum causarum , & quæ sunt primæ simpliciter. In scientia quodd sit cognitio rei certa , & evidens per suam causam : & tandem in intelligentia , quod intima rei penetret per cognitionem quidditatis ipsius , in qua fundatur : unde totum hoc retinendum est , cum in divinam venerint prædicationem , seu Deo attribuentur. His suppositis sit

Conclusio : in Deo respectu suorum attributorum

1. cont. gent. c. 94. & locis infra citandis. torum non datur propriè scientia, sed sapientia : respectu verò creaturarum datur intelligentia, & scientia strictè, seu propriè dicta; intelligentia quidem, secundum quod cognoscit quidditatem suam, & aliarum rerum; scientia verò prout cognoscit suum esse, & aliarum rerum. Hæc conclusio quoad omnes suas partes est expressa D. Thom. Et imprimis eam docet in 1. dist. 35. quaest. 1. art. 1. ad 5. dicens : *Ea quæ dicuntur de Deo, semper intelligenda sunt per eminentiam, ablato omni eo, quod imperfectionis esse potest. Vnde à scientia, secundum quod in Deo est, oportet auferre discursum rationis inquirentis, & retinere reſtitutionem circa rem scitam, sed quia scientia propriè complexorum est; intelligentia propriè est quidditatis rei: ideo Deus dicitur sciens, inquantum cognoscit esse suum: & dicitur intelligens, inquantum cognoscit naturam suam: quæ tamen non est aliud, quam suum esse, nec magis simplex. Et ideo in Deo non est aliud intelligere quam scire, nisi secundum rationem. Sapientia verò non ponit in numerum cum scientia & intellectu: quia omnis sapientia scientia est; sed non convertitur, quia illa scientia sola sapientia est, quæ causas altissimas considerat, per quas ordinantur & cognoscuntur omnia sequentia. Vnde propriè Deus dicitur sapiens inquantum se ipsum cognoscit, & intelligens, & sciens secundum quod se, & alia cognoscit.*

70. Pro majori intelligentia nota ex eodem, 1. dist. 38. quod, cum in re duo sint, quidditas & esse ejus, his duobus respondet duplex operatio intellectus. Vna quæ dicitur à Philosophis formatio, quâ apprehendit quidditates rerum, quæ etiam dicitur indivisibilem intelligentiam.

Alia

Alia autem comprehendit esse rei componendo affirmationem, quia etiam esse rei ex materia & forma compositæ, à qua cognitionem accipit, consistit in quadam compositione formæ ad materiam, vel accidentis ad subiectum. Similiter etiam in ipso Deo est considerare naturam ipsius, & esse ejus: & sicut natura sua est causa, & exemplar omnis naturæ, ita etiam esse suum est causa, & exemplar omnis esse. Unde sicut cognoscendo essentiam suam cognoscit omnem rem, ita cognoscendo esse suum cognoscit esse cujuslibet rei, & sic cognoscit omnia enuntiabilia quibus esse significatur, non tamen diversa operatione, nec compositione, sed simpliciter, quia esse suum non est aliud ab essentia, nec est compositum consequens.

Præterea alibi, *Dicendum, inquit, quod divina cognitio, & sapientia dicitur, inquantum seipsum Deus cognoscit, & scientia inquantum res temporales intuetur: quamvis & ipsa sapientia etiam apud nos scientia quadam sit, communiter nomine scientia accepto, licet secundum aliquam scientia acceptionem contra sapientiam distinguatur. Denique explicans illud Apostoli ad Colos. 2. In quo sunt omnes thesauri sapientie & scientia absconditi: ita scribit: Deus habet omnium rerum notitiam: Sapientia enim est cognitio divinarum: scientia vero est creaturarum cognitio. Quidquid autem de Deo potest sciri pertinens ad sapientiam, totum Deus abundanter in se cognoscit. Item quidquid potest cognosci de creaturis, cognoscit in se supereminenter.*

71.

1. Sent.

ad An-
nib. d.

35. q. 1.

a. 1. ad 3.

Ibid.

lect. 1.

§. II.

*Ratione probatur conclusio quoad omnes
suas partes.*

72. **P**rima pars conclusionis, nimirum quòd in
 1. Poster. Deo respectu suorum attributorum non de-
 lect 4. q. tur propriè & strictè scientia, prob. primò : De
 2. de ve- ratione scientiæ strictè dictæ est, quòd sit co-
 rit. art. I. gnitio rei per suam causam propriam : sed Deo
 respectu suorum attributorum nequit attribui
 cognitio per causam etiam virtualem : ergo
 nequit Deo attribui scientia propriè dicta res-
 pectu suorum attributorum. Maj. patet, nam
 scire est rem per causam cognoscere. Minor
 verò quoad primam partem prob. primò : res-
 pectu cognitionis Dei seipsum sicuti est in
 se cognoscentis, essentia divina nullatenus po-
 test habere rationem causæ etiam virtualis at-
 tributorum : ergo intellectus divinus cognos-
 cens essentiam Dei sicuti est & etiam attributa,
 nullo modo cognoscit rem per causam, etiam
 virtualem, aliàs conciperet rem aliter quam est
 in se. Prob. antec. Implicat intelligi ratio-
 nem causæ sine habitudine ad aliquid ab ea
 causatum, & effectum : sed implicat quòd
 Deus intelligat aliquid posse in se habere ratio-
 nem causati & effecti, etiam virtualiter : igitur
 respectu cognitionis Dei, seipsum sicuti est in
 se cognoscentis, essentia divina nequit habere
 rationem causæ, etiam virtualis, respectu suo-
 rum attributorum. Maj. patet, quia causa, &
 causatum, seu effectus correlativa sunt, & di-
 cunt

Art. I. An in Deo sit scientia. Cap. VII. § 1
 cunt habitudinem principij & principiati.
 Min. vero prob. impossibile est intelligi aliquid
 causatum, & effectum, quod non dependeat
 in suo esse à causa, & sit participativè ens,
 seu participans esse ab illa : hoc enim est cau-
 sari, recipere esse actu : sed implicat Deum in-
 telligere in se aliquid, quod possit habere de-
 pendentiam in suo esse ab alio, & quod sit
 participativè ens : ergo implicat, quod Deus
 intelligendo se sicuti est, intelligat attributa
 sua posse, etiam virtualiter, habere rationem
 causati & effecti. Prob. min. implicat, ut ali-
 quis intelligens rem sicuti est, intelligat ali-
 quid posse illi convenire, quod sit contra na-
 turam & propriam illius rationem, etiam vir-
 tualiter : sicut aliquis intelligens hominem
 quidditativè & sicuti est, impossibile est quod
 verè cognoscat illum posse esse irrationalem,
 etiam virtualiter, quia esse irrationalem est
 contra rationem essentialem ipsius hominis :
 sed Deum intelligere in se aliquid, quod in suo
 esse dependentiam habere possit, & esse parti-
 cipativè ens, est intelligere aliquid Deo con-
 venire posse contra naturam, & rationem essen-
 tialem ipsius Dei : ergo impossibile est Deum
 concipientem, & cognoscentem se quidditati-
 vè, & sicuti est in se, posse intelligere aliquid,
 nimirum attributa, quod possit habere de-
 pendentiam in suo esse ab alio, & esse participati-
 vè ens, etiam virtualiter. Prob. min. Deus per
 essentiam est ens, à se omnino independens,
 omnino simplex, & actus purus : sed Deum
 intelligere in se aliquid, quod in suo esse de-
 pendentiam habere possit, etiam virtualiter, &
 esse ens participativè, est intrinsecè, & essen-

tialiter repugnans rationi essentiali entis per
essentiam, à se & omnino independentis, om-
nino simplicis, & actus puri: ergo Deum in-
telligere in se aliquid, nimirum attributa, quod
in suo esse dependentiam habere possit, & esse
participativè ens, etiam virtualiter, est concipere
aliquid convenire Deo, saltim virtualiter,
quod est contra naturam & rationem essentialem
ipsius. Maj. patet, nam, ut supra diximus,
quidquid est in Deo essentialiter est Deus, &
realiter idem est in Deo esse, quod fortem esse,
justum, misericordem, &c. Minor etiam est manifesta:
quia esse ens à se opponitur ei quod est esse
ab alio, & esse per essentiam ens, & actum
purum, ac omnino simplex, intrinsecè repugnat
ei quod participat esse: nam omne participans
esse realiter componitur ex esse, & id quod est;
id quod est autem est ut potentia respectu
ipsius esse, & realiter distinguitur ab illo.

Qu. 2.
art. 3.

Opusc.
69.

73. Secundò prob. De ratione scientiæ strictè acceptæ est, quòd sit cognitio alicujus veri per aliud noti, & subinde quòd ex parte objecti sit magis cognoscibile, quam illud, quod scitur & fit notum per illud; quia propter quod unumquodque tale, & illud magis: sed repugnat à Deo cognoscente se sicuti est, intelligi attributa sua ut minùs nota & cognoscibilia quam sit ipsa essentia: ergo implicat in divino intellectu esse scientiam strictè dictam suorum attributorum. Maj. patet, quia hæc est differentia inter scientiam & intelligentiam, seu habitum primorum principiorum, quia iste respicit verum ut per se notum; scientia verò ut per aliud notum. Minor autem prob. primò, quia quod est

1. 2. q. 57.
art. 2. q.
2. de verit.
a. 2.

est de quidditate, & ratione essentiali alicujus
pertinet ad per se notum illius; dicitur enim
propositio per se nota, cujus prædicatum est de
ratione subjecti: sed quodlibet attributum in
re est de ratione essentiali ipsius Dei, ita ut si
Deus definiretur quidditativè, & sicuti est in
se, scientia, potentia, voluntas &c. ingrederentur
illius definitionem essentialem: ergo attributa,
ut attinguntur à Deo cognoscente se sicuti est,
sunt verum per se notum, & ejusdem cognosci-
bilitatis cum essentia divina, etiam ex parte
objecti cognoscibilis. Secundò prob. eadem
min. quod est ejusdem immaterialitatis simpli-
citer, & ejusdem actualitatis essendi est ejusdem
cognoscibilitatis ex parte objecti: sed attribu-
ta in se considerata, sunt essentialiter ejusdem
immaterialitatis, & actualitatis essendi, cum
sint essentialiter actus purus, & ipsummet esse
Dei: ergo sunt ejusdem cognoscibilitatis ex
parte objecti, & etiam ex parte cognoscentis,
qui unico & simplicissimo intuitu omnia cog-
noscit, essentiam & attributa.

Supra
q. 2. a. 1.
opusc.
69.

Tertiò prob. evertendo præcipuum oppositæ
sententiæ fundamentum: si Deus de suis attri-
butis scientiam strictè dictam haberet, maxime
quia virtualiter ab essentia distinguuntur, & ita
se habent respectu essentiæ, quod si essent rea-
liter ab ea distincta, realiter ab ea causarentur,
sicut passiones à suo subjecto: sed hæc ratio est
nulla: ergo Deus de suis attributis non habet
scientiam propriè dictam. Prob. min. primò:
sic se habet finis in operabilibus sicut princi-
pia in speculativis, & electio mediorum sicut
conclusio: quemadmodum enim ad notitiam
principiorum sequitur conclusionum cognitio, 1.

74.

1. 2. q. 8.
2. 3. q. 12.
art. 4. 19.
7. q. 23.
de verit.

ita electio mediorum ad intentionem seu volitionem finis cum habitudine ad media : sed quod in Deo attributa virtualiter ab essentia distinguantur , non sufficit ut essentia terminet intentionem seu amorem Dei necessarium , attributa verò electionem , seu volitionem liberam & electivam : ergo virtualis attributorum ab essentia distinctio non sufficit ut essentia divina terminet intelligentiam , attributa verò scientiam propriè dictam , seu ut cognoscantur à Deo cognitione scientifica. Minor prob. ex D.Thom. dicente : *Principale objectum divine voluntatis est divina essentia : cum autem divina essentia sit Dei intelligere , & omnia alia quæ in ipso esse dicuntur , manifestum est quod eodem modo principaliter vult se intelligere , se velle , se esse unum , & quidquid est aliud huiusmodi : Sed si Deus essentiam suam vellet per intentionem ut finem , & attributa per electionem ut media , non vellet eodem modo principaliter essentiam & alia quæ in Deo formaliter reperiuntur , ut per se manifestum est : ergo attributa divina non per electionem , sed per intentionem à Deo diliguntur. Secundò prob. Deus amat sua attributa amore necessario : sed electio semper fit per liberum arbitrium , & per hoc Deus liberum arbitrium habere dicitur , quia electionem habet : ergo bonitas attributorum nequit divinum velle terminare , prout habet rationem electionis : *Voluntas*, inquit , *est finis , electio autem eorum , quæ sunt ad finem : cum igitur Deus seipsum tanquam finem velit ; & non sicut quæ ad finem sunt , alia verò sicut quæ ad finem sunt , sequitur quod respectu sui habeat voluntatem tantum ; respectu autem aliorum electionem : electio autem**

Lib. 1.
cont.
gent. c.
74. rat.
5.

Loc. cit.
ex 1. cõt.
gent.
cap. 88.

Art. I. An in Deo sit scientia. Cap. VII. 55
autem semper per liberum arbitrium fit, Deo igitur liberum arbitrium competit.

Conf. ideo ex D. Thoma à Deo attributa 75.
amantur eodem amore necessario, & qui est ^{Loco} finis adæquati, quo amatur essentia, quia rea- ^{cit.} liter sunt ipsa essentia, & subinde realiter habent idem esse & eandem bonitatem, quæ convenit rei in quantum est actu: sed non minus intelligibilitas realis objecti pensanda est in Deo penes essentiam ejus, ac divinum esse, quam bonitas: ergo si bonitas essentiæ & attributorum terminat realiter eundem amorem necessarium, quia est una essentia secundum rem cum attributis, non minùs intelligibilitas essentiæ Dei, quæ est realiter eadem: atqui attributorum unicam terminabit quidditativam & simplicem cognitionem Dei, quæ est intelligentia, vel sapientia, ut statim dicetur. Itaque ex D. Thom. esse intelligibile, & esse naturale in Deo realiter idem sunt, quemadmodum intelligere & esse: ergo quemadmodum est unum esse naturale, secundum rem, essentiæ & attributorum, erit etiam secundum rem idem esse intelligibile.

Quidam ad hoc argumentum respondent 76.
neg min. Ad prob. negant consequ. Rationem discriminis assignare conantur, tum quia electio est de mediis non amatis propter se, sed propter finem; attributa verò divina, cum infinitæ sint bonitatis, sunt ipse ultimus finis: ac proinde sunt propter se, & non propter aliud, unde electionem terminare non possunt: ut autem cognitionem scientificam terminent, sufficit ea cognosci ratione essentiæ divinæ, cum in hoc nulla repugnantia inveniatur. Tum

quia de ratione electionis est libertas ; unde petit pro objecto aliquid non necessarium ad amari finis existentiam ; attributa autem necessaria sunt ad essentiae existentiam : ac proinde à Deo suam essentiam necessariò amante, necessariò & non liberè amari petunt. Quapropter electionem , quæ suapte natura libera est, terminare nequeunt : Vt autem veritas aliqua demonstretur , non obstat necessaria cum principio connexio ; quinimmo exigitur necessariò , & absque illa non potest aliquid demonstrativè cognosci. Vnde quamvis Dei attributa necessariò cum essentia divina connectantur , per illam demonstrari queunt ; ac proinde scientificam cognitionem terminare.

77. Secundò responderet ipse Illustriss. Godoy attributa divina equidem non posse terminare electionem divinam puram , & adæquatè sumptam , bene verò electionem inadæquatè acceptam : unde licet illa non amentur à Deo amore , qui sit adæquatè electio ; amantur tamen amore , qui inadæquatè est electio , hoc est amore non sistente in illis , sed respiciente ulteriorem finem , non realem sed virtuales , & intellectio sic sumpta , inquit , comparatur ad intentionem finis , sicut cognitio scientifica ad intellectum principiorum , & cum intentione finis convertitur.

78. Sed neutra ex his solutionibus argumento plenè satisfacit. Non quidem prima : quemadmodum enim electio est de mediis amatis non propter se , sed propter finem , ita scientia est de notis non per se , sed per aliud , nimirum principia : sed sicut attributa divina sunt bona per se , & amata per se , utpote infinitam habentia bonitatem ;

bonitatem ; ita attributa sunt per se intelligibilia, & infinitam habentia intelligibilitatem, cum essentialiter sint actus purus, & ipsemet Deus : ergo sicut repugnat electionem, quæ respicit aliquid amatum propter aliud, terminari ad ipsa attributa ; ita & scientiam, quæ respicit verum notum per aliud, & non per se primò, terminari ad attributa ; quia non minùs repugnat summo intelligibili, & actui puro in linea intelligibilitatis esse notum per aliud, quam summo & infinito bono ac per essentiam, propter aliud amari.

Deinde, sicut electio petit libertatem, & subinde habet pro objecto aliquid non necessarium ad amati finis existentiam, ita cognitio scientifica essentialiter petit esse cognitionem ab alio causatam ; nimirum ex cognitione principiorum : sed non minus repugnat cognitio causata in Deo respectu propriorum attributorum, quæ ex parte objecti eandem cognoscibilitatem habent, & in te spectant ad essentiam Dei, itaut si diffiniretur Deus sicuti est in se, in definitionem ejus essentialiter ingrederentur, quàm repugnet electio respectu eorum : ergo discrimen allatum vim argumenti non evacuat. Min. prob. quia non minùs divina attributa sunt essentialiter entia à se, & per se primò intelligibilia quam sint per se primò, seu per essentiam bona : igitur sicuti repugnat bono per essentiam quòd propter aliud & liberè ametur, ita & quod per aliud intelligatur, seu innotescat, tanquam per causam.

Nec valet ad commentum illud de causa virtuali confugere, dicendo, attributa equidem esse entia à se per negationem omnis causæ actualis;

79.

80.

actualis, non autem per negationem causæ virtualis. Non, inquam, valet, tum quia, ut fusè ostendimus, hujusmodi virtualis causalitas repugnat in Dei essentia respectu attributorum in se consideratorum, quo pacto à divina scientia attinguntur. Tum, quia attributa in se essentialiter sunt ipse Deus, seu divina essentia, esto per conceptus nostros diversas rationes sortiantur: ergo si ipsa non sint entia à se per negationem causæ virtualis, neque alio modo ipsa essentia erit ens à se, cum in re sint eadem simplicissima entitas. Tandem quia illud quod per essentiam est tale, nullam habet mixtionem sui contrarij, seu oppositi: v. g. quia Deus est per essentiam ipsum esse, nihil habet omnino de non esse: sed Deus, & quælibet Dei perfectio per essentiam est ens à se: ergo nullam habet mixtionem sui oppositi: sed hoc quod est habere quomodolibet causam est oppositum enti à se per essentiam: ergo attributa sunt entia à se per negationem omnis causalitatis etiam virtualis.

81. Quod ad solutionem Illustriss. Godoy spectat, omnino pugnat cum doctrina D. Thomæ, & nullatenus veritati consona videtur: Doctrinæ quidem D. Thomæ adversa est, quia ut ipse docet 3. q. 18. art. 4. cap. *Electio est proprius actus liberi arbitrij.* Et exinde concludit in Christo fuisse liberum arbitrium, quia fuit electio: *Et ideo, inquit, cum in Christo ponatur voluntas ut ratio, necesse est etiam ponere electionem, & per consequens liberum arbitrium, cujus actus est electio, ut in prima parte habitum est:* igitur qualitercunque in Deo admittatur electio respectu attributorum, etiam inadæquatè, oportet

Art. I. An in Deo sit scientia. Cap. VII. 59
 oportet admittere volitionem liberam respectu
 suorum attributorum : unde simpliciter neces-
 sario & naturaliter non amabit bonitatem eo-
 rum , quæ essentialiter est sua bonitas summa
 & perfectissima. Vnde S.D. perpetuò docet ele-
 ctionem Deo convenire respectu creaturarum,
 non autem respectu sui ipsius. Ita loco cit.
 ex 1. cont. gentes cap. 88. & lib. 1. sent. dist. 41.
 art. 1. cap. *Electio*, inquit, *non convenit Deo res-
 pectu sui ipsius, non enim est electio finis, sed eo-
 rum qua sunt ad finem.*

Veritati autem consona minimè videtur : 82.
 Primò , quia quodlibet attributum amatur in
 Deo prout est in se verè & realiter : sed sic es-
 sentialiter est ipsum esse divinum : ergo essen-
 tialiter est bonitas Dei summa & per essen-
 tiam : ergo non est bona , etiam virtualiter
 per ordinem ad aliud. Secundò, impossibile est
 aliquid amari per ordinem ad aliud , & non
 participare bonitatem ab illo : impossibile est
 autem divina attributa participare , etiam vir-
 tualiter, bonitatem à divina essentia, quia sunt
 infinita perfectio secundum essentiam : aliàs
 non essent divina, sed creata.

Secunda pars conclusionis , nimirum quòd 83.
 cognitio, quam habet Deus de seipso , suisque
 attributis sit sapientia propriè prout contra
 scientiam dividitur ; patet : tum quia sa-
 pientia est cognitio divinòrum , sicut scientia
 est cognitio rerum humanarum , ut patet ex
 D. Augusti lib. 14. de Trinit. cap. 1. ubi expli-
 cans illud Apostoli 1. Corinth. 12. *Alij datur
 sermo sapientia, alij sermo scientia* , ita scri-
 bit : *Ista definitio dividenda est, ut rerum di-
 vinarum scientia, propriè sapientia nuncupetur;*
humanarum

60 *Quest. XIV. De Scientia Dei,*
humanarum autem, propriè scientia nomen obti-
neat. Quod & docet D.Thom. in eum locum.
Tum etiam quia sapientia respicit altissimas &
primas causas simpliciter : cujusmodi est Deus,
qui per suam scientiam, voluntatem, & poten-
tiam rerum omnium est causa. Tandem quia
sapientia est nobilissima scientia, seu scientia-
rum Dea : hujusmodi autem est cognitio, quam
Deus de seipso, suisque attributis habet, cum
sit nobilissimi entis cognitio : De seipso igitur
sapientiam habet.

84. Quòd autem habeat de rebus creatis intelli-
gentiam, in quantum cognoscit quidditatem
suam & aliarum rerum, patet : quia nomen in-
tellectus, sive intelligentiæ quamdam intimam
cognitionem importat, dicitur enim intelli-
gere, quasi intùs legere : sed rei intima & per-
fecta cognitio non habetur, nisi dum pertingi-
mus ad cognoscendum essentiam rei intellectæ:
ergo Deus optimè dicitur habere intelligen-
tiam, quatenus cognoscit quidditatem suam,
quæ est causa & exemplar omnis naturæ seu
quidditatis creatæ, per quam de omni natura
& essentia creata habet propriam & distinctam
cognitionem. Itaque sicut intellectus noster
dicitur habere primorum principiorum intel-
ligentiam, per terminorum primorum cogni-
tionem, quæ quidem mediante definitione ac-
cipitur, per quam scitur quid res sit : ita & per
essentiam suam, quasi rerum omnium perfe-
ctam speciem, & rationem omnis naturæ &
essentiæ creatæ, quidditativam & perfectam
cognitionem habet. Vnde cognitio essentiæ
ejus, ut est ratio cognoscendi omnem naturam
creatam, convenienter intelligentia dicitur.

Quòd

Quodd denique de rebus omnibus habeat scientiam, quatenus cognoscit esse suum, & aliarum rerum, prob. quia scientia est cognitio rei per suam causam, cognitio, inquam, qua affirmatur rem ita se habere, vel negatur: sed esse Dei est causa omnis esse, quod reperitur in ente creato: ergo cognoscens suum esse ut causam, & exemplar totius esse creati, habet scientiam propriè ac strictè dictam de ipsis rebus creatis. Hinc est, quodd scientia in Deo est unica omnium rerum, & non multiplex, seu diversificata, quemadmodum in nobis. Nam in nobis non est una ratio medij, per quam omnia propriè & distinctè cognosci possint: unde cum diversitas medij, & principiorum, diversitatem formalem scientiarum causet, diversas oportet scientias distingui, non verò in Deo; quia per unicum medium, quod est ipsius essentia, & unicum principium, quod est illius esse, cognoscit omnes res creatas distinctè ac determinatè, & unitates omnium enunciabilium, ut infra ostenderetur.

85.

Nota quodd cum sapientia sit quædam scientia, & intellectus principiorum, utrumque enim complectitur, & se habet quodammodo ex additione ad illa; potest hæc utraque cognitio, quâ nimirum Deus intelligit suam quidditatem, & aliarum rerum cognoscit suum esse, & aliarum rerum, sapientia vocari, communiter dicta, cum sit cognitio per altissimam causam: non tamen sapientia debet dici, si loquamur de sapientia propriè dicta, & secundum quod contradistinguitur à scientia propriè dicta & ab intelligentia, seu intellectu principiorum, hoc modo enim Dei cognitio secundum

86.

62 *Quaest. XIV. De Scientia Dei,*
dùm se, dicitur sapientia, quæ habet divina
duntaxat contemplari & respicere, utpote pri-
ma entia, & causas simpliciter primas, totius
esse, & cognitionis.

§. III.

Soluntur argumenta contraria.

87. **A** Rg. 1. ex D.Thom. dicente quod, *Deus*
de seipso habet scientiam speculativam tan-
tum : ipse enim operabilis non est. De omnibus
autem aliis habet scientiam, & speculativam &
practicam. Nec licet D.Thomam explicare de
scientia, sumptâ pro altissima cognitione; non
autem de scientia strictè acceptâ, ut dividitur
contra sapientiam: Tum quia si hæc interpre-
tatio admittatur, eodem modo intelligendus
veniet, cum ait, Deum de aliis rebus à se scientiam
practicam habere, cum eodem tenore de
utraque loquatur: quod omnino falsum est,
cum de rebus creatis Deus scientiam propriè
dictam habeat, ut etiam ipsimet admittunt.
Tum etiam, quia scientia speculativa propriè
dicta est nobilior quam practica, ut patet per
Philosophum: sed omne quod est in se perfe-
ctionem dicens, Deo cum proprietatè attri-
buendum venit: ergo scientia speculativa pro-
priè dicta Deo attribuenda venit: sed non res-
pectu rerum creatarum, quia de his scientiam
habet practicam: ergo de seipso, seu de essen-
tia sua respectu suorum attributorum.

88. Conf. sapientia est perfectissima scientia:
sed juxta D.Thomam est in Deo sapientia pro-
priè,

87.

Infra

art. 16.

Lib 1.

meta-

phys.

text. 2.

& lib. 6.

text. 2.

Art. 1. An in Deo sit scientia. Cap. VII. 63

priè, in quantum seipsum cognoscit : ergo ^{dist. 35.}
propriè habet scientiam de suis attributis. Min. ^{q. 1. a. 1.}
prob. tum ex 1. sent. cit. tum ex c. 12. sup. Epist. ^{ad 5.}
ad Rom. lect. 5. ubi explicans illud Apostoli : *O*
altitudo divitiarum sapientia, & scientia Dei, ita
scribit : *Habet enim sapientiam de divinis, &*
scientiam de rebus creatis.

Resp. ad arg. quod ea quæ sunt divisim & 89.
multipliciter in creaturis, in Deo sunt simpli- Hic art.
citer & unitè. Homo autem secundum diversa 1. ad 2.
cognita habet diversas cognitiones. Nam se-
cundum quod cognoscit principia dicitur ha-
bere intelligentiam : scientiam verò secundum
quod cognoscit conclusiones, sapientiam se-
cundum quod cognoscit causam altissimam :
consilium, vel prudentiam secundum quod
cognoscit agibilia. Sed hæc omnia Deus una
& simplici cognitione cognoscit. Cum igitur
scientia, prout dividitur in practicam & spe-
culativam sub se etiam sapientiam complectatur,
quæ se habet quodammodo ex additione
ad scientiam simpliciter dictam, in quantum
cognoscit altissimam causam simpliciter, Dei
cognitio, prout attingens se, dicitur scientia
speculativa, non quælibet, aut sub quacunque
ratione, sed prout habet rationem sapientiæ,
& secundum quod sapientia contra scientiam
simpliciter usurpatam dividitur, & se habet ex
additione ad illam. Itaque verum est quod co-
gnitio, quam Deus de seipso habet, simpliciter
& strictissimè est speculativa, sed non strictè
scientia, prout contra sapientiam dividitur.
Ab alio namque habet aliqua cognitio, quod
sit strictè & simpliciter speculativa, & ab alio
quod sit strictè scientia : nam esse speculativam
habet

habet ex parte rei scitæ, quæ nullo modo est operabilis à sciente, sed esse scientiam strictè dictam habet ex eo quod sit cognitio rei per suam causam necessariam. Quod Deo respectu sui implicat, sed primum simpliciter competit.

90. Vnde ad primam instantiam dicimus S. D. eodem modo intelligendum quantum ad rationem practici, non quantum ad rationem cognitionis: id est, quod sicut scientia, quam Deus habet de seipso, est speculativa simpliciter, quia est de re non operabili, ita ex parte rei scitæ scientia, quam habet de rebus operabilibus à se, est practica simpliciter. Sed non sequitur, quod si secunda cognitio est scientia strictè dicta, etiam & prima. Quia aliunde utriusque ratio sumitur. Ad secundum dicimus quod scientia speculativa propriè dicta est nobilior quam practica, & his nobilitate præstat sapientia: unde Deo respectu sui ipsius attribuitur sapientia, respectu aliarum rerum ut in se, & per se cognitarum scientia speculativa, ut dicitur infra *art. 16.*

91. Resp. ad conf. quod cognitio quâ Deus seipsum perfectè cognoscit est perfectissimè sapientia secundum quod sapientia contra scientiam simpliciter dictam dividitur: cognitio autem quâ suum esse & alia cognoscit est scientia strictè dicta.

92. Arg. 2. si ob aliquam rationem in Deo non esset scientia suorum attributorum propriè dicta, maximè quia de ratione scientiæ à priori, quæ sola in Deo constitui debet, est procedere per causam: attributa autem divina, cum sint entia per essentiam & à se, causam in essendo
non

non habent : sed hæc ratio est nulla : ergo datur scientia in Deo propriè dicta respectu suorum attributorum. Minor prob. ad rationem scientiæ à priori sufficit procedere per causam in essendo virtualem : sed licet attributa divina ex conceptu & ratione entis à se non habeant causam realiter influentem , habent tamen causam virtualem : ergo ob rationem illam malè negatur in Deo scientia suorum attributorum. Maj. prob. 1. quia Metaphysica , propriè scientia est & à priori procedens : sed tamen veritas , bonitas , & aliæ proprietates, quas de ente demonstrat , non habent causam realiter & formaliter influentem , sed virtualem duntaxat : ergo ad rationem scientiæ à priori sufficit procedere per causam in essendo virtualem. Prob. 2. quia Theologia nostra propriè & strictè scientia est : & tamen non procedit per causam, quæ realiter influat, sed tantum per causam virtualem in essendo : ergo ad rationem scientiæ à priori sufficit procedere per causam in essendo virtualem. Min. patet, nam attributa divina, quæ Theologia nostra de Deo demonstrat , causam realiter influentem non habent. Prob. 3. quia non potest ratio urgens in contrarium assignari , cur videlicet causalitas virtualis objectiva non sufficiat pro ratione objecti scibilis : ergo de ratione scientiæ non est per causam realiter influentem procedere, sed sufficit si per causam virtualem procedat.

Nec valet dicere , posse attributa divina per essentiam demonstrari, & unum attributum per aliud , v.g. æternitatem per immutabilitatem, ab intellectu viatoris essentiam ab attributis distinguente , & attributa inter se : nam sup-

positâ hac distinctione apprehenditur essentia ut radix attributorum, & unum attributum ut ratio alterius cognoscitur : Secus autem ab intellectu divino cognoscente essentiam & attributa, prout à parte rei sunt, absque distinctione inter illa. Deus enim non potest istam distinctionem confingere : ac proinde, cum in re essentia non sit causa attributorum, nec unum sit causa alterius, non potest ab intellectu divino essentia cognosci tanquam causa attributorum, quod necessarium erat, ut illa attingeret cognitione scientificâ.

94. Non, inquam, valet, primò, nam quòd Deus essentiam suam & attributa cognoscat prout sunt in se, non tollit quin cognoscat essentiam ut attributorum rationem seu virtuales radices : sed hoc sufficit ut dicatur attributa per cognitionem scientificam cognoscere : ergo scientificè ea cognoscit. Maj. prob. unum esse causam virtuales alterius est taliter comparari cum illo, quod, si realis inter utrumque distinctio intercederet, illud realiter causaret : sed Deus hoc ita cognoscit, cum in hac cognitione nulla fictio intercedat : ergo cognoscit essentiam suam ut radicem attributorum.

95. Secundò : nam Metaphysica non solum in nobis obtinet rationem scientiæ, sed etiam in angelico intellectu : & tamen angelicus intellectus non efficit distinctionem rationis inter ens & proprietates, quas de ente demonstrativè cognoscit : ergo quamvis Deus non distinguat essentiam suam ab attributis formaliter, cognoscit tamen sua attributa cognitione scientifica propriè & strictè. Min. prob. ideo intellectus noster inter ens, & illius proprietates

Art. I. An in Deo sit scientia. Cap. VII. 67

distinctionem rationis fingit, quia non uno sed pluribus conceptibus, ens & ejus proprietates cognoscit : sed Angelus una cognitione, & uno mentis conceptu cognoscit ens, & illius proprietates : ergo inter objecta prædicta distinctionem rationis non efficit.

Tandem, quia, ut ex D. Thoma dictum est, 96.
datur in Deo cognitio scientifica distincta à sapientia, & intellectu principiorum : sed hæc cognitionum distinctio nequit in Deo subsistere nisi essentiam suam cognoscat, ut est causa virtualis, aut radix attributorum : ergo quamvis Deus distinctionem rationis non efficiat inter suam essentiam & attributa, illa tamen tali ordine cognoscit, ut essentiam attingat ut radicem virtualiter, attributa verò ut in essentia virtualiter radicata, quod sufficit ad rationem scientiæ strictè dictæ.

Resp. ad arg. ex dictis, ideo non admittendam in Deo scientiam strictè dictam respectu suorum attributorum, quia essentia nullatenus est causa suorum attributorum, nec attributa in se considerata sunt quid per aliud, nimirum essentiam divinam, ceu causam, nota. Vnde negatur minor. Ad cujus prob. admittam majori intellectâ ut supra, dist. min. attributa divina in se considerata, quo pacto terminant cognitionem divinam, habent causam virtualem, nego : prout ex diversis perfectionibus creaturarum Deus ab intellectu creato habet cognosci, concedo : Nam Deus est simplicissima entitas, in qua nullatenus reperiri potest habitudo principij seu causæ ad attributa sua secundum rem, sed secundum modum intelligendi nostrum. Vnde S. D. negat in Deo rationem po-

rentiæ secundum rem respectu propriæ operationis, quæ est eademmet divina essentia, quia de ratione potentiæ, seu principij est habitudo ad aliud; quæ in una simplici omnino entitate reperiri non valet; admittit verò secundum modum intelligendi, prout Deus habet à nobis cognosci. Vnde & nos de divinis attributis scientiam habemus, quia cum fundamento in re inter ea & essentiam divinam distinguimus, & unum ut causam alterius apprehendimus; sed non ita Deus, qui se perfectissimè, prout est in se, cognoscit.

98. Itaque neque ex parte Dei cognoscentis, neque ex parte objecti cognoscibilis admitti potest in Deo cognoscibili prout est in se aliqua virtualis causalitas in essendo, aut etiam cognoscendo, itaut unum sit magis cognoscibile quam aliud, loquendo de illius essentia in ordine ad attributa, quia sunt simplicissima entitas, intelligibilis, & actus purus, licet admittatur distinctio virtualis: quia hæc, ut supra diximus abundè ex S. D. non ponit aliquam diversitatem in Deo, sed fundatur in eminentia esse divini præeminenter in se cōtinentis quidquid perfectionis est. Et hæc eminentia attenditur quantum ad tria, universalitatem, plenitudinem, & unitatem. Sunt enim in illo omnes perfectiones adunatæ, & maximè unum, absque ullo prorsus defectu. Vide supra q.4. art.2, cap.4.

In 1. dist.
2. q. 1.
art. 3. c.

99. Ad exemplum de Metaphysica adductum, dicimus, quod licet proprietates entis non habeant causam realiter influentem, tamen ex parte objecti cognoscibilis entis ratio est causa cognoscibilitatis earum, & unum secundum suam

Art. I. An in Deo sit scientia. Cap. VII. 69

suam rationem est notius alio ; quod sufficit ut de eis habeatur scientia. Secus autem evenit in Dei cognitione, quâ seipsum cognoscit prout est in se : nam neque ex parte cognoscentis, neque ex parte rei cognitæ cognoscit unum esse magis cognoscibile quam aliud , ut dictum est. Ad alias instantias patet ex dictis. Vnde solutio supra adducta optima est , & evacuans argumenti difficultatem.

Ad illud, quod primo loco contra illam ob-
jicitur , dicimus quod Deus cognoscendo se,
seu essentiam suam & attributa , prout sunt in
se , non cognoscit essentiam suam ut rationem
attributorum , quia hoc solum competit intel-
lectui cognoscenti Dei essentiam inadæquatè,
& multipliciter , atque ex diversis creaturarum
perfectionibus ; non verò cognoscenti perfectè
& ut est in se , quo pacto Deus se cognoscit.
Sciendum , inquit S. D. *quod pluralitas rationum*
contingit ex hoc, quod res qua Deus est superat in-
tellectum nostrum. Intellectus enim noster non po-
test unâ conceptione diversos modos perfectionis
accipere, tum quia ex creaturis cognitionem acci-
pit , in quibus sunt diversi modi perfectionum se-
cundum diversas formas, &c. Vide supra q. 4. cita-
ta. Ad prob. transeat Maj. & negatur min. quia
non habere causam secundum re seu realiter est
de ratione Dei, & cujuslibet attributi, quod se-
cundum rem essentialiter est ipse Deus. Vnde
sicut non potest fingere plures Deos, ita neque
cognoscere hujusmodi causalitatem virtualem:
quia dato quod attributum aliquod realiter di-
stingeretur à Deo , esset essentialiter Deus,
quia nihil potest remanere idem , si ejus ratio
essentialis destruat, de ratione autem reali,

100.
Loc. cit.
ex 1. sent.

& substantia attributi cujuslibet divini est, quod sit ipse Deus : unde si remaneret distinctum, essentialiter esset Deus, & subinde essent duo dii. Adde quod illud quod causatur ab alio, participat esse, hoc enim est causari, unde sicut impossibile est cognoscere attributum divinum habere esse participatum, quia non esset essentialiter actus purus, ita implicat Deum concipere talem distinctionem.

101. Ad 2. instantiam resp. quod seclusis imperfectionibus scientia Metaphysicæ in intellectu angelico reperitur : nec tamen efficit distinctionem rationis formaliter inter ens, & ejus proprietates ; neque demonstrativè, sed simplici intuitu cognoscit ; intelligit tamen rationem entis secundum se, & ex parte objecti scibilis esse magis notum, & rationem cognoscendi scientificè, hoc est certò & evidentè ipsas proprietates. Et similiter divinus intellectus ex parte objecti cogniti, cognoscit quædam esse magis cognoscibilia, quam alia, & per id scientificè cognoscit ; sed hoc de essentia respectu suorum attributorum minimè cognoscit : quia in conceptu essentiali cujuslibet attributi secundum se cogniti includitur ratio deitatis, & in deitate quodlibet attributum, unde propriè scientiam de illis non habet.

102. Resp. ad 3. ex dictis concessâ majori, intellectâ de distinctione quoad nostrum modum intelligendi, nam ut diximus in re est una simplicissima cognitio, neg. min. Nam sapientiam habet ut cognoscit seipsum, ut autem cognoscit esse suum & alia à se, habet scientiam ; prout cognoscit quidditatem suam & alia dicitur habere intelligentiam. Sed nos cum statuamus

Art. I. An in Deo sit scientia. Cap. VIII. 71
tuamus Deum attingentem se prout est in se,
nullo modo attingere attributa ut distincta, &
nota per essentiam, idcirco dicimus non posse
Deo attribui scientiam de suis attributis, pro-
priè loquendo de scientia. Alia argumenta fa-
cilè ex dictis, & dicendis dissolventur.

CAPVT VIII.

*Vtrum in Deo scientia à posteriori consti-
tuenda veniat.*

Conclusio est negativa. Sumiturque ex D. 103.
Thom. dicente : *Locutio hac quâ dicitur, Qu. 2. de*
quod sciens se ad essentiam suam redit, est locutio *verit.*
metaphorica : non enim in intelligendo est motus, a. 2. ad 2.
ut probatur in 7. Phys. text. 20. Vnde nec propriè
loquendo est ibi recessus, aut reditus : sed pro tanto
dicitur ibi esse processus vel motus : in quantum
ex uno cognoscibili pervenitur ad aliud, & in no-
bis fit per quemdam discursum, secundum quem est
exitus & reditus in animam nostram, dum cognos-
cit seipsam : primò enim actus ab ipsa exiens ter-
minatur ad objectum, & deinde reflectitur supra
actum, & deinde super potentiam & essentiam,
secundum quod actus cognoscuntur ex objectis, &
potentia per actus : sed in divina cognitione non
est aliquis discursus, quasi per notum in ignotum
deveniat. Nihilominus tamen ex parte cognosci-
bilium potest quidam circuitus in ejus cognitione
inveniri, dum scilicet cognoscens essentiam suam
alias res intuetur, in quibus sua essentia similitu-
dinem videt, & sic quodammodo ad suam essen-
tiam redit, non quasi essentiam suam ex rebus aliis
cognoscens.

104. Ex quibus prob. concl. Tunc scitur à posteriori
 Lib. 1. de aliquo, cùm cognoscitur causa, quæ in se est
 poster. notior, per effectum qui est notior quoad nos:
 lect. 24. sed neque ex parte cognoscentis, neque ex
 1. cont. parte rei cognitæ potest aliqua creatura esse
 gent. c. notior Deo quam proprium esse per quod scit
 10. & seq. de omnibus, tanquam per causam totius esse
 q. 12. de creati: ergo non potest in Deo admitti scien-
 verit. 2. 1. tia à posteriori. Maj. patet, nam ideo ex crea-
 turis procedimus ad demonstrandum aliquid à
 posteriori de ipso Deo, quia illæ sunt quidam
 effectus sensibiles Dei nobis notiores, qui im-
 mediatè Deum in se pro hoc statu attingere
 non valemus. Min. etiam est manifesta, nam
 imprimis certum est, quod non sit notior se-
 cundum naturam: quo pacto illa dicuntur no-
 1. Phys. tiora, quæ plus habent de entitate, & sunt ma-
 lect. 1. gis in actu, cum ipsum Dei esse sit actus purus,
 in cujus comparatione creaturæ sunt quasi ni-
 hil, seu non ens. Deinde neque ex parte co-
 gnoscentis; nam ideo in nobis ex parte cognos-
 centis dicuntur aliqua esse notiora, quæ tamen
 non sunt simpliciter notiora, quia ex sensibi-
 libus ad intelligibilia procedimus, quæ licet
 absolutè & simpliciter notiora sint, quia magis
 immaterialia, non tamen nobis, ut probatur
 in 1. Phys. text. 2. Dei autem cognitio hujus-
 modi processum nullatenus admittit; sed per
 essentiam suam ceu causam, est perfectissimè
 omnia cognoscens: ergo creatura nequit dici
 notior Deo, sive ex parte cognoscentis, sive ex
 parte rei cognitæ, quam sit proprium esse, per
 quod, ceu causam, de omnibus scit, seu omnia
 cognoscit.

105. Conf. cognitio seu scientia quæ habetur de
 Deo

Deo à posteriori est imperfecta, utpote in potentia ad ulteriorem ac perfectiorem illius cognitionem: sed hoc cognitioni Dei omnino repugnat: ergo & scientia à posteriori Deo repugnat. Prob. min. quia talis cognitio solum dicit de Deo quia est, seu quid non est, non verò quid est: sed huiusmodi cognitio est quodammodo confusa, & in potentia ad cognitionem quidditativam Dei, quæ sola perfecta cognitio est; unde cognitio, quæ in hac vita habetur de Deo per demonstrationem, per quam scitur de illo quia est, vel quid non est, dicitur ex parte & imperfecta, quia est in potentia ad cognitionem claram & quidditativam ipsius Dei in patria, secundum illud Apostoli 1. Corinth. 13. *Nunc cognosco ex parte*, id est, imperfectè: ergo scientia, seu cognitio, quæ habetur de Deo à posteriori est imperfecta, utpote in potentia ad ulteriorem ac perfectiorem cognitionem, cuiusmodi est cognitio, quam habet de seipso per suam essentiam.

Conf. 2. quia divisio scientiæ in scientiam à priori, & à posteriori est scientiæ discursivæ, qualis in nobis reperitur, in qua cognitio effectus utpote notior est causa cognitionis ipsius causæ. Unde non quidem scientia, sed demonstratio, per quam acquiritur, à Philosopho dividitur in demonstrationem à priori, & à posteriori: demonstratio autem est quidam discursus.

Objicies 1. Deus in creaturis cognitis cognoscit se ut causam earum: sed objectum, in quo aliud cognoscitur est intelligenti ratio cognoscendi, ad minus ex parte objecti: ergo creaturæ à Deo cognitæ sunt ei ratio, seu medium

Lib 1.
cont.
gent.
c. 39.

106.

107.

dium cognoscendi seipsum, prout est earum causa & principium: & consequenter per creaturas de seipso à posteriori cognitionem habet. Minor videtur certa, quia objectum in quo aliud cognoscitur, primò cognitionem terminat, & ratione illius transit cognitio ad id, quod in illo cognoscitur. Maj. autem prob. ex D. Thom. tum loco supra cit. num. 103. tum ex 1. dist. 27. q. 2. art. 2. ad 4. ubi ait: *Seipsum, scil. Deus Pater, in creatura videre potest, in quantum ipsum creatura representat, quamvis imperfectè.* Et ratio hujus est, quia Deus creaturam omnem comprehensivè cognoscit: ergo cognoscit quidquid in eo cognoscibile est: sed creatura dicit intrinsecam habitudinem ad esse divinum, cujus est quædam similitudo & deficiens participatio: ergo Deus seipsum in creatura cognoscit, tanquam earum causam finalem, agentem, & formalem idealem.

108. Conf. ideo constituimus in Deo scientiam à priori, quia divinus intellectus cognoscit causam & effectum, & ordinem inter illa, nimirum causam esse per se causam illius effectus: sed etiam Deus cognoscit effectum ipsum esse per se illius causæ effectum: ergo admittere debemus in Deo scientiam à posteriori, seu cognitionem causæ per effectum.

109. Conf. 2. In Angelo datur cognitio scientifica à posteriori: sed tamen non discurrit ex effectibus sensibilibus ad cognitionem causarum procedens: ergo esto Deus non sic procedat, poterit in eo admitti scientia à posteriori. Maj. patet, Angeli sunt capaces cognitionis, quæ est per signum: sed hæc est à posteriori, cum effectus sensibiles in cognitionem causæ

Art. I. An in Deo sit scientia. Cap. VIII. 75
causæ ducant : ergo in eis potest admitti cognitio scientifica à posteriori.

Resp. ad arg. dist. Maj. Deus cognoscit seipsum in creaturis cognitis, tanquam in principio à quo procedat sui cognitio, & ad quod terminetur, nego maj. tanquam in similitudine representante imperfectè divinum esse, & redeundo ad essentiam suam, concedo maj. & dist. min. objectum in quo aliud cognoscitur est intelligenti ratio cognoscendi, si ab eo incipiat & ad ipsum resolvatur cognitio illius quod cognoscitur, concedo : si ab eo non incipiat, nec ultimate in illud resolvatur, nego min. & conseq. Etenim ut ex D. Thom. diximus in cognitione Dei quidam, ut ita dicatur, circuitus invenitur : primò cognoscit essentiam suam, & in ea res omnes creatas intuetur, in quibus suæ essentiæ similitudinem videt, & sic quodammodo ad suam essentiam redit, non quidem ex aliis essentiam suam cognoscens (quod requirebatur ut esset scientia à posteriori, in qua effectus se habent ut causæ & principia cognoscendi) sed per seipsam, & in ea res alias, tanquam in medio, causâ, & principio cognoscendi.

Resp. ad 1. Conf. concessa maj. dist. min. cognoscit effectum esse per se effectum illius causæ, itaut cognitio ipsius effectus sit medium & causa seu principium ex quo cognoscatur causa, nimirum Deus, nego : per resolutionem illius effectus in divinam essentiam seu principium & terminum illius cognitionis, concedo min. & nego conseq. Nam videre effectum esse causæ effectum quasi resolvendo esse effectus in causam, hoc non ad scientiam à posteriori,

110.

Ex q. 2.

de verit.

2.2 ad 2.

111.

Ex dictis

loc. cit.

76 *Quaest. XIV. De Scientia Dei,*
 posteriori, sed à priori spectat : sed cognoscere
 effectum ut causam cognitionis causæ, & re-
 solvendo cognitionem causæ in effectum tan-
 quam in terminum ultimum processus co-
 gnoscitivi, hoc pertinet ad scientiam à po-
 steriori. Nam omnis scientià est cognitio rei
 per causam, vel simpliciter & absolute, quæ est
 causa essendi; vel secundum quid & quoad nos,
 quæ est causa cognoscendi. Vnde necesse est ut
 in scientia à posteriori cognitio effectus sit prin-
 cipium & causa ex qua causetur causæ cogni-
 tio, & terminus in quem resolvatur, quod im-
 possibile est in Deo admittere.

I 12. Resp. ad 2. Conf, quòd licet in cognitione
 Ex q. 8. Angeli non detur discursus, saltem formalis,
 de verit. tamen intellectus eorum, prout est ex nihilo,
 art. 16. est tenebrosus, comparatus claritati divinæ :
 & 17. unde suæ naturæ relictus, habet Deum in crea-
 tura tanquam in medio cognoscere, simplici
 tamen intuitu, & perinde potest per hoc dici
 habere de Deo scientiam à posteriori, quatenus
 respectivam habet cognitionem; non verò
 Deus, qui per essentiam suam omnia cognoscit,
 & cujus intellectus non habet vesperum.

C A P V T I X.

*Utrum divina scientia rationem habitus
 repugnet habere.*

I 13. **V**Na ex conditionibus ad nostram scien-
 tiam pertinentibus est, quod sit habitus,
 loquendo de illa, prout habet esse permanens;
 definitur enim, *habitus certus, verus, & evidens*
 per

Art. I. An in Deo sit scientia. Cap. IX. 77
per demonstrationem acquisitus. Quærimus ergo
impræsentiarum, utrum aliquo modo id divinæ
scientiæ competere queat? Quidam affirma-
tivam tenent sententiam, ut videre est apud
illustriss. Godoy hîc tract. 3. disp. 24. §. 8. Sed ne-
gativa est cômunis ac receptissima inter scho-
lasticos. Estque D. Thomæ hîc art. 1. ad. 1. ubi
ait: Dicendum quod quia perfectiones procedentes
à Deo in creaturas altiori modo sunt in Deo, ut su-
pradiçtum est, oportet quod quandocunque nomen
sumptum à quacunque perfectione creatura Deo at-
tribuitur, secludatur ab ejus significatione omne
illud, quod pertinet ad imperfectum modum, qui
competit creatura. Vnde scientia non est qualitas
in Deo, vel habitus, sed substantia & actus purus.
Idem asserit innumeris aliis in locis.

Prob. ex S. D. quia ratio habitus in sua in-
 trinseca ratione imperfectionem involvit: ergo
 nequit formaliter competere divinæ scientiæ in
 ordine ad potentiam intellectivam, vel voli-
 tivam prout sunt elicitiivæ divinæ intellectu-
 nis, & volitionis, etiam secundum modum
 significandi. Prob. antec. primò, quia habitus
 est actus imperfectus, quasi medius inter po-
 tentiam & actum ultimum: unde & habentes
 habitum dormientibus comparantur: ergo in
 sua ratione dicit rationem imperfecti, & in-
 trinsece perfectibilis ad ultimo actu. Secundo
 quia habitus de sua ratione est perfectivus po-
 tentiæ, quæ passiva est & determinabilis ad
 operationem, unde formæ naturales ad operan-
 dum non indigent habitu, v. g. forma ignis ad
 calefaciendum: sed ratio potentiæ passivæ om-
 nino dicit imperfectionem: ergo habitus in
 sua ratione importat habitudinem ad aliquid
 imperfectum.

I 14.
 1. cont.
 gent c.
 16. 92.
 1. 2.
 q. 49. art.
 4. 3. sent.
 d 13. q.
 1 art. 1.
 c q 1. de
 pot. 2. 1.

78 *Quaest. XIV. De Scientia Dei,*
 imperfectum. Tertio, quia habitus formaliter, & secundum rationem suam est de genere accidentis: sed esse accidens in sua ratione dicit imperfectionem repugnantem actui puro: ergo habitus de sua intrinseca ratione dicit imperfectionem. Prob. antec. quia habitus essentialiter est qualitas difficilè mobilis à subjecto: sed quod est mobile à subjecto, formaliter est de genere accidentis, cujus natura est adesse, & abesse à subjecto: ergo habitus formaliter & secundum rationem suam est de genere accidentis.

115. Nec valet dicere hæc omnia convenire habitui creato, non quidem ex suo conceptu formali, sed quia creatus est. Non, inquam, valet: quia, ut dictum est, ex sua intrinseca & formali ratione, habitus dicit esse perfectionem potentiae passivæ, & mobilis, seu actuabilis realiter à suo objecto: sed potentiae passivæ ratio intrinsecè claudit imperfectionem Deo repugnantem: ergo & ratio habitus.

116. *Quæst.* Arg. 1. habitus est perfectior potentiâ: sed in Deo constituitur ratio potentiae: ergo multo magis potest ei attribui ratio habitus.

1. depot. Resp. ex S. D. dist. maj. habitus est perfectior

117. *arg. 4.* potentiâ, cujus est habitus, quæ est potentia passiva, concedo: habitus est perfectior potentiâ, cujus non est habitus, absolutè loquendo, nego: licet autem Deo conveniat ratio potentiae activæ, non autem potentiae passivæ, unde repugnat ei ratio habitus, qui nunquam est in potentia activa, sed solùm passiva: cujusmodi sunt potentiae cognoscitivæ & rationales, quæ sunt passivæ, & actuabiles à suis objectis.

Arg.

Art. I. An in Deo sit scientia. Cap. IX. 79

Arg. 2. Illud quod in suo conceptu formali
imperfectiōem non involvit, Deo minimè re- 118.
pugnat : sed aggregatum ex potentia & habitu
intellectivo, v. g. scientiæ, nullam in suo con-
ceptu imperfectiōem involvit : ergo Deo non
repugnat tam ratio potentiæ intellectivæ, quā
habitus scientiæ. Min. prob. aggregatum hu-
jusmodi nil aliud dicit, quam potentiam faci-
lem ad actum scientiæ : sed in tali aggregato
ex potentia & facilitate ad actum nulla imper-
fectiō importatur : ergo aggregatum ex poten-
tia & habitu intellectivo scientiæ nullam di-
cit imperfectiōem. Min. prob. quia potentia
non est imperfectiō, & multo minùs facilitas
ad actum cognitionis : immo est magna perfe-
ctiō, cujus oppositum scil. difficultas sciendi,
seu carentia hujusmodi facilitatis est imper-
fectiō.

Respondet Illustriss. Godoy hîc disp. 24. §. 9. 119.
negando min. ad cujus prob. distinguit ma-
jorem sic : Aggregatum hujusmodi nil aliud
dicit, quam potentiam facilem ex conceptu
potentiæ, negatur maj. potentiam facilem fa-
cilitate superaddita potentiæ, supponentéque
difficultatem in illa, conc. maj. hoc autem
imperfectiōem dicit, nimirum impotentiam,
seu carentiam virtutis ad actum, seu propor-
tionis proximæ ad illum, ac subinde repugnat
Deo.

Resp. 2. neg. min. Ad cujus prob. dist. maj. 120.
hujusmodi aggregatum nil aliud dicit, quam Loc. cit.
potentiam & facilitatem ad actum, potentiam de pot.
activam, & conjunctam per se cum actu suo, art. 1.
ergo : potentiam passivam & per se ab actu
rimo separabilem, concedo maj. & nego min.
omnis

omnis enim potentia passiva, & quæ per se non est conjuncta cum suo actu, sed separabilis, imperfectiorem intrinsecè claudit.

111. Arg. 3. Vis proximè intellectiva & facilitas ad intelligendum in divino intellectu distinctione virtuali abinvicem distinguuntur : sed facilitas ut distincta sufficit ad constituendam habitus rationem : ergo est in Deo ut habitus. Maj. patet, tum quia illa quæ in nobis abinvicem realiter distinguuntur, in Deo virtualiter saltem distinguuntur, seu ratione ratiocinata, v. g. quia misericordia & justitia in nobis realiter distinguuntur, & unitè in Deo reperiuntur, distinguimus ea ratione ratiocinata, seu virtualiter. Sed illa facilitas in nobis à ratione potentiæ realiter distinguitur ; ergo in Deo distinguitur virtualiter seu ratione ratiocinata. Tum quia vis proximè intellectiva, & facilitas ad intelligendum, non dicuntur de Deo & de nobis purè æquivocè, sed analogicè : ergo cum in nobis realiter distinguantur, erit fundamentum, ut ratio inter ea distinguat in Deo. Minor etiam est evidens : nam facilitas illa virtualiter distincta à potentia intellectiva ad divinam intellectionem concurrat : sed non per modum speciei, non enim ex parte objecti concurrat, ut similitudo ejus : nec concurrat per modum potentiæ, cum ab ea distinguatur : ergo concurrat ut juvans potentiam, & complens, & subinde ut habitus.

122. Resp. omisâ aliorum solutione, videnda apud citatum Godoy num. 187. & seq. neg. maj. Ad cujus prob. disting. min. illa facilitas in nobis realiter distinguitur à ratione potentiæ, si sit facilitas per modum dispositionis superadditæ,

Art. I. An in Deo sit scientia. Cap. IX. 81

additæ, & ut determinatio potentia ad operandum, seu facilitas comparata exercitio & usu, concedo: si sit facilitas, ut vigor naturalis ad fortiter, & expeditè operandum, & intrinsicè radicata in principiis rei substantialibus, nego min. Hoc enim pacto est essentialiter ipsamet potentia simpliciter dicta, quæ nuncupatur naturalis potentia, ut explicuimus tom. 2. clypei Philos. q. 8. art. 2. §. 2. sic autem est huiusmodi facilitas ad intelligendum in Deo, nimirum ut vigor naturalis, & non ut dispositio superaddita ad perficiendum subiectum tollendumque potentialitatem & indispositionem ejus ad perfectè intelligendum, unde scientia in Deo non habet rationem habitus, sed potius actus, vel naturalis vigoris radicati in principiis substantialibus rei, cum Deus per essentiam & naturam suam sit perfectissimè intelligens ac sciens.

✠✠✠. ✠✠✠. ✠✠✠ ✠✠✠. ✠✠✠. ✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠

ARTICVLVS SECVNDVS.

Vtrum Deus intelligat se.

CAPVT PRIMVM.

Doctrina articuli proponitur.



CONCLUSIO, Deus se intelligit per seipsum, itaut cognoscens & cognitum omnino idem sint. Probat *in sed* *contra* autoritate Apostoli 1. ad Corinth. 2. dicentis: Spiritus omnia scrutatur, etiam

I.
Hic, &
q. 2. de
verit.
2. 2. lib. 2.
cont.

82 *Quest. XIV. De Scientia Dei,*

gent. c. *profunda Dei. Quis enim hominū scit quæ sunt ho-*
 47 & *minis, nisi spiritus hominis, qui in ipso est? ita &*
 48. lib *quæ Dei sunt, nemo novit nisi Spiritus Dei. Q. d.*
 1. lent. *Sicut spiritus hominis, id est intellectus ejus*
 dist. 25. *seu mens eorum quæ in corde hominis latent,*
 art. 2. *per seipsum cognitionem habet, atque imme-*
 lib. 12. *diatè per seipsum, & non per alios cognoscit:*
 meta- *ita & Spiritus Dei, quippe qui Deus secreta Tri-*
 phys. *nitatis per seipsum novit, nec aliunde cogni-*
 lect. 8. *tionem eorum venatur. Hæc veritas nec ipsos*
 Ibid. *Philosophos fidei lumine destitutos latuit. Eam*
 lect. 2. *expressè demonstrat Aristoteles lib. 12. meta-*
phys. text. 39. & Avicenna lib. 8. cap. 7.

2. Prob. S. D. sic: Eo ipso fit intellectio, quodd
 Hic in intellectus est in actu ipsum objectum intelli-
 cap. art. gibile, quod est quidditas rei: ergo eo ipso ali-
 quid est intelligens se per seipsum, quod intel-
 lectus ejus est omnibus modis idem cum sua
 essentia, seu quidditate in actu: sed in Deo in-
 tellectus in actu est omnino idem cum sua es-
 sentia: ergo Deus est intelligens se per seip-
 sum. Antec. prob. ex discrimine reperto inter
 operationes transeuntes & immanentes: quodd
 videlicet in operationibus, quæ in exteriorem
 effectum transeunt, objectum operationis, quod
 significatur ut terminus, est aliquid extra ope-
 rantem: at verò in operationibus immanenti-
 bus objectum, quod significatur ut terminus
 operationis, est in ipso operante, & secundum
 quod est in eo, est operatio in actu: sed intel-
 ligere est operatio immanens; ergo secundum
 quod intelligibile, quod est ipsius terminus, est
 ipsum intelligens in actu, seu in eo est actu,
 secundum hoc intellectus est in actu intelli-
 gendi: ergo si per seipsum est in actu objectum
 intel

Art. II. An Deus intelligat se. Cap. I. 83

intellectum, seipsum intelligit per seipsum. Min. prob. secundum hoc duntaxat intellectus est aliud ab intelligibili, quia utrumque est in potentia, videlicet ad conjunctionem perfectam intelligibilem: sed Deus est actus purus, & nullo modo in potentia, etiam ad conjunctionem intelligibilem & perfectam ipsius intellectus cum sua quidditate & essentia, sive ex parte objecti, sive ex parte potentiae: ergo divinus intellectus in actu est omnino idem cum essentia divina.

Maj. prob. ad perfectionem intellectualis operationis, quae est intelligere quidditatem rei (haec enim sola dicitur proprie intelligere) requiritur quod species intelligibilis perfecte conformetur cum re intellecta, & quod ipsa perfecte intellectui jungatur: sed secundum hoc potissimum aliqua inveniuntur distincta, quod sunt separata, & in potentia ad identitatem & conjunctionem in esse: ergo secundum hoc duntaxat intellectus est aliud ab intelligibili, quod utrumque est in potentia ad conjunctionem perfectam intelligibilem. Maj. patet, quia simile simili cognoscitur: ergo ut perfecta sit operatio intellectualis, exigitur perfecta conformatio speciei cum re intellecta. Similiter quandiu res intellecta est absens, & extra cognoscentem, non potest ejus operationem terminare, quia non fertur operatio immanens in objectum ad extra, sed prout est in operante: ergo ut perfecta intellectio fiat, requiritur conjunctio per identitatem objecti cum potentia in esse intelligibili: & secundum hoc duntaxat intellectus est aliud ab intelligibili, quod utrumque est in potentia; sicut ea-

3.
Loc. cit.
cont.
gent.
cap. 47.
rat. 1.
1. p. q.
56 a. 1.

tenuis distinguitur album ab albedine, quatenus est in potentia ad albedinem, nam albedo ut conjuncta formaliter secundum suum esse realiter nihil aliud est quam album.

4. *Loc. cit ex 1. p. q. § 6. a. 1. c.* Nota quodd, cum dicitur objectum operationis immanentis, qualis est intellectio, esse in operante, intelligi debet per unionem formalem, id est, ad hoc ut intellectio procedat, requiritur ut objectum sit unitum potentiae sicut forma, quæ est principium formale actionis in agentibus naturalibus. Sicut enim calor est principium formale calefactionis in igne, in quo est, ita species rei visæ existens in oculo, est principium formale visionis constituens oculum actu videntem: Et per hoc differre dicitur ab actione transeunte, quia objectum, quod significatur ut terminus, non est in operante, videlicet sicut principium formale, à quo procedat operatio: non enim signum est principium formale calefaciendi in igne: at verò natura hominis quæ intelligitur, seu est objectum & terminus intellectiois, mediâ specie sua est principium formale intelligendi ipsam: Quia simile simili cognoscitur.

§. I.

Solvuntur argumenta,

§. *Lib de causis propos. §. D. Th ibid. lect. 15.* **A**Rg. 1. Qui cognoscit se per seipsum, est rediens ad essentiam suam reditione completâ: sed Deus non est rediens ad essentiam suam, cum non exeat extra illam: ergo non est sciens, seu cognoscens seipsum aut essentiam suam.

Resp. S. D. quod sciens seipsum, seu essentiam

Art. II. An Deus intelligat se. Cap. I. 85

tiam suam dicitur redire ad seipsum reditione completa, non per hoc quod extra seipsum exeat, sed quia habet esse formam in seipsa, seu per se subsistentem. Per se autem subsistere maximè competit Deo. Eapropter secundum hunc loquendi modum ipse est potissimum, atque maximè ad essentiam suam rediens. Cujus rei gratia advertit, quòd forma, inquantum materiam perficit dando illi esse, quodammodo supra ipsum effunditur: in quantum verò in seipsa, & non in composito esse habet, in seipsam redit, & colligitur, atque in seipsam per propriam operationem convertitur; quod est cognoscere se. Virtutes igitur cognoscitivæ, quæ non sunt per se subsistentes, sed actus aliquorum organorum, seipsas non cognoscunt, sicut in singulis sensibus patet: sed virtutes cognoscitivæ per se subsistentes seipsas cognoscunt.

6.
Loc. cit.

Verba S. D. sunt: Cum dico, quod sciens scit
essentiam suam, ipsum scire significat operatio-
nem intelligibilem: ergo patet, quod in hoc quod
sciens scit essentiam suam, redit, id est, converti-
tur per operationem suam intelligibilem ad essen-
tiam suam, intelligendo scilicet eam. Et quod hoc de-
beat vocari reditus, manifestat per hoc, quod cum
anima scit essentiam suam, sciens & scitum sunt
una res: & ita scientia quæ scit essentiam suam,
id est, operatio intelligibilis est ex ea, in quantum
est scita, & sic est ibi quadam circulatio, qua im-
portatur in verbo redeundi seu convertendi. Ex
hoc autem quod secundum operationem suam redit
ad essentiam suam, concludit ulterius quod secun-
dum substantiam suam est rediens ad essentiam
suam, & ita fit reditio completa secundum sub-

7.
Loc. cit.
ex lib. de
caulis
lect. 15.

stantiam & operationem : Illa autem dicuntur secundum substantiam suam ad seipsa converti , quae subsistunt secundum seipsa habentia fixionem , ita quod non convertantur ad aliquod aliud sustentans ipsa , sicut est conversio accidentium ad substantiam.

8. Arg. 2. cognoscens patitur à re cognita , ip-sique assimilatur : cum intelligere sit quoddam pati , ut dicitur 3. *de anima* text. 12. & 28. om-nisque cognitio fiat per assimilationem co-gnoscantis ad rem cognitam : sed Deus non patitur , nec perficitur à seipso , nec sibi assimi-latur : ergo non cognoscit seipsum.

9. Resp. ex S. D. quod cognoscens patitur à re cognita loquendo de passione largè sumpta , seu æquivocè , & quantum ad modum signifi-candi. Similiter cognoscens assimilatur rei co-gnitæ , quando est potentia susceptiva ejus , quod
 1. dist. in Deo non contingit. *Dicendum*, inquit, quod
 35. q. 1. *omnia ista vocabula, quibus dicimus, scientiam esse*
 2. 1. ad 4. *assimilationem, apprehensionem, vel impressionem, vel aliquid hujusmodi veniunt ex consideratione intellectus possibilis , qui non cognoscit, nisi per re-ceptionem alicujus speciei, respectu cujus est in po-tentia , per quam assimilatur rei extra animam. Vnde ubi est intellectus in actu tantum , nihil ho-rum propriè dicitur , sed secundum modum intelli-gendi tantum.*

10. Arg. 3. præcipuè Deo sumus similes secun-dum intellectum & mentem , secundum quam sumus ad imaginem Dei , ut docet August. 3. *de Trinit.* sed intellectus noster non intelligit se , nisi sicut intelligit alia , ut dicitur 1. *de anima* : ergo Deus non intelligit se , nisi fortè intelli-gendo alia.

11. Resp. S. D. quod licet Deo similes simus se-cundum

Art. II. An Deus intelligat se. Cap. II. 87
cundum intellectum, non tamen perfectè, &
quantum ad modum intelligendi. Nam cum
intellectus noster sit in potentia ad omnia in-
telligibilia, non potest habere intelligibilium
operationem, nisi in quantum per speciem in-
telligibilem alicujus perficitur. Quapropter in-
tellectus noster seipsum per speciem intelli-
gibilem, quemadmodum & cætera alia intelligit;
Deus autem est sicut actus purus, tam in ordine
existentium, quam in ordine intelligibilium,
& ideo non indiget reduci in actum per ali-
quam speciem intelligibilem, sed seipsum per
seipsum intelligit.

C A P V T I I.

*Soluuntur quadam instantia contra ratio-
nem D. Thomæ, & breviter explicatur
quomodo intellectus in actu sit ipsum
intelligibile in actu.*

ARg. 4. contra rationem à D. Thom. alla- 12.
tam cum ait S. D. quod *intellectus in actu*
est ipsum intelligibile in actu, vel intelligit quod
sunt unum in esse entitativo, vel in esse intel-
ligibili? Primum dici nequit: etenim lapis ex-
tra animam existens nullatenus est ipsemet in-
tellectus secundum suum esse naturale: superest
igitur ut sint unum in esse intelligibili, quate-
nus mediante specie intelligibili anima in rem
ipsam transformatur: sed ex hoc nullatenus
deduci potest, quod se per seipsum cognoscat:
ergo ratio D. Thomæ inefficax est. Prob. minor,
in qualibet cognitione necessum est, quod in-

Opusc.
14.

tellektus in actu sit ipsum intelligibile in actu in esse intelligibili & intentionali : sed tamen non dicitur quod intelligibile per se ipsum cognoscatur, sed per speciem suam : ergo nec infertur quodd Deus se per seipsum cognoscat, ex hoc quod actu intellectus ejus sit essentia ipsius in actu, sed solum per speciem, per quam intellectus divinus est actu ipsummet intelligibile in actu, nimirum Deus, vel essentia divina.

13. Ut possit fieri satis huic difficultati multa dicenda occurrebant circa unionem seu conjunctionem objecti intelligibilis cum ipso intellectu, verum quia in lib. de anima quaest. 14. rem fusè tractavimus, hîc eam paucis absolvemus. Notandum igitur, quod aliqua esse unum dupliciter contingit, prout ad praesens spectat : Primò per realem unionem, seu unionem eorum in uno physico composito ; quatenus videlicet unum recipit, & aliud recipitur tanquam actus & forma : quo pacto ex materia prima & forma unitis, vel ex subjecto & accidenti ad invicem conjunctis per receptionem & informationem unum aliquod totum coalescit : Secundò per identitatem naturæ, seu alicujus formæ totalis, sicut animal & rationale in homine, humanitas enim utrumque includit, & identificat. In his, quæ primo modo sunt unum praesupponitur diversitas realis actus & potentiae, atque conjunctio seu unio quâ reddantur unum per receptionem & informationem. Vnde non dicuntur realiter unum omnibus modis, sed quia sunt unum in uno esse quod causant. In his verò quæ sunt unum per identitatē accedit diversitas in radice & causa,
nec

Art. II. An Deus intelligat se. Cap. II. 89

nec per se requiritur : unumque non se habet necessariò ut potentia realis susceptiva, & aliud ut forma, aut actus informans : sed comparantur inter se ut actus ad actum, & ut duæ perfectiones subordinatæ ; sicut animal & rationale, albedo & album esse, lux & lucidum esse.

Dicimus igitur, quod intellectus intelligens & intelligibile in actu sunt unum de se & ex propriis per identitatem intelligibilem seu intentionalem, seu etiam per identitatem naturæ quasi metaphysicè, sicut humanitas in actu, & esse hominem. Nam humanitas in actu est homo formaliter, sicut albedo in actu est album esse. Effectus enim formalis est realiter forma ipsa in actu suo, id est, ut communicata, & secundum esse : esto secundum rationes suas distinguui intelligentur. Sic igitur ipsum intelligibile, cum habeat rationem formæ respectu intellectus intelligentis, oportet quod in actu sit ipse intellectus intelligens in actu : quia forma communicata subjecto est ipse effectus formalis : esse autem intelligentem in actu est effectus formalis intelligibilis facti in actu proprio. Itaque cum dicitur, quod intellectus & ipsum intellectum sunt unum, non est existimandum quod potentia intellectiva secundum se sit res intellecta, hoc enim non est undequaque verum respectu omnis intelligibilis : sed sensus est, quod intellectus prout actu intelligens, est ipsum intelligibile prout factum in actu suo : sicut id quod est album non est albedo, sed album formaliter est albedo in actu, quia actus albedinis communicatæ est esse album.

Quod autem intellectus & intelligibile sint unum

14.

15.

1. p. qu. 56 art. 1. cap. unum per informationem, & præsupponant di-

versitatem, hoc aliunde provenit, nimirum ex potentialitate essendi & actualitate in ratione manifestativi, seu intelligibilis & intellectivi. Sicut enim calori accidit, quod inhæreat igni ut calefaciat, nam etiam si esset per se subsistens, nihilominus calefaceret, & perfectius: ita & formæ, seu speciei intelligibili, ut sit principium formale intellectiōis, accidit quod inhæreat: & de ratione ejus per se duntaxat est, quod sit ut actus & forma, seu perfectio intrinseca intelligentis, per quam sit in actu suo.

16. Ad arg. itaque resp. quod hoc axioma sic intelligendum venit, intellectus in actu est ipsum intelligibile in actu per identitatem quidem intentionalem, & quasi naturæ metaphysicæ, in his intelligentibus & intelligibilibus, quæ secundum se potentialitatem admixtam habent in linea intelligibilitatis prout radicalitæ in natura rei & entis intellectivi atque intelligibilis. In intelligibilibus autem intelligentibus omnino depuratis, & quæ fœces alicujus potentialitatis non contrahunt, sunt unum & per identitatem intelligibilem, & per identitatem in esse, prout intelligibilitatem fundat, vel intellectualitatem radicat. Unde dist. min. Ex hoc quod intelligens & intelligibile sunt unum, non elicitur quod intelligens se per seipsum intelligat, si sint unum inadæquatè & per imperfectam identitatem objecti intelligibilis cum ipso intellectu intelligente, concedo: si sint unum adæquatè & omnibus modis, seu per identitatem perfectam, nego. Identitatem autem perfectam voco, cum intelligibile,

ligibile, & intellectus intelligens nullo modo sunt in potentia ad unionem, sed tam radicaliter quam formaliter sunt unum in actu, ut contingit in Deo intelligente seipsum: neque enim formaliter intellectus ejus est in potentia ad essentiam ejus, ut ipsi uniatur, neque radicaliter, sicut accidit in aliis intelligentibus. Nam licet intellectus humanus actu intelligens aliquod objectum non sit formaliter in potentia ad ipsum, sed ipsummet in actu per identitatem intelligibilem, tamen radicaliter utrumque est in potentia. Nam res materialis in se, vel spiritualis ad modum rei corporeæ cognoscibilis à nobis, est in potentia duntaxat intelligibilis, & intellectus humanus secundum se est duntaxat in potentia intelligens. Sed in Deo est omnibus modis in actu tam radicaliter, quam formaliter tam ipse intellectus intelligens, quam ipsa essentia divina: quia est actus purus, & summè immaterialis secundum suum esse & substantiam seu essentiam: ac subinde esse intelligibile, & esse naturale, quod est radix ipsius esse intelligibilis seu intelligendi, in Deo unum & idem sunt. Per quod patet ad prob. dico enim in qualibet cognitione sufficere ut intellectus & intelligibile sint unum in esse intentionali, ut absolutè fiat intellectio: sed ut perfectissima sit, cujusmodi est intellectio, quâ Deus se per seipsum intelligit, exigitur ut sint omnibus modis unum.

Arg. ultimò contra eandem; & præsertim contra illam propositionem à S. D. assumptam, videlicet, quod secundum hoc tantum intellectus non est ipsum objectum intelligibile, sed distinctum ab illo, quia utrumque est in potentia;

rentia : Nam sufficit, quòd vel intellectus seorsim, vel intelligibile sit in potentia : ergo non requiritur, ut utrumque sit in potentia, ad hoc ut non sint idem, sed distinguantur in esse intelligibili. Antec. prob. nam Deus est actus purus, & nullo modo in potentia respectu intellectus creati, & è contra intellectus creatus est in potentia ad ipsum : attamen non sunt omnino unum in esse intelligibili, sed distincta : ergo sufficit, quod vel intellectus, vel intelligibile seorsim sit in potentia.

18. Conf. intellectus Angeli non est ipsum objectum intelligibile per se, loquendo de objecto primario, quod est substantia seu essentia illius; sed tamen intellectus Angeli non est in potentia respectu suæ essentiae : ergo non ex eo tantum intellectus est aliud ab intelligibili, quia utrumque est in potentia. Min. prob. quia ex hoc duntaxat intellectus est in potentia respectu objecti, quia species objecti est in virtute cognoscitiva tantum in potentia : sed intellectus Angeli non est in potentia ad aliquam speciem, per quam seipsum cognoscat, cum per suam substantiam seipsum intelligat : ergo intellectus Angeli non est in potentia respectu suæ essentiae.

1. p. q.
§ 6. a. 1. c.

19. Resp. D. Cajetanus, quod cum D. Thom. ait: *Secundum hoc tantum sensus, vel intellectus aliud est à sensibili, vel intelligibili, quia utrumque est in potentia*, ly *utrumque* debet referri ad intellectum & sensum; non verò ad intellectum, & objectum ejus. Esto enim verum sit, quod intellectus sit potentia intelligens, & objectum potentia intelligibile, & per hoc distinguantur, tamen hoc ait ab Authore non intendi:

tum

tum quia potentialitas respectu unius sufficit, ut patet in exemplo de intellectu creato intelligente Deum, qui est actus purus. Tum quia ista potentialitas objecti, non in se, sed respectu hujus non est potentialitas imperfectionis, de qua loquimur. Tandem quia planus literæ sensus primam expositionem optimè amplectitur, & propositio satisfacit.

Potest secundò responderi, & fortassis magis ad mentem D. Thomæ, quòd ly *utrumque* refertur ad intellectum & objectum: si enim referretur ad sensum & intellectum, non diceretur utrumque, sed uterque. Præterea, quia oppositorum oppositæ sunt rationes & causæ: sed intellectus & intelligibile sunt unum per hoc quod utrumque est in actu: ergo distingui debent per id quod utrumque est in potentia: non quidem in potentia ad esse, sed ad agere actu intellectionem; impossibile enim intellectu videtur, quod intelligens sit in potentia, & intelligibile sit in actu, cum intelligibile sit ut forma, quæ dicitur esse in actu proprio, dum est communicata proprio perfectibili: ergo sicut intellectus est in potentia, dum non formatur actu specie objecti: ita objectum est in potentia perficiens, quandiu per speciem suam intellectui non unitur, vel per seipsam.

20.

Vnde resp. ad arg. neg. antec. Ad cujus prob. dist. maj. Deus est actus purus, & nullo modo in potentia respectu intellectus creati: si sumatur Deus secundum se, concedo: quia essentia divina, cum sit à materia separata, est per se actu intelligibilis, & lux per essentiam; si sumatur Deus in ratione objecti intelligibilis à nobis, & per modum formæ actu unibilis intel-

21.

Quod-
lib. 7. a. 1.

lectui

lectui creato, nego. Sic enim non semper actu conjungitur, seu unitur, sed est distans secundum se, non propter defectum intelligibilitatis, sed excessum super potentiam. Sicque est in potentia respectu nostri, quia non attingimus ad illum.

22. Resp. ad conf. dist. maj. Intellectus Angeli non est ipsum intelligibile objectum, quod est substantia ejusdem Angeli, in esse entitativo, concedo: in esse intelligibili secundum actum primum, nego maj. sic enim essentia Angeli per modum propriae speciei est semper praesens proprio intellectui, per modum actus, & formae necessario conjunctae cum suo perfectibili, quod semper facit esse in actu suo: & intellectus in ordine ad illam est ut potentia per se conjuncta cum suo actu, sicut potentia calefactiva in igne cum calore. Itaque differunt ab invicem intellectus humanus, Divinus, & Angelicus: quia intellectus humanus se habet respectu omnis intelligibilis ut potentia de se non conjuncta actui, etiam respectu propriae essentiae, & speciei; unde simpliciter ab ipso intelligibili differt, quatenus utrumque est in potentia ad conjunctionem actualem. Intellectus Divinus è contra est universaliter, per propriam essentiam continentem species omnium rerum, in actu omnis intelligibilis: sed intellectus Angelicus quodammodo est in actu & in potentia: in actu quidem respectu propriae essentiae, quae cum sit immaterialis, & per se subsistens est ei conjuncta actu, ut principium formale intelligendi seipsam: sed respectu aliorum suapte natura est in potentia, & habet perfici à speciebus intelligibilibus, non quidem

Art. III. An Deus compr. seipsum. Cap. II. 95
 quidem acquisitis, ut in nobis contingit, sed
 inditis & infusis. Ea propter semper concla-
 ditur, in tantum aliquid esse in actu intelli-
 gendi, in quantum intellectus in actu est ip-
 sum intelligibile in actu; & quod in tantum
 sunt distincta, in quantum sunt in potentia ad
 unionem illam, & transformationem.

A R T I C V L V S I I I.

Utrum Deus comprehendat seipsum.

C O N C L U S I O : Deus perfectè seip-
 sum comprehendit. Probat S. D. ex
 D. Augustino lib. 83. qq. quæst. 14. quia
 omne quod intelligit se, comprehen-
 dit se; sed Deus intelligit se: ergo comprehen-
 dit se. Maj. patet, nam si intelligit se perfectè,
 & quantum intelligibilis est à se, tunc cognos-
 cens cognoscibili adæquatur, & tanta est effi-
 cacia virtutis cognoscitivæ in cognoscendo,
 quanta est cognoscibilitas objecti, quia virtus
 sequitur rei essentiam & quidditatem, quæ est
 medium cognoscendi illam.

Deinde probat ratione: Tunc dicitur ali-
 quid comprehendere, quando ad finem cognitio-
 nis ipsius pervenitur, id est, quando cognos-
 citur res ita perfectè sicut cognoscibilis est;
 sed Deus ita perfectè seipsum cognoscit, sicut
 cognoscibilis est: ergo Deus seipsum compre-
 hendit. Maj. patet, quia tunc propositio de-
 monstrabilis comprehendit, quando per de-
 monstrationem cognoscitur, non autem si per
 rationem probabilem duntaxat cognoscatur,
 quia

I.
 3. dist.
 14. art. 2.
 quæst. 1.
 & 2. 1.
 cont.
 gent. c. 3.
 q. 2. de
 verit.
 art. 2. &
 5. q. 20.
 art. 4.
 opusc. 2.
 c. 106.
 223. &
 264.
 2.
 In corp
 art.

quia per demonstrationem ita perfectè cognoscitur, sicut cognoscibilis est, non autem per rationem probabilem. Minor autem prob. Deus infinitè cognoscibilis est; sed infinitè seipsum cognoscit: ergo Deus ita perfectè seipsum cognoscit, sicut cognoscibilis est. Maj. declaratur, est aliquid cognoscibile secundum modum sui actus, non enim cognoscitur aliquid secundum quod est in potètia, sed secundum quod est actu, ut dicitur in *9. metaphys. text. 20.* sed Deus est summè in actu, seu actus purissimus absque omni potentialitate: ergo est infinitè cognoscibilis. Minor etiam prob. tanta est virtus Dei in cognoscendo, quanta est actualitas ejus in existendo; sed actualitas ipsius in existendo est infinita, cum sit suum esse: ergo est infinitè cognoscitivus, seu virtus ejus in cognoscendo est infinita. Prob. maj. Deus cognoscitivus est per hoc quod est actu, & ab omni materia & potentia separatus, ut ostensum est supra *art. 1. hujus quaest.* ergo tanta est virtus Dei in cognoscendo, quanta est actualitas ejus in existendo.

3. Arg. 1. qui est omnibus modis infinitus, seipsum non comprehendit; sed Deus est omnibus modis infinitus: ergo Deus seipsum non comprehendit. Maj. prob. quia quod comprehendit se, est finitum sibi, ut dicit August. *lib. 83. q. 14* sed quod est finitum sibi non est omnibus modis infinitum: ergo qui est omnibus modis infinitus, seipsum non comprehendit.

4. Si dicatur, quod Deus infinitus est nobis, sed finitus sibi; *Contra*, verius est unumquodque secundum quod est apud Deum, quam secundum quod est apud nos: ergo si Deus sibi ipsi

Art. IV. An intellig. Dei sit ejus subst. 97

ipsi est finitus , nobis autem infinitus , veriùs
dicetur finitus , quam infinitus , quod est con-
tra determinata 9.7.art.2.

Resp. S. D. quod comprehendere dupliciter
accipitur : primò propriè, quando videlicet in-
cludit ipsam rem , seu attingit fines ejus : qua-
ratione oportet , ut omne illud quod compre-
henditur, finem habeat : Vnde S. August. epist.
112. diffiniendo comprehensionem dicit, quod
totum comprehenditur videndo , cujus fines
circumspici , vel circumscribi possunt : tunc
autem fines alicujus circumspiciuntur, quando
ad finem in modo cognoscendi illam rem per-
venitur. Et sic Deus nullo modo à se, vel alio
quocunque intellectu comprehendi potest.
Nam quod sic comprehenditur , finitum esse
oportet , sicut omne inclusum finem habet,
Deus autem simpliciter infinitus est. Secundò
sumitur communiter , quando nimirum com-
prehendens non exceditur à re comprehensa.
Et hoc pacto Deus seipsum comprehendere di-
citur , quia ita perfectè seipsum cognoscit , si-
cut perfectè cognoscibilis est. Vnde hujusmo-
di loquutio , Deus comprehendit seipsum , &
similes per negationem exponendæ sunt. Sicut
enim Deus dicitur esse in seipso , quia à nullo
exteriori continetur : ita dicitur comprehendi
à seipso, quia nihil est sui , quod lateat ipsum.
Vnde Augustinus *loc. cit.* ait : quod totum
comprehenditur videndo, quod ita videtur, ut
nihil ejus lateat videntem.

Resp. ad 2. S. D. cum dicitur, Deus est fini-
tus sibi non autem nobis , dupliciter intelligi
posse : uno modo itaut intellectus ejus capiat
& includat ipsum, ceu aliquid finitum cognos-

5.
Hic , &
supra q.
12. art.
7. ad 1.
& 2.

6.
Hic so-
lut. ad 2.

98 *Quaest. XIV. De Scientia Dei,*
 cendo : & hoc modo nec sibi, nec nobis finitus
 est, sed simpliciter infinitus. Alio modo secun-
 dum quamdam proportionis similitudinem ac-
 cipiendo , itaut sensus sit, quod Deus sic se ha-
 bet in non excedendo intellectum suum, sicut
 se habet aliquid finitum in non excedendo in-
 tellectum finitum : quia nimirum tanta est vir-
 tus ejus in cognoscendo , quanta est cognosci-
 bilitas objecti ut cognoscatur , & hoc modo
 Deus dicitur finitus sibi. Alias instantias vide
 infra art. 12.



ARTICVLVS IV.

Utrum intelligere Dei sit ejus substantia.

1. **C**UM actualis intellectio, seu ipsum
 intelligere in omni creatura sit quod-
 dam accidens à naturâ & substantiâ
 ipsius intelligentis distinctum , ad
 quod se habet ut potentia ad actum, seu potius
 sicut essentia ad esse , impræsentiarum quærit
 D. Thom. utrum intelligere Dei , quemadmo-
 dum intelligere creatum , sit aliud à natura &
 substantia ipsiusmet Dei , an verò cum ea rea-
 liter identificetur ?

2. Conclusio : intelligere Dei est ejus substan-
 tia. Probat *in sed contra* , ex eo quod dicit Au-
 gust. lib. 7. de Trinit. Deo hoc est esse , quod sa-
 pientem esse : hoc autem est sapientem esse,
 quod intelligere : ergo Deo hoc est esse , quod
 intelligere : sed esse Dei est ejus substantia , ut
 supra ostensum est q. 3. art. 4. ergo intelligere
 Dei est ejus substantia.

Deinde

Art. IV. An intellig. Dei sit ejus subst. 99

Deinde probat *in corp.* duplici ratione, qua-
rum prima est : Si intelligere Dei esset aliud à
substantia ipsius , sequeretur quod divina sub-
stantia se haberet ad ipsum intelligere sicut po-
tentia ad actum, & perfectibile ad suam perfe-
ctionem : sed in Deo, cum sit actus purus, non
est aliquid quod comparetur ad alterum sicut
potentia ad actum : igitur oportet quod intel-
ligere Dei sit ejus substantia. Maj. prob. intel-
ligere est actus secundus sicut & considerare,
intellectus autem & scientia est ut actus pri-
mus ; sed in ordine potentiæ & actuum,
quod est prius, & potentiale respectu sequentis,
& ultimum est completivum respectu ejus, lo-
quendo in uno & eodem : igitur si intelligere
Dei esset aliud ab intellectu ejus qui est divina
substantia, divinus intellectus & subinde divina
substantia se haberet ad ipsum intelligere si-
cut potentia ad actum, & perfectibile ad suam
perfectionem.

Secunda ratio est : intelligere non est actio
progrediens ad aliquid extrinsecum, sed manet
in ipso intelligente sicut actus & perfectio ejus,
non quidem eo modo quo operatio est perfectio
& actus secundus, sed eo modo quo esse est
perfectio existentis : sed in Deo nulla est forma
quæ non sit suum esse, ut supra ostensum est ;
ergo in Deo ipsum intelligere, quod se habet
ut esse ipsius speciei intelligibilis, per quam
intellectus fit actu intelligens, non est aliud
quam ipsa forma intelligibilis, per quam Deus
intelligit : sed forma intelligibilis, per quam
Deus intelligit, non est aliud quam ipsamet
Dei essentia, & ipsa divina est suum esse : ergo
ipsum intelligere est ipsa substantia & esse Dei,

3.
Hic, &
opusc. 2.
cap. 3 1.
lib. 1.
cont.
gent.
cap. 45.

4.
Locis citatis.

Maj. quantum ad primam partem supponitur ut manifesta ex dictis *supra* art. 2. Quoad 2. part. verò prob. quia sicut esse consequitur formam, ita intelligere sequitur speciem intelligibilem : sed ipsum esse est ut actus manens in existente, & intrinsece perficiens ipsum, & non fluens ad aliud : ergo etiam intelligere, quod est esse intelligentis in actu, est actus & perfectio intrinseca ipsius intelligentis in actu facti per speciem : sed quidquid est in Deo intrinsece est ipsamet divina essentia, & ipsa divina essentia est ipsum esse Dei : ergo intelligere Dei est essentia Dei, sive substantia, & ejus esse.

5. Ex quibus colligit S. D. nullam in Deo multipliciter realem constitui per hoc quod intelligens in actu dicatur, quemadmodum in creatura intellectuali accidit. Etenim in ipso Deo sunt omnino unum & idem intellectus, & id quod intelligitur (tanquam principale intellectum, videlicet essentia divina) & species ipsa intelligibilis, nimirum eademmet essentia divina, & ipsum intelligere. Quod aliter evenit in creatura : nam cum mens intelligit etiam seipsam, non est ejus conceptio ipsa mens, sed aliquid expressum à notitia mentis, similiter non est suum intelligere : unde realem multipliciter in creatura infert. Videndus D. Th. q. 4. de verit.

6. Pro clariori intelligentia observandum est, quòd res intelligibilis eo ipso intelligitur, quo intellectus specie ipsius actu formatur : unde prius naturà est formari specie quam intelligere, sed non tempore. Informat autem potentiam intellectivam ipsa species inquantum est actus ejus & forma : sed quia non est actus & forma,

Art. IV. An intellig. Dei sit ejus subst. 101
 forma, ut ipse intellectus sit absolutè, sed ut sit
 agens seu intelligens actu, ideo importatur in
 hujusmodi actualitate quædam habitudo po-
 tentiæ intellectivæ in actu factæ ad ipsum in-
 telligibile, seu intellectû ut terminum & obje-
 ctum illius. Veruntamè quia ipsa intellectio est
 ut actus perfectus, manet in ipsa potentia intel-
 lectiva ut perficiens illam, non verò egreditur
 realiter, & fluit ab illa in id quod intelligitur:
 unde non habet simpliciter rationem motus
 seu fieri rei, sed potius se habet ut esse, & actus
 manens in ipso subjecto. Cum itaque S. D.
 asserit, quod intelligere est sicut actus & perfe-
 ctio intelligentis, eo pacto quo esse est perfe-
 ctio existentis, comparisonem & proportio-
 nem constituit, non quidem omnimodam
 (quia, ut diximus, esse simpliciter est actus
 quo res est, sed intelligere est actus quo res est
 agens, seu intelligens actu, & subinde cum
 aliqua habitudine ad rem intellectam, tanquam
 terminum) sed quantum ad hoc, quod sicut
 esse dicit ultimam actualitatem, & perfectio-
 nem intrinsecam & quiescentem in re per quam
 aliquid completivè est in genere entium, ita
 ipsum intelligere est ultima perfectio intelle-
 ctus intrinseca & quiescens, per quam com-
 pletivè & actualiter est perfectus ultimatè in
 genere intelligibilium. Per quod distinguitur
 ab operatione simpliciter, sive transeunte, quæ
 est perfectio ipsius mobilis intrinseca, in quod
 transit, unde non est sicut esse ipsius agentis, &
 formæ ejus, sed sicut fluxus in ipsum passum,
 quod reducit de potentia in actum formæ.

Magnâ concertatione assolent in præsentī
 D. Thomæ discipuli, atque interpretes dispu-

7.

tare , utrum hæc propositio, intelligere Dei sit ejus essentia, seu esse, sit in sensu formali intelligenda , an solum in sensu identico , & gratia materiæ. Quidam asserunt ipsam formaliter intelligendam venire , itaut nec virtualiter intelligere ab ipsa essentia divina distinguatur , sed sit formale ipsius constitutivum : quam opinionem fuse impugnavimus supra quaest. 2. art. 3. cap. 6. unde illuc remittimus Lectorem, & breviter adjicimus in sensu identico , & gratia materiæ intelligendam venire , ex eo nimirum quòd quidquid est in Deo , Deus est. Sumitur ex D. Thom. *Oportet , inquit , in Deo esse voluntatem , cum sit in eo intellectus , & sicut suum intelligere est suum esse , ita suum velle.* Patet autem quod velle est esse Dei solùm identicè. Et alibi: *Ad secundum dicendum , inquit , quod operatio Dei , quamvis sit ejus essentia secundum substantiam , tamen differt ratione , & ex hac parte contingit quod operatio intellectualis habet respectum ad res intellectas , quem respectum essentia non importat.* Ex quibus sic : operatio Dei non est ejus essentia nisi secundum substantiam , seu identicè : sed intelligere in sua ratione importat formaliter nomen operationis , ut patet : ergo non est essentia divina nisi secundum substantiam. Et ibidem : *Ad 3. dicendum , ait , quod sicut intelligere est idem re cum essentia divina , differens ratione , ita & velle.* Ratio est , quia nomen operationis intrinsecè dicit esse ab alio : ergo formaliter non dicit rationem naturæ , seu essentia. Quam rationem insinuat D. Chrysostomus hom. 1. de incomp. Dei natura , dicens : *Contendere scire quid substantia Deus sit postrema esse insania judico. Quod ut melius intelligatur ,*

Infra q.
19. art. 1.
c. Idem
docet in
1. sent.
ad Anni-
bald. q.
unica
art. 2. &
alibi sæ-
pe.

Art. IV. An intellig. Dei sit ejus subst. 103

Prophetarum sententias afferam : quos non solum quid substantia Deus sit ignorare videmus , sed etiam de sapientia ejus quanta sit , planè ambigere , quamquam non à sapientia substantia est , sed ex substantia sapientia : ergo sapientia , seu intelligere Dei dicit esse à natura Dei.

Arg. 1. Quod significat aliquid ab operante procedens , non est rei substantia , seu essentia , nam hæc significat rem ut in quiete : sed intelligere significat aliquid ab operante procedens , nimirum intelligente : ergo non potest intelligere Dei , esse illius substantia . Prob. min. quia intelligere est quædam operatio ; sed omnis operatio dicit aliquid ab operante procedens : ergo intelligere significat aliquid ab operante procedens.

8.

Resp. ex S. D. hîc dist. maj. quod significat aliquid ab operante procedens , & progrediens in aliquod extrinsecum , non est rei substantia , concedo : si sit manens in ipso operante ut actus , & perfectio ejus , nego maj. Nam physicè & in re est ipsum esse rei , licet quoad modum significandi & denominandi sit ut actio . Hoc autem pacto intelligere est operatio procedens ab operante , non quidem in aliquid extrinsecum , sed in ipso manens ut actus & perfectio , quemadmodum supra explicatum est.

9.

Arg. 2. Si intelligere Dei esset ejus substantia , sequeretur quod Deus intelligendo se , nil aliud intelligeret quàm suum intelligere : sed cum aliquis intelligit se intelligere , hoc non est aliquid magnum & principale , sed quiddam secundarium , & accessorium : ergo intelligere Dei non esset aliquid magnum & principale . Minor patet , primò enim intelligimus aliquod

10.

104 *Quaest. XIV. De Scientia Dei,*
objectum, & secundariò intelligimus nostrum
intelligere.

11. Resp. ex S. D. dist. min. cum intelligit quis-
piam ipsum intelligere, quod est accidens &
non per se subsistens, concedo min. est enim
illud intelligere secundum quid ens : si illud
intelligere sit forma per se subsistens, & actus
purus, nego min. tunc enim est in se habens
simpliciter esse, & substantiam rei. Huiusmodi
autem est ipsum intelligere Dei, unde est ali-
quid magnum & principale, utpote ipsamet
Dei essentia, seu ipsemet Deus intelligens.

12. Arg. 3. Si intelligere divinum esset illius sub-
stantia, sequeretur in eo processus in infinitum;
sed hic non est admittendus : ergo intelligere
Dei non est ejus substantia. Sequela prob. quia
omne intelligere est aliquid intelligere : ergo
cùm Deus intelligit se, si ipse non est aliud,
quam suū intelligere, intelligit se intelligere: &
intelligere, se intelligere se, & sic in infinitum.

13. Resp. S. D. quod, cùm intelligere divinum
sit in seipso subsistens, est sui ipsius, & non
alicujus alterius, non oportet in infinitum pro-
cedere. Hujus rei gratiā nota ex S. D. primum
quod de ipso intellectu intelligitur, esse ipsum
intelligere, nam tam habitus, quam intellectus
in nobis per actum cognoscuntur. Sed circa
hoc diversi intellectus diversimode se habent.
Nam intellectus divinus est suum intelligen-
re, & sic in Deo idem est, quod intelligat
se intelligere, & quod intelligat suam es-
sentiam, quia sua essentia est suum intelligere.
Intellectus autem Angelicus non est suum in-
telligere, sed tamen primum objectum sui in-
telligere est ejus essentia. Vnde etsi aliud sit in

Angelo

Angelo secundum rationem, quod intelligat se intelligere, & quod intelligat suam essentiam, tamen simul & uno actu utrumque intelligit: quia hoc quod est intelligere suam essentiam est propria perfectio suæ essentia. Simul autem & uno actu intelligitur res cum sua perfectione. Intellectus autem humanus nec est suum intelligere, nec sui intelligere est objectum primum ipsa ejus essentia, sed quid extrinsecum scil. ipsa natura rei materialis. Et ideo, quod primum cognoscitur ab intellectu humano, est hujusmodi objectum, & secundario cognoscitur ipse actus, quo cognoscitur objectum. Hinc est, quod intellectus humanus potest quodammodo in infinitum in potentia procedere, non autem intellectus divinus.



ARTICVLVS V.

Vtrum Deus alia à se cognoscat.

CAPVT I.

Relatis quibusdam statuitur Deum non modò seipsum, sed & alia à se cognoscere.



ARTII de hac re exorti sunt errores. I.
Primus fuit eorum qui asseruerunt, ista corruptibilia, & sublunaria cognitionem Dei subterfugere. Qui error ortum habuit ex eo quòd res humanas curare non videatur, cum iniqui felicitate potiuntur, ut sumitur ex Psalmo 72. ubi postquam dixit:

1. d. 35.
art. 2. de
verit. q.
2. art. 4.
1. cont.
gent. c.
48. & 49.

106 *Quaest. XIV. De Scientia Dei,*
dixit : *Quomodo scivit Deus , & si est scientia in altissimo ? Respondet tacitæ quaestioni , quæ sibi fieri poterat , nimirum unde sibi videretur non scire Deum , & non esse scientiam in altissimo , dicens : Ecce ipsi peccatores , & abundantes in saeculo obtinuerunt divitias. Inde ergo nescit Deus , & non est scientia in excelsis , inquit Augustinus ibidem. De hoc errore plura infra quaest. 22.*

2. Secundus error fuit eorum , qui à cognitione Dei actus humanos substrahebant. Cujus erroris fit mentio Esaie 29. ubi dicitur : *Va qui profundi estis corde , ut à Domino abscondatis consilium : quorum sunt in tenebris opera & dicunt : Quis videt nos , & quis novit nos ? In quæ verba D. Hieronymus : Idcirco arbitrantur Deum sua nescire consilia , quia in tenebris sunt opera eorum , & dicunt : Quis videt nos ? & quis novit nos ? Hac autem dicunt , & sapientes hujus saeculi , & haereticorum magistri , & Iudaorum Pharisei , quod nullus eos intelligat : non recordantes ejus , quod ad Deum dicitur : Tenebra non obscurabuntur à te , & nox sicut dies illuminabitur , & sicut tenebra ejus , ita & lux ejus. Hòc errore decepti Adam & Eva , audientes sonitum pedum deambulantis in paradiso Dei , absconderunt se sub arbore , in qua erat scientia boni & mali. Cain quoque dicens : si ejicis me hodie à facie tua , abscondar , simili stultitiâ arbitratus est Deum ignorare. De hoc errore etiam fit mentio Psal. 92. ubi in persona impiorum dicitur : *Dixerunt non videbit Dominus : neque intelliget Deus Jacob. In quæ verba D. Augustinus ait : Est vox iniquorum , quia nec attendit ista Deus , nec advertit ut sciat quemadmodum vivam , non me curat Deus. Ergo inter**

Art.V. An Deus alia à se cogn.Cap.I. 107
inter aliqua me computat Deus? Aut verè me nu-
merat Deus? aut ipsos homines numerat? Infœlix
homo, ut esses curavit, ut bene vivas non curat?
Cajetanus, & Incognitus hunc errorem Ægyptiis tribuunt, sed Arias Montanus in prologo super *Abacuch* illum Claudiano & aliis Poëtis arrogat.

Tertius error fuit quorundam asserentium, quod ex istis sublunaribus Deus solum hominem cognosceret, & nihil præter illum. Non desunt qui tribuant ipsum Rabbi Moyfi. Tandem Aureolus in 1. dist. 35. art. 2. creaturas in se esse objectum divinæ cognitionis terminativum etiam secundarium, negat, dicens: Sic ergo Deus non intelligit creaturas terminativè, quod ipsæ terminent intuitum divinum, nec in esse reali, nec in esse intentionali; sed alio terminante, videlicet essentiâ divinâ, ipsæ dicuntur denominativè intelligi. 3.

Conclusio: Deus non solum cognoscit seipsum, sed etiam omnia alia à se, itaut etiam ista divinum terminent intuitum ut objecta secundaria. Hæc conclusio, saltim quoad 1. partem est de fide, ut sumitur ex libro D. Augustini, sive potius Fulgentij de fide ad Petrum cap. 31. *Firmissimè tene*, inquit, & nullatenus dubites, *Trinitatem Deum incommutabilem, rerum omnium, atque operum, tam suorum, quam humanorum certissimum cognitorem*: Et D. Ioan. Damasc. lib. 1. fid. Orthod. cap. 2. *Quod Deus: bonus sit, justus, rerum omnium conditarum architectus, quod vim omnem, imperiûmque habeat, omnia inspectet, omnibus prospiciat, omniaque in potestate habeat, ac denique iudex sit, hæc, inquam, omnia & scimus & confitemur.* Præterea Nice 4.

Nicephorus Patriarcha Constantinopolitanus: *Credo, inquit, in homousiam Trinitatem.... virtutem omnia intuentem, omnia perficientem.* Constatque ex plurimis Sacræ Scripturæ locis: Dicitur enim Ecclesiastici 39. c. *Opera omnis carnis coram illo, & non est quicquam absconditum ab oculis ejus.* Idem habet Apostolus ad Hebr. cap. 4. *Omnia, inquit, nuda sunt, & aperta oculis ejus.* In quæ verba August. lib. de ess. Divinitatis: *Oculos, inquit, habere dicitur Deus, eò quod omnia videt, & nihil eum latet, in cujus conspectu, ut ait Apostolus, nulla creatura invisibilis est: Omnia enim nuda & aperta sunt oculis.* Theophylactus etiam in eum locum: *Non solum hominum explorat corda, & scrutatur, verum etiam si Angelos dicas, & Archangelos, & Cherubim & Seraphim, omnia illi sunt perspicua. Nihil adeo est, quod oculum ejus latere possit. Omnia enim nuda & aperta oculis ejus. Et clarius patefaciat, quomodo sint omnia nuda & aperta coram verbo, dictione usus est per metaphoram ad pecudes, quibus sit pellis detracta, pertinente, ut enim illis τραχιλιονθεντωμ, hoc est cultrum per cervicem recipientibus, & mactatis atque jugulatis, detractâ dehinc pelle omnia interiora, & intranea revelantur, sic & Deo cuncta sint perspicua.* Eandem expositionem tradit Chrysostomus infra adducendus.

5. Hinc est quod 1. Reg. cap. 2. vers. 3. dicitur, *quia Deus scientiarum Dominus est, hoc est, juxta vulgarem Hebræismum, Quia Deus scientissimus est, rerum omnium perfectissimam notitiam habens, etiam internarum cogitationum, & ipsi, subdit, preparantur cogitationes.* Vnde Theodoretus vertit, *Deus cognitionum*, quodd nulla

nulla omnino Deum lateat. Quapropter non scientiæ sed scientiarum Dominus nuncupatur, sicut notat Rabbi David, ut eum rerum omnium, etiam particularium scientissimum esse intelligamus. Quod & satis ostendit ipsius etymon nominis Θεός, id est, omnia videns, à verbo præco θάωμαι, seu θιῶμαι, hoc est videre. Imò & nomen latinum, Deus, dicunt aliqui à verbo præco scire, quod aliquando est, Nosco, Scio; unde Ægyptij Deum appellabant Oculum mundi, id est, qui universum mundum cernebat. D. etiam August. epist. 111. Ego, inquit, dico, quod Deus totus oculus est, totus manus, & totus pes: quia omnia videt, omnia operatur, & ubique est. Et D. Athanasius in quæst. de Deo: Dicitur, inquit, Deus ab eo quod omnia contempletur. Nam nihil eorum quæ sunt, vim illam, quæ cuncta prospicit, effugere potest. At Marius Vict. tom. 5. Biblioth. lib. 4. adversus Arium refert, Deum quondam non solum creditum fuisse mundi oculum, sed etiam in mundi centro constitutum, ut aspectu minimè versatili omnia intueretur. Quare Zacharias cap. 9. Dominus, inquit, est oculus hominis: id est, Deus respicit homines, ut vertunt 70. vel ut Chaldæus habet: coram Domino manifesta sunt opera hominum.

Probat S. D. ratione: cognoscens perfectissimè aliquam virtutem, necessariò cognoscit ea omnia, ad quæ virtus illa se extendit: sed Deus virtutem suam perfectissimè cognoscit effectiva omnium entium causa: ergo Deus alia à se cognoscit. Min. prob. cognoscens perfectè seipsum, etiam perfectè suam virtutem cognoscit, præsertim si virtus sit ipsamet ejus essentia,

6.
H c. & r.
cont.
gent.
cap. 49.

1. cont.
gent. c.
47. & 1.
sent. ad
Annib.
dist. 35.
q. 1. art.
3. & 4.

essentia, sicut in Deo; sed Deus perfectissime seipsum cognoscit: ergo suam virtutem etiam perfecte cognoscit. Min. prob. si Deus seipsum non intelligeret, ipsius intelligere non esset perfectum simpliciter, & omnimode: sed intelligere Dei necessario debet esse perfectum simpliciter & omnimode: ergo seipsum intelligit. Maj. est manifesta, nam intelligibile est perfectio & actus intelligentis: ergo cum Deus sit nobilissimum intelligibile, Deum intelligere est summa perfectio: ergo intelligere Dei non esset perfectum simpliciter si se non intelligeret. Min. verò prob. quia si intelligere Dei non esset perfectum, neque ipsius esse perfectum esset, cum intelligere sit ipsum esse naturale ipsius Dei.

7. Hâc ratione utitur scriptura ad eorum impietatem redarguendam, qui asserbant Deum res, & opera humana nec curare nec scire, ut patet ex illo cap. 39. *Dicunt: quis videt nos, & quis novit nos? Perversa est hac vestra cogitatio, quasi si lutum contra figulum cogitet, & opus dicat factori suo, non fecisti me: & figmentum dicat factori suo non intelligis.* In quæ verba D. Hieronymus: *Perversa est, inquit, hac vestra cogitatio, ut factorem putetis nescire quod fecit, & creatorem ignorare creaturam suam: quasi si lutum & opus dicat figulo & factori suo, non me fecisti, vel non me bene fecisti: nec intelligis facturam tuam.* Eodem argumento & ad idem propositum utitur psalmista Psal. 93. *Et dixerunt, inquit, non videbit Dominus: neque intelliget Deus Iacob. Intelligite nunc qui insipientes estis in populo, & stulti aliquando sapite. Qui plantavit aurem non audiet, aut qui finxit oculum non considerat?* Vbi

Theodo

Art V. An Deus alia à se cogn. Cap. I. 111

Theodoretus : *Validam*, inquit, *admodum doctrinam syllogismi instar attulit. Qui ex cæno*, ait, *oculum finxit, quique videndi vim ipsi largitus est, auresque similiter formavit, & audiendi sensum donavit; ipse, inquam, non videt, & non audit? Sed horum opifex his viribus privatus est, quas aliis largitus est? Qui corripit gentes non arguet? Gentes*, ait, *quæ nec legem acceperunt, nec propheticâ doctrinâ perfruuntur, suppliciis subjecit, & vestram iniquitatem non arguet? Qui docet hominem scientiam. Atqui hominum naturam rationis participem ipse composuit, & per ea, quæ in totius mundi machina cernuntur, atque in singulos dies fiunt, magnam scientiam effecit. Dominus scit cogitationes hominum, quoniam vana sunt: sed enim non modò videt & audit, verum etiam nostras cogitationes scit. D. etiam Ambrosius lib. 1. offic. cap. 14. Si igitur, inquit, radius solis fundit lumen suum super omnem terram, & in ea quæ clausa sunt se inserit, nec vectibus ferreis, aut gravium valuarum obicibus, quominus penetret impeditur: quomodo non potest intelligibilis Dei splendor in cogitationes hominum & corda, quæ ipse creavit semet inserere? sed ea quæ ipse fecit non videt, & fecit ut meliora sint, quæ facta sunt, & potentiora ipse qui fecit, ut possint, quando volunt, cognitionem sui operatoris latere? Tantam ergo veritatem & potestatem inseruit mentibus nostris, ut comprehendere cum velit, non possit?*

Conf. Similitudo omnis effectus in suâ causa aliquàliter præexistit: sed Deus per suum esse est rerum causa: ergo ipsæ res in esse Dei aliquàliter præexistunt: sed esse Dei naturale, per quod est causa rerum, est ejus intelligere: ergo

8.

Hic & 1.
cont.
gent.
cap. 49.

ergo quicunque effectus præexistunt in Deo fi-
cut in primâ causâ, necesse est quod sint in ip-
sius intelligere, & quod sint in eo per modum
intelligibilem. Nam omne quod est in altero
est in eo secundum modum ejus in quo est.
Hanc rationem paulò aliter proponit dicens :
*Ex hoc aliquis est aliorum intellectivus, quod illa
sunt apud ipsum modo intelligibili, sicut species
rerum apud intellectum. Oportet autem effectus in
sua causa aliquammodo præexistere, & nobilius quam
in seipsis : Agens enim producit sibi simile, nec
agit ultra sue speciei virtutem. Sic ergo oportet
creaturas esse in Deo, qui est earum causa, nec
possunt in Deo esse nisi per modum ipsius Dei :
quia unumquodque inest alicui per modum ejus in
quo est. Vnde cum Deus sit immaterialis, & in-
tellectualis natura, creatura est in ipso immate-
rialiter, & intelligibiliter.*

Lib. 1.
sent. ad
Anni-
bald. q. 1.
art. 4.

C A P V T II.

Soluantur argumenta contraria.

9. **A**Rg. 1. quæcunque sunt alia à Deo extra
Hic, & ipsum sunt : sed ut dicit Augustinus lib.
q. 3. de 83. quæst. q. 46. *Neque quicquam Deus extra se ip-
sum intuetur* : quod etiam probat Philos. lib. 12.
16. arg. Metaph. text. 51. ergo Deus non cognoscit alia
23. q. 2. à se.
de verit.

art. 1.
arg. 5.

Resp. quod verbum Augustini & Philosophi,
dicentium, quod Deus nihil intuetur seu intel-
ligit extra se, non est intelligendum, quasi
Deus ea, quæ sunt extra ipsum, non intelligat;
sed quia illa etiam, quæ extra ipsum sunt, non
extra,

Art. V. An Deus alia à se cogn. Cap. II. 113

extra, sed in se intuetur : quia per essentiam suam omnia alia cognoscit.

Arg. 2. intellectum est perfectio intelligentis: 10.
sed nihil aliud à Deo potest esse perfectio ejus, Hic, &
quia hoc pacto esset aliquid Deo nobilius ac q. 2. de
perfectius : ergo nihil aliud à Deo potest esse verit.
intellectum ab ipso. art. 3.

Resp. ex S. D. dist. maj. intellectum primum Locis
quo, seu intellectum secundum suum esse in- cit. in
telligibile, aut speciem intelligibilem, quâ est arg.
actus & forma ipsius intellectus, concedo : in-
tellectum ut est res ad extra, nego : nam lapis
v. g. non est in oculo, nec actus ejus secundum
suam entitatem, sed secundum speciem suam :
species autem, per quam creatura quâlibet in-
telligitur, est ipsamet divina essentia, ut infra
dicetur : eapropter non sequitur, quod alia à
Deo sint perfectio divini intellectus, sed ipsa-
met divina essentia, ut habet rationem speciei
intelligibilis continentis eminenter species om-
nium rerum.

Arg. 3. si cognoscit alia à se, cum cognoscit 11.
seipsum, aut eadem ratione cognoscit seipsum Qu. 2. de
& alia, aut aliâ, & aliâ? si eadem, cum seipsum verit.
per essentiam suam cognoscat, sequitur quod art. 3.
etiam res alias per essentiam earum cognoscat, arg. 6.
quod esse non potest. Si autem aliâ, & aliâ ra-
tione, cum cognitio cognoscentis sequatur ra-
tionem quâ cognoscitur, continget quod in di-
vina cognitione invenietur multiplicitas, ac
diversitas, quod divinæ simplicitati repugnat :
ergo nullo modo creaturam Deus cognoscit.

Conf. magis distat creatura à Deo, quam 12.
distet persona Patris à natura Divinitatis : sed Ibid.
Deus non eodem cognoscit se esse Deum, & se arg. 7.

114 *Quaest. XIV. De Scientia Dei,*
esse Patrem : ergo potiori jure si creaturam cognoscit, aliâ ratione seipsum cognoscit, & aliâ ratione creaturam, quod est absurdum. Min. prob. quia in hoc quod dicitur, Pater cognoscit se Patrem, includitur notio Paternitatis, quæ non includitur, cum dicitur, cognoscit se esse Deum.

I 3. Conf. 2. eadem sunt principia essendi, & cognoscendi : sed non eodem Pater est Pater & Deu, ut dicit Augustinus ; ergo non eodem cognoscit Pater se esse Patrem, & se esse Deum ; & multo minùs eodem cognoscit Pater se esse, & creaturam, si creaturam cognoscit.

I 4. Resp. ad arg. quod si ratio cognitionis accipiat ex parte cognoscentis, Deus eadem ratione cognoscit se, & alia : quia & idem cognoscens, & idem cognitionis actus, & idem medium est cognoscendi : si autem accipiat ex parte rei cognitæ, sic non eadem ratione se cognoscit & alia : quia non est eadem habitudo sui & aliorum ad medium, quo cognoscit : quia ipse illi medio est idem per essentiam ; res autem aliæ per assimilationem : & ideo seipsum cognoscit per essentiam ; alia verò per similitudinem, idem tamen est, quod ejus est essentia & aliorum similitudo.

I 5. Ex quo sequitur, quod Deus non cognoscit alia secundum quod sunt in ipso, si ly *secundum* referatur ad cognitionem ex parte cogniti, quia non cognoscit in rebus solum esse, quod habent in ipso secundum quod sunt unum cum eo, sed etiam esse quod habent extra ipsum, secundum quod diversificantur ab eo. Si autem ly *secundum quod* determinet cognitionem ex parte cognoscentis, sic verum est, quod.

Art. V. An Deus alia à se cogn. Cap. II. 115
quod Deus non cognoscit res, nisi secundum
quod sunt in ipso, quia ex similitudine rei,
quæ est idem cum ipso existens, nimirum es-
sentia suâ, alia cognoscit.

Resp. ad 1. Conf. quod ex parte cognoscen- 16.
tis omnino eâdem cognitione cognoscit Deus Loc. cit.
se esse Deum, & se esse Patrem; sed non est in arg.
idem quo cognoscit ex parte cogniti: cognos- ad 7.
cit enim se esse Deum deitate, & se esse Patrem
Paternitate, quæ secundum modum intelligen-
di non idem est quod Deitas, quamvis realiter
unum sit.

Resp. illud, quod est principium essendi, esse 17.
etiam principium cognoscendi ex parte rei co- Ibid.
gnitæ, quia per sua principia res cognoscibilis ad 8.
est: sed illud, quo cognoscitur ex parte co-
gnoscentis, est similitudo rei, vel principio-
rum ejus, quæ non est principium essendi ipsi
rei, nisi fortè in cognitione practica.

Arg. 4. objectum adæquatum, tam motivum 18.
quam terminativum divini intellectus est sola
divina essentia seu veritas increata, & non ali-
quid commune Deo & creaturis: ergo nequit
cognoscere aliquid aliud à sua essentia distin-
ctum. Conseq. patet, quia nulla potentia ultra
suum objectum adæquatum extendere potest;
aliàs jam non esset adæquatum. Antecedens
autem infra demonstrabitur. Pro solutione sit,

CAPVT III.

*Quodnam sit objectum formale motivum,
& terminativum intellectus divini,
Divinaque cognitionis.*

§. I.

*Varia opiniones referuntur, & quedam ad dicen-
dorum notitiam prenotantur.*

19. **D**iximus, Deum non modò se, sed etiam alia à se comprehensivè intelligere: im- præsentiarum quarimus utrum hæc omnia primò & per se sint divinæ cognitionis formalia ac per se objectum. Variæ de hac re sunt doctorum sententiæ. Prima docet objectum primarium specificativum divini intellectus esse ens commune Deo & creaturis. Eam insinuat Durandus in 1. dist. 35. q. 1. num. 9. Referuntur etiam pro illa, ex Antiquis Ocham in d. dist. q. 3. & Gabriel ibid. art. 2. quibus nonnulli Recentiores adhærent.

20. Secunda sententia tenet, objectum primum & specificativum intellectus divini esse ens increatum & divinum, creaturas verò objectum duntaxat secundarium. Ita communiter Theologi, quorum ingentem cathalogum conficit Illustris. Godoy hic tract. 3. disp. 25. §. 3. num. 32. Quia tamen, ut ipse notat, in Deo plures rationes considerari possunt, videlicet ratio entis divini & increati, quasi transcendens omnia Dei prædicata, & ea in suo conceptu

ceptu implicito actu involvens : ratio naturæ seu essentiæ metaphysicè consideratæ , & non explicantis attributa ; & ipsa attributa , relationesque divinæ , ipsi non eodem modo suam de hac re sententiam exponunt. Quidam etenim affirmant Dei naturam , prout ab attributis & relationibus distinctam virtualiter , seu per intellectum cum fundamento in re, esse objectum primum & specificativum intellectus divini. Hanc communiter tuentur Scoti discipuli , & nonnulli Thomistæ , Doctoresque Societatis. Alij divinam essentiam, ut complectitur attributa & relationes , pro objecto primario specificativo divini intellectus assignant. Alij verò essentiam secundum omnia absoluta, aiunt esse divini intellectus objectum formale primum : proprietates autem relativas ad illud non pertinere. Tandem alij asserunt objectum formale motivum divini intellectus esse solam Dei essentiam ut ab attributis , & relationibus virtualiter distinctam : objectum autem formale primum terminativum esse ens divinum ut complectitur in se essentiam, attributa, & relationes.

Pro majori dicendorum notitia in memoriam revocanda sunt ea quæ alibi de objecto, variisque illius divisionibus adnotavimus. Præterea notandum ex S. D. quod inter potentias , quæ sunt operationum principia, quædam sunt simpliciter activæ : quæ videlicet sunt simpliciter ad unum determinatæ , & nunquam in re ponuntur , nisi ut conjunctæ cum actu suo , nisi impediuntur ; v. g. potentia calefactiva in igne nunquam ponitur nisi ut conjuncta cum actu caloris, seu calefactione, prout est actus & for-

21.

I. P. q.
6. art. 1.
cap.

ma ejus. Aliæ sunt, quæ non sunt semper conjunctæ cum actu suo, seu non semper agunt, dum in re ponuntur. Hujusmodi sunt potentia cognoscitivæ & appetitivæ, atque illæ, quæ ab appetitu imperantur; v. g. voluntas in re posita non semper exercet actum volendi, intellectus non semper intelligit, gressivæ non semper ambulat, &c. Vnde ad tollendam hujusmodi potentialitatem requiritur in eis aliquid per modum principii determinantis, ut actum determinatum producant. Et ulterius cum ille actus sit aliquid per modum operationis & fluxus in aliud, oportet aliquid esse, quod fluxum illum terminet.

22. Verum quia nihil movet, determinat, aut reducit de potentia in actum, nisi secundum quod est in actu, præsens, & conjunctum ipsi mobili ac determinabili, ideo movens ac determinans potentiam illam in exercitio, debet esse illi præsens, & unitum, sive per se, sive per speciem suam, sicut lapis in oculo est per speciem lapidis, & non secundum propriam entitatem. Ex quibus constat, quod in hujusmodi potentiis objectum dicitur motivum quatenus habet rationem principii formalis determinantis potentiam ad eliciendum actum cognitionis, seu operationis propriæ. Dicitur verò terminativum quatenus est finis & terminus illius actus seu operationis egredientis à potentia cognoscitiva facta in actu; v. g. color lapidis lucidus, quatenus per speciem suam formaliter, & intentionaliter in oculo receptam movet, & determinat potentiam visivam ad actum visionis, dicitur motivum: quatenus verò in se est terminativus actus visionis ab ipsa

ipsa elicit, & materia circa quam exercetur, hincque fluxum seu egressum & processum potentie visivæ, ut est facta in actu, dicitur terminativum.

Vnde esse terminativum est ratio formalis objecti ipsius potentie absolute sumptæ, & ut nominat principium agendi : esse verò motivum non est ratio formalis objecti potentie absolute sumptæ, sed potentie cognoscitivæ, quæ sit in actu, & agit per apprehensionem objecti. Primum sumitur ex D.Thom. dicente *quod objectum operationis terminat, & perficit eum*. Potentia autem in eo quod potentia nominat operationis principium, & ad actum ordinem dicit : ergo objectum se habet ut terminans, & perficiens potentiam. Deinde objectum, in eo quod objectum, dicitur materia circa quam, & habet rationem formæ inquantum dat speciem : forma autem in executione est operationis terminus, quia per operationem potentie, inquantum activa est, & facta in actu, acquiritur : ergo ratio formalis objecti, inquantum potentie activæ objectum est, est esse terminativum. Secundum etiam desumitur ex eodem S. D. quia omnis potentia cognoscitiva est quodammodo passiva ; patitur enim ac perficitur à cognito : ergo requirit aliquod motivum proprium & formale determinativum, quod est objectum ipsum ut unitum illi, per modum principij formalis activi, ac determinativi.

Hinc sequitur, quòd objectum dividitur in motivum & terminativum : non quòd omne objectum absolute non sit terminativum : sed quia esse motivum explicat specialem quandam

rationem objecti, ut in cognoscentibus potentiis & appetitivis reperitur, in quibus non modo se habet ut terminus operationis, sed etiam ut principium. Vnde dicitur motivum & terminativum simul: terminativum quidem ratione sui generis: motivum autem ratione specialis differentie sumpta ex modo agendi potentie cognoscitivae, seu agentis per apprehensionem objecti. Aliud dicitur terminativum tantum, retento communi generis nomine. Hoc enim contingit in speciebus, quae novam perfectionem supra ipsum genus, nobis notam minime addunt. Quapropter, cum omnis operatio intrinsece specificetur à forma, quae est operationis principium, sicut calefactio per calorem, actio potentiae cognoscitivae in quantum cognoscitiva est, immo ipsa potentia in quantum huiusmodi habet specificari formaliter ab objecto, non ut praecise terminativum est, sed etiam ut motivum, & habens rationem principij formalis determinativi, loquendo de specificatione formali & completa.

25.

quest.

25. art. 1.

Sequitur secundo quod cum divinus intellectus nullam habeat potentialitatem, neque rationem potentiae aliquo modo passivae, in eo proprie non reperitur ratio objecti motivi, sed secundum modum significandi tantum, quemadmodum & ratio potentiae respectu propriae operationis, ut dicitur infra; quatenus ex diversis perfectionibus in creatura repertis Deus nominatur à nobis, ac concipitur. Similiter neque secundum rem habet objectum terminativum per se, quia non potest dicere idem habitudinem ad seipsum, nisi secundum rationem intelligendi. Quapropter ex modo assignandi

Art. V. An Deus alia à se cogn. Cap. III. 121
gnandi objectum ipsi intellectui creato, seculis imperfectionibus, debemus assurgere ad constituendum divino intellectui, divinæque cognitioni objectum formale specificativum tam motivum quam terminativum.

Notandum est secundo quod intellectum dupliciter dicitur, sicut etiam visum: scil. primum, & secundum. Primum visum est ipsa species rei visibilis in pupilla existens, quæ est etiam perfectio videntis, & principium visionis. Visum secundum est ipsa res extra oculum. Similiter intellectum primum est ipsa rei similitudo quæ est in intellectu; intellectum autem secundum est illa res, quæ per speciem intelligitur. Intellectum autem primum rursus duplex est, scil. primum intellectum quo, quod est; ipsa species impressa, quæ ponitur intellectualis operationis principium: & primum intellectum quod, nimirum verbum, quod est actualis operationis terminus intrinsecus. Sed neutrum horum habet in nobis propriè rationem objecti, quia non habet rationem finis, seu termini ultimi: sed principij vel termini intrinseci, & non ultimati. Ad hoc enim formantur hujusmodi species, non ut intelligantur, sed ut per eas res ad extra cognoscatur.

26.
1. dist. 35.
quæst. 11.
art. 2. c.

6. II.

Deciditur questio.

PRima conclusio: objectum formale primum specificativum divini intellectus divinæque cognitionis, per modum primi intellecti quo, est ipsa divina essentia, ut habet rationem speciei intelligibilis sui ipsius & omnium

27.

omniū quæ formaliter sunt in Deo, tanquam res quæ primo intelligitur, seu terminat divinam cognitionem: & ut continet eminenter species omnium aliarum rerum, quæ secundariò & per habitudinem ad ipsum Deum, seu causam, à divino intellectu habent cognosci, & intelligi. Hæc conclusio est expressa mens D. Thom. in hoc art. 5. ubi ita sibi objicit: *Ipsū intelligere habet speciem ab ipso intelligibili, sicut & omnis alius actus à suo objecto. Vnde & ipsum intelligere tantò est nobilius, quantò etiam nobilius est ipsum quod intelligitur; sed Deus est ipsum suū intelligere, ut ex dictis patet: si igitur Deus intelligit aliquid aliud à se, ipse Deus specificatur per aliquid aliud à se, quod est impossibile. Non igitur intelligit alia à se.* Cui objectioni satisfacit dicens: *Ad 3. dicendum quod ipsum intelligere, non specificatur per id quod in alio intelligitur, sed per principale intellectum in quo alia intelliguntur. In tantum enim ipsum intelligere specificatur per objectum suū, in quantum forma intelligibilis est principium intellectuales operationis. Nam omnis operatio specificatur per formam, quæ est principium operationis: sicut calefactio per calorem. Vnde per illam formam intelligibilem specificatur intellectuales operatio, quæ facit intellectum in actu. Et hæc est species principalis intellecti: quæ in Deo nihil aliud est quam essentia sua, in qua omnes species rerum comprehenduntur. Vnde non oportet quod ipsum intelligere divinum, vel potius ipse Deus specificetur per aliud, quam per essentiam divinam.*

28. Ex quibus deducitur ratio pro conclusione: *Ipsū intelligere, quemadmodum & intellectus specificatur ab ipso objecto intelligibili,*
in

in quantum illud est forma, seu actus & perfectio ipsius intellectus, atque ipsius intellectualis operationis principium : sed essentia divina habet in Deo quod sit intellectualis operationis divinæ principium , & veluti actus atque perfectio divini intellectus in quantum est species intelligibilis sui ipsius ut principalis intellecti , & comprehendit omnes aliarum species rerum , quæ in eo intelliguntur, sicut in principali intellectu , & non per proprias earum species : ergo objectum specificativum formale primarium divini intellectus , divinæque cognitionis , per modum primi intellecti quo, est ipsa divina essentia , ut habet rationem speciei intelligibilis sui ipsius, tanquam principalis intellecti, & aliarum rerum , quæ in principali intellectu habent intelligi & cognosci à Deo. Maj. quoad primam partem constat : nam omnis specificatio sumitur à forma , per quam res in actu , sive in esse quidditativo & specifico constituitur. Quoad secundam etiam partem est manifesta, quia omnis actio specificatur à suo principio formali effectivo ; cum per illud habeat esse in actu & specie , sicut calefactio à calore. Minor etiam quoad 1. part. est manifesta: nam Deus per essentiam suam dicitur actu intelligens , quod non esset, nisi ipsa essentia divina se haberet ut forma intelligibilis respectu proprii intellectus, & esset ut formale principium intellectualis operationis , sicut intellectus noster dicitur per speciem intelligibilem objecti actu intelligens , quia ista est formale principium, quo intellectus intelligit, & fit in actu proprii objecti. Quoad secundam autem prob. quia intellectio Dei est intellectio comprehensiva

prehensiva sui, & omnium aliarum rerum : sed hoc intelligit Deus, quod repræsentatur in essentia sua, tanquam in specie intelligibili : ergo divina essentia comprehendit omnes species aliarum rerum, quæ in eo intelliguntur sicut in principali intellecto.

29. Secunda conclusio : objectum formale specificativum divini intellectus per modum primi intellecti quo est sola divina essentia formaliter, ut habet rationem speciei intelligibilis, secundum modum significandi distincta ab omni eo quod realiter formaliter est in ipso Deo, ut sunt attributa, & relationes : identicè verò, aut per modum secundi intellecti, seu rei quæ intelligitur, est ipsamet essentia Dei, ut natura quædam est, & in esse entitativo realiter ipsemet Deus, seu esse ejus, includens in sua ratione quidquid realiter formaliter est in Deo. Itaque divina essentia dupliciter concipi & significari potest : Primo in esse naturali seu ut quædam natura est, quâ significatur metaphysicè constitui Deus : Secundò in esse intelligibili, seu ut forma & species intelligibilis divini intellectus, & hoc pacto non intelligitur per eam absolutè constitui Deus in esse naturali, sed intelligitur constitui actu intelligens se & alia, quemadmodum & Angelus dicitur constitui per suam essentiam actu intelligens seipsum, in quantum illa habet rationem speciei intelligibilis, & principij formalis intelligendi. Dicimus itaque, quod ut species intelligibilis est, qua intelligitur constitui Deus actu intelligens, secundum modum significandi distinguitur à seipsa ut natura est & ab omni eo, quod realiter est in Deo, & ut sic habet rationem
objecti

Art.V. An Deus alia à se cog. Cap.III. 125
objecti motivi & specificativi divini intellectus,
per modum primi intellecti quo ; sed per mo-
dum secundi intellecti, , seu rei quæ intelligi-
tur,est ipsa natura Dei seu potius ipsemet Deus.

Hæc conclusio sumitur ex D. Thom. lib. 1. 30.
cont. gent. cap. 47. ubi ait : *Omne, quod est in*
aliquo per modum intelligibilem, intelligitur ab eo:
essentia autem divina est in Deo per modum in-
telligibilem : nam esse naturale Dei, & esse intel-
ligibile, unum & idem sunt ; cum esse suum sit
suum intelligere : Deus igitur intelligit essentiam
sua:ergo seipsum, cum ipse sit sua essentia. Vbi,
ut patet, duplicem modum assignat, quo essen-
tia divina significatur in Deo esse ; primus est
secundum modum intelligibilem, quo pacto
habet rationem speciei intelligibilis, & princi-
pij intellectiōis : secundus est secundum
esse naturale,quo pacto est res intellecta : *Deus*
igitur, inquit, intelligit essentiam suam, nimirum
intuitivè & ut est in se : Et ex summa identi-
tate inter essentiam Dei in se,& ea quæ sunt in
Deo, quia illa est ipsemet Deus, & quidquid in
Deo est, infert : *Ergo seipsum (intelligit) cum*
ipse sit sua essentia. Res igitur intellecta per mo-
dum secundi intellecti seu rei, quæ intelligitur
est essentia divina ut includit attributa divina
& relationes, seu ipsemet Deus. Species verò
intelligibilis est ipsamet essentia, ut est præcisa
secundum modum significandi ab ipsis attri-
butis & relationibus, quæ est ipsamet natu-
ra Dei in se formaliter, & identicè quidquid
est in Deo, quatenus omne id quod est in Deo,
est realiter idem cum ipsamet essentia divina.
Et *ibidem cap. 40.* ita arguit : *Illa res est primò &*
per se ab intellectu cognita, cujus specie intelligit,
operatio

operatio enim forma, qua est operationis principium proportionatur : sed id quo Deus intelligit , nihil aliud est quam sua essentia, ut supra probatum est : igitur intellectum ab ipso nihil est aliud quam ipsemet. Vbi essentiam sub ratione essentiae dicit esse id quo Deus intelligit : & id quod intelligitur primò & per se dicit esse ipsummet Deum. Deus autem formaliter includit quidquid est in seipso , itaut si diffiniretur , omnia definitionem ejus ingrederentur : ergo objectum formale specificativum divini intellectus est sola essentia ut habet rationem speciei intelligibilis repræsentantis quidquid est in Deo, tanquam secundum intellectum , seu rem quæ primò & per se, seu principaliter intelligitur.

31. Prima pars conclus. probari potest omnibus rationibus , quibus fulcitur sententia asserens Dei naturam , prout ab attributis & relationibus distinctam , esse objectum formale motivum seu specificativum primarium intellectus divini : quas quidem rationes latè prosequuntur Illustris. Godoy hic tract. 3. disp. 25. §. 5. & R. ad. P. Gonet tomo 1. disput. 2. §. 3. Prob. 46. & 48. deinde breviter, objectum formale motivum specificativum potentiae intellectivæ est id quo intelligit, seu principium formale intelligendi: sed id quo Deus intelligit , est ipsa divina essentia prout habet rationem speciei intelligibilis , secundumque modum significandi distinguitur ab attributis & relationibus secundum suum esse naturale sumptis : ergo divina essentia, ut habet rationem speciei intelligibilis secundum modum significandi distincta ab attributis & relationibus, est objectum formale primarium specificativum divini intellectus per modum

1. cont.
gent. c.
46. & 48.

Art. V. An Deus alia à se cogn. Cap. III. 127
modum primi intellecti quo. Maj. patet, nam
actiones specificantur à suo principio formali
activo, potentia autem per ordinem ad actus.
Minor autem quoad 1. partem patet, res enim
quælibet intelligitur per hoc quod est actu in
intelligente secundum modum intelligibilem:
sed quælibet res est in intelligente actu secun-
dum modum intelligibilem per speciem intelli-
gibilem, quæ est ipsamet rei essentia, vel simi-
litudinalis illius à re accepta: ergo,
cum Deus non intelligat per species à rebus ac-
ceptas, id quo Deus intelligit, est ipsa divina
essentia, prout habet rationem speciei intelli-
gibilis.

Secunda pars autem, nimirum quod sit ipsa 32.
Dei essentia ut distincta ab attributis & rela-
tionibus, prob. quia formaliter Deus non dici-
tur intelligere suam misericordiam, vel potentiam,
paternitatem, aut filiationem, cen formali princi-
pio intelligendi, sed dicitur intelligere per es-
sentiam suam & quidditatem, quæ licet secun-
dum esse naturale realiter sit omnia attributa
& relationes, tamen secundum rationem di-
stinguitur ab ipsis: ergo hæc non habent for-
maliter rationem principij formalis, quo Deus
intelligat, & subinde neque rationem speciei,
sed sola essentia, quæ est ut ratio rei, & medium
cognoscendi.

Itaque ne hallucineris novitie, diligen- 33.
ter adverte, quod equidem essentia divina, ut
habet rationem speciei intelligibilis, continet
intelligibiliter omnia quæ sunt in Deo, ut om-
nium similitudo, alias Deus non cognosceret
omnia, quæ sunt in seipso: & sic intelligibili-
ter est quicquid est Deus; sed tamen omne
quod

quod est in Deo formaliter, non habet rationem speciei intelligibilis, sed sola essentia divina, quæ est ut ratio Dei, nisi materialiter & identicè, inquantum esse intelligibile & esse naturale in Deo realiter idem sunt. Vnde quidquid est in Deo, dicitur intelligi primò & per se, ac repræsentari in divina essentia per identitatem intelligibilem, & naturalem cum illa, sed tamen omne quod est in Deo non dicitur esse principium formale intellectiōis divinæ, sed sola essentia, prout est species & similitudo omnium quæ sunt in Deo.

34. Ex quibus prob. tertia pars conclus. objectum primum intellectus divini per modum secundi intellecti debet esse omne id, quod primò & per se per divinam essentiam, tanquam speciem intelligibilem repræsentatur, & subinde intelligitur primò & per se ab intellectu divino: sed primò & per se repræsentantur, tam natura divina in esse rei, quam attributa & relationes, ac subinde primò & per se intelliguntur: ergo essentia divina secundum suum esse naturale considerata, prout comprehendit attributa & relationes, est objectum primum specificativum divini intellectus, per modum secundi intellecti. Min. prob. essentia divina, prout habet rationem speciei intelligibilis est principium talis intellectiōis divinæ, quæ est quidditativa perfectissima, seu comprehensiva, & intuitiva Dei sicuti est in se: sed Dei essentia comprensivè & intuitivè sicuti est in se sumpta, est essentia includens formaliter attributa & relationes: ergo essentia, quæ secundum suum esse naturale, & per modum secundi intellecti intelligitur, & repræsentatur
in

in essentia divina habente rationem speciei intelligibilis, est essentia divina ut comprehendit, & includit formaliter attributa & relationes. Min. patet, quia realiter & in se Deus essentialiter est quidquid est in seipso, & si definiretur, omnia hæc definitionem ejus essentialem ingrederentur.

Respondent quidam Recentiores, quod esto
essentia divina, ut est in se, sit attributa & relationes identitate reali formali, non tamen virtuali: quod sufficit, ut essentia divina moveat divinum intellectum ad intellectionem, & non attributa & relationes, quamvis moveat prout est in se: sicut virtualis distinctio Paternitatis ab essentia divina sufficit, ut hæc communicetur Filio, & non communicetur Paternitas: & distinctio virtualis naturæ à Personalitate Filij sufficit, ut hæc immediatè uniatur humanitati, natura verò mediatè: distinctio etiam virtualis inter veritatem & bonitatem divinam sufficit, ut veritas, & non bonitas specificet intellectum; & bonitas, non autem veritas specificet voluntatem. Vnde sicut ista consequentia non valet: Intellectus specificatur à veritate ut est in se: Sed veritas ut est in se est bonitas: ergo specificatur à bonitate, quia veritas à bonitate virtualiter distinguitur, ita ob similem distinctionem, quæ inter essentiam, attributa, & relationes versatur, non valet supra adducta.

Reipsa quidem Thomistæ, qui sic respondent, nescio an satis consequenter loquantur ad ea quæ assertuerunt supra, nimirum implicare visionem Dei per essentiam esse, etiam de absoluta Dei potentia, abstractivam, seu præ-

130 *Quest. XIV. De Scientia Dei,*
 cisivam, itaut possit videri essentia sine attri-
 butis & personis : Eo enim modo intellectus
 fit actu cognoscens, quo movetur & actuatur
 ab ipso cognito : ergo si distinctio virtualis in
 Deo sufficit ut essentia divina secundum se
 considerata moveat & actuetur intellectum, &
 non relationes & attributa, nihil obstat quom-
 minus visio Dei per essentiam possit esse præ-
 cisiva, non modò respectu intellectus creati,
 sed etiam respectu intellectus divini. Vnde hæc
 solutio rejicitur eisdem rationibus quibus su-
 pra 9. 12. *art. 8. cap. ultimo*, impugnata & rejecta
 est Scoti opinio, cujus est etiam solutio, & do-
 ctrina adducta.

37. Deinde impugnatur : distinctio illa virtualis
 nullatenus tollit quin attributa & relationes
 secundum suum esse, quod habent in Deo, rea-
 liter & essentialiter sint ipsemet Deus, qui pri-
 mo & per se intelligitur : ergo non tollit quin
 pertineant ad primarium & specificativum ob-
 jectum intellectus divini, per modum secundi
 intellecti. Conseq. prob. quia in omni intelle-
 ctione quidditativâ comprehensivâ, & intuiti-
 vâ semper debet attingi omne id, quod essen-
 tialiter ad esse rei pertinet.

38. Conf. quia esto animal & rationale in ho-
 mine virtualiter distinguantur, tamen, quia
 sunt de ratione intrinseca constitutiva homi-
 nis, impossibile est dari speciem intelligibilem
 quidditativam perfectam, & comprehensivam
 hominis, quæ non dicat formaliter utriusque
 naturam ; sed quodlibet attributum non mi-
 nus est intrinsecum Deo, quam sit animal ho-
 mini, nec minus intrinsecè clausum in divino
 esse actualissimo, & simplicissimo, in se consi-
 derato :

derato : ergo nec poterit intelligi Deus , seu divina essentia in se , seu divinum esse , quin per se primò intelligentur omnia , quæ formaliter & essentialiter intrinsecè in divino esse , seu divinâ essentiâ includuntur. Quod autem nos sic intelligamus , ex imperfecto modo concipiendi Deum ex rebus creatis accidit , quod in divina cognitione non contingit. Quod autem bonum moveat voluntatem , & verum intellectum , licet sint idem in re , evenit quia in nobis est diversa species , & intellectum quo , sed in Deo est unica species , quæ est divina essentia , quæ est ipsamet natura Dei non modò intelligibiliter , sed etiam naturaliter ; & subinde continens quidquid est in Deo intrinsecè & formaliter. Ex his sequitur quod discordia ista inter utramque sententiam provenit ex eo quod cum D.Thom. non distinguant inter intellectum primum , & secundum : nec advertant in Deo idem esse intelligibile & esse naturale.

Tertiâ conclusio : objectum formale primum terminativum divini intellectus per modum termini intelligibilis & intrinseci , seu per modum primi intellecti quod , est ipsamet divina essentia , prout habet rationem verbi communiter dicti in actu secundo repræsentantis omnia quæ sunt in Deo , sive formaliter , sive eminenter ; per modum autem termini ultimi seu rei quæ intelligitur ut in seipsa est , est ipsamet Deus in se , seu divina essentia , ut intrinsecè includit attributa & relationes. Prima pars sumitur ex D.Thom. 1. dist.27. q.2. art.2. cap. ubi ait : *Cum verbum sit similitudo ipsius rei intellecta , prout est concepta ab intellectu , &*

39.

132 *Quest. XIV. De Scientia Dei,*
ordinata ad manifestationem, vel ad se, vel ad al-
terum, ista species in divinis potest accipi duplici-
ter, vel secundum quod dicit id, quo aliquid for-
maliter in divinis intelligitur, & sic cum ipsa es-
sentia per se intelligatur, & manifestetur, ipsa es-
sentia erit verbum, & sic verbum & intellectus,
& res cujus est verbum non differunt nisi secun-
dum rationem, sicut in divinis differunt, quo in-
telligitur, & quod intelligitur, & quod intelligit.
Vel secundum quod species intellecta nominat ali-
quid distinctum realiter ab eo cujus similitudinem
gerit, & sic Verbum dicitur personaliter, & con-
venit Filio, in quo manifestatur Pater, sicut prin-
cipium manifestatur in eo, quod est à principio per
modum intellectus procedens. Ex quibus sic, ver-
bum in omni intellectione habet rationem pri-
mi intellecti quod: sed essentia divina ut con-
cepta ita se habet: ergo est objectum divini
intellectus per modum primi intellecti quod,
seu termini intrinseci.

40. Secunda autem pars prob. primò ex dictis
supra in 2. conclus. Secundò prob. quidquid
habet eandem intelligibilitatis rationem ad
idem objectum formale quod primarium spe-
ctare debet: sed natura Dei, attributa, & rela-
tiones, in seipsis considerata, seu ut habent esse
in se, eandem habent per se primò ac simpli-
citer intelligibilitatis rationem: ergo ad ob-
jectum formale primarium specificativum di-
vini intellectus spectant. Min. prob. in tantum
est aliquid intelligibile in quantum est ens &
actu; sed attributa & relationes secundum se
sunt ens infinitum & actus purus, includuntur-
que formaliter in divino esse: ergo habent eandem
immaterialitatem, atque intelligibilitatem.

Conf.

Conf. Eo modo comparantur attributa in ratione veri & intelligibilis ad intellectum divinum, quo comparantur ad divinam voluntatem in ratione boni & appetibilis : sed ratione sui ad divinam comparantur voluntatem ut objectum formale primarium terminativum : ergo etiam ad intellectum comparari debent in ratione objecti primarij terminativi. Min. prob. ex D.Thom. lib. 1. cont. gent. cap. 74. dicente : *Principale objectum divine voluntatis est divina essentia. Cum autem divina essentia sis Dei intelligere & omnia alia, qua in ipso esse dicuntur, manifestum est quod eodem modo principaliter vult se intelligere, se velle, se esse unum, & quidquid aliud est huiusmodi* : sed si essentia divina ut distincta ab attributis esset objectum formale primarium divinæ voluntatis, attributa verò solum ratione essentia amarentur à Deo, ipse non vellet omnia illa eodem modo ac principaliter, sicut amat essentiam, non enim eodem modo comparantur ad potentiam quæ principaliter & ratione sui attinguntur, & quæ non principaliter nec ratione sui attinguntur : ergo attributa divina ratione sui terminant principaliter divinam voluntatem. Prob.2. eadem min. quia attributa sunt bonum simpliciter infinitum ac summum, non minùs quam essentia, cum sint ipsemet Deus formaliter & essentialiter : ergo per se primò ac principaliter amantur, nec non eodem amore necessario, quo ipsa divina amatur essentia ab ipso Deo.

Conf.2. attributa & relationes non sunt objectum materiale & secundarium divini intellectus sicut sunt ipsæ creaturæ : ergo pertinent

41.

Vide su.
praq.14.
art.1 &
infra q.
19.art.2

42.

ad ejus objectum formale & primum quod. Conseq. patet, quia objectum adæquatè dividi solet in formale seu primum, & materiale sive secundarium. Dices, attributa & relationes, neque esse objectum primum, neque propriè materiale & secundarium: sed veluti modos objecti primarij, & specificativi, aut objecta materialia transcendentaliter & intimè in se includentia ipsum objectum formale & primum.

43. Contra: quia attributa divina essentialiter sunt ipsemet Deus, aliàs essent accidentia ejus: sed quidquid pertinet ad essentialitatem Dei in se, primò & per se attingitur eà cognitione, quâ comprehensivè, quidditivè, atque intuitivè se cognoscit Deus, & subinde ad objectum primum terminativum divinæ cognitionis spectat: ergo attributa & relationes ad objectum primum terminativum divini intellectus divinæque cognitionis pertinent, & non ut modi objecti primarij, aut objecta materialia transcendentaliter, & intimè in se includentia ipsum objectum formale, & primum.

44. Quarta conclusio: Creaturæ non pertinent ad objectum primum divini intellectus, seu non sunt primò & principaliter intellectæ ab ipso. Prob. ex D. Thom. primò: Illud solùm est primò & per se ab intellectu cognitum, seu ad principale objectum ejus spectat, cujus specie intelligit: sed species, seu id quo Deus intelligit nil aliud est quam sua essentia, quæ principaliter & primò ac per se ipsum duntaxat Deum, & omnia quæ formaliter sunt in ipso repræsentat, non autem item creaturas: ergo intellectum ab ipso primò & per se nil aliud est.

quæ

Art.V. An Deus alia à se cogn. Cap.III. 135
quam ipsamet. Maj. declaratur : omne agens agit sibi simile secundum formam seu principium formale per quod est actu agens ; v.g. ignis producit sibi simile secundum calorem qui est ei principium formale activum per quod est agens : sed forma seu principium formale quo intellectus actu intelligit est species rei intellectæ per quam constituitur actu intelligens : ergo oportet quod intellectio cujus illa species est principium primò & per se terminetur ad id quod est proportionatum & simile principio formali intelligendi.

Min. etiam quoad 1. part. prob. primò, quia si per speciem aliam à suâ essentia Deus intelligeret, esset aliquid aliud divinæ ipsius essentix principium : sed hoc est absurdum : ergo species quâ Deus intelligit, nil aliud est quam sua essentia. Sequela prob. species est formale intellectionis principium, quemadmodum forma cujuslibet agentis est propriæ operationis principium : sed operatio actualis Dei est ejus essentia : ergo si per speciem aliam à suâ essentia Deus intelligeret, esset aliquid aliud divinæ ipsius essentix principium. Secundò prob. per speciem intelligibilem fit intellectus intelligens actu, sicut per speciem sensibilem sensus est actu sentiens : ergo comparatur species intelligibilis ad intellectum, sicut actus ad potentiam : ergo si divinus intellectus aliquâ aliâ specie intelligibili intelligeret, quam propriâ essentiâ, esset in potentiâ respectu alicujus, quod est absurdum. Tandem, quia species intelligibilis in intellectu præter essentiam ejus existens, habet esse accidentale : sed in Deo aliquod accidens esse nequit : igitur non est in

45.

1. cont.
gent.
cap.46.

intellectu aliqua alia species præter propriam essentiam. Maj. patet, nam scientia nostra idcirco inter accidentia computatur, quia est species intelligibilis, seu collectio specierum in intellectu præter essentiam ipsius existens.

46.

Lib. I.
cont.
gent. c.
48.

Quoad 2. etiam part. nimirum quod essentia divina principaliter & primò & per se ipsum duntaxat Deum, & omnia quæ formaliter sunt in ipso, creaturas autem solum secundariò repræsentet. Prob. si Deus intelligeret se primò, & creaturas tanquam principale objectum, plures necessariò intellectuales operationes haberet: sed hoc est impossibile: ergo & quod intelligat creaturas primò & per se, & subinde quod primò & per se repræsententur in essentiâ divinâ, tanquam in specie intelligibili: illud enim primò & per se intelligitur, quod primò & per se in specie intelligibili repræsentatur. Maj. patet, nam operationes intellectus distinguuntur saltem materialiter penes objecta ad quæ per se terminantur, sicut est alia visio albi, & alia visio nigri. Min. verò prob. nam vel illæ operationes plures essent ipsamet divina essentia, vel aliqua ex illis non esset ejus substantia vel essentia? si primum: ergo essentia divina erit in plura divisa, nimirum in plures operationes realiter distinctas; si secundum: ergo erit aliquid in Deo, quod non erit essentia, sed accidens ejus, seu accidentaliter adveniens, quorum utrumque absurdum est.

47.

ibid. rat.
4. & 5.

Conf. 1. intellectus differens à suo primo & per se intellecto est in potentia ad illud: sed intellectus divinus est realiter differens ab ipsis creaturis: ergo si ipsæ creaturæ sunt primò & per

Art. V. An Deus alia à se cogn. Cap. III. 137
per se intellectæ à Deo, intellectus divinus erit
in potentia ad illas, quod est impossibile, &
absurdum. Maj. prob. quia primum & per se
intellectum, quando est differens ab intellectu,
est ut actus & perfectio illius, secundum hoc
enim intellectus perfectus est quod actu intel-
ligit: quod quidem est per hoc quod est unum
cum eo quod intelligit, tanquam scil. ipso in-
formatus ut propriâ formâ.

Conf. 2. operatio intellectualis speciem &
nobilitatem habet secundum id quod est primò 48.
& per se intellectum, cum hoc sit objectum il- ibid.
lius primarium & specificativum: sed intelle- rat. 7.
ctualis operatio Dei nequit suam speciem &
nobilitatem habere ab ipsis creaturis: ergo
creaturæ non sunt primò & per se intellectæ,
seu in divina essentia repræsentatæ. Min. prob.
operatio Dei est ipsamet e jus essentia: sed essen-
tia Dei nequit suam nobilitatem ab alio habe-
re, aliàs esset quid nobilius illâ: ergo cum crea-
turæ sint realiter distinctæ, & differentes in esse
à Deo & ejus intellectione, ista nequit speciem
& nobilitatem ab ipsis creaturis habere.

Nota quod, cum una intellectio ad multa 49.
simul terminari valeat secundum quod unum
in altero continetur, illud tamen quod primò
& immediatè per speciem illam repræsentatur,
speciem ac nobilitatem tribuit, non verò quod
mediatè & quasi secundariò repræsentatur. Un-
de esto creaturæ repræsententur in divina essen-
tia, & mediante eâ cognoscantur, non tribuunt
intellectioni divinæ speciem & nobilitatem: sed
si detur quod per se & primò repræsententur,
sintque primò cognitæ & per se, non po-
test intelligi quin quodammodo nobilita-
tem

138 *Quaest. XIV. De Scientia Dei,*
tem & speciem divinæ illi intellecti non
dent.

§. III.

Solentur contraria argumenta.

49. **A**Rg. 1. ratio objecti intellectus divini debet esse communissima : sed ens , seu verum in communi abstrahens à creato , & increato est communissimum : ergo debet assignari pro objecto adæquato formali & specificativo divini intellectus. Maj. prob. potentiaæ cognoscitivæ perfectissimæ correspondet communissima ratio objecti : Sed inter omnes virtutes cognitivas perfectior est intellectus , & inter intellectivas perfectissimus est intellectus divinus : ergo ratio sui objecti debet esse communissima. Maj. patet , quod enim potentia est perfectior , tantò est minus limitata , & ad plura se extendit. Minor etiam est evidens , quia secundum Philos. in 3. de anim. Intellectus est quo omnia fieri , præsertim autem divinus , qui est maximè in actu.

50. **Conf.** quòd potentia est perfectior , eò perfectius debet ipsi correspondere objectum : sed objectum , quòd est universalius , eò est perfectius : ergo potentiaæ perfectissimæ , qualis est intellectus divinus , assignari debet objectum universalissimum , quale est ens abstrahens à creato & increato. Min. prob. quia objectum quòd est abstractius , eò est perfectius : sed quòd universalius est , eò abstractius est : ergo quòd est universalius , eò est perfectius.

51. **Resp. dist.** Maj. ratio objecti intellectus divini , ut divinus est , debet esse communissima , communitate formæ , & actus perfecti , seu per continentiam formalem & actualem , concedo :

Art.V. An Deus alia à se cogn. Cap.III. 139
cedo : communitate totius potentialis , & confusi , nego maj. Nam ista communitas est annexa imperfectioni , unde & conceptus entis dicitur esse maximè imperfectus , & omnium confusissimus ; alia autem communitas perfectionem dicit , quia in tantum aliquid est perfectum , in quantum est actu : unde si sit maximè in actu , continens ut actus perfectus quidquid est , est maximè perfectum , & subinde potissimè est perfectio primi entis. Et dist.min. Sed ens , seu verum in communi , ut abstrahens à creato , & increato , est communissimum , communitate formæ , & actus perfecti , seu per continentiam formalem & actualem plurium perfectionum , nego min. est communissimum communitate totius potentialis , & confusi , seu indeterminati , concedo min. & nego conseq. Ad prob. maj. dist. potentiæ cognoscitivæ perfectissimæ correspondet communissima ratio objecti , communitate formæ , & actus perfecti , seu per continentiam formalem , & actualem plurium perfectionum , concedo : communitate totius potentialis & confusi , seu per continentiam indeterminatam & confusam plurium , nego maj. & concessâ minori dist. conseq. ut supra.

Resp. Similiter ad conf. concessâ majori dist. min. quò objectum est universalius , ed est perfectius , si sit universalius per modum formæ per se subsistentis , & actus perfecti , seu per continentiam actualem & formalem plurium in actu , concedo min. si sit universalius per modum totius materialis , vel potentialis , & confusi , nego min. & dist. conseq. eodem modo. Ad prob. dist. maj. objectum quò est abstractius ,

etius, abstractione reali, & per abstractionem actus per se subsistentis ab omni materia & potentialitate, concedo maj. abstractione rationis tantum, & universalis à particulari, nego: nam species non est abstractior genere, & tamen est perfectior. Essentia autem divina primo modo abstrahit, quia est forma habens esse omnino illimitatum, unde est perfectissima, & omnia continet, estque in esse intelligibili omnium species. Et ad minorem dico, quod quò universalius est, eò abstractius est, secundum modum universalitatis, quam habet: quia si sit universalius in causando, & ut actus perfectus, seu per continentiam actualem plurium, eo abstractius est, abstractione reali ab omni materia, & potentialitate in re: si sit universalius per modum totius potentialis, est abstractius, quia de pluribus prædicatur. Itaque loquendo de objecto specificativo divini intellectus, quod est primum intellectum quo, est communissimum ut forma & species intelligibilis omnium, quæ quoquo modo sunt, nec tamen æqualiter ex parte rei cognitæ, sed est sui primò, & aliorum à se secundariò tantum, & ratione propriæ essentiae, ad quam dicunt habitudinem. Ex parte etiam rei intellectæ est communissima, quia omnia eminentissimo modo continet, & quidquid est ens, & intelligibile, id habet per ordinem ad Deum, seu divinum esse.

53.

Arg. 2. objectum adæquatum specificativum debet continere omnia, quæ ab aliqua potentia attingi possunt: sed verum increatum non continet sub se omnia, quæ possunt ab intellectu divino cognosci: ergo non est objectum adæquatum

quatum specificativum divini intellectus, sed ens abstrahens à creato, & increato. Maj. patet, nam objectum adæquatum est terminus adæquatus virtutis ipsius potentiae, itaut ipsum excedere nequeat, aliàs adæquatū non erit. Minor etiam est evidens, quia creaturæ, quæ à Deo cognoscuntur, sub ente increato non continentur.

Conf. Ens commune Deo & creaturis, est 54.
ab eo cognoscibile primariò, & ratione sui: ergo est objectum illius primarium. Anteced. prob. Deus cognoscit omne verum omni modo quo est cognoscibile: sed ens commune Deo & creaturis est cognoscibile primariò & ratione sui, & sic de facto cognoscitur ab intellectu creato: ergo ens commune Deo & creaturis ab intellectu divino cognoscitur primariò & ratione sui.

Resp. dist. maj. objectum adæquatum speci- 55.
ficativum debet continere omnia, quæ ab aliqua potentia attingi possunt, primariò tantum, & ut partes subjectivas ipsius objecti, nego: sive primariò, sive secundariò, & ut dicunt attributionem ad ipsum, concedo maj. Et dist. min. non continet primariò, & ut partes subjectivas, vel species objecti, concedo min. ut dicentia habitudinem effectus ad causam, sive efficientem, sive exemplarem, sive finalem, aut omnibus his modis simul, nego min. Et hoc pacto omnia, quæ à Deo cognoscuntur, continentur sub Deo, quia dicunt habitudinem aliquo modo ad ipsum, ut infra dicetur amplius. Vide supra quæst. 1. art. 7. Resp. ad conf. dist. antec. Ens commune Deo & creaturis est ab eo cognoscibile primariò & ratione sui secundum

dùm totum ambitum potestatis ejus , nego antec. secundum principale ipsius attributionis analogatum , quod est ipsemet Deus concedo. Nam cum Dei cognitio sit perfectissima & distinctissima , nequit cognoscere ens, nisi penetrando omnia quæ sub ente continentur , sub eo autem primariò & per se est ipsemet Deus per ordinem ad quem cætera habent rationem , & esse, ac subinde à divino intellectu, primariò & per se divina essentia attingitur , cætera per attributionem ad ipsam. Ad prob. concessâ majori , intellecta de cognitione per essentiam suam , & non per speciem ipsarum rerum, distinct. ens commune Deo & creaturis est cognoscibile primariò & per se cognitione confusâ, transeat minor : cognitione distinctâ , & perfectâ , nego min. loquendo de ente secundum totum ambitum potestatis ejus ; sub eo enim continentur Deus & creaturæ : & ipsamet Dei essentia, cum sit propria forma intelligibilis sui intellectus , primariò & per se intelligitur ; creaturæ autem secundariò & per habitudinem ad Deum. Similiter continentur substantia & accidens , & istud non est definibile neque intelligibile nisi per ordinem ad substantiam. Ad illud quod additur, nimirum quòd de facto intelligitur primariò & per se ab intellectu creato, cognitione confusâ , concedo : perfectâ & distinctâ , nego : nam conceptus entis est omnium confusissimus & maximè imperfectus , primariòque attingitur ab intellectu nostro progrediente de potentia ad actum. Cognitione enim distinctâ & perfectâ primò cognoscitur species , quæ dicit totam rei essentiam. Vide quæ diximus tom.2. Clyp. Philos.

quæst.

Art. V. An Deus alia à se cogn. Cap. III. 143
quæst. 2. & tom. 3. lib. 1. quæst. 1. art. 2.

Arg. 3. Essentia divina habet rationem objecti specificativi, seu motivi, prout est in se : sed essentia divina prout est in se, est attributa & relationes, cum ab illis solum ratione distinguatur : ergo essentia divina, prout habet rationem objecti specificativi, & motivi, attributa & relationes includit.

56.

Resp. aliorum solutione omissa, dist. maj. Essentia divina habet rationem objecti specificativi, seu motivi, prout est in se, per modum primi intellecti quo, & in esse intelligibilis formaliter, nego maj. per modum intellecti secundi, & quasi radicaliter, seu in esse rei, concedo maj. Et dist. min. sed essentia divina prout est in se est attributa & relationes per identitatem realem, seu rei in se, concedo : per identitatem intelligibilem, nego : hoc enim formaliter habet in quantum est forma & species intelligibilis divini intellectus constituens ipsum in actu intelligentem se & alia. Et dist. consequens eodem modo. Hinc est quod visio beatifica, ex eo quod intuitiva, & Dei in se, petit attingere omnia quæ formaliter sunt in Deo, essentiam, attributa & personalitates seu relationes, quia hæc omnia in esse divino, quod est ipsamet Dei essentia, continentur.

57.

Arg. 4. objectum primum specificativum intellectus divini debet esse perfectissimum omnium, quæ excogitari possunt : sed ens divinum ambiens naturam divinam, relationes, & attributa est omnium perfectissimum, quæ in Deo considerari possunt : ergo est objectum primum divini intellectus. Maj. patet, quia intellectus divinus est potentia perfectissima,

58.

ac subinde perfectissimum sibi vindicare debet objectum. Minor verò prob. nam ens divinum sic sumptum est omnibus modis infinitum & actus purus, in sua ratione includens quidquid est in Deo, quod non habet essentia.

59. Conf. attributa & relationes non sunt objectum materiale & secundarium duntaxat divinæ intellectiōis, sicut creaturæ: ergo pertinent ad objectum illius formale & primum: cum inter utrumque nullum aliud mediet, ad quod pertinere & reduci queant.

60. Resp. ad arg. dist. min. Ens divinum ambiens naturam, & relationes, atque attributa est perfectissimum in linea entis, & per modum secundi intellecti, seu rei, quæ intelligitur, concedo: per modum speciei intelligibilis, & primi intellecti quo, seu principij formalis intelligendi, nego min. hoc enim modo ipsa essentia divina, ut est ratio ipsius Dei, repræsentans & continens omnium intelligibilium species est perfectissima. Vnde dist. conseq. ergo ens divinum includens naturam divinam, attributa, & relationes est objectum primum, per modum primi intellecti quo, nego conseq. per modum secundi intellecti, seu rei quæ intelligitur, concedo conseq.

61. Resp. ad conf. eodem modo, concessio antecedenti dist. conseq. pertinent ad objectum formale quod, & per modum secundi intellecti, concedo conseq. Nam sunt de ratione intrinseca deitatis secundum rem. Pertinent ad objectum formale quo, seu per modum primi intellecti quo, & principij formalis intelligendi, nego conseq. Quapropter non eodem pacto, quo creaturæ ad objectum divini intellectus

Art.V. An Deus alia à se cogn.Cap.III. 143
ctus spectant , quæ duntaxat pertinent ad materiale objectum quod , cum nonnisi ratione divini intelligibilis cognosci & intelligi queant.

Arg.5. de ratione objecti formalis specificativi ac motivi intellectus est distingui realiter, vel saltem virtualiter ab intellectione : sed divina essentia , in probabili sententia , quæ assignat intellectiōnem divinam pro formali constitutivo naturæ divinæ , ne virtualiter quidem ab intellectiōne distinguitur : ergo divina essentia nequit esse objectum specificativum divinæ intellectiōnis, seu divini intellectus. Maj. prob. objectum motivum se debet habere ut principium, saltem realiter virtualiter influens in intellectiōnem : sed nihil potest intelligi in seipsum influere : ergo de ratione objecti formalis specificativi est distingui realiter , saltem virtualiter , ab intellectiōne. Idem argumentum de objecto terminativo fieri potest , quia actio non terminat seipsam , cum significetur per modum fluxus in alterum.

Resp. imprimis nos non assignare pro constitutivo metaphysico divinæ naturæ intellectiōnem actualem (ut videre est supra quæst.2. art.3. cap.7.) sed intellectiualitatem , seu esse intellectivum in esse rei , & naturæ consideratum. Quo pacto non incongruit inter essentiam , & actualem intellectiōnem significatam per modum operationis actualis, vel inter eam & ipsum intellectum , qui ponitur attributum ejus , distinctionem realem virtualem , seu distinctionem rationis cum fundamento in re constituere , Resp.2. ex dictis, quod cum ratio objecti motivi non sit propriè in Deo , nisi

quoad modum significandi duntaxat, sufficit etiam distingui quoad modum significandi à divina intellectione: respectu cuius, quoad modum significandi essentia divina sumpta in ratione speciei intelligibilis, seu primi intellecti quo significatur habere rationem principij formalis activi.

64. Arg. 6. cont. 3. illud est objectum formale terminativum alicujus potentiae, quod ratione sui ab illa attingitur, & ratione cuius cætera attinguntur ab illa: sed essentia divina ratione sui à divino intellectu attingitur, attributa verò & relationes ratione essentiae: ergo hæc, ut ab illis virtualiter distincta, est objectum formale terminativum divini intellectus. Prob. min. quod ratione sui non repræsentatur intellectui divino, sed ratione essentiae, non cognoscitur ratione sui, sed ratione essentiae: atqui attributa, & relationes non ratione sui, sed ratione essentiae repræsentantur intellectui divino: ergo non ratione sui, sed ratione essentiae cognoscuntur. Maj. est certa, nam inter objecta idem ordo servatur in terminando cognitionem, ac in terminando repræsentationem: unde quia ens rationis non repræsentatur per propriam speciem, sed per speciem entis realis, ad cuius similitudinem confingitur, non primariò, sed secundariò ab intellectu nostro cognoscitur: nec alià ratione creaturæ secundariò cognoscuntur à Deo, nisi quia secundariò repræsentantur per speciem, quâ divinus intellectus intelligit. Minor verò prob. species, quâ Deus intelligit, est sola divina essentia: sed divina essentia, ut species intelligibilis, seipsam solum primò repræsentat; alia verò ratione sui:
vel

Art. V. An Deus alia à se cogn. Cap. III. 147
vel quia illa eminenter continet, ut creaturas;
vel quia in illis intimè includitur, ut attributa
& relationes: ergo attributa & relationes, non
ratione sui, sed ratione essentia intellectui di-
vino repræsentantur.

Conf. quia divina essentia est infinita sim-
pliciter in ratione speciei intelligibilis, non
tantum est ratio cognoscendi seipsam, sed etiam
creaturas, & omnia alia, quæ à divino intelle-
ctu cognoscuntur; sed etiam in ratione objecti
est infinita simpliciter: ergo non tantum est
ratio objectiva cognoscendi seipsam, sed etiam
relationes & attributa; omnèque objectum à
divino intellectu cognoscibile.

65.

Resp. ad arg. dist. maj. illud est objectum for-
male terminativum alicujus potentia, quod
ratione sui ab illa attingitur, per modum ter-
mini ultimati, & secundi intellecti, seu rei quæ
intelligitur, concedo maj. per modum principij
intellecti, vel termini non ultimati, nego maj.
Nam, ut notavimus, objectum propriè dicitur
sola res quæ intelligitur, & non species vel
verbum. Et dist. min. Essentia divina sumpta
in ratione speciei intelligibilis aut verbi, seu
per modum primi intellecti quo, vel quod,
concedo min; sumpta per modum secundi in-
tellecti, seu rei quæ intelligitur, nego min. sic
enim in sua intrinseca ratione claudit essentia-
liter quidquid est in Deo, & quidquid est in
Deo est Deus, & subinde primò & per se co-
gnoscibile eà cognitione, quâ cognoscitur
Deus à seipso sicuti est in se. Ad prob. autem
dist. maj. quod repræsentatur intellectui divino,
non ratione sui, sed ratione essentia, non co-
gnoscitur ratione sui, sed ratione essentia, si re-

66.

præsentetur ratione essentiaæ tanquam speciei intelligibilis, & primi intellecti, non verò intellecti secundi, seu rei quæ intelligitur, nego: si repræsentetur ratione essentiaæ, tam habentis rationem speciei, seu primi intellecti, quam secundi intellecti, seu rei quæ intelligitur, concedo maj. Et dist. min. repræsentantur ratione essentiaæ sumptæ in ratione speciei intelligibilis seu primi intellecti, concedo: sumptæ in ratione secundi intellecti, seu rei quæ intelligitur, nego: sic enim essentialiter sunt ipsamet divina essentia, seu Deus, & impossibile est quidditative intelligere Deum intellectione quidditative, præsertim comprehensivâ, cujusmodi est intellectio divina, nisi per se omnia intelligantur, quæ formaliter sunt de ratione intrinseca divini esse. Ad prob. dist. min. eâdem distinctione.

67. Ad conf. resp. dist. conseq. ergo est ratio objectiva cognoscendi non tantum seipsam, sed etiam attributa & relationes, ut aliquid extra conceptum essentiaæ divinae secundum se sumptæ, nego conseq. ut aliquid de conceptu essentiali ejus sumptæ ut est in se, concedo conseq. Et sic hæc omnia primò cognoscuntur; non verò creaturæ, quia non attinguntur ut quid pertinens ad essentiam Dei, sed ut effectus participantes aliquo modo similitudinem divini esse. Per hæc patet ad omnia alia argumenta, quæ objici possunt,

ARTICVLVS VI.

*Utrum Deus cognoscat alia à se propria
cognitione.*

CAPVT I.

*Quorundam relato errore statuitur conclu-
sio D. Thoma & probatur.*



VERROES 12. *Metaphys. text. 51.*
in eo versatus est errore, ut existima-
ret Deum de aliis rebus à se nonnisi
in communi, & in quantum sunt en-
tia notitiam habere. Quia enim esse diuinum
est causa essendi omnibus rebus, in quantum
Deus novit esse suum, naturam essentiae in om-
nibus inventam rebus cognoscere aiebat. Si-
cut enim qui calorem ignis nosset, naturam
caloris in omnibus calidis existentis non ig-
noraret; non tamen naturam huius, & illius
calidi, in quantum est hoc & illud, sciret: haud
secus Deum, per hoc quod essentiam suam co-
gnoscit, quamvis rerum omnium esse cognos-
cat, in quantum sunt entia: non tamen rem
cognoscere nos, in quantum est hæc, vel illa
autumabat. Nec ex hoc sequitur, inquiebat,
quod Deus sit ignorans: quia ipsius scientia
non est de genere scientiae nostrae; unde nec
ignorantia opposita sibi potest convenire, sicut
neque de lapide dicitur, quod sit videns vel
cæcus. Eundem errorem Algazeli tribuit Dite-

I.
1. sent.
dist. 3. §.
qu. 1.
art. 3.

150 *Quæst. XIV. De Scientia Dei*,
ctorium Inquisitorum 2. p. q. 4. In eundem errorem impegisse videtur Aristoteles, saltem quoad res minutissimas & abjectas. Nam lib. 12. Metaphys. text. 51. disputans quid & quomodo divina mens intelligat. *An*, inquit, *de quibusdam ipsum cogitare absurdum est?* Et subjungit: *Manifestum itaque est, quod illud intelligit, quod diviniissimum, honorabilissimumque est.* Et infra: *Quædam, ait, melius est non videre, quam videre; alioqui non fuerit quod optimum intellectio. Seipsam ergo intelligit, si est quidem quod optimum est.* Vbi docere videtur à mente divina nullam rem creatam intelligi propriè ut est ipsa, vel certè non res viliores, ne alioqui divinus intellectus vilescat. Atque hanc eandem sententiam tribuit Aristoteli Commentator ejus Averroës, nec solum ipse, sed aliqui etiam Scriptores Ecclesiastici, ut Clemens Alex. lib. 5. Stromat. Theodoretus lib. 6. de curandis affect. Græc. Ambrosius lib. 1. de officiis cap. 13. & alij. Philosophum ab hoc errore liberant viri eruditi non pauci, existimantes ipsum, cum Deo solum sui ipsius cognitionem tribuere videtur, solum voluisse quod se primariò & per se intelligat, cætera quælibet secundariò duntaxat. Et ita interpretatur eum D. Thom. lect. 11. *Considerandum est, inquit, quod Philosophus intendit ostendere, quod Deus non intelligit aliud sed seipsum, inquantum intellectum est perfectio intelligentis, & ejus quod est intelligere. Manifestum est autem quod nihil aliud sic potest intelligi à Deo, quod sit perfectio intellectus ejus. Nec tamen sequitur quòd omnia alia à se sint ei ignota; nam intelligendo se, intelligit omnia alia.* Vnde ipsemet Arist. lib. 3. Metaphys. text. 15. redarguens

Empe

Empedoclem dicentem, Deum, quia in se non habet discordiam & contentionem, discordiam & contentionem non intelligere, pro absurdo illi objicit, quod tunc Deus, alioqui fœlicissimus, minùs sapiens esset cæteris, qui contentionem & discordiam intelligunt. Et rursus lib. 1. de anima text. 80. *Accidit, inquit, Empedocli insipientissimum esse Deum, solus enim elementorum unum non cognoscet, ipsam discordiam.* Quidquid sit de Aristotelis mente & sensu, hunc errorem tribuit Iob cap. 22. quibusdam dicentibus: *Quid enim novit Deus? & quasi per caliginem judicat,* ubi D. Thom. Quid enim novit Deus de istis inferioribus rebus: non tamen, quod hujusmodi homines rerum cognitionem Deo totaliter subtrahant, sed dicunt, quòd eas cognoscit in universali, cognoscendo naturam entis, vel universales causas. Vnde subdit, & quasi per caliginem judicat. Ita etiam explicant D. Caietanus & Lyra.

Impugnatur hæc positio: Ille, cujus cognitio est perfectissima, cognoscit res non solum in communi & confuse, sed distinctè & in particulari: sed Dei cognitio est perfectissima sicut & esse illius, cum quo eadem est realiter: ergo Deus non cognoscit alia à se in communi duntaxat & ut sunt entia, sed in particulari & distinctè. Maj. prob. quia cognitio quæ habetur de aliqua re in communi est imperfecta; unde intellectus noster, qui de imperfecto ad perfectum in sua cognitione procedit, priùs cognoscit res in communi & in confuso, deinde in particulari & distinctè.

Conclus. Deus non solum cognoscit res in communi, sed etiam propriâ cognitione se-

2.

3.

Hic & in

1. dist.
35. q. 1.
art. 3.
q. 1. de
verit.
art. 4.

cundum quod abinvicem distinguuntur, seu cognoscit omnium rerum proprias naturas si-
ve rationes, atque operationes. Hæc conclusio
est de fide, ut sumitur ex D. Fulgentio lib. de
fide ad Petrum cap. 31. dicente : *Firmissimè te-
ne, & nullatenus dubites, Trinitatem Deum in-
commutabilem, rerum omnium atque operum, tam
suorum quam humanorum certissimum cognitorem.*
Non autem rerum omnium & operum esset
certissimus cognitor, nisi eas secundum pro-
prias rationes cognosceret : quia certitudo per-
fecta de rebus nonnisi per proprias ipsarum
causas accipitur. Continetur hæc fidei doctri-
na sub articulo de Omnipotentia. Nam ut no-
tat D. Thom. *Omnipotentia Dei includit omnium
scientiam & providentiam. Non enim posset om-
nia qua vellet in istis inferioribus agere, nisi ea co-
gnosceret, & eorum providentiam haberet.*

2.2 q. 1.
art. 8.
ad 2.

4.

Probat S. D. in Sed contra ex Apostolo ad
Hebr. cap. 4. dicente de ipsa divina scientia, &
cognitione : *Vivus est enim sermo Dei, & effi-
cax, & penetrabilior omni gladio ancipiti, & per-
tingens usque ad divisionem animæ ac Spiritus,
compagum quoque ac medullarum, & discretor co-
gitationum, & intentionum cordis, & non est ulla
creatura invisibilis in conspectu ejus. In quæ ver-
ba Theodoretus ait : Nihil potest latere illum
incorruptum judicem, rectè ac perfectè scit omnia,
vel ipsarum cogitationum motus. Novit quæ sunt
in tenebris, novit quæ clanculum committuntur.
Non latent eum improba animi consilia. Ei etiam,
quæ sunt occulta, nuda sunt. Et non solum quid
quisque cogitet in corde suo, verumetiam quæ
intentione cogitet & velit, exactissimè novit,
discernit, ac dijudicat. Nam Discretor in græco
est*

est κριτικός Dicebantur autem Critici homines acris judicij, qui de libris, aut versibus censere poterant, atque discernere quid probum, quid reprobum, quid verò spurium ac supposititium: quales in censendis Homeri versibus Aristarchus, & Aristophanes memorantur. Vocatur itaque Deus Discretor sive Criticus cogitationum & intentionum quia perfectissimè novit, & discernit, non modò ea quæ patent omnibus, sed & quæ profundius latent. Vnde S. Basilus in Psal. 32. explicans illud, *De cælo prospexit Dominus, vidit omnes filios hominum*, inquit: *Considera è sublimi despectantem: considera è cælo res mortalium introspicientem. Quocumque tandem perges, quodcumque demum efficies opus, sive in tenebris, sive in diei luce, Dei oculum superintendentem habes ex preparato habitaculo suo. Non aperiuntur porta, non contrahuntur cortina. Paratum est continuò ad quidvis spectandum Dei habitaculum: omnes aspicit filios hominum, ne unus quidem ipsius fugere conspectum possit: non tenebra, non parietes quemquam possint oculere, oculis Dei nihil obstaculi, nullum oppanditur velamen, tantumque abest, ut unumquodque non videat, ut etiam corda contempletur, & introspiciat, qua ipse finxit citra ullam admissionem ad malitiam inclinantem. Cor enim finxit opifex hominum Deus ad sui ipsius imaginem: propterea omnia opera nostra intelligit, opera etiam dicimus & verba, & cogitationes, utque simul universam motionem hominis, quali item affectu, quoque proposito movemur: an hominibus magis quam Dei mandatis placere studeamus, & obsequi solus videt, qui intelligit omnia opera nostra, Quapropter & de quovis verbo otioso rationem dabimus.*

154 *Quest. XIV. De Scientia Dei,*
bimus. Et ne poculi quidem aqua frigida mercedem
perdemus, quando opera nostra Dominus intelligit.

5. Ex quibus prob. concl. Nullus inter ea discernere potest, de quibus propriam cognitionem non habet : sed Deus hoc modo creaturas cognoscit, quod inter eas discernit : ergo Deus propriam de rebus cognitionem habet. Min. patet, nam cognoscit hanc creaturam non esse illam, aliàs non posset dare singulis juxta capacitatem, nec redderet unicuique secundum opus suum, jultè de actibus & operibus hominum judicando. Conf. 1. Quia Deus non est causa rerum quantum ad esse earum in communi dumtaxat, sed etiam quantum ad omne illud quod in re est : sed effectus perfectè cognoscitur per causam secundum quod causa est similitudo illius : ergo Deus per essentiam suam, ut causam omnis esse, perfectè & distinctè cognoscit quamlibet rem aliam à se. Maj. prob. cum enim per causas secundas determinetur unaquæque res ad proprium esse, omnes autem causæ secundæ sint à prima, oportet ut quidquid est in re, vel proprium, vel commune reducat in Deum sicut in causam ; cum res à seipsa non habeat nisi non esse. Conf. 2. quia impossibile est, quod aliquod agens ordinet effectum suum in finem, nisi cognoscat proprium opus rei, per quod in finem ordinatur ; sed à Deo est ordinatio omnium rerum in finem : igitur oportet ut cognoscat proprium rei cujuslibet opus, & propriam naturam, quæ tali operationi convenit, & subinde quod de omnibus rebus distinctam & determinatam cognitionem habeat.

6. Quomodo autem id fieri possit, quidam inepte

tè satis explicare conati sunt, ut refert S. D. duobus hifce exemplis. Primum de centro, quod quidem, si feipsum cognosceret, cognosceret etiam omnes lineas à se progredientes. Alterum est de luce, quæ si feipsam cognosceret, pariter omnes colores nosset. Sic, agebant ipsi, Deus cognoscendo se, qui est tanquam Centrum, & Lux, à quo omnes creaturæ proveniunt, omnes creaturas noscit. Sed quod hæc exempla non sint convenientia, apparet: Quia ex his nil aliud ostenditur, quam quod Deus res in confuso duntaxat cognoscat, non autem secundum quod sunt abinvicem distinctæ. Nam si centrum cognosceret feipsum, cognosceret quidem omnes lineas ut in se sunt; & ut ad se ipsum terminantur, non tamen nosset eas prout abinvicem distinguuntur, cum distinctio linearum non sit à centro, sed à diverso situ. Similiter si lux cognosceret feipsam, cognosceret quidem se esse colorum principium, non autem colorum diversitatem, cum hæc non ab ipsa luce, sed à diversa diaphani dispositione promanet. In Deo autem creaturæ continentur, non solum secundum id, in quo conveniunt, sed etiam secundum ea per quæ abinvicem distinguuntur: Omnes enim perfectiones in creaturis repertæ, excellentiori modo in Deo existunt: sed non modò id in quo creaturæ conveniunt, sed etiam id in quo abinvicem distinguuntur, sunt perfectiones quædam, ut vivere, per quod differt vivens à non vivente, & intelligere, per quod intelligens à non intelligente distinguitur: ergo creaturæ sunt in Deo, non modò secundum illud in quo conveniunt, sed etiam secundum

ea, in quibus differunt. Ex quo sequitur, quod Deus cognoscendo se, non tantum cognoscat creaturas eo modo quo centrum, si esset cognoscitivum, cognosceret lineas; vel lux colores, sed etiam quoad propria.

7. Vnde per aliud exemplum magis accommodatum ostenditur præfata conclusio à S. D. & est: Quod essentia Divina ad res creatas cõparatur, non quidem sicut centrum ad lineas, aut lux ad colores; & universaliter ut commune ad proprium, sed comparatur eis sicut actus perfectus ad actus imperfectos, ut homo ad animal, & senarius ad binarium. Ex quo exemplo sic manifestatur concl. Per actum perfectum omnes actus imperfecti in eo contenti cognoscuntur, non solum in communi sed secundum proprias earum rationes; sicut si hominem perfecte noverim, cognosco etiam perfecte animal & substantiam: sed essentia Dei est actus perfectissimus omnes creaturarum perfectiones modo perfectissimo continens: ergo dum se perfecte cognoscit, creaturas ipsas etiam cognoscit, non modò in communi, sed etiam distinctè & secundum proprias earum rationes.

8. Conf. cognoscens omnes modos, quibus divina perfectio est participabilis, cognoscit res secundum propriam cognitionem; sed Deus perfectissimè novit omnes modos, quibus sua perfectio est participabilis, cum suam essentiam perfectissimè noscat: ergo Deus distinctissimè novit omnes & singulas creaturas, & secundum propria ipsarum. Maj. patet, quia diversarum creaturarum perfectiones nil aliud sunt quam diversi modi participandi divinam perfectionem.

Obijcies

Objicies primo contra doctrinam allatam : scientia Metaphysicæ est cognitio perfectissima, & tamen non attingit ens nisi secundum communissima illius prædicata: ergo &c. Resp. quod cognitio Metaphysicæ est perfectissima in suo genere, quia attingendo ens inquantum ens, attingit illud secundum propria entis hujusmodi ut distinguitur ab aliis, novitque omnes illius proprias passiones & attributa, seu conditiones &c. Quod autem non descendat ad propria cujusque in particulari, hoc non derogat perfectioni ejus, quia sibi non debetur, sed aliis scientiis particularibus, quæ tamen principiis Metaphysicæ quodammodo innituntur, sicut universalissimis causis cognitionis; sed Dei scientia, cum sit unica est perfectissima simpliciter & in omni genere, & linea, ac subinde proprias omnium rerum rationes attingere debet. Et hoc intendit ratio D. Thomæ.

Objicies secundo contra exemplum adductum de Senario; nam non est par ratio de cognitione creaturarum in Deo, & binarii in senario: nam senarius continet binarium & alios numeros imperfectos, quorum quilibet habet suam actualitatem & distinctionem, continentur enim isti in illo per modum plurium unitatum: perfectiones autem, quæ in divina essentia continentur, non sunt in illa secundum suas proprias actualitates, & distinctè, sed unitissimè: ergo nequeunt cognosci distinctè per cognitionem divinæ essentiae.

Resp. notando ex D. Augustino lib. 4. de Trinit. c. 4. & 8. & lib. 11. de civit. Dei c. 3. numerum

9.

10.

158 *Quest. XIV. De Scientia Dei,*
 numerum senarium esse perfectum, quia partes
 æquales in quas dividitur, non excedunt totum.
 Vnde creaturarum conditio numero dierum
 senario perfecta legitur. Quod & observavit
 Hieronymus c. 41. in Ezech. In eo autem non
 continentur numeri imperfecti, nimirum bi-
 narius, & ternarius, secundum suas formas,
 & ultimas actualitates, quia ut sic specie differ-
 runt, & nullatenus sunt partes ejus: sed conti-
 nentur unitè in exercitio tanquam in forma to-
 tali superiori. Vnde cum forma totalis, v. g.
 humanitas cognosci nequeat, nisi cognitis om-
 nibus, quæ sunt in ratione ipsius, nimirum ra-
 tionali, & animali, & radicaliter materia &
 forma, ita neque senarius cognosci potest adæ-
 quatè nisi cognitis numeris imperfectis ex qui-
 bus coalescit, ut stant sub una senarij for-
 ma totali. Et hoc modo ait D. Thom. quod si-
 cut cognoscuntur numeri imperfecti cognito
 senario perfectè, esto non contineantur nisi
 virtualiter in illo, ita & cognitâ essentiâ divinâ
 ut formâ perfectissimâ superiori cognoscuntur
 omnia quæ unite & virtualiter in ea continen-
 tur, nimirum creaturæ, secundum proprias ra-
 tiones.

C A P V T II.

*In quo medio Deus creaturas possibiles
 cognoscat.*

- II. **C**Um nihil possit cognosci nisi ens & ve-
 rum, difficultas impræsentiarum occurrit,
 quomodo Deus creaturas possibiles, quæ nec
 sunt, nec fuerunt, aut erunt, possit distinctè
 cognoscere,

cognoscere, & in quo medio de illis determinatam cognitionem habeat. Sciendum est ex D. Thom. quod medium, tam in visione corporali, quam spirituali, triplex invenitur. Primum est medium sub quo videtur, & hoc est quod perficit visum ad videndum in generali, quod in visione corporali est lumen corporeum, in intellectuali verò est lumen intellectus agentis. Secundum est medium quo videtur, & hoc est similitudo rei visæ, seu species intelligibilis, aut visibilis. Tertium est medium in quo videtur: & hoc est id, per cuius inspectionem ducitur visus in aliam rem; sicut inspiciendo speculum ducitur in ea, quæ in speculo repræsentantur; & videndo imaginem ducitur in imaginatum: & sic etiam intellectus per cognitionem causæ in cognitionem ducitur effectus, vel è converso.

4. dist.
49 q. 2.
art. 1.
ad 16.

Certum esse debet apud omnes, essentiam divinam in cognitione, quâ Deus creaturas quaslibet cognoscit, habere rationem medii sub quo, & medii quo, seu speciei intelligibilis, quod probatum est supra art. 5. & hoc expresse docet S. D. dicens: *In visu corporali est duplex medium, scil. sub quo cognoscit, quod est lumen, & hoc medio non determinatur visus ad aliquod speciale objectum: essentia autem divina in cognitione divina, quâ cognoscit res, tenet locum utriusque, & ideo propriam cognitionem de singulis rebus facere potest.* Tota igitur difficultas, utrum essentia divina habeat rationem medii in quo seu prius cogniti, & ducentis in cognitionem creaturarum, sicut causa ducit in cognitionem effectus, dum visa ipsa videtur effectus. Negant P. Vasquez hic disp. 60. cap. 2. & quidam alij

12.

Quæst.
2. de
verit.
art. 5.
ad 10.

160 *Quaest. XIV. De Scientia Dei,*
alii Recentiores, asserunt communiter Theo-
logi, praesertim discipuli D. Thomae.

13. Conclusio: Deus creaturas possibiles in seip-
so seu in essentia sua, tanquam in medio in quo
seu prius cognito, & tanquam in principio
activo seu finali earum, cognoscit. Hanc con-
clusionem docet expressè S. D. q. 2. de verit.
art. 8. ubi sibi ita objicit: *Sicut dicit Dionys. cap.*
5. de divin. nom. cognitiones non sunt nisi existen-
tium: sed illud quod nec est, nec erit, nec fuit,
non est aliquo modo existens: ergo de illo cognitio
Dei esse non potest. Et respondet: *Ad primum*
ergo dicendum, quod illa, qua nec fuerunt, nec
sunt, nec erunt, sunt aliquo modo existentia in po-
tentia Dei, sicut in principio activo: vel in boni-
tate ejus sicut in causa finali. Et clarius solut. ad
5. *Dicendum, ait, quod illa, qua nec fuerunt, nec*
sunt, nec erunt, secundum hoc habent veritatem,
secundum quod habent esse, prout scil. in suo prin-
cipio activo, vel finali, sunt: & sic etiam cognos-
cuntur à Deo.

14. Ex quibus prob. conclusio primò: Deus non
potest cognoscere aliquod objectum, nisi se-
cundum quod habet esse & veritatem: sed
creaturæ possibiles non habent esse & verita-
tem, nisi ut continentur in Deo tanquam in
principio activo & finali: ergo tantummodo
à Deo cognosci valent, prout continentur in
eo tanquam in principio activo & finali. Maj.
patet, tum autoritate D. Dionysii supra allatâ;
tum etiam quia objectum intellectus divini est
verum & ens. Minor verò prob. quia esse crea-
turarum possibilium non est esse in se, & extra
suas causas actu: ergo est esse, prout in causa
activa & finali, quia tantum datur duplex sta-
tus

Art. VI. An Deus cogn. alia &c. Cap. II. 161
tus essendi in re, nimirum in propria natura,
seu in seipso, & in causa: ergo cum cognoscan-
tur prout habent esse, necessum est ut cognos-
cantur secundum quod habent esse in Deo sicut
in causa, seu principio activo & finali.

Conf. ex eodem S. D. ibidem, ubi sibi ita 15.
objicit: *Omnis cognitio est per assimilationem co-
gnoscentis ad cognitum: sed intellectus divinus non
potest assimilari ad non ens: ergo non potest co-
gnoscere non ens.* Respondet S. D. *Ad secundum
dicendum, quod cognitio qua accipitur à rebus
cognitis consistit in assimilatione passiva, per quam
cognoscens assimilatur rebus cognitis prius exi-
stentibus: sed cognitio, qua est causa rerum cogni-
tarum consistit in assimilatione activa, per quam
cognoscens assimilatur sibi cognitum: & quia Deus
potest sibi assimilare illud quod nondum est sibi assi-
milatum; ideo potest etiam non entis (hoc est,
possibilis, quod vocat non ens, quia actu non
existit) cognitionem habere.*

Ex quibus sic: omnis cognitio est per assi- 16.
milationem quandam cognoscentis ad cogni-
tum: ergo eatenus creaturæ possibiles habent
esse in scientia & cognitione Dei, quatenus
sunt quodammodo similes Deo: sed non sunt
similes Deo cognoscenti activè, seu per hoc
quod causant sui similitudinem in Deo, sicut
res naturales causant sui similitudinem in in-
tellectu nostro: ergo sunt similes Deo, qua-
tenus ipse potest eas sibi assimilare: sed non
potest eas sibi activè assimilare, nisi per hoc
quod potest eis aliquod esse tribuere; nec po-
test hoc esse tribuere nisi per suam bonitatem
& potentiam quæ sunt causæ omnis esse: ergo
sunt similes seu possunt esse similes quatenus

Vide ibi.
dem art.
14. in
corp.

in ejus bonitate, & potentia continentur sicut in causa : ergo medium in quo eas videt Deus est ejus potentia & bonitas quæ se habent in ratione principij activi & finalis illarum. Prima minor patet : quia cognitio Dei non est accepta à rebus, nec mensurata ab eis, sed per essentiam suam, quæ est mensura activa omnis esse, omnia cognoscit. Conseq. etiam est evidens, quia non est nisi duplex assimilatio cognoscentis ad cognitum, videlicet activa & passiva. Secunda minor etiam constat : quia omnis similitudo est per convenientiam alicujus formæ, Deus autem est suum esse ; unde eatenus creaturæ possibiles Deo simulantur, quatenus aliquod esse participare possunt : ratio autem propter quam communicat Deus esse est divina bonitas, & potentia est qua potest in exercitio illud communicare.

17. Nec valet dicere, quod divina essentia in ratione speciei intelligibilis quoddam esse objectivum illis creaturis possibilibus tribuat, ratione cujus cognoscantur in verbo absque ordine ad bonitatem Dei, & potentiam ejus tanquam medium priùs cognitum. Non, inquam, valet : primò, illud esse objectivum, quod creaturæ possibiles habent in Dei verbo & specie, non est esse cognitum præcisè, sed cum habitudine virtuali ad existentiam ; hoc enim dicitur possibile, quod potest esse, seu esse non repugnat : sed impossibile est quod cognoscatur habitudo ad existentiam possibilem, nisi cognoscatur Dei omnipotentia & bonitas : ergo habent illud esse objectivum dependenter à Dei potentia & bonitate, tanquam medio in quo Deus cognoscit illas creaturas possibiles. Minor prob.

prob. illa existentia possibilis creaturæ se habet in ratione effectus possibilis Dei primi agentis: sed non est actu vel virtute agens nisi per suam potentiam & virtutem, nec hæc aliquid agit actu vel virtute nisi propter suam bonitatem, ut causam finalem: ergo impossibile est quod à Deo cognoscatur possibilitas creaturarum, seu habitudo virtualis earum ad existentiam, nisi cognoscatur Dei omnipotentia, & bonitas, tanquam causa & medium ducens in cognitionem earum.

Secundò, quia in tantum divina essentia sumpta in ratione speciei intelligibilis & verbi omnium possibilium divino intellectui creaturas posibles ut posibles repræsentat, inquantum repræsentat diversos modos posibles communicationis divinæ bonitatis ultra eos, quibus communicatur creaturis præsentibus, præteritis, & futuris; quos quidem modos posse ad esse reduci per potentiam suam etiam repræsentat: sed hoc cognoscitur à Deo, quod in essentia ejus tanquam in specie intelligibili repræsentatur: ergo cognitio, qua cognoscit creaturas posibles, terminatur ad eas ut continentur in divina bonitate & potentia, per quam sunt posibles habere esse & bonitatem: ergo videt eas Deus in divina bonitate & potentia, tanquam principio activo & finali; quo pacto videtur effectus per causam, quæ se habet in ratione medij in quo, & prius cogniti, ducentis in alterius cognitionem.

18.
Qu. 1. de
verit.
arr. 8.
c. fin.

Tertiò, quia illud esse objectivum, quod habent creaturæ posibles in Deo, seu in ejus cognitione, & scientia, non est aliquid fictum & rationis, sed quiddam reale, quod ad esse reale

19.

164 *Quæst. XIV. De Scientia Dei,*
actu deduceretur, si Deus vellet; sed non est
quid reale ad extra actu existens: ergo est quid
reale ut contentum in suo principio activo &
finali: sed species intelligibilis & verbum præ-
cisè ut sunt forma & perfectio intellectus, non
sunt principium activum alicujus rei, seu esse
realis: ergo alia assignanda est causa & princi-
pium activum illius esse, nimirum potentia
Dei, quæ in agendo supponit bonitatem ut ra-
tionem propter quam agit actu, vel virtute: sed
intantum aliquid cognoscitur, inquantum est:
ergo possibilitas creaturatum cognoscitur in
potentia & bonitate Dei, tanquam in causa, &
medio prius cognito. Minor prima constat tum
quia in specie intelligibili & verbo creato mul-
ta repræsentantur, quorum cognoscens non est
causa: tum quia in specie intelligibili, &
scientia Dei, seu cognitione esse habent mala,
quæ tamen à Deo non causantur.

20. *Secundò prob. concl. ratione:* si Deus non
Hic art. cognosceret creaturas in seipso tanquam in
6. 6. medio in quo, & causa prius cognita, ipsius
scientia & cognitio non esset perfecta, & com-
prehensiva; sed hoc est falsum: ergo Deus co-
gnoscat creaturas posibles in seipso tanquam
in causa & medio prius cognito. Sequela prob.
Non potest Deus perfectè suam bonitatem co-
gnoscere, seu comprehendere, nisi perfectè co-
gnoscat omnes modos, quibus ab aliis partici-
pabilis est: nec potest cognoscere comprehen-
sivè suam potentiam, nisi cognoscat omnes
modos essendi, qui in virtute ejus continentur,
tanquam in potestate activa, seu principio acti-
vo omnium earum; sed hoc est cognoscere
creaturas posibles in seipso, tanquam in causa

&

& medio prius cognito : ergo nisi Deus cognosceret creaturas in seipso , tanquam in medio in quo , & causa prius cognita , ipsius scientia & cognitio non esset perfecta & comprehensiva. Maj. patet , nam de ratione intrinseca divinæ bonitatis est , quod sit infinite communicabilis & participabilis secundum similitudinem sui esse , est etiam de ratione potentia divinæ , quæ infinita est , quod possit omnia , & virtus ejus sit in actu perfecto : sed qui non cognoscit perfecte omne id quod est de intrinseca ratione alicujus , nequit illud perfecte , & comprehensive cognoscere : ergo non potest Deus perfecte suam bonitatem cognoscere , nisi perfecte & comprehensive cognoscat omnes modos , quibus ab aliis participabilis est : & similiter nequit suam omnipotentiam comprehendere , nisi cognoscat omnes modos essendi , qui in virtute ejus continentur. Minor etiam est evidens , quia intantum illæ creaturæ dicuntur possibles esse , quia nihil est quod potentia Dei non possit , & in ejus bonitate sunt infiniti modi possibles communicationis , quibus in infinitum diffundere suam similitudinem rebus , & communicare illis esse potest. Videnda quæ diximus supra q. 12. art. 8.

Conf. quia non potest perfecte , & comprehensive cognosci causa , nisi in ea cognoscantur effectus in illa contenti : sed omnes creaturæ possibles continentur in Dei potentia sicut in principio activo , & in ejus bonitate , ceu causa finali : ergo nisi Deus cognosceret omnes effectus possibles contentos in seipso tanquam in causa , se perfecte non cognosceret.

21.
Supra
q. 12.
art. 8.

21. Conatur P. Vasquez vim hujus rationis infringere, aiens, non posse equidem cognosci causam nisi in ea cognoscantur effectus, si sit causa realiter relata ad effectus, & intrinsecè cum illis connexa, non verò si deficiat hujusmodi habitudo & connexio. Dei autem essentia est omnino absoluta, non dicens realem habitudinem ad suos effectus, nec est intrinsecè connexa cum illis; unde non oportet ut in ea, tanquam in causa priùs cognita cognoscantur.

23. Sed hæc evasio multipliciter depelli potest: & primò quidem, quia non minor connexio & habitudo ad cognitum debet esse in medio quo, quod habet rationem speciei intelligibilis, & primi cogniti, quàm in medio in quo: sed medium quo seu species intelligibilis divina, quæ est Dei essentia, absque tali habitudine reali & connexione est medium quo cognoscuntur creaturæ: ergo etiam absque tali habitudine reali & connexione potuit repræsentare creaturas per modum medij in quo.

24. Secundò, quia quælibet causa in tantum potest ducere in cognitionem effectus, in quantum similitudinem ipsius continet: sed ad continendum similitudinem effectus per modum exemplaris, & activè non requiritur quod causa sit realiter relata ad effectum, sed quod sibi effectum activè assimilet: ergo cum Divina essentia tanquam medium in quo & causa contineat similitudinem omnis creaturæ, sibi omnem creaturam activè assimilans, poterit optimè esse medium priùs cognitum, per quod creaturæ cognoscantur, esto realem habitudinem ad eas non dicat. Maj. patet, quia simile simili cognoscitur. Minor verò prob. tum quia

Qu. 2.
de verit.
art. 8.

Art. VI. An Deus cogn. alia &c. Cap. III. 167
quia Deus est causa exemplaris omnium creaturarum assimilans sibi omnes illas, & tamen realiter non refertur ad illas. Tum quia relatio non est causa similitudinis, sed potius è con-
verso. Tandem quia mensura activa non fundat realem habitudinem cum mensurato, sed è contra: & tamen est ratio cognoscendi ipsum mensuratum.

C A P V T I I I.

Solvuntur argumenta.

ARg. 1. sic Deus alia cognoscit, secundum 25.
quod in eo sunt: sed alia ab ipso in eo Hic arg.
sunt sicut in prima causa communi & univer- 1.
sali: ergo ea cognoscit ut in causa prima &
universalis: sed hoc est alia à Deo cognoscere
in universalis, & non secundum propriam ac
determinatam rationem: ergo Deus alia à se
secundum propriam ac determinatam cogni-
tionem non cognoscit.

Conf. 1. sicut Deus est causa rerum, ed quod 26.
eis influit esse, ita ignis est causa calidorum ex Qu. 2.
hoc quod eis calorem influit: sed si ignis seip- de verit.
sum cognosceret, cognoscendo calorem suum art. 4.
non cognosceret alia nisi inquantum sunt cal- arg. 3.
lida: ergo Deus cognoscendo essentiam suam
non cognoscit alia nisi inquantum sunt entia:
sed hoc non est propriam de rebus cognitio-
nem habere, sed maximè universalem: ergo
Deus non habet propriam de rebus cognitio-
nem.

Conf. 2. per medium universale non potest 27.
haberi cognitio propria de aliquo particulari, Ibid.
arg. 7.

sicut per definitionem animalis nequit de homine propria cognitio haberi : sed essentia divina est medium maxime universale , quia communiter ad omnia cognoscenda se habet : ergo Deus per essentiam suam nequit propriam de creaturis habere cognitionem.

28.

Loc. cit.
in arg.

Resp. S. D. quod sic cognoscere aliquid sicut in cognoscente est , dupliciter intelligi potest. Vno modo secundum quod hoc adverbium, *sic*, modum cognitionis ex parte rei cognitæ importat , ut sit sensus , Deus alia à se cognoscit prout sunt in seipso , id est , solum secundum modum & esse quod habent in Deo , & hoc modo est falsum quod Deus alia cognoscat secundum quod in eo sunt : non enim semper cognoscens cognoscit cognitum secundum illud esse quod habet in cognoscente : v.g. oculus non cognoscit lapidem secundum esse quod habet in oculo ; sed per speciem lapidis , quam in se habet , cognoscit lapidem secundum esse quod habet extra oculum : & si aliquis cognoscens cognoscat ipsum cognitum secundum esse quod habet in cognoscente , nihilominus cognoscit illud secundum esse , quod habet extra cognoscentem ; sicut intellectus cognoscit lapidem secundum esse intelligibile quod habet in intellectu , inquantum cognoscit se intelligere , sed nihilominus cognoscit esse lapidem in propria natura. Alio modo prout hoc adverbium, *sic*, importat modum ex parte cognoscentis ; & hoc pacto verum est , quod sic duntaxat cognoscens cognoscit cognitum secundum quod est in cognoscente. Quia quanto perfectius cognitum est in cognoscente , tanto cognitionis modus est perfectior.

Art. VI. An Deus cogn. alia, &c. Cap. III. 169
etior. Sic igitur dicendum est, Deum cognoscere non solum esse res in seipso : sed per id quod in seipso res continet (nimirum ut causa universalis activa, & ut actus perfectus) cognoscere etiam illas in propria natura : & tanto perfectius, quanto perfectius unumquodque est in illo.

Resp. ad 1. conf. quod ignis non est causa calidorum, quantum ad omne id quod in calidis reperitur, seu non est causa ut actus perfectus : divina autem essentia est causa omnis perfectionis & modi creaturarum, & ut actus perfectus continet imperfectum. Vnde longè dispar est ratio.

29.
Qu. 2.
de verit.
art. 4.
ad 3.

Resp. ad 2. confirm. divinam essentiam non esse universale medium, quasi universalem formam seu rationem, sed quasi universalem causam. Alio autem modo se habet ad faciendam rerum cognitionem universalis causa, & universalis forma. In forma enim seu ratione universali est effectus in potentia quasi materiali, sicut differentie sunt in genere, secundum proportionem quâ formæ sunt in materia. Sed effectus sunt in causâ universali sicut in potentia activa, sicut domus est in mente artificis, sicut in potentia activa. Et quia unumquodque cognoscitur secundum quod est in actu, & non secundum quod est in potentia : ideo, quod differentie specificantes genus in eo in potentia contineantur, non sufficit ad hoc, ut per cognitionem generis habeatur propria cognitio de specie. Sed ex hoc quod propria alicujus rei sunt in aliqua causa activa, sufficit ut per causam illam de re ipsa propria habeatur cognitio. Vnde per ligna & lapides non cognoscitur domus,

30.
Ibidem
ad 7.

mus, sicut cognoscitur per formam suam, quæ est in mente artificis. Et quia in Deo propriæ uniuscujusque rei rationes sicut in causâ activâ existunt; ideo quamvis sit universale medium, potest de unaquaque re propriam efficere cognitionem.

3 1. Arg. 2. propria cognitio non habetur de re, nisi per propriam ejus rationem : sed essentia divina esse non potest ratio propria, sive proprium medium cognoscendi unamquamque rem : ergo non videtur quodd Deus per essentiam suam de rebus omnibus determinatam atque propriam cognitionem habeat. Prob. min. idem nequit esse propria ratio, seu proprium medium diversorum : nam eò ipso quodd sit proprium medium cognoscendi unum, jam non erit proprium medium cognoscendi aliud ; quod enim inest huic & alteri, est commune utrique & non proprium alteri duntaxat ipsorum : ergo essentia divina non potest esse medium seu propria ratio cognoscendi unamquamque rem.

3 2. Resp. ex S. D. neg. min. ad cujus prob. dist. maj. idem non potest esse propria ratio diversorum per modum adæquationis, id est, ut propria ratio adæquata eorum, concedo : per modum excessus, sive si medium sit excellens & ut actus perfectus respectu imperfectorum, nego maj. tunc enim non implicat, quod sit propria ratio & similitudo diversorum quæ ei non adæquantur seorsim ; sicut in homine est universalis prudentia quantum ad omnes virtutum actus : & potest accipi ut propria ratio ac similitudo particularis prudentiæ, quæ est in leone ad actus magnanimitatis, & ejus, quæ est

Art. VI. An Deus cogn. alia, &c. Cap. III. 171
est in vulpe, ad actus cautelæ, & sic de aliis.
(Prudentiæ, inquam, secundum quandam similitudinem in eis reperiæ.) Similiter essentia divina propter sui excellentiam, & in quantum est ratio perfectissima continens omnes rerum omnium perfectiones, excedensque omnes illas, potest accipi ut propria uniuscujusque rei ratio, secundum quod ipsa est diversimode participabilis, vel imitabilis à diversis creaturis.

Arg. 3. illud quod habet rationem medij ducentis in cognitionem perfectam alterius debet ei perfecte assimilari: sed divina essentia, utpote quæ non nisi analogicè cum ipsis creaturis convenit non potest eis perfecte assimilari: ergo Deus per seipsum seu per essentiam suam, tanquam causam & medium prius cognitum nequit perfectam & distinctam de rebus cognitionem habere, præsertim possibilibus, quæ non sunt, unde eis nullo modo videtur assimilari posse. Conf. quia cognoscens dicit ordinem ad cognitum: sed essentia Dei nulum dicit ordinem ad creaturas: ergo nequit esse medium cognoscendi illas.

Resp. 1. ex D. Thom. q. 2. de verit. art. 3. ad 9. quod similitudo aliquorum duorum adinvicem potest dupliciter attendi: Vno modo secundum convenientiam in ipsa natura, & talis similitudo non requiritur inter cognoscens & cognitum: Alio modo quantum ad representationem: & hæc similitudo requiritur cognoscentis ad cognitum. Quamvis igitur sit minima similitudo creaturæ ad Deum secundum convenientiam in natura, est tamen maxima similitudo secundum quod expressissimè divina essentia repræsentat creaturam, & ideo intellectus

33.
Qu 2. de
verit.
art. 3.
arg. 9.

34.

35. Resp. 2. ex eodem S. D. illud equidem, quod
 Loc. cit. & q. 2. de verit. art. 5. ad 16. art. 8. ad 2. habet rationem medij ducentis in cognitionem
 alterius debere illi perfectè assimilari, sive per
 modum exemplaris, sive per modum similitu-
 dinis ejusdem rationis, sive secundum com-
 mensurationem & adæquationem, sive secun-
 dum excessum ejus supra rem cognitam. Et
 dist. min. divina essentia non potest creatur-
 ris perfectè assimilari secundum adæquationem
 in eadem ratione, concedo: secundum exces-
 sum, seu per modum causæ activæ, & formæ
 exemplaris in actu continentis similitudines
 omnium creaturarum, nego min. & consèq.

36. Dices: non minus obstat propriam de ali-
 qua re cognitionem habere per speciem, quæ
 aliquid majus repræsentat, seu excedens est,
 quam per eam, quæ minus quidpiam repræsen-
 tat: quia nulla adæquatur cognito, sed una
 deficit, altera superat: ergo sicut non potest
 perfectè & distinctè cognosci Deus per creatur-
 ram, quia deficit à perfecta repræsentatione
 Dei, non poterit etiam creatura cognosci per
 essentiam divinam tanquam per medium, quia
 est medium superans & excedens. Anteced.
 declaratur: sicut enim viridis color perfectè
 cognosci nequit per speciem nigri, quia est de-
 ficiens ab ipso; ita nequit perfectè cognosci
 per speciem albi, quod est excedens, & in quo
 perfectissimè natura coloris invenitur: Vnde
 & albedo est mensura omnium colorum, ut di-
 citur in 3. Metaphys. text. 3. & 5.

37. Resp. ex S. D. neg. antecedens si illa spe-
 Q. 2. de verit. a. 4. ad 4. cies, quæ excedit, sit causa continens omne id
 quod repræsentatur. Ad exemplum adductum
 dicitur,

Art. VI. An Deus cogn. alia, &c. Cap. III. 173
dicitur, quod licet color albus secundum formale coloris, nimirum lucem, sit excedens & in eo perfectissime reperiatur coloris natura, & perinde sit omnium mensura colorum: attamen secundum materiale coloris, quod in viridi, aliisque coloribus invenitur, scil. terminatio diaphani, non continet quidquid in eis reperitur, & præterea non est rerum causa activa perfecta: & ideo per speciem albedinis nequit propria de cæteris coloribus haberi cognitio: secus autem est de essentia divina, quæ continet perfecte quidquid in rebus creatis est, & est earum causa activa.

Resp. ad conf. dist. maj. cognoscens dicit ordinem ad cognitum quando accipit cognitionem à rebus, & mensuratur ab eis, concedo: quando causat cognitionem earum, seu mensurat eas, nego: Deus autem non accipit cognitionem à rebus, nec ejus cognitio mensuratur ab eis, sed efficit earum cognitionem, & mensurat ipsas. 38.
Qu. 2.
de verit.
art. 3.
ad 1.

Arg. 3. cognitio rei in alio tanquam in causa est discursiva, cum discurrere nil aliud sit quam effectus in causa cognoscere: sed cognitio Dei discursiva non est: ergo non cognoscit creaturas in seipso tanquam in causa. 39.

Resp. ex S. D. dist. maj. si diversa apprehensione ac similitudine apprehendantur causa, & effectus, concedo maj. si eadem, nego maj. sicut visus cognoscens lapidem per speciem lapidis in ipso existentem, non dicitur discurrere, quia idem est ferri in similitudinem rei, & in rem, quæ per talem similitudinem cognoscitur: Deus autem hoc modo per essentiam suam effectus suos cognoscit, unde non discurrit. Vide infra art. 7. 40.
Hic art.
7. & 9. 2.
de verit.
art. 3.
ad 3.

41. Arg. 4. Angelus comprehendit suam virtutem intellectivam, quæ est causa omnium intellectuum quas habet, & habere potest: Sed tamen non cognoscit omnes ejusmodi intellectus possibiles, saltem in particulari: ergo quamvis Deus comprehendat seu perfectissime cognoscat suam essentiam tanquam causam; non sequitur quod in seipso tanquam in causa omnes creaturas possibiles cognoscat. Min. patet, nam alioquin Angelus suâ virtute naturali intellectivâ omnes creaturas possibiles cognoscere valeret in particulari, quæ sunt objecta talium intellectuum.

42. Resp. dist. maj. est causa facta in actu completo, seu continens omnes intellectus in actu perfecto, nego: in potentia activa indeterminatâ, concedo: in tantum autem aliquid cognoscitur, in quantum est actu, & non secundum quod in potentia; unde omnes intellectus possibiles suas Angelus actu non cognoscit: at verò Deus est causa in actu perfecto continens expressissime omnium rerum similitudines, unde eas cognoscit, non verò Angelus. Nam nulla potentia intellectiva creata est suum esse, sed fit actu alia per similitudines advenientes, sive acceptas, sive inditas, quæ deficiunt respectu omnium possibilium in intellectu Angelico, & multo magis in humano.

43. Arg. 5. Angelus multa cognoscit quorum non est causa, nec in sua virtute continet: ergo multò magis Deus, qui est perfectissime cognoscens & intelligens. Resp. neg. conseq. ratio discriminis est, quia Angelus plura cognoscit per proprias illorum species sibi inditas, quæ ea repræsentant angelico intellectui: Deus autem

Art. VI. An Deus cogn. alia &c. Cap. III. 175
autem non cognoscit res per species aliunde acceptas, sed per essentiam suam, quæ alia potest cātenus repræsentare, quatenus est causa illorum & non alio modo. Sumitur ex D. Thom. quæst. 2. de verit. art. 3. ad 3. ubi ait: *Dicendum quod Deus hoc modo cognoscit creaturas secundum quod sunt in ipso; effectus autem in quacunque causa efficiente existens non est aliud ab ipsa, si accipiatur illud quod est per se causa; sicut domus in arte non est aliud quam ars: quia secundum hoc effectus est in principio activo, quod principium activum assimilat sibi effectum: hoc autem est ex hoc ipso quod agit. Vnde si aliquod principium activum agat per suam formam tantum, secundum hoc est effectus ejus in eo, quod habet formam illam: nec effectus ejus in eo erit distinctus à forma sua. Similiter nec in Deo, cum agat per essentiam, effectus ejus in eo non est distinctus ab essentia sua, sed omnino unum. Et ideo hoc, quo cognoscit creaturam, non est aliud quam essentia sua.*

Arg. 6. inter medium cognoscendi & rem cognitam debet necessaria connexio intercedere: sed inter essentiam divinam seu omnipotentiam & creaturas possibles non reperitur necessaria connexio: ergo illa non potest deservire ut medium ad cognoscendas creaturas. Maj. patet, nam aliàs medium non posset ducere in certam & infallibilem ipsius cognitionem; sicut medium probabile non ducit in certam atque scientificam conclusionis notitiam, quia necessariò cum illa non connectitur. Minor verò prob. primò, quia quando duo inter se necessariam connexionem dicunt, destructo uno destruitur aliud: sed destructis omnibus possibilibus essentia divina aut ejus omnipotentia

tentia & bonitas non destrueretur : igitur necessariam connexionem cum illis non dicit. Secundò quia si essentia, vel omnipotentia Dei, aut ejus bonitas esset intrinsece connexa cum creaturis, dependeret ab illis : sed hoc est absurdum : ergo non est intrinsecè connexa cum illis. Sequela prob. quia illa mutuò abinvicem dependent, quorum unum sine alio subsistere nequit, seu quæ posita se ponunt, & ablata se auferunt : sed si essentia divina cum creaturis possibilibus connecteretur, absque illis subsistere non posset, & posita illà ponerentur creaturæ, & ablatiis his auferretur illa : ergo penderet ab illis.

45. Conf. quando duo sunt adinvicem intrinsece connexa, æquè necessarium est utrumque esse : sed non est æquè necessarium creaturam possibilem esse, atque Deum esse, cum Deus sit ens per essentiam seu per se necesse esse, non verò creaturæ quæ sunt ens ab alio & per participationem : ergo non sunt intrinsece connexæ cum divina essentia.

46. Respondent communiter Thomistæ concessâ maj. neg. minorem : nam divina omnipotentia habet connexionem simpliciter necessariam cum totâ collectione rerum possibilium tanquam cum objecto & termino adæquato, & cum quolibet possibili, veluti cum objecto & termino adæquato. Ad primam prob. ajunt quod destructis creaturis possibilibus destrueretur divina omnipotentia, non quidem à priori & per locum intrinsecum, sed à posteriori & per locum extrinsecum. Quia possibilitas creaturarum est ipsamet vis producendi illas, quæ quidem virtus est ipsamet divina essentia, unde
nequit

nequit destrui creaturarum possibilitas, nisi destruat^r ipsa omnipotentia.

Ad 2. prob. respondent neg. sequelam : ad 47.
cujus prob. distinguunt maj. sic : illa mutuò dependent, quæ posita se ponunt, & ablata se auferunt, si se ponant & auferant à priori, & per locum intrinsecum, conc. maj. si unum à priori & per locum intrinsecum, & aliud à posteriori, & per locum extrinsecum, neg. maj. licet autem ex destructione omnipotentiae tollatur à priori & per locum intrinsecum creaturarum possibilitas, ex repugnantia tamen seu impossibilitate creaturarum, solum à posteriori & per locum extrinsecum tollitur divina omnipotentia, eo fere modo, quò destructis conclusionibus necessariò deductis veritas principiorum tollitur.

Ad Conf. dicunt bene fieri posse, aliqua ita 48.
esse inter se connexa, quòd deficiente uno impossibile sit aliud non deficere, & tamen quod unum sit magis necessarium quam aliud : nam universaliter principia sunt magis necessaria quam conclusiones : & tamen ita connexa sunt, ut deficiente veritate conclusionum, veritas principiorum deficeret.

Resp. 2. ex S. D. dist. maj. inter medium 49.
cognoscendi & rem cognitam debet intercedere necessaria connexio, in esse entis, aut secundum conformitatem in natura, nego maj. in esse repræsentativo, sive secundum repræsentationem concedo : nam statua aurea est medium ducens in cognitionem hominis, cum tamen non sit conformis illi in natura. Et dist. min. inter essentiam divinam, seu omnipotentiam & creaturas non datur necessaria conne-

q. 2. de
verit.
art. 5.
ad 5.

xio in esse entis, aut secundum conformitatem, & adæquationem in natura, concedo min. secundum continentiam virtualement, & repræsentationem, nego min. divina enim essentia perfectissimè continet, sicut actus perfectus imperfectos, similitudines omnium rerum, & per hoc potest esse medium ducens in cognitionem earum distinctam. Continet, inquam, per modum cuiusdam principij activi per formam suam activè assimilantis sibi omnem rem. Vnde negatur consequentia.

50. Ad 1. prob. min. resp. quod quando duo sunt inter se necessario & intrinsecè connexa, quando unum destruitur, aliud etiam destruitur, non absolutè sed secundum eam rationem in qua sunt connexa; sicut destructo uno relativorum destruitur & aliud in esse relativi, sed non absolutè, v. g. destructo filio destruitur pater in esse Patris, non tamen in esse hominis. Et dist. min. destructis omnibus possibilibus ejus essentia, omnipotentia, & bonitas non destruerentur, secundum suum esse absolutum, concedo: secundum quod important rationem causæ exemplaris, efficientis, & finalis earum, nego min. Nam per hoc est causa exemplaris quod habet sibi assimilare formaliter creaturas, & per hoc est causa efficiens, quod secundum suam virtutem continet similitudinem esse illarum, & per hoc est causa finalis, quia continet modos quibus secundum similitudinem potest divina bonitas communicari & manifestari: quæ omnia destruerentur destructis ipsis possibilibus, vel redditis impossibilibus; sicut modo in ordine ad impossibilia absolutè neque habet rationem causæ exemplaris, neque causæ finalis

Art. VI. An Deus cogn. alia, &c. Cap. IV. 179
finalis, neque efficientis: cum tamen absolutè sit sine illis.

Ad 2. prob. dist. maj. Si essentia Dei, aut
ejus omnipotentia & bonitas esset intrinsecè
connexa cum creaturis, dependeret ab illis,
absolutè, & secundum suum esse, nego maj.
secundum rationem & per cointellectionem
creaturarum ad intellectionem divinæ essen-
tiæ sub ratione causæ activæ & finalis earum,
concedo maj. id est non posset concipi & in-
telligi essentia divina in ratione causæ exem-
plaræ, nisi cointellectis diversis proportioni-
bus creaturarum imitantium illam: nec posset
concipi in ratione causæ finalis, nisi conciperentur diversi modi, quibus secundum similitudinem est divina essentia & bonitas à creaturis participabilis: nec posset concipio mnipotentia, nisi conciperetur potestas producendi creaturas. Sumitur ex D. Thom. q. 2. de verit. art. 3. ad 11. ubi ait: *Quod quamvis à linea si diminuatur punctus in actu nihil depercat de linea quantitate: si tamen diminuatur à linea quod non sit ad punctum terminabilis, peribit linea substantia: similiter est de Deo; non enim aliquid Deo deperit, si ejusmodi creatura ponatur non esse, deperit tamen perfectioni ipsius, si auferatur ab eo potestas producendi creaturam: non autem cognoscit res solum secundum quod sunt in actu; sed etiam secundum quod sunt in potentia ejus.* Neque hæc dependentia ponit imperfectionem, sed solum cointellectionem creaturarum ad intellectionem divinæ essentiae, per modum causæ sibi assimilantis eas.

Resp. ad Conf. datâ gratis maj. dist. min. § 1.
non est æquè necessarium creaturam possibilem § 2.

esse, atque Deum esse, si sumantur creaturæ
possibiles continentur & sunt in Deo sicut in
virtute agentis, vel sicut in cognoscente, nego
maj. sunt enim hoc pacto ipsamet creatrix
essentia, ut ex D. Anselmo docet D. Thom.
q. 3. de pot. art. 16. ad 24. Non sunt æquè ne-
cessariæ prout concipiuntur habere virtua-
lem habitudinem ad esse creatum & ad extra, con-
cedo. Sic enim considerantur ut possibiles per
participationem ipsius esse, & similitudinem
divinæ bonitatis.

53. Arg. 7. Deus peccata cognoscit, non solum
secundum entitatem, sed etiam pro formali
malitiæ, non solum ut existentia, sed etiam
ut possibilia; sed ut talia ab ipso causari ne-
queunt: similiter cognoscit etiam entia ratio-
nis, ut chimæras, hircocervos, & similia men-
tis humanæ figmenta, quæ ab ipso efformari
nequeunt: ergo omnia quæ cognoscit, non
cognoscit in seipso tanquam in causa. Resp. ex
dicendis infra art. 9. quod hæc omnia Deus
cognoscit in effectibus creatis, qui sunt causa
eorum, vel eis oppositi, & sic omnia cognoscit
in seipso tanquam in medio prius cognito.

54. In calce hujus capituli subjiçienda venit ele-
gantissima S. Thomæ de hac re doctrina, ex
q. 2. de verit. art. 3. ubi ait: *Apud artificem
potest esse cognitio alicujus artificiati, quandoque
quidem quod facere disponit, quandoque verò quod
facere nunquam disponit, ut cum consingit aliquam
formam artificiati, vel artifici, quod facere non in-
tendit: hoc autem artificiatum, quod facere num-
quam disponit, non semper inuenitur ut in sua potentia
existens, quia quandoque excogitat tale artificium
ad quod faciendum vires ei non suppetunt: sed con-*
siderat

Art. VI. An Deus cogn. alia, &c. Cap. IV. 181
fiderat ipsum in fine suo, prout scil. videt quod
posset ad talem finem per tale artificium devenire;
quia secundum Philosophum in 6. Ethic. cap. 8.
& lib. 7. cap. 12. fines in operabilibus sunt sicut
principia in speculativis. Vnde sicut conclusiones
cognescuntur in principiis, ita artificiosa in finibus.
Patet ergo quod Deus potest cognitionem habere
aliquorum non entium, & horum quidem quorundam
habet quasi practicam cognitionem, scil. quae sunt;
vel fuerunt, vel erunt, quae ex ejus scientia secun-
dum ejus dispositionem procedunt: quorundam verò,
quae nec fuerunt, nec sunt, nec erunt; quae scil. nun-
quam facere disposuit, habet quidem speculativam
cognitionem: & quamvis possit dici quod intuea-
tur ea in sua potentia, quia nihil est, quod ipse non
possit tamen accommodatius dicitur; quod intue-
tur in sua bonitate, quae est finis omnium, quae ab eo
fiunt, secundum scil. quod intuetur multos alios mo-
dos esse communicationis propriae bonitatis, quam sit
communicata rebus existentibus, praeteritis, presen-
tibus, vel futuris; quia omnes res creatae ejus bona-
tem aequare non possunt, quantumcunque de ea
participare videantur.

C A P V T I V.

*Utrum Deus creaturas in seipsis immediatè,
seu independenter ab essentia divina
prius visâ, & cognitâ cognoscat.*

§. I.

Deciditur quaestio

HAEC quaestio de creaturis possibilibus agi-
tari solet: Sed reipsa quidem cum illæ in

55.

seipſis nullum, eſſe habeant, quippe quæ non ſunt actu extra cauſas, ſed in ſuis cauſis, non video quomodo poſſint in ſeipſis Dei cognitionem terminare: cum cognitio non ſit niſi exiſtentium. Quod autem ut ſunt in Deo & ejus cognitione, non ſint aliud ab ejus eſſentia, expreſſè docet S. D. quæſt. 3. de pot. art. 16. dicens: *Creatura dicitur eſſe in Deo dupliciter: uno modo ſicut in cauſa gubernante, & conſervante eſſe creatura. Et ſic præſupponitur eſſe creatura diſtinctum à creatore ad hoc quòd creatura à Deo eſſe dicatur. Non enim intelligitur creatura conſervari in eſſe, niſi ſecundùm quòd jam habet eſſe in propria natura, ſecundùm quòd eſſe creatura à Deo diſtinguitur. Alio modo dicitur creatura eſſe in Deo ſicut in virtute cauſe agentis: vel ſicut in cognoſcente. Et ſic creatura in Deo eſt ipſa eſſentia divina, ſicut dicitur Ioan. 1. Quod factum eſt in ipſo vita erat. Quæ quidem ſolutio adhibita eſt à S. D. ad explicandum illum Anſelmi locum in Monologio cap. 8. & 35. dicentis: *Omnia creata ſubſtantia, tantò veriùs eſt in verbo, & intelligentia creatoris quam in ſeipſa: quantum veriùs exiſtit creatrix, quam creata eſſentia.* Quapropter hæc quæſtio, aut de creaturis exiſtentibus, præteritis ac futuris controvertenda venit, aut de poſſibilibus, prout concipiuntur à nobis habere quoddam eſſe objectivum in Dei ſcientia & cognitione, diſtinctum à Deo.*

56. Concl. cognitio creaturarum in ſeipſis immediatè, ſeu independenter ab eſſentia divina, priùs viſa & cognitâ, in Deo non datur. Prob. ex D. Dionyſio cap. 7. de divin. nom. ubi ait: *Neque autem ea quæ ſunt, ex his quæ ſunt diſcens noſcit divina mens, ſed ex ſe & in ſe per cauſam*

rerum omnium cognitionem, scientiam, essentiam-
que anticipatam, & ante comprehensam habet, non
quòd per speciem singula consideret, sed quòd uno
causa complexu omnia sciat. Et paucis interpositis
addit: *Seipsam ergo cognoscens divina sapientia,*
novit omnia. Et insuper: *Deus, inquit, ea qua sunt*
novit, non rerum notitiâ sed sui. Conatur P. Vas-
quez hujus apertissimi testimoni j vim effugere,
dicendo, S. Dionysium nil aliud intendisse,
quam Deum à seipso, & non à rebus cognitio-
nem accipere: sed profectò, licet verum sit,
Deum res creatas per species à rebus ipsis ac-
ceptas non cognoscere, & hoc etiam eo in loco
intendisse Dionysium, dum ait: *Non ex existentibus*
existentia discens novit divina mens: tamen
statim modum, & medium cognoscendi illa ma-
nifestans, subdit: *Sed ex seipsa secundum omnem*
scientiam, & cognitionem, & substantiam praha-
bet, & praecipit, non secundum visionem singulis
se immittens, sed secundum causa continentiam om-
nia sciens, & continens: quia scil. cognoscendo
essentiam suam, quæ est continens omnia, cog-
noscit omnia: per quod excluditur cognitio
creaturarum immediata in seipsis. Et id exem-
plo luminis declarat, inquiens: *Sicut & lumen*
secundum causam per semetipsum tenebrarum
praecipit visionem, non aliunde videns tenebras
quam à lumine. Vbi creaturas cum tenebris
confert & divinam essentiam cum lumine, di-
cens: quod sicut, si lumen esset cognoscitivum,
per seipsum cognosceret tenebras, quæ per pro-
priam speciem & essentiam cognoscibiles non
sunt, sed per speciem luminis: ita Deus cog-
noscit creaturas in sua essentia veluti causâ,
quia creaturæ propter suam tenebrositatem, &

ibidem
lect. 3.
q. 3. de
verit.
art. 2.
ad 6.

improportionem, non habent in seipsis immediate à Deo cognosci, sed in divinâ essentiâ tanquam in causâ.

57.
Ibid.

Ex quibus statim infert: *Igitur seipsam divina sapientia cognoscens cognoscit omnia, immaterialiter materialia, & indivisibiliter divisibilia, & multa unitivè in ipso una omnia producens, & cognoscens.* q. d. manifestum est quod omnis cognitio est secundum modum ejus, quo aliquid cognoscitur, sicut omnis operatio est secundum modum formæ, quâ aliquis operatur: cum igitur divina sapientia omnia cognoscat, per hoc quod seipsam cognoscit; ipsa autem est immaterialis, & indivisibilis & una, sequitur quod cognoscat materialia immaterialiter, & divisibilia indivisibiliter, & multa unitivè, in quantum scil. omnia cognoscit & producit per unum, quod est sua essentia. Hinc ipsemet D. Thom. (cujus est hujusmodi interpretatio) lib. 1. cont. gent. c. 49. ita habet: *Colligentes igitur has duas conclusiones, apparet Deum cognoscere seipsum, quasi primò & per se notum: alia verò sicut in essentiâ suâ visâ. Quam quidem veritatem expressè Dionys. tradit 7. cap. de divin. nom. dicens: Non secundum visionem singulis se immitrit, sed secundum causâ continentiam scit omnia. Et infra: Divina sapientia seipsam cognoscens, scit alia. Cui etiam sententiæ attestari videtur scriptura sacra autoritas. Nam in psal. 101. de Deo dicitur: Prospexit de excelso sancto suo, quasi de seipso excelsò alia videns.*

58.
q. 1. de
verit.
art. 3.
ad 5.

Ex quibus sic arguo: Tunc cognoscitur aliquid immediate in seipso, cum ex ipsa re cognita acies formatur intuentis; tunc verò in alio & mediatè cognoscitur, quando altero cognito illud

Art. VI. An Deus cogn. alia, &c. Cap. IV. 185
illud cognoscitur ; sicut dicitur videri lapis
v.g. immediatè in seipso; quando lapidis specie
immediatè formatur oculus, videtur autem in
altero nimirum speculo, quia nonnisi speculo
viso & cognito videtur : sed Deus videt alia à
se, non per hoc quod rebus aliis formetur im-
mediatè illius intellectus, sed quia cognitâ es-
sentiâ, alia à se intuetur, & cognoscit : ergo
non videt alia à se immediatè in seipsis inde-
pendenter à divina essentia, priùs visâ & cog-
nitâ. Maj. patet : & minor ex D. Dionysio al-
legato manifesta est.

Dices, videre equidem Deum alia à se, non
per hoc quod formetur specie à rebus acceptis,
sed per essentiam suam habentem vices speciei
intelligibilis, immediatè repræsentantis omnia
alia licet secundariò. *Contra* quotiescunque si-
militudo, seu species rei cognitæ est ipsamet
cognoscentis essentia, in tantum per eam co-
gnoscens alia à se cognoscit, in quantum essen-
tiam suam cognoscit, & ex ea alia : sed illa si-
militudo, quâ alia dicuntur ab adversariis im-
mediatè cognosci in seipsis, est ipsamet Dei co-
gnoscentis essentia, sive substantia habens lo-
cum speciei intelligibilis : ergo per eam non
possunt alia immediatè in seipsis à Deo cognos-
ci, sed mediatè, & ex ea priùs cognita. Maj.
prob. primò : quia species & similitudo, quâ
Angelus per sua naturalia Deum cognoscit, in
tantum hoc pacto Deum ipsum cognoscit, in
quantum suam essentiam cognoscit; ita ut essentia
ejus cognita ducat in cognitionem naturalem
ipsius Dei, & se habeat in ratione speculi non
quidem extrinseci, sed intrinseci : Similiter in-
tellectus per speciem quæ est ipsemet dicitur
alios

59.

Qu. 2. de
verit.
art. 3.
ad 1.

1. p. q.
56. art.
3. cap. &
ad 3.

186 *Quæst. XIV. De Scientia Dei,*
alios intellectus intelligere, in quantum se intelligit, & ex se alios in quantum sunt sibi similes. Secundo prob. eadem maj. quia in tantum cognoscens est per suam essentiam species aliorum, in quantum secundum suum esse naturale est quodammodo similis aliis, vel alia ipsi; aliàs non cognosceret per suam essentiam, tanquam speciem, sed per speciem rei cognitæ: ergo causa quod alia sint in cognoscente intelligibiliter est ipsa natura cognita, sicut causa cur species rei sit in cognoscente est ipsum objectum in se, quod activè se habet quodammodo ad speciem.

60. Conf. ex D. Augustino lib. 83. quæst. q. 46. ubi in mente divina constituendas esse ideas, ostendens ita concludit: *Singula igitur propriis sunt creata rationibus. Has autem rationes ubi arbitrandum est esse, nisi in ipsa mente creatoris? Non enim extra se quicquam positum intuebatur, ut secundum id constitueret, quod constituebat, nam hoc opinari sacrilegum est.* Quæ verba explicans D. Thom. hic art. 5. ait: *Ad 1. dicendum, quod verbum Augustini dicentis, quod Deus nihil extra se intuetur, non est sic intelligendum, quasi nihil quod sit extra se intueatur, sed quia id quod est extra se ipsum, non intuetur nisi in seipso.* Et q. 2. de verit. art. 3. ad 10. *Dicendum, inquit, quòd cum dicitur: Deus nihil extra se intuetur, intelligendum est sicut in quo intueatur: illud enim in quo omnia intuetur in ipso est.* Quæ explicatio profectò genuina est: nam patet ideam esse quandam rationem intellectam, in qua cognoscens rem ad extra, quam facere intendit, cognoscit; v. g. idea domus in mente artificis est ratio intellecta domus, in qua ipsam domum cognoscit:

cognoscit : quod autem in alio , tanquam in medio cognoscitur , non in seipso immediatè cognoscitur : sicut artifex cognoscens domum faciendam in idea non dicitur eam immediatè in seipsa cognoscere , sicut quando jam factam intuetur : Hoc ipsum asserit D. Ambrosius tract. in Symb. Apostol. cap. 1. dicens : *Licet omnia cœlestia & terrestria , & minima quaque prospiciat , nihil tamen extra se intelligere , sed singula in se intueri dicitur* : Ergo habet rationem medij in quo alia intelligit ; hoc enim notant illa verba *in se intueri* : videre autem aliquid in altero non est immediatè illud cognoscere.

Secundò prob. concl. ratione : per hoc Deus 16.
creaturas cognoscit quòd ipse earum similitu- Qu. 2. de
dinem continet, quia simile simili cognoscitur: verit.
sed ista assimilatio non est assimilatio passiva, art. 3.
alioquin esset à rebus ipsis causata , sicut similitudo in nobis causatur ab eis , quia ex objecto & potentia paritur notitia : ergo debet esse assimilatio activa , & quæ fit per principium activum assimilans sibi effectum : sed effectus in suo principio activo existens non est aliud ab ipso , si sit per se principium illius ; sicut domus in arte , seu idea artificis non est aliud quam ipsa : ergo hoc , quo Deus cognoscit creaturam , est ipsa essentia divina in ratione principij activi & ideæ , & non tantum in ratione speciei : sed principium formale activum , seu ideale nonnisi ut res intellecta ducit in cognitionem rei ad extra in se : ergo essentia divina nonnisi cognita & intellecta potest ducere in cognitionem aliorum à se. Conf. omnis cognitio practica , seu quæ est per assimilationem activam

activam dicit ordinem ad esse, cum sit factiva sui objecti; sed species intelligibilis in ratione speciei abstrahit à rei existentia, cum cognoscantur multa quæ actu non sunt: ergo essentia divina in ratione principij assimilativi & principij cognitionis creaturarum non tantum habet rationem speciei intelligibilis, sed ideæ & rationis intellectæ aliorum, per cujus cognitionem cætera cognoscuntur.

62. Tertiò prob. quod immediatè in seipso cognoscitur ab aliqua potentia, pertinet ad objectum primum illius per modum rei intellectæ: sed creaturæ nullo modo pertinent ad objectum primum divini intellectus: ergo nequeunt in seipsis immediatè terminare divinam cognitionem independentem à divina essentia priùs cognita. Maj. patet, quia objectum habet rationem termini ipsius potentie, cum ipsa in illud tendat: ergo quod immediatè cognitionem terminat, per se ad objectum primum illius spectare debet. Min. verò prob. primò omnibus rationibus supra adductis art. 5. cap. ult. §. 2. num. 44. & seq. Secundò prob. objectum formale primum specificativum virtutum Theologicarum non potest esse aliquid creatum, sed Deus in se, quia sunt superioris ordinis & quædam participationes divini esse: ergo multo minus ad objectum primum specificativum divinæ scientiæ possunt creaturæ pertinere, cum illa sit ordinis supremi, & proprium Dei attributum, potissimèque illius perfectio in se considerati.

63. Conf. ita se habet veritas creata ad intellectum divinum, sicut bonitas creata ad voluntatem divinam: sed bonitas creata nequit ratione

tione sui immediatè actum voluntatis divinæ terminare : ergo nec veritas creata potest ratione sui immediatè actum divini intellectus terminare. Maj. est nota ; minor verò infra q. 19. art. 2. fusè demonstrabitur, & modò breviter probatur, voluntas per modum naturæ fertur in omne illud quod per se primò illam terminat, quia se habet ut forma dans speciem ; unde voluntas nostra per modum naturæ fertur in bonum in communi : & voluntas Dei naturaliter amat suam bonitatem quæ est ipsa-
met ejus essentia : sed Deus creaturas naturaliter non amat, sed liberè, nec ad eas habitudinem necessariam dicit : ergo bonitas creata per se immediatè nequit terminare actum divinæ voluntatis.

§. II.

Solvuntur argumenta.

ARg. 1. Deus cognoscit veritates creatas 64.
omni modo, quo cognoscibiles sunt : sed veritates creatæ sunt cognoscibiles mediatè in divina essentia, & immediatè in seipsis : ergo illas Deus utroque modo cognoscit. Maj. patet, quia Deus est infinitè cognoscitivus.

Conf. intellectus creatus animæ Christi cognoscit veritates creatas in Verbo, seu divinâ 65.
essentiâ tanquam in medio in quo, & etiam eas cognoscit in seipsis immediatè extra Verbum : sed non ob aliam rationem nisi quia ejus cognitio debuit esse perfectissima in omni linea, & subinde debuit res cognoscere omni modo, quo cognoscibiles sunt : ergo potiori jure, cum divina cognitio sit perfectissima, debet

bet cognoscere omnes res omni modo quo cognoscibiles sunt, & subinde in seipsis.

66. Conf. 2. perfectius est cognoscere objecta sine medio, quam in aliquo medio; v. g. perfectius est videre & intueri hominem in seipso immediate, quam in speculo in quo repræsentatur: ergo modus cognoscendi creaturas immediate in seipsis, multò perfectior est, quam modus eas cognoscendi in essentia divina tanquam in causa, & medio prius cognito.

67. Resp. ad arg. dist. maj. Deus cognoscit veritates creatas omni modo quo cognoscibiles sunt, si fiat sermo de omni modo tenente se ex parte subjecti cognoscentis, nego maj. si fiat sermo de modo tenente se ex parte rei cognitæ, concedo maj. id est nihil est in re cognita, quod à Deo perfectissimè non cognoscatur, sed quia alius est modus cognoscendi ex parte cognoscentis, qui est per species à rebus acceptas, qui est proprius homini; alius per species inditas, qui comperit Angelo: & alius per essentiam ut continentem species omnium rerum, ut causam; earum duo primi modi repugnant divino intellectui, utpote involventes dependentiam ab alio, & solus tertius ei proprius est, qui est per hoc quod assimilatur sibi omnes res. Et dist. min. veritates sunt cognoscibiles mediatè in divina essentia, & immediate in seipsis, in cognitione quæ fit per assimilationem passivam cognoscentis ad cognitum, concedo min. in cognitione, quæ fit per assimilationem activam cognoscentis ad cognitum, nego min. hujusmodi autem est cognitio divina, Deus enim per hoc cognoscit res, quod continet sicut causa omnium similitudines, & eas sibi assimilatur actu

Art. VI. An Deus cogn. alia &c. Cap. IV. 191
actu vel virtute : ut expresse docet D. Thom.
q. 2. de verit. art. 8. ad 2.

68.

Et ratio est, quia in cognitione, quæ est per assimilationem passivam cognoscentis ad cognitum, subjectum supponitur existens, & sic potest cognitio ad eam immediatè in seipsa terminari : sed in cognitione quæ fit per assimilationem activam, per quam cognoscens assimilatur sibi cognitum, cognoscens dat esse cognito, tanquam in causa ideali, & mediante idea terminatur ad ipsam rem in se, sicut cognitio domus fiendæ non terminatur ad domum immediatè, sed ad formam domus quæ est in mente : & eadem ratione cognitio divina terminatur ad ipsas res creatas, non quidem in seipsis immediatè sed ad suam essentiam ut intellectam, quæ habet rationem causæ idealis omnium rerum, & ad suam bonitatem quæ habet rationem causæ finalis, & ad suam potentiam quæ habet rationem causæ efficientis.

69.

Resp. ad 1. conf. ex D. Thom. concessâ maj. dist. min. sed non alia ratione, nisi quia debuit cognoscere omnes res omni modo quò cognoscibiles sunt, omni modo tenente se ex parte rei cognitæ tantum, nego ; omni modo tenente se tam ex parte rei cognitæ, quam ex parte cognoscentis nimirum intellectus creati, & in specie humana constituti, concedo min. Vnde cum intellectus creatus Christi sit perfectibilis non solum supernaturaliter per habitum luminis gloriæ ut cognoscat omnia intelligibilia, ad quæ est in potentia, sed etiam naturaliter per species acquisitas vel superadditas, per quas reducitur in actum, & rerum notitiam accipit, debuit utramque perfectionem habere, & subinde

Qu. 20.
de verit.
art. 2.
& 3.

inde cognoscere omnes res creatas, non modo in Verbo, sed etiam in propria natura. At verò intellectus divinus non est perfectibilis speciebus aliunde acceptis, sed suamet essentia continens species omnium rerum eminenter, & assimilans sibi activè illas est quâ cognoscit omnia; unde ex parte cognoscentis non cognoscit res immediatè, sed mediante sua essentia prius cognitâ, quia immediatè eas cognoscere supponit existentiam earum, & quandam ab eis, vel speciebus earum propriis dependentiam, quæ est perfectibilis ad suum actum & perfectionem aliunde acceptam. Vnde dist. consequ. ut supra.

70. Resp. ad 2. conf. dist. maj. perfectius est cognoscere objecta sine medio, quam in aliquo medio, si res perfectiori modo sint in seipsis, quam in medio, concedo maj. si perfectiori modo reluceant in medio quam in seipsis, nego maj. creaturæ autem perfectiori modo relucet in divina essentia, ut causa eminentissimâ illarum, & in actu perfecto omnium existente, quam in seipsis, & ideo perfectiùs videntur in divina essentia: non autem ita evenit in speculo, quod non continet res perfectiori modo, quam sint in seipsis. Hinc est quod domus perfectiùs cognoscitur in arte & idea, quam in seipsa, quia in arte & idea continetur immaterialiter, in seipsa autem materialiter; & in idea est vita, in se autem caret vita.

71. Arg. 2. cognoscere aliquid per aliud est imperfectæ cognitionis, si sit cognoscibile per se, ut docet D. Th. sed res creatæ sunt cognoscibiles per se: ergo cognitio Dei erit imperfecta, si per aliud tantum eas cognoscat, & non in seipsis.

Conf.

Qu. 8.
de verit.
art. 8.
arg. 2.
q. 3. de
verit.
art. 1.
ad 1.

Infra
art. 10.
ad 4.

Conf. cognitio rei in alio, ut in causâ, est abstractiva: sed hæc minùs perfectâ est, quam cognitio intuitivâ rei in seipsâ immediatè: ergo cognitio Dei cum sit perfectissima, etiam res creatas in seipsis immediatè attingere debet.

Resp. quòd S. D. intelligit de cognoscibilitate activâ, seu effectivâ, id est, si sit potens efficere cognitionem sui mediante specie sua, & similitudine intelligibili, perfectiùs cognoscitur per se quam per aliud, sicut perfectiùs cognoscitur ignis per seipsum, quam per fumum: res autem non sunt cognoscibiles activè, seu effectivè ab intellectu divino, quia non possunt assimilare sibi intellectum divinum mediante specie sua; sed intellectus divinus activè assimilât sibi illas, & per id cognoscit eas in se immediatè, & non immediatè in seipsis. Vnde in forma dist. maj. si sit cognoscibile per se quasi activè, & ut potens efficere sui similitudinem in cognoscente, concedo maj. si sit cognoscibile quasi passivè & per assimilationem activam ipsius cognoscentis, assimilantis activè cognitum, nego maj. Et dist. min. sunt cognoscibiles per se respectu intellectus accipientis cognitionem per species à rebus acceptas, vel aliunde inditas, aut superadditas, concedo min. respectu intellectus cognoscentis res per assimilationem activam earum, nego min. huiusmodi autem est intellectus divinus. Patet exemplo in domo, quæ ut actu existens, & potens efficere sui cognitionem mediante sensu, dicitur cognoscibilis per se: sed domus fienda, quæ non est actu in re, sed in arte & idea artificis, non dicitur cognoscibilis per se immediatè sed per suam ideam; creaturæ autem

non sunt per se, sed dependenter à Deo seu causâ efficiente, finali, & ideali; unde à Deo sic duntaxat cognosci possunt. Aliàs ejus cognitio esset à speciebus aliunde acceptis.

74.

Resp. ad conf. dist. maj. cognitio rei in causa duntaxat est abstractiva, si causa non contineat ipsum effectum in actu perfecto, & secundum omnem dispositionem, seu determinationem ad esse, concedo maj. si contineat effectum in actu perfecto, & secundum omnem dispositionem seu determinationem ad esse, nego maj. sic autem essentia divina continet omnes res creatas existentes, non modò præsentes, sed etiam præteritas & futuras, ut infra ad art. 13. explicabitur: unde respectu earum habet scientiam visionis, seu notitiam simpliciter intuitivam. Respectu autem possibilium habet simplicem intelligentiam, inquantum ejus cognitio non terminatur ad eas ut existentes in propriâ naturâ. Et dist. min. notitia intuitiva est minùs perfecta, quam cognitio intuitiva ipsius rei in seipsa, respectu ejusdem objecti cognoscibilis utrâque cognitione, & per distinctum medium, concedo: respectu diversorum objectorum, absolutè loquendo, nego. Nam cognitio quam habet homo in via de Deo, aut Angelo est abstractiva, & tamen est nobilior, quam cognitio intuitiva, quam habet de verme, vel aliâ creaturâ minùs nobili. Vnde nego conseq. quia nobilitas cognitionis in Deo sumitur ab eo, quod se habet ut principium & forma, per quam est actu intelligens: hæc autem est divina essentia, & non res in propria natura, & entitativè existens, aut species ejus ab ea accepta, quia hæc repugnat di-

vino

Art. VI. An Deus cogn. alia, &c. Cap. IV. 195
vino intellectui, aliàs realiter ab alio perfectibilis esset, quemadmodum intellectus noster à speciebus, quas à rebus accipit, aut superadditis, & intellectus angelicus à speciebus sibi à Deo inditis.

Arg. 3. eo modo aliquid in alio, tanquam in medio, cognoscitur, quo in eo continetur: sed creaturæ continentur in Deo eminenter, & non secundum esse formale eorum, quod habent ad extra: ergo solum cognoscerentur secundum illud esse eminentiale quod habent in Deo, & non secundum esse quod habent ad extra, si cognoscerentur solum in Deo ut in causa, & non in seipsis, seu in propriis creaturis. Resp. concessa maj. dist. min. creaturæ continentur in Deo eminenter, & non secundum esse formale eorum, entitativè & naturaliter atque secundum esse limitatum quod habent ad extra, concedo: non continentur ut in cognoscente, & in esse repræsentativo ideali, nego min. & consequentiam; neque enim requiritur ut aliquid cognoscatur secundum quod est ad extra, quodd contineatur secundum esse entitativum, & naturale, sed quodd contineatur intelligibiliter, & sicut in cognoscente; Deus autem per essentiam continet omnes rerum species, quatenus est causa assimilans sibi omnes res, & ut actus perfectus continet imperfectos: unde de rebus omnibus, etiam prout habent esse ad extra, mediante suâ essentiâ propriam ac distinctam habet cognitionem.

Arg. ultimò: sunt aliquæ veritates creaturæ adeo patentes & manifestæ, ut per seipsas, absque ullo medio, intellectui creato innotescant, unde & per se notæ dicuntur: ergo saltim

75.

76.

196 *Quaest. XIV. De Scientia Dei*,
tales veritates immediatè in seipsis, & non in
divina essentia, tanquam in causa cognos-
cuntur.

77. Resp. dist. antec. hujusmodi veritates ex parte
cognoscentis nō indigent medio, nego: ex parte
rei cognitæ, concedo antecedens: & nego con-
seq. ratio disparitatis est, quia intellectus divi-
nus non cognoscit per species à rebus acceptas
sicut humanus, sed per essentiam suam; unde
intellectui divino non sunt magis notæ aliquæ
veritates ex parte cognoscentis quam aliæ, licet
cognoscat eas esse magis cognoscibiles: & sub-
inde omnes istas veritates, sicut & alias in sua
essentia prius cognitâ intuetur. At verò intel-
lectus humanus accipiens species à rebus me-
diante sensu habet ex parte cognoscentis, quod
aliqua sint per se nota, & immediatè cognos-
cantur, non verò alia.

¶

ARTICVLVS VII.

Vtrum scientia Dei sit discursiva.

CAPVT I.

*Ostenditur in Deo nullatenus reperiri for-
maliter discursum, etiam virtuale.*

I.
Lib. I.
cont.
gent.
cap. 57.



VIDAM antiqui, ut refert D. Thom.
discursum in divinam scientiam in-
duxerunt: tum ex hoc quod per es-
sentiam suam alia cognoscat: tum ex
hoc quod inconueniens fortè aliquibus vide-
retur, si Deus syllogizare non posset. Ipsam
tamen

Art. VI. An Deus cogn. alia, &c. Cap. IV. 197
 tamen discursu formali carere asserunt unanimi
 consensu Theologi. Apud quosdam tamen, præ-
 sertim Recentiores, in dubium vertitur, an
 Dei scientia, saltem virtualiter discursiva sit?
 Affirmativam partem tuentur illustres. Godoy
hic disp. 28. §. 1. Serra ad hunc articulum, &
alii. Negativam defendunt Cornejo ibid. tract. 1.
dub. 1. & alii. Esse autem divinam scientiam
virtualiter discursivam in eo sistere dicunt,
 quod esto in Deo esse nequeat realis cognitio-
 num causalitas, ita ut una ex alia realiter cau-
 setur, ut in discursu formali contingit, cog-
 nitio enim conculsionum ex cognitione princi-
 piorum in eo causatur: reperitur nihilominus
 virtualiter hujusmodi causalitas cognitionum,
 & virtualis influxus unius in aliam; v. g. in-
 ter cognitionem essentiae & attributorum vir-
 tualis causalitas intercedit, & dato per impossi-
 bile quod abinvicem realiter distinguerentur,
 cognitio essentiae divinae esset causa cognitio-
 nis attributorum.

Notandum, hîc in dubium non revocari, an
 id, quod perfectionis in cognitione discursiva
 reperire est, ut cognitionis certitudinem Dei
 scientiae competat, hoc enim certissimum est
 in ipso inveniri: sed difficultas est, utrum
 scientia Dei, quippequæ perfectissima, careat
 omni prorsus discursu, etiam virtuali, cum in
 formali discursu, ratione imperfectio quædam
 necessariò involvatur: quæ autem ita se ha-
 bent, in Deo attribui nequeunt, nisi virtuali-
 ter, vel eminenter, & nullatenus formaliter.
 Itaque sensus dubii est, an sicut Deo formaliter
 competit ratio scientiae, quippequæ perfectio
 simpliciter simplex, & nullam in suo conceptu

imperfectiorem involvens, ita illi attribui possit formaliter quidam discursus virtualis : nam si iste in suo conceptu nullam dicat formaliter imperfectiorem , non est dubium quin ei tribui debeat, secus verò si illam involvat.

3. Conclusio : in Deo nullus est discursus, etiam virtualis. Prima pars prob. ex D. Augustino lib. 15. de Trinit. c. 14. dicente , *Quod Deus non particulatim, vel sigillatim omnia videt, velut alternante conceptu, hinc illuc, inde huc ; sed omnia videt simul* : Sed in omni discursu requiritur conceptuum alternatio, & diversa apprehensio , quarum una sit ab alio causata : ergo in Deo nullus est discursus.

4. Deinde prob. ratione sic : in scientia nostra hic in c. duplex reperitur discursus, nimirum secundum successionem , & secundum causalitatem : sed neuter horum in Deo reperitur : ergo in Deo nullus est discursus. Prob. min. imprimis non datur in eo discursus secundum successionem : nam discursus iste fit , quando intelligimus unum , & postea vertimur ad aliud intelligendum, sive cognitio unius ab altero dependeat ; sive non : ergo qui intelligit multa simul in uno, non discurret discursu secundum successionem : sed Deus cognoscit omnia simul in uno, scil. in seipso : ergo Deus non discurret discursu successivo. Prima conseq. prob. Multa enim, quæ successivè intelligimus , si unumquodque eorum in seipso consideretur , omnia simul intelligimus, si in aliquo uno ea intelligamus : puta si partes in toto intelligamus, vel si diversas res videamus in speculo.

5. Deinde non datur discursus aliquis secundum ibidem causalitatem, primò, quia in eo, in quo est discursus

Art. VI. An Deus cogn. alia, &c. Cap. IV. 199
cursus secundum causalitatem, est etiam discursus secundum successionem : sed in Deo non est discursus secundum successionem : ergo neque secundum causalitatem. Maj prob. quia discursus secundum causalitatem discursum secundum successionem præsupponit, procedentes enim à principio cognito ad conclusionem non cognoscimus utrumque simul, sed unum post aliud. Secundò, quia ille qui non procedit de noto ad ignotum, discursu secundum causalitatem non discurrit : sed Deus non procedit de noto ad ignotum : ergo Deus non habet discursum secundum causalitatem. Min. prob. quia Deus omnia simul in seipso cognoscit.

Ex quibus prob. secunda pars conclusionis, nimirum discursum virtuale in Deo nullatenus esse admittendum : quia in eo, in quo est discursus secundum causalitatem est etiam discursus secundum successionem, ex D. Thom. ergo in eo, in quo est discursus virtualis secundum causalitatem, est discursus virtualis secundum successionem cognitionum : ergo si in Deo admittatur discursus virtualis secundum causalitatem, admittendus erit discursus virtualis secundum successionem cognitionum : sed hic omnino repugnat Deo : ergo & ille. Probat. minor. quia qui habet successionem in cognoscendo, seu intelligendo, quodammodo est in potentia, dum enim unum intelligit actu, in potentiâ duntaxat intelligit aliud ; sicut ille, qui actu intelligit principia, in potentia duntaxat conclusiones intelligit, si successivè intelligat : hæc enim est successivorum natura,

6.

Loc. cit

quod non sint in actu perfecto, sed in actu immixto potentialitati : sed omnino repugnat divinæ essentiae aliqua potentialitatis ratio, etiam virtualiter, cum essentialiter sit actus purus: ergo virtualis discursus secundum successionem cognitionum omnino repugnat Deo.

7.

Conf. ex eodem S. D. q. 2. de verit. art. 3. ad 3. ubi ait : *Nec tamen sequitur, quod cognoscendo effectum per hoc quod essentiam suam cognoscit sit aliquis discursus in intellectu ejus. Tunc enim dicitur solum intellectus de uno in aliud discurrere, quando diversa apprehensione utrumque apprehendit, sicut intellectus noster alio actu apprehendit causam & effectum, & ideo effectum per causas cognoscens dicitur discurrere, quando diversa apprehensione utrumque apprehendit, sicut intellectus noster alio actu apprehendit causam & effectum : Et ideo effectum per causam cognoscens dicitur discurrere in effectum. Quando vero non alio actu fertur potentia cognoscitiva in medium quo cognoscit, & in rem cognitam, tunc non est aliquis discursus in cognitione sicut visus cognoscens per speciem lapidis in ipso existentem, vel rem, qua resultat in speculo per speculum, non dicitur discurrere, quia idem est ferri in similitudinem rei, & in rem, qua per talem similitudinem cognoscitur : hoc modo autem Deus per essentiam suam effectus suos cognoscit, sicut per similitudinem rei cognoscitur res ipsa : & ideo unâ cognitione se & alia cognoscit, ut etiam dicit Dionys. 7. cap. de divin. nom. sic dicens : Non igitur Deus propriam habet sui ipsius cognitionem aliam quam communem existentia omnia comprehendentem. Et ideo nullus discursus est in ejus intellectu.*

Ex

Ex quibus sic : Implicat dari discursum, nisi
res distincto actu sive apprehensione intelle-
ctivâ cognoscantur : sed implicat Deum res di-
stincto, ac diverso actu ex parte cognoscentis
apprehendere : ergo implicat discursus quilibet,
etiam virtualis, in Deo. Sequela patet, quia si
sufficit ad discursum ut unico actu, sive unicâ
apprehensione ipse intellectus multa apprehen-
dat ex parte rei cognitæ, dum videt rem in spe-
culo, vel dum judicat de veritate alicujus enun-
ciationis discurreret, quod est absurdum. Min.
verò prob. tum ex dictis supra, quia nimirum
ibi daretur actuum successio, & subinde Deus
esset in potentia intelligens. Tum quia impos-
sibile est multiplicari actum, nisi multiplice-
tur principium illius actus : sed essentia divina
in ratione speciei intelligibilis est principium
actus intelligendi in Deo, saltem secundum
modum significandi : ergo impossibile est mul-
tiplicari actum intelligendi in Deo, nisi mul-
tiplicetur ejus essentia, quod est absurdum.
Præterea quia actus intelligendi in Deo est ip-
samet ejus essentia, cum Deus sit per essentiam
suam intelligens, seu intelligere Dei est ejus
esse : ergo sicut impossibile est esse plures essen-
tias ipsius Dei, aut plura esse, cum sit ens sim-
plicissimum, ita implicat esse plures operatio-
nes, & distinctas.

8.
1. cont.
gent.
c. 55.

supra
art. 2.
& 1. cont.
gentes
cap. 45.

Dices, quodd esto implicet Deum res cognos-
cere diverso ac distincto actu realiter, non ta-
men distincto virtualiter : discursus autem ille
virtualis est unus actus simplex realiter, esto sit
multiplex virtualiter. Non, inquam, va-
let : Primò, quia repugnat virtualis successio

9.

&

202 *Quest. XIV. De Scientia Dei,*
& causalitas cognitionum in Deo ; nam successio quælibet ex sua natura potentialitatem involvit, dum enim unum est in actu, nondum est aliud ; habet namque ex sua natura & conceptu essentiali prius & posterius : causalitas verò cognitionum dependentiam unius ab alia intrinsecè involvit : ergo nequit esse in Deo ex parte actus multiplex cognitio etiam virtualiter : aliàs esset virtualis dependentia & successio, quod latè impugnāvimus supra *art. 1. cap. 7. §. 2.*

10. Secundò, quia actus cognitionis est ipsamet divina essentia, quæ neque secundum seipsam, neque virtualiter est multiplex & composita, cum simplicitas & unitas omnimoda sit de illius essentia : ergo ex parte cognitionum nequit esse distinctio & multiplicitas, sed tantummodo ex parte objectorum, quod non sufficit ad discursum virtualem, aliàs in uno multa intelligens discurreret.

C A P V T I I.

Solvuntur argumenta.

11. **A**Rg. 1. qui cognoscit multa, non simul sed unum post aliud, discurret : sed Deus cognoscit plura, scil. se, & alia à se, non simul, sed unum post aliud : ergo ejus scientia est discursiva. Prob. min. qui scit non in habitu tantum sed in actu, non scit multa simul, sed unum post aliud : sed Dei scientia non est in habitu sed in actu : ergo Deus non potest scire multa simul,

Art.VII. An scientia Dei sit, &c. Cap. II. 203
simul, sed unum post aliud. Maj. prob. ex
Arist. 2. Topic. cap. 4. dicente, quod scire in ha-
bitu contingit multa simul, sed intelligere actu
unum tantum.

Resp. S. D. quòd licet non possint multa si- 12.
mul in actu intelligi, si illa multa intelligantur
in seipsis, & per proprias species, quo pacto
loquitur Arist. tamen si plura in alio intelligen-
tur, possunt simul in actu intelligi. Et quia
Deus omnia in uno, id est, in sua essentia in-
telligit, propterea omnia simul in actu cognos-
cit absque aliquo discursu.

Arg. 2. cognoscens effectum per causam dis- 13.
currit: sed Deus cognoscit effectum per cau-
sam, nimirum creaturas per seipsum: ergo dis-
currit.

Conf. cognoscens effectus in causis creatis
discurrit: sed Deus cognoscit effectus omnes
per suas proprias causas multò meliùs quam
nos: ergo discurrit.

Resp. S. D. quod cognoscere effectum per 14.
causam dupliciter potest intelligi: Vno modo
ut sciatur priùs causa, & postea ex cognitione
causæ deveniatur in cognitionem effectus:
Alio modo ut cognoscatur causa, & simul in
causâ cognoscatur effectus. Quando quis co-
gnoscit effectum per causam primo modo, ne-
cessariò discurrit: sed qui cognoscit effectum
in causâ, non discurrit. Deus autem cognoscit
omnes effectus in seipso, qui est omnium rerum
causa: & ideo non discurrit.

Resp. S. D. ad conf. quòd Deus videt etiam 15.
effectus in suis propriis causis multò meliùs
quam nos videamus: non tamen ita videt effe-
ctus in causis, ut ex cognitione causæ deveniat
in

in cognitionem effectuum : sed cognoscit in seipso simul omnes causas & effectus, quod fit absque ullo prorsus discursu.

16. Arg. 3. eatenus Deo repugnat discursus quatenus repugnat causalitas unius cognitionis ex alia : sed non repugnat virtualis causalitas, esto repugnet causalitas realis : ergo nec repugnat virtualis discursus. Min. prob. primò : quia non repugnat virtualis influxus essentiae in attributa ; & unius attributi in aliud : ergo pariter non repugnabit virtualis causalitas unius cognitionis in aliam. Prob. 2. eatenus repugnat inter cognitiones causalitas, quatenus repugnat distinctio ; si namque inter cognitiones divinas esset realis distinctio, esset realis causalitas : sed de facto datur virtualis distinctio inter cognitiones : ergo etiam dabitur inter illas virtualis causalitas. Minor prob. ex D.Th.

In 1. dist. dicente, quod *in Deo est aliud intelligere, quam*
 35. q. 1. *scire secundum rationem.* Tertiò, quia virtualis
 art. 1. causalitas sic explicatur, dum ita se habent
 ad 5. duo, quod si unum ab alio realiter distingueretur, realiter causaretur ab illo : sed si cognitio scientifica Dei realiter distingueretur à cognitione luminis principiorum, realiter causaretur ab illa : ergo modò intervenit virtualis causalitas.

17. Conf. Deus attingit suam naturam secundum conceptum naturae per actum virtualiter distinctum ab actu scientifico attingente attributa : ergo ex illo ad istum virtualiter procedit. Constat antecedens : quia in objecto primi actus virtualiter objectum alterius continetur : ergo & actus in actu ; non enim aliunde continentia unius actus in alio potest oriri, quam

ex

ex continentia objecti in objecto. Conseq. verò prob. primò, quia ideo Angelus virtualiter discurret ex principiis ad conclusiones, & homo formaliter, quia Angelus attingit principia per actum virtualiter distinctum à scientia, & homo per actum realiter distinctum : ergo si intellectus divinus attingit naturam sub conceptu naturæ per actum virtualiter distinctum ab actu scientifico, discurret virtualiter à principiis ad conclusiones. Secundò, quia in illo actu virtualiter continetur actus scientificus erga attributa : ergo ex illo ad istum datur virtualis processus, seu discursus.

Resp. ad arg. disting. maj. eatenus Deo repugnat discursus, quatenus repugnat causalitas unius cognitionis ex alia, absolute, seu ex parte rei cognitæ, nego : quia repugnat causalitas ex parte cognoscentis unum post aliud, & cum quadam successione cognitionum, concedo maj. Et dist. min. non repugnat virtualis causalitas cognitionum in Deo, absolute, vel ex parte rei cognitæ, transeat : ex parte cognoscentis cum quadam successione inter ipsas cognitiones, nego min. & conseq. Nam ut ex D. Thom. diximus, omnis discursus secundum causalitatem præsupponit discursum secundum successionem : successio autem cognitionum omnino Deo repugnat, tum quia est cum quadam mutatione, tum quia est cognitio imperfecta & procedentis de noto ad ignotum.

Ad 1. prob. min. negatur antecedens, quia, ut diximus, si daretur huiusmodi virtualis influxus, admittendum esset, posse dari aliquid in Deo, quod posset habere esse per participatum, quia nihil causatur, nisi per hoc quod actu accipit

18.

19.

Vide supra art.
2. cap.

cipit esse, & subinde aliquid quod esset finitum, & creatum, atque ita non Deus, quod omnino absurdum est, quia quidquid est in Deo, essentialiter est ipsemet Deus.

20. Resp. ad 2. prob. neg. maj. nimirum, quod repugnet inter cognitiones causalitas, quia repugnat distinctio, absolutè loquendo, sed quia repugnat successio utpote quæ arguit potentialitatem, & imperfectionē. Etenim multæ cognitiones in nobis realiter distinctæ sunt, & tamen una ab alia non causatur. Vel dist. maj. eatenus repugnat inter cognitiones causalitas, quia repugnat distinctio, orta ex dependentia unius ab alia, concedo: absolutè, nego. Nam datur inter Personas divinas realis distinctio, & tamen inter eas nullo modo admittenda est causalitas, quia hæc arguit intrinsecam dependentiam in essendo unius ab alio, quod repugnat omnino & essentialiter rationi primi entis per essentiam: quod nullatenus potest ab participare esse.

21. Resp. ad 3. prob. admittit illa explicatione virtualis causalitatis, quam gratis & sine fundamento in Deo authores oppositæ sententiæ confingunt, quod si cognitio scientifica Dei realiter distingueretur à cognitione luminis principiorum, non esset cognitio divina, sed esset quid causatum actu, & participans esse, immo & ipsa cognitio habitus hominis principiorum esset in potentia ad cognitionem scientificam conclusionum.

22. Resp. ad conf. neg. anteced. est enim simplicissimus actus quo se intelligit, itaut nullam causalitatem virtualem aut successionem importare possit. Vnde non est virtualis processus.

Nec

Nec habet scientiam propriè dictam de suis attributis, ut probatum est supra art. 1. cap. 7. §. 2. Neque etiam in Angelo admittendus venit discursus iste virtualis formaliter, quia discursus nascitur in umbra intelligentiæ, & reperitur in homine, quatenus deficit à puritate intelligentiæ. Et licet admitteretur in Angelo, non tamen in Deo, quia angelicus intellectus habet suum tempus discretum, & subinde quandam successionem in intelligendo, seu motum discretum: non verò Deus.

ARTICVLVS VIII.

Utrum scientia Dei sit causa rerum.

CAPVT I.

Statuuntur due conclusiones D. Thoma, & breviter elucidantur.



NOTANDUM est, quod esto omnia attributa Dei positiva quendam modum causalitatis importent, sicut bonitas divina dicitur causa bonorum, & vita causa viventium, & sic de aliis: non tamen in eis omnibus idem causalitatis modus reperitur. Quædam enim ipsorum inveniuntur habere comparisonem, non modò ad habentem, sed etiam ad aliquid sicut ad objectum, ut potentia, & voluntas: quædam autem ad habentem tantum, ut vita, bonitas, & huiusmodi: & ista omnia habent unum causalitatis modum,

1.

1. dist.

38. q. 1.

art. 1. c.

modum, scil. per modum communem efficientis exemplaris ; dicimus enim quod à primo bono sint omnia bona, & à primo vivente omnia viventia. Sed illa quæ dicuntur per comparisonem ad objectum habent etiam alium causalitatis modum, respectu scil. objectorum, ut voluntas respectu volitorum, & sic quaeritur hîc de causalitate scientiæ. Constat enim Dei scientiam esse causam per modum efficientis & exemplaris omnium scientiarum ; sed dubium est utrum sit causa scitorum.

2. Prima conclusio : scientia Dei est causa rerum scitarum. Hæc conclusio est de fide. Colligitur ex illo Psal. 103. *Quam magnificata sunt opera tua Domine, omnia in sapientia fecisti.* In quæ verba Augustinus conc. 4. *Quidquid, ait, à Deo factum est, in sapientia factum est, & per sapientiam factum est. Quidquid novit sapientiam, & quidquid non novit sapientiam, & tamen in creatura Dei est, in sapientia factum est, & per sapientiam factum est. Qui cognoscunt sapientiam, lucem habent sapientiam : qui non cognoscunt, habent tamen artificem sapientiam.* In his ultimis verbis alludere videtur S. D. ad illud Sapientiæ 8. *Quis horum quæ sunt magis quam illa, scil. sapientia, est artifex ?*

Probat S. D. in Sed contra, autoritate ejusdem D. Augustini lib. 15. de Trinit. cap. 13. dicentis : *Universas creaturas suas, & spirituales & corporales, non quia sunt, ideo novit (scil. Deus) sed ideo sunt quia novit. Non enim nescivit quæ fuerat creaturus. Quia ergo scivit, creavit ; non quia creavit, scivit. Quod & supra lib. 6. cap. 10. asseruerat, inquit : Non enim hæc quæ creata sunt, ideo sciuntur à Deo, quia facta sunt : ac non potius*

Loc. cit.
& q 2.
de verit.
art 14
1. cont.
gent. c.
61. & 62.

Art. VIII. An scientia Dei, &c. Cap. I. 209
potius ideo facta sunt, vel mutabilia, quia immu-
tabiliter à Deo sciuntur.

Deinde probat S. D. in corp. hac ratione : 3.
scientia Dei se habet ad res creatas, sicut scien- Hic, &
tia artificis ad artificiata : sed scientia artificis locis cit.
est causa rerum artefactarum : ergo scientia
Dei est causa rerum creatarum. Prob. min. for-
ma operantis est principium operationis, sicut
calor est principium calefactionis : sed artifex
agit per intellectum, cujus forma est ipsa arti-
ficis scientia : ergo scientia artificis est princi-
pium rerum artefactarum. Hæc ratio sumpta
est ex D. August. lib. 6. de Trinit. cap. 10. cit.
ubi ait : quod divina sapientia est *Ars quadam*
omnipotentis, atque sapientis Dei, plena omnium
rationum viventium incommutabilium... Ibi om-
nia novit Deus, qua fecit per ipsam, & ideo cum
decedant, & succedant tempora, non decedit, vel
succedit aliquid scientia Dei.

Qu 2.
de verit.
art. 14.

Conf. cum omnis similitudo attendatur se- 4.
cundum convenientiam alicujus formæ, opor- Locis
tet ut quæcunque sunt similia, ita se habeant, cit. ex 1.
quod vel unum sit causa alterius, vel ambo ex sent. &
una causa causentur ; sed in omni scientia est q. 2. de
assimilatio scientis ad scitum : igitur oportet, verit.
quod vel scientia sit causa sciti, vel scitum sit
causa scientiæ, vel utrumque ab una causa
causetur : sed non potest dici quod res scitiæ à
Deo sint causa scientiæ in ipso, cum res sint
temporales, & scientia Dei sit æterna; tempo-
rale autem æterni causa esse nequit : similiter
non potest dici quod utrumque ab una causa
causetur : quia in Deo nihil potest esse causa-
tum, cum ipse essentialiter sit quidquid habet :
ergo sequitur quod scientia ejus sit causa re-

210 *Quaest. XIV. De Scientia Dei*,
 rum. Vnde per hoc distinguitur à scientia ,
 quam nos de rebus naturalibus habemus , quæ
 est ab ipsis rebus causata : inquantum scilicet eam
 à rebus accipimus. Distinguitur etiam à scientia
 ipsorum Angelorum , quæ nec est à rebus
 causata , neque ipsarum rerum causa est : sed
 utrumque est ab una causa (videlicet res ipsæ,
 & angelica scientia de illis) nimirum à Deo.
 Sicut enim Deus formas universales rebus in-
 fluit ut subsistant ; ita similitudines earum
 mentibus Angelorum influit , ad ipsas cognos-
 cendas.

5. Secunda conclusio : scientia Dei non est
 causa rerum , nisi adjuncta voluntate. Hæc
 conclusio etiam est de fide. Sumiturque ex
 Apostolo ad Ephes. cap.1. dicente : *Qui opera-
 tur omnia secundum consilium voluntatis sue.* En
 scientiæ junctam voluntatem in Dei operibus
 faciendis. Quod non latuit D. Hieronymum
 ibid. scribentem : *Considerandum quod & hic
 predestinatio & propositum simul posita sint , juxta
 qua operatur omnia Deus secundum consilium vo-
 luntatis sue. Non quo omnia , que in mundo sunt ,
 Dei voluntate & consilio peragantur (alioquin &
 mala Deo poterunt imputari) sed quo universa ,
 qua facit , consilio faciat & voluntate , quod scilicet &
 ratione plena sint , & potestate facientis. Nos ho-
 mines plerique volumus facere consilio , sed ne-
 quaquam voluntatem sequitur effectus. Illi autem
 nullus resistere potest , quin omnia que voluerit
 faciat.*

6. Sumitur etiam ex Concilio Syrmienfi, quod
 differentiam constituens inter unigeniti filij
 Dei processionem , & creaturarum productio-
 nem in confess. fidei can.21. ita definit : *Si quis
 consilio*

Art. VIII. An scientia Dei, &c. Cap. I. 211
consilio Dei, tanquam unam creaturarum, factum
asserit Dei filium, Anathema sit. Vbi ad præfa-
tam Apostoli doctrinam Concilium alludere
videtur, qui sentit consilio & voluntate Dei
omnia fuisse condita. Sumitur etiam ex Con-
cilio Toletano I. de regulis fidei cap. 21. di-
cente: *Animam hominis creaturam dicimus, Dei*
voluntate creatam. Et tandem in Concilio La-
teranensi celebrato sub Innocentio II. damnati
sunt Arnaldus de Brixia, & Sectatores ejus, eò
quod assererent Deum agere ex necessitate na-
turæ, quod idem est atqui Deum non produce-
re ipsas res per scientiam adjunctâ liberâ ad
utrumlibet sui voluntate.

7.
Prob. ratione D. Thom. Deus per intelle-
ctum suum causat res: ergo principium agendi
ipsas est forma quædam intelligibilis, sive
scientia, quia per eam intellectus est in actu:
sed forma intelligibilis non nominat princi-
pium actionis, secundum quod est tantum in
intelligente ut perfectio ejus, nisi adjungatur
ei inclinatio ad effectum, quæ est per volunta-
tem: ergo ipsius scientia est causa rerum se-
cundum quod habet adjunctam voluntatem.
Antecedens prob. à D. Thom. sic, esse Dei est
suum intelligere; ergo est agens per intelle-
ctum. Minorem autem probat dupliciter, pri-
mò à simili in forma naturali, quæ non nomi-
nat principium operationis, ut est forma in eo
manens, cui dat esse, sed secundum quod habet
inclinationem ad effectum: ergo similiter for-
ma intellectus, quæ est species intelligibilis,
sive scientia non nominat principium actionis
secundum quod est tantum in intelligente ut
perficiens ipsum, seu quiescens in eo. Secundò

212 *Quæst. XIV. De Scientia Dei,*
probat ratione : forma ad opposita se habens
aliquem effectum determinatum producere ne-
quit, nisi prius per aliquid aliud sit ad unum
determinata : sed scientia est quædam forma
indeterminata, cum eadem manens sit opposi-
torum : ergo nequit producere aliquem effe-
ctum determinatum, nisi ad unum sit determi-
nata per voluntatem, ut etiam docet Arist.
lib.9. metaphys. text. 10. Vnde scientia Dei prout
est causa rerum, scientia approbationis consue-
vit appellari.

C A P V T I I.

Solvuntur argumenta.

8. **A**Rg. 1. Origenes explicans illud Apostoli
ad Romanos 8. *Quos vocavit, hos iustificavit*, docet quod non propterea aliquid erit,
quia id scit Deus futurum, sed quia futurum
est, ideo scitur à Deo : sed si res causarentur à
Deo, futuræ essent, quia id Deus sciret : ergo
scientia Dei non est causa rerum, sed è conver-
so res sunt causa ipsius scientiæ divinæ.
9. Hanc eandem Origenis doctrinam videntur
tradere alij Patres, inter quos D. Iustinus mar-
tyr lib. quæst. q. 58. *Non est, inquit, prænotio
causa ejus, quod futurum erat, sed quod futurum
erat, causa est prænotationis.* Et D. Hieronymus
dial. 3. adversus Pelagianos ait : *Non ideo pec-
cavit Adam, quia Deus hoc futurum noverat : sed
præscivit Deus quod ille erat propria voluntate fa-
cturus.* Et D. Cyrillus Alexand. lib. 9. in Ioan.
cap. 10. *Non ergo, inquit, ut adimpleatur Scri-*
pura,

Art. VIII. An scientia Dei, &c. Cap. II. 213

peura, nec ista de causa facta sunt à quibusdam quæ Scriptura prædixit, sed contrà : quoniam ita nonnulli sponte facturi erant, idcirco præsciens Spiritus sanctus futura prædixit. Similia habet D. Chrysostomus homil. 60. in Matth. Non enim, ait, quia futura scandala prædixit, idcirco veniunt: sed quoniam omnino ventura erant : Non enim fierent, si nollent ea excogitare nequam homines atque pestiferi; quod si ventura non fuissent, neque futura prædixisset. Adducuntur ad idem propositum confirmandum à Recentioribus D. Damascenus dial. adversus Manichæos. D. August. lib 5. de Civit. Dei cap. 10. Eusebius Cæsariens. de præpar. Evang. lib. 6. cap. 9. S. Athanasius serm. de pass. & cruce Domini. Beda lib. variat. quæst. q. 13. Hugo lib. 1. de Sacram. p. 2. cap. ultimo. Concil. Valentinum can. 2. & 3.

Duplicem huic argumento solutionem ex 10.
S. D. adhibent authores. Quarum prima est, cum SS. Patres aiunt, res à Deo præsciri vel sciri quia futuræ sunt, sumi ab ipsis particulam *quia* illativè, & ut dicit causam consequentiæ, non verò prout denotat causam essendi. Ita habet hîc, & q. 2. de verit. art. 14. ad 1. ubi ait : *Quod autem dicit (nimirum Origenes) Quia futurum est, ideo scitur à Deo, non importatur causa essendi, sed causa inferendi tantum.* Nec enim inusitatum est, quòd ejusmodi particula *quia*, illativè duntaxat sumatur. Ita usurpatur à Ioanne cap. 12. ubi referens Isaïæ testimonium ait. *Non poterant credere, quia dixit Isaïas.... Excæcavit oculos eorum, & induravit cor eorum, ut non videant.* Certum est enim, quòd ly *quia*, ibi non dicit causam essendi, quia prophetia illa non fuit causa, quòd illi non

obedirent Evangelio, seu non crederent: sed notat causam consequentiæ; bene etenim sequitur: Isaias prophetavit illos non credituros: igitur non credent. Eapropter D. August. tract. 53. in Ioan. *Deus*, inquit, *futurorum præsciens, per prophetam prædixit infidelitatem Iudaeorum, sed non fecit.* In hoc eodem sensu usurpatum videtur *ly quia* ab eodem S. D. lib. 3. de libero arbit. cum dicit, voluntas erit sic operatura, quia Deus illius est præsciens: quasi diceret bene sequi: Deus præscit humanam voluntatem sic operaturam: ergo ipsa sic operabitur.

- II. Secunda interpretatio est, quodd loquantur SS. Patres de scientiâ visionis, quatenus remanet intra genus notitiæ, & purè speculativa est: non verò quatenus est actu practica, & habet adjunctum beneplacitum, & determinationem divinæ voluntatis: sic enim res ideo sunt futuræ, quia Deus novit, seu præscivit. In primo sensu divinam scientiam usurpavit D. Hieronymus in cap. 2. Ezechielis, dum explicans illa verba, *Si fortè ipsi audiant*, ait: *Loquitur hic Deus ambigenti affectu, ut liberum hominiam monstret arbitrium: ne præscientia futurorum mali, vel boni immutabile faciat, quod Deus futurum noverit. Non enim quia ille ventura cognoscit, necesse est nos facere quod ille præscivit, sed quod nos propria voluntate sumus facturi, ille novit futurum quasi Deus.* Vbi de præscientia speculativa, & ut manet intra genus notitiæ loquitur, quæ ideo prænoscit, quia nos facturi sumus. De quâ verum est, quod si, seclusâ divinâ voluntate, rem futuram præsciret, ita quod res esset futura, quia illam futuram præscivit, res necessaria

Art. VIII. An scientia Dei, &c. Cap. II. 215
necessaria esset, seu omnino necessariò eveniret : quia secluso libero divinæ voluntatis decreto, illa præscientia esset absolutè necessaria ex propriis meritis ; & subinde de objecto absolutè necessario, nisi in eo libertatem supponeret, vel in seipso, vel in sua causa liberâ, primâ vel secundâ.

In secundo sensu loquutus est D. Augustinus supra citatus lib. 15. de Trinit. cap. 13. dum ait : *Universas autem creaturas suas, & spirituales & corporales, non quia sunt, ideo novit : sed ideo sunt quia novit. Non enim nescivit quæ fuerat creaturus. Quia ergo scivit, creavit, non quia creavit scivit: Nec aliter scivit ea creata, quam creanda.* Vbi dubio procul est sermo de scientia visionis liberâ, & practicâ, quâ res omnes produxit, & non de scientiâ simplicis intelligentiæ, quæ circa merè possibilia versatur. Vnde idem S. D. statim subdit : *Non enim ejus sapientia aliquid accessit ex eis, sed illis existentibus sicut oportebat, & quando oportebat, illa mansit ut erat. Ita & scriptum est in libro Ecclesiastico : Antequam crearentur, omnia nota sunt illi, sic & postquam consummata sunt, sic ei nota sunt.* Sed sapientia, quâ res ad esse deducit, est scientia practica atque visionis, & non scientia simplicis intelligentiæ : ergo hâc eâdem scientiâ novit res ab æterno ut essent, & ideo futuræ sunt, vel existunt, quia novit.

Vnde Magister in 1. dist. 38. has Patrum auctoritates, quæ inter se pugnare videntur, concilians ait : *Hanc igitur, quæ videtur, repugnantiam de medio tollere cupientes, dicimus, res futuras nullatenus causam esse præscientiæ, vel scientiæ Dei : nec ideo præsciri vel sciri, quia futura,*

12.

13.

216 *Quest. XIV. De Scientia Dei,*
vel facta sunt, ita exponentes, quod ait Origenes :
Quia futurum est, ideo scitur à Deo antequam fiat,
neque sciretur nisi futurum esset, ut non notetur ibi
causa, nisi sine qua non fieret. Ita enim dicimus
scientiam, vel præsicientiam Dei non esse causam
eorum qua fiunt, si tamen scientiam ad notitiam
tantum referamus. Si verò nomine scientia inclu-
ditur etiam beneplacitum, atque dispositio, tunc
rehtë dici potest causa eorum, qua Deus facit. His
enim duobus modis accipitur cognitio, vel scientia
Dei; scil. pro notitiâ solâ, vel pro notitia simul &
beneplacito. Hoc modo fortè accepit Augustinus di-
cens: Ideo sunt, quia novit, id est, quia scienti
placuit, & quia sciens disposuit: Quia de bonis
ibi tantum agit Augustinus, scil. de creaturis, qua
omnia novit, non solum scientia, sed etiam bene-
placito, ac dispositione.

14. Cujus rei gratia notat D.Thom. quòd scien-
 1. dist. tia secundum rationem scientiæ aliquam non
 38. q. 1. dicit causalitatem; aliàs omnis scientia causa
 art. 1. esset: sed in quantum est scientia artificis ope-
 rantis res, sic rationem causæ respectu rei per
 artem operatæ habet. Vnde sicut est causalitas
 artificis per artem suam, ita considerata est
 divinæ scientiæ causalitas. Est autem iste pro-
 cessus in productione artificiati. Primò scientia
 illa artificis ostendit finem. Secundò voluntas
 ejus intendit finem. Tertiò voluntas imperat
 actum, per quem educatur opus, circa quod
 scientia artificis formam conceptam ponit. Vn-
 de causalitatis principalitas residet & pensatur
 penes voluntatem, quæ imperat actum, & com-
 pletam causæ rationem sortitur, in quantum ob-
 jectum ejus est finis secundum rationem boni,
 qui quidem finis est causa causarum. Vnde vo-
 luntæ

luntas divina absolute dicitur causa rerum : scientia autem non habet perfectam causalitatem, nisi secundum quod adjungitur voluntati, & ideo in litera dicitur, quod voluntas beneplaciti est causa rerum. Quia igitur Deus est in actu operans per intellectum & voluntatem, oportet quod ideo res sint futuræ, quia eas Deus novit practice, & per artem operativam earum, quatenus habet adjunctam determinationem voluntatis. Et ita intelligendus venit D. Augustinus.

Eandem Augustini doctrinam tradidit D. Gregorius lib. 20. Moral. cap. 23. dicens : *Nam & quæque sunt, non ab æternitate ejus ideo videntur quia sunt, sed ideo sunt quia videntur.* Et Boëtius lib. 5. de consol. *Non placet, inquit, ratio, quæ se quidam credunt questionis de præscientia Dei nodum posse dissolvere : aiunt enim, non ideo quid esse eventurum, quoniam id providentia futurum esse prospexerit ; sed è contrario potius, quoniam quid futurum est, id divinam providentiam latere non posse.* Et statim addit : *Quam præposterum est, ut æterna præscientia temporalium rerum eventus causa dicatur. Quid est aliud arbitrari, ideo Deum futura, quoniam sunt futura, prævidere, quam putare, quæ olim acciderunt, causam summe illius esse providentiæ.* Quam doctrinam amplexi sunt Mag. dicta dist. 38. D. Bonaventura dist. 39. q. 2. & alij Scholastici, præsertim antiqui. Probaturque rationibus supra adductis num. 3. & 4. & ex infra adducendis, dum ostendetur rerum futuritionem à decreto divinæ voluntatis prædefiniente hujusmodi futuritionem pendere.

15.

Sed contra hujusmodi explicationem instant

Recen

16.

Recentiores : Si enim Patres , dum aiunt , idcirco Deum futura præscire , quia futura sunt , intelligerent de huiusmodi præscientia purè speculativâ , quæ futurum ex priori prædefinitione divinæ voluntatis existens intueatur , facile eludi potuisset ab Ethnicis eorum ratio , potuissent enim obijcere , quod esto futura non essent futura , quia præscita , & subinde ex hoc capite non eveniant necessariò , tamen essent futura , ut efficaciter sunt à divina voluntate præordinata : & sic necessariò evenire oportere , cùm divina voluntas à nobis impediri non possit. Vnde hanc Patrum sententiam ita eludit Calvinus lib.3. instit. cap.23. *Si hominum , inquit , eventa Deus prævideret duntaxat , non etiam suo arbitrio disponderet ac ordinaret , non abs re ageretur questio , an quid ad eorum necessitatem valeat providentia. Sed cùm non alia ratione provideat quæ futura sunt , nisi quia id fieri decrevit , frustra de præscientia lis movetur , ubi constat ordinatione nunc omnia evenire.*

17. Conf. nam si omnia sunt decreta in particulari ante præscientiam eorum , non ideo scit Deus illa futura , quia sunt futura , sed quia sunt decreta. Immo si omnia sunt decreta , falsum est non ideo illa esse futura , quia præscita : nam præscientia illa erit practica respectu ipsorum : & subinde futura erunt , quia præsciuntur.

18. Resp. quod Ethnici ex duplici capite contendebant omnia necessariò evenire : primò ex infallibilitate divinæ illius scientiæ , sive præscientiæ : secundò ex immutabilitate divinæ voluntatis & decreti illius. Primum constat ex D.Thom.q.2.de verit.art.12. cap. ubi Antiquorum

Art. VIII. An scientia Dei, &c. Cap. II. 219
 rum errores referens ait: *Alij dixerunt, quòd Deus omnium futurorum scientiam habet, sed cuncta ex necessitate eveniunt, alias scientia Dei falleretur de eis.* Videndus D. August. lib. 5. de civit. Dei cap. 9. Secundum constat ex eodem D. Thom passim, videndus q. 16. de malo art. 7. ad 15. Vnde SS. Doctores duplici via processerunt ad ostendendum non omnia necessariò evenire: primò ex parte præscientiæ, esto infallibilis sit; quia præscientia illa, ut præscientia est, respiciebat futura ut jam præsentia in seipsis, & non faciebat, unde non tollebat contingentiam, aut imponebat necessitatem. Secundò ex parte voluntatis divinæ, quia hæc non modò erat causa rei, sed omnis modi illius sive necessarij, sive contingentis, aut liberi. Sic respondit Petrus Apostolus Simoni Mago, ut refert Clemens Papa lib. 3. Recognit. ut alibi dicemus.

Verba D. Thom. sunt: *Hoc non tollit contingentiam futurorum eventuum, neque propter certitudinem divina cognitionis, neque propter efficaciam divina voluntatis. Et hoc quidem quantum ad scientiam patet ex his, quæ supra dicta sunt; sicut enim se habet divina scientia ad futura contingentia: sic se habet oculus noster ad contingentia, quæ sunt in præsentia, ut dictum est. Vnde sicut certissimè videmus sortem sedere, cum sedet, nec tamen propter hoc sequitur, quod sit simpliciter necessarium: ita etiam ex hoc quod Deus videt omnia, quæ eveniunt, in seipsis, non tollitur contingentia rerum.* En primum, quod asseruerunt Patres, qui semper in eà opinione versati sunt (ut infra ostendemus art. 13.) quod cognitioni Dei ejusque scientiæ non tam futura erant quæ nobis

bis futura sunt, quam praesentia, & sicuti praesentia non sunt praesentia, quia ea intuemur speculando, sed è contra : ideo ipsi assercbant, quòd non ideo res erant futurae, quia Deus praesciebat, quinimmo, praesciebat, nimirum intuitivè & ut praesentes, quia futurae erant, & subinde earum libertas, & contingentia per hujusmodi praescientiam non auferebatur, *Ex parte autem voluntatis*, inquit S. D. *considerandum est quod voluntas divina est universaliter causa entis, & universaliter omnium, quae consequuntur modum necessitatis & contingentiae.* Et subinde quaecunque vult liberè, seu contingenter evenire, ita eveniunt, ut infra docet quaest. 19. art. 8. Et ita responderunt semper SS. Patres. Vnde in hoc erravit Calvinus, quod asseruit per stabilem Dei voluntatem contingentiam & libertatem auferri; immo deceptus est asserens ex solâ Dei praescientiâ nullam oriri difficultatem contra rerum contingentiam, & libertatem; oritur enim ex infallibilitate ejus non parva: quia si in Deo ipsa constituatur ante omnem actum liberum, seu liberam determinationem divinæ voluntatis, cùm ejus objectum debeat esse necessarium, & determinatum ad unum, non apparet satis, quomodo rerum libertas & contingentia componi cum ea valeat, ut dictum est.

20. Resp. ad Conf. & Deum scire futura, quia futura sunt, & quia sunt decreta; sed sub diversâ ratione & sciendi modo, scit enim futura quia futura sunt, scientiâ speculativâ & puræ visionis, quia æternitati praesentia sunt. Ideo autem sic futura sunt, & æternitati praesentia, quia illa futura fore decrevit. Vnde de primo
ad

ad ultimum, ideo illa præscivit, quia futura esse decrevit, & quia ut futura essent ipse voluit. Ablatâ ergo hac prima causa, & prima radice futurorum, quæ est divina voluntas illa creare volens, scientia approbationis aufertur, & quæ est actu practica rerumque effectiva, seu potius efficiens, & hac de medio sublatâ aufertur ex consequenti quòd futura certò futura sint, & subinde negatur quod à Deo certò ut futura cognosci possint.

Arg. 2. Quod est æternum, non potest esse causa rei temporalis: sed scientia Dei est æterna; res verò creatæ sunt temporales: ergo scientia Dei non est causa rerum. Maj. prob. quia positâ causâ ponitur effectus: ergo si causa est æterna, effectus quoque erit æternus: & subinde effectus temporalis nequit causam æternam, cujusmodi est scientia Dei, habere.

2 I.
Hic, &
q. 2 de
verit.
art. 14.
arg. 2.

Resp. S. D. quod positâ causâ ponitur effectus eo modo quo est in causa ut sit, & non aliter, & quia res creatæ sunt in scientia Dei, non ut sint ab æterno, sed tantum ut sint in tempore: ideo non producuntur res ab æterno sed in tempore. Vbi S. D. loquitur de scientiâ, prout habet completam rationem causæ per adjunctum imperium seu determinationem voluntatis. Vnde in 1. dist. 38. q. 1. a. 1. ad 6. ait: *Dicendum quod sicut creatura non exeunt à Deo per necessitatem naturæ, vel potentie naturalis, ita nec per necessitatem scientiæ, sed per libertatem voluntatis, in qua completur ratio causalitatis; & ideo non quandoque scivit creavit, sed quando-cunque voluit.*

22.

Loc. cit.

Arg. 3. Quod est posterius & mensuratum non potest esse causa eorum, quæ sunt priora & mensuræ:

23.

212 *Quaest. XIV. De Scientia Dei,*
mensuræ: sed scientia quælibet est posterior
ipsis rebus scitis, & ab ipsis mensurata: ergo
scientia Dei non est causa rerum scitarum.
Min. prob. ex Arist. lib. 10. Metaphys. text. 5.
ubi ait, quod scibile est prius scientia, & men-
sura ejus.

24. Resp. S. D. tunc scientiam esse posteriorem
rebus scitis, & ab ipsis mensurari, quando ab
ipsis rebus accepta est, cujusmodi est scientia
nostra de rebus ipsis naturalibus: non autem
quando scientia est causa ipsarum rerum scita-
rum, & mensura earum, cujusmodi est scientia
artificis, cui assimilatur divina scientia respe-
ctu rerum à se conditarum. *Dicendum inquit,*
quod res naturales sunt media inter scientiam Dei
& scientiam nostram. Nos enim scientiam accipi-
mus à rebus naturalibus, quarum Deus per suam
scientiam causa est. Vnde sicut scibilia naturalia
sunt priora quam scientia nostra, & mensura ejus;
ita scientia Dei est prior quam res naturales, &
mensura ipsarum: sicut aliqua domus est media inter
scientiam artificis qui eam fecit, & scientiam
illius, qui ejus cognitionem ex ipsa jam facta capit.



ARTICVLVS IX.

Utrum Deus habeat scientiam non entium.

CAPVT I.

Doctrina articuli breviter proponitur.

CUM ens ab actu essendi dicatur, illud duntaxat dicitur simpliciter ens, quod actu & simpliciter habet in rerum natura esse: alia verò, quæ habent solummodo in potentia esse, vocantur simpliciter non entia, inquantum sunt potentia ad esse, & secundum quid entia. Nomine igitur non entium, intelligit D. Thomas omnia illa entia, quæ actu non sunt, sed sunt in potentia, vel ipsius Dei, vel creaturæ; sive in potentia activa, sive in passiva; sive in potentia opinandi, vel imaginandi, vel quocunque modo significandi. Vnde per non entia, intelligit S. D. omnia præterita, quæ non sunt actu, sed fuerunt; futura etiam, quæ non sunt sed erunt: immo merè possibilis & quæcunque sunt in potentia Dei, vel creaturæ, quæ tamen nec sunt, nec erunt, nec fuerunt.

I.
q. 2. de
verit.
art. 8. &
q. 3. art.
6. & in 1.
cont.
gent.
c. 69.

Prima conclus. Deus cognoscit non entia. Prob. S. D. ex Apost. ad Rom. 4. ubi de Deo loquens ait: *Qui vocat ea quæ non sunt, tanquam ea quæ sunt*: sed non vocaret non entia nisi cognosceret: ergo ipse non entia cognoscit, id est, ea quæ non habent esse actu. Pro majori intel-

2.

ligentia

q. 2. de
verit.
art. 8. c.

lignitia notandum est ex S. D. quod Deus habet cognitionem de rebus creatis per modum, quo artifex cognoscit artificiata, qui est artificiatorum causa. Vnde in contraria habitudine habent se Dei cognitio ad illas res cognititas, & nostra cognitio: Nostra enim cognitio, quia est à rebus accepta, naturaliter est posterior ipsis; cognitio autem creatoris de creaturis, & artificis de artificiatis, naturaliter præcedit res cognititas. Remoto autem priori removetur posterius, sed non è converso: & inde est quod scientia nostra de rebus naturalibus esse non potest, nisi res ipsæ præexistant, sed apud intellectum divinum, vel ipsius artificis indifferenter est cognitio rei, sive existat, sive non sit. Ex hac conclusione possunt sequentes deduci conclusiones.

3. Secunda concl. Deus cognoscit non entia quæ sunt possibilia, & in aliqua differentia temporis existentia, ut præterita & futura. Hæc concl. est de fide, dicitur enim de Deo, Sapientiæ cap. 3. *Similitudinem scientia desiderat qui, scit præterita, & de futuris æstimat.* Glos. Interlinearis, *quia initium & finis*: idest principium æctivum eorum, & causa finalis. Ex quibus sic, qui perfectè cognoscit aliquam causam, & comprehendit; attingit omnes effectus qui in ea continentur: sed in essentia Dei ceu principio æctivo & causa finali continentur omnia, quæ aliquo modo fuerunt, erunt, vel esse possunt: ergo à Deo cognoscuntur hujusmodi non entia.

4. Tertia conclus. Deus cognoscit non entia, quæ sunt imaginabilia à creatura, sive sint non entia impossibilia, ut chimera, sive habeant funda

Art. IX. An Deus hab. scient. &c. Cap. I. 225
fundamentum in re, ut sunt entia rationis cum fundamento. Hæc conclusio etiam pertinet ad fidem : Dicitur enim in eodem cap. 8. *Scit ver-
sutas sermonum, & dissolutiones argumentorum,
signa & monstra scit antequam fiant.* Multæ au-
tem propositiones, & argumenta de imagina-
bilibus à creatura, fiunt. Præterea in Psal. 93.
habetur : *Deus scit cogitationes hominum quoniam
vana sunt* : sed multæ hominum cogitationes
de huiusmodi figmentis, & impossibilibus
sunt : ergo ea cognoscit Deus.

Prob. ex S. D. Deus comprehendit intelle-
ctum humanum, & omnem ejus virtutem, etiam
fingendi & imaginandi : ergo cognoscit omnia
illa ad quæ talis virtus extenditur : sed exten-
ditur ad imaginabilia, etiam chimerica, & im-
possibilia : ergo hæc cognoscuntur à Deo.

Dices : hæc ratione solum convinci, Deum
cognoscere entia rationis quoad an est præcisè,
aut secundum communem rationem entis ima-
ginabilis ab intellectu creato. Sed contra est :
quia Deus comprehendendo potentiam & vir-
tutem imaginativam hominis, cognoscit ad-
minùs omnes & singulos actus in particulari,
quos de facto elicitura est in aliqua temporis
differentia : ergo cognoscit objectum uniuscu-
jusque actus in particulari, non solum quoad
an est, sed etiam quoad quid est. Anteced. patet
quia illi actus sunt vera entia realia. Conseq.
verò prob. quia actus non possunt comprehen-
sivè cognosci nisi sub omni habitudine, quam
dicunt ad sua objecta, attingantur : ergo cum
illi actus respiciant etiam ipsum quod quid est
entis rationis, quia per eos quodammodo defi-
nitur, oportet ut Deus cognoscendo compre-

hensivè illos actus, attingat ens rationis quoad quid est.

7. Ex his sequitur quod Deus non cognoscit hujusmodi entia directè & immediatè, atque in essentia divina tanquam in medio & objecto priùs cognito, quemadmodum res alias creatas habentes esse reale, ut dictum est supra: sed cognoscit ea quasi indirectè & mediatè in suis causis, nimirum potentiâ imaginandi & actibus ejus, ut in medio & objecto cognito. Ratio est: quia ista entitas ficta non continetur immediatè in divina essentia tanquam in causa, neque habet esse immediatè participatum ab illa sed à potentia imaginativa humana fingente aliquid ad modum entis, quod revera non est ens: ergo nequit à Deo cognosci in suâ essentiâ directè, & ut in causâ proximâ, & immediatâ. Antec. patet, quia Deus hujusmodi entia rationis non format ut latè probavimus *tom. 1. Cyp. Ph. los. p. 2. q. 2. art. ult.* & subinde non est causa illorum immediata, fingens ea, esto concurrat cum potentia humana fingente ipsa. Conseq. verò prob. quæ enim non continentur in divina essentia, ut in causâ, nequeunt in eâ immediatè cognosci, ut probatum est supra. Cognoscit ergo mediatè duntaxat, inquantum comprehensivè attingit potentiam & actus, à quibus formantur, ut diximus.

8. Quarta conclus. Deus scit omnia quæ sunt pro aliqua differentia temporis, ut præsentia, præterita, & futura, per scientiam visionis: Ea verò quæ nunquam fuerunt, nec sunt, nec erunt, cognoscuntur à Deo per scientiam simplicis intelligentiæ. Ita S. D. hîc, & 1. sent. dist. 38. q. 1. art. 4. cap. dicens: *Quidquid cognoscitur*

Art. IX. An Deus hab. scient. &c. Cap. I. 227
gnoscitur à Deo, oportet aliquo modo esse, ad minus in ipso cognoscente. Vnde & Avicenna dicit, quod de eo quod omnino est non ens, nihil potest enunciari. Vnde secundum quod aliqua se habent ad esse, ita se habent ad divinam cognitionem. Esse autem rei potest tripliciter considerari, vel prout est in propria sua natura ex suis principiiseducta: vel prout est in potentia alicujus causa: vel prout est in apprehensione alicujus cognoscentis. Omnia ergo illa, quæ habent esse in sua natura secundum quodcunque tempus, Deus ab aeterno scivit, & apprehendendo naturam ipsorum, & videndo ea esse non tantum in cognitione sua, vel potentia alicujus causa, sed etiam in esse natura: quod patet, quia constat, quod re existente cognoscit Deus ipsum esse quod habet in propria natura. Si autem ab aeterno non cognovisset nisi esse ejus, quod est in cognitione, vel in potentia causa, cognitio sua proficeret per temporum successiones: Et talia dicitur Deus scire scientia visionis. Res autem illas, quarum esse in nullo tempore est in propria natura, cognoscit esse in potentia causa, vel creatura deficientis, sicut mala; vel in potentia operativa sua sicut bona. Scit etiam ea esse in cognitione sua, inquantum scit se cognoscere ea, & posse facere ea, quantum ad bona: vel posse contingere ex defectu creaturæ quantum ad mala. Et iste modus cognitionis nominatur scientia simplicis intelligentiæ, inquantum scilicet per modum istum cognoscitur ipsa simplex natura rei, quæ posset esse, tamen non cognoscitur ipsum esse simplex, cujus propriè est visio, sed secundum quid tantum, ut dictum est.

Ex quibus prob. prima pars conclus. omnia 9.
quæ habent esse pro aliqua differentia tempo-

228 *Quest. XIV. De Scientia Dei*,
 ris, objiciuntur divino intellectui præsentiali-
 ter: sed ea dicuntur videri apud nos, quæ ha-
 bent esse distinctum extra videntem: ergo
 cum ex cognitione creaturarum nominemus
 in Deo scientiam, illa dicuntur à Deo per scien-
 tiam visionis videri, quæ pro aliquâ differentiâ
 temporis habent esse. Maj. prob. quia intelli-
 gere Dei æternitate mensuratur, utpote quod
 est idem cum suo esse, quæ æternitas compre-
 hendit omne tempus absque successione.

10. Secunda pars etiam prob. nam quæcunque
 nunquam fuerunt, nec sunt, nec erunt, & ta-
 men possunt esse, non objiciuntur divino intel-
 lectui præsentialiter, & secundum aliquod esse
 distinctum extra Deum: ergo non videntur
 scientiâ visionis, quæ fertur in esse rei in sua
 natura propria, & non solum prout est in co-
 gnoscente, vel in sua causa.

§. I.

Solvuntur argumenta.

11. **A**rg. 1. Verum & ens convertuntur: sed
 scientia Dei non est nisi verorum: ergo
 scientia Dei non est non entium. Conf. sicut
 Dionys. dicit in 5. cap. de divin. num. cog-
 nitio non est nisi existentium: sed illud, quod
 nec est, nec erit, nec fuit, non est aliquo modo
 existens: ergo de eo cognitio Dei esse non po-
 test. Conf. 2. primum, quod cadit in apprehen-
 sione intellectus, est ens: sed nulla virtus po-
 test aliquid cognoscere nisi præsuppositâ ratio-
 ne sui objecti primi, sicut visus nihil videt sine
 lumine: ergo nec aliquis intellectus potest co-
 gnoscere nisi entia.

Resp.

Resp. ad arg. cum S. D. quòd eatenus Deus
scit non entia quatenus habent veritatem : quæ
enim erunt post mille annos , non scit ea Deus
esse nunc, quoniam non est verum ea esse nunc:
sed scit ea futura esse tunc , quando verum erit
ea esse. Illa autem quæ nec sunt, nec erunt, nec
fuerunt , secundum hoc habent veritatem , se-
cundum quòd habent esse , prout scil. in suo
principio activo , vel finali sunt , & sic etiam
cognoscuntur à Deo : quia verum est ea in po-
tentia , vel causa illa esse ; & etiam esse in co-
gnitione sua. Ex quibus ad 1. Conf. patet.
Sunt enim ea , quæ nec sunt , nec erunt , nec
fuerunt , aliquo modo in potentia Dei sicut in
principio activo , vel in bonitate ejus sicut in
causa finali. Vide supra art. 6. c. 3. in fine , ubi
habentur verba D. Thomæ.

Resp. ad conf. 2. S. D. quod quidquid cognos-
citur, cognoscitur ut ens, vel in propriâ natu-
râ , vel in causâ suâ, vel in cognitione aliquâ :
& sic sunt omnia entia, quæ Deus cognoscit, ut
explicatum est supra.

Arg. 2. Scientia requirit similitudinem in-
ter scientem & scitum , omnis enim cognitio
est per assimilationem cognoscentis ad cogni-
tum : sed ea quæ non sunt , nequeunt habere
aliquam similitudinem ad Deum , vel intelle-
ctum ejus, qui est ipsum esse : ergo ea quæ non
sunt, non possunt sciri à Deo.

Resp. S. D. quòd ea , quæ nullo modo sunt,
nec actu nec potentiâ, nullam possunt ad Deum
habere similitudinem : sed ea quæ sunt aliquo
modo , aliquam ad ipsum Deum similitudinem
fortiuntur. Nam cum Deus sit ipsum esse , in
tantum unumquodque est , inquantum Dei si-

12.

Loc. cit.
in arg.

Loc. cit.
ex 1.
sent.
ad 4.

13.

14.

230 *Quaest. XIV. De Scientia Dei,*
 militudinem participat ; sicut unumquodque
 intantum est calidum, inquantum calorem par-
 ticipat. Quapropter quæ sunt in potentia, in-
 quantum sunt aliquo modo entia, dicuntur
 Dei similitudinem participare, & subinde ab
 eo cognosci. In idem recidit solutio, quam tra-
 dit q.2. de verit. art.8. ad 2. dicens : *Cognitio,*
qua accipitur à rebus consistit in assimilatione pas-
siva, per quam cognoscens assimilatur rebus cogni-
tis prius existentibus : sed cognitio que est causa
rerum cognitarum consistit in assimilatione activa,
per quam cognoscens assimilatur sibi cognitum : &
quia Deus potest sibi assimilare illud, quod nondum
est sibi assimilatum, ideo potest etiam non entis co-
gnitionem habere.

15. Arg.3. Scientia Dei est causa scitorum ab ip-
 so, quia se habet sicut scientia artificis ad ipsa
 artificiata : sed non est causa non entium : ergo
 Deus de non entibus scientiam nequaquam ha-
 bet. Minor prob. quia non ens causam non
 habet.

16. Resp.S.D. quòd cum Dei scientia sit causa re-
 rù voluntate adjunctà, non oportet quòd qu-
 cunque scit Deus, sit causa eorù itaut sint actu,
 fuerint, vel futura sint : sed solùm eorum quæ
 vult esse, vel permittit esse. Et iterum non est
 in scientia Dei ut illa sint, sed quòd esse pos-
 sint. Argumenta quæ ostendere nituntur, quòd
 si Deus cognoscat entia rationis, illa efformet,
 soluta sunt in Logica *loc. cit.* vide ibi, & infra
quaest. 15. ad art. 2.

C A P V T II.

*De divisione scientiæ divinæ in scientiam
simplicis intelligentiæ, & scientiam
visionis.*

§. I.

Sitne hæc divisio bona & adequata.

PRæter unum Gregorium Ariminiensem in 17.
1. dist. 36. q. 1. qui solam admisit scientiam
visionis in Deo, per quam omnia etiam possi-
bilia cognoscat, omnes Theologi divisionem
scientiæ divinæ in scientiam visionis, & in
scientiam simplicis intelligentiæ ut accuratam
& bonam agnoscunt. Eam tradit S. D. variis
in locis, præsertim hic art. 9. cap. & art. 12. cap.
lib. 1. cont. gent. cap. 66. lib. 1. sent. dist. 38. art. 4.
& q. 2. de verit. art. 9. ad 2. ubi ait : *Dicendum
quod scientia simplicis notitiæ, & visionis nullam
differentiam importat ex parte scientis ; sed solum
ex parte rei scitæ. Dicitur enim scientia visionis
in Deo ad similitudinem visus corporalis, qui res
extra se positas intuetur : Vnde per scientiam vi-
sionis Deus scire non dicitur nisi quæ sunt extra ip-
sum, quæ sunt vel præsentia, vel præterita, vel
futura. Sed scientia simplicis notitiæ etiam est eo-
rum quæ nec sunt, nec erunt, nec fuerunt.*

Quod ut percipiatur notandum est ex S. D. 18.
quodd inter potentias cognoscitivas quædam 3. d. 44.
sunt merè passivæ, quæ per receptionem sui q. 1. art. 1.
objecti, seu speciei illius constituuntur in actu quæst. 1.
cognitionis, sicut visus & alij sensus corpora- c. vide
tom. 5.

les externi : Vnde nonnisi in praesentia objecti cognoscunt , & subinde feruntur in ipsum objectum , ut habet esse ad extra. Aliæ sunt potentiae cognoscitivæ , quæ non modò sunt passivæ , inquantum scil. moventur à suo objecto tanquam proprio activo , sed etiam quodammodo agunt , & formant sibi objectum , sicut imaginativa , & intellectus agens ; nam etiam objectis ad extra absentibus imaginativa format quædam idola , ut in somnis experimur. Et hæc non solùm feruntur in objecta , prout habent esse simpliciter , & ad extra , sed etiam prout habent esse duntaxat in cognoscente secundùm rationes suas , quod est esse secundùm quid. Vnde scientia in Deo dicitur visionis , ad modum visus corporalis , quia sicut visus corporalis non fertur nisi ad objecta praesentia , & secundùm quod habet esse ad extra , ita & illa Dei scientia non respicit res creatas nisi secundùm quòd habent esse ad extra. Et sicut imaginativa , & intellectus respiciunt non modò ea quæ sunt ad extra in propriâ naturâ , sed etiam quæ habent esse in cognoscente duntaxat secundùm rationes suas , quo pacto abstrahunt ab existentia , ita & scientia simplicis intelligentiæ respicit ea etiam quæ sunt in Deo secundùm simplicem naturam seu rationem tantùm , ut merè possibilia.

19. Veruntamen, cum omne id quod certò cognoscimus , videre dicamur , visus enim inter cæteros sensus præstantior ac certior est , ideo omnis cognitio Dei quodammodo dici potest visio , ut notavit D. Thom. q. cit. de verit. ad 3. dicens : *Visus propriè est quidam corporalis sensus. Vnde si nomen visionis ad immaterialem cognitionem*

Art. IX. An Deus hab. scien. &c. Cap. II. 233
gnitionem transferatur, hoc non erit nisi metapho-
ricè : in talibus autem locutionibus secundum di-
versas similitudines in rebus repertas diversa est
veritatis ratio. Vnde nihil prohibet aliquando om-
nem scientiam divinam visionem dici : aliquando
verò solam illam, qua est presentium, præteritorum,
& futurorum. Dicitur quidem omnis scientia
divina visio, quatenus omnis perfecta cog-
nitio intellectus dicitur visio : dicitur autem so-
la illa visio quæ est presentium, præteritorum,
ac futurorum, quatenus visio propriè dicitur
cognitio eorum duntaxat quæ sunt ad extra.

Ex quo sequitur quod scientia visionis quo-
dammodo se habet ex additione ex parte rei
scitæ ad scientiam simplicis intelligentiæ, quia
addit ex parte sciti aliquid, quod ad genus no-
titiæ non spectat, nimirum existentiam rei : à
qua notitia, seu scientia inquantum hujusmo-
di, abstrahit, ut observavit D. Thom. q. 3. de ve-
rit. art. 3. ad 8. infra citandus.

20.

Vnde scientia visionis non dividitur contra
scientiam simplicis intelligentiæ, sicut unum
oppositum ex æquo contra aliud dividitur,
v. g. album contra nigrum : sed sicut se habens
ex additione ad illam ; habet enim scientia vi-
sionis hoc, quod ad genus notitiæ pertinet, &
superaddit ordinem ad rem ad extra, seu ad exi-
stentiam rei. De hac igitur divisione quærimus
an sit bona, & adæquata. Eam esse adæquatam
negavit ex nostris M. Vincentius *relect. de gra-
tia Christi quest. 6. dub. 1.* præter scientiam visio-
nis & simplicis intelligentiæ admittens in Deo
scientiam approbationis, ab utraque distin-
ctam ; cui tamen refragatur communis Theolo-
gorum, præsertim Thomistarum, sententia.

Mitto

Mitto Recentiorum Societatis opinionem de scientia media, nam de hac infra copiosus nobis erit sermo.

21. Concl. si sumatur scientia Dei absolutè & secundùm se (secluso ordine ad divinam voluntatem) atque prout dicit ordinem ad res ab eo scitas, optimè dividitur in scientiam simplicis intelligentiæ & visionis. Si verò sumatur prout dicit ordinem ad voluntatem, & respicit res ut effectus & non ut scitas præcisè, optimè & adæquatè dividitur in scientiam approbationis, & scientiam simplicis intelligentiæ. Prima pars sumitur ex D.Thom. *locis cit.* Ibi enim loquitur de scientia divina, ut dicit respectum ad res scitas, ut scitæ sunt, ut patet. Prob. ratione: divisio scientiæ divinæ in scientiam simplicis intelligentiæ, non est desumenda ex parte scientis, sed ex parte scitorum, quatenus alterum eorum existit, extitit, aut extitutum est in seipso, & extra causas; alterum verò non existit in seipso & extra causas, neque extitit aut extitutum est, sed intra cancellos puræ possibilitatis manet: sed inter existere & non existere in seipso nullum potest assignari medium, quippe quæ contradictoriè opponantur: ergo præter scientiam visionis, & simplicis intelligentiæ non datur alia scientia in Deo ab ipsis distincta, prout scientia dicit ordinem ad scitum.

22. Conf. omnis notitia prout respicit rem cognitam in nobis dividitur per intuitivam & abstractivam; omnis enim notitia, aut est rei præsentis & in se existentis, aut non præsentis, nec in seipso existentis sed in cognoscente duntaxat: ergo similiter omnis notitia in Deo seu scientia,

Art. IX. An Deus hab. scient. &c. Cap. II. 235
scientia, prout respicit res scitas seu cognititas,
aut erit intuitiva, sive visionis, aut simplicis
intelligentiæ. Conseq. patet, quia cum ex re-
bus humanis pro hoc statu ad Deum cognos-
cendum assurgamus semotis imperfectioni-
bus, proportionaliter de ejus notitia sive scien-
tia loqui debemus, ac de notitia nostra, sive
scientia.

Secunda pars etiam sumitur ex D. Thom. sup. 23.
Epist. ad Hebr. cap. 4. lect. 2. ubi ait: *Dicendum*
quod in Deo est scientia simplicis intelligentiæ, &
scientia approbationis: primo modo cognoscit om-
nia etiam mala, & ea quæ non sunt: secundò co-
cognoscit bona, quantum ad ea quæ sunt. Et q. cit. 3.
de verit. art. 3. ad 8. *Simplex notitia, inquit,*
dicitur, non ad excludendum respectum scientiæ ad
scitum, qui inseparabiliter omnem scientiam co-
mitatur, sed ad excludendum admixtionem ejus,
quod est extra genus notitiæ, scil. existentia re-
rum, quam addit scientia visionis: vel ordo volun-
tatis ad res scitas, quem addit scientia approbatio-
nis: sicut etiam ignis dicitur corpus simplex, non
ad excludendum partes essentielles ejus, sed com-
missionem extranei. Vbi S. D. primò contrapo-
nit simplicem notitiam scientiæ visionis: se-
cundò scientiæ approbationis; sed sub diversa
ratione: nam per ordinem ad scitum absolutè
sumptum & ut abstrahit à ratione effectus, vel
non effectus à Deo causati (hoc enim accidit
scito ex alio quam à scientia, nimirum ab ordine
ad voluntatem) distinguit scientiam simplicis
intelligentiæ à scientia visionis: sed per ordi-
nem ad res scitas ut habent causari, vel non
causari à Deo, distinguit scientiam simplicis
intelligentiæ à scientia approbationis, sub
scientia

236 *Quaest. XIV. De Scientia Dei,*
 scientia simplicis intelligentiæ concludens
 scientiam visionis, ut purè speculativa est; &
 sub scientia approbationis scientiam visionis
 comprehendens ut operativa est ut manifestè
 patet. Prob. breviter: quia omnis scientia Dei
 respectu rerum, vel est practica simpliciter, &
 secundùm quid speculativa, vel speculativa sim-
 pliciter & secundùm quid practica: si est
 practica simpliciter, & secundùm quid specu-
 lativa est scientia approbationis, per quam non
 modò res ipsas cognoscit, sed & illas causat.
 Si autem est speculativa simpliciter, & secun-
 dùm quid practica, dicitur scientia simplicis
 intelligentiæ seu notitiæ, per quam res cogno-
 scit, sed actu non efficit, sed solùm virtualiter
 & in actu primo est causativa ipsarum, vel spe-
 culatur ut causata, vel permittit ut paccata:
 ergo scientia divina ut respicit res sub ratione
 causabilium aut non causabilium adæquatè di-
 viditur in scientiam simplicis intelligentiæ &
 visionis.

24. Objicies: scientia qua Deus cognoscit non
 entia, nec est visionis nec simplicis intelligen-
 tiæ: ergo hæc divisio est diminuta. Prob. antec.
 imprimis non est scientia simplicis intelligen-
 tiæ, hæc namque terminatur ad possibile ut
 tale. Deinde neque est scientia visionis, nam ista
 terminari debet ad rem præsentem ut præsens
 est, seu habet esse extra videntem; entia autè ra-
 tionis, & figmenta non habēt aliquod esse extra,
 & coëxistens æternitati Dei, ratione cujus pos-
 sint esse ab æterno præsentia divino intellectui.

25. Resp. entia rationis & figmenta, quæ ab in-
 Ex dictis tellctu humano, pro aliqua temporis differen-
 in hoc tia sunt efformanda, cognosci à Deo per scien-
 art. 9.c. tiam

Vide
 infra
 ait. 16.

Art. IX. An Deus hab. scient. &c. Cap. II. 2 37
 tiam visionis, quasi mediatè, inquantum videlicet Deus per huiusmodi scientiam cognoscit ipsum intellectum creatum, & omnem actum ejus, etiam illum, vel illos quibus huiusmodi entia effecturus est, unde cognoscuntur à Deo ut habent esse in causa sua. Possè autem multò plura ab intellectu fingi, quæ nunquam effingentur, quæ dicuntur esse possibilia duntaxat, cognoscit Deus per scientiam simplicis intelligentiæ. Quomodo autem & per quam scientiam cognoscat futura illa conditionata, quorum conditio non purificabitur, vel nunquam ponetur in re, dicemus infra. Ad cætera quæ objici solent, patet ex dictis.

§. II.

Virum Deus per scientiam simplicis intelligentia quidditates possibiles rerum, qua aliquando erunt, cognoscat.

Conclusio est affirmativa & cõmunis, sumiturque ex D. Thom. q. 2. cit. de verit. art. 9. ad 2. ubi ait: *Per scientiam visionis scire non dicitur nisi qua sunt extra ipsum, qua sunt vel presentia, vel præterita, vel futura. Sed scientia simplicis notitia etiam est eorum, qua nec sunt, nec erunt, nec fuerunt.* Vbi notanda illa particula, etiam. q. d. scientia visionis non attingit omnia objecta secundaria divini intellectus, sed versatur duntaxat circa ea ut habent esse extra videntem. At verò scientia simplicis intelligentiæ omnia illa attingit, inquantum cognoscibilia sunt, sive habeant esse extra videntem, sive non, quia hæc omnia cognoscibilia sunt, & habent esse in Deo sicut in cognoscente naturaliter

turaliter quidquid aliquo modo cognoscibile est ; sicut si diceremus , homo per visum ea solum cognoscit quæ sunt conspectui ejus præsentia , & habent actu esse ad extra , sed per intellectum etiam cognoscit ea , quæ non sunt extra , sed in cognoscente duntaxat , inquantum cognoscit se cognoscere.

27. Prob. quia cognitio Dei manens intra limites puræ notitiæ habet cognoscere quidquid aliquo modo cognoscibile est , cum sit comprehensiva : sed quidditates rerum possibilium , quæ aliquando erunt , manendo intra limites puræ cognoscibilitatis , & secluso ordine ad existentiam in re ponendam , quæ est aliquid extra genus simplicis notitiæ , sunt cognoscibiles : ergo à Deo cognoscuntur , sed non per scientiam visionis , quæ respicit res ut addunt aliquid extra genus notitiæ , nimirum existentiam : ergo per scientiam simplicis intelligentiæ.

28. Conf. quidditates rerum , de quibus Deus ab æterno decrevit quòd aliquando existerent , absolutè , & secundum se sumptæ dicunt necessariam connexionem cum ipsis rebus , fundantque veritatem æternam , nam Petrus v. g. de quo Deus decrevit , quòd tali tempore esset , necessario est animal rationale , & sub quocunque statu hoc habet , licet non existat necessario , & sit actu præsens divino intellectui , sed dependenter à decreto libero divinæ voluntatis : ergo terminant scientiam Dei necessariam sive simplicis intelligentiæ , & non scientiam liberam seu visionis ; vel si terminant scientiam visionis est inquantum ista præsupponit scientiam simplicis notitiæ sive intelligentiæ

Art. IX. An Deus hab. scient. &c. Cap. II. 239
gentiæ, & eam includit. Nam scientia visionis
de se non terminatur circa ea quæ necessariò
conveniunt.

Objicies, de ratione scientiæ simplicis intel- 29.
ligentiæ est, quod sit notitia abstractiva: sed
de possibilibus, quæ quandoque sunt futura seu
exitura, nequit Deus notitiam abstractivam
habere: ergo non cognoscuntur à Deo per
scientiam simplicis intelligentiæ. Min. prob.
eo ipso quòd futura decernantur redduntur
Deo physicè in æternitate præsentia: sed noti-
tia abstractiva est notitia rei absentis: ergo eo
ipso quod detur in Deo decretum de illorum
futuritione, nequeunt à Deo per notitiam ab-
stractivam attingi.

Conf. ex D. Thom. hic. art. 9. c. ubi ait: 30.
*Quadam licet non sint nunc in actu, tamen vel fue-
runt, vel erunt, & omnia ista dicitur scire Deus
scientia visionis: Quadam verò, quæ sunt in poten-
tia Dei, vel creatura, quæ tamen nec sunt, nec
erunt, nec fuerunt, & respectu horum non dicitur
habere scientiam visionis, sed simplicis intelligentiæ:*
ergo illa, quæ aliquando futura sunt, sive ex-
titura, per scientiam duntaxat visionis à Deo
cognoscuntur, & nullatenus per scientiam sim-
plicis intelligentiæ.

Conf. 2. res physicè existens non potest 31.
cognosci ut possibilis pro instanti in quo exi-
stit: ergo cum possibilia, quæ aliquando erunt,
physicè in æternitate existant, non poterunt
cognosci ut possibilia, & subinde neque simpli-
cem notitiam terminabunt. Antec. prob. 1. res
existens non potest cognosci ut futura: ergo
neque ut possibilis. Prob. 2. ideo perfectiones
increatæ Dei nequeunt cognosci ut possibiles,
quia

quia ab æterno existunt : ergo res omnis existens pro instanti in quo existit , nequit cognosci ut possibilis.

32. Resp. ad arg. Illustris. Godoy *hic tract.* 3. *disp.* 30. § 2. negando min. ad cuius prob. distinguit maj. sic : eo ipso quod huiusmodi possibilia futura decernuntur , redduntur præsentia , præsentialitate illis essentiali cognoscibili per quidditativam illorum cognitionem , neg. maj. præsentialitate accidentali, & non sic cognoscibili, concedo maj. Nam præsentia quælibet creaturæ , sive per propriam existentiam exercitam, sive per alienam in mensura æternitatis , nullatenus est de essentia illius, quemadmodum nec esse existentiae. Et dist. min. de ratione notitiæ abstractiva est quod sit rei absentis absentia reali positiva & exercita in re, neg. min. absentia negativa objectiva , con. min. & conseq. Nam ad rationem, inquit , notitiæ abstractivæ non est necessaria in ipsius objecto absentia realis, id est, privatio, seu negatio realis existentiae , sed sufficit absentia negativa objectiva, nempe quod cognitioni objectum ut præsens physicè non objiciatur , quamvis in re sit præsens. Nam licet intellectus noster cognoscat rem præsentem, si tamen ejus cognitio non feratur in eam ut præsens est, non intuitivè, sed abstractivè, dicitur illam cognoscere. Et licet non possit Deus rem existentem ut non existentem attingere, sed debeat illam attingere ut existentem , tamen ex parte rei cognitæ aliter versatur cognitio ejus circa prædicata quidditativa rei existentis , & sub ratione cognoscibilium , & alia ratione versatur circa eam ut existens est.

Ad,

Ad 1. Confirm. responder quod D. Thom. equidem docuit ejusmodi per scientiam visionis attingi, nec tamen negavit etiam per scientiam simplicis intelligentiæ cognosci, quamvis sub diversa ratione. Ad 2. responder possibilitatem dupliciter sumi : primò quidem pro potentia ad existendum, & non existendum, & pro non repugnantia ad existendum : res existens non potest cognosci ut possibilis primo modo, pro instanti quo existit, bene tamen secundo modo ; quia quando non existit, habet non repugnantiam ad existendum. Nec est eadem ratio de futuritione : quia futuritio in sui essentiali conceptu dicit negationem existentia. Nec ideo perfectiores divinæ ut possibiles à Deo cognosci nequeunt, quia ab æterno existunt, sed quia existentia est illis essentialis, unde non possunt cognosci quidditativè nisi cognoscatur earum existentia. Vnde nullatenus possunt cognosci ut non repugnantes ad existendum, loquendo de non repugnantia fundata possibilitate seu potentia rei, sed de non repugnantia quæ sequitur ad esse rei ; quia si res est bene sequitur, non repugnare.

Resp. 2. ad arg. quod ratione scientiæ simplicis intelligentiæ non est quod sit notitia abstractiva, prout notitia abstractiva contradistinguitur contra intuitivam, sed prout notitia abstractiva dicitur notitia accepta secundum id quod ei convenit intra genus notitiæ abstrahendo ab omni eo quod est extra ipsum, cujusmodi est existentia, & esse operativam rei. Vnde scientia simplicis intelligentiæ habet attingere rem prout habet esse objectum cognitionis, objectum autem intellectus est

quodquid est, idcirco omne quodquid est rei habet attingi ab intellectuali notitia, ut præcise notitia intellectualis, sive subjiciatur actu existentiae sive non, hoc enim ei accidit.

35. Ex dictis sequitur, quod possibile, ut non futura, non attinguntur per scientiam visionis, quia hæc versatur circa res quæ habent esse extra videntem, ut ex S. D. dictum est: sed possibile, etiam ut non futura, non habent esse extra Deum in propria natura: ergo per scientiam visionis non attinguntur. Ex quo patet ad ea quæ contra hoc objici possunt.




ARTICVLVS X.

Utrum Deus cognoscat mala.

CAPVT I.

Quod mala omnia à Deo cognoscantur.

- I.  E T u s eorum, qui in ipsa sæce nequitiae voluntantur, & ad profundum malorum devenerunt, error fuit, dedignari Deum, curare & scire, quæ hinc ab hominibus scelera committuntur. De hoc Salomon cum peccatore expostulat Ecclesiastici c. 23. num. 26. dicente: *Tenebra circumdant me, & parietes cooperiunt me, & nemo circumspicit me, quem vereor. Delictorum meorum non memorabitur altissimus*: q. d. Nec homines vereor, utpote qui me tenebris & cubiculo clausum non vident: nec Deum, utpote quem non credo videre, aut curare facinora mea, ut debitis afficiat

Art. X. An Deus cognoscat mala, Cap. I. 143
 ciat pœnis. Vnde Tigurina vertit : *Tenebris circumseptus sum, & parietes mihi præbent latebram, nec quisquam videt me, quidnam metum? peccata mea non curat altissimus.* Et D. Ambrosius lib. 1. Officior. c. 14. hunc locum expendens : *Nolunt, ait, impij, supra se esse judicem, quem nihil fallat, nolunt ei dare occultorum scientiam, qui metuent occulta sua prodi.* Hunc errorem apud Iudæos viguisse colligitur ex illo Isaïæ cap. 29. *Va qui profundi estis corde, ut à Domino abscondatis consilium, quorum sunt in tenebris opera, & dicunt, quis videt nos?* ita refert D. Thom. ibid. *Hic, inquit, ponit peccatum ex parte intellectus, quia non credebant Dei providentiam, quod sciret ea, quæ circa nos aguntur.* Et circa hoc duo facit : primò ponitur erroris excogitatio. Dicebant autem Deum latere, propter cordis profunditatem ubi sua prava consilia pertrahabant : & propter obscuritatem locorum, in quibus prava opera exercebant. A quibus sum errorum Lollardi desumpsisse videntur, qui dixerunt, Deum nec scire, nec punire mala, quæ sub terra fierent. Vnde in speluncis, & cavernis subterraneis convenientes, pater cum filiâ, frater cum sorore, aut filius cum matre indifferenter turpitudinem carnis suæ exercebant, ut refert Trithemius in Cronico Hisaugiensi de anno 1315. Albanenses etiam asseruerunt, Deum non præscire, aut nosse aliquod malum ex se, sed referente Dæmone ipsa cognoscere, ut narrat Prateolus verbo, *Albanenses* : Ex Philosophis Comment. lib. 12. metaphys. com. 51. affirmavit, quod Deus mala esse nesciat, ita refert de ipso D. Thom. 1. sent. dist. 36. q. 1. art. 2. ad 1.

Prima conclusio : Deus cognoscit mala. Hæc

2.

conclusio est de fide: patetque ex variis S. Scripturæ locis. Proverb. enim cap. 15. dicitur: *Infernus & perditio coram Deo.* Idem habetur Iob 26. *Nudus est infernus coram illo, & nullum est operimentum perditioni.* Per infernum & perditionem, quæ solent in Scriptura conjungi status mortuorum intelligitur, qui est inter omnia maximè abditus ab oculis & cognitione hominum, cum ex eo ad mortales non sit reditus, & in abditissimis profundissimisque sit locis, nec quicquam de eo noverunt homines nisi quantum fidem percipiunt. Argumentatur ergo Sapiens ad commendandam divinam notitiam, ab eo quod Deo ea sunt manifesta, quæ sunt à cognitione hominum remotissima, & abditissima, hoc est ex cognitione mortuorum, qui omnino ne esse quidem videntur; unde multò magis ei patere & nota esse debent hominum corda, cogitationes, & affectus, operaque etiam mala, quæ ipsis hominibus nota esse solent. Vnde postquam dixisset Sapiens: *Infernus & perditio coram illo*, subintulit: *Quantò magis corda filiorum hominum.*

3. Præterea psal. 58. *Delicta mea*, inquit, *à te non sunt abscondita:* Quæ verba de Christo ponderans Aug. ait: *Delicta nulla Christus habuit: fuit delictorum susceptor sed non commissor. Et delicta mea à te non sunt abscondita, id est, confessus sum tibi omnia delicta mea, & ante os meum vidisti ea in cogitatione mea, vidisti vulnera que sanares. Sed ubi? Utique in corpore in membris.* Innumera alia possent adduci ad hoc institutum probandum testimonia, quibus S. Scriptura abundat: sed ab eis abstinendum in re tam manifesta judicamus.

Qu. 2.
de verit.
art. 15. c.

4. Prob. S. D. ratione: cognoscens perfectè bonum,

Art. X. An Deus cognoscat mala. Cap. I. 245
bonum, necessariò debet cognoscere malum :
sed Deus perfectè cognoscit omne bonum :
ergo Deus cognoscit etiam omne malum. Maj.
prob. qui cognoscit aliquid perfectè, necesse est
ut cognoscat ea, quæ illi accidere possunt : sed
aliquibus bonis potest accidere ut corrumpantur
à malis : ergo cognoscens bona debet ne-
cessariò cognoscere mala.

Conf. quicumque aliquid perfectè cognos- 51
cit, oportet ut sciat distinctionem ejus ab aliis :
sed prima distinctionis ratio est in affirmatio-
ne, & negatione : ergo oportet, ut quicumque
scit affirmationem sciat & negationem : ergo
cum privatio nihil aliud sit quam negatio
subjectum habens, & unum contrariorum sem-
per sit, ut privatio, oportet ut quando perfe-
ctè aliquid cognoscitur, ejus privatio, & ejus
contrarium cognoscatur : ergo cum Deus ha-
beat propriam & perfectam cognitionem de
suis effectibus, unumquodque sicut est in sua
natura ab aliis distinctum cognoscens, oportet
quòd omnes negationes & privationes oppo-
sitas cognoscat, & omnes contrarietates in eis
reperitas : sed malum quodlibet est privatio
boni : igitur oportet ut ex hoc ipso quòd Deus
scit aliquod bonum, & mensuram cujuslibet,
cognoscat etiam quodlibet malum. Maj. pater,
nam secundum Philos. 3. Metaphys. tex. 10.
quicumque non intelligit aliquod unum, nihil
intelligit : sed per hoc est aliquid unum, quod
est in se indivisum, & ab aliis divisum seu di-
stinctum : ergo quicumque cognoscit aliquid
perfectè, oportet ut cognoscat distinctionem
ejus ab aliis.

Hæc conclusio intelligenda venit non solum 61

de malis culpæ, sed etiam pœnæ: immo & naturæ, seu naturalis defectus, immo & privationibus, quæ in rebus naturalibus reperiuntur: hæc enim omnia habet à Deo cognosci. Et quidem de malis culpæ ex dictis locis sacræ Scripturæ adductis patet: & insuper constat ex illo Genes. 6. *Videns Deus quod multa malitia hominum esset in terra, & cuncta cogitatio cordis esset intenta ad malum omni tempore, pœnituit eum.* Et ex illo Psalm. 50. *Malum coram te feci.* De malis etiam pœnæ dicitur Isaïæ 45. *Ego Dominus faciens pacem, & creans malum.* Et Amos c. 3. *Si est malum in Civitate, quod non fecerit Dominus:* Quod si Deus illa operari dicitur, à fortiori & cognoscere debet, cum sit operans per intellectum sive scientiam & voluntatem. De defectibus etiam naturalibus evidens est: Nam ut legitur Genes. 1. *Divisit Deus lucem à tenebris. Appellavitque lucem diem, & tenebras noctem:* imponere autem alicui nomen, & illud ab alio distinguere cognitionem desiderat & supponit. Deinde quia hæc omnia ad bonum per divinam ordinantur: sed nequeunt ordinari, nisi cognoscantur: ergo hæc omnia à Deo cognoscuntur: & ita de fide tenendum est.

Infrā q.
22 & 23.
art. 2.

7. Quomodo autem Deus hujusmodi mala cognoscat, majorem ingerit difficultatem. Quidam Theologi, quos suppresso nomine refert Durandus in 1. dist. 38. q. 1. num. 12. asseruerunt Deum mala cognoscere, tam in communi, quam in particulari, non quidem per bona, quibus privant, sed per ipsummet bonum divinum, quod est ipsamet Dei essentia: quorum opinionem sequutus est postea M. Zumel hîc concl. 3. Oppositum docent communiter Theologi,

Art. X. An Deus cognoscat mala. Cap. I. 247

logi, cum D. Thom. affirmantes Deum cognoscere mala, tam pœnæ quam culpæ, tam naturæ quam moris, per bona creata, quibus opponuntur, & non per solam suam bonitatem & essentiam, itaut si per impossibile Deus intuendo seipsum bona creata non cognosceret, neque malum cognosceret.

Hic, & quodl.

11. art. 2.

q. 2. de

verit. ar.

15. q. 1.

art. 4. 1.

cont.

gent.

cap. 71.

8.

Secunda concl. Deus cognoscit mala, non quidem per suam essentiam immediatè, sed per bona creata, quibus opponuntur. Prima pars prob. quia intantum aliquid potest Deus in sua essentia cognoscere, inquantum est causa, vel ad minus similitudo & forma rei cognitæ: sed Dei essentia nequit esse causa mali, ut malum est, immo neque similitudo immediatè: ergo Deus non cognoscit mala per suam essentiam immediatè. Min. quoad 1. part. est manifesta, & probabitur infra 9. 19. art. 9. Quoad 2. p. prob. Omnis similitudo in creatura attenditur secundum formam aliquo modo participatam: sed malum secundum Augustinum *lib. de vera relig. cap. 8.* dicitur ex hoc quod non habet formam, est enim privatio modi, speciei, & ordinis: ergo divina essentia non potest habere rationem similitudinis ipsius mali immediatè.

Secunda pars prob. malum non potest cognosci nisi in bono, & per bonum cui opponitur: sed malum creatum non opponitur bono increato: ergo non cognoscitur per illud, sed per bonum creatum. Maj. patet, quia cum malum per se non possit cognosci, ut dictum est, oportet ut cognoscatur per aliud, quod nonnisi bonum cui opponitur, esse potest. Min. verò prob. si malum immediatè opponeretur Deo, seu bono increato, deberet illi opponi,

9.

248 *Quest. X IV. De Scientia Dei,*
vel contrariè vel privativè : sed neutro modo :
ergo malum creatum non opponitur bono in-
creato. Min. prob. tum quia opposita contra-
riè , vel privativè nata sunt fieri circa idem ;
malum autem & bonum divinum non habent
commune subiectum. Tum etiam quia malum
diminuit bonum cui opponitur ; bonum au-
tem increatum per malum neutiquam diminui
potest.

Quomodo fiat hoc , egregiè explicat D.Th.
cit. quodl. 11. q.2. art. 2. dicens : *Propria ratio*
uniuscujusque rei est secundum quod cognoscitur
per propriam rationem. In cognoscibilibus autem
quadam sunt , qua habent rationem propriam abso-
lutam, ut homo & lapis, quorum propria ratio non
dependet ex alio. Quadam verò sunt, qua non ha-
bent propriam rationem absolutam, sed ex alio de-
pendent, sicut est in relativis, & privativis , & in
negativis , quorum ratio dependet ex ordine quem
habent ad alia : nam ratio cæcitatæ non est abso-
luta, sed dependens in quantum habet ordinem ad
visum , cujus est privatio. Cum ergo Deus omnia
cognoscat secundum proprias rationes , dico , quod
illa , quorum ratio est absoluta cognoscit absolutè,
& non per aliquod aliud. Illa vero, quorum est de-
pendens , cognoscit secundum ordinem ad illa , ex
quibus dependent. Cum ergo ratio mali non sit ab-
soluta sed dependens , in quantum scil. discordat à
bono creato , cognoscit malum secundum ordinem
ad bonum , secundum quod scil. discordat ab ipso
bono.

IO. Pro pleniori horum intelligentia notandum
Qu. 1. de malo in com. est ex eodem S. D. quod cum malum sit quæ-
dam privatio in privati, ut ægritudo , non tol-
lit totaliter bonum, sed in eo fundatur, ut do-
cet

Art. X. An Deus cognoscat mala. Cap. I. 249
cet August. in Enchirid. cap. 14. *Mala, inquit, omnino sine bonis, & nisi in bonis esse non possunt, quamvis bona sine malis esse possint.* Et ratio est, quia omnis privatio determinat sibi subiectum: omne autem subiectum, cum sit existens, est bonum, quia bonum & ens convertuntur. De bono autem dupliciter loqui possumus: uno modo simpliciter & absolute: alio modo secundum quod dicitur bonum hoc, ut bonus homo, aut bonus oculus. Primo modo omne illud, quod aliquo modo est, vel dicit ordinem ad esse, dicitur bonum; sive sit ens actu, sive in potentia, ut materia prima. Quamvis autem quodcumque ens, sive in actu, sive in potentia absolute bonum dici possit: non tamen ex hoc ipso quælibet res est bonum hoc: sicut si aliquis homo sit bonus simpliciter, non tamen sequitur quod sit bonus cytharædus, sed tunc tantum quando habet perfectionem in arte citharisandi. Sic ergo licet homo, secundum hoc ipsum quod est homo sit quoddam bonum, non tamen ex hoc ipso est bonus homo; sed id quod facit bonum unumquodque est propria virtus ejus. Vnde 2. Ethic. cap. 6. dicitur, quod virtus est, quæ bonum facit habentem. Ex quo patet quod tunc aliquid dicitur bonum hoc, quando propriam perfectionem habet; sicut homo bonus dicitur quando habet perfectionem hominis, & bonus oculus cum perfectionem oculi habet. Ex quibus sequitur quod tripliciter dicitur bonum: primò ipsa perfectio rei, sicut acumen visus, & virtus hominis bonum dicitur. Secundò, res quæ habet suam perfectionem; sicut homo virtuosus, & oculus acutè videns. Tertiò modo dicitur bonum ipsum

sum subjectum, secundum quod est in potentia ad perfectionem; sicut anima ad virtutem, & substantia oculi ad acumen visus. Et in hoc bono est malum, quia privatio pro subjecto habet ipsum ens in potentia. At vero malum opponitur bono, quod est perfectio, hoc enim per malum privatur, sicut per Ophthalmiam privatur acumen visus. Vnde si aliquod bonum est, quod est actus purus nullam potentiae permissionem habens cuiusmodi est Deus, in tali bono nullo modo potest esse malum.

11.

Dicimus ergo quod Deus videt substantiam, quæ est subjectum privationis per essentiam suam, quia in illo est quædam bonitas & similitudo divini esse: sed videndo eam comparative ad bonum illud quod est perfectio, quâ privatur tale subjectum, dicitur privationem illam cognoscere, inquantum cognoscit illam perfectionem, quæ tali subjecto debita erat, ei non in esse quâ reddatur actu bona, & perfecta; v. g. loquendo de malo naturæ, quod est cæcitas, cognoscit substantiam oculi per essentiam suam, & cognoscit visivam virtutem ei non inesse actu, secundum quam dicitur oculus bonus: & sic videt discordare à bono quod est propria perfectio, & hoc pacto dicitur cognoscere cæcitatem per virtutem visivam ei oppositam.

12.

Loquendo autem de malo culpæ, sive de malo morali, quod est peccatum, Authores varia adducunt ut rem explicent, sed non facile multi ab hac labyrintho se expediunt. Admissio pro nunc peccatum in aliquo positivo consistere (quod vim difficultatis augere videtur) adhuc asserendum est, malum morale, inquantum ma-
lum

lum est, & privatio rectitudinis debitæ actui in esse motis, cognosci per bonitatem oppositam, quatenus est perfectio actus, & rectitudo illius in esse morali. Cujus rei gratia notandum est ex S. D. quòd in omnibus contrariis semper se habet unum ut privatio, quia se habet ut ens in potètia, quod est conjunctum privationi, respectu alterius. Vnde esto quod peccatum in ratione mali moralis constituatur per aliquid positivum, tamen formaliter includit privationem rectitudinis debitæ actui in esse moris, seu privationem ordinis ad finem. Ex hoc enim homo peccat, & culpabilis est, quia agit actionem ad debitum finem non ordinatam. Vnde actio illa in genere naturæ considerata, & quatenus entitas est, equidem bona est, sed mala ut moralis est inordinata, seu privata debito ordine ad finem. Ut igitur entitas est, cognoscitur à Deo, qui est causa omnis entitatis & naturæ: sed quatenus est privatio rectitudinis debitæ actui cognoscitur à Deo per formam oppositam, quia sic non habet similitudinem in Deo, nec ab illo est ut à causa, sed à libero arbitrio deficiente, seu agente inordinate: sicut etiam nigrum secundum quòd habet de natura coloris per se cognoscibilis est, sed secundum quòd dicit privationem lucis, vel minimum de luce, per album cognoscitur, cui contrariatur. Vnde Philosophus dicit quod album est mensura omnium colorum.

Quod autem ad malum pœnæ spectat, idem servata proportionem dicendum est. Cujus rei gratia observandum est ex D. Thom. quod aliquid dicitur esse malum dupliciter. Vno modo simpliciter: alio modo secundum quid. Illud dicitur

q. r. de malo. 10.

13.

q. cit. de malo. art. 1. ad 1.

252 *Quest. XIV. De Scientia Dei,*
dicitur simpliciter malum, quod est secundum
se malum: hoc autem est, quod privatur aliquo
particulari bono, quod est ex debito suæ perfe-
ctionis: sicut ægrotudo est malum animalis,
quia privat æqualitatem humorum, quæ ad
perfectum animalis esse requiritur. Secundum
quid autem dicitur esse malum, quod non est
malum secundum se sed alicujus; quia scil. non
privatur aliquo bono, quod sit de debito suæ
perfectionis, sed quod est de debito perfectionis
alterius; sicut in igne est privatio formæ aquæ,
quæ quidem forma non est de debito perfectio-
nis ipsius ignis; unde ignis non est secundum
se malus, sed est malus aquæ. Malum culpæ est
malum simpliciter, quia privat aliquo quod est
debitum perfectioni actionis: sed malum pœ-
næ quandoque est bonum secundum quod
comparatur ad agens, nimirum Deum, qui pœ-
nam infert: & sic Deus dicitur malum pœnæ
creare. Sed secundum quod comparatur ad
subjectum cui infligitur pœna est quoddam ma-
lum illi inquantum privat illud aliquo modo:
Est enim malum pœnæ privatio ejus, quo vo-
luntas potest uti quocunque modo ab bonam
operationem. Hinc est quod malum pœnæ
prout dicit hujusmodi privationem cognosci-
tur à Deo per bonum oppositum, quemadmo-
dum aliæ privationes.

C A P V T I I.

Soluntur argumenta contraria.

14.
Hic & 1.
sent.

ARg. 1. contra 1. intellectus divinus non
cognoscit privationem: sed malum est
privatio

Art. X. An Deus cognoscat mala. Cap. II. 253

privatio boni, ut dicit August. epist. 103. & in ^{dist. 36.}
Enchirid. cap. 11. ergo Deus non cognoscit ma- ^{q. 1. art. 2.}
lum. Maj. prob. quia, ut dicit Philof. 3. de anim.
text. 25. intellectus qui non est in potentia, sed
semper in actu, non cognoscit privationem
omnino: sed intellectus divinus semper est in
actu, & nullo modo in potentia: ergo non co-
gnoscit privationem. Et quod ita sit, Deum
videlicet non cognoscere malum insinuare vi-
dentur illa Prophetæ Habacuc verba cap. 1. di-
centis ad Dominum: *Mundi sunt oculi tui, ne
videas malum, & respicere ad iniquitatem non
poteris. Quare non respicis super iniqua agentes,
& taces devorante impio justiore se?*

Resp. S. D. Aristotelem sic venire intelligen- ^{15.}
dum, quod nimirum intellectus, quia non est ^{Ibidem.}
in potentia, non potest cognoscere privatio-
nem per privationem in eo existentem: bene
verò per suum oppositum. Et quia intellectus
divinus nullo modo est in potentia, sed semper
in actu, ideo privationem cognoscit, videlicet
malum, non quidem per privationem in eo exi-
stentem, sed per suum oppositum scil. bonum.
Hanc autem esse Aristot. mentem ex eo dedu-
cit, quòd ibi ipse agebat de indivisibili, & de
modo quo ipsum cognoscitur, asserendo quod
indivisibile, ut punctus, cognoscatur sicut pri-
vatio: est enim indivisibile quædam divisionis
privatio. Vnde quia indivisibile nequit esse
actu in intellectu nostro, sed tantum in poten-
tia; oportet quod in intellectu nostro sit pri-
vatio, per quam indivisibile cognoscat: qua-
propter per negationem diffinitur. Intellectus
verò qui semper est in actu, cujusmodi est di-
vinus, cognoscit has privationes, non per pri-
vationem

vationem in seipso existentem, sed per oppositum: Ad auctoritatem S. Scripturæ, dicendum quod solum vult Deum non nosse malum scientiâ approbationis, sive approbando illud, & complacendo sibi in eo. Ita Glossa Hieronymi: *Scio, inquit, quia malum non libenter aspicias.* Vnde S. D. *Dicendum, inquit, quod nescire dicitur dupliciter: Vno modo metaphoricè,*

In 1. dist. 36. q. 1. art. 2. c. *ad similitudinem nescientis se habere: & sic reprobare Dei nescire dicitur, quia malos à gloria sua excludit: Et per oppositum Deus dicitur scire quæ approbat: & sic verum est quod Deus dicitur nescire mala. Alio modo dicitur nescire propriè, notitiâ rei carere: & per oppositum scire, notitiâ rei habere, & ita Deus novit & bona, & mala cognoscendo essentiam suam.*

16. Arg. 2. Omnis scientia vel est causa sciti, vel
 hic, & causatur ab eo: sed scientia Dei non est causa
 q. 2. de mali, nec causatur à malo: ergo scientia Dei
 verit. non est causa malorum. Maj. patet, nam omnis
 att. 15. scientia, vel est speculativa, & sic causatur
 arg 1. à rebus; vel est practica, & sic est causa rerum.

17. Resp. dist. maj. si sit scientia habita de re
 Loc. cit. per suam similitudinem, concedo: si sit habita
 de re per similitudinem alterius, nego: malum
 autem non cognoscitur à Deo per suam similitudinem, sed per similitudinem sui oppositi, videlicet boni. Vnde non sequitur, quod Deus sit causa malorum, quia cognoscit mala; sed sequitur quod sit causa boni, cui opponitur malum.

18. Arg. 3. nihil potest cognosci, nisi per suam
 Ibidem. similitudinem, vel per suum oppositum: sed nullo ex his modis possunt à Deo cognosci mala: ergo ab eo nullatenus cognosci queunt.

Prob.

Prob. min. quidquid Deus cognoscit, per suam essentiam cognoscit : sed divina essentia, neque est similitudo mali, neque ei malum opponitur ; divinæ namque essentiæ nihil est contrarium, ut dicit August. 12. de Civit. Dei cap. 2. ergo mala à Deo cognosci non possunt, neque per suam similitudinem, neque per suum oppositum.

Resp. S. D. quod licet malum non opponatur essentiæ divinæ, quæ non est corruptibilis

19.
Ibidem.

per malum : opponitur tamen effectibus Dei, quos per essentiam suam cognoscit, & eos cognoscens, mala opposita cognoscit. Quam doctrinam fusiùs explicat alibi dicens : *Oppositio unius ad aliud potest accipi dupliciter. Vno modo in generali, sicut dicimus malum opponi bono, & hoc modo malum opponitur Deo. Alio modo in speciali, prout dicimus hoc album opponi huic nigro, & sic non est oppositio mali, nisi ad aliud bonum, quod potest per malum privari, & cui potest esse nocivum, & sic malum non opponitur Deo. Vnde Augustinus dicitur lib. 12. de Civit. Dei cap. 3. quod vitium opponitur Deo, tanquam malum bono : sed natura, quam vitiat, non solum opponitur ut malum bono, sed ut nocivum.*

Qu. cit.
de verit.
art. 15.
ad 4.

Arg. 4. quod per aliud, & non per seipsum cognoscitur, imperfectè cognoscitur, sicut cognoscens colorem viridem per speciem albi, ipsum imperfectè nosceret : sed malum non cognoscitur à Deo per seipsum : ergo si cognoscitur, per aliud debet cognosci, ac subinde imperfectè cognoscetur à Deo : sed hoc est impossibile, quia nulla cognitio Dei est imperfecta : ergo scientia Dei non est malorum. Min. prob. omne cognitum, quod per seipsum cognoscitur

20.

gnosceatur debet esse in cognoscente : sed malum non est in Deo : igitur non cognosceatur à Deo per seipsum.

21. Conf. qui scit Grammaticam, grammaticus
 Loc. cit. est : ergo qui scit malum, malus est : sed Deus,
 de verit. non est malus : ergo nec scit mala. Conf. 2. ni-
 arg. 6. hil scitur nisi verum : sed malum non est ve-
 & 2. rum : ergo non scitur à Deo. Maj. patet, min.

prob. quia ut dicitur in 2. Metaph. text. 4. Vnumquodque sicut se habet ad esse, ita ad verum : sed malum non habet esse, cum sit privatio : ergo malum non est verum.

22. Resp. ad arg. ex S. D. hîc : dist. maj. quod per aliud cognosceatur, & non per seipsum, imperfectè cognosceatur, si illud sit cognoscibile per se, concedo : si solum sit cognoscibile per aliud, nego. Malum autem non est per se cognoscibile, sed per bonum : quia unumquodque per suam rationem cognosceatur ; de ratione autem mali est quod sit privatio boni : & sic neque definiri, neque cognosci potest nisi per bonum.

23. Resp. ad 1. Conf. quod Grammatica scitur
 Loc. cit. in habendo Grammaticam, id est, peritiam &
 in arg. perfectam cognitionem seu artem congruè & bene loquendi, atque scribendi &c. sed malum non consistit in habenda cognitione mali, sed in operatione ejus : nam malum scire ut videtur, bonum est, & malum inquantum scitum est bonum, & sic dispar est ratio. Resp. ad 2. Conf. quod non ens ex hoc ipso quod enti opponitur, dicitur quodammodo ens, ut patet 4. Metaph. Vnde & malum ex hoc ipso quod bono opponitur, habet rationem cognoscibilis & boni.

Arg.

Arg. 5. In Deo sunt omnes rationes particularium bonorum, quibus mala particularia opponuntur : sed omnia cognoscuntur à Deo inquantum sunt in illo : ergo per huiusmodi rationes bonorum particularium, quas Deus apud se habet, potest omnia mala, etiam in particulari, cognoscere, non cognitis ipsis bonis particularibus in seipsis. 24.

Conf. malum quodlibet per suum oppositum cognoscitur : sed malum saltem in communi opponitur Deo : ergo Deus cognoscendo se cognoscit malum, saltem secundum communem rationem mali, etiam si nullum bonum creatum cognoscat. Minor prob. ex D. Thom. supra cit. n. 19. solut. ad 3. in q. 2. de verit. art. 15. ad 4. ubi id expressè affirmat. Idem docet in 1. dist. 36. art. 2. cap. 25.

Resp. ad arg. dist. maj. quibus mala particularia opponuntur, ut sunt in Deo, nego : ut sunt in seipsis, concedo : sic enim sunt privationes eorum, & non aliter. Et dist. min. omnia cognoscuntur à Deo inquantum sunt in illo, si ly *inquantum* determinet cognitionem ex parte cognoscentis, concedo : si determinet cognitionem ex parte cogniti, nego min. & consequ. Qu. 2. de verit. art. 3. ad 2. 26.

Resp. ad Conf. ex D. Thom. dist. min. malum saltem in communi opponitur Deo, secundum rem, seu id quod habet in re : nego min. secundum vocem, seu modum nostrum significandi, conc. min. Et nego consequ. Cum enim cognitio divina sit summè perfecta, & attingens res secundum quod sunt in se seu in re, debet ita malum cognoscere, & subinde per bonum creatum cui in re opponitur. Disen- 27.

dum, inquit, quod summum malum non contrariatur summo bono secundum rem, sed solum secundum vocem propter duo: Primò quia summum malum esse non potest; nihil enim est adeo malum, in quo non sit aliquid boni, ad minus esse. Et ideo dicit Philos. in 4. Ethic. quod si esset adeo perfectum malum, quod proveniret ex corruptione omnium circumstantiarum, nec seipsum sustinere posset. Secundò quia illi bono, quod nullo modo potest auferri, vel minui nihil opponitur privativè, vel contrariè. Unde nec ipsum particulare malum opponitur summo bono directè: sed particulari bono, quod per ipsum privatur. Et dico aliquid directè opponi alteri, quando ei opponitur secundum quod huiusmodi, sicut nigredo opponitur albedini manus directè: sed indirectè etiam opponitur albedini parietis, non inquantum est nigredo vel albedo huius, sed inquantum est albedo simpliciter, per quem modum cuilibet bono quodlibet malum opponitur, non secundum propriam rationem huius vel illius, sed secundum communem rationem boni & mali, & sic, si malum summo bono opponatur, hoc erit indirectè, quia non opponitur ei inquantum est tale bonum, sed inquantum bonum. Sed de his in seq. arg.

28. Arg. 6. peccatum mortale opponitur formaliter Deo: ergo potest cognosci in sola Deitate, non cognito aliquo bono creato, cum omne malum per bonum oppositum cognoscatur.

Infra q. 48. art. 6. cap. Antec. prob. 1. ex D. Thom. dicente: Malum poenæ privat bonum creaturæ, sive accipiat bonum creatura ut aliquid creatū, sicut cæcitas privat visum: sive sit bonum increatum, sicut per carentiam visionis divina tollitur bonum increatum. Malum verò culpæ opponitur propriè bono increato.

creato. Prob. 2. quia peccatum est aversio à Deo, offensaque & injuria, quæ illi immediatè irrogatur, seu offendit eum prout in seipso, opponiturque legi æternæ, quæ est ipsemet. Tandem, quia quædam peccata secundum suam propriam speciem dicuntur esse in Deum, ut desperatio, infidelitas, & odium ipsius Dei: ergo illi immediatè opponuntur.

Conf. peccatum formaliter opponitur rectitudini alicujus virtutis: sed Deus habet in se formaliter omnes illas virtutes, quæ in suo conceptu nullam imperfectionem includunt: ergo per seipsum immediatè peccata eis opposita cognoscere potest. 29.

Conf. quilibet artifex per suammet scientiam & artem omnes cognoscit defectus, qui contra propriam artem committuntur: sed quodlibet peccatum sive malum particulare deficit & discordat ab idea & arte, seu regula & lege divinâ: ergo Deus per eam quodlibet peccatum, & malum cognoscere potest. 30.

Resp. ad arg. cum D. Caietano infra q. 49. art. 3. quodd malum, seu peccatum opponi bono potest intelligi dupliciter; scil. formaliter, & objectivè. Formaliter quidem est impossibile aliquod malum, seu peccatum opponi bono divino seu increato: quia videlicet malum habens bonum formaliter oppositum exigit potentiam, circa quam habet fieri malum; Deus autem est actus purus, nullam in se potentiæ admisionem compatiens. Objectivè autem malum culpæ opponitur bono divino in seipso, contrariatur enim impletioni divinæ voluntatis, & divino amorì, quo bonum divinum in seipso amatur, & non solum secundum quodd

participatur à creatura. Vult enim peccator explicitè, vel interpretativè, quantum in se est, Deum non esse ultimum finem, quod est ei opponi objectivè, secundum id quod in se est : sicut e contra amans ex charitate, vult Deo quidquid est, & ei debetur. Vnde negatur antec. Ad cuius 1. prob. dicimus loqui D.Thom. de oppositione objectivâ, secundum quam malum culpæ, seu peccatum opponitur Deo, tanquam objecto, à quo avertitur. Ad 2. dicimus pariter, quod peccatum est aversio à Deo, ceu objecto & fine ultimo, ex quo fit quod sit offensa & injuria, quatenus eo relicto ultimum finem in creatura peccans constituit ; unde solum sequitur quod peccatum Deo objectivè opponatur, non autem formaliter : privatio autem non cognoscitur per objectum, sed per formam, aut habitum cuius est privatio. Similiter dicimus, quod peccatum opponitur legi æternæ non quidem immediatè, & formali oppositione, sed mediatè, & oppositione objectivâ : quia ut docet D.Thom. peccatum secundum se est actus devians ab ordinatione debiti finis contra regulam naturæ, rationis, vel legis æternæ : in quantum autem deviat ab ordinatione debiti finis & objecti, solum fundat oppositionem objectivam ad bonum increatum, ut dictum est. Ad 3. dicimus odium Dei opponi Deo solum objectivè, non formaliter, nam sic opponitur amor : sicut etiam formaliter infidelitas fidei, & desperatio spei opponuntur ; objectivè autem Deo.

i.p.q.63.
art.1.c.1.
2. q.11.
art.1. q.
71.art.6.
c.& alibi
sæpe.

32.
1. cont.
gent.
c.92. 1.
1.q.71.o.

Resp. ad 1. Conf. dist. maj. peccatum opponitur formaliter rectitudini virtutis, prout virtus est quædam dispositio subjecti, quod est in potentia

Art. X. An Deus cognosc. mala. Cap. II. 261
potentia ad ipsam, concedo; aliter nego: virtus autem non est in Deo ut quædam dispositio perficiens ipsum, sed ut essentia ejus: nec Deus se habet ut in potentia ad illam; unde peccatum non opponitur rectitudini virtutis prout in Deo, nisi oppositione objectivâ, non autem formali. Ad 2. conf. dicimus, quodd equidem quilibet artifex cognoscit defectus per artem, inquantum deviant à regulis artis, non tamen sine ordine ad ea, quæ arti & regulis ejus nata sunt esse conformia. Et hoc pacto Deus cognoscit peccata, sed non sine ordine ad bona creata quæ privant.

Arg. ultimò: malum morale est aliquid positivum: ergo immediatè per divinam essentiam poterit cognosci. Antec. prob. ex D.Th. quæst. 1. de malo art. 1. ad 12. ubi ait: *Dicendum, quod bonum & malum non sunt differentia, nisi in moralibus, in quibus malum positivè aliquid dicitur, secundum quod ipse actus voluntatis denominatur malus à voluto: licet & ipsum malum non possit esse volitum, nisi sub ratione boni.* Conseq. etiam videtur evidens: nam ideo diximus, malum debere cognosci per bonum, quia privatio quælibet per formam seu habitum oppositum cognoscitur: ergo si malum morale est quid positivum, non necessariò cognoscitur per bonum oppositum.

Resp. omissis variis solutionibus, quodd malum morale secundum actum equidem positivè dicitur, formaliter tamen in aversione à Deo consistit, ceu ultimo fine, ut docet idem S.D. cum sit actus devians ab ordinatione debiti finis contra regulam naturæ, rationis, vel legis æternæ: Vnde non opponitur immediatè

262 *Quaest. XIV. De Scientia Dei,*
& directè formaliter Deo , sed indirectè &
objectivè : quapropter non cognoscitur im-
mediatè à Deo , sed per bonum oppositum
quod privat.

ARTICVLVS XI.

Utrum Deus cognoscat singularia.

CAPVT PRIMVM.

*Statuitur conclusio affirmativa, & probatur
tum auctoritate, cum ratione.*

I.
Qu. 2.
de verit.
art. 5. c.



VLTIPLIX de hac re olim apud
Antiquos error invaluit , ut notat D.
Thomas. Quidam enim , ut Aver-
roës 2. *Metaphys. com.* 15. negaverunt
à Deo singularia cognosci , nisi fortè in uni-
versali ; inquantùm cognoscit essentiam suam
quæ est principium omnis esse : volentes natu-
ram intellectus divini ad mensuram intellectus
nostri coarctare. Avicenna verò , Algazel , &
alij ipsius sectatores asseruerunt , Deum equi-
dem unumquodque singulare , quasi in uni-
versali cognoscere , quòd hocce exemplo ex-
ponunt : Si aliquis motus omnes Cœli , tem-
pusque eorum , necnon & orbium distantias
perfectè cognosceret , ipse omnem eclypsim fu-
turam sciret ; non tamen cognosceret ipsam ,
inquantùm est singulare quoddam , ut sciret
eam nunc esse , vel non esse , sicut rusticus
cognoscit,

Art. XI. An Deus cognosc. singul. Cap. I. 263
cognoscit, dùm eam videt. Non enim cognosceret per aliquid à sensu acceptum. Haud secus, aiebant, cùm omnes causæ in ipsum Deum, sicut in primam omnium causam reducantur, ipse cognoscendo se, omnes causas secundas novit; intuendo autem ipsas omne id videt, quod ex huiusmodi causis effectum est, nonnisi universaliter tamen.

Huiusmodi errores ex eo duxerunt originem 2.
quòd quidam ipsorum Deum immediatè in re- In 1. dist.
bus omnibus non operari autumabant, sed ab 36. q. 1.
eo ortas primas quasdam creaturas, quibus art. 1.
mediantibus ab ipso aliæ producerentur: & ideo suspicari & invenire nequiverunt, qualiter ipse Deus res singulares, & quæ sunt hîc & nunc, nisi in primis causis universalibus cognosceret. Alij autem materiam ingenitam, & in factam, seu non factam constituebant, Deum primum agens ex eo solo asserentes, quòd in materiam formas induceret. Quapropter, cùm materia sit individuationis principium, non poterant satis excogitare, quo pacto Deus singularia, inquantùm huiusmodi cognoscere valeret.

Rabbi Moyse asseruit equidem, quod Deus 3.
singularia perfectissimè cognosceret; sed ta- Ibidem.
men falsò existimavit scientiam Dei esse omnino alterius rationis à scientiâ nostrâ, & æquivocè duntaxat cum illa convenire, ut à contrariis rationibus se liberaret. Aiebat enim, quod per conditiones scientiæ nostræ non possumus aliquid de Dei scientia arguere, aut demonstrare; sicut enim illius essentia, ita & ipsius scientia à nobis nullatenus comprehenditur. Quod confirmare nitebatur, ex eo quòd

264 *Quaest. XI V. De Scientia Dei,*
habeatur Isaia 55. *Sicut exaltantur Caeli à terra, sic exaltata sunt via mea à viis vestris, & cogitationes meae à cogitationibus vestris.*

4. Conclusio. Deus omnia singularia cognoscit, non solum in universalibus causis; sed etiam unumquodque secundum propriam, & singularem sui naturam. Probat S. D. in *sed contra* ex illo Proverb. 32. *Omnes via hominum patent oculis ejus: spirituum ponderator est Dominus. Vbi glossa, Itaut actiones omnium, bonorum scil. & malorum, quid in occulto cogitent, certâ lance discernat. Vnde subdit: Revela Domino opera tua, & dirigentur cogitationes tuae. Opera nostra revelamus quando, quem nihil latere novimus, in cunctis quae agimus, in memoriam reducimus, atque illius flagitamus auxilium, & tunc non solum opera, sed cogitationes dirigit.*

5. Conf. ex illo Apostoli ad Heb. 11. *Accedentem ad Deum oportet credere quia est, & quod diligentibus se remunerator sit.* Sed opera hominum singularium remunerare non potest, nisi & operantes, & ipsorum opera norit: ergo oportet credere, quod singularia Deus cognoscat. Vnde S. Ioannes Chrysostomus illud ejusdem Apostoli ad Hebr. cap. 4. *Vivus est sermo &c.* explicans ait: *Hic ostendit, quod & anima puniatur, & quod quae sunt intima scrutatur, totum penitus pervadens hominem: Et discretor cogitationum & intentionum cordis. Et non est ulla creatura invisibilis in conspectu ejus. Ipse judicabit quae sunt in corde: eò enim pervadit & puniens & examinans. Et quid dico, inquit, de hominibus. Nam etsi dicas Angelos, & Archangelos, & Cherubim, & Seraphim, & quaecunque creaturam, omnia illi oculo sunt aperta, omnia clara & manifesta. Nihil est*

Art. XI. An Deus cognosc. sing. Cap. I. 265
 est quod possit eum latere. Omnia sunt nuda &
 aperta oculis ejus, ad quem nobis sermo. Aperta autē
 gracie dicitur τετραχλισμένη, id est, resupinata,
 a metaphorâ pellium, qua extrahuntur à victimis.
 Quomodo enim quando quispiam illis jugulatis
 pellem à carne abstraxerit, omnia qua sunt intus
 aperit, & nostris oculis reddit manifesta, ita etiam
 Deo clara & manifesta proposita sunt omnia. Vide
 infra q. 22. art. 2. & 3.

Primam part. conclus. prob. S. D. sic : cog- 6.
 noscere singularia pertinet ad perfectionem no- Hic in c.
 stram ; sed omnes perfectiones in creaturis in- & q. 2.
 ventæ, secundum altioremodum in Deo præ- de verit.
 existunt : ergo necesse est quod Deus singularia art. 5.
 cognoscat. Quod confirmat autoritate Phi-
 lolophi 1. de anima text. 8. & in 3. Metaphys.
 text. 15. qui contra Empedoclem invehitur, qui
 asserbat Deum discordiam & contentionem
 non intelligere, eò quod eam in se non haberet,
 dicens quod si Deus aliquid ignoraret, quod alij
 cognoscebant, sequeretur Deum esse insipien-
 tissimum, cum tamen ipse felicissimus sit, ac
 subinde Sapientissimus : Accidit, inquit, Em-
 pedocli insipientissimum esse Deum, solus enim
 elementorum unum non cognoscet, discordiam.
 Quod multò magis accideret si omnia singula-
 ria ignoraret. Advertit tamen S. D. cum perfe-
 ctiones, quæ in inferioribus dividuntur, in
 Deo simpliciter, & unitæ existant, licet nos
 per aliam potentiam cognoscamus universalia
 & immaterialia, videlicet per intellectum, &
 per aliam singularia, & materialia, nimirum
 per sensum, Deum tamen per suum simplicem
 intellectum utraque cognoscere.

Secundam part. prob. sic : si Deus singularia 7.
 in

in universali duntaxat cognosceret, perfectam de illis cognitionem non haberet : sed hoc est absurdum : ergo singularia non cognoscit in universali tantum, sed etiam secundum particulares eorum naturas. Maj. patet, cognoscere enim singularia in universali, non est cognoscere propriam naturam hujus singularis, vel illius, eò quod quocumque modo universalia aggregentur, nunquam ex eis fiet singulare, nisi per materiam : v. g. qui cognosceret Socratem per hoc quod est albus vel Sophronici filius, vel quidquid aliud sic dicatur, non cognosceret ipsum secundum propriam naturam singularem, seu inquantum est hic homo : sed cognoscere aliquid non attingendo propriam ejus naturam, est imperfectè cognoscere : ergo si Deus singularia in universali duntaxat cognosceret, perfectam de ipsis cognitionem minimè haberet. Min. etiam est evidens, quia Deus singularium omnium causa est, & principium : ergo scientiam practicam de illis habet secundum omne id quod in eis reperitur. Hinc D. Dionys. cap. 7. de divin. nom. *Vnde si aliquid est in rebus*, inquit, *quod non sit cognitum ab eo, oportet ut circa illud divina operatio vacet* ; id est, oportet quod non sit ab eo productum.

8. Nec valet dicere, inquit S. D. sicut nonnulli
 Loc. cit. asseruerunt, quod Deus cognoscat singularia applicando causas universales ad singulares effectus : Quia nullus potest applicare aliquid ad alterum, nisi illud præcognoscat : ergo dicta applicatio nequit esse ratio cognoscendi singularia, sed cognitionem singularium præsupponit.

9. Pro majori intelligentia observandum docet
 S. Thom.

S. Thom. 9. 2. de verit. art. 5. c. quod scientia divina, quam de rebus habet, scientiæ artificis comparetur, eò quod sit causa omnium rerum sicut ars artificiatorum. Artifex autem artificiatum cognoscit per forma artis, quam apud se habet, secundum quod ipsam producit. Cum ergo ipse artifex per artem suam non nisi artificiatum formam producat, quia materiam natura ministrat: ideo artifex per artem suam non cognoscit artefactum nisi ratione formæ. Omnis autem forma de se universalis est, eapropter ædificator cognoscit quidem domum in universali, non autem hanc vel illam, nisi quatenus per sensum ejus notitiam habuit: sed si forma artis esset productiva materiæ, sicut est formæ, per eam cognosceret artificiatum, & ratione formæ, & ratione materiæ: idcirco cum individuationis principium sit materia, non solum cognosceret ipsam secundum naturam universalem, sed etiam inquantum est singulare quoddam: Vnde cum ars divina sit productiva non solum formæ, sed etiam materiæ, in arte sua non solum existit ratio formæ, sed etiam materie, & ideo res cognoscit, & quantum ad materiam, & quantum ad formam: unde non solum universalia, sed etiam singularia cognoscit.

Sed tunc restat dubium, inquit S. D. cum omne quod est in aliquo, sit in eo per modum ejus in quo est, & ita similitudo rei non sit in Deo nisi immaterialiter, unde est quod Deus singularia materialia cognoscat, cum intellectus noster ex hoc ipso ea non attingat, quod formas rerum immaterialiter recipiat. Cujus ratio manifesta apparet, si consideretur diversa
habitus,

habitus, quam haberet ad rem similitudo rei, quæ est in intellectu nostro ; & similitudo rei, quæ est in intellectu divino : illa enim est accepta à re secundum quod res agit in intellectum nostrum, agendo per prius in sensu : materia autem propter debilitatem sui, quia est in potentia ens tantum, agendi principium esse nequit : & ideo res, quæ agit in animam nostram, per formam solummodo agit. Quapropter similitudo rei, quæ in sensu imprimitur, & per quosdam gradus depurata usque ad intellectum pertingit, est tantum formæ similitudo. Sed similitudo rei, quæ est in intellectu divino, est factiva rei ; res autem sive forte, sive debile esse participet, hoc non habet nisi à Deo, & secundum hoc similitudo cuiuscunque rei in Deo existit, quod res illa à Deo esse participat. Unde similitudo immaterialis, quæ est in Deo, non solum est similitudo formæ, sed materiæ. Et quia ad hoc ut aliquid cognoscatur, requiritur quod similitudo ejus sit in cognoscente, non autem quod sit per modum quo est in re : inde est quod intellectus noster singularia non cognoscit, quorum cognitio ex materia dependet, quia non est in eo similitudo materiæ, non autem ex hoc quod similitudo sit in eo immaterialiter. Sed intellectus divinus, qui habet materiæ similitudinem, quamvis immaterialiter, potest singularia cognoscere.

C A P V T II.

Solvuntur argumenta.

ARg. 1. intellectus divinus immaterialior est, quam intellectus humanus: sed intellectus humanus propter suam immaterialitatem singularia non cognoscit: ergo multo minus ea cognoscit Deus. Prob. min. quia dicitur in 2. de Anima text. 1. quod ratio est universalium, sensus verò particularium. Et Boëtius dicit, quod universale est dum intelligitur, singulare verò dum sentitur. I 1.
Qu. 2.
de verit.
art. 5. 1.
sent.
dist. 36.
q. 1. art. 1.

Dices, non ideo intellectum nostrum singularia non cognoscere, quia immaterialis est, sed quia speciem intelligibilem à principiis individuantibus abstrahit. Vnde species intelligibilis nostri intellectus est à conditionibus individuantibus depurata: quapropter similitudo principiorum individuantium esse nequit: sed species intelligibilis divini intellectus, quæ est Dei essentia, non est immaterialis per abstractionem, sed per seipsam principium existens omnium principiorum, quæ rei constitutionem ingrediuntur, sive sint principia speciei, sive individui. Vnde per eam Deus cognoscit non solum universalia, sed etiam singularia. I 2.
Loc. cit.

Contra, depuratio formæ intelligibilis in intellectu receptæ non est ratio quare intellectus singularia non cognoscat ratione termini à quo, immo secundum hoc magis ea cognoscere deberet; etenim ex hoc totam suam assimilationem trahit, quod à rebus accipit: ergo depuratio I 3.
Ibid.

ratio formæ non impedit cognitionem singularis nisi secundum terminum ad quem, qui est puritas, quam in intellectu creato habet: sed ista formæ puritas est tantummodo propter immunitatem intellectus à materia: ergo ista est unica & sola ratio, quare intellectus singularia non cognoscit, quia est à materia separatus.

14. Resp. S. D. quod equidem ex termino depurationis contingit, quod immaterialiter forma recipiatur; sed tamen hoc non sufficit ut singulare non cognoscatur: sed ex principio hujus actionis contingit, quod similitudo materiæ signatæ in intellectu non recipiatur, sed formæ tantum, quia abstrahit à materia illa speciem, illuminando eam. Vnde ratio non sequitur.

15. Ad illud ex Boëtio adductum respondet S. Thom. quod forma, per quam intellectus divinus intelligit, nimirum essentia divina, neque est universalis, quia additionem non recipit; neque singularis, quia à materia & dispositionibus ejus immunis est: sed tamen est principium & similitudo perfecta totius quod in re est, & materiæ, & formæ. Et ideo hoc quod dicitur, quod universale est dum intelligitur &c. referendum est ad cognitionem nostram, quæ in sensu est per formam materiale, & in intellectu per formam universalem. Et ideo universalia non cognoscimus, nisi per virtutem, in qua recipitur aliquid particulariter: sed Deus particularia cognoscit, neque universaliter, neque particulariter ex parte cognoscentis: sed universaliter & particulariter ex parte rei cognitæ.

16. Arg. 2. solæ illæ virtutes sunt singularium cognosciti

Art. XI. An Deus cognosc. singul. Cap. II. 271
cognoscitivæ, quæ recipiunt species non abstractas à materialibus conditionibus; sed intellectus divinus non est hujusmodi, nam res in eo sunt maximè abstractæ ab omni materia: ergo Deus singularia non cognoscit.

Conf. omnis cognitio est per aliquam similitudinem: sed similitudo singularium, inquantum sunt singularia, non videtur esse in Deo: ergo Deus non potest singularia cognoscere. Prob. min. quia principium singularitatis est materia, quæ cum sit ens in potentia, est omnino dissimilis Deo, qui est actus purus.

Resp. S. D. quod licet species intellectus divini secundum esse suum non habeat conditiones materiales, sicut species receptæ in imaginatione, & sensu: habet tamen eas virtualiter, inquantum virtute se extendit ad immaterialia, & materialia repræsentanda, ceu causa omnium quæ in ipsis sunt, ut explicat, dicens: *Quamvis in Deo non sit aliquid materiale, sed essentia ejus sit actus tantum: tamen ille actus est causa omnium quæ sunt in re, & materialium, & formalium: quem actum imitatur quantum potest omnis res, & quidquid in re est. Et ideo essentia divina est similitudo non tantum formalium sed etiam materialium rei: & ideo per ipsum possunt cognosci singularia, etiam inquantum hujusmodi.* Vel dicito, quod licet species intellectus divini sit maximè abstracta à materia secundum esse; non tamen secundum repræsentationem.

Resp. ad conf. S. D. quod licet materia prima recedat à divina similitudine secundum suam potentialitatem, sic enim est prope nihil, tamen secundum quod habet hoc modo esse, divinam retinet similitudinem. Vide infra q. 15. art. 3. ad 3.

17.

18.

1. dist.
36. q. 1.
art. 1.
ad 3.

Qu. 2.
de verit.
art. 5.
ad 14.

19.

Loc. cit.

Qu. 2.
de verit.
art 5.
ad 17.

Ibid. ad
12. & 13.

Pro majori intelligentia nota ex S. D. quod hoc modo aliquid cognoscitur, secundum quod est in cognoscente repræsentatum, & non secundum quod est in cognoscente existens. Similitudo enim in vi cognoscitiva existens non est principium cognitionis rei secundum esse, quod habet in potentia cognoscitiva, sed secundum relationem quam habet ad rem cognitam: & inde est, quod non per modum, quo similitudo rei habet esse in cognoscente, res cognoscitur, sed per modum quo similitudo in intellectu existens est repræsentativa rei. Et ideo quamvis similitudo divini intellectus habeat esse immateriale, quia tamen est similitudo materiæ, est principium cognoscendi materialia, & ita singularia. Et quamvis materia secundum se intellectui humano incognoscibilis sit, ab eo enim duntaxat per analogiam ad formam cognosci potest: per suum namque esse non potest in intellectum creatum agere, cum sit in ultimo gradu, imperfectum & deficiens: non tamen secundum suum esse est divino intellectui incognoscibilis, qui non accipit scientiam à rebus, per hoc quod res quodammodo in intellectum ipsius agant & imprimant sui similitudinem, ut contingit in nobis: sed per suam essentiam tanquam speciem intelligibilem, & causam omnium res omnes cognoscit, ut dictum est.



ARTICVLVS XII.

Vtrum Deus possit cognoscere infinita.

CAPVT PRIMVM.

Deum cognoscere infinita, etiam per scientiam visionis ostenditur, & quomodo.

DIvvs Thomas ex D. August. lib. 12. de I.
Civit. Dei cap. 18. refert, quosdam Qu. 2. de
antiquos infinitam divini intellectus verit.
vim angustâ humani ingenij capaci- art. 9. 6.
tate metiri volentes, asseruisse quod infinita
cognoscere nequeat, quemadmodum neque
nos. Quapropter cum ex unâ parte Deum sin-
gularia nosse affirmarent, & ex aliâ mundum
æternum constituerent, ac subinde inferri vi-
debatur infinita esse singularia ponenda, quæ
Deus cognoscebat, affirmare coacti sunt, quod
esset eorundem revolutio in diversis sæculis;
eapropter non esse infinitam eorum multitudi-
nem. Alij autem, ut refert idem S. D. *hic cap.*
secundum veritatem, & fidem catholicam
mundum non esse æternum constituentes, sed
in temporis initio conditum, dixerunt, quod
Deus per scientiam visionis, quæ est tantum
eorum, quæ sunt, erunt, vel fuerunt, infinita
non cognoscat: nec enim generationes & mo-
tus in æternum mansura sunt, ut individua in
infinitum multiplicari possint. Ioannis etiam
Vviclephi in hac parte fuit error (ut refere

274 *Quaest. XIV. De Scientia Dei,*
Vvaldensis tom.1. lib.1. cap. 14.) existimantis
non esse infinitam multitudinem eorum, quæ
Deus non fecit, & facere potest, sed eis ali-
quem certum terminum esse præfigendum: ex
quo sequitur quod Deus infinita nõ cognoscat.

2. Prima conclusio: Deus infinita cognoscit.
Prob. ex Psal. 146. ubi dicitur: *Magnus Domi-
nus noster, & magna virtus ejus, & sapientia ejus
non est numerus.* Si sapientiæ ejus non est nu-
merus: ergo infinita est, ac subinde infinita
cognoscit. Vnde August. lib. 12. de Civit. c. 18.
*Absit, inquit, ut dubitemus, quòd ei notus sit om-
nis numerus, cujus intelligentia, sicut in psalmo
canitur, non est numerus. Infinitas itaque nu-
meri, quamvis infinitorum numerorum nullus: non
est tamen incomprehensibilis ei cujus intelligentia
non est numerus. Quapropter si quidquid scientiæ
comprehenditur, scientis comprehensione finitur,
profectò & omnis infinitas quodam ineffabili modo
Deo finita est, quia scientia ipsius incomprehen-
sibilis non est. Quare si infinitas numerorum scien-
tia Dei, qua comprehenditur, esse non potest infi-
nita, qui tandem nos sumus homunculi, qui ejus
scientia limitem figere præsumamus, dicentes, quod
nisi eisdem circumitibus temporum eadem tempo-
ralia repetantur, non potest Deus cuncta, qua fecit,
vel præscire, ut faciat; vel scire ut faciat, cum
fecerit: cujus sapientia simpliciter multiplex, &
uniformiter multiformis, tam incomprehensibili
comprehensione omnia incomprehensibilia compre-
hendit, ut quæcumque nova, & dissimilia conse-
quantur præcedentibus, si semper facere vellet, in-
ordinata & improvisa habere non posset: nec ea
prævideret ex proximo tempore, sed æterna præ-
scientia contineret.*

Prob.

Prob. Deus non solum ea scit, quæ sunt actu, 3.
erunt, vel fuerunt, sed etiam quæ sunt in po- Hic, &
tentia sua & creaturæ, seu scit omnia quæ nata q. 2. de
sunt ejus bonitatem participare: sed hæc sunt verit.
infinita, cum etiam bonitas ejus sit infinita: art. 9. c.
ergo infinita cognoscit.

Secunda conclusio: Deus non solum cognos- 4.
cit infinita actu per scientiam simplicis intelli-
gentiæ, sed etiam per scientiam visionis. Pro-
bat S. D. quia omnia ea quæ futura sunt, à Deo
per scientiam visionis cognoscuntur, sed infi-
nita sunt actu futura, scil. cogitationes, & af-
fectiones cordium, quæ in infinitum multipli-
cabuntur, cum ipsæ creaturæ rationales sint
absque fine permansuræ: ergo Deus per scien-
tiam visionis infinita cognoscit.

Conf. quia nihil potest de novo divinæ co- 5.
gnitioni objici, aliàs scientia Dei esset variabi-
lis, & augmentum suscipiens; siquidem eorum
notitiam compararet, quæ antea non cognos-
cebat: ergo omnia, quæ Deus cognoscit, si-
mul cognoscit: igitur cogitationes cordium,
quæ habituræ sunt esse per totam æternitatem
successivè in infinitum, sunt modò à Deo cog-
nitæ simul, antequam in propriis durationibus
existant. Cum igitur illæ sint in potentiâ infi-
nitæ per ordinem ad propriam durationem, in
quâ sunt successivè, sequitur quòd per ordinem
ad æternitatem, in qua simul absque ullâ suc-
cessionem existunt, sint actu infinitæ. Unde Ec-
clesiastici 42. dicitur: *Cognovit Dominus om-
nem scientiam, & inspexit in signum avi annun-
tians quæ præterierunt, & quæ superventura sunt,
revelans vestigia occultorum. Non præterit illum
omnis cogitatus, & non abscondit se ab eo omnia*

276 *Quaest. X I V. De Scientia Dei,*
sermo. Vbi Glossa : Quia omnes aetates mundi pre-
sentes sunt ei , apud quem nihil prateritum , nihil
futurum est. Ipse solus revelat mysteria qui scit
singulorum corda , qui omnes cogitatus & sermones
inspicit. Omnia enim nuda & aperta sunt oculis
ejus.

6. Qualiter autem hoc fieri possit explicat S.D.
dicens : Sciendum est , quod secundum virtu-
tem mediij cognoscendi cognitio ad multa , vel
pauca se extendit : sicut similitudo , quæ reci-
pitur in visu , est determinata secundum parti-
culares conditiones rei , unde est ductiva in co-
gnitionem unius rei : sed similitudo rei accepta
in intellectu est absoluta à particularibus con-
ditionibus ; unde cum sic elevatur , est ductiva
in plura. Et quia una forma universalis nata
est ab infinitis singularibus participari , inde est
quod intellectus noster quodammodo infinita
cognoscit. Sed quia illa similitudo , quæ est in
intellectu , non ducit in cognitionem singula-
rium quantum ad ea , quibus singularia adinvi-
cem distinguuntur , sed solum quantum ad na-
turam communem , inde est quod intelligun-
tur per speciem , quam habet apud se. Non er-
go est cognoscitivus infinitorum nisi in poten-
tia. Sed medium illud , quo Deus cognoscit ,
scil. essentia sua , est infinitorum similitudo , quæ
ipsam imitari possunt , nec tantum quantum ad
id , quod commune est eis , sed etiam quantum
ad ea , quibus adinvicem distinguuntur , ut ex
præcedentibus patet : unde divina scientia ef-
ficaciam habet ad cognoscendum infinita.

7. Quomodo autem actu infinita cognoscat ,
Loc. cit. hoc modo considerandum est : Nihil enim pro-
hibet infinitum esse aliquid uno modo , & alio
modo

Art. XII. An Deus pos. cogn. infin. Cap. I. 277
modo finitum ; ut si aliquod corpus esset quidem longitudine infinitum, sed latitudine finitum. Et similiter potest esse in formis, ut si aliquod corpus infinitum ponamus esse album, quantitas albedinis extensiva, secundum quam dicitur quanta per accidens, erit infinita : quantitas autem per se, scil. intensiva nihilominus esset finita. Et similiter est de quacunque aliâ formâ corporis infiniti : quia omnis forma recepta in aliqua materia finitur ad modum recipientis, & ita non habet intensiorem infinitam. Infinitum autem sicut repugnat cognitioni, ita & repugnat transitioni ; infinitum enim nec cognosci, nec transiri potest : nihilominus tamen si aliquid moveatur super infinitum, non per viam infinitatis suæ, transiri poterit ; sic quod est infinitum longitudine, & latitudine finitum, pertransiri potest latitudine, sed non longitudine : ita etiam si aliquod infinitum cognoscatur per viam, per quam est infinitum, nullo modo perfectè cognosci potest : si autem cognoscatur per viam finiti, sic perfectè cognosci poterit. Quia enim infiniti ratio congruit quantitati, secundum Philos. in 1. *Phys. text. 15.* omnis autem quantitas de sui ratione habet ordinem partium, sequitur quod tunc infinitum per modum infiniti cognoscitur, quando apprehenditur pars post partem. Vnde si sic intellectus noster debeat cognoscere corpus album, nullo modo cognoscere poterit ipsum perfectè, nec albedinem ejus : Si autem cognoscat naturam albedinis, vel corporeitatis, quæ invenitur in corpore infinito, sic cognoscet infinitum perfectè quantum ad omnes partes ejus, non tamen per viam infiniti.

Et sic possibile est ut intellectus noster quodammodo infinitum continuum perfectè cognoscat, sed infinita discretè nullo modo, cò quòd non potest per unam speciem multa cognoscere: & inde est quod si multa debet considerare, oportet quod unum post alterum cognoscat. Vnde si cognosceret infinitam multitudinem in actu, sequeretur quod cognosceret infinitum per viam infiniti, quod est impossibile. Sed divinus intellectus per unam speciem cognoscit omnia. Vnde simul & uno intuitu est ejus cognitio de omnibus, & sic non cognoscit multitudinem secundum ordinem partium multitudinis, & sic potest infinitam multitudinem cognoscere, non per viam infiniti: si enim per viam infiniti cognosceret, ut acciperet partem multitudinis post partem, nunquam veniret ad finem, unde non perfectè cognosceret. Idcirco concedo simpliciter quòd Deus cognoscit actu infinita absolutè, nec ipsa infinita adæquantur intellectui ejus, sicut ipse à se cognitus suum intellectum adæquat: quia essentia in infinitis creatis est finita quasi intensivè, sicut albedo in corpore infinito; essentia autem Dei est infinita omnibus modis: & secundum hoc omnia infinita sunt Deo finita, & sunt comprehensibilia ab ipso. Hæc D. Thomas. Ex qua doctrina mirum in modum confirmatur sententia asserens non posse totam possibilium collectionem extra verbum cognosci, ab intellectu beato, quia hæc est infinita discretè. De qua supra *q. 12. ad art. 8.*

7. Tertia concl. si sumatur infinitum intensivè, ad modum quantitatis continuæ, Deus non scit infinitum in actu. Prob. quia quantitas infinita neque

neque est, neque esse potest: sed quod neque 1. dist. 39.
est, neque esse potest, sciri nequit, quia nihil q. 1. 2. 3.
scitur, nisi verum quod cum ente convertitur:
ergo Deus non scit infinitum in actu intensivè
ad modum quantitatis continuæ, nisi dicatur
scire infinitum, in quantum scit seipsum, qui
infinite est.

Quarta conclus. Deus scit infinita in actu 9.
secundum quantitatem discretam per scientiam Loc. cit.
simplicis intelligentiæ, loquendo de infinito
simpliciter, & in omni genere: sed per scien-
tiam visionis non scit infinita simpliciter, sed
quantum ad aliquid, scil. numerum. Patet ex
dictis tum hic, tum supra q. 12. ad art. 8.

C A P V T II.

Contraria argumenta dissolvuntur.

ARg. 1. infinitum, quatenus infinitum est
maximè ignotum, quia ut dicit Philoso-
phus 3. *Physic. text. 63.* infinitum est, cujus
quantitatem accipientibus, semper est aliquid
extra assumere, unde ad finem ejus perveniri
nequit, & subinde neque cognitionem: sed
quod est secundum se maximè ignotum, cog-
nosci nequit: ergo Deus actu infinita cognos-
cere non potest.

Conf. quia ut dicit August. *lib. 12. de Civit. Dei c. 18.* quidquid scitur, scientis comprehen-
sione finitur: sed infinitum, secundum quod
infinitum, finiri non potest: ergo infinitum à
Deo sciri non potest.

Si dicatur, quòd ea, quæ in se sunt infinita,

280 *Quæst. XIV. De Scientia Dei*,
scientiæ Dei finita sunt : Contra , ratio infiniti
est, quod sit impertransibile ; & finiti quod sit
pertransibile , ut dicitur in 3. *Phys. text. 34.* sed
infinitum transiri non potest, nec à finito, nec
ab infinito , ut probatur in 6. *Phys. à textu 60.*
usque 66. ergo infinitum nequit esse finitum fi-
nito, neque etiam infinito : igitur infinita non
sunt finita scientiæ Dei, esto infinita sit.

I 3. Conf. quidquid prædicatur de aliquo abso-
lutè & secundum se , cuicumque comparetur,
1. dist. 39. q. 1. conveniet sibi : sed esse infinitum est prædica-
art. 36. tum absolutum : ergo id quod est in se infini-
arg. tum, respectu nullius potest dici finitum.

I 4. Resp. S. D. quod infinitum per viam infiniti
Hic, & est maximè ignotum, & secundum hanc ratio-
q. 2. de nem perfectè cognosci non potest : quia quam-
verit. cumque partem quantitatis ejus acceperis cu-
art. 9. juscunque mensuræ , semper erit aliquid acci-
ad 8. pere de ipso. Sed si fiat sermo de infinito per
modum finiti , scil. non numerando partem
post partem , sed accipiendo omnes partes si-
mul , tunc non est ignotum : Deus autem non
cognoscit infinitum per viam infiniti , ut scil.
transeat de parte in partem , sed accipiendo
omnes partes simul, & per viam finiti.

I 5. Resp. ad conf. quodd secundum hoc, quidquid
Hic ad scitur , scientis comprehensione finiri dicitur,
2. & q. 2. quod intellectum scientis non excedit , ut ali-
de verit. quid ejus sit extra intellectum scientis, sic enim
2. 9. ad 1. ad intellectum scientis per modum finiti se ha-
bet : nec est inconveniens hoc accidere infini-
to , quod non per viam infiniti scitur. Vnde
optima est solutio ibi allata , nimirum quod
sint scientiæ Dei finita. Ad replicam resp. S. D.
quod cum transitio quandam successionem in
partibus

Art. XII. An Deus pos. cogn. infi. Cap. II. 281
 partibus importet, nullatenus dici potest, quod
 infinitum transiri possit neque à finito, neque
 ab infinito. Sed ad rationem comprehensionis
 sufficit adæquatio, quia id comprehendi dici-
 tur, cujus nihil est extra comprehendentem.
 Vnde non est contra rationem infiniti, quod
 ab infinito comprehendatur. Quapropter id
 quod est in se infinitum potest dici finitum
 scientiæ Dei, tanquam comprehensum, non
 tamen tanquam pertransibile. Et hoc insinuat
 Augustinus supracitatus dicens: *Si quidquid
 scientiâ comprehenditur, scientis comprehensione
 finitur, propterea & omnis infinitas quodam ineffa-
 bili modo Deo finita est, quia scientia ipsius incom-
 prehensibilis non est.* Ex quibus ad conf. pater,
 dicimus enim, illud quod est in se infinitum
 nullatenus dici finitum, quia pertransibile sit,
 sed quia alterius cognitioni commensuratum,
 & eam non excedens.

Arg. 2. Scientia Dei est mensura scitorum: 16.
 sed contra rationem infiniti est quod sit men- Arg. 2.
 suratum: ergo infinita à Deo sciri nequeunt. & q. 2.
 Conf. nihil aliud est mensuratio quam certifi- de verit.
 catio de mensurati quantitate: ergo si Deus in art. 9.
 finitum sciret, quantitatem ejus cognosceret, arg 9. &
 quod est impossibile: cum determinatam quan- 10.
 titatem non habeat.

Resp. S. D. quod unum esse mensuram alte- 17.
 rius dupliciter intelligi potest. Primò, quod sit Loc. cit.
 mensura quantitatis ejus, & hoc pacto esse
 mensuratum est contra rationem infiniti. Se-
 cundò quod sit mensura essentiae & veritatis:
 & hoc modo scientia Dei est mensura omnium
 rerum. In tantum enim unumquodque de ve-
 ritate suæ naturæ habet, in quantum Dei scien-
 tiam

tiam imitatur : quemadmodum artificiata in-
tantum sunt perfecta, inquantum arti concor-
dant & conformia sunt. Scientia autem Dei se
habet ut ars respectu artificiatorum, unde est
mensura essentiae & veritatis omnium rerum.
Neque hoc implicat, quia dato, quod sint ali-
qua infinita actu secundum numerum, puta in-
finiti homines, vel secundum quantitatem con-
tinuam, ut infinitus aër, tamen est manifestum
quod eorum esse finitum sit ac determinatum,
ad aliquam determinatam speciem & naturam:
unde mensurabilia erunt per Dei scientiam, &
cognitionem.


18. Resp. ad conf. mensurationis rationem in
hoc consistere, quod fiat certitudo de quanti-
tate alicujus determinatâ : sic autem Deus in-
finitum non cognoscit, ut aliquam ejus deter-
minatam quantitatem sciat, quia illam non
habet : sed quia nihil ejus extra cognitionem
divinam est. Vnde rationi infiniti non repug-
nat quod à Deo sciatur.

19. Arg. 3. contra 2. nam D.Thom.in 1. dist. 39.
q. 1. art. 3. quod Deus infinita sciat per scientiam
simplicis intelligentiae, non autem per scien-
tiam visionis. Idem docet in 3. dist. 14. art. 2.
quaestiuinc. 2. ad 2. *Dicendum*, inquit, *quod*
Deus infinita non scit per visionis scientiam. Idem
reperit ibid. quaestiuinc. 4. ad 2. & lib. 1. cont.
gent. c. 69. *Sciendum est*, ait, *quod Deus infinita*
non cognoscit scientia visionis, ut verbis aliorum
utar; quia infinita non sunt actu, nec fuerunt, nec
erunt: quum generatio ex neutra parte sit infi-
nita, secundum fidem catholicam: scit tamen infi-
nita scientia simplicis intelligentiae, prout scit etiam
quae non sunt; scit enim Deus infinita, quae nec
sunt,

Art. XII. An Deus pos. cogn. infi. Cap. II. 283
sunt, nec erunt, nec fuerunt, quæ tamen sunt in po-
sentia creatura.

Conf. quod non est, non scitur scientiâ vi- 20.
sionis : sed res infinitæ actu non sunt : ergo
per scientiam visionis à Deo sciri nequeunt.

Resp. ad arg. in Tabula aurea dub. 477. quod 21.
scientia visionis Dei est de omnibus rebus;
quæ aliquando sunt, ideo accipiendo omnia
entia, tam de genere substantiæ, quam de ge-
neribus accidentium, de quibus constat, quod
erunt infinita, propter infinitas cogitationes,
affectiones, & loquutiones, quæ multiplica-
buntur in infinitum in beatis, & in damnatis
in perpetuum duraturis, etiam remotâ æterni-
tate generationis ante & post, idèd scientiâ vi-
sionis Deus infinita scire dicitur. Si verò acci-
piantur entia completa, & subsistentia, scil.
supposita, patet quod sint finita, si generatio
incepit, nec semper durare debeat, ut fide tene-
tur. Et hoc pacto intelligendus est D. Thom.
in præallegatis locis asserens, quod Deus infi-
nita per scientiam visionis non cognoscat. Ita
illum explicat Ferrara *dicto lib. 1. cont. gent.*
cap. 69. Resp. ad Conf. quod licet hujusmodi
res non sint simul actu infinitæ in propriâ na-
turâ, sunt tamen actu simul in Dei scientiâ &
præsentialitate, ratione cujus dicitur per scien-
tiam visionis infinita scire.



ARTICVLVS XIII.

*Vtrum scientia Dei sit futurorum
contingentium.*

I.
1. p. q. 83.
art. 1.
opusc.
cap. 140.
lib. 6.
ethic.
lect. 2.



CONTINGENTIA futura dupliciter considerari possunt: primò secundum rationes eorum universales; quo pacto necessitatem quandam sortiuntur, seu in eis aliquid necessitatis reperitur. Cujus ratio est, quia ratio universalis penes abstractionem formæ à materia sumitur, quæ est individuationis principium; sicuti contingens rationem materiæ potentialitatis ad esse consequitur, quia contingens est quod potest esse & non esse: sed ea quæ formam consequuntur ex necessitate insunt: contingentium igitur rationes universales necessarias esse oportet, & hoc modo certum est, non solum à Deo, sed etiam ab intellectu creato certò atque scientificè cognosci. Secundò usurpantur in particulari, & prout contingentia sunt, & de ipsis hoc modo acceptis impræsentiarum est sermo. Vnde S. D. q. 2. de verit. att. 12. dubium istud sub his verbis proponit: *Vtrum Deus singularia futura contingentia cognoscat.* Circa hunc articulum plura scitu dignissima disputanda occurrunt, quæ sequentibus capitibus explicabuntur.

C A P V T P R I M V M.

*Quid sit futurum, quidve contingens,
& quotuplex.*

§. I.

Quibusdam adnotatis deciditur questio.

Sciendum est, necessarium & contingens 2.
Esse quasdam reales entis differentias inter 1. p. q. 115.
se pugnantes. Eapropter sicut necessarium di- q. 2. de
citur, quod est immutabiliter determinatum verit.
ad unum, seu quod aliter se habere non potest; art. 12.
ita è converso illud contingens nuncupatur, q. 22. a. 6.
quod nō est immobiliter, seu immutabiliter de- 6. Me-
terminatum ad unū, sed potest esse & non esse, taph.
ut dicitur 6. *Metaphys.* Ea propter contingens lect 8.
cum possibili coincidit, prout ipsum possibile
necessario contradictoriē opponitur. Duplici-
ter autem intelligi potest, rem posse esse & non
esse; Primò per ordinem ad absolutam & ex-
traordinariam Dei potentiam: quā ratione
omnes creaturæ, etiam incorruptibiles, ut An-
geli, & corpora cœlestia possunt esse & non
esse, seu contingunt esse. Alio modo per ordi-
nem ad suas causas proximas, & solitum na-
turæ cursum rebus ipsis à Deo præfixum, &
præstitutum. Cū dicitur, contingens se ha-
bere ad utrumlibet, seu posse esse & non esse,
hoc secundo modo intelligitur.

Sciendum est secundo contingens dupliciter 3.
considerari posse: primò in ratione entis, quo
facto

pacto dicitur contingens omne id, quod quantum est ex propria natura & ab intrinseco, deficere potest, habetque principium intrinsecum non essendi. Et hæc contingentia est rebus essentialis: nam invariabiliter rebus competit, itaut in quocunque statu res contingens ponatur, sit semper contingens. Secundo modo sumi potest in ratione causæ & effectus: & tunc dicitur contingens illa causa, quæ vel ex se indeterminata est, & ad utrumlibet se habet, ut causa libera: vel esto ad unum determinata sit, tamen immobiliter non agit, sed impediri potest ab extrinseco, seu ab alia causa. Effectus verò dicitur contingens, qui ab huiusmodi causa procedit, quæ impediri potest; vel ex se indeterminata est, & ad utrumlibet se habens. Primo modo arboris floritio dicitur contingens; quia esto causa illius sit ad unum determinata, tamen impediri potest ab aliquo extrinseco, ne talem producat effectum, puta gelu, grandine, &c. Secundo modo effectus liberi à voluntate creata procedentes dicuntur contingentes.

4. Itaque licet per ordinem ad causam proximam operantem ex necessitate naturæ nullus effectus ab intrinseco, seu per intrinsecam ejusmodi causæ virtutem contingens esse possit, quia illa ex natura sua est ad unum determinata; nihilominus tamen contingens esse potest ex defectu, aut imperfectione huiusmodi causæ, quæ impediri potest ex concursu vel oppositione alterius causæ, ut in exemplo allato de floritione arboris manifestè patet. Quamvis enim huiusmodi causa, videlicet planta, necessariò floreat, seu floritionem agat, impo-
tens

tens nihilominus est ad resistendum omni contrariæ causæ sibi ocurrenti; vel ad vincendam, atque superandam omnem vim aut resisten-
tiam, quæ sibi ab alia causa inferri potest: ac proinde ex hoc capite contingere potest, ut non eveniat effectus, qui alioquin eveniret. Quapropter hujusmodi effectus dicitur contin-
gens, non ex virtute, sed potius ex defectu virtutis suæ causæ, quæ impedibilis est. Et hoc modo in effectibus causarum naturalium sensibilibum ac corruptibilium Philosophi con-
tingentiam admittunt. Vnde possunt ejusmodi effectus dici contingentes potius extrinsecè, seu ab extrinseco, quam intrinsecè & per pro-
prium ipsius causæ virtutem, quæ sit suapte na-
turâ indifferens, seu indeterminata, & ad utrum-
libet se habens.

Effectus contingens tripliciter dicitur: alius
est contingens ut in pluribus; alius ut in pau-
cioribus; alius ad utrumlibet, hoc est ad
utramque contradictionis partem æqualiter se
habens. Et hic tertius magis propriè contin-
gens dicitur: nam qui contingit, ut in pluri-
bus, ad necessarium accedit: qui ut in pau-
cioribus accedit, vix ab impossibili elongatur.
Effectus iste contingens sic explicatus duplici-
ter considerari potest; primò in seipso, quate-
nus jam est actu extra suas causas, & hoc mo-
dò non est futurus, sed jam præsens; nec con-
sideratur ut indeterminatus ad utramque par-
tem, sed ut determinationem habens actualem
ad unum, quæ tamen determinatio simpliciter
ab eo contingentiam non aufert. Secundò ut
est in suis causis, & nondum in actu existens
in propriâ naturâ; & hac ratione consideratur
ut

ut futurum, & ad utrumlibet se habens absque determinatione ad alteram contradictionis partem. Hanc triplicem contingentiam insinuat S. D. q. 16. de malo art. 7. ubi ait: *In causis suis sunt aliqua futura tripliciter. Vno modo secundum potentiam tantum: quia scil. aequaliter possunt esse vel non esse, quae dicuntur contingentia ad utrumlibet. Quaedam verò sunt in causis, non solum secundum potentiam, sed secundum rationem causae activae, quae non potest impediri à suo effectu, & hac dicuntur ex necessitate contingere. Quaedam verò sunt in causis & secundum potentiam, & secundum causam activam, quae potest impediri à suo effectu, & ista dicuntur contingere ut in pluribus.* Idem docet q. 12. de verit. art. 12. c.

6. Quantum ad naturam ipsius futuri, sive futuritionis spectat, eam non eodem modo explicant Authores. Duæ sunt principales de hac re sententiæ. Prima docet futuritionem nil aliud esse, quam tendentiam quandam, seu habitudinem, quam res prout in causâ, habet ad seipsam, ut erit in suo tempore præsens; cuius tendentiæ & habitudinis fundamentum est ipsa res possibilis, prout est intra causam; terminus verò est ipsa rei existentia, prout suo tempore extra causas ponenda. Ita S. Suarez *prologem. 2. de gratia* cap. 7. n. 7. & 25. & alij Recentiores. Secunda sententia asserit, futuritionem consistere in determinatione causarum ad rem extra causas pro aliqua duratione ponendam. Ita communiter Thomistæ, & alij, quos citat & sequitur Illustris. Godoy *hic tract. 4. disp. 33. §. 1. n. 4.*

7. Concl. Rem esse futuram de formali dicit præparationem & determinationem causarum ad

Art. XIII. An scient. Dei sit, &c. Cap. I. 289
 ad illius productionem. Vnde Futurum dicitur,
Quod est determinatum in causa ad habendum
existentiam pro duratione sequenti. Ita sumitur ex
 D. Th. q. 2. de verit. art. 12. ad 7. ubi ait : *Cum*
dicitur, hoc est futurum, vel fuit futurum, de-
signatur ordo, qui est in causis illius rei, ad pro-
ductionem ejus. Quamvis autem causa, qua sunt
ordinata ad aliquem effectum, possint impediri, quod
non sequatur effectus, tamen non potest impediri,
quin fuerint aliquando ad hoc ordinata. Idem infi-
 nuat q. 12. de verit. art. 10. in c. & solut. ad 7.
 ubi ait : *Dicendum, quod aliquid potest dici esse*
futurum, non solum ex hoc, quod ita erit, sed quia
ita est ordinatum in causis suis, ut sic sit futurum;
sic enim medicus dicit; iste sanabitur, & iste mo-
rietur; & si aliter contingat non falsum dixit, sic
enim tunc futurum erat ex ordine causarum, quod
tamen possibile est impediri, & tunc, quod prius
futurum fuerat, consequenter non erit futurum. Vnde
Philos. dicit in 2. de Genet. quod futurus quis in-
cedere, non incedet.

Ratio est : quia res considerari potest ut ha- 8.
 bens esse in se, sive in propriâ naturâ, & ut
 in causâ suâ; sed ut habet esse in se, sive in pro-
 priâ naturâ, jam futura non est, sed præsens &
 existens, sive sistens in se; superest ergo ut fu-
 tura esse dicatur, quatenus in causâ suâ habet
 esse; sed in causâ aliquid continetur, ut deter-
 minatâ ad unum, vel indeterminatâ ad essen-
 dum, vel non essendum pro aliquo tempore :
 igitur cum futurum non contineatur in causis
 secundum se indeterminatis, & prout impor-
 tatur mera non repugnantia ad esse (hoc enim
 est proprium ipsius merè seu purè possibilis,
 quod ita nuncupatur, quia non repugnat esse)

superest ut dicatur futurum, prout in causâ determinatum est ad habendum esse pro tempore aliquo, seu duratione sequenti.

9. Nec valet dicere, rem non esse, aut denominari futuram ex determinatione causæ, sed ex habitudine ad existentiam pro aliquo tempore habendam. Non, inquam, valet: quia sicut ipsa res futura non est actu, nec habet esse, nisi in causa; ita in eâ secundum se considerata non est aliquid huiusmodi intrinsecè competens, sed totum hoc extrinsecè à causâ efficiente habet: oportet igitur causam illam, in qua esse habet, determinatam esse, alioquin nulla certa habitudo ad existentiam pro aliquo tempore habendam admitti poterit in ipsa re, quæ futura denominatur.

10. Conf. Rem esse futuram est aliquid reale: sed hæc realitas desumi nequit ab intrinsecâ formâ rei quæ futura est: ergo debet desumi à realitate causæ prout determinata est ad illius productionem, vel ordinata ad dandam illi existentiam pro aliquâ duratione: nam tali præparatione & ordinatione ablatâ res manet in statu puræ possibilitatis, & omnino indeterminata ad esse & non esse pro aliqua duratione sequenti.

§. II.

Quedam evasiones præcluduntur.

11. **V**ariè huic rationi conantur obviare oppositæ sententiæ Authores. Quidam, ut P. Vasquez *hic disp.* 65. c. 4. n. 21. docent rem esse futuram non esse aliquid reale præsens, sed esse quid futurum. Vnde non est necessarium quòd sit

Art. XIII. An scient. Dei sit, &c. Cap. I. 291
 fit præsens forma à qua res ipsa futura, seu in
 ratione futuræ constituatur. Sed in contrarium
 obstat imprimis D. Thom. quæst. 12. de verit.
 art. 10. ad 2. ubi ait : *Dicendum quòd omnis pro-*
phetia divinam præscientiam habet quasi radicem;
sed cum in divina præscientia sit cognitio ordinis,
& eventus, quadam prophetia derivatur ex una
parte, quadam ex alia. Præscientia verò Dei se-
cundum hoc propriè præscientia nomen habet, quòd
ad eventum respicit, qui futurus est; ordo enim ad
eventum est in presenti; unde de eo magis est scien-
tia, quam præscientia; & sic illa prophetia, qua or-
dinem respicit, non dicitur secundum præscientiam;
sed solum illa, quæ est secundum eventum. Ex qui-
 bus sic : si rem esse futuram non esset aliquid
 reale præsens, nempe actualis ordo & dispositio
 causarum ad effectum, sed quid futurum dun-
 taxat, omnis prophetia esset secundum præ-
 scientiam tantum : sed hoc est contra commu-
 nem Theologorum sententiam, quæ ex D.
 Hieronymo desumpta est, distinguente prophe-
 tiam, in prophetiam prædestinationis, præ-
 scientiæ, & comminationis : ergo rem esse
 futuram non est aliquid duntaxat reale futu-
 rum, sed præsens. Sequela prob. Præscientia
 propriè dicitur, quia ad eventum respicit qui
 futurus est : ergo si rem esse futuram nil aliud
 dicit nisi futurum eventum, qui est aliquid
 reale futurum, omnis prophetia erit præ-
 scientiæ.

Conf. prophetia comminationis non res- 12.
 picit rem, quæ reipsa futura sit, ut patet de D. Th.
 Prophetia subversionis Ninive, de qua Ionæ 3. c. loc. cit.
 Et cæpit, ait, *Jonas introire in civitatem itinere*
diei unius, & clamavit & dixit; Adhuc quadra-

292 *Quaest. XIV. De Scientia Dei,*
ginta dies, & Ninive subvertetur : Quod tamen
reipsâ non evenit, quia egerunt pœnitentiam,
& vidit Deus, inquit, opera eorum, quia con-
versi sunt de via sua mala, & misertus est Deus
super malitiam, quam locutus fuerat, ut faceret
eis, & non fecit : ergo illa prophetia solùm
respicit actualem ordinem & dispositionem
causarum, secundùm quam res futura est ; quia
videlicet nihil aliud prophetæ revelatur, nisi
quod secundùm ea quæ nunc sunt, talis ad hoc
vel illud est ordinatus : ergo rem futuram esse
côstitit in tali ordine, & determinatione actuali
causarum, & non in aliquo reali futuro. Quan-
doque (ait S. D.) à divina præscientia derivatur
prophetia ratione ordinis causarum ; quandoque
verò ratione executionis vel impletionis illius or-
dinis. Cùm ergo fit prophetica revelatio solummo-
do de ordine causarum, dicitur prophetia commi-
nationis : tunc enim nihil aliud Propheta revela-
tur, nisi quòd secundùm ea, quæ nunc sunt, talis
ad hoc, vel illud est ordinatus. Impletio verò or-
dinis causarum fit dupliciter. Quandoque quidem
ex sola operatione d'vine virtutis, ut suscitatio
Lazari & conceptio Christi, & huiusmodi, & se-
cundùm hoc est prophetia predestinationis... Qua-
dam verò explentur operatione causarum aliarum,
sive naturalium, sive voluntariarum : & hac in-
quantum per alias causas complentur, non sunt præ-
destinata, sunt tamen præscita. Vnde horum dici-
tur esse prophetia secundùm præscientiam. Itaque
prophetia comminationis non respicit exitum,
seu impletionem ordinis, sed solùm ordinem
causarum ; sed tamen versatur circa futurum :
ergo esse futurum non consistit nisi in ordine
& dispositione actuali causarum ad eventum
futurum,

Art. XIII. An scient. Dei sit, &c. Cap. I. 293
futurum, & non in ipso exitu eventus, illiusque impletionem, aut in aliquo reali futuro.

Conf. 2. cum prædicitur aliquid secundum prophetiam comminationis, multoties absolute annunciatur, ut patet in prophetia Esaiæ, cum prophetice ad Regem Ezechiam dixit: *Dispone domui tue, quia morieris & non vives*: ibi enim mors futura absque ulla conditione prædicebatur: sed non annunciatur absolute futurum, quia ita in re eveniet, neque enim mors illa evenit: ergo ita annunciatur absolute futurum, quia ita est ordinatum actu in causis ut fiat: ergo rem esse futuram consistit in actuali ordinatione, & determinatione causarum ad productionem rei. Ita S. D. *Dicendum*, ait, *quod si prophetia comminationis referatur ad ordinem causarum, quem directe respicit, sic est absque omni conditione. Absolute enim est ita ordinatum esse in causis, ut hoc contingat: Si autem referatur ad eventum, quem respicit indirecte, sic intelligenda est sub conditione causa &c.* Et ad 10. *Dicendum*, inquit, *quod prophetia illa (nimirum Isaïæ) fuit secundum comminationem. Et quamvis non esset conditio explicitè proposita, est tamen illa denunciatio (scil. morte morieris) sub implicita conditione intelligenda, scil. tali ordine rerum remanente.* En quomodo posito ordine atque dispositione causarum, & eo remanente, ponitur, & remanet res futura, & eo ablato futura non est: ergo in tali ordine actuali consistit, & non in aliquo reali futuro. Adde quod secundum sensum literalem intellecta illa prophetia erat vera: sed ex eo quod res est vel non est, enunciatio dicitur vera, vel falsa: ergo cum mors illa non esset nisi secundum ordinem causarum

137

Qu. 12.
de verit.
art. 10.
ad 8.

cerrò futura, & non secundum eventum rei, secundum ordinem causarum debet attendi veritas illius prophetiae, & subinde futuritio illa.

14. Rejicitur secundo praedicta solutio: etsi res futura non sit in propria natura existens, & physicè praesens futuritionis tempore, tamen futuritio illius pro tunc est praesens: sed est aliquid reale cum denominet realiter & actu rem futuram: ergo rem esse futuram non est aliquid reale futurum, sed actu praesens, nimirum actualis ordo causarum, etiam futuritionis tempore. Maj. prob. tum quia absolutè dicitur hoc est futurum, ubi *ly est*, non notat solam veritatem enunciationis, sed esse ipsius futuritionis, seu modum quandam quo res esse habet actu in causa, ut suo tempore in propria natura existat. Tum etiam, quia eo ipso quod futuritio sit aliquid reale, debet ei pro aliquo tempore existentia suo modo actu convenire: sed non pro eo tempore, quo res est actu praesens, & in propria natura existens, quia tunc jam futuritio non est, sed praeteriit: ergo futuritionis tempore debet esse actu praesens, & existens, non quidem ratione sui, sed in ipso nunc quod est substantia temporis. Videnda sunt quae diximus tomo 3. clypei Philos. q. 14. art. 2.

15. Respondent alij cum P. Suarez *ubi supra* illud reale, à quo res denominatur realiter futura, esse habitudinem quandam, quam res, prout est in causâ, habet ad existentiam, ut futuram determinato tempore, ad quam habitudinem status rei in causa, non ut formâ, sed ut fundamentum, & veluti subjectum comparatur, & ut terminus existentia in determinato tempore habenda.

habenda. Sed contra primò quia, ut diximus, futurum quod respicitur à prophetia comminationis non dicit habitudinem ad existentiam futuram suo tempore absolute, quia nunquam erit : ergo solùm dicit ordinem ad illam stante ordine, & dispositione causarum : ergo ordo & dispositio causarum ad futurum evenum constituit rei futuritionem, & non hujusmodi habitudo. Secundò quia res nequit essentialiter constitui per habitudinem ad illud quod indirectè se habet : sed quod rei futuræ existentia ponatur, vel non ponatur in re, indirectè ad rationem fururi se habet, quia esto non ponatur, remanet formaliter futurum, ut ex S. D. dictum est : ergo nequit futurum per se essentialiter per ejusmodi habitudinem constitui.

Terriò, quia ista habitudo est actu aliquid reale ipso futuritionis rei tempore : sed non est quid reale intrinsecum rei futuræ in se consideratæ, quia tunc actu nihil est : ergo solùm est aliquid reale, quatenus contentum in causâ, ut præparatâ actu, & dispositâ, seu ordinatâ ad rei productionem, & eventum : quia quidquid habet esse actu quodammodo, vel illud habet esse in propriâ naturâ, vel in causâ ut determinatâ, & ordinatâ actu ad illud esse, per quam determinationem effectus è statu puræ possibilitatis ad statum futuritionis actualis transit.

Resp. P. Suarez *ubi supra* num. 25. istum ordinem, neque esse determinationem causæ ad dandam existentiam, quia hæc determinatio effectuum conringentiam tollit ; nec esse rem aliquam actu existentem, cum supponatur res futura, in esse tantùm possibili ; sed esse quan-

dam habitudinem rei, prout est in causa, ad seipsam in propria natura, sive prout erit suo tempore præsens, qui ordo secundum mentis nostræ compositionem est quid rationis: in mente autem Dei est objectiva præsentia, quam illud esse habet in æternitate, ratione cujus veritas illa per modum præsentis cognoscitur, etsi in ordine ad nos denominetur futura secundum varias temporis differentias.

18. Contra hanc solutionem, quantum ad id, quod de objectiva futurorum præsentia in mente Dei inculcat, fusè impugnabitur infra *cap. 5.* & modò breviter rejicitur: Non solum cognoscit intellectus divinus futura ut præsentia respectivè ad tempus, in quo exercitè existunt, sed etiam cognoscit illa pro tempore antevertente propriam durationem, ut verè futura nobis, & sibi præsentia: sed hæc futura ut sic cognita non solum habent esse objectivum in intellectu: ergo extra illum habet verum esse & reale in causis determinatis ad ipsorum productionem. Maj. est D. Thom. q. 3. de verit. art. 3. ad 1. de Sed contra: *Apud Deum, inquit, non currunt tempora, neque decurrunt, quia ipse sua æternitate, qua est tota simul totum tempus includit, & sic eodem modo cognoscit præsentia, præterita & futura. Et hoc est quod dicitur Eccles. 22. Domino Deo nostro nota sunt omnia antequam crearentur; sic & post perfectum cognoscit omnia.* Min. verò prob. tum quia, si futuritio solum haberet esse objectivè in intellectu Dei, aliter eam cognosceret, cum est præsens & existens, & aliter antequam existat, subindèque illius cognitio mutaretur, ut infra probabimus. Tum etiam quia esset ens rationis confictum à Deo, cum

Art. XIII. An scient. Dei sit, &c. Cap. I. 297
cùm ens rationis illud sit, quod tantùm habet
esse objectivè in intellectu; unde & Deus for-
maret entia rationis. Quinimmo tempus, quod
est verum ens reale, componeretur ex aliquo
rationis & objectivo, cùm futurum sit pars &
differentia ipsius temporis.

Respondent alij, habitudinem illam esse ali-
quid reale, non quidem realitate existentia, sed
realitate essentia, quæ rebus convenit ratione
sui, & non per denominationem à præparatio-
ne, & determinatione causarum. Sed contra
primò, quia ejusmodi realitas etiam merè possi-
bilibus competit, quæ tamen à futuris distin-
guuntur. Quòd si dixeris, purè possibile
dicere equidem ordinem ad existentiam, sed in-
determinatè, & non ut determinato tempore
habendam, per quod à futuris distinguuntur:
Contra est, quòd futurum dicat ordinem ad
existentiam pro determinato tempore habendam
non habet ex se: ergo habet ex determi-
natione causæ. Antec. prob. tum quia si habe-
ret ex se determinationem ad existentiam pro
determinato tempore habendam, non posset
non tali tempore illam habere, quia quod per
se convenit, necessariò convenit, & aliter se
habere non potest: sed contingit aliquid esse
futurum, & tamen quòd determinato tempore
non habeat existentiam, ut futura mors Eze-
chiae, quemadmodum dictum est supra: ergo
id non habet ex se. Tum etiam quia futurum
in se nihil est: ergo neque in se determinatio-
nem illam habere potest: ergo habet illam in
causa sua, quia ab alio habere non potest.

Ex his facilè confutatur opinio asserentium,
futuritionem nil aliud esse, quam negationem
illius

19.

20.

illius durationis, in quâ propria existentia erit, vel ipsum tempus præsens, ut antevertens propriam rei durationem. Etenim ab eo aliquid constituitur in ratione futuri, à quo statu possibilitatis extrahitur, & transit ad statum, quo ordinatur ad existentiam pro aliquo tempore habendam: sed neque à tempore præsenti, neque à negatione propriæ durationis sic determinatur: ergo à determinatione causarum, & præparatione atque dispositione earum ad tribuendam illi existentiam. Maj. patet, quia futurum dicitur, quod dicit habitudinem ad existentiam pro aliquo tempore habendam, & merè possibile quod talem habitudinem non dicit, sed purè dicit posse esse: ergo per illud constituitur aliquid in ratione futuri, à quo de statu possibilitatis extrahitur, & determinatur ad existentiam pro aliquo tempore habendam. Min. verò prob. tum quia tempus præsens opponitur futuro, sicut & negatio enti: sed nihil determinatur aut constituitur à suo opposito: ergo non determinatur res ad habendam existentiam pro aliquo tempore à tempore præsenti, vel negatione durationis. Tum etiam quia negatio fundatur in aliqua affirmatione: ergo negatio illa propriæ durationis præsupponit aliquid positivum spectans ad futuri constitutionem. Tandem, quia tam tempus præsens, quam negatio propriæ durationis similiter verificantur de re purè possibili, verum est namque dicere, quod alius mundus possibilis est modò, & modò caret propriâ duratione: ergo, &c.

21. Ex his sequitur, quodd cùm inter omnes causas efficientes sola prima causa sit simpliciter deter

Art. XIII. An scient. Dei sit, &c. Cap. I. 299
determinata, infallibilis atque immutabilis,
per habitudinem ad illam aliquid simpliciter
& absolute futurum dicitur, ut infra ostende-
mus. Per habitudinem verò ad causas secundas,
quæ suapte natura sunt fallibiles, ac mutabiles,
non constituitur aliquid simpliciter & absolute
futurum sed secundum quid. Quapropter per
habitudinem ad istas absolute & simpliciter
dici nequit, quòd hoc erit, ut notavit D.Th.
dicens: *Deus pronuntiat aliquid futurum secun-*
dum quòd continetur in ordine causarum inferio-
rum, putà secundum dispositionem natura vel me-
ritorum, quod tamen non fit; sicut cum Isaias præ-
dixit Ezechia, dispone domui tue, quia morieris
& non vires, ut habetur Isaia 28. cap. Neque ta-
men ita evenit, quia ab eterno fuit in scientia &
voluntate Dei, qua necessaria, & immutabilis est.
Inter causas autem efficientes secundas, cum
sint aliquæ naturaliter ac necessariò operantes,
& aliæ contingentes ad utrumlibet se habentes,
per ordinem ad illas dicitur aliquid absolute
& simpliciter in tali genere futurum; per
ordinem autem ad istas aliquid dicitur futurum
secundum quid, & cum addito, videlicet futu-
rum contingens, ut sumitur ex D.Thom. 1.
dist. 18. q. 1. art. 5. & infra q. 19.

Sequitur secundo quòd licet futurum, in- 22.
quantum futurum est, in causis suis nonnullam
determinationem habere debeat, tamen ut con-
tingens est, ad utrumlibet se habet. Aliunde
enim sumitur futuritio, & aliunde contingen-
tia. Nam futuritio sumitur per ordinem ad cau-
sam efficientem, cum proximam, cum primam.
Per ordinem quidem ad proximam, quatenus
est agens per formam secundum quam habet
determi

300 *Quaest. XIV. De Scientia Dei*,
determinationem quandam, ac præparationem
ad agendum talem, vel talem effectum, secun-
dum quem actu est, qui tamen secundum se
impedibilis est, licet per ordinem ad causam
primam, & prout subjacet illius divinæ
scientiæ & voluntati impediri non possit. Con-
tingentia verò sumitur à potentialitate, cui cau-
sa secunda necessario admixta est, cum non sit
suum esse, & actus purus.

§ III.

Solvuntur argumenta.

23. **A** Rg. 1. causam esse ordinatam & præpara-
tam ad rei productionem per modum
actus primi idem est atqui rem habere esse
in causa determinata: sed rem habere esse in
suâ causâ, hoc aut illo modo determinatâ, non
est idem atqui illam esse futuram: ergo deno-
minatio futuritionis non provenit formaliter à
causâ ut ordinatâ, præparatâ, ac dispositâ ad
ipsius rei productionem. Min. Prob. 1. nam ha-
bere esse in causâ non est futurum sed præsens:
ergo non est idem habere esse in causa ut præ-
parata & disposita, atqui esse futurum. Prob. 2.
quia aliàs posset Angelus cognoscere futura,
quantum ipsa cognoscibilia sunt; cum possit
comprehendere ipsum esse quod habent in cau-
sis; quod omnino falsum est. Prob. 3. quia aliàs
non posset Deus certò cognoscere futura con-
tingentia quoad eventum futurum, quod ab-
surdum & falsum est: etenim solum cognos-
ceret, quòd habent esse in causâ, ut indiffe-
renti ad utrumlibet, vel ad summum ut magis
inclinatâ ad unam, quam ad aliam partem, ex
quo

Art. XIII. An scient. Dei sit, &c. Cap. I. 301
quo nullatenus sequitur infallibiliter eventus
futurus.

Conf. 1. Si rem esse futuram consisteret in
præparatione & ordinatione causarum ad illius
productionem, sequeretur posse aliquid in tem-
pore fieri, quod antecederet non fuisset fu-
turum, & posse aliquid esse futurum, quod ta-
men nunquam foret præsens: sed, consequens
est falsum & absurdum: ergo futurum consti-
tui nequit per hoc, quod est habere esse in cau-
sa determinatâ & dispositâ ad illius productio-
nem. Sequela prob. quoad 1. partem: nam pos-
set aliquid in tempore fieri, ad quod non præ-
cederet in causâ determinatio & inclinatio ad
unam partem magis quam ad aliam, sed om-
nimoda indifferentia, ut patet in actu libero
nostræ voluntatis, quæ æqualiter se habet ad
utrumlibet: ergo si futuritio consistit in præ-
paratione, & inclinatione causarum ad rei pro-
ductionem, poterit dari aliquid, quod sit præ-
sens, & toto tempore præcedenti non fuerit
futurum. Quoad 2. part. etiam prob. nam con-
tingere potest, causam esse inclinatam ad ali-
quid, & tamen quod in re non ponatur, sed
ejus oppositum, ut in causis contingentibus
& liberis multoties contingit: ergo si in incli-
natione & determinatione causarum ad rei pro-
ductionem rerum futuritio consistit, continge-
re poterit, quod res futura nunquam præsens
existat.

24.

Conf. 2. non est idem rem esse possibilem at-
qui habere esse in causâ, ut potente producere
illam; aliàs rerum possibilitas esset denomina-
tio quædam extrinseca à potentia activa pro-
veniens, cujus contrarium asserit D. Thom. eò
quod

25.

1. p. q. 25.
art. 3. &
q. 1. de
pot. ar.

quod ex tali positione circulus vitiosus pullularet : ergo pariter non est idem rem esse futuram , & habere esse in causâ præparatâ & dispositâ ad illius productionem.

26. Conf. 3. Istæ duæ propositiones , *Res habet esse in causa preparata & disposita* , & *Res est futura* , non sunt Synonimæ : ergo in significatis illorum est aliqua diversitas ; & subinde non est omnino idem, rem habere esse in causa præparata atqui illam esse futuram.

27. Resp. ad arg. neg. min. Ad 1. prob. dist. antec. habere esse in causâ non est futurum sed præsens , præsentialitate rei in se , seu in propriâ naturâ , nego antec. præsentialitate ordinis ad eventum rei in se , concedo antec. & nego consequ. Sumitur ex D. Thom. quæst. 12. de verit. art. 10. ad 2. ubi ait : *Præscientia Dei secundum hoc propriè præscientia nomen habet , quòd ad eventum respicit , qui futurus est ; Ordo enim ad eventum est in præsentia. Vnde de eo magis est scientia quam præscientia ; & sic illa prophetia , quæ ordinem respicit , non dicitur secundum præscientiam , sed solum illa , quæ est secundum eventum.*

28. Ad 2. prob. resp. ex S. D. quòd Angeli cognitione naturali illa tantum per formas innatas futura præscire possunt , quæ in causis naturalibus sunt determinata , vel in una tantum causa , vel in collectione plurium : quia aliquid est contingens respectu causæ unius , quod respectu concursus plurium causarum est necessarium ; Angeli autem omnes causas naturales cognoscunt. Vnde quædam , quæ contingentia videntur , aliquibus eorum causis pensatis , Angeli ut necessaria cognoscunt , dum omnes causas ipsorum cognoscunt. Cætera autem contingentia,

q. 12. de
verit.
art. 13. c.

Art. XIII. An scient. Dei sit, &c Cap. I. 303
tingentia, quæ ad utrumlibet sunt, nonnisi conjecturaliter præscire possunt, quia cognitione naturali certò non attingunt collectionem omnium causarum, à quibus determinationem sortiuntur. Sed de his infra q. 57.

Ad 3. prob. resp. ex S. D. quod omnes effectus futuri, qualescunque sint eorum causæ proximæ, tamen in causa prima omnes sunt determinati, quæ sua præsentia omnia intuentur, atque sua providentia omnibus modum imponit, & ratione hujus certò à Deo sciri & cognosci possunt, ut latius infra dicetur.

Resp. ad 1. conf. neg. sequelam, ad cujus primæ partis prob. dist. antec. potest aliquid in tempore existere, ad quod non præcedat in causa inclinatio ad unam partem magis quam ad aliam, considerata ipsa causa absolutè, concedo: considerata causa ut subest præscientiæ & ordinationi Dei decernentis quod hoc futurum sit, nego antec. & consequ. Paret hoc in sanitate restituta Regi Ezechix, ad quam non erat inclinatio & dispositio in causis proximis absolutè consideratis, immo secundum dispositionem hujusmodi causarum è vita excedere debebat; tamen secundum dispositionem causæ primæ, erat futura, & in causis proximis ut stantibus sub præscientia, & ordinatione Dei erat dispositio ad salutis restitutionem; ut sumitur ex D. Thom. 2. 2. q. 171. art. 6. ad 2. & 3. Similiter ad prob. 2. part. resp. 1. concessio antec. dist. consequ. contingere poterit, quòd res futura nunquam existat, in se, seu in propria natura, concedo: quantum ad ordinem, & determinationem ipsius causæ ad productionem illius rei dispositæ & ordinatæ, nego consequ.

Ita

29.

Loc. cit.
& in hoc
art. 6.

30.

Ita S. D. supra cit. ex q. 2. de verit. art. 12. ad 7. Resp. 2. Si causa sit adæquatè inclinata, id est, tam secundùm se, quam secundùm ordinationem causæ primæ, nego antec. si sit inclinata inadæquatè & quoad dispositionem causarum secundarum duntaxat, concedo antec. Et dist. conseq. si sit res futura simpliciter, & per ordinem ad dispositionem, non modò causarum secundarum, sed etiam primæ, nego conseq. si sit futura secundùm quid, inadæquatè, & per ordinem ad causam secundam duntaxat, concedo conseq. Sumitur ex D. Thom. q. 12. de verit. art. 10. ad 12. ubi ait: *Causa superiores, quæ sunt rerum rationes in divina præscientia, nunquam deficiunt ab impletione suorum effectuum, sicut deficiunt causa inferiores: & ideo in causis superioribus cognoscuntur rerum eventus absolute, sed in inferioribus nonnisi sub conditione, videlicet, quod aliter non sit ordinatum à causa superiori.*

31

Resp. ad 2. conf. dist. antec. non est idem, rem esse possibilem possibilitate intrinseca, & habere esse in causa, concedo; possibilitate extrinseca, & per potentiam in alio, nego antec. & conseq. nam rem esse futuram non respicit rem in proprio esse, & in propria natura habentem esse, quia ut sic jam non est futura, sed præsens, sicut possibile respicit rem in se, ut dicit connexionem prædicatorum essentialium, seu intrinsecam non repugnantiam. Et subinde debet futurum dici tale per ordinem ad causam, non quomodocunque, sed ut quodammodo est determinata ad rei productionem.

32.

Resp. ad 2. conf. concessio antec. dist. conseq.
in

Art. XIII. An scient. Dei sit, &c. Cap. I. 305
in significatis illorum est aliqua diversitas rei
in se consideratæ, nego : diversitas rationis, &
intellectuum, concedo; sicut inter definitionem
& definitum nõ datur aliqua diversitas ex parte
rei conceptæ, quia dicuntur adinvicem ad con-
vertentiam, datur tamen diversitas intelle-
ctuum, quia unum se habet ut ratio alterius.
videnda sunt quæ ex D. Th. 2. Poster. lect. 5. di-
ximus tonto 1. Clypei philos. p. p. q. 5. art. 2.

Arg. 2. In hac propositione, *Antichristus est*
futurus, nulla realitas de præsentī enunciatur,
sed sola existentia illius pro determinato tem-
pore habenda : ergo futuritio non est aliquid
præsens, & consequenter consistere nequit in
præparatione & inclinatione causarum ad rei
productionem. Antec. prob. 1. ex D. August.
lib. 11. Confess. cap. 20. *Sed fortasse*, inquit,
proprie diceretur, tempora sunt tria, præsens de
præteritis, præsens de præsentibus, præsens de futu-
ris; sunt enim hæc in anima tria: ergo rem esse
futuram nihil reale est de præsentī, nec in se-
ipsâ, nec intra causam, aliàs haberet esse alibi
quam in anima, quod est contra S. D. Prob. 2.
In hac propositione, *Adam est præteritus*, nihil
de præsentī enunciatur, sed solùm negatio exi-
stentiæ, quam aliquando habuit : ergo pariter
in hac propositione, *Antichristus est futurus*,
nihil positivum reale de præsentī enunciatur,
sed sola negatio existentie pro nunc, quam
pro determinato tempore habiturus est. Prob. 3.
nam præsens, præteritum, & futurum sunt
differentiæ temporis : ergo si esse futurum ali-
quam formam realem de præsentī importat,
illa debet esse tempus modo præsens : sed ab
hoc nihil potest futurum constitui, sed tantum-

33.

modo præsens : ergo rem esse futuram nullam realitatem positivam importat futuritionis tempore de facto existentem.

34.

Conf. istæ duæ propositiones eundem sensum reddunt , idemque significare videntur , *Antichristus erit aliquando existens*, & *Antichristus est futurus* : sed in illa , *Antichristus erit aliquando existens*, nulla positiva realitas de præsenti enuntiatur : ergo neque in ista, *Antichristus est futurus*. Maj. prob. tum quia in ordine ad tempus præteritum idem est dicere , *Adam est præteritus* , ac dicere , *Adam habuit aliquando existentiam* : ergo pariter in ordine ad tempus futurum idem erit dicere , *Antichristus erit aliquando existens* , atqui dicere , *Antichristus est futurus*. Tum etiam quia participium de futuro ampliat subjectum ad illud, quod est vel erit ; sicut participium de præterito ad illud quod est vel fuit : ergo sicut ob dictam ampliationem participium de præterito nullam realitatem tempore præsenti existentem enuntiat de subiecto, ita pariter ob dictam ampliationem participium de futuro nullam realitatem de facto existentem poterit importare.

35.

Resp. ad arg. Illustriss. Godoy hîc disp. 33. §.4. neg. antec. Ad cujus 1. prob. ait , D. Augustinum loqui de re ipsa futura , quæ quoad suam entitatem nullibi est , nisi in mente per expectationem , non autem negat futuritionem talis rei esse præsentem futuritionis ipsius tempore. Ad 2. respondet neg. conseq. Ratio discriminis est, quia existentia præterita, cum jam fuerit in seipsa determinata , & extra causas producta , potest per seipsam absque aliquo reali positivo ab illa distincto de facto existenti constituere

constituere aliquid determinatum in ratione præteriti, & idcirco enuntians de aliquo rationem præteriti nihil positivum & reale de præsentī enuntiat, sed solam existentiam quæ fuit: existentia autem, quæ futura dicitur, cum nec in se determinata sit, nec aliquando fuerit, nequit ante se in tempore præsentī determinationem præstare; sed si aliqua determinatio futuritionis datur, debet à causarum determinatione præsentī provenire.

Quod si objeceris: determinatio existentiae, 36.
quæ fuit cum negatione præsentiae pro nunc, dat pro isto nunc determinationem ad esse præteriti: ergo determinatio existentiae quæ erit, cum negatione præsentiae pro nunc dabit per seipsum determinationem ad esse futuri. Resp. neg. consequ. ratio discriminis est, quia actualitas existentiae est prior denominatione præteriti, idcirco potest, licet non existat, istam denominationem & determinationem præstare: actualitas autem existentiae, & illius determinatio pro futuro tempore habenda est posterior tempore præsentī, pro quo aliquid dicitur futurum, & ipsâ futuritione, atque adeo nequit ante se talem denominationem, & determinationem præstare ratione sui, sed solum prout in causis contenta, & ratione determinationis causarum ad ejus productionem.

Ad 3. prob. respondet dist. antec. Præsens, 37.
præteritum & futurum sunt differentiae temporum, quoad id quod in recto importatur, neg. antec. quoad id quod importatur in obliquo, transeat antec. & dist. consequ. eodem modo. Itaque in hac propositione, Antichristus est futurus, futuritio, quæ in determinatione cau-

sarum consistit, in recto importatur, tempus autem ipsum futurum de connotato: & in hac, Petrus extra causas existit, Petri existentia in recto importatur, de connotato verò tempus præsens ut mensurans ejusmodi existentiam.

38. Ad Conf. resp. neg. maj. ad prob. 1. neg. antec. quia dispar ratio est de propositionibus in præterito, & in futuro, ut supra dictum est. Ad 2. autem prob. ait, non sequi, quod non possit participium de futuro ampliare subiectum ad illud, quod est, vel erit, si importet entitatem præsentem; quia, cum talis entitas extrinseca sit entitati futuræ, potest illam denominare de facto, etiam si non existat; cum res non existens capax sit denominationis extrinsecæ, ut patet in denominationibus voliti & intellecti, quæ reales sunt, & rebus non existentibus competunt.

39. Resp. 2. ad arg. neg. antec. nam ut ex S. D. diximus importatur ordo, & dispositio causarum ad existentiam pro aliquo tempore habendam. Ad 1. prob. resp. ex D. Thom. 4. Phys. lect. 23. *Quod sicut motus non habet esse fixum in rebus, nec aliquid actu invenitur in rebus de motu nisi quoddam indivisibile motus, quod est motus divisio: sed totalitas motus accipitur per considerationem anima comparantis priorem dispositionem mobilis ad posteriorem, sic & tempus non habet esse extra animam nisi secundum suum esse indivisibile. Ipsa tamen totalitas temporis accipitur per ordinationem anima numerantis prius & posterius in motu. Et ideo signanter dicit Philosophus, quod tempus non existente anima est utcumque ens. Dicimus itaque quod D. Augustinus non loquitur de tempore secundum suum esse,*

Art XIII. An scient. Dei sit, &c. Cap. I. 309
esse, sic enim est verumens reale, sed secundum deprehensionem animæ numerantis prius & posterius in motu, secundum quam numerationem totalitas ipsius temporis accipitur: quo pacto in anima habet esse. Videnda sunt quæ diximus tomo 3. clypei Philos. q. 14. art. 1. & 2.

Ad 2. prob. resp. neg. antec. enunciatur enim esse præteritum, quod licet secundum esse actu non sit aliquid reale, est tamen secundum substantiam ipsius nunc, ratione cujus habet tempus esse actu. Cujus rei gratiâ notandum est, quod ipsum nunc est quoddam indivisibile, non quidem permanens seu stans, sicut indivisibilia in magnitudine sunt permanentia; sed est indivisibile fluens, unde vocatur instans, quasi non stans: quod autem fluit, cum sit hîc & ibi, prius & posterius, necessariò habet diversum esse; sicut ubi fluens in motu locali est diversum secundum esse, licet secundum substantiam sit unum; in qualibet enim mutatione acquirit ipsum ubi distinctum esse, aliàs motu locali non mutaret locum, seu non acquireret novum locum, quia ad acquisitionem novi loci novum ubi acquiritur. Id autem quod est motus unum est. Hinc est quod ipsum instans, seu ipsum nunc in re non est terminus actu, eò quod non est interruptio temporis secundum suam naturam; sed solum est actu terminus per intellectum, vel secundum comparisonem ad motum aliquem terminatum. Ipsum ergo nunc substantia temporis dicitur, quia est id quod est tempus; præteritum autem & futurum non sunt id quod est tempus, sed partes ejus. Vnde sicut in toto permanenti ip-

40.

sum suppositum in re actu primò & per se est, seu existit, partes verò mediante ipso: ita in tempore id quod est, seu existit primò & per se, est ipsum nunc fluens seu instans; præteritum verò & futurum nonnisi ratione ipsius nunc, in quo secundum substantiam remanet idem tempus, licet non secundum esse, ut *ibid.* ostendimus. Vnde etiam cum dicitur, Antichristus est futurus enunciatur esse futurum, quod prout est differentia temporis est quid reale, & ut est ipsa res, est aliquid in causa ut actu ordinata & disposita ad rei productionem.

41. Ad 3. prob. resp. ex dictis concessio antecedenti, dist. consequ. debet esse tempus præsens, secundum suum esse sumptum, nego consequ. secundum substantiam ipsius nunc fluentis, & continuantis præteritum cum futuro, concedo consequ. Sub hac enim ratione est quid divisibile virtualiter, & hoc pacto reddet partes temporis existentes, non actu puro & simul, sed successivè, & quasi in fieri. Eapropter temporis ipsius partes sunt aliquid reale non simpliciter & completè, sed incompletè & in fieri, quia tempus est ens reale successivum cui competit existentia, non in actu completo & perfecto seu puro, sed actu incompleto, & immixto potentialitati, ut *ibidem* explicuimus.

42. Ad ultimam prob. resp. ut supra negando consequentiam. Ad 1. prob. negando anteced. Nam cum dicitur Antichristus est futurus, importatur in causa ordo per se, & dispositio ad rei productionem, quæ impediri potest, & sic non importatur per se quod aliquando erit, sed ex consequenti, & secundariò. Ad 2. prob. similiter dico per se primò non esse idem dicere,

Art. XIII. An scient. Dei sit, &c. Cap. II. 3 I
 cere, *Adam est præteritus*, & *Adam habuit ali-*
quando existentiam, sed indirectè, & conse-
 quenter. Nam verbum de præterito, cujusmodi
 est, *habuit*, ampliat terminum antecedentem
 ad illud quod est vel fuit; v. g. *Album fuit ni-*
grum, sensum hunc reddit: Album quod est,
 vel fuit, fuit nigrum, non pro eodem tempore
 determinato, sed pro eodem vel alio. Vnde
Adam habuit aliquando existentiam, reddit hunc
 sensum: Adam, qui est, vel fuit, habuit ali-
 quando existentiam. Vnde per se non idem sig-
 nificat quod illa, Adam est præteritus, quia
 quod præteriit, jam non est.

C A P V T II.

*Ostenditur Deum futura contingentia
 absoluta cognoscere.*

CIrca futurorum cognitionem duo præci- I.
 pui errores exorti sūt apud antiquos. Qui Qu. 2.
 dam de divina scientia judicare volentes adin- de verit.
 star nostræ dixerunt, futura contingentia pro- art. 12.
 fus Deum latere, quippe quia nullum determi-
 natum esse habeant, ac subinde neque verita-
 tem ac certitudinem, quâ Dei scientiæ subesse
 valeant. Qui error tribuitur Ciceroni à D.
 Augustino lib. 5. de Civit. Dei cap. 9. ubi ait:
Hos (scil. Stoicos, & Mathematicos consti-
 tuentes fatalem quandam necessitatem in astris,
 & eorum constitutione) *Cicero ita redarguere*
conatur, ut non existimet aliquid se adversus eos
valere, nisi auferat divinationem. Quam sic cona-
tur auferre ut neget esse scientiam futurorum, eam-

que omnibus viribus nullam esse omnino contendat, vel in Deo, vel in homine, nullamque rerum praedictionem... Hoc autem totum facere videtur, ne fatum esse consentiat, & perdat liberam voluntatem. Putat enim, concessâ scientiâ futurorum, ita esse consequens fatum, ut negari omnino non possit. Ita docuit lib. 2. de divinatione. Hunc errorem esse dementiâ plenû asserit S.D. ibidem dicens: Multo sunt autem tolerabiliores, qui vel sidera fata constituunt, quam iste qui tollit praescientiam futurorum. Nam & confiteri esse Deum, & negare praescium futurorum apertissima insania est. Quod & ipse cum videret, etiam illud tentavit asserere quod scriptum est, Dixit insipiens in corde suo, Non est Deus: sed non ex persona sua. Vidit enim, quam esset invidiosum & molestum; ideoque Cottam fecit disputantem de hac re adversum Stoicos in libris de Deorum naturâ, & pro Lucilio Balbo, cui Stoicorum partes defendendas dedit, maluit ferre sententiam, quam pro Cotta, qui nullam naturam divinam esse contendit.

2.
Ibid.

Alij è converso dixerunt, Deum equidem omnium futurorum scientiam habere: sed nescientes cum infallibilitate divinæ praescientiae libertatem arbitrij, & rerum contingentiam componere, omnia ex necessitate agi & evenire dixerunt: ne ipsi Deo futurorum scientiam, quæ divinitatis nota insignis est, adimerent.

3.

Concl. Deus futura omnia etiam contingentia & libera certò cognoscit, nec tamen à rebus contingentiam, aut libertatem arbitrij tollit. Prob. S.D. ex illo Psal. 32. *Qui finxit singillatim corda eorum, qui intelligit omnia opera eorum, scil. hominum: sed opera hominum sunt contingentia, utpote libero arbitrio subdita: ergo*
scit

Art. XIII. An scient. Dei sit, &c. Cap. II. 313
 scit futura contingentia. Hæc veritas innume-
 ris aliis sacræ Scripturæ locis confirmari potest.
 Quorum unum, vel alterum in re tam mani-
 festa adducere sufficiat. Dicitur Eccles. 23. *Do-*
mino Deo antequam crearentur, omnia sunt agnita.
 Et cap. 42. *Cognovit Dominus omnem scientiam,*
& inspexit in signum avi, annuntians qua prae-
terierunt, & qua superventura sunt, revelans vesti-
gia occultorum. Vbi glossa: *Cognovit enim &c.*
Quia omnes aetates mundi presentes sunt ei, apud
quem nihil præteritum, nihil futurum est. Et cap.
 39. *Opera, inquit, omnis carnis coram illo, & non*
est quicquam absconditum ab oculis ejus. A saculo
usque in seculum respicit, & nihil est mirabile in
conspectu ejus. Vbi glossa: *Præsentia Dei ante-*
cedit omnia, & quidquid sit temporaliter, & sine
tempore præsens est. Nihil ergo novum, neque mi-
rabile in conspectu ejus. Et Isaïæ cap. 42. *Nova*
quoque annuncio (ait Dominus) antequam orian-
tur. Et c. 41. ut divinitatis signaculum ac cha-
 racterem, futurorum præscientiam exhibet:
Annunciate, inquit, quæ ventura sunt in futurum,
& sciemus quia dixistis vos.

Hanc eandem veritatem tradunt omnes Pa-
 tres: Præcipuè D. August. lib. 5. de Civit. Dei
 c. 8. ubi ait: *Quoquo modo se habeant tortuosissi-*
ma illa concertationes & disputationes Philosopho-
rum, nos ut confitemur summum ac verum Deum,
ita voluntatem, summamque potestatem, ac præ-
scientiam ejus confitemur: (Est autem præscien-
tia futurorum scientia.) Nec timemus, ne ideo
non voluntate faciamus, quod voluntate facimus:
quia id nos facturos ille præscivit, cujus præscientia
falli non potest. D. etiam Fulgentius lib. de fide
 ad Petrum Diac. c. 33. *Firmissimè tene, ait, &*
nullatò

314 *Quæst. XIV. De Scientia Dei*;
nullatenus dubites, Deo incommutabili, non solum
præterita & præsentia, sed etiam futura omnia in-
commutabiliter esse notissima, cui dicitur: Deus,
qui occultorum es cognitor, qui scis omnia ante-
quam fiant. Et non modò ipsi Patres hanc ca-
tholicam veritatem amplexi sunt, sed etiam
esse ac fuisse receptissimam apud omnes ferè
nationes docet ingens illa veneratio, quâ om-
nes gentes à Deo, quem colebant, futurorum
eventuum præfagia quærebant. Hinc Tertul-
lianus lib. 2. cont. Marcionem dixit, præscien-
tiam Dei tot habere testes, quot Prophetæ fue-
runt. Omnes etiam Philosophi, uno vel al-
tero dempto idem asseruerunt: præsertim verò
Seneca lib. de provid. & Plutarchus lib. de Sa-
pientia Ægyptiorum. Sed de his ampliùs infra
quæst. 22.

5.
 Art. 8.
 hujus
 quæst.

Probat S. D. sic: Deus cognoscit omnia,
 non solum quæ sunt actu; sed etiam quæ sunt
 in potentia sua, vel creaturæ: sed quædam ex
 his sunt contingentia nobis futura: ergo Deus
 futura contingentia cognoscit. Quod autem
 cum certitudine ea cognoscat ostendit suppo-
 nendo, aliquod contingens dupliciter conside-
 rari posse: Vno modo in seipso, secundum
 quod jam actu est, & sic non consideratur ut
 futurum, sed ut præsens: neque ad utrumlibet
 contingens, sed ut determinatum ad unum:
 quo pacto subditur infallibiliter cognitioni
 certæ, utpote sensui visus; sicut cum video
 Sortem sedere. Alio modo potest considerari
 contingens, ut est in sua causa. Et sic conside-
 ratur ut futurum, & ut contingens nondum
 determinatum ad unum: quia causa contin-
 gens se habet ad opposita, & sic contingens
 non

Art. XIII. An scient. Dei sit, &c. Cap. II. 315
non subditur per certitudinem alicui cognitioni. Vnde qui cognoscit effectum contingentem in causa sua tantum, non habet de eo nisi conjecturalem cognitionem.

Ex quibus sic : contingens certitudini cognitionis non repugnat, nisi secundum quod futurum est, non autem secundum quod præsens est : sed divini intellectus intuitus ab æterno fertur in unumquodque eorum, quæ temporis cursu peraguntur, prout præsens est : relinquitur ergo nihil prohibere, quin de contingentibus ab æterno Deus scientiam infallibilem habeat. Maj. patet, nam contingens, ut futurum est, potest non esse : & sic cognitio æstimantis ipsum futurum esse falli potest : fallitur enim si non erit, quod futurum esse æstimavit : ex quo autem præsens est pro illo tempore, non potest non esse, esto in futurum possit non esse : sed hoc jam minimè spectat ad contingens prout præsens est, sed prout futurum est : ergo omnis cognitio, quæ circa contingens fertur, prout præsens est, certa esse potest. Min. infra demonstrabitur.

6.
Hic, &
lib. 1.
contra
gent. c.
67. q. 2.
de verit.
art. 12.

Notanda est elegans doctrina, quam S. D. 7.
tradit dicens : *Sciendum est, quod in nobis sunt quædam potentia & habitus cognoscitivi, in quibus nunquam falsitas esse potest, sicut sensus, & scientia, & intellectus principiorum : quidam verò, in quibus potest esse falsitas, sicut imaginatio, & opinio, & æstimatio. Ex hoc autem falsitas accidit in aliqua cognitione, quod non est ita in re sicut apprehenditur. Vnde si aliqua vis cognoscitiva est talis, quod numquam in ea sit falsitas ; oportet quod suum cognoscibile numquam deficiat ab eo, quod de ipso cognoscens apprehendit. Necessarium autem*

Qu. 2.
de verit.
art. 12. c.

autem non potest apprehendi, quin sit, antequam fiat, eò quod causa ejus sunt immutabiliter ordinata ad ejus productionem. Unde per hujusmodi habitus, qui semper sunt veri, possunt necessaria cognosci, etiam quando sunt futura; sicut cognoscimus futuram eclipsim, vel motum Solis per scientiam; sed contingens impediri potest, antequam sit in esse productum, quia tunc non est nisi in causis suis, quibus potest accidere impedimentum, ne perveniant ad effectum; sed posteaquam jam contingens in esse productum est, jam non potest impediri; & ideo de contingenti, secundum quod est in presenti, potest esse judicium illius potentia vel habitus, in quo numquam falsitas invenitur; sicut sensus judicat Socratem sedere, quando sedet. Ex quo patet contingens, ut futurum est, per nullam cognitionem sciri, cui falsitas subesse non possit. Unde cum divina scientia non subsit falsitas, nec subesse possit, impossibile esset, quòd de contingentibus futuris scientiam haberet Deus, si cognosceret ea, ut futura sunt. Tunc autem aliquid cognoscitur, ut futurum est, quando inter cognitionem cognosceris & rei eventum invenitur ordo prateriti ad futurum: hic autem ordo non potest inveniri inter cognitionem divinam & quamcumque rem contingentem, sed semper ordo divina cognitionis ad rem quamcumque est sicut ordo praesentis ad praesens... Sicut ergo noster visus non fallitur unquam videns contingens, ut sunt praesentia; & tamen ex hoc non removet, quin illa contingenter eveniant, ita Deus infallibiliter videt omnia contingens, sive qua nobis sunt praesentia, sive qua praterita, sive qua futura; quia sibi non sunt futura, sed ea inspicit esse tunc quando sunt; unde ex hoc non removetur quin contingenter eveniant.

Difficultas

Art. XIII. An scient. Dei sit, &c. Cap. III. 317
Difficultas autem in hoc accidit eò quòd divinam cognitionem significare non possumus, nisi per modum nostræ cognitionis consignificando differentias (temporis) Si enim significaretur, ut est Dei scientia, magis deberet dici, quòd Deus scit hoc esse, quam quòd sciat futurum; quia sibi numquam sunt futura, sed semper presentia. Vnde etiam, ut Boëtius dicit lib. 5. de Consolat. Prosa ult. ejus cognitio de futuris magis propriè dicitur providentia, quam prævidentia; quia ea porro quasi longè posita in æternitatis speculo intuetur, quamvis etiam prævidentia dici possit propter ordinem ejus, quod ab eo scitur, ad alia quibus futurum est.

C A P V T III.

Solvitur primum argumentum in contrarium à D. Thom. adductum, & ostenditur unde in rebus contingentia proveniat.

ARguitur 1. A causa necessaria procedit effectus necessarius: sed scientia Dei, quæ est causa scitorum ab eo, est causa necessaria: ergo scientia Dei non est de futuris contingentibus. 8.

Resp. S. D. quod licet causa suprema sit necessaria, tamen effectus potest esse contingens propter causam proximam contingentem, sicut germinatio plantæ est contingens propter causam proximam contingentem, licet motus Solis, qui est causa prima, sit necessarius. Et similiter scita à Deo sunt contingentia propter causas proximas, licet scientia Dei, quæ est causa prima 9.

Hic, & q.
 25. art. 3.
 ad 4. 1.
 cont.
 gent.
 cap. 67.

prima, sit necessaria. Cujus rationem reddit in 1. dist. 38. art. 5. in c. dicens: *Quandocunque sunt causa multa ordinata, effectus ultimus non sequitur causam primam in necessitate & contingentia, sed causam proximam, quia virtus causa primæ recipitur in causa secunda.* Sed contra hanc solutionem militare videtur id, quod ipsemet S. D. docet infra q. 19. art. 8. & quodl. 11. art. 3. c. ubi rerum contingentiam in Deum seu primam causam reducere videtur. Ea propter ut in hac perdifficili materiâ doctrina S. D. & veritas plenè elucescat oportet rem plenius elucidare.

10.
Lib. 3.
cont.
gent.
cap. 86.

Contingens in totâ suâ latitudine sumptum idem est quòd possibile. Dupliciter autem accipitur possibile; quoddam enim est, quod ad necessarium sequitur; nam quod necesse est esse, possibile est esse: alias esset non possibile esse, & subinde impossibile esse. Aliud est possibile, quod necessario contradictoriè opponitur. Ad rationem possibilis, seu contingentis primo modo sufficit, ut effectus quandoque sit in potentiâ, & quandoque in actu. Vnde quicumque effectus, qui in potentia alicujus causæ naturalis & necessariæ continetur, potest hoc pacto dici possibilis, seu contingens, esto absolute & simpliciter sit necessarius. Ad rationem autem possibilis seu contingentis secundo modo sumpti requiritur, quod in sua ratione includat hoc quod est posse esse, & non esse, ut docet D. Thom. dicens: *Possibile esse sequitur ad necesse esse. Hoc autem possibile non est necessarium defendere, quia non contra hoc effectus ex necessitate causari dicuntur, sed contra possibile, quod opponitur necessario, prout dicitur possibile, quod potest*

Loc. cit.
ex 3.
cont.
gent.
cap. 86.

Art. XIII. An scient. Dei sit, &c. Cap. II. 319
potest esse & non esse. Non autem dicitur aliquid per hunc modum possibile, & contingens ex hoc solum quod quandoque sit in potentia, & quandoque in actu... nam sic etiam in moribus celestibus est possibile & contingens, non enim semper est conjunctio, vel oppositio Solis, aut Luna in actu, sed quandoque quidem in actu, quandoque autem in potentia, quae tamen necessaria sunt, cum de his dentur demonstrationes. Sed possibile vel contingens, quod opponitur necessario, hoc in sua ratione habet, quod non sit necesse illud fieri, quando non est: Quod quidem est, quia non de necessitate sequitur ex causa sua; sicut cum dicimus Sortem esse sessurum, esse contingens; ipsum autem esse moriturum, esse necessarium: quia secundum horum ex causa sua de necessitate sequitur, non autem primum. Contingens hinc sumitur proprie, & prout opponitur necessario: qui quidem modus contingentiae potissimum in effectibus liberis invenitur, & de hoc explicandum venit, unde primam radicem hauriat.

Dicendum est, radicem primam, causamque primam libertatis & contingentiae nullo modo posse esse aliquam causam secundam, sed causam primam; quamvis effectus sint & dicantur contingentes propter secundas causas contingentes, sicut propter causam formalem & proximam talis contingentiae. Prima pars sumitur ex D. Thom. q. cit. 19. p. p. art. 8. c. ubi ait: Cum igitur voluntas Dei sit efficacissima non solum sequitur, quod fiant ea, quae Deus vult fieri, sed quod eo modo fiant, quo Deus ea fieri vult; vult autem Deus quadam fieri necessario, quadam contingenter, ut sit ordo in rebus ad complementum universi. Et ideo quibusdam

320 *Quaest. XIV. De Scientia Dei,*
 quibusdam effectibus aptavit causas necessarias, que
 deficere non possunt, ex quibus effectus de necessi-
 tate proveniunt; quibusdam autem aptavit causas
 contingentes defectibiles, ex quibus effectus con-
 tingenter eveniunt. Non igitur propterea effectus
 voliti à Deo eveniunt contingenter, quia cause pro-
 xima sunt contingentes; sed propterea quia Deus
 voluit eos contingenter evenire, contingentes causas
 ad eos preparavit. Et quod lib. 11. art. 3. c. ita ha-
 bet: *Quod autem voluntas divina certitudinem*
habeat, & tamen necessitatem non imponat, sic pa-
ter. Voluntas enim Dei est efficax, & perfecta causa
omnium rerum; quia omnia quacunque voluit Do-
minus fecit. Cujus perfectio & efficacia apparet ex
hoc, quod non solum movet & causat res, sed etiam
dat eis talem modum causandi, inquantum cuilibet
rei determinatum modum contulit, quo suos effectus
produceret. Vnde quia ipse voluit quaedam esse in
universo necessaria, & quaedam contingentia, con-
stituit quasdam causas, quibus contulit ut contin-
genter causarent; & quasdam quibus contulit, ut
necessario causarent effectus. Vnde voluit istum ef-
fectum non solum esse, sed etiam illo modo esse,
scil. vel contingenter, vel necessario, sicut quod vo-
luit Petrum non solum currere, sed etiam contin-
genter currere: & similiter voluit istum hominem
salvare, sed eo modo, ut arbitrij libertatem non
perderet.

I 2.
 Loc. cit.
 ex 1. p.
 q. 19. art.
 8. c.

Prob. ex eodem S. D. Quando effectus ali-
 cujus causæ primæ est contingens propter cau-
 sam secundam, impeditur effectus causæ pri-
 mæ per defectum causæ secundæ; sed nullus
 defectus causæ secundæ impedire potest, quin
 voluntas Dei effectum suum producat: ergo
 effectus divinæ voluntatis non est contingens
 propter

Art. XIII. An scient. Dei sit, &c. Cap. III. 321
propter causam secundam, sicut propter primam radicem. Maj. prob. à D. Thom. exemplo adhibito de virtute Solis respectu effectus plantæ; constat enim quod virtus germinativa aliquando impeditur per secundam causam, ne videlicet germen producat, & floreat; & sic effectus, quem virtus Solis in una planta producit, in alia impeditur: quod ideo evenit, quia virtus Solis est causa equidem necessaria, non autem est prima radix illius effectus contingentis, nec contingentia illa habetur ex virtute Solis, sed habetur ex secunda causa, quæ suâ contingentia impedit, ne effectus iste contingens producatur.

Conf. ex eodem S. D. quia si distinctio contingentium à necessariis referatur solum in causas secundas, contingentia præter intentionem divinam evenient, quod enim non subditur causalitati Dei agentis, non subditur ejus intentioni, cum sit agens per intellectum; sed hoc est inconveniens: ergo contingentia ad Deum sicut ad primam contingentia radicem est referenda.

Ibid. &
infra q.
116. art.
1.

Dicendum est 2. quod licet rerum contingentia, seu libertas in effectibus contingentibus, & liberis inventa, in divinum intellectum practicum, seu in divinam providentiam reducatur, & ab illa proveniat, non tamen divinus intellectus, vel divina providentia, ut ratione distinguitur à voluntate, est prima radix & prima causa hujusmodi contingentia & libertatis, sed illa prima radix est efficacia divinæ voluntatis. Prima pars nimirum quod rerum contingentia, etiam in divinum intellectum practicum, seu divinam providentiam reducenda sit, sumitur ex D. Thom. infra q. 22. art. 4.

13.

322 *Quaest. XIV. De Scientia Dei,*
in c. & ad 1. Dicendum, inquit, quod effectus
divina providentia non solum est aliquid evenire
quocunque modo, sed aliquid evenire, vel con-
tingenter, vel necessario. Et ideo evenit infallibi-
ter & necessario, quod divina providentia dispo-
nit evenire infallibiliter & necessario, & evenit
contingenter, quod divina providentia ratio habet
ut contingenter eveniat: igitur rerum contingen-
tia secundum expressam D. Thom. sententiam
in divinam providentiam reducitur, quæ ad
intellectum practicum spectat.

14.
Infra q.
22. & q.
5. de ve-
rit.

Prob. nihil subterfugit, aut subterfugere po-
test divinæ providentiæ ordinem, sed omnia
illi subduntur: ergo nullum ens, nullusque
modus, aut conditio entis in rebus inveniri
potest, quod divinæ providentiæ non subdatur,
& ab ea causetur; sed rerum contingentia & li-
bertas est modus entis: ergo divinæ subest pro-
videntiæ & ab ea causatur.

15.
Infra q.
19. art. 8.
qu. 22.
art. 4.
lib. 3.
cont.
gent. c.
94. &
alib.

Secunda verò pars concl. traditur expressè
ab eodem D. Thom. variis in locis, ubi sem-
per hoc reducit ad efficaciam divinæ volunta-
tis. *Voluntas Dei* (inquit, opusc. 2. cap. 140.)
cum sit universalis rerum causa, non solum est de
hoc quod aliquid fiat, sed ut sic fiat. Hoc igitur
ad efficaciam divina voluntatis pertinet, ut non
solum fiat quod Deus vult, sed ut hoc modo fiat,
quo illud fieri vult. Vult autem quadam fieri ne-
cessario, & quadam contingenter, quia utrumque
requiritur ad completum esse Universi. Ut igitur
utroque modo res provenirent, quibusdam adapta-
vis necessarias causas, quibusdam contingentes,
ut sic, dum quadam fiunt necessario, quadam con-
tingenter, divina voluntas impleatur. Hæc au-
tem adaptatio, seu præparatio causarum contin-
gentium

Art. XIII. An scient. Dei sit, &c. Cap. III. 323
gentium ad suos proportionatos effectus contingentes fit per divinam providentiam, & illius est proprium opus: ergo secundum D.Th. ideo effectus plures sunt contingentes, quia producantur à causis proximis contingentibus: ideo producantur à causis proximis contingentibus, quia tales causæ ad illos effectus contingentes à divina providentia præparantur; ideo sic præparantur à divina providentia, quia ita vult divina voluntas. Et ibi sistendum est sicut in omnium primo; & subinde prima radix contingentia est divina voluntas. Vnde S. August. lib. 3. de Trinit. c. 1. ait: *Vbi non operatur, inquit, quod vult Dei omnipotentis sapientia, que pertendit à fine usque ad finem fortiter & disponit omnia suaviter?* Et postquam retulit omnia quæ in mundo fiunt, sive necessariò, sive contingenter, subdit cap. 2. *Quorum nihil fit, nisi voluntate Dei, sed plerisque apparet. Itaque licuit vanitati Philosophorum, etiam causis aliis ea tribuere, vel veris, sed proximis; cum omnino videre non possent superiorem omnibus causam, id est, Dei voluntatem.*

Prob. ratione: Divina voluntas est primum omnium rerum principium quoad exercitium; sed contingentia effectuum potissimè pertinet ad exercitium productionis: ergo Divina voluntas est primum principium illius & causa. Maj. est D.Thom. & patet, nam quòd effectus producantur, vel non producantur, non pertinet ad divinum intellectum, sed ad divinam voluntatem, moventem & determinantem ipsum intellectum ut hos, vel illos effectus producat. Vnde ipse intellectus divinus res quoad exercitium producit in virtute voluntatis di-

16.

12. q. 9.
art. 1. q.
17. art. 1.
& infra
qu. 19.
art. 4.

vinæ, quæ in isto genere est primum movens. Min. autem prob. quia sicut quod res producantur, ad exercitium spectat, ita quod producantur contingenter ipsius productionis exercitium respicit.

17. Conf. divinus intellectus per imperium res in esse produxit, quod imperium demonstrant illa verba Genes. cap. 1. *Fiat lux*; sed tale imperium habuit efficacem motionem ad res producendas in virtute divinæ voluntatis divinum intellectum ad hoc moventis, & ad talem productionem illum determinantis: ergo divina voluntas est prima omnium radix contingentiz. Ex his patet ad objectionem; nimirum, quod quotiescunque D. Thom. docet, quod licet causa prima, & suprema sit necessaria, tamen effectus potest esse contingens propter causam proximam contingentem, tantum intendit asserere, proximam & formalem contingentiz rationem esse causam proximam contingentem & defectibilem, sive quâ effectus contingens, contingentia particulariter acceptâ, esse nequit: non tamen negat, primam contingentiz radicem in divinam voluntatem sicut in omnium primam causam esse reducendam. Videntur S. D. 6. Metaphys. lect. 13.

18. Sed dices, quod D. Thom. 38. loquens de causâ primâ ait, *Quandocunque sunt cause multe ordinate, effectus ultimus non sequitur causam primam in necessitate & contingentia, sed causam proximam*: Resp. sensum hujus dicti esse, quod quando plures causæ ad eundem effectum ordinantur, non trahit effectus necessitatem, vel contingentiam à causa prima, nimirum solâ, sed à causa secunda, agente videlicet in virtu-

Art. XIII. An scient. Dei, &c. Cap. III. 325
te causæ primæ receptâ in illâ. Vnde statim
subdit; *quia virtus causa prima recipitur in causa*
secunda secundum modum causæ secunda; effectus
enim ille non procedit à causa prima, nisi secun-
dum quod virtus causa prima recipitur in secunda
causa, ut patet in floritione arboris, cuius causa
remota est motus Solis; proxima autem, virtus ge-
nerativa plantæ. Quod si objicias illud quod di-
cit ibid. in solut. ad 1. Nimirum, Quod à cau-
sa prima non trahit effectus necessitatem (idem
dic de contingentia) *sed solum à causa proxima,*
ubi ly *solum* videtur omnem aliam causam ex-
cludere: Resp. loqui S. D. de causa proximâ
ut agit in virtute causæ primæ, nam se remit-
tit ad doctrinam *in corp.* traditam, ubi hoc do-
cuerat. Vnde ly *solum* non excludit necessariò
requisita, aut concomitantia. Vel dicito loqui
de effectû quoad assimilationem, & deno-
minationem formalem, non verò prout di-
cit habitudinem ad primam essendi radicem:
formaliter enim & quoad determinationem,
seu assimilationem formalem effectus dicitur
contingens, vel necessarius solum propter
causam proximam, radicaliter autem propter
primam causam dantem esse & modum es-
sendi.

Objicies præterea, materia & potentialitas 19.
est contingentia principium, ex eo quod est 1.p.q.86.
principium corruptionis, & defectibilitatis: 217.3.
sed divina voluntas efficax nullam habet ma-
terialitatem, aut potentialitatem: ergo nequit
esse contingentia radix.

Conf. contingentia defectum & imperfe-
ctionem importat, nam ab intrinseco mutabi-
litate & defectibilitate dicit: sed defectus

& imperfectio in effectibus creatis reperta nequit causæ primæ, quæ omnino indeficiens & perfectissima est, attribui : ergo causa prima nequit esse causa contingentia.

20. Resp. quod materia, sive potentialitas est principium corruptionis & contingentia, seu defectibilitatis proximum & formale. At verò prima causa est radix talis contingentia, quia nullus modus entis est, qui non sit à Deo, qui aptat causas corruptibiles & contingentes effectibus contingentibus, & defectibilibus. Per quod patet ad conf. dicimus enim quod in quantum defectibilitatem dicit reducitur in causam proximam, quæ cum habeat esse defectibile à divina ordinatione, idcirco & in causam primam reducitur.

C A P V T I V.

Alia argumenta dissolvuntur.

21. **A**Rg. 2. in omni verà conditionali, si antecedens est necessarium absolutè, & consequens est necessarium absolutè : sed in hac conditionali vera, *Si aliquid est scitum à Deo, illud erit*, antecedens scil. *hoc est scitum à Deo*, est absolutè necessarium : ergo etiam consequens, nimirum, *illud erit*, est absolutè necessarium : ergo omne, quod est scitum à Deo, necesse est absolutè esse, & subinde illius scientia non erit futurorum contingentium. Maj. patet, nam sic se habet antecedens ad consequens, sicut principia ad conclusionem : sed ex principiis necessariis non sequitur nisi conclusio

21.

Hic arg.

2. q. 2. de

verit.

art. 12.

arg. 7.

& 8.

Art. XIII. An scient. Dei sit, &c. Cap. IV. 327
 clusio necessaria, ut probatur 1. Poster. tex. 17.
 ergo in omni vera conditionali, si antecedens
 est necessarium absolutè, consequens etiam de-
 bet esse necessarium absolutè. Min. verò prob.
 primò, quia omne æternum est necessarium &
 immutabile: sed omne quod Deus scivit, ab
 æterno scivit: ergo eum scivisse est necessa-
 rium absolutè. Secundò, quia, *hoc est scitum à*
Deo, est quoddam dictum de præterito: sed
 omne dictum de præterito, si est verum, est
 necessarium: ergo hoc dictum est absolutè ne-
 cessarium.

Resp. S. D. quod circa hoc diversa est opi- 22.
 nio. Quidam enim dixerunt, quod hoc ante- Loc. cit.
 cedens est contingens, *hoc est scitum à Deo*,
 quamvis enim sit præteritum, tamen ordinem
 ad futurum importat: sicut enim dicitur, hoc
 fuit futurum, illud præteritum non est necessa-
 rium, quia quod fuit futurum potest non esse
 futurum, ut in 2. de Generat. text. 26. dicitur:
Futurus quis incedere non incedet. Sed hæc solu-
 tio nullius est roboris: quia cum dicitur, hoc
 est futurum, vel fuit futurum, designatur ordo
 qui est in causis illius rei ad productionem
 ejus. Quamvis enim causæ, quæ sunt ordinatæ
 ad aliquem effectum possint impediri quin se-
 quatur effectus, tamen non potest impediri
 quin fuerint aliquando ad hoc ordinatæ. Vnde
 licet hoc quod est futurum possit non esse fu-
 turum, numquam tamen potest non fuisse fu-
 turum. Idcirco alij dixerunt, hoc antecedens
 esse contingens, quia est compositum ex ne-
 cessario & contingenti; scientia enim Dei est
 necessaria, sed scitum ab eo est contingens,
 quorum utrumque in prædicto antecedente in-

cluditur, sicut & hoc contingens, Petrus est homo albus, vel Petrus est animal & currit. Sed hæc solutio non majoris est momenti quam præcedens, quia veritas propositionis non variatur per necessitatem & contingentiam, ex eo quod materialiter in locutione ponitur, sed solum ex principali compositione, in qua veritas propositionis fundatur. Vnde eadem ratio necessitatis & contingentiae in utraque istarum invenitur: *Ego cogito hominem esse animal, & Ego cogito Petrum currere.* Et ideo cum actus principalis, qui significatur in hoc antecedente, *Deus scit Petrum legere*, sit necessarium, quantumcumque illud quod materialiter ponitur, sit contingens, ex hoc non impeditur quin antecedens prædictum sit necessarium.

Ibidem.

Quapropter alij asseruerunt simpliciter, quod illud antecedens sit necessarium; existimarunt tamen ex antecedente absolutè necessario non oportere, quod consequens necessarium absolutè sequatur, nisi quando antecedens prædictum est causa proxima consequentis: si enim sit causa remota, potest necessitas effectus impediri per contingentiam causæ proximæ, sicut quamvis sol sit causa necessaria, tamen floritio arboris, quæ est ejus effectus, est contingens, quia causa ejus proxima est variabilis, scil. vis generativa plantæ. Sed hoc etiam non videtur sufficienter dictum, quia hoc non est per naturam causæ, & causati, quod ex antecedente necessario sequatur consequens necessarium, sed magis propter ordinem consequentis ad antecedens, quia contrarium antecedentis nullo modo potest stare cum consequente; quod contingeret, si ex antecedente necessario sequeretur consequens

Art. XIII. An scient. Dei sit, &c. Cap. IV. 329
consequens contingens. Vnde hoc accidere
necesse est in qualibet conditionali si vera sit ;
sive antecedens sit effectus , sive sit causa
proxima, vel remota. Et si hoc non inveniatur
in conditionali, nullo modo erit vera. Vnde &
hæc conditionalis est falsa, si sol movetur , ar-
bor florer.

Et ideo aliter dicendum est , quod hoc ante- 23.
cedens est simpliciter necessarium , & conse- Ibidem:
quens est necessarium absolute , eo modo quo
ad antecedens sequitur. Aliter enim est de his,
quæ attribuuntur rei secundum se, aliter de his,
quæ attribuuntur rei secundum quod est cog-
nita : illa enim quæ attribuuntur rei secundum
se, conveniunt ei secundum suum modum : sed
illa quæ attribuuntur ei , vel quæ consequun-
tur ad ipsam , inquantum est cognita , sunt se-
cundum modum cognoscentis , & non secun-
dum modum rei cognitæ ; ut si dicatur , *Si ego*
intelligo aliquid, illud est immateriale : non enim
oportet , ut quod intelligitur sit immateriale,
nisi secundum quod est in intellectu. Et simili-
ter cum dico , *Si Deus scit aliquid , illud erit*,
consequens est sumendum, non secundum dis-
positionem rei in seipsa , sed secundum modum
cognoscentis. Quamvis autem res in seipsa sit
futura , tamen secundum modum cognoscentis
est præsens : & ideo magis esset dicendum , *Si*
Deus scit aliquid, illud est , quam hoc erit. Vnde
idem est iudicium de ista , *Si Deus scit aliquid,*
hoc erit : & de hac , *Si ego video Socratem cur-*
rere , Socrates currit , quorum utrumque est ne-
cessarium dum est. *Dicendum est* , inquit hîc,
quòd quando in antecedente ponitur aliquid perti-
nens ad actum animæ , consequens est accipiendum,
non

330 *Quest. XIV. De Scientia Dei,*
non secundum quod est in se, sed secundum quod
est in anima. Aliud est enim esse rei in seipsa, &
esse rei in anima: ut puta, si dicam: Si anima in-
telligit aliquid, illud est immateriale: intelligen-
dum est, quod illud est immateriale secundum quod
est in intellectu, non secundum quod est in seipso.
Et similiter si dicam: Si Deus scivit aliquid illud
erit; consequens intelligendum est prout subest
divina scientia, scil. prout est in sua presentiali-
tate. Et sic necessarium est, sicut & antecedens.
Quia omne quod est, dum est, necesse est, ut dici-
tur in 1. Periher. cap. 6.

24. Arg. 3. Omne scitum à Deo necesse est esse;
 Hic arg. sed nullum futurum contingens necesse est esse:
 3. & q. 2. ergo nullum futurum contingens est scitum à
 de verit. Deo. Maj. prob. quia scientia nostra est tantum
 art. 11. necessariorum, aliàs certitudinem non haberet:
 arg. 4. sed scientia Dei multò certior est, quam no-
 stra: ergo magis necessarium est ut omne sci-
 tum à Deo necesse sit esse.

25. Vnumquodque sicut se habet ad esse, sic
 Ibid. se habet ad verum: sed futura contingentia
 arg. 9. non habent esse: ergo neque veritatem, & sub-
 indè de illis nequit esse scientia, quæ vero-
 rum est.

26. Conf. 2. ex Philos. 4. Metaphys. text. 10. Qui
 Ibid. non intelligit unum determinatum, nihil in-
 arg. 10. telligit: sed futurum contingens, quia est ma-
 ximè ad utrumlibet nullo modo est determina-
 tum, nec in se, nec in sua causa: ergo nullo
 modo potest de eo esse scientia.

27. Conf. 3. per medium necessarium non potest
 Ibid. cognosci aliquod contingens, quia si medium
 arg. 12. est necessarium, & conclusio erit necessaria:
 sed Deus cognoscit omnia per medium quod
 est

Art. XIII. An scient. Dei sit, &c. Cap. IV. 33 1
est sua essentia : ergo, cum hoc medium sit ne-
cessarium, videtur quod non possit aliquod
contingens cognoscere.

Resp. S. D. ad arg. quod ea, quæ temporali- 28.
ter in actu sunt, seu in actum reducuntur, à Loc. cit.
nobis equidem successivè cognoscuntur in tem- & infra
pore, sed à Deo in æternitate, quæ est supra q. 86.
omne tempus. Vnde nobis, qui cognoscimus art. 4.
futura contingentia, inquantum talia sunt,
certa esse non possunt, sed soli Deo, cujus in-
telligere est in æternitate supra tempus; sicut
ille qui vadit per viam, non videt illos, qui post
eum veniunt; sed ille qui ab aliqua altitudine
totam viam intuetur, simul videt omnes tran-
seuntes per viam. Et ideo illud quod scitur à
nobis oportet esse necessarium secundum quod
est in se; quia ea quæ sunt in se contingentia
futura, à nobis sciri non possunt. Sed ea quæ
sunt scita à Deo, oportet esse necessaria secun-
dum modum quo subsunt divinæ scientiæ, non
autem absolutè secundum quodd in propriis
causis considerantur. Vnde & hæc propositio,
Omne scitum à Deo necessarium est esse, distin-
gui consuevit, quia potest esse de re, vel de di-
cto. Si intelligatur de re, est divisa & falsa, &
est sensus, *Omnis res, quam Deus scit, est neces-*
saria. Vel potest intelligi de dicto, & sic est
composita & vera, & est sensus: Hoc dictum,
scitum à Deo esse est necessarium.

Sed obstant quidam dicentes, quod ista di- 29.
stinctio habet locum in formis duntaxat sepa- Loc. cit.
rabilibus à subjecto, seu quæ in subjecto sibi
invicem succedere possunt, ut albedo & nigre-
do: unde si dicatur, Album possibile est esse
nigrum, de dicto est falsa & de re est vera; Res
enim,

enim, quæ est alba, potest esse nigra: sed hoc dictum, Album esse nigrum, nunquam potest esse verum. In formis autem à subjecto inseparabilibus hæc distinctio locum non habet: Ut si dicatur, Corvum nigrum possibile est esse album, quia in utroque sensu est falsa. Esse autem scitum à Deo est inseparabile à re: quia quod est scitum à Deo, non potest esse non scitum. Hæc instantia locum haberet, si hoc quod dico *scitum*, importaret aliquam dispositionem subjecto inhærentem: sed cum importet actum scientis, ipsi rei scitæ (licet semper sciatur) potest aliquid attribui secundum se, quod non attribuitur ei in quantum stat sub actu sciendi; sicut esse materiale attribuitur lapidi secundum se, quod non attribuitur ei secundum quod est intelligibile. Quam doctrinam sub his verbis tradit q. 2. de verit. art. 12. ad 4. dicens: *Si obijciatur, quod ista distinctio locum non habet nisi in formis, quæ sibi invicem succedere possunt in subjecto, ut albedo & nigredo, non autem potest esse ut aliquid sit scitum à Deo, & postea nescitum, & sic prædicta distinctio hic locum non habet, dicendum quod quamvis scientia Dei invariabilis sit, & semper eodem modo, tamen dispositio secundum quam res refertur ad Dei cognitionem invariabilem, non semper eodem modo se habet ad ipsam: refertur enim res ad Dei cognitionem secundum quod est in sua presentia, presentia autem rei non semper ei convenit: Unde res potest accipi cum tali dispositione vel sine ea: & subinde potest sumi illo modo quo refertur ad Dei cognitionem, vel alio modo. Et secundum hoc prædicta distinctio locum habet.*

tingens, dum est futurum, non habeat esse, ^{Ibid.}
tamen ex quo est præsens, habet esse & verita- ^{ad 9.}
tem, & sic divinæ visioni substat; quamvis
etiam Deus cognoscat ordinem unius ad alte-
rum, & sic cognoscat aliquid esse futurum res-
pectu alterius: sed sic non est inconueniens
asserere, quod Deus scit aliquid futurum esse,
quod non erit, in quantum scil. scit aliquas cau-
sas ad aliquem effectum inclinatas, qui non
producentur, sic enim non loquimur nunc de
cognitione futuri, prout scil. à Deo in suis cau-
sis videtur; sed in quantum cognoscitur in se-
ipso; sic enim cognoscitur ut præsens.

Resp. ad 2. conf. quod futurum Deo est præ- ^{3 1.}
sens, & ita determinatum ad unam partem ^{Ibid.}
quamcunque, sed dum est futurum, sic est ad ^{ad 10.}
utrumlibet.

Resp. ad 3. duplex esse cognitionis medium, ^{3 2.}
alterum quod est demonstrationis medium, &
hoc oportet esse conclusioni proportionatum,
ut eo posito conclusio ponatur, & divina es-
sentia non est ejusmodi medium cognoscendi
respectu contingentium. Alterum verò medium
cognitionis est, quod est similitudo rei cogni-
tæ: & hoc pacto essentia divina est cognitio-
nis medium; non tamen est adæquatum aut
proportionatum alicui rei creatæ, etsi sit pro-
prium singularum. Difficultates quæ circa hu-
jusmodi solutiones expediendæ se offerunt, se-
quentibus capitibus enodabuntur.

CAPVT V.

*Quomodo futura coëxistant, sive praesentia
sint Deo in aternitate.*

§. I.

*Quadam praeferuntur, & referuntur variae
Authorum sententiae.*

1. **N**Otandum est primò, quòd esse praesens
1. p. q. 8. alicui est illi adesse, seu non deesse; sicut
2. 3. q. 10. rem loco praesentem esse dicimus, quando illic
in 1. dist. realiter adest, sive non deest. Vnde Plautus:
38. q. 1. *Præda, inquit, eris praesentium, id est, eorum qui*
att. 3. *adsunt.* Et D. Augustin. epist. 112. *Praesentia*
hoc loco intelligimus, quæ praesto sunt sensibus,
sive animi, sive corporis. Vnde etiam ducto voca-
bulo praesentia nominantur. Sicut enim hanc lucem
corporis sensu, sic & meam voluntatem planè vi-
deo, quia praesto est animi mei sensibus, atque in-
tus mihi praesens est. Si quis verò mihi indicet vo-
luntatem suam, cuius os & vox mihi praesens est;
tamen, quia ipsa voluntas latet sensum corporis
& animi, credo; non video; aut, si eum menti-
ri existimo, non credo, & si fortè, ut dicit, ita sit.
Creduntur ergo illa quæ absunt à sensibus nostris,
si videtur idoneum, quod eis testimonium perhibe-
tur. Videntur enim quæ praesto sunt; unde praesen-
tia nominantur, vel animi, vel corporis sensibus.
2. Dupliciter autem contingit, aliquid adesse
 alteri: primò secundum suum esse naturale &
 physicum; sive adsit illi secundum suam sub-
 stantiam

stantiam & esse, sicut res loco adesse dicitur, in quo ejus substantia continetur; sive adsit per modum, quo causa agens adest immediatè suo effectui; quo pacto Deus præsens est in omnibus rebus, ut dictum est supra. Alio modo adest secundùm esse intentionale, & objectivum, quo pacto cognitum est in cognoscente duntaxat per speciem, & similitudinem suam: non autem secundùm quod est in propria natura existēs; sicut rosa in hyeme dicitur esse in cognoscente, non quidem secundùm suam physicam entitatem, sed per speciem duntaxat, & similitudinem intentionalem. Cognoscentia enim ^{Supra} non solùm habent propriam formam naturaliter, ^{art. 1.} sed etiam nata sunt aliarum rerum formas intentionaliter habere.

Secundùm hoc igitur duplex solet distingui præsentia in re, quæ cognoscenti præsens esse dicitur; altera physica, quâ res cognoscenti præsto est, seu in conspectu ejus secundùm substantiam & esse; quo pacto res dicitur esse præsens videnti, cum ejus intuitus in ipsam fertur, prout habet esse in re, seu naturaliter, competitque ei existere & operari. Altera intentionalis, quâ res est præsens per speciem duntaxat ac similitudinem sui in cognoscente, etiam si secundùm suam naturalem entitatem non adsit, sed absit; sicut rosa in hyeme est per speciem suam in cognoscente ipsam, non quia intuitus cognoscentis feratur in eam, prout actu est in re extra causas; sed quia similitudine ipsius informatur, seu habet rationem ipsius apud seipsam. Utroque modo dicitur esse præsens objectivè, quia utroque modo est objectum cognoscitivæ potentiæ, sed longè di-

versâ ratione. Vnde ad tollendam omnem æquívocationem , quæ in hac materia, ex ly *præsentia objectiva* , vel *præsens objectivè* oriri potest :

3. Notandum est 2. quod cognoscenti , ut cognoscens est , res cognoscibiles seu cognitæ non aliter sunt præsentés, quam objectivè ; sed tamen , sicut est duplex modus objecti , seu rei cognitæ, scil. modus objecti in se seu in propria natura, & prout habet esse extra animam; & modus ejus prout habet esse in cognoscente seu intelligente , ita & duplex est præsentia objectiva : alia purè intentionalis & objectiva tenens se ex parte objecti, non quidem prout habet esse extra animam & in propria natura, sed prout habet esse in cognoscente, seu in apprehensione ejus : Et hæc objectiva præsentia in omni cognitione necessariò requiritur : quia , dum objectum entitativè est absens , cognitionem terminare non valet, nisi præsens reddatur, & unitum cognoscenti per speciem, vel similitudinem suam , aut substantiam modo intentionali , quo pacto actus & perfectio unitur suo perfectibili. Alia est præsentia objectiva, non equidem , quâ cognitum solùm est in cognoscente per modum cognoscentis, sive per suam rationem tantùm , ac similitudinem , sed etiã secundum modum ipsius in re , ita ut cognoscens tendat ad cognitum ipsum in propriâ naturâ , & prout habet esse ad extra , & movere, seu terminare ipsum intuitum cognoscentis. Et ista præsentia physica objectiva non est communis , aut necessariò requisita, nisi in sensibus, qui omnino sunt potentiæ passivæ , sicut sunt sensus exteriores , sed non in intellectiva

lectiva potentia, aut qualibet alia, quæ est quodammodo activa, nam & absente objecto ipsum intelligitur, licet per visum non videatur. Est tamen necessariò requisita in cognitione, quæ intuitiva est, cui proprium ac peculiare est, ut feratur ad rem in propriâ naturâ, seu ad rem existentem. Quo pacto dicitur esse idem principium essendi & cognoscendi. Nam objectum, prout est in cognoscente est principium duntaxat cognoscendi, & ratio rei, sed non essendi: sed prout in re, est etiam principium essendi. Nomen præsentia simpliciter & absolute usurpatur pro præsentia physica, quæ est rei in seipsa, seu prout habet esse in seipsa naturaliter. Sed præsentia objectiva est præsentia secundum quid & cum addito, nimirum intentionalis & objectiva duntaxat: sicut esse in re, dicitur esse absolute; sed esse intellectu, quod est esse objective duntaxat, non est esse simpliciter, sed cum addito, scil. esse intellectum, seu cognitum, quod est esse secundum quid.

q. 18. de
verit.
art. 4.
ad 10.

Notandum est tertio creaturam in triplici habitudine ad Deum se habere: primò sicut ad causam agentem, seu causam essendi effectivè omni rei. Secundò veluti ad causam idealem & exemplarem. Tertio, sicut ad finem seu causam finalem. Certum est futura omnia in Deo sicut effectus in causa agente ab æterno esse habuisse, & sic fuisse illi præsentia eo pacto, quo effectus præsens esse dicitur ei, qui causam effectivam illius intuetur secundum ordinationem quam ad ipsum habet. Verùm quia ex sola causa efficiente non habet res, quod sit futura, sed quod sit possibilis, illa ordinatio aliunde provenire debet, & subinde talis præsentia non est rei in

4.

seipsa, sed in causa & secundum quid, & indeterminatè, & non secundum esse determinatum & physicum rei in seipsa. Indubitatum quoque esse debet, futura quaecunque in Deo ab æterno esse habuisse sicut in prima causa exemplari & ideali omnium rerum, seu veritatis & esse illarum: sed prout sic neque dicuntur esse præsentia simpliciter, sed intentionaliter & objectivè, sicut domus exterior habet esse in idea artificis secundum esse intentionale & objectivum duntaxat, quia idea rei est forma intellecta. Tandem certum est quod habuerint esse in ejus bonitate, secundum quod sunt diversæ participationes illius, sicut in causa finali, sed neque per hoc absolutè dicuntur præsentia simpliciter, quia & in bonitate habent esse creaturæ possibiles. Difficultas igitur impræsentiarum est, an secundum suas reales existentias, per quas realiter seu in re pro aliqua temporis differentia extitura sunt, Deo sint præsentia ab æterno, seu ejus æternitati coexistent, eò quod ipsa est mensura indivisibilis, & infinita omnis esse & actus.

5. Summa est præsentis quaestionis capiendæ difficultas; Ea propter S. August. lib. 11. Confess. cap. 19. exclamat dicens: *Tu itaque regnator creaturae, quis est modus, quo doces animas ea quae futura sunt? Docuisti enim Prophetas tuos. Quisnam ille modus est, quo doces futura, cui futurum quicquam non est; vel potius de futuris doces praesentia? Nam, quod non est, nec doceri utique potest. Nimis longè est modus iste ab anima mea. Invaluit ex me, non potero ad illum: potero autem ex te cum dederis tu dulce lumen oculorum meorum.* Idcirco summam omni tempore inter ipsos

iplos Theologos litem peperit. Realem, seu physicam hujusmodi futurorum in æternitate præsentiam, seu coëxistentiam in illa, solam objectivam admittentes, negarunt ex antiquis, Alensis *1. p. q. 23. m. 4. art. 3.* S. Bonaventura *in 1. dist. 36. art. 2. q. 3.* Scotus *in eodem lib. dist. 38.* Durandus *dist. 36. quest. 3. num. 12.* Gabr. *d. 38. q. 1. art. 2.* Greg. *ibid. q. 2. m. 2.* Marsilius *in suo Castigatorio ad hunc art. 13. D. Thom.* quos nonnulli ex discipulis S. D. sequuti sunt, inter quos Egidius *opusc. 4.* Silvester *in suo defens.* Hervæus & Hispalensis *in 1. dist. 38.* Ex Recentioribus autem P. Suares *lib. 1. de scient. futur. absolut. c. 7.* Vasquez *hic dist. 63.* & communiter authores Societatis, Scotique Discipuli. Notandum tamen velim, quòd esto hi omnes in negandâ physicâ istâ futurorum in æternitate præsentia convenerint, non tamen eodem motivo, aut ratione ducti sunt. Nam Societatis Recentiores præcipuè id negarunt, quia existimavere ex hujusmodi reali & physicâ præsentia humanorum operum libertatem auferri, tollique à rebus contingentiam, quod tamen ab antiquis illis non invenitur assertum, seu illatum. Similiter Recentiores illi præsentiam objectivam ejusmodi futuris concedunt ante omnem divinæ voluntatis determinationem, quâ decreverit efficaciter ea fore; Scotus verò & alij antiqui nonnisi post divinæ voluntatis decretum atque constitutionem, eam præsentiam, quâ certò cognoscantur à Deo, futuris attribuit.

Oppositam sententiam, nimirum futura quælibet extitisse Deo præsentia ab æterno in mensurâ ipsius æternitatis, docent D. Th. *hic art. 13. q. 2. de* & alibi passim. Quem sequuntur communiter *verit.*

art. 12. c. ejus discipuli. Ex antiquis eandem asseruerunt
 1. cont. Mag. sent. in 1. disp. 38. Richardus *ibid.* quæst. 5.
 gent. c. Abulensis *super Matth. cap. 18.* quæst. 36. Cordu-
 66. & 67. ba 9. 35. disp. 9. Immo hanc asseruisse videtur Se-
 & loc. neca in lib. natur. quæst. cap. 36. *Sapientis quo-*
 infra ci- *que ziri, ait, negatis sententiam posse mutari quan-*
 tandis. *tò magis Dei. Cum sapiens, quid sit opportunum,*
in præsentia sciat, illius divinitati omne præsens
sit. Vbi de reali coëxistentia, & non tantum
objectivâ loquutus videtur; quia sapiens id
quod est sibi realiter præsens, scit an opportu-
num sit, nec ne; nam scire nequit, quod est
realiter futurum. Eandem sententiâ ex Recentio-
ribus amplexi sunt Fonseca lib. 6. Metaphys. c. 2.
Granado tr. 4. de scient. Dei disp. 3. Ruiz disp. 28.
sect. 3. Claudius Typhonius in lib. de ordine c. 19.
 Molina etiam hîc disp. 13. asseruit hujusmodi
 futura prius coëxistere in æternitate per quan-
 dam anticipationem, quam sint habitura exi-
 stentias suas in tempore: itaut prius intelligan-
 tur futura habere esse extra suas causas in æter-
 nitate, quam in tempore illud habituræ sint.
 Qui quidem dicendi modus communiter re-
 jicitur: Primò, quia illud esse futurorum bis
 produceretur, prius in æternitate, deinde in
 tempore. Secundò, quia æternitas ideo futura
 sibi coëxistentia continet, quia omne tempus
 futurum ambit, omniaque pariter, quæ sunt
 in illo extitura: ergo quia futura habitura sunt
 esse in tempore futuro, quod ab æternitate
 continetur, ideo ipsa futura æternitati coëxi-
 stunt: ergo nisi prius intelligantur futura ha-
 bitura esse in tempore futuro sub æternitate
 contento, non possunt intelligi futura æter-
 nitati coëxistere. Sicut enim corpus non prius
 est

Art. XIII. An scient. Dei sit, &c. Cap. V. 339
est in loco communi, quam in loco proprio :
neque enim ideo est in proprio loco, quia est
in loco communi, sed è contra ideo est in loco
communi, quia est in loco proprio : ita futura
non sunt in tempore suo proprio, quia priùs
sunt in æternitate, quæ est mensura seu duratio
communis, sed potiùs ideo sunt in æternitate,
quia sunt in tempore suo. Tertid in pugnari
potest omnibus contrariorum argumentis, quæ
directè contra illam militant.

§. II.

*Statuitur conclusio, & probatur, tum ex modo
loquendi S. Scriptura, cum ex SS. Patribus.*

Dicendum est itaque futura esse Deo ab
æterno præsentia, non solùm objectivè &
ratione suæ præscientiæ ; sed etiam realiter &
physicè ratione suæ æternitatis ambientis indi-
visibiliter omne tempus. Hanc physicam re-
rum in æternitate præsentiam non obscure S.
Scriptura insinuat, dum dicit omnia cum ipso
Deo esse, vel apud ipsum : ut psal. 49. *Cogno-
vi*, ait Dominus, *omnia volatilia cæli, & pul-
chritudo agri mecum est.* Ex quibus sic : quod est
cum alio illi coëxistit : sed pulchritudo agri
futura est cum Deo ab æterno, sicut & vola-
tilium cognitio : ergo illi coëxistit ; sed non
objectivè : ergo physicè. Min. prob. quia quod
est in alio objectivè duntaxat, non dicitur
absolutè esse cum illo, sed habere esse cogni-
tum in illo : v. g. de rosa, quæ erit in vere,
non dicitur quodd sit nunc mecum in hyeme,
licet cognoscam, sed tantùm pro eo tempore
dicitur esse mecum, quo mihi physicè coëxistit.

7.

Vnde glossa ex S. Augustino sic glossat : *Pulchritudo agri mecum est : Quia ego ubique , vel apud me nihil praterit , nihil futurum est.* Et D. Gregorius lib. 10. moral. cap. 1. explicans illud Iob, *Breves dies hominis sunt , numerus mensium ejus apud te est ,* ita habet : *Quia apud omnipotentem Deum etiam labentia stant , apud eum esse numerum nostrorum mensium perhibet.* Quomodo autem labentia stant , si ipsi physicè præsentia non sunt , & indivisibiliter ? Et quomodo apud eum esse dicuntur , nisi sint ei physicè præsentia. Nam, *esse apud*, conjunctionem realem importat ad personam, vel locum ; ut *Scripti hac apud Romam ; Conavi apud Pompeium.*

8. Insuper S. Scriptura ea quæ ventura sunt aut futura , ut præsentia , seu facta non semel, sed sæpe sæpius commemorat : quod esse non posset, si illa duntaxat objectivè præsentia essent ; alias enunciaretur rem esse aliter quam sit ; sicut si de rosa , quæ in vere extitura est, enunciatur, Rosa est , vel perfectæ, aut facta est, profectò falsum enunciabitur. Quod egregiè observavit D. Ambrosius lib. 1. de fide cap. 7. dicens : *Dominus creavit me ; Non dixit , Pater creavit , sed Dominus creavit me.* Caro Dominum agnoscit , gloria Patrem significat : creatura nostra Dominum confitetur , charitas Patrem novit : Nec dubitandum , quòd prateritum posuit , quod erat futurum. Hac enim est consuetudo prophetiæ, ut quæ futura sunt , vel quasi præsentia , vel quasi facta dicantur. Denique in psalmo 21. legisti : *Tauri pingues obsederunt me.* Legisti etiam ; *Diviserunt sibi vestimenta mea.* Quod Evangelista de tempore passionis prophetatum esse significat. Deo enim, quæ futura sunt , præsentia sunt : & sic cui præcognita

Art. XIII. An scient. Dei sit, &c. Cap. V. 341
precognita sunt omnia, ventura perfecta sunt, si-
cut scriptum est; qui fecit quae ventura sunt. Quæ
authoritas habetur in Isaia cap. 45. secundum
versionem 70. Idem docet super primam Co-
rinth. cap. 15. vel quicumque sit author illius
commentarij; qui modus loquendi etiam ob-
servatus fuit à D. Augustino lib. Soliloq. c. 26.
ubi ait: Quæ & qualia sint in libro tuo scripta de
me in secretorio consistorij tui ego quidem ignoro,
unde & valde timeo: Tu verò nosti, quoniam quod
ego per successus dierum & temporum hinc ad mille
annos hujus temporalitatis expecto, in conspectu
aeternitatis tuae jam factum est, & quod futurum
est, jam factum est. Sed illud quod expectatur
per successus dierum, dum accidit, physicè
habet esse: ergo & physicè dicitur Deo præ-
sens seu factum, & intuitus Dei ad illud in seip-
so fertur.

Hanc veritatem idem August. manifestè as-
serit lib. 2. ad Simplicianum quæst. 2. dicens:
Quid futurum est Deo, qui omnia supergreditur
tempora. Si enim in scientia res habet, non sunt
futura sed presentes, ac per hoc non jam præscien-
tia, sed tantum scientia dici potest. Si autem, sicut
in ordine temporalium creaturarum, ita & apud
eum nondum sunt, quæ futura sunt, sed ea præ-
venit sciendo: Bis ergo ea sentit, uno quidem mo-
do secundum futurorum præscientiam: altero verò
modo secundum præsentium scientiam. Aliquid ergo
temporaliter accedit scientiæ Dei, quod absurdis-
simum atque falsissimum est. Nec enim potest, quæ
ventura prænoscis, nosse cum venerint, nisi bis in-
notescant, & prænoscendo antequam sint, & co-
gnoscendo cum jam sunt. Ita fit, ut quod longè à
veritate seclusum est, temporaliter aliquid accedas

342 *Quaest. XIV. De Scientia Dei,*
scientia Dei, cum temporalia, qua praesciuntur,
etiam praesentia sentiuntur, qua non sentiebantur
antequam fierent, sed tantummodo praesciebantur.
Si verò etiam cum venerint qua praesciebantur esse
futura, nihil novi accedit scientia Dei, sed mane-
bit illa praescientia sicut erat etiam priusquam ve-
nirent, qua praesciebantur, quomodo jam praescien-
tia dicetur, quando non est rerum futurarum?
Iam enim praesentia sunt, qua futura cernebat, &
paulò post erunt praeterita. Praeteritarum autem re-
rum, sicut praesentium nullo modo potest dici pra-
escientia. Reditur ergo ad id, ut fiat rebus jam pra-
sentibus scientia, qua eisdem rebus futuris erat pra-
escientia: & cum ea, qua praescientia erat prius, po-
stea scientia fiat in Deo, admittit mutabilitatem
& temporalis est, cum sit Deus, qui verè summè-
que est, nec ulla ex parte sit mutabilis, nec ullo motu
novitio temporalis.

10. Profectò hoc S. D. testimonium ita nervosè
 nostram conclusionem, & veritatem statuit, ut
 nisi me mea fallat opinio, ad rem demonstnan-
 dam nihil efficacius. In eo multa animadver-
 sione digna occurrunt. Primum quidem est il-
 lud: *Si in scientia res habet, non sunt ei futurae,*
sed praesentes: ac per hoc non jam praescientia, sed
tantum scientia dici potest. Ex quibus sic: prae-
 sentia duntaxat objectiva rei non tollit, quin
 cognitio rei futurae praescientia dici possit: sed
 D. Augustinus loquitur de praesentia, quae tol-
 lit praescientiam: ergo non loquitur de praesen-
 tia duntaxat objectivâ, sed reali & physicâ.
 Maj. prob. quidquid cognoscitur, intellectui
 objectivè praesens est, etiam si non sit praesens
 physicè, & in sui naturâ: quia cognitio fit per
 hoc quod cognitum est actu in cognoscente ut
 actus

actus & perfectio ejus : ergo præsentia duntaxat objectiva rei non tollit quin cognitio rei futuræ præscientia dici possit. Minor autem ex verbis S. D. manifesta est. Addo, Augustinum nomine scientiæ, visionis scientiam intelligere, & quæ fertur in rem prout in seipsa præsens est, ut colligitur ex illis verbis : *Redit ergo ad id, ut fiat rebus jam presentibus scientia, quæ eisdem rebus futuris erat præscientia* : ubi non est dubium, quin loquatur de præsentia reali, seu rei in propria natura dum actu & physicè existit.

Secundum est illud : *Si autem sicut in ordine temporalium creaturarum, ita & apud eum nondum sunt, quæ futura sunt, sed ea prævenit sciendo* : bis ergo ea sentit : uno quidem modo secundum futurorum præscientiam, altero verò modo secundum præsentium scientiam. Ex eo probat D. Augustinus, quod Deus bis, & mutabiliter res futuras cognosceret, nimirum secundum præscientiam futurorum, & secundum præsentium scientiam, quia aliter res habent esse cum sunt præsentis in propria natura, & aliter cum sunt in cognoscente tantum secundum rationes suas, quo pacto sunt futura quæ præsciuntur : ergo cum infert, quod non aliter cognoscit cum sunt futuræ, & cum sunt præsentis, loquitur de præsentia physica, & rei in propria natura. Conf. præscientia, & scientia in hoc distinguuntur apud S. D. quod præscientia sit eorum quæ non sunt in propria natura, sed in cognoscente tantum ; scientia vero sit eorum quæ cognoscuntur ut sunt in se : sed D. August. asserit præscientiam futurorum in Deo debere dici scientiam, nimirum visionis, & intuitivam : ergo loquitur de rebus terminantibus divinam
cogni

344 *Quaest. XIV. De Scientia Dei*,
cognitionem prout sunt in propria natura, &
physicè præsentes. Addo quòd apud S. D. ut
vidimus supra in princip. cap. nomen præsenti-
æ non intelligitur nisi respectu eorum quæ
præsto sunt sensibus, vel corporis vel animi:
quod est esse præsens physicè. Et iterum idem
S. D. lib. 11. de Civit. cap. 21. *Dum videt*, in-
quit, *quia bonum est: docet bonum esse non discit*:
Non enim Dei scientia variatur, ut aliud in ea
fiant, quæ nondum sunt, aliud quæ jam sunt, aliud
quæ fuerunt. Non enim more nostro ille, vel quod
futurum est prospicit, vel quod præsens est aspicit,
vel quod præteritum est respicit, sed incommutabi-
liter videt, ita ut futura, præsentia, & præterita,
stabili & sempiterna præsentia comprehendat: nec
aliter nunc, & aliter antea, & aliter postea: quo-
niam non sicut nostra, ita & ejus. Videndus idem
S. D. lib. 5. de Trinit. cap. 16.

12. Hanc eandem rationem adducit D. Gregorius
lib. 20. Moral. cap. 23. dicens: *Quomodo est*
præsciens, dum nulla, nisi quæ futura sunt, præscian-
tur? & scimus quia nihil Deo futurum est, ante
cujus oculos præterita nulla sunt, præsentia non tran-
seunt, futura non veniunt, quippe quod omne quod
nobis fuit & erit, in ejus prospectu præsto est, &
omne quod præsens scire potest potius quam præ-
scire: Quia ea, quæ nobis futura sunt, videt, quæ
tamen ipsi semper præsto sunt, præsciens dicitur,
quamvis nequaquam futurum prævideat, quod præ-
sens videt. Nam & quæque sunt, non ab æternita-
te ejus ideo videntur, quia sunt, sed ideo sunt quia
videntur. Dum ergo ad verba mutabilitatis nostra
descenditur, ex eis quibusdam gradibus factus as-
cendat, qui potest ad incommutabilitatem Dei, ut
videat sine prævisionibus præscientem. In illo enim
nec

Art. XIII. An scient. Dei sit, &c. Cap. V. 345
nec præterita, nec futura reperiri queunt, sed cun-
cta mutabilia immutabiliter durant, & quæ in seip-
sis simul existere non possunt, illi simul omnia assi-
stunt, nihilque in illo præterit quod transit, quia
in æternitate ejus modo quodam incomprehensibili
cuncta volumina seculorum transeuntia manent,
currentia stant.

Perpende illa verba : *Quia ea, quæ nobis fu-* 13.
tura sunt, videt : quæ tamen ipsi semper præsto sunt,
præscius dicitur, quamvis nequaquam futurum præ-
videat, quod præsens videt. Ex quibus hæc : ea
quæ nobis futura sunt, sunt res ipsæ in seipsis
consideratæ, v. g. Antichristus futurus : ergo
si hæc præsentia sunt Deo, physicè & in seipsis
ex S. D. præsentia sunt. Et hoc indicat illud
verbum : *Præsto sunt.* Nam indicat physicam
præsentiam, seu rei in seipsa, & physicè exi-
stentis : non enim præsto esse dicitur nisi quod
sensibus attingitur, ut patet. Et clarius id in-
sinuat, dum ait : *Quod nobis fuit, & erit in ejus*
prospectu præsto est : Quis enim dicat rem quæ
cogitatur mente duntaxat, in prospectu præsto
esse ? Alias res fidei nobis præsto essent, cum &
à nobis mente cogitentur. Deinde quia cum
res sunt præsentibus tantum objectivè & secun-
dum rationes suas prætereunt & transeunt co-
gnoscenti ; nam cognitio rei præteritæ est ejus
quod fuit, futuræ est rei quæ erit, & præsentis
est ipsius rei quæ est, in quibus importatur ne-
cessariò successio, & transitus de futuro in præ-
sens ; & de præsentibus in præteritum : sed D. Gre-
gorius asserit, quod ea quæ in seipsis simul
existere non possunt, illi, scil. Deo, simul assi-
stunt, nihilque in illo præterit, quod transit,
quia in æternitate ejus quodammodo incom-
prehen

346 *Quaest. XIV. De Scientia Dei,*
prehensibili cuncta volumine sæculorum tran-
seuntia manent : ergo loquitur de coëxistentia
physica rerum in æternitate.

14. Insuper D. Prosper, insignis Augustini disci-
pulus , illiusque doctrinæ egregius defensor
lib. 2. de vocat. gent. c. 34. postquam retulit Se-
mipelagianorum errorem contententium fiu-
stra Sanctos homines laborare , & oratio-
nibus insistere , si ex incommutabili proposito
Dei ante mundi constitutionem ponantur ele-
cti , respondendo concludit : *Sed qui se inge-
niosè hoc arbitrantur opponere , non intelligunt
Scientiam Dei , qua & præterita & futura ample-
ctitur, tempore non teneri, & tam in conspectu ejus
astare ea quæ gerenda sunt, quam illa , quæ aut ge-
runtur, aut gesta sunt. Quod cùm verissimum sit,
non indiget mora cernendi, aut discernendi illa
virtus, quæ perpetuo, veroque intuitu, creata &
creanda, orta & oritura, acta & agenda simul as-
picit, & quidquid in universitate rerum per sæ-
cula præfinita evoluitur, ac multimodis varietati-
bus explicatur, id totum in eo jam ordine compre-
hendit, quem ex ipsius summo illo perfectoque ju-
dicio mundi hujus finis accipiet.* Quid est quæso
astare divino conspectui, tam ea quæ gerenda
sunt, quam illa quæ gesta sunt, aut geruntur,
nisi esse præsentia physicè ? Nam eodem modo
astare divino conspectui dicuntur quæ gerenda
sunt, quam quæ geruntur : sed quæ geruntur,
stant divino conspectui physicè & in propria
natura : ergo etiam quæ gerenda sunt, sive fu-
tura. Quod maximè patet ex his quæ cap. præ-
ced. 33. præmiserat dicens : *Nec cogitatio ejus
(scil. Dei) rerum mutabilium inequalitate varia-
tur, sed cuncta pariter tempora & temporalia sem-*
piterno,

Art. XIII. An scient. Dei sit, &c. Cap. V. 347
piterno, ac stabili comprehendit intuitu, omnibus
omnia retribuit, qui quæ sunt futura, jam fecit.
Quid est fecisse futura, nisi in cognitione sua
habere res istas prout in propria natura exi-
stunt, quod est eas esse præsentēs physicè; nam
præsentia quæ est rei existentis in cognoscente
physica est cum sit objecti in propria natura.

15.

Eandem doctrinam sequutus est D. Fulgen-
tius de fide ad Petrum cap. 33. Et lib. 1. ad Mo-
nimum c. 12. dicens: *Vera igitur immutabilitas*
dignè vera vocatur aternitas; in qua aternitate in-
commutabilis voluntatis sue creator ille jam fecisse
dicitur, quod in creatura mutabili, prout opportu-
nè faciendum disposuit, sic rectè dispositum facit.
Præterea D. Bernardus serm. 70. in Cantica;
Tempora, inquit, *sub eâ* (scil. summâ & in-
creatâ naturâ, quæ est Deus Trinitas) *transcunt,*
non ei. Futura non expectat, præterita non exco-
gitat, præsentia non experitur. Tandem S. Isido-
rus lib. 1. sent. cap. 7. *Speramus*, inquit, *adve-*
nientia, intuemur præsentia, recolimus transcun-
tia. Hac non ita in Deo sunt, cui simul omnia ad-
sunt. Quid est quæso, simul adesse, nisi simul
coëxistere? Et quomodo adsunt ei simul om-
nia, nisi physicè ei præsentia sint? Nam si dun-
taxat objectivè adsunt, cognoscit se Deus illa
cognoscere, sed minimè illi adsunt, aut præ-
sentia sunt; nisi velimus dicere, Antichristum
jam nobis adesse, quia illum per fidem ventu-
rum cognoscimus. Insuper Rabanus Maurus
lib. 5. in Ecclesiasten: *In omnipotente Deo*, in-
quit, *ea quæ secutura sunt tempora, præsentia*
semper consistunt: cui nec futura veniunt, nec præ-
terita discedunt, sed cuncta simul ante oculos ejus
assistent. Fuisse, vel futurum esse aternitas non
habet,

348 *Quaest. XI V. De Scientia Dei,*
habet, cui nimirum nec praterita transeunt, neque
futura superveniunt, quia cuncta praesentia videt.
Videndi D. Cyrillus lib. 5. Thesauri cap. 8. D.
Anselmus lib. de casu diab. cap. 21. & in opusc.
de concord. cap. 1. D. Petrus Damianus epist. 4.
de omnip. cap. 8. & alij PP. qui unanimi con-
sensu asserunt Deo nihil futurum esse, ex eo
quod ejus aeternitas omne tempus ambir, nimi-
rum praesens, praeteritum & futurum, & om-
nia quae in quolibet tempore fiunt. Ex quo in-
ferunt, Deum certò omnia futura etiam con-
tingentia certò cognoscere, quia illa sunt ei
in aeternitate praesentia. Quod de praesentia
objectivâ intelligi nequit, tum propter dicta
ad singulorum testimonia, quae ponderavimus,
tum etiam propter dicenda universaliter.

16. Et primò quidem, quia si S S. Patres, cùm
dicunt, ideo Deum certò futura cognoscere
quia illa sunt sibi in sua aeternitate praesentia,
loquerentur de objectiva praesentia, idem per
idem inutiliter repeterent, dicerent enim, ideo
res certò à Deo cognosci, quia à Deo cognos-
cuntur, vel se cognoscit ea cognoscere; esse enim
aliquid objectivè praesens est idem quòd co-
gnosci, seu esse actu in cognoscente: ergo si
Deus ideo futura cognoscit, quia illa sunt ei
objectivè praesentia, ideo Deus ea cognoscet,
quia illa cognoscit. Secundò, quia verum nul-
lo modo esset, Deo nihil esse futurum, si fu-
tura non essent Deo praesentia secundum exi-
stentias suas, sed solùm secundum objectivam
praesentiam: quia aliquid esse vel non esse fu-
turum, non objectivam, sed realem rerum
existentiam respicit: igitur si secundum reales
existentias suas futura essent Deo futura, verè,
absolutè,

Art. XIII. An scient. Dei sit, &c. Cap. V. 349
absolutè, atque simpliciter essent Deo futura :
& subinde falsum esset asserere, nihil esse Deo
futurum.

Tertiò, quia SS. Patres ideo docent omnia
Deo in sua æternitate esse præsentia, quia æter-
nitas ambit simul omne tempus, præteritum,
& futurum; sed hæc ratio manifestè de præ-
sentia reali rerum & secundùm reales earum
existentias procedit: ergo loquuntur de præ-
sentia reali, & quæ est objecti in propria natu-
ra. Min. prob. quia tempus præsens, præteri-
tum, & futurum, quod æternitas ambit, ve-
rum & reale tempus est, non objectivè cogni-
tum: & similiter res, quæ successivè in quali-
bet temporis differentia producuntur, non se-
cundùm sui objectivam duntaxat præsentiam,
sed secundùm illorum veras existentias produ-
cuntur. Tandem, quia æternitas, in qua do-
cent futura Deo præsentia esse, non est co-
gnoscitiva, sed infinita quædam indivisibilis-
que duratio omnes alias durationes creatas
continens, & omnia quæ in illis fiunt: ergo de
præsentia physica loquuntur.

17.

§. III.

*Divi Thomæ de hac re sententia, & genuina
mens ostenditur.*

DIVUS THOMAS SS. Patres insequutus totus
est in asserenda hujusmodi rerum in æter-
nitate præsentia reali & physica. Innumera
possunt huc illius congeri testimonia, sed ex
multis pauca seligemus, manifestioraque. Præ-
ter adducta in solut. secundi & tertij argumen-
ti, quæ patentissima sunt, occurrunt alia non
pauca,

18.

350 *Quest. XIV. De Scientia Dei,*
pauca, quorum primum desumitur ex quæst. i.
de verit. art. 5. ubi sibi decimò obijcit dicens :
Omne, quod scitur, est verum dum scitur ; sed
Deus ab aeterno scivit omnia enunciabilia : ergo
omnium enunciabilium est veritas ab aeterno, & ita
plures veritates sunt aeternae. Sed dicendum, ait,
quod ex hoc non sequitur, quod illa sint vera in
seipsis, sed in intellectu divino. Sed contra, secun-
dum hoc oportet illa esse vera, secundum quod sunt
scita : sed ab aeterno omnia sunt scita à Deo, non
solum secundum quod sunt in mente ejus (quo
pacto sunt praesentia objectivè) sed in propria
natura existentia (quod est physicè esse praesen-
tia) Eccl. 23. Domino Deo nostro, antequam crea-
rentur nota sunt omnia, sicut post perfectionem co-
cognoscit omnia ; & ita non aliter cognoscit res post-
quam facta sunt, quam ante cognoverit : ergo ab
aeterno fuerunt plures veritates, non solum in in-
tellectu divino, sed etiam secundum se. En utram-
que praesentiam. Resp. S. D. Dicendum, quod si-
cus ex praedictis patet, intellectus non solum ada-
quatur his, quae sunt actu, sed etiam his, quae actu
non sunt, praecipuè intellectus divinus, cui idem est
praeteritum & futurum. Vnde quamvis res non fue-
rit ab aeterno in propria natura, intellectus tamen
divinus fuit adequatus rebus in propria natura, fu-
turis in tempore : Et ideo veram cognitionem ha-
buit ab aeterno de rebus etiam in propria natura,
quamvis rerum veritates ab aeterno non fuerint.
Scil. extra intellectum divinum. Ex quibus sic ;
intellectus divinus non potest adæquari rebus
in propria natura, nisi intuitus ejus feratur su-
per eas ut physicè existunt, hoc enim sonat esse
in propria natura, prout distinguitur ab hoc
quod est esse in mente : sed ab aeterno fuit adæ-
quatus

Art. XIII. An scient. Dei sit, &c. Cap. V. 351
quatus rebus prout in propria natura : ergo ab æterno illi fuerunt physicè & in propria natura præsentés.

Rem clariùs explicat in 1. sent. ad Annibald. dist. 38. q. 2. art. 1. ubi ait : *Dicendum, quod futurum contingens dupliciter potest considerari. Vno modo secundum quod est futurum, & sic nihil aliud est cognoscere futurum contingens, quam cognoscere causas ejus, secundum ordinem, quem habent ad ipsum, & quia causa contingentium non habent immutabilem ordinem ad suum effectum, ideo secundum hunc modum contingens futurum immutabiliter sciri non potest. Alio modo potest considerari contingens futurum ratione illius temporis, in quo futurum esse prædicitur, in quo quidem tempore, futurum jam præsentialiter est, & per consequens determinatum ad unum, & sic certitudinaliter potest contingens cognosci, utpote per seipsum jam visum, sicut sensu percipimus Sortem sedere. Vtroque autem modo Deus de futuris contingentibus scientiam habet. Cum enim sua cognitionis intuitus sit in momento æternitatis, correspondentis omnibus temporis partibus, videt ab æterno Deus rem secundum statum quem habet in quolibet puncto temporis ipse extra tempus existens, & sic ab æterno videt Sortem sedere; non autem ut futurum sibi, qui est extra tempus, sed ut præsens, futurum autem respectu aliorum quæ tempore præcedunt. Et ibidem ad 2. Dicendum, ait, quod quævis contingentia veritatem determinatam non habeant antequam sint, tamen quando jam sunt, determinatam habent veritatem, & sic intuitus divinus in ea fertur. Ex quibus sic, in tempore quo futurum jam præsentialiter est, physicè existit : sed ab æterno sic Deus illud cognoscit, & futurum*

191

est praesens hoc pacto intuitui divino : ergo
est praesens physice. Idem docet art. 2. ejusd.
q. ad 1.

20. Id ipsum repetit in 1. dist. 38. q. 1. art. 5. non
semel, sed iterum atque iterum. Et imprimis
quidem in c. art. ita habet : *Quaedam sunt causa,*
quae se habent ad utrumque, & in istis causis effe-
ctus de futuro nullam habent certitudinem vel de-
terminationem : & ideo contingentia ad utrumli-
bet in causis suis nullo modo cognosci possunt. Sed
quando jam efficiuntur in rerum natura, tunc habent
in seipsis esse determinatum : & ideo quando sunt
in actu certitudinaliter cognoscuntur, ut patet in
eo, qui videt Sortem : quia Sortem currere dum
currit, necessarium est, & certam cognitionem ha-
bere potest. Dico igitur, quod intellectus divinus
intuetur ab aeterno unumquodque contingentium,
non solum prout est in causis suis, sed prout est in
esse suo determinato (quo pacto physice & extra
Deum existit) Cum enim re existente ipsam rem
videat, prout in esse suo determinato est, aliter co-
gnosceret rem postquam est, quam antequam fiat,
& sic ex eventibus rerum aliquid accresceret ejus
cognitioni. Patet etiam quod Deus ab aeterno non
solum vidit ordinem sui ad rem, ex cuius potestate
res erat futura : sed ipsum esse rei intuebatur.
Quod qualiter sit, evidenter docet Boëtius in
sine de consol. Omnis enim cognitio est secundum
modum cognoscentis, ut dictum est ; Cum igitur
Deus sit aeternus ; oportet quod cognitio ejus mo-
dum aeternitatis habeat, qui est esse totum simul sine
successione. Unde sicut quamvis tempus sit succes-
sivum, tamen aeternitas ejus est praesens omnibus
temporibus una & eadem indivisibilis, ut nunc
stans : ita & cognitio sua intuetur omnia tempora-
lia

s. de con-
sol. prof.
ultima.

Art. XIII. An scient. Dei sit, &c. Cap. V. 353
 lia (quamvis sibi succedentia) ut praesentia sibi, nec
 aliquid eorum est futurum respectu ipsius : sed
 unum respectu alterius , unde secundum Boëtium
 melius providentia , quam praeventia , quia non
 quasi futurum : sed omnia ut praesentia uno intuitu
 procul videt , quasi ab aeternitatis specula : sed ta-
 men potest dici praescientia, inquantum cognoscit id
 quod futurum est nobis , non sibi. Quod ut melius
 pateat , exemplis ostendatur. Sint quinque homi-
 nes , qui successivè in quinque horis quinque con-
 tingentia facta videant : Possum ego dicere , quod
 isti quinque vident hic contingentia succedentia
 praesentialiter. Si autem poneretur quod isti quin-
 que actus cognoscentium esset actus unus , posset
 dici quod una cognitio esset praesentialiter de omni-
 bus illis cognitis successivis. Cum ergo Deus uno
 intuitu non successivo omnia tempora videat , om-
 nia contingentia in temporibus diversis ab aeterno
 praesentialiter videt , non tantum ut habentia esse
 in cognitione sua. Non enim Deus ab aeterno cog-
 novit de rebus se tantum cognoscere ea , quod est
 esse in cognitione sua , sed etiam ab aeterno vidit
 uno intuitu , & videbit singula tempora , & rem
 talem esse in hoc tempore, & in hoc deficere. Nec
 tantum videt hanc rem respectu praecedentis tem-
 poris esse futuram , & respectu futuri praeteritam,
 sed videt illud tēpus, in quo est praesens, & rem esse
 praesentem in hoc tempore : quod tamen in intelle-
 ctu nostro non potest accidere , cujus actus est suc-
 cessivus secundum diversa tempora. Et ita patet
 quod nihil prohibet contingentium ad utrumlibet
 certam scientiam Deum habere, CVM IN-
 TVITVS EIVS AD REM CON-
 TINGENTEM REFERATUR
 SECUNDVM HOC QVOD PRÆ-

354 *Quæst. XIV. De Scientia Dei,*
SENTIALITER EST IN ACTU,
QUANDO IAM DETERMINA-
TVM EST, ET CERTITVDINA-
LITER COGNOSCI POTEST.
Nescio quid expressius dici possit pro physica
rerum præsentia in æternitate. Nam referri il-
lius intuitum ad rem contingentem secundum
hoc quod est præsentia in actu, est ferri in
eam ut actu extra causas & in propria natura
existentem, id enim notat esse in actu præsen-
tialiter apud S. D. ut patet ex opusc. 1. cap. 26.
ubi ait: *Cum Angelorum non sit futura prænoscere,*
sed Dei solius, licet Angeli mysterium nostræ
redemptionis à saculo cognoverint ut August. dicit,
tamen aliquas hujus redemptionis circumstantias
plenè nesciverunt quandiu erant futura, sed eis
completis eorum notitiam acceperunt, sicut & alio-
rum quæ præsentia sunt. Eandem tradit do-
ctrinam ibid. ad 3. dicens: *Actus divina cogni-*
tionis transit supra contingens etiam si futurum sit
nunc, sicut transit visus noster supra ipsum dum est.
Et quia esse quod est, quando est, necesse est, quod
tamen absolutè non est necessarium, ideo dicitur
quod in se consideratum est contingens, sed relatum
ad Dei cognitionem est necessarium quia ad ipsam
non refertur nisi secundum quod est in esse actuali:
Et ideo simile est, sicut si ego videam Sortem præ-
sentia currere, quod quidem in se est contin-
gens, sed relatum ad visum meum est necessarium.
Præterea ibid. solut. ad 4. Si sumatur, inquit,
Sortem currere, secundum quod substat divina
scientia cui subjicitur, prout consideratur præsen-
tialiter in suo esse actuali. Nunquid hæc præsen-
tialitas est physica, quæ est rei in suo esse
actuali? sic ergo ab æterno est præsens divino
intellectui,

Art. XIII. An scient. Dei sit, &c. Cap. V. 355
intellectui, divinæque subjicitur scientiæ. In-
super solut. ad 6. *Cursus Sortis*, inquit, *subjacet*
certitudini divinæ scientiæ prout est in actu, & hoc
non habuit semper (nimirum esse in actu) quia
quandoque erat in potentia tantum, & secun-
dum quod sic tantum erat, non erat subjecibi-
lis certitudini divinæ scientiæ. Si enim Deus
vidisset ipsam causam ut, & non vidisset imme-
diatè effectum in esse suo, sicut nos futura cognosci-
mus (nimirum videndo causas) numquam po-
tuisset istud scire. Et tandem ad solut. ad 7. *Deus*,
inquit, *non tantum cognoscit ea, quæ sunt nobis*
præsentia; sed quæ sunt nobis præterita & futura:
supra quæ tamen omnia divinus intuitus cadit, se-
cundum quod suis temporibus præsentia sunt: sed
suis temporibus sunt præsentia physicè: ergo
sunt præsentia physicè Deo ab æterno.

Et dictâ quæst. art. 4. in c. hanc elegantem 211
tradit doctrinam: *Secundum quod aliqua se ha-*
bent ad esse, ita se habent ad divinam cognitionem.
Esse autem rei potest tripliciter considerari: Vel
prout est in propria sua natura ex suis principiis
educta: vel prout est in potentia alicujus causæ:
vel prout est in apprehensione alicujus cognoscen-
tis: Omnia ergo illa, quæ habent esse actu in sua
natura secundum quodcunque tempus, Deus ab
æterno scivit, & apprehendendo naturam ipsorum,
& videndo ea esse non tantum in cognitione sua,
vel potentia alicujus causæ, sed etiam in esse natu-
re. Quod patet, quia re existente cognoscit Deus
esse, quod habet in propria natura; si autem ab
æterno non cognovisset nisi esse ejus, quod est in
cognitione, vel in potentia causæ, cognitio sua
proficeret per temporum successiones, & talia di-
citur Deus scire scientiâ visionis. Res autem illas,

quarum esse in nullo tempore est in propria natura, cognoscit esse in potentia causa; vel creatura deficientis sicut mala; vel in potentia operativa sua sicut bona. Scit etiam ea esse in cognitione sua, inquantum scit se cognoscere, & se posse facere ea, quantum ad bona, vel posse contingere ex defectu creaturae, quantum ad mala. Et iste modus cognitionis nominatur simplicis intelligentia, inquantum scil. per modum istum cognoscitur ipsa simplex natura rei, qua posset esse; tamen non cognoscitur ipsum esse simplex, cujus propriè est visio, sed secundum quid tantum, ut dictum est. Nescio quid expressius dici queat pro hujusmodi physica rerum praesentia in aeternitate.

21.

Tandem S. D. q. 16. de malo art. 7. c. hanc veritatem ita expressè & manifestè tradit, ut nullum prorsus reliquerit tergiversationi locum. Dicendum inquit, quòd dupliciter possunt futura cognosci; uno modo in seipsis: alio modo in suis causis. In seipsis quidem à nullo cognosci possunt, nisi à Deo. Cujus ratio est, quia futura, prout futura sunt, nondum habent esse in seipsis: esse autem & verum convertuntur. Vnde cum omnis cognitio sit alicujus veri, impossibile est quòd aliqua cognitio respiciens futura in ratione futuri, cognoscat ea in seipsis. Cum autem praesens, praeteritum, & futurum sint differentia temporis, temporalem ordinem designantes, omne quod qualitercumque est in tempore, comparatur ad futurum sub ratione futuri. Et ideo impossibile est, quòd aliqua cognitio subjacens ordini temporis cognoscat futura in seipsis. Talis autem est omnis cognitio cujuscumque creatura. Vnde impossibile est quòd aliqua creatura cognoscat futura in seipsis, sed hoc est proprium solius Dei, cujus cognitio est elevata supra totum ordinem

Art. XIII. An scient. Dei sit, &c. Cap. V. 357
ordinem temporis : ita quod nulla pars temporis
comparatur ad operationem divinam sub ratione
præteriti, vel futuri, sed totus decursus temporis,
& ea, quæ per totum tempus aguntur, præsentiali-
ter & conformiter ejus aspectui subduntur. Et ejus
simplex intuitus super omnia simul fertur, prout
unumquodque est in suo tempore. Potest autem ac-
cipi conveniens similitudo ex ordine locali : sicut
enim prius & posterius in motu & tempore conse-
quitur prius & posterius in magnitudine, ut dici-
tur in 4. *Physic. text. 99.* ita Deus præsentialiter
omnia intuetur, quæ adinvicem comparantur se-
cundum ordinem præsentis, præteriti & futuri, quod
non potest aliquis eorum, cujus intuitus sub hoc or-
dine temporis cadit ; sicut ille, qui est in alta spe-
cula constitutus videt omnes simul transeuntes per
viam, non sub ratione præcedentis, & subsequen-
tis quoad ipsum, quamvis videat quosdam alios præ-
cedere : tamen quicumque in ipsa via constitutus
est in ordine transeuntium non potest videre nisi
præcedentes, vel juxta se positos. Et ibid. solut.
ad 4. Dicendum, inquit, quod alia ratio est de
Deo, qui totum tempus præsentialiter intuetur, eò
quòd intellectus ejus est omnino liber à tempore, &
sic respicit futurum ut existens, quod non potest
dici de Angelo, vel Demone. Quid quæso est
respicere futurum ut existens, & in seipso, at-
que ut habet esse præsens in suo tempore, nisi
respicere ipsum ut est præsens physice, & in
propria natura existens.

§. I V.

Probatur conclusio ratione desumpta ex ipsius æternitatis formali constitutivo.

23. **P**Rima ratio ex ipsa æternitatis ratione desumitur, & in hunc modum formari potest: *Supra qu. 10. art. 1.* *Æternitas est duratio infinita indivisibilis, & tota simul: sed est de ratione infinitæ durationis, quæ est tota simul, & absque ulla successionem, quod contineat actu omnem inferiorem durationem, & subinde omne tempus, nimirum præteritum, præsens, & futurum, & omnia quæ erunt in tempore futura, aliàs infinita, & indivisibilis non esset: ergo omnia tempora, & ea quæ sunt in eis, sunt Deo physicè in æternitate præsentia, seu illi ab æterno in mensurâ æternitatis physicè coëxistunt.*

24. *Conf. si æternitas esset successiva duratio infinita simpliciter, non est dubium, quin futurum tempus, & ea quæ in ipso existerent, comprehenderet; sed sicut de ratione infinitæ durationis successivæ est continere omnem durationem finitam, ita de ratione infinitæ durationis indivisibilis, & quæ est tota simul, est continere simul actu omnem finitam durationem; ergo, cum æternitas sit infinita duratio indivisibilis, & tota simul, debet simul & actu futurum tempus, & ea quæ in ipso fiunt, continere, ut sibi coëxistentia, & physicè præsentia pro illo nunc in quo erunt. Maj. patet, quia ultra infinitam illam successivam durationem, nulla alia duratio esset, aut portenderetur, quin immo ipsa ultra omnem se extenderet, quippe quæ infinita: ergo etiam futurum tempus, quod est*

Art. XIII. An scient. Dei sit, &c. Cap. V. 359
est aliqua finita duratio, comprehenderet: sicut dies complectitur horam, quia est major duratio quam hora, & annus continet diem, & lustrum annos, atque sæculum lustra, quia sunt majores durationes, & quæ ulterius se portendunt. Deinde, quia Deus in ratione essendi est infinitus, actu complectitur quicquid est, sive eminenter formaliter, sive virtualiter eminenter: ergo si æternitas esset infinita duratio successiva simpliciter, futurum tempus, & omnia quæ in ipso essent, comprehenderet.

Conf. 2. Futura physicè & realiter æternitati non coëxistunt? ergo ei sunt futura: ergo sunt futura toti æternitati, suntque extra totam æternitatem: sed hoc non est dicendum: ergo asserendum est, quòd futura æternitati Dei realiter coëxistant, & sint Deo in æternitate physicè præsentia. Prima consequ. patet: Secunda verò prob. æternitas est indivisibilis ac tota simul: ergo quæ futura sunt æternitati, futura sunt toti æternitati, & extra totam æternitatem, nulloque modo, etiam inadæquatè sub ea continentur, nec ab illa aliquâ ratione possunt mensurari; sicut illud, quod est futurum ad totum istum diem, nullâ ratione ab isto die continetur, vel ab eo mensuratur. Minor etiam prob. ex SS. Patribus supra adductis, qui manifestè asserunt, Deo nihil futurum esse, quia ejus æternitas omnia ambit. Nam reipsa quidem, si æternitati Dei aliquid futurum admititur, vel quod extra æternitatem sit actu, convincitur, vel quòd simpliciter infinita non sit, vel quòd non sit indivisibilis, & tota simul.

Hanc rationem, præter jam citatos Patres, adducit D. Petrus Damianus epist. 4. cit. dicens:

Constat

25.

26.

Constat Deum omnipotentem sic omnia secula in aeterna sapientia sua thesauro concludere, ut nec ad se quid accedere, nec à se quicquam per temporum momenta valeat transire. In illa igitur ineffabili suae majestatis arce persistens sic omnia in sua praesentia conspectu constituta uno ac simplici contemplatur intuitu, ut sibi nunquam penitus, vel praeterita transeant, vel futura succedant. Cui dum semper esse atque idem esse est per aeternitatem, dum omne, quod labitur, circumscribit, intra semetipsum omnium temporum cursus claudit. Eandem rationem insinuat D. Thomas q. 2. de verit. art. 12. ubi ait : Vnde cum visio divina scientia aeternitate mensuretur, quae est tota simul, & totum tempus includit, nec alteri parti temporis deest, sequitur ut quicquid in tempore geritur, non ut futurum, sed ut praesens videat. Et 1. contra Gentes c. 66. Rerum, inquit, quae apud nos nondum sunt, Deus videt, non solum esse, quod habent in suis causis, sed etiam illud, quod habent in seipsis, in quantum ejus aeternitas est praesens sua indivisibilitate omni tempori. Et in hac q. art. 9. Quadam, ait, licet non sint nunc actu, tamen vel fuerunt, vel erunt, & omnia ista dicitur Deus scire scientiam visionis; quia, cum intelligere Dei, quod est suum esse, aeternitate mensuretur, quae sine successione existens totum tempus comprehendit, praesens intuitus Dei fertur in totum tempus, & in omnia quae sunt in quocunque tempore, sicut in subiecta sibi praesentialiter.

27. Respondent oppositae sententiae Patropi, quod licet aeternitas careat successione, & divisibilitate entitativâ, & sibi intrinsecâ; non tamen divisibilitate sibi extrinsecâ, desumptâ ex rebus creatis inter se succedentibus, & coëxistentibus

Art. XIII. An scient. Dei sit, &c. Cap. V. 361
stentibus successivè æternitati divinæ. Vnde
non oportet quod actu & simul contineat om-
nem durationem creatam, ut sibi actu & phy-
sicè præsentem, & ea omnia, quæ in ejusmodi
duratione continentur, sed successivè: quod
tamen nullam mutationem in ipso Deo arguit,
sed in rebus creatis sibi invicem succedentibus.
Quod explicare moliuntur exemplo arboris ad
ripam fluminis plantatæ, quæ non coëxistit si-
mul & semel toti aquæ fluenti, sed paulatim
& successivè, non quidem per sui mutationem,
sed ipsius aquæ continuò fluentis, & decur-
rentis.

Contra primò: Æternitas ut æternitas est for-
maliter est actus perfectus habens totum suum
esse simul, & subinde actu & simul omnia tem-
poralia mensurans secundum unicum indivisi-
bile nunc: sed impossibile est, quod æternitas
ut æternitas sit divisibilis extrinsecè, seu divi-
sibilitate extrinsecâ desumptâ à creaturis ipsis
invicem sibi succedentibus, & coëxistentibus
successivè ipsi æternitati divinæ, & sit actus
perfectus, nullo modo potentialitati admixtus,
habens totum suum esse simul in ratione men-
suræ superioris in unico indivisibili nunc, actu
omnia continentis: ergo ex se debet esse indi-
visibilis tam intrinsecè, quam extrinsecè, itaut
successivè non coëxistat, creaturis in suo esse
& propria natura consideratis, sed simul omnia
ambiat, & contineat respectu sui, licet ipsæ res
adinvicem consideratæ sibi invicem succedant.
Maj. ex ipsius æternitatis definitione fit mani-
festa; æternitas enim esse non potest tota simul
& perfecta possessio, si est in potentia ad ali-
quid ipsâ non mensuratum actu secundum esse
pro

proprium ; sicut ille non diceretur habere perfectam possessionem rei , quam actu non possidet, sed potentiâ tantum : hinc, est quod tempus non dicitur perfecta omnium temporalium possessio, quia actu secundum unum indivisibile nunc minimè continet præteritum & futurum , sed est in potentia ad istud : habetque ex eo successionem , & est in actu potentialitati admixto , quia in ratione mensuræ habet partem post partem , cum sit numerus motus secundum prius & posterius. Min. verò prob. quia æternitas pro hoc instanti A v.g. non mensurat actu proprium esse & durationem omnem Antichristi, & postea suo tempore mensurabit : ergo actu perfecto non possidet totum esse illius in ratione mensuræ , sed in potentia est, ut mensuret actu illud esse in propria natura, propriamque Antichristi durationem futuram quam pro hoc instanti non mensurat : ergo habet intrinsecè successionem in ratione mensurandi & divisibilitatem.

29. Pro majori intelligentia revocanda sunt in
 Qu. 8. memoriam, quæ ex S. D. supra diximus, nimirum quod in tempore multiplex imperfectio reperitur : prima est ratione divisionis, habet enim partes , cum sit quantum, & in subiecto quanto & divisibili. Secunda est ratione successionis, quia una pars non est cum alia. Tertia ratione ipsius nunc , quia præteritum & futurum non complectitur. Vnde ad removendam ab æternitate primam imperfectiorem , quæ est ratione divisionis , dicitur *tota* : ad auferendam secundam, quæ est ratione successionis, dicitur *simul*, hoc est sine successione partium in mensurando, cujus oppositum in tempore

pore invenitur, quod habet partem post partem in mensurando, nimirum præsens, præteritum, & futurum. Ad auferendam tertiam imperfectionem, quæ est ratione ipsius nunc, dicitur perfecta, quia quantum ad modum habendi omnem durationem perfectè habet secundum unum indivisibile nunc.

30.

Si intelligent Adversarij, quod æternitas non habeat divisibilitatem entitativam secundum esse suum, & ut in Deo, quasi subiecto proprio ipsius durationis interminabilis & infinitæ reperitur, verissimum est, cum hac ratione sit ipsummet esse Dei, quod entitativè est simplicissimum carens omnino cujusvis generis partibus, tum substantialibus, cum quantitativis. Sed hoc est considerare ipsam æternitatis rationem quasi materialiter, & in ratione entis; quo pacto de ipsa impræsentiarum non est sermo; sed de illa formaliter sumptâ, & ut habet rationem durationis interminabilis, & mensuræ ipsius esse divini, & omnium temporalium, quo pacto dicimus, quod oporteat eam esse omnino indivisibilem in mensurando, & successione carentem: quod nequit prorsus habere, nisi res omnes sint physicè in ea præsentes, & secundum proprium esse, quod in tempore habebunt illi coëxistentes. Quia futurum ut futurum non est actu, & subinde neque durat actu, cum dureret aliquid secundum quod habet actu esse: sed quod actu non est, neque actu durat, non potest actu & præsentialiter mensuræ actualiter mensuranti non coëxistere, nec eâ mensurari; cum autem actu est, illi secundum esse proprium dicitur coëxistere: ergo cum futurum habiturum sit actu esse pro duratione sequenti in illa

illa dumtaxat actu ab ipsa æternitate, ceu mensurâ superiori omnem mensuram inferiorem ambiente, mensurabitur, postquam mensurata non fuit: sed quod modò non mensurat, & postea mensurat, intrinsecè habet prius & posterius in mensurando, nam secundum prius actu non mensurabat, & secundum posterius actu mensurat, & subinde habet successionem & divisibilitatem intrinsecè: ergo ipsa æternitas non modò extrinsecè, divisibilitatem & successionem habebit in mensurando, sed etiam intrinsecè. Min. patet in tempore, quod ex eo prius & posterius in mensurando, & subinde successionem in partibus intrinsecè habere dicitur, quia secundum diversa instantia, per quæ decurrit & fluit, res ipsas successivè durantes mensurat, sicut dies hodiernus mensurat durationem rei existentis in illo, & hesternus dies non mensurat durationem ejusmodi, sed eam quæ fuit heri, & jam præterit, & ita respicit ut præteritam, & non ut præsentem illam.

31.

Contra secundo, licet res ipsæ, quæ sibi invicem succedunt & extrinsecè mensurantur, divisibilitatem habeant in se, tamen respectu æternitatis ut mensurantis nequaquam illam habere possunt: ergo debet æternitas esse omnino indivisibilis, tam intrinsecè, quam extrinsecè & carens successione in mensuratis prout ab ea mensurantur. Prob. antec. debent omnes possideri simul, & perfectè ab ipsa æternitate, nam essentialiter ipsa est tota simul & perfecta possessio, secundum autem modum mensuræ est modus rei mensuratæ: sed quod simul & perfectè possidetur in sua possessione successionem non admittit respectu ejus à quo in

Art. XIII. An scient. Dei sit, &c. Cap. V. 365
in actu perfectò possidetur, & simul : ergo res
successivè durantes & temporales respectu æter-
nitatis ut mensurantis omni successione & di-
visibilitate carere debent, & subinde ipsa debet
esse tam intrinsecè, quam extrinsecè indivisibi-
lis. Min. prob. quia in successivis totum esse
non est simul & actu perfectò : sed quod non
est non possidetur actu : ergo illud, quod simul
& perfectè possidetur in sua possessione succes-
sionem admittere nequit respectu illius à quo
in actu perfectò, & simul possidetur.

Conf. ex quocunque capite defectus actualis
possessionis oriatur, sive ab intrinseco, sive ab
extrinseco, seu defectu extrinseci possidendi,
non salvatur perfectæ possessionis ratio : sed
æternitas in sua ratione perfectam possessionis
rationem importat : ergo necessariò debet actu
perfectò quodcunque mensuratum ab ea, & si-
mul possidere absque successione in mensura-
tis, ut ab ea mensurata sunt. Maj. patet, etenim
quantumvis aliquis habeat jus, & omnia re-
quisita ad possidendum regnum, si tamen ab
extrinseco prohibetur, seu ex defectu alicujus
extrinseci impeditur, non dicitur perfectè pos-
sidere. Conseq. verò prob. quia quod successi-
vè existit, si modo successivo seu prout succes-
sivè existit, tantum possideatur in actu perfectò
non possidetur, quia in actu perfectò non est,
seu non existit, sed dum una pars est, alia est
duntaxat in potentia.

Conf. 2. res, secundum quod sibi invicem
succedunt, habent in sua successione rationem
præteriti, præsentis & futuri : ergo si sic conti-
nentur in Dei æternitate & ab ea mensurantur,
& non simul actu perfectò secundum proprium
esse,

32.

33.

esse, oportet quod Deo aliquid sit futurum, quod est contra communem Sanctorum Patrum sententiam, ut ex dictis constat. Ex quo sequetur necessariò quod ejus cognitio successiva sit, cum cognoscat nunc futurum sibi, quod postea cognoscet ut præsens, & in propria natura sibi coëxistens. Nec sufficit recurrere ad præsentiam illam objectivam, quâ omnes res temporales dicuntur esse Deo ab æterno præsentes; quia præsentia objectiva est præsentia rei ut habet esse duntaxat in cognoscente, quæ alia est omnino à præsentia rei in se; nec tollit quin res sit cognoscenti futura; cum enim cognosco rosam in hyeme, & dico rosa est flos, habet esse objectivè in meo intellectu, nec tamen in se existit, sed respicitur à me ut extitura, seu futura: & alium modum habebit in se cum existet, quam habeat prout est in cognoscente, cum in seipsa sit materialiter & physicè, in intellectu verò immaterialiter atque intentionaliter, ut amplius ostendemus infra.

34.

Conf. 3. temporalia eo pacto ab æternitate mensurantur, quo in illa continentur, & distincto modo quo tempore proprio mensurantur: sed tempore habent mensurari extrinsecè prout adinvicem sibi succedunt, quia tempus habet prius & posterius, & non continet actu perfectò præteritum & futurum, illud enim fuit, & non est simpliciter, istud erit, & actu non est: ergo non mensurantur, nec continentur in æternitate ut sibi invicem succedunt, sed simul & actu perfectò, quia ipsa simul tota est & in perfectò actu indivisibiliter: ergo etiam divisibilitate extrinseca & successiva carere debet in mensurando. Vnde S. Anselmus opusc.
de

Art. XIII. An scient. Dei sit, &c. Cap. V. 367
 de concord. liberi arbit. & prædest. ait : *Siqui-*
dem quemadmodum præsens tempus continet om-
nem locum, & quæ in omni loco sunt : ita æterno
præsenti simul clauditur omne tempus, & quæ sunt
in quolibet tempore : Præsens autem tempus actu
& physicè continet actu omnem locum ut sibi
coëxistentem in hac duratione præsentis simul :
& subinde æternitas præsens secundum Ansel-
mum actu & physicè continet omnes res sibi
invicem succedentes simul, & absque succes-
sione. Hæc doctrina illustratur omnibus exem-
plis supra ex D. Thom. adductis.

Exemplum autem supra assignatum de bacu-
 lo, qui invariabilis in aqua consistit, esto ipsa
 aqua mutetur, ac fluat, est omnino extra rem;
 quia prima mensura ejus, quæ est distantia ad
 polos mundi non mutatur, sed permanet, sicut
 & ipse in eodem situ, licet diversæ superficies
 aquæ mutantur, ad quarum mutationes non nisi
 materialiter mutatur. At verò cognitio habet
 formaliter mensurari ab objecto, vel esse men-
 sura ejus; unde variata mensura, vel objecto,
 necesse est cognitionem variari.

35.

§. V.

*Probatur conclusio ratione desumptâ ex Divinæ
 cognitionis & scientia invariabilitate.*

Secundò prob. concl. ratione : Oportet
 scientiam Dei esse omnino immutabilem : Hic art.
 sed nisi futura ponantur physicè, & realiter se- 15. & 2.
 cundum reales eorum existentias Deo esse in 9. 2. de
 æternitate præsentia, scientiam Dei esse varia- verit
 bilem necesse est : ergo oportet futura in æter- art. 13. c.
 nitate esse Deo physicè præsentia. Min. prob.

Tom. II. Pars I.

A a

36.

impossibile est, quod cognitio alicujus rei non mutetur ipsa re mutata secundum diversam dispositionem, vel esse, quia accepta novâ dispositione est novus modus objecti intelligibilis, & subinde novus modus intelligendi ipsam rem, quæ debet intelligi sicuti est; v.g. cognitio, quam aliquis habet de Petro sedente, mutatur Petro non sedente, sed stante, vel ambulante, quia jam Petrus non est sub eadem dispositione, & habitudine ad cognoscentem, unde propositio enuncians Petrum sedere dum sedet, est vera; ipso surgente est falsa, falsitas autem & veritas sunt differentiarum oppositæ, per se non competentes eidem actui cognitionis: sed dum res futura sit actu existens, mutatur ab eo statu & dispositione, quam habebat, dum erat tantum in potentia causæ existens, & futura, & subinde se habet in nova habitudine ad cognoscentem: ergo nisi futura ponantur physicè & secundum reales ipsorum existentias Deo esse in æternitate præsentia, cognitionem sive scientiam Dei oportet esse variabilem. Hanc rationem insinuant Patres supracitati, præsertim D. Augustinus *lib. 11. de Civit. Dei cap. 21. cit.* Immo ex S. Scriptura deducitur Ecclesiastici c. 39. *Opera, inquit, omnis carnis coram illo, & non est quicquam absconditum ab oculis ejus; à saculo, & usque in saculum respicit, & nihil est mirabile in conspectu ejus. Quod notavit ibi Glossa Præsentia Dei antecedit omnia, inquit, & quidquid sit temporaliter, ei sine tempore præsens est. Nihil ergo novum, neque mutabile est in conspectu ejus, & D. Prosper lib. 2. de vocat. gent. c. 33. Nec cogitatio ejus, inquit, (scilicet Dei) rerum mutabilium inæqualitate variatur, sed cuncta pari-*

Art. XIII. An scient. Dei sit, &c. Cap. V. 369
ter tempora ac temporalia sempiterno ac stabili
comprehendit intuitu, omnibus omnia retribuit,
qui quæ sunt futura jam fecit.

Respondent Adversarij variationem hanc 37.
contingere solum extrinsecè, & ex parte ob-
jecti, quod pro temporis varietate varias sor-
titur temporaneas condiciones, futuritionis vi-
delicet, præsentialitatis, ac præteritionis. Non
autem accidit variatio in ipsa divina scientia;
quia sicut Deus modò cognoscit Antichristum
v. g. ut futurum pro illo anno, in quo erit exi-
stens; ita etiam cognoscit illum ut præsentem
pro illo anno, in quo erit existens, sive præ-
sens: sicut & præteritum pro illo in quo defie-
rit esse: & nunquam cessat Deus à cognitione
illius ut futuri in hoc tempore, & ut præsentis
in alio tempore, & ut præteriti in alio, sed
semper cognoscit illum eodem modo, quantum
est ex parte cognoscentis.

Ut facilius hæc evasio confutari possit no- 38.
tandum est ex D. Thom. quòd cùm scientia sit Loc. cit.
mediū inter cognoscentem, & cognitum, du-
plex accidere potest in illà variatio. Vno modo
ex parte cognoscentis, alio modo ex parte rei
cognitæ. Ex parte cognoscentis accidit in ea
variatio tripliciter, primò ex parte ipsiusmet
scientiæ, cùm de novo acquiritur scientia ali-
cujus, quod prius nesciebatur: secundò ex par-
te actus, quando aliquid considerat, quod prius
non considerabat, sicut ille qui fit actu sciens
de sciente in habitu, vel quia modò considerat
unum, modò aliud; vel denique ex hoc quòd
aliquis in considerando de uno in aliud discur-
rit. Tertiò ex parte modi cognoscendi, quia
videlicet nunc aliquid limpidiùs cognoscit, vel

perfectius scit, quam antea. Ex parte autem rei cognitæ scientia variatur secundum veritatem vel falsitatem, quia videlicet mutatur res & aliam dispositionem accipit, secundum quam non est eodem modo subiecta eidem cognitioni videntis, seu cognoscentis, eadem cognitione, seu existimatione remanente de illa, ut in exemplo adducto manifestum est.

39. Quo supposito rejicitur præfata solutio primo: mutatio objecti sufficit ad variabilitatem scientiæ, & cognitionis in se, si varietur objectum prout cognitioni illi atque scientiæ subest: ergo si accidit variatio in objecto divinæ scientiæ, & cognitionis secundum diversam illius dispositionem, secundum quam diversimode divinæ cognitioni subest, necessum est Divinam scientiam & cognitionem intrinsecè variari: sed sic est, quod res quatenus est actu & physicè in se præsens habet intrinsecè aliam dispositionem ab ea quam habet ut futura est, & objectivè duntaxat præsens in cognoscente, & non in se: ergo posito quod Divina cognitio ab æterno non fuerit terminata ad rem ut præsentem physicè, & in proprio esse æternitati coëxistentem, sed solùm objectivè, & ut in cognoscente habet esse, oportet necessariò asserere quòd Divina cognitio & scientia intrinsecè varietur. Antec. patet, quia dum cognoscit quispiam Petrum sedere, remanente eadem cognitione, si surgat & ambulet, verè mutatur illa cognitio de vera in falsam per solam extrinsecam objecti mutationem, quia ut supponimus remanet eadem numero cognitio ex parte cognoscentis: in Deo est semper eadem numero cognitio simpliciter & omnimodè invariabilis,

Art. XIII. An scient. Dei sit, &c. Cap. V. 371
riabilis, & immutabilis : ergo si ab æterno ob-
jectum non coëxistit illi in se & in proprio esse
in mensura æternitatis, sed solum objectivè &
ut in cognoscente, per illam objecti mutatio-
nem, quam habet dum physicè & actu est præ-
sens, & illi coëxistit, oportet divinam cogni-
tionem intrinsecè variari per solam illam ob-
jecti variationem, quia sub nova & diversa
dispositione subest divinæ cognitioni in tem-
pore, sub qua minimè ab æterno non subsistit,
si in æternitate physicè præsens ab æterno Deo
non coëxistit. Minor etiam constat, quia dum
est physicè præsens habet esse simpliciter & in
propria natura, & de illa absolutè enunciatur
est; cum autem est in cognoscente tantum, vel
causis suis, non habet esse simpliciter, sed se-
cundum quid, intentionaliter, seu in potentia
causæ; unde falsum est de illa absolutè & sim-
pliciter enunciare quod est: Neque enim valet,
Rosa in hyeme habet esse in cognoscente: ergo
Rosa est: quia est à dicto secundum quid ad
simpliciter. Esse enim in cognoscente est esse
intentionaliter, & objectivè, & secundum
quid; unde ens rationis, quod habet esse dun-
taxat in cognoscente, seu est tantum objectivè
in intellectu, non dicitur esse simpliciter, sed
cum addito & secundum quid.

Ad tollendam æquivocationem præfatæ res-
ponfionis, seu potius evasionis Adversariorum,
sciendum est, quod equidem objectum in se
consideratum varias illas futuritionis, præte-
ritionis, ac præsentialitatis conditiones sorti-
tur, & quod Deus cognoscit etiam objectum
secundum omnes illas ex parte rei cognitæ:
verum sicut realiter ex parte rei cognitæ est

372 *Quaest. XIV. De Scientia Dei,*
successio, & prius est praesens deinde futurum,
quod succedit praesenti, non ita in divina co-
gnitione accidere potest, quæ cum sit ipsummet
esse Divinum æternitate mensuratum, omnem
successionem respuit, & subinde omnia ut sibi
praesentia, & in proprio esse respicit, quia nihil
cognoscitur nisi verum, & nihil verum nisi se-
cundum quod est, quia veritas consequitur ad
esse: ergo sicuti dum res est actu & physicè
praesens in tempore divinus intuitus fertur in
illam ut praesentem, ita & in æternitate debet
ferri in illam ut actu praesentem, & physicè in
æternitate illi coexistentem, aliàs si respicit il-
lam ut objectivè praesentem duntaxat, & sub
habitudine futuræ sibi, impossibile est quod
cognitio ejus non varietur, dum in tempore
fertur in illam ut existentem actu, ac physicè
praesentem sibi; Deum itaque cognoscit futu-
rum cognoscit ut futurum nobis, vel præteri-
tum, sed tamen sibi praesens, ut manifestissimis
Patrum testimoniis ostensum est supra.

41. Conf. & explicatur amplius: Divina quæli-
bet cognitio æternitate mensuratur: ergo quæ-
cunque Divina cognitio, quæ aliquando existit,
illa eadem semper & ab æterno fuit: sed cum
res de facto existit praesens Divinus intuitus il-
lam ut praesentem videt, quia etiam humanus
intuitus in illam fertur ut praesentem, seu in-
tuitivè cognoscit: ergo idem Divinus intuitus
cognoscens illam rem physicè praesentem ab
æterno fuit: aliàs illa cognitio esset successiva,
& temporanea: ergo per ejusmodi cognitio-
nem Deus ab æterno cognovit rem illam ut si-
bi realiter praesentem.

42. Quod si dicatur, fuisse quidem ab æterno
ejusmodi

eiusmodi cognitionem, sed non sub formali ratione cognoscendi rem ut præsentem, & intuitivè. Contra est, quia jam Divinus intuitus ab æterno non esset, sed cognitio alia, & subinde incepisset in tempore: sed quod in tempore incipit esse per se æternitate non mensuratur, ceu mensurâ propriâ: ergo illa Dei cognitio æternitate non mensuraretur, sed tempore: & subinde aliquid Divinæ cognitioni accresceret, nempe rem præsentem & in se existentem videre, quam ab æterno non videt.

Conf. cum res actu existit, atque physicè est 43.
præsens, ab hominibus ut præsens cognoscitur: ergo multò magis à Deo cognoscitur ut præsens, quem nulla ratio cognoscibilis latere potest: ergo vel ab æterno cognoscitur ut sic præsens antequam existat, & sic habetur intentum: vel non cognoscitur ut sic præsens ab æterno, & sic in tempore incipit esse in Deo eiusmodi cognitio, quod Deo, & æternæ illius scientiæ repugnat.

Pro majori intelligentia nota, quod quamvis 44.
esse notitiam intuitivam, sit quædam relatio rationis in Deo, quam dicit ejus cognitio ad rem creatam ut præsentem, & in propria natura existentem, quia tamen est relatio consequens operationem Divini intellectus, quæ simpliciter in operante manet, ab æterno debet esse eiusmodi relatio, seu denominatio notitiæ intuitivæ, sicut ab æterno est divina ipsa intellectio, quæ secundum nullam rationem potest tempore mensurari. Quod non contingit in aliis relationibus rationis, quæ sequuntur ad Dei operationem procedentem in creaturas, secundum modum nostrum intelligendi,

istæ cum dicuntur de Deo ex tempore ut docuimus supra ex D.Thom. q.13. art.7. ergo sicut in tempore non intelligitur, neque intelligi potest creatio, nisi intelligatur actionem Dei respicere effectum ad extra, & in proprio esse productum, ita nequit intelligi cognitio intuitiva Dei ab æterno, nisi intelligatur ipsius habitudo ad rem in proprio esse præsentem in mensura æternitatis.

45. Ex quibus secundò impugnatur prædicta solutio : Res actu cognoscuntur per hoc quod habent esse actu in cognoscente : ergo eodem modo cognoscuntur, & absque variabilitate cognitionis, per hoc quod eodem modo in cognoscente habent esse : sed aliter habent esse in cognoscente cum actu existunt, & aliter cum actu non existunt, sed sunt futuræ, vel præteritæ : ergo alia esse debet ex parte cognoscentis earum cognitio, cum cognoscuntur ut actu sunt in se, & alia cum cognoscuntur ut futuræ sunt : sed si ab æterno res temporales physicè Deo in æternitate non coëxistant, non sunt illi physicè & secundum proprium esse præsentis sed futuræ, & cum in tempore incipiunt esse fiunt illi physicè præsentis, & coëxistentes secundum proprium esse : ergo ex parte cognoscentis alia debet esse cognitio in Deo quæ ab æterno recognoscit, ut sibi objectivè duntaxat præsentis, & physicè futuras, & alia quæ cognoscit illas, & intuetur dum actu in tempore habent esse : & subinde cognitio Divina intrinsecè variabitur. Prima minor prob. quia præteritum, futurum & præsens sunt diversæ differentię ipsius esse rei temporalis : ergo habent diversas rationes in cognoscente, & non cognoscitur

cognoscitur eodem modo res futura, præterita, ac præsens : ac subinde nec eodem modo habent esse in cognoscente. Hinc est quod est diversa cognitio, qua enuncio de rosa existente in vere, *Rosa est*, ab illa quâ enuncio, *Rosa erit*, vel, *fuit*, nam si pro eodem tempore proferantur, ista est falsa, illa vera.

Impugnatur tertio. Respectus rationis, qui 1. p. q. 13.
art. 7. consequitur actum Dei simpliciter immanentem debet actum ab æterno denominare, & semper illi convenire : sed actus scientiæ divinæ, atque cognitionis est simpliciter immanens in Deo, & non transiens in effectum etiam virtualiter, sicut actus potentiæ quâ ad extra agit, & res temporaneas producit : ergo debet actum ab æterno denominare, & illi semper convenire : sed respectus quem dicit scientia visionis ad res scitas, est respectus divinæ cognitionis terminatæ ad res physicè præsentem, saltem dum actu in tempore existunt, & proprium esse fortiniuntur : ergo debet ab æterno & semper denominare actum divinæ cognitionis ut terminatum ad illud objectum ut physicè præsens sibi, aliàs denominabit in tempore tantum, & non ab æterno, quia respicit objectum sicuti est. Prob. major, quia actus immanens est perfectio & actus ipsius agentis, & in Deo est ipsummet Divinum esse : ergo debet semper illi convenire, alioquin posset aliqua Divina perfectio illi deesse, & de novo in tempore advenire, quod mutabilitatem in Deo argueret : non autem potest ab æterno intelligi actus sine habitudine ad objectum : ergo habitudo rationis quæ actum ipsius Dei simpliciter immanentem consequitur ab æterno illi convenit, & non in tempore

tempore advenit : sed habitudo qua cognitio Divina respicit rem temporalem actu existentem in se est habitudo præsens ad præsens physicè , & coëxistens ; ergo actus Divinus ab æterno sic respicit ea quæ in tempore accipiunt esse actu, aliàs non conveniet semper illa habitudo, & mutabitur subinde actus, quia mutatur habitudo intrinseca ad objectum.

46. Conf. quia velle Divinum est actus simpliciter immanens non potest omnino intelligi quod terminetur ad objectum in tempore, quod ab æterno non voluit, nec alio modo, quam ab æterno voluit se velle ; quia Dei voluntas esset mutabilis, ut ostendemus infra, & communiter fatentur Theologi : v. g. supposito quòd Deus ab æterno voluit mundum producere, & tali modo producere, non potuit non producere tali tempore, & eo modo quo disposuit & voluit ab æterno se conditurum ipsum, & subinde eadem mansit ab æterno habitudo voluntatis Divinæ seu actus illius ad objectum producendum : sed non minus est actus immanens actus divinæ scientiæ & cognitionis, quâ res temporales ab æterno immutabiliter cognoscit, quam actus volitionis earundem : ergo habitudo, quam divina cognitio dicit ad res temporales cum sunt actu præsentes, debet illi ab æterno convenire: ergo in æternitate debent illi physicè coëxistere, & in proprio esse præsentialiter adesse.

47. Tertiò prob. concl. cognitionem Dei quâ cognoscit res temporales, & in aliqua temporis differentia exituras oportet intuitivam esse, & ab æterno Deo convenientem, cum sit scientia visionis : sed cognitio intuitiva nonnisi ad
res

res præsentialiter habentes esse , & in existentiam in propria natura potest terminari : ergo ab æterno divina cognitio debuit terminari ad res temporales ut sibi physicè in mensurâ æternitatis coëxistentes. Min. prob. 1. ex D. Thom. q. 3. de verit. art. 3. ad 8. ubi docet, *quòd visio addit supra simplicem cognitionem aliquid extra genus notitia , quod est existentia rei. Dicendum, inquit, quòd simplex notitia dicitur, non ad excludendum respectum scientia ad scitum , qui inseparabiliter omnem scientiam comitatur ; sed ad excludendum admixtionem ejus , quod est extra genus notitia , sicut est existentia rerum, quam addit scientia visionis.* Vbi non potest esse de existentia rei in cognoscente & objectiva sermo, quia in simplici notitia ejusmodi etiam existentia requiritur : cum actualis cognitio non fiat nisi per hoc quod cognitum est actu in cognoscente. Et hujus ratio est, quia cognitio intellectiva , ut intellectiva est , habet pro objecto ipsum quodquid est rei , extra cujus conceptum est ipsum esse rei, unde alia est quæstio quid res sit, & alia an sit, seu an existat : ergo habitudo ad existentiam extra genus notitiæ est, hoc est extra propriam illius rationem , quatenus est simplex notitia. Deinde quia per hoc distinguitur cognitio abstractiva ab intuitiva , quod abstractiva abstrahit à rei existentia in re & exercitè terminante ipsam cognitionem intellectivam , quæ habet rationes rerum universales respicere : intuitiva autem respicit rem exercitè in propria natura , seu in se existentem ; unde hâc cognoscitur res prout habet esse à parte rei. Non enim à parte rei habent esse & per se subsistere universalialia , seu universales rationes

rationes & naturæ, aliàs darentur ideæ Platonis: & subinde ut cognoscatur res prout habet esse ad extra, & non in cognoscente tantum, oportet ut terminetur ad rem in propria natura, & physicè existentem, quia sic habet esse, unde dicitur visio rei: abstractiva autem notitia non dicitur visio, nec cognitio rei in se, sed ut habet esse in cognoscente: cognoscere autem futurum, aut præteritum non est cognoscere rem prout habet esse actu ad extra, quia futurum non est actu extra causas, sed intra, præteritum jam desiit esse: ergo ad notitiam intuitivam requiritur ut terminetur ad existentiam rei, non quomodocunque sed in exercitio, & actu denominat rem existentem in propria natura & esse. Sed de his plura infra.

48. Ex quibus conf. secunda ratio supra adducta: Cognitio non potest eadem numero manens transire de intuitiva in abstractivam nisi intrinsecè mutetur: sed si Deo ab æterno res temporales in æternitate non coëxisterent secundum proprium esse, & essent physicè præsentibus illa notitia esset abstractiva, dum autem acciperent actu esse, fieret intuitiva, quia esset rei præsentis ut actu præsens est in se, & in propria natura: igitur eadem cognitio Divina intrinsecè mutaretur. Maj. patet, quia esse abstractivam cognitionem, & intuitivam sunt differentiarum oppositæ, vel saltem oppositi modi cognitionis, sumpti ex intrinseca habitudine ad objectum prout habet esse in se, & in cognoscente, vel in cognoscente duntaxat: ergo cognitio quælibet nequit transire de abstractiva in intuitivam nisi intrinsecè mutetur. Conf. quia intuitiva se habet ex additione ad abstractivam: ergo, &c.

§. VI.

*Solvuntur argumenta contraria ab authoritate
desumpta.*

ARg. 1. ex D. August. lib. 12. de Civit. Dei 49.
cap. 25. dicente : *Si potentiam suam, ut ita
dicam, fabricatoriam rebus Deus subtrahat, ita non
erunt, sicut antequam fierent, non fuerunt : sed ante
dico aternitate, non tempore. Sentit igitur S. D.
nullatenus res in aternitate fuisse. Vnde serm.
11. de verbis Apost. ait : Elegit nos ante mundi
constitutionem. In mundo isto facti sumus, nec
mundus erat, quando electi sumus. Ineffabilia mi-
rabilia fratres mei. Quis hoc explicare sufficeret ?
Quis saltem quod explicet cogitare ? Eliguntur qui
non sunt, nec errat qui eligit, nec vanè eligit.
Eligit tamen electos, quos creaturus est eligendos:
habet autem apud seipsum, non in natura sua, sed
in præscentia sua. Quod autem in præscentia
duntaxat est seu habetur, nonnisi objectivè
præsens est, & non physicè. Idem asserere vi-
detur D. Isidorus lib. de sum. bono. c. 6. dicens:
*Si tempora semper essent Deo præscentia, non essent
tempora, sed aternitas; quia non mutarentur, sed
starent.**

Conf. ex D. Thom. pluribus in locis : Et im- 50.
primis in hoc art. ait : *Vnde omnia, qua sunt in
tempore sunt Deo ab aeterno præscentia, non solum
eâ ratione, quâ habet rationes rerum apud se præ-
sentes, ut quidam dicunt, sed quia ejus intuitus
fertur ab aeterno super omnia prout sunt in sua præ-
sentialitate. Hæc autem utraque præscentia est
objectiva, tam ea quæ habetur in ideis, quam
illa qua fertur intuitus in aliquid. Deinde 1. 2.
q. 91.*

q.91. art.2. ad 1. ubi ait : *Ea, quæ in seipsis non sunt, apud Deum existunt, inquantum sunt ab ipso cognita & praordinata.* Quæ autem ut præcognita existunt, nonnisi objectivè existunt. Deinde in hac 1. p. q.16. art.7. c. docet, *Quod res denominantur vera a veritate intellectus.* Unde si nullus intellectus esset æternus, nulla veritas esset æterna : sed quia solus intellectus divinus est æternus, in ipso solo veritas æternitatem habet. Ergo ex D. Thom. eatenus æternitati res coexistere dicuntur, quatenus habent esse objectivè in intellectu divino. Præterea quæst.20.art.2.ad 2. ait, *quòd licet creatura ab æterno non fuerint nisi in Deo, tamen per hoc quod ab æterno in Deo fuerunt, ab æterno cognovit res in propriis naturis.* Et tandem q.12. de verit. art. 3. c. ait, *Quòd futura contingentia in duobus præexistunt antequam sint ; scil. in præscientia divina, & in causis creatis, quarum virtute futura illa educuntur in esse.* In quibus omnibus videtur D.Thom. solam præsentiam objectivam futuris in Deo tribuere.

- § 1. Resp. ad arg. quòd eo in loco D. August. intendebat ostendere omnium naturam, & speciem universæ creaturæ nonnisi opere Dei formari, haberéque esse actu, itaut si Deus potentiam suam, quæ cuncta penetrans incommutabili præsentia facit esse quidquid aliquo modo est, in quantumcunque est, rebus subtrahat, in nihilum decident, & non erunt, videlicet actu & in propria natura existentes, sicut non fuerunt, nimirum actu, & in propria natura existentes, antequam in tempore fierent. Sed ex hoc non sequitur, quod non sint Deo præsentibus physicè in æternitate, tanquam in mensurâ communi & excedente. Est enim ejusmodi
mensura

Art. XIII. An scient. Dei sit, &c. Cap. V. 381
mensura respiciat rem etiam in propria natura,
non tamen respicit ut coëxistentem sibi physi-
cè, nisi pro eo tempore quo erit extra Deum in
propria natura existens, cui correspondet nunc
indivisibile ipsius æternitatis ; non autem pro
omni nunc seu instanti durationis , aliàs esset
æterna. Do verba S. D. *Qualibet igitur corpora-*
les, vel seminales causa gignendis rebus adhibean-
tur, sive operationibus Angelorum, aut hominum,
aut quorumcunque animalium, sive marium, fœ-
minarumque mixtionibus : quelibet etiam deside-
ria, motusve anima matris valeant aliquid linea-
mentorum, aut colorum aspergere teneris, mollibus-
que conceptibus, ipsas omnino naturas, que sic vel
sic in suo genere afficiantur, non facit nisi summus
Deus. Cujus occulta potentiâ cuncta penetrans in-
commutabili presentia facit esse quidquid aliquo
modo est, inquantumcunque est, quia nisi faciente
illo, non tale, vel tale esset, sed prorsus esse non
posset. Et si potentiam suam, &c.

Resp. ad 2. testimonium, quòd in eo loco
D. August. contra Pelagianos agebat, dicentes
quod Deus eos fecerit homines, justos autem
ipsi se faciunt : quos redarguit dicendo, quòd
ipse fecit nos, & non ipsi nas, ut simus populus
ejus, & oves pascua ejus. Ipse fecit nos, nam &
Pagani nascuntur, & omnes impij, omnes adver-
sarij Ecclesie ejus, ut nascerentur ipse fecit eos.
Non enim alius Deus creavit eos. Qui de Paganis
nascuntur, ab ipso facti sunt, ab ipso creati sunt,
& non sunt populus ejus, nec oves pascua ejus.
Communis est omnibus natura, non gratia. Na-
tura non putetur gratia. Sed & si putetur gratia,
ideo putetur gratia, quia & ipsa gratis concessa
est. Non enim homo, qui non erat promeruit, ut
esset ;

382 *Quest. XIV. De Scientia Dei,*
esset ; si promeruit jam erat , sed nondum erat.
Ergo qui promeretur non erat , & tamen factus
est : nec ut pecora factus est , nec ut arbor factus
est, nec ut saxum factus est, sed factus est ad ima-
ginem creatoris. Hoc beneficium quis dedit ? Deus
qui erat. Cui dedit ? Homini qui nondum erat.
Dedit qui erat , accepit qui non erat. Q. d. sicut
homines , cùm nondum essent , à Deo sunt in-
esse naturæ conditi ut essent ad imaginem Dei,
& subinde hanc gratiam sibi promereri non
potuerunt ; ita & Deus fecit nos ut essemus
populus ejus & oves pascuæ ejus , & hoc non
nostris meritis : Et ut ita essemus ab æterno
elegit ante mundi constitutionem , cùm non-
dum aliquid promereri poteramus. Et quia ni-
hil potest eligi nisi quodammodo sit, insinuans
quomodo essemus , subdit : Quis autem hoc fa-
cere potuit , nisi qui vocat ea quæ non sunt , tan-
quam ea quæ sunt ? De quo dicit Apostolus. Qui
nos elegit ante mundi constitutionem. In mundo
istò facti sumus , nec mundus erat , quando electi
sumus. Ineffabilia mirabilia , fratres mei. Quis
hoc explicare sufficeret ? Quis saltem quod expli-
cet cogitare ? Eliguntur , qui non sunt : nec errat
qui eligit , nec vanè eligit. Eligit tamen , & habet
electos , quos creaturus est eligendos : habet autem
apud seipsum non in natura sua , sed in sua præ-
scientia. Habet , inquam , in sua præscientia,
secundùm fixam , infallibilem , & firmam dis-
positionem, quâ intuetur res ab æterno ut sibi
speciali modo præsentem , nimirum in mensura
sux æternitatis. Et quod sit hæc mens Augu-
stini patet ex Glossa , quæ prædictum Apostoli
locum ex eodem S. D. in Psalm. 105. & 118.
explicans ita habet : Vocat ea quæ non sunt , tan-
quam

Art. XIII. An scient. Dei sit, &c. Cap. V. 383
 quam ea qua sunt, predestinata scil. & disposita.
 Sic enim apud eum jam sunt, qua futura sunt, in
 quo sola apparet gratia. Vnde alibi: Qui fecit qua
 futura sunt. Et item: Qui elegit nos ante mundi
 cōstitutionem. Eliguntur qui non sunt, nec errat qui
 eligit, nec vanè eligit. Eligit tamen & habet ele-
 ctos, creaturus est eligendos, quos habet apud se-
 metipsum, non in natura sua, sed in præsentia sua.
 En quomodo apud August. idem sonat habere
 electos in sua præscientia, & habere in præ-
 sentia, & ut præsentem in mensura æternitatis.

Resp. ad authoritatem D. Isidori, quod ipse
 solum intendit, quod tempus cum æternitate
 non fuerit, sed omnia tempora præcedat æter-
 nitas, sic enim habet: Omnia tempora præcedit
 divina æternitas: nec in Deo præteritum, præsens,
 futurumve aliquod creditur: sed omnia præsentia
 in eo dicuntur, quia æternitate suâ cuncta comple-
 titur. Alioquin mutabilis est Deus credendus, si
 eis successiones temporum adscribuntur. Si semper
 essent aliqua cum Deo tempora, non esset tempus,
 sed æternitas: nec mutarentur tempora sed starent.
 Præsens, præteritum & futurum, nostrum est habere,
 non Dei. Verbi causa, dicimus pro præsentem, teneo
 codicem: pro præterito, tenui: pro futuro, tenebo:
 Universalitatem verò Deus tenet, & protenuit, &
 tenebit, tenet dicitur. En quomodo hæc D. Th.
 & nostra sententia de coëxistentia futurorum
 in æternitate secundum reales ipsorum existen-
 tias est constans SS. Patrum doctrina. Vnde
 P. Suarez, non possum non demirari, qui lib. 1.
 cap. 7. de absol. scient. futur. condit. affirmare non
 dubitavit sententiam, quæ rerum coëxisten-
 tiam in æternitate constituit, adeo sibi videri
 difficilem, ut suppositis certis principiis in do-

53.

384 *Quæst. XIV. De Scientia Dei*,
 Trina fidei, vix ipse intelligat quid dicere pos-
 sit ab ea diversum. Nam, si est ipsissima SS.
 Patrum doctrina, ut manifestè ostendimus,
 quomodo fidei principiis non consona? Visa
 equidem fuit difficillima Augustino ingenio-
 rum apici, & Doctorum aquilæ, nec capropter
 ab ea discessit, quia capere non poterat. *Qui
 videt hoc*, (ut aiebat idem S. D. lib. 6. de Trinit.
 cap. 9.) *vel per speculum & in enigmate, gaudeat
 cognoscens Deum, & sicut Deum honoret, & gra-
 tias agat. Qui autem non videt, tendat per pieta-
 tem ad videndum, non per cæcitatem ad calum-
 niandum.*

34. Ad conf. resp. ejusmodi testimonia, quæ ex
 D. Thom. coacervantur, nullatenus oppositæ
 sententiæ favere. Ad 1. dicimus utramque præ-
 sentiam esse objectivam; sed illa quæ habetur
 in ideis est præsentia objectiva duntaxat seu
 objecti prout est in cognoscente: alia verò,
 quæ intuitus divinus fertur ab æterno super
 omnia, prout sunt in sua præsentialitate, est
 objecti in propria natura, secundum quam in-
 adæquatè æternitati coëxistit, & illi physicè
 præsens est. Nota breviter quod æternitas for-
 maliter non est cognoscitiva, sed est mensura
 cognitionis divinæ: unde cum Deus aliquid
 cognoscit ut contentum in mensurâ indivisibili
 æternitatis mensurantis omnem aliam mensu-
 ram, non est cognitio objecti ut in cognoscen-
 te, sed ut in propria natura existit, pro suo
 nunc correspondente æternitati; quemadmo-
 dum cum aliquis mediante ulna, seu mensurâ,
 certificatur de quantitate panni, cognitio ver-
 satur circa objectum non ut habet esse in cog-
 nitione præcisè, sed in propria natura, quia
 ulna

Art. XIII. An scient. Dei sit, &c. Cap. V. 385
ulna formaliter non est mensura cognoscitiva, licet sit medium cognoscendi, & certificandi cognoscentem de quantitate panni.

Ad 2. testimonium dicimus, ea quæ in seip-
sis non sunt, in Deo existere, inquantum sunt
ab ipso cognita, ut præsentia in æternitate ejus.
Et quod hic sit sensus patet: Nam ad hoc confir-
mandum adducit locum Apostoli dicens:
*Sunt ab ipso præcognita & præordinata: secundum
illud Rom. 4. Qui vocat ea quæ non sunt, tanquam
ea quæ sunt. Quem locum ipse interpretans,
ait: Vocationem hic dicit simplicem Dei notitiam,
vel cognitionem, quæ cognoscit futura quæ non sunt
in actu, sicut præsentia.... Duo enim videbantur
obstare ei quod dictum est, Patrem multarum gen-
tium posui te; quorum unum erat, quia ipse idem
Abraham erat quasi mortuus præ senectute.... Et
contra hoc dicit, Qui vivificat mortuos. Aliud
autem est, quia illæ multæ gentes nondum erant. Et
contra hoc subdit, & vocat ea quæ non sunt, tan-
quam ea quæ sunt.*

Ad 3. testimonium pariter dicimus, quod
manifestè nostram firmat sententiam: illo enim
in articulo inquit D. Thom. utrum Deus om-
nia amet: & respondet, quod *Deus omnia exi-*
stentia amat: Nam omnia existentia, inquantum
sunt, bona sunt. Ipsum enim esse cujuscunque rei
quoddam bonum est. Et cum sibi objecisset:
Amor Dei est æternus: sed ea quæ sunt alia à Deo,
non sunt ab æterno nisi in Deo: ergo Deus non
amat, nisi secundum quod sunt in seipso: sed se-
condum quod sunt in Deo, non sunt aliud ab eo:
ergo Deus non amat alia à seipso. Resp. S. D.
Quod licet creature ab æterno non fuerint nisi in
Deo, tamen per hoc quod ab æterno in Deo fuerint,

ab aeterno Deus cognovit res in propriis naturis, & eadem ratione amavit, (nimirum ut existentes in propriis naturis, quam existentiam habuerunt ab aeterno, non quidem in seipsis, sed in mensura aeternitatis.) Unde subdit, sicut & nos per similitudines rerum, qua in nobis sunt, cognoscimus res in seipsis existentes: cum scilicet eas intuitivè cognoscimus, & non prout habent esse objectivè duntaxat in cognoscente.

57.

Ad 4. testimonium dicimus, illo quam maximè nostram sententiam stabiliri. Nam ibidem explicans S. D. quomodo futura sint in Dei praescientia, statim subdit: *In divina praescientia omnia futura sunt immobiliter, quia futura subduntur divina praescientia, non solum secundum ordinem causarum suarum ad ipsa, sed etiam secundum exitum ordinis, vel eventuum.* Et in eadem quaest. art. 10. declarans, quid sit esse in divina praescientia secundum exitum ordinis, vel eventuum, ait: *Circa futurorum cognitionem duo est considerare; scilicet ipsum ordinem causarum ad futuros effectus; & exitum, sive executionem huius ordinis, in hoc quod effectus actu procedunt ex suis causis. Quaecunque igitur virtus creata aliquam cognitionem habet de futuris, sua cognitio non fertur, nisi ad ordinem causarum; sicut Medicus secundum hoc dicitur futuram mortem praescire, in quantum scit naturalia principia esse ordinata ad defectum mortis: & eodem modo Astrologus dicitur praecognoscere futuras pluvias, aut ventos. Unde si sint tales causa, quorum effectus impediri possunt, non semper evenit, quod sic praescitur esse futurum. Sed Deus non solum cognoscit futura ratione ordinis causarum, sed etiam quantum ad ipsum exitum, vel executionem ordinis. Cujus*
ratio.

Art. XIII. An scient. Dei sit, &c. Cap. V. 387
ratio est, quia ejus intuitus æternitate mensuratur,
qua omnia tempora in uno nunc indivisibili com-
prehendit: unde uno simplici intuitu videt, & ad
quid causa sint ordinata, & qualiter ordo ille im-
pleatur. Hoc autem creaturæ est impossibile, cujus
intuitus limitatur ad aliquod tempus determina-
tum. Dicimus itaque, quodd futura sunt in di-
vina præscientia secundum exitum ordinis, vel
eventuum, qui secundum quodd in aliquo tem-
pore futuri sunt, mensurantur ipso nunc indi-
visibili æternitatis, & illi physicè coëxistunt:
Et illa quidem ut sunt in divinâ præscientiâ,
ut dicit cognitionem infallibilem, habere qui-
dem esse objectivè: at verò ut dicit exitum or-
dinis, vel eventuum, esse illi physicè præsentia
in æternitatis mensurâ. Ex his constat tam ex-
pressè D. Thomam agnovisse realem futurorum
in æternitate præsentiam, ut nullus supersit
tergiversationi locus.

§. VII.

Solvuntur argumenta à ratione petita.

ARg. 2. argumento Durandi: Quod in se
nondum est, nihilque habet sui esse, aut
durationem, non potest alienæ durationi coë-
xistere: sed futura non sunt actu in se, seu in
propria natura actu non existunt; v. g. Anti-
christus futurus neutiquam in se actu existit:
ergo futura nequeunt æternitati physicè coë-
xistere, seu Deo in æternitate esse physicè præ-
sentia. Maj. prob. quia alteri coëxistere suppo-
nit existere in se, seu existentiam realem in
propria natura habere: ergo quod in se nondum
est, nihilque habet sui esse, non potest alienæ
durationi coëxistere.

58.

59. Hoc idem argumentum aliis verbis proponit P. Suarez sic : Res , quæ in se non existit , & quando non existit non potest dici in æternitate existere : sed res creatæ ab æterno non extiterunt in seipsis, sive in propriâ naturâ & duratione : ergo nec ab æterno realiter in æternitate coëxisterunt. Maj. prob. tum quia existere in æternitate supponit existere in se. Tum quia hæc illatio , *existit in æternitate : ergo existit* , est ab inferiori ad superius affirmativè ; neque est à dicto secundùm quid ad simpliciter : quia existere in æternitate non est conditio diminuens ipsum existere in se , sed addit supra illud denominationem, vel relationem ad aliud simul existens. Tum etiam quia esse in extrinsecâ duratione , & quasi communi , sive superiori atque excedente supponit esse in propriâ : sed res creatæ non dicuntur esse in æternitate, tanquam in propriâ mensurâ & duratione , sed veluti in mensura communi extrinsecâ & superiori : ergo ut sint in æternitate , necessariò debent supponi esse in aliqua propria & intrinseca duratione.

60. Maj. prob. quia prius est existere in se, quam in alio sibi extrinseco : ergo esse in extrinsecâ duratione , & quasi communi , supponit esse in propriâ. Secundò, quia locus communis sic se habet ad loca propria , sicut æternitas ad propriam durationem cujuslibet rei creatæ ; sicut enim æternitas est mensura communis & extrinseca, ita & locus : sed esse in loco communi , v. g. Cælo , supponit rem esse in loco sibi proprio & adæquato : ergo rem esse in æternitate ceu mensurâ communi & extrinsecâ , supponit esse ipsummet in propriâ duratione.

Tertiò,

Art. XIII. An scient. Dei sit, &c. Cap. V. 389
 Terriò, quia implicat motum sublunarem realiter in duratione communi & extrinsecâ primâ mobilis existere, nisi priùs in duratione sibi propriâ & intrinsecâ existat : ergo pari modo repugnat aliquid existere in mensurâ aliena & superiori, nisi priùs existat in propriâ & sibi intrinseca. Quarto, quia repugnat corpus creatum divinæ immensitati coëxistere, aut existere in illa, nisi priùs in se & in loco sibi proprio, & peculiari existat : ergo repugnat similiter creaturam aliquam Deo in æternitate coëxistere, nisi in duratione sibi propria & peculiari existat. Tandem, quia nullum prædicatum rebus in mensura superiori competere potest, quod illis in propria mensura repugnet, aliàs mensura superior rerum naturas mutaret: sed existere ab æterno, & sic Deo coëxistere, rebus temporalibus secundum propriam mensuram repugnat : ergo non poterit eis ratione æternitatis competere, ceu mensuræ communis & extrinsecæ, sive superioris & excedentis.

Conf. quoties aliqua plura simul coëxistunt uni tertio, simul inter se coëxistere debent, secundum illud axioma : *Quæ sunt eadem uni tertio, sunt eadem inter se* : sed omnia futura non simul sibi coëxistunt, ut patet : ergo nec simul ab æterno coëxistunt Deo in æternitate, quæ est illud tertium. 61.

Resp. ad arg. dist. maj. Quod in se nondum est actu, non potest alienæ durationi coëxistere, pro illo nunc temporis, in quo nondum est actu, conc. maj. Pro alio nunc temporis, sive pro duratione sequenti, in qua erit verum dicere nunc est, nego maj. Et dist. min. Futura non existunt in se, pro nunc temporis, sive in 62.

ordine ad tempus praesens, in quo futura sunt, conc. min. Pro alio nunc, sive in ordine ad aeternitatem ambientem illud nunc, in quo erit verum dicere, nunc sunt, nego min. & conseq. Ad prob. maj. dist. antec. coexistere alteri supponit existere in se, si coexistat alteri propter se, & adaequatè, conc. antec. Si coexistat alteri propter illud, & inadaequatè, nego antec. & conseq. Quando enim unum ex coexistentibus dicitur alteri coexistere propter illud aliud, similiter debet existentiam habere propter illud. Cum igitur coexistentia futurorum ad aeternitatem sit propter ipsam aeternitatem, ambientem omne tempus, omnemque temporis differentiam, scil. praeteritum, praesens, & futurum, pari modo futura existentiam habere debent, non quidem absolute & in se, sed in aeternitate, vel propter illam. Quod quidem minimè est existentiam in propria natura pro omni duratione habere, sed pro illa duntaxat, in qua de illis verificabitur, nunc sunt. Sumitur ex D.Thom.in 1.dist.38.quaest.1. art.3. ad 2. & 3.

63. Ex quibus ad argumentum P. Suarez, quod insolubile reputat, facilis patet solutio: respondetur enim ut supra dist. maj. Res quae in se non existit, & quando non existit, non potest dici in aeternitate existere, pro illo tempore, quo in se non existit, conc. maj. Pro alio tempore futuro, seu duratione sequenti, quae jam est aeternitati praesens, & ab ea, ceu mensurâ superiori continetur, nego maj. & concessâ minori, nego conseq. Ad 1. prob. maj. nimirum, quod existere in aeternitate supponit existere in se, respondetur ut supra, nimirum quod supponit

Art. XIII. An scient. Dei sit, &c. Cap. V. 391
supponit existere futura in se, non pro omni
nunc, sed pro eo duntaxat tempore, quo ipsa
erunt, per quod quidem esse jam sunt præsentia
in æternitatis mensura, ut dictum est.

Ad 2. prob. dupliciter responderi potest: 64.
primò, dicendo illationem quidem esse bonam,
& consequens esse verum, non quidem simpli-
citer & absolutè, sed prout substat antecedenti:
ita ut sensus sit, quod existit, non quidem pro
omni nunc, sed pro duratione sequenti, seu
tempore futuro, quia in æternitate adæquatè
non existit, & pro omni nunc temporis, sed
pro duratione in qua erit; sicut solet dici de
ista: *Deus scivit Petrum peccaturum: ergo pec-*
cabit, quod consequens est necessarium, non
quidem absolutè & simpliciter; quia sic con-
tingens est Petrum peccare, sed ut substat suo
antecedenti; quia cum scientia Dei sit infalli-
bilis non stat, Deum scire quòd Petrus pecca-
turus sit, & quòd ipse non peccet: aliàs Dei
cognitio, & scientia falleretur.

Secundò respondetur, & meliùs, illationem 65.
hanc esse malam, & neutiquam procedere ab
inferiori ad suum superius affirmativè, sed reip-
sa è converso à superiori ad inferius: quia cum
æternitas sit mensura superior ambiens omne
tempus, & respiciens illud ut præsens sibi, &
futurum, præteritum, vel præsens nobis, rem
esse Deo præsente in æternitate abstrahit à
præsenti tempore nostro, futuro, vel præterito:
Vnde cum arguitur, *Res existit in æternitate:*
ergo existit, limitatur potestas & ambitus illius
mensuræ superioris, ad certam temporis præ-
sentis nostri differentiam, sicut potestas gene-
ris per additionem certæ differentię restringi-
tur.

tur. Vnde sicut dùm arguitur à potestate generis ad certam differentiam, v. g. *Homo est animal : ergo est rationalis*, arguitur à superiori ad inferius affirmativè, & non tenet consequentia ; ita cùm arguitur à tota potestate, & ambitu mensuræ superioris ipsius æternitatis ad certam temporis differentiam non tenet consequentia, quia est à superiori ad inferius negativè.

66. Ad 3. prob. respondent communiter DD. dist. maj. esse in extrinsecâ duratione & communi supponit esse in propria, si talis mensura extrinseca sit finita & limitata ; conc. maj. si sit infinita, nego maj. tunc enim non est necessarium ut aliquid supponatur priùs existere in propria duratione prout in seipsa, licet intelligatur prius existere in propria duratione prout continetur in mensura illa communi & infinita. Et hoc pacto omnes res creatæ in propria duratione sunt ab æterno, non quidem ut illa duratio habet esse in se, sed ut in æternitate continetur. Ex quibus ad 1. prob. maj. pater. Ad 2. Resp. neg. maj. locus enim communis est finitus in ratione mensuræ, ac subinde non potest ad corpora nisi priùs in seipsis existant, se in mensurando extendere : at verò æternitas, quippe quæ in ratione durationis infinita, per modum mensuræ res creatas nondum in propriis durationibus existentes continere vallet. Ad 3. similiter Resp. durationem primi mobilis, quamvis sit durationum inferiorum mensura, quia tamen finita, & limitata est, non posse illas continere, nisi successivè prout in seipsis existunt ; & subinde inferiores motus in propriis durationibus esse debent, quam in duratione motus primi mobilis ; quod in æternitate

'Art. XIII. An scient. Dei sit, &c. Cap. V. 393
nitate non contingit, quæ est mensura infinita,
& indivisibilis tota simul existens.

Resp. ad 4. neg. conseq. ratio discriminis est,
quia immensitas solum est extremum coë-
xistentiæ creaturarum ad Deum, non autem
ratio illas continendi: neque enim creaturæ
dicuntur in immensitate existere, sed potius
Deus per immensitatem dicitur esse in creatur-
is. Æternitas autem non solum est extremum
cum creaturis Deo coëxistens, sed etiam men-
sura superior, in qua creaturæ continentur, &
physicè Deo coëxistunt. Vnde quæ nondum
in propria existunt duratione quoad nos, coë-
xistunt Deo in mensura superiori, scil. æterni-
tate, in qua continentur.

Resp. ad ult. dist. maj. si sit prædicatum es-
sentiale & absolutè conveniens rei, conc. maj.
si sit prædicatum conveniens accidentaliter,
vel in habitudine ad mensuram ejusmodi supe-
riorem, nego maj. Coëxistere autem Deo in
æternitatis mensura non est prædicatum essen-
tialiter & absolutè conveniens rebus ipsis crea-
tis, sed secundum modum essendi, quem ha-
bent in mensura superiori.

Resp. 2. ad 3. prob. dist. Esse in extrinseca
duratione supponit esse in propriâ, ut dicente
habitudinem mensurati ad mensuram commu-
nem, & ut regulatâ per illam, conc. maj. ab-
solutè, & absque tali habitudine nego maj.
Et concessâ minori dist. conseq. ut sunt in æter-
nitate, necessariò debent supponi esse in aliqua
propriâ & intrinsecâ duratione, ut dicente ha-
bitudinem mensurati ad mensuram commu-
nem, & ut regulatâ per illam, concedo conseq.
absolutè & absque tali habitudine, nego conseq.

Vnde

67.

68.

69.

Vnde non sequitur quod prius sit in propria mensurâ quam communi, sed quod in eodem nunc sit in utraque. Itaque sicut causa secunda non habet actu esse operativam, nisi ut fundatur in habitudine ad primam, & ut mota ab illa, ita nec propria duratio habet mensurare, nisi ut fundat habitudinem ad primam, nimirum æternitatem; quæ quia indivisibilis est, & tota simul, habet omnem durationem inferiorem actu continere, & ei coëxistere physicè & realiter pro illo nunc in quo erit.

70. Ad 1. prob. maj. dist. antec. prius est existere in se, quam in alio sibi extrinseco: absolute transeat, in ratione mensurati, & dicentis habitudinem intrinsecam ad illud extrinsecum, nego antec. Et dist. conseq. ut supra. Ad 2. prob. resp. transeat major, & dist. min. esse in loco communi supponit rem esse in loco sibi proprio, ut mensurato, & dicente seu fundante habitudinem mensurati ad locum communem, concedo: absque tali habitudine nego; si enim non daretur locus communis, neque proprius, cum ratio loci proprii per ordinem ad commune continens desumatur: Definatur enim locus: *Superficies corporis continentis immobilis prima*. Videnda quæ diximus tomo 3. clypei Philos. quæst. 12. art. 1. Ad 3. prob. eodem modo respondetur. Ad 4. prob. patet ex dictis, tum hic, tum supra q. 8. art. 1. & 2. Similiter ad 5. patet ex dictis.

71. Resp. ad conf. quod si illa duo uni tertio coëxistant, sicut propriæ & adæquatæ mensuræ utrique communi, etiam coëxistunt inter se: quo pacto duo homines qui in eodem tempore sunt, inter se coëxistere dicuntur, quia coëxistunt

Art. XIII. An scient. Dei sit, &c. Cap. V. 395
 stunt uni tertio, scil. huic præsentì tempori, à quo adæquatè tanquam à propria mensura mensurantur. Similiter si illa duo alicui tertio coëxistant, quod respectu unius est propria & adæquata mensura, & respectu alterius inadæquata, continens tamen illius propriam mensuram sub se; quo pacto Deus & creatura simul coëxistere dicuntur: quia cùm Deus & creatura sub ratione existentium comparantur, tempus creaturæ, quod respectu creaturæ est propria & adæquata mensura, respectu æternitatis inadæquata, ad ipsam æternitatem comparatur. Si verò coëxistant uni tertio, quod respectu utriusque est inadæquata, & superexcedens mensura, continens proprias temporis mensuras, sed diversas illorum coëxistentium, tunc illa nequeunt inter se coëxistere; & hoc modo coëxistunt æternitati futura, quæ sunt in diversis temporibus futuris: unde nequeunt simul existere inter se.

- Quapropter in forma resp. dist. maj. si coëxistant uni tertio, quod sit unum re & ratione, & adæquatè respectu utriusque, concedo maj. si sit unum re tantùm, & diversum ratione sub qua respicit illa coëxistentia à se mensurata, & in se contenta, nego maj. nam illud axioma, *Quæcunque sunt eadem uni tertio, sunt eadem inter se*, solum verificatur, quando illud tertium est idem re, & ratione, seu adæquatè, ut sæpius ex D. Thom. dictum est; licet autem æternitas, quæ est illud tertium, sit eadem re, ratione tamen, & virtualiter est diversa, sive divisibilis & multiplex; & alia ratione respicit rem quæ futura est post mille annos, & quæ futura est post quinque, licet utramque ut præsentem sibi respiciat,

respiciat, & existentem in æternitate, sed tamen ut correspondet diversis temporibus nostris, in quibus non possunt illa futura simul coëxistere.

73. Sed contra doctrinam superius traditam instatur primò, quia ex hoc sequeretur omnes res creatas Deo ab æterno in propria rationis mensura coëxistere, quod est absurdum. Sequela prob. Ideo res creatæ Deo in æternitate coëxistunt; quia, cùm æternitas sit tota simul, & partibus careat, necessariò debent hujusmodi res creatæ, vel toti illi coëxistere, vel nulla ratione coëxistere: sed etiam propria rei creatæ duratio, cùm sit ens creatum, æternitati ipsi coëxistere debet, & consequenter toti æternitati: ergo sequetur omnes res creatas Deo ab æterno in propria durationis mensura coëxistere.

74. Instatur 2. Futura in æternitate Deo coëxistere importat existentiam ipsis futuris intrinsicam, & mensuram extrinsecam, nempe æternitatem: sed creaturæ ab æterno non habent existentiam sibi intrinsicam: ergo nequeunt futura æternitati Dei coëxistere, seu esse Deo in æternitate physicè præsentia. Min. prob. quia tunc de illis esset verum dicere, quòd ab æterno existant; etenim quidquid habet existentiam sibi intrinsicam, actu est existens, cum effectus formalis existentiae sit reddere ipsam rem actu existentem. Hoc autem est absurdum, quia existentia nequit alicui creaturæ communicari nisi mediâ creatione, quæ in tempore est, ut de fide constat.

75. Conf. implicat aliquid creatum habere propriam existentiam intrinsicam, & non habere propriam

propriam durationem ; sed res ab æterno non habent propriam durationem : ergo neque propriam existentiam sibi intrinsecam. Maj. prob. quia ex D.Thom.in 1.dist.19.q.2.art.1. Omnis duratio attenditur secundum quod aliquid est actu , seu existit : tandiu enim res durare dicitur , quandiu actu est , & non dum est in potentia.

Resp. ad 1. inst. dist. sequelam : sequeretur omnes res creatas Deo ab æterno in propria rationis mensura coëxistere , ut contentâ in ipsa æternitatis mensurâ , & ut in æternitate habet esse , concedo : ut habet esse in propriâ natura & extra causas , nego. Nam sicut æternitas continet res creatas , quæ habent tempore ceu mensurâ propriâ & adæquatâ mensurari , ita & ipsum tempus ; immo res ipsas nonnisi mediante tempore continet , & sic jam ab æterno dicuntur existere in propria mensura , non quidem secundum quod habet esse extra , sed ut in ipsa æternitate jam ab æterno continetur.

Ad 2. instant. respondet Illustriss. Godoy dist. min. non habent existentiam intrinsecam in propria duratione , concedo : in mensura æternitatis , nego min. Et dist. consequ. eodem modo. Neque ex hoc sequitur verum esse , de illis dici , quod ab æterno absolutè existant : quia verbum *existere* absolutè prolatum unit pro mensura durationis propria. Bene tamen sequitur , quod ab æterno in mensura æternitatis existant. Nec tamen ex hoc infertur , creationem in tempore non incepisse in propria mensura ; sed solum non incepisse in mensura æternitatis : ad hoc autem ut futura æternitati Dei , seu Deo in æternitate coëxistant , sufficit creatio,

76.

77.

Hic tr.
4. disp.
4^a. §. 5.
n. 53.

tio, prout in æternitate continetur. Ad conf. respondet similiter concessâ majori dist. min. res ab æterno non habent propriam durationem in nunc nostri temporis, conc. min. in nunc æternitatis, nego min. & dist. consequ. eodem modo.

78. Dices, hanc propositionem esse falsam, *Futura ab æterno in æternitate creantur*: ergo & ista erit falsa: *Futura ab æterno in æternitate existunt*. Conseq. patet, existentia enim creaturæ in quocunque statu consideretur, nonnisi mediâ creatione haberi potest. Antec. verò prob. Nam creari est transire de non esse ad esse: ergo futura in æternitate creari, seu produci, est in æternitate transire de non esse ad esse: sed hoc est absurdum, quia si in æternitate transeunt de non esse, non esse illorum præcedet eorum durationem & existentiam, & subinde jam ab æterno futura Deo in æternitate non coëxistent.

79. Resp. idem author, neg. antec. Nec ad veritatem dictæ propositionis exigitur, inquit, quòd aliquando ipsa futura in æternitate non extiterint, sive fuerint: Tum quia de essentia creationis solùm est, quod ejus terminus ex nihilo fiat, non autem quod habeat esse post non esse in aliqua durationis mensura, ut constat; nam Deus verè ab æterno aliquid creare potuit, in quo casu illud non habuisset esse post non esse. Tum etiam, quia licet esset de ratione creationis, ut illius terminus esse post non esse reciperet, deberet tamen intelligi, post non esse in tempore, vel alia duratione creatâ; non autem post non esse respectu æternitatis: in qua cum non detur successio, nec in esse entis, neque

Art. XIII. An scient. Dei sit, &c. Cap. V. 399
neque in esse mensuræ, nequit aliquod ens
creatum habere esse post non esse in illa, licet
habeat esse, & etiam non esse.

Resp. 2. dist. maj. futura in æternitate Deo
coëxistere importat existentiam ipsis futuris
intrinsecam pro omni nunc, seu pro omni du-
ratione, nego: pro illo nunc, sive pro illa du-
ratione, in qua de illis erit verum dicere, nunc
sunt, conc. maj. Nam ut rectè probat argumen-
tum, de illis esset verum dicere, quòd ab æter-
no existerent. Et concessâ min. nego conseq.
Neque enim ut creaturæ dicantur æternitati
Dei coëxistere, seu ab æterno Deo in æternita-
te coëxistere, exigitur ut habeant existentiam
sibi intrinsecam pro omni nunc nostri tempo-
ris, sed quod in tempore illam habitura sint,
quòd quidem tempus ab ipso indivisibili nunc
æternitatis continetur, ratione cujus dicuntur
esse Deo ab æterno physicè præsentia, licet ab
æterno in se non existant. Vnde illa existentia
in tempore habenda est pro omni nunc æterni-
tatis in æternitate præsens Deo, sed non est
pro omni nunc intrinseca creaturæ, quia sic
intrinsecam habere existentiam respicit pro-
priam durationem absolutè loquendo. Eapro-
pter docet S. D. quod ordo exitus seu eventus
est actu, licet ipsæ res sint in se futuræ.

Ad instantiam dicimus, hanc propositionem,
Futura ab æterno in æternitate creantur, absolutè
falsam esse: tum quia quasi duplex insinuat
rerum productio, altera per anticipationem in
æternitate; altera in tempore, quod fuit Moli-
næ commentum: tum etiam quia videtur in
illa propositione significari, quòd adæquatè
sicut in propriâ mensurâ sunt res in æternitate

productæ, cum tamen res esse productas non æternitatem respiciat, sed propriam temporis mensuram. Tandem, quia creari in sua ratione importat respectum temporalem ad res ipsas in propriâ mensurâ, & extra Deum existentes, quod repugnat ei, quod est ab æterno produci, seu accipere esse, seu in æternitate creari. Hæc tamen est vera, *Futura ab æterno in æternitate existunt*, quia sic existere non importat respectum temporalem ad res ipsas in propria mensura existentes, sed existentes in Deo, seu in aliena mensura correspondente tempori futuro in quo erunt. Vnde debet ad auferendam omnem æquivocationem prima propositio sic formari: *Res futura in suo tempore producenda, jam sunt productæ in ordine ad æternitatem*; itaut productio rerum, quæ in tempore nobis futura est, jam æternitati coexistat, quemadmodum & res productæ mediante tempore in quo erunt. Et hoc pacto in sacra Scriptura dicitur Deus fecisse quæ futura sunt. Ad prob. consequ. dist. antec. Existencia creaturæ in quocunque statu consideretur, nonnisi mediâ creatione haberi potest: existencia in propria natura & duratione, concedo: existencia in aliena mensurâ & communi, nego. Quia hæc non est existencia absolutè & simpliciter conveniens rei, sed in ordine ad aliud, nimirum æternitatem, quæ cum infinita sit, ambit illud tempus in quo res creabitur, seu per creationem habebit esse, aut producet, ut jam sibi præsens, & in se futurum, ratione cujus dicitur res in æternitate ipsa existere. Sicut enim existere in loco non est existere absolutè & simpliciter, sed in ordine ad aliud, unde ab ipso loco habetur ut à men-
surâ

Art. XIII. An scient. Dei sit. &c. Cap. V. 401
 furâ extrinseca esse in loco, & non per rei productionem in seipsa, ita & existere in æternitate ab ipsa æternitate habetur ceu mensura extrinsecâ, & non per ipsam rei productionem, vel creationem. Sumitur ex D. Thom. in 1. dist. 35. q. 1. art. 5. ad 3. ubi ait : *Deus non dicitur fecisse res ab æterno sicut scivit ab æterno, quia operatio significatur ut exiens ab operante in operatum, vel factum : Et ideo non potest dici Deus esse faciens, nisi quando aliquid fit : sed scire etiam quamvis exteriorum sit : non est tamen eorum, nisi secundum quod sunt in sciente per sui similitudinem : & ideo secundum conditionem scientis, & non sciti dicitur Deus ab æterno scivisse etiam quæ ab æterno non fuerunt. Quod si Deus non dicitur res ab æterno fecisse, neque ipsæ dicentur ab æterno creari in æternitate.*

Adversus hæc omnia supra tradita instari potest : ly *ab æterno* dicit æternitatem, ut coëxistentem omni tempori vero, vel imaginato, protracto ab ipsius æternitatis initio, quemadmodum ly *in æternum* eandem dicit æternitatem, ut æquivalentem seu coëxistentem omni tempori vero, vel imaginato versùs finem sine termino protrahendo : sed res futuræ v. g. *Antichristus futurus* non coëxistunt Deo physicè in æternitate pro nunc nostri temporis, nec pro tempore vero, vel imaginato protracto ab ipsius æternitatis initio : ergo nec coëxistunt physicè Deo in æternitate ab æterno.

Resp. Illustriss. Godoy notando, ly *ab æterno* dupliciter usurpari posse, nimirum identicè & formaliter : in priori sensu idem sonat *ab æterno*, atqui *æternitas* : quapropter idem est creaturas ab æterno coëxistere Deo, atque illi in

82.

83.

Loco
cit. n. 58.
& 59.

401 *Quest. XI V. De Scientia Dei,*
 æternitate coëxistere ; ac proinde eâdem veritate, quâ hoc secundum defenditur, primum etiam sustineri debet. In posteriori autem sensu, nempe formali, ly *ab æterno* dicit æternitatem ut æquivalentem omni tempori vero vel imaginato sine fine. Secundò advertit ly *ab æterno* sumptum formaliter posse in propositione importari, vel ut mensurans coëxistentiam extremorum, vel ut mensurans veritatem propositionis. Quibus suppositis in forma respondet dist. min. futura non coëxistunt physicè Deo pro nunc nostri temporis, ut mensurante illorum coëxistentiam ad Deum, conc. min. ut mensurante veritatem propositionis, in qua uniuntur extrema pro nunc æternitatis, nego min. & dist. conseq. Ergo non coëxistunt physicè Deo in æternitate ab æterno, si ly *ab æterno* sumatur identicè, nego conseq. Si sumatur formaliter, subdist. conseq. Si accipiat ly *ab æterno* ut mensurat existentiam extremorum, conc. conseq. ut mensurat veritatem propositionis enunciantis talem coëxistentiam, nego conseq. Quod idem est, ac dicere, nullum tempus verum, vel imaginarium præcessisse, in quo propositio enuncians physicam coëxistentiam extremorum ad Deum pro nunc æternitatis vera non fuerit ; ac proinde quòd est vera ab æterno, & usque in æternum, & nunquam incepit veritas illius, nec unquam desinet esse vera.

84. Resp. 2. dist. maj. ly *ab æterno* dicit æternitatem ut coëxistentem omni tempori vero, vel imaginato secundum exigentiam verbi congnificantis, & talem modum existendi rei significatum per ly *in æternitate*, concedo maj. absolute & simpliciter, nego maj. v. g. cum dicitur

aitur Antichristus futurus ab æterno in æternitate existit, ly *ab æterno* significat nullum fuisse tempus, vel instans, in quo Antichristus tali modo existendi, nimirum in æternitate ceu mensurâ superiori, non extiterit, quia modificatur verbi significatum quod est existere de præsentî, per ly *in æternitate*. Et dist. min. Antichristus futurus non coëxistit Deo physicè in æternitate pro nunc nostri temporis, nec pro tempore vèro, vel imaginato protracto ab initio ipsius æternitatis, ad tale nunc temporis nostri designatum in quo nondum est Antichristus, concedo min. protracto ad totum tempus futurum, vel illud tempus in quo Antichristus erit, nego min. Illa enim protractio est solum secundum actum animæ, designantem & notantem infinitam extensionem ipsius nunc indivisibilis æternitatis: unde si nolet solum tempora antecedentia realem existentiam ipsius Antichristi, verum erit dicere, quod pro toto illo tempore per actum animæ designato Antichristus æternitati physicè ab æterno non existit; non tamen erit verum dicere quod ab æterno in æternitate non existat pro duratione alia sequenti designanda per actum animæ protrahentem infinitam æternitatis durationem ad illam, & alias quascunque durationes absque fine. Et hoc patet in simili adducto: Quemadmodum enim cum dicitur, *Angelus duraturus est in æternum*, ly *in æternum*, non significat ipsam æternitatem ut protractam ad omnem durationem antecedentem absque initio, quia Angelus in tempore incepit durare; ita, cum dicitur *ab æterno* res existere in æternitate, ly *ab æterno* non significat ipsam æternitatem ut

404 *Quaest. XIV. De Scientia Dei,*
protractam ad omnem durationem etiam sequentem absque fine, sed absque initio protractam usque ad tale spatium temporis designatum per actum animæ, vel consignificatum per verbum quod rei existentiam tali modo, & cum tali temporis differentia significat.

§. VIII.

Solvuntur alia argumenta à ratione petita.

85. **A** Rg. 3. Si res futuræ physicè æternitati coëxisterent, maxime quia est mensura indivisibilis & tota simul, atque infinita; sed hæc ratio est nulla: ergo futura æternitati Dei physicè non coëxistunt. Min. prob. quia etiam ævum, quo substantiæ incorruptibiles & spirituales mensurantur, est mensura indivisibilis, & tota simul, atque à parte post infinita: sed tamen res temporales physicè & realiter ipsi ævo non coëxistunt, nisi quando sunt actu præsentēs: ergo similiter quamvis æternitas sit mensura indivisibilis infinita, non sequitur, quod contineat, & mensuret omnes res creatas ut sibi physicè præsentēs, & realiter coëxistentes. Min. patet, nam si res temporales ipsi ævo realiter coëxisterent, essentque physicè præsentēs, Angelus futura contingentia intuitivè & certò cognoscere posset, cum ejus cognitio

*Infra q. mensuretur ævo; quod tamen esse falsum ex-
57. art. 3. pressè docet D. Thom.*

86. Quodd si dicatur ævum mensurare substantiam Angeli, non autem ejus cognitionem: hæc enim tempore discreto mensuratur. Vnde ex hoc non sequitur, quod futura contingentia intuitivè & certò cognoscat: Contra est primò:

Art. XIII. An scient. Dei sit, &c. Cap. V. 405
primò : quia aliqua est cognitio in Angelo,
quæ mensuratur ævo, illa nimirum, quâ seip-
sum cognoscit : ergo saltem secundum hanc
poterit futura cognoscere. Deinde quia quæli-
bet cognitio Angeli tota simul durare potest,
sicut Angelus voluerit : ergo per illam poterit
saltem cognoscere certò futura illa, quæ erant
tempore illo.

Conf. sicut se habet immensitas ad loca, ita
æternitas ad tempus, & ea quæ in tempore
continentur : sed immensitas, esto sit mensura
indivisibilis infinita, non continet actu ea loca
quæ non sunt, sicut spatia imaginaria : ergo
neque æternitas actu continebit tempora quæ
non sunt, aut quæ in ejusmodi temporibus
continentur, neque physicè illis coëxistet : sed
tempus futurum, & quidquid in illo continetur
non est actu ab æterno : ergo illi physicè non
coëxistit.

Resp. ad arg. neg. min. ad cujus prob. dist.
maj. Ævum quo substantiæ spirituales & in-
corruptibiles mensurantur, est mensura indi-
visibilis & tota simul, atque infinita à parte
post, subordinans sibi tempus creatum, &
continens ipsum ut mensura prima illius, nego
maj. Non subordinans sibi tempus creatum,
nec continens illud, concedo maj. Et concessâ
minori nego conseq. Nam æternitas est men-
sura simpliciter prima, continens & subordi-
nans sibi quamlibet aliam durationem crea-
tam : Vnde, cum sit simpliciter indivisibilis &
tota simul, cuilibet physicè coëxistit, & respi-
cit illam ut physicè coëxistentem sibi : Dixi,
ævo substantias spirituales Angelicas mensu-
rari : etenim earum cognitio tempore discreto

87.

88.

406 *Quest. XIV. De Scientia Dei,*
mensuratur. Vnde licet ævum sit indivisibile,
& totum simul, attamen non respicit futura,
ut sibi physicè coëxistentia. Quòd si mensu-
rat ævum solam illam cognitionem, quâ An-
gelus seipsum intelligit; cùm non mensuret
cognitiones alias, quibus cognoscit creaturas,
multominus cognitionem futurorum mensura-
re potest, aut eis realiter coëxistere, ut docet
S. D. infra q. 57. art. 3.

89. Resp. ad conf. ut supra dist. maj. Sicut se ha-
bet immensitas ad loca, ita æternitas ad tem-
pus & illa quæ in tempore continentur, æqua-
liter & quantum ad omnia, nego maj. Secun-
dum quandam proportionem, concedo maj.
Hoc est, sicut æternitas per se respicit præsens,
præteritum, & futurum, (quæ sunt per se dif-
ferentia temporis) tanquam prima mensura
simpliciter indivisibilis & tota simul omnem
inferiorem durationem continens & mensu-
rans: ita immensitas locum, qui per se locus
est, respicit, & omnes differentias per se illius,
videlicet sursum & deorsum, dextrum & sini-
strum &c. Non tamen sicut æternitas habet
per se respicere futura tempora, illaque conti-
nere, ita immensitas habet respicere futura lo-
ca, eaque replere: quia loca futura non sunt
loca verè & realiter, neque futurum est per se
differentia loci. At verò tempus futurum est
verè tempus, seu differentia per se ipsius tem-
poris; quod cum sit ens successivum non petit
suas partes in actu completo & non immixto
potentiæ, seu potentialitati, sicut locus, qui
est ens permanens; sed ipsum existit in actu
incompleto, & potentiæ permixto, quemad-
modum alia successiva. Vnde concessâ minori
negatur consequentia.

Resp. 2. negando maj. Ratio disparitatis, quæ 90.
communiter assignari solet, est, quia Deus secundum immensitatem dicitur replere loca omnia, quæ sunt in seipsis extra Deum: repletio enim loci importat actionem virtualiter transeuntem, per quam in loco Deus esse dicitur, unde importat rem esse ad extra. At verò Deus secundum æternitatem non dicitur esse in tempore, quod sit in seipso extra Deum; quin potius in Dei æternitate tempus esse dicitur. Unde immensitas Dei præsupponit loci productionem, ut ipsum repleat; æternitas autem non præsupponit temporis productionem, ut ipsum contineat & mensuret.

Arg. 4. pluribus inconvenientibus, quæ ex 91.
nostra sententia deduci videntur: quorum primum est, bis quamcunque creaturam produci, nam in æternitate est producta ab æterno; in propria autem mensura temporaliter existit & producitur: ergo bis produceretur, si æternitati Dei coexistat.

Secundum est, non posse Deum rem creatam in nihilum redigere, quod absurdum est, & ipsi divinæ omnipotentiae injuriosum. Supposito namque quod res sit futura, in æternitate non potest non existere: sed nec de sua potentia absolutâ potest Deus facere, ut res futura, si semel extitit, præterita non sit: ergo cùm præteritum nullo modo possit non fuisse, aut futurum æternitati coexistere, non poterit Deus sua absolutâ utens potentiâ rem in nihilum redigere.

Tertium est, dari multitudinem actu infiniram, quam repugnare omnino asserit D. Thom. Etenim multitudo cogitationum hominum, aut
Ange

Angelorum successivè futura est infinita : sed tota hæc multitudo existit simul physicè in æternitate : ergo datur in æternitate actu & simul infinita multitudo, seu infinitum secundum multitudinem.

Quartum inconveniens est, quod nihil à divino intellectu cognosceretur ut futurum, nec unum tanquam prius alio : nam in æternitate nihil est futurum, nec unum alio prius ; sicut si duo corpora cognoscantur ut perfectè penetrata inter se, unum non cognoscetur alio prius esse in loco, quia simul continentur ab illo, & ipsa toti loco correspondent.

Quintum est, duas contradictorias simul in æternitate de eadem re verificari, quod est impossibile, quia destrueretur illud primum principium, naturali lumine notum : *Quodlibet est, vel non est*. Sequela prob. nam de Antichristo futuro v. g. verificatur, quod in æternitate existit : & simul de illo verum erit dicere, quod in æternitate non existit : ergo sequetur, duas contradictorias simul & semel de eadem re in æternitate verificari. Antec. prob. hæc est bona consequentia *Antichristus est non existens in æternitate : ergo Antichristus in æternitate non existit* : sed antecedens est verum : ergo & consequens. Maj. prob. quia juxta regulam Dialecticorum, ab affirmativâ ad negativam variato prædicato penes finitum & infinitum bona est consequentia ; v. g. lapis est non homo : ergo lapis non est homo.

92. Resp. ad 1. inconveniens nullo modo sequi, ex eo quod futura æternitati physicè coexistant, quod res bis producantur, semel in æternitate, & deinde in seipsis. Sicut enim res
sunt

Art. XIII. An scient. Dei sit, &c. Cap. V. 409
sunt in æternitate pro illo nunc, vel secundum
illud tempus, in quo sunt existentiam habituras;
ita produci dicuntur pro illo nunc, vel secun-
dum illud tempus quo producuntur in esse (da-
to quod in æternitate produci dicantur.) Qua-
propter sicuti non est duplex esse rerum, esse in
tempore, & esse in æternitate, sed unicum dun-
taxat; ita neque duplex productio esse potest.
At forsitan duplex illa productio rerum in esse
locum haberet, si admitteretur ipsa futura per
quandam anticipationem in æternitate existe-
re: tunc enim in propria mensura existerent in
suo tempore, quia prius per anticipationem
quandam in æternitate extiterunt. Quem di-
cendi modum nullatenus probamus.

Resp. ad 2. inconveniens communiter dist.
sequelam: Non posset Deus aliquid in nihilum
redigere respectivè ad æternitatem, concedo:
respectivè ad tempus præsens, in quo res crea-
ta, ut in propria mensura habet existere, nego
seq. Nam respectivè ad tempus nostrum potest
Deus suspendere concursus suum, quo sus-
penso res in nihilum deciderent, ut ait D. Gre-
gorius *lib. 16. Moral. c. 18.*

Resp. 2. ex D. Thom. dist. antec. non posset 93.
Deus rem creatam in nihilum redigere, abso-
lutè consideratà creaturà, nego antec. ex sup-
positione suæ ordinationis & præscientiæ, quā
ordinavit & præseivit, ut res tale tempore ha-
berent esse, & in æternum durarent, concedo
antec. Ex tali autem suppositione habet res
quod in æternitatis mensurà existat, ut expli-
catum est supra. Quod si determinasset rem
productam annihilare, tunc cessaret ordo ad
talem effectum, quia voluntas Dei esset ut
cessaret;

Qu. 5.
de pot.
art. 3. c.

410 *Quest. XIV. De Scientia Dei,*
cessaret; unde nec ejus voluntas, nec scientia
mutaretur. *Ad 6. inquit, dicendum, quod in*
actione Dei, quâ res producit, duo est considerare,
scil. ipsam substantiam operationis, & ordinem ad
effectum. Substantia quidem operationis, cum sit
divina essentia, eterna est, nec potest non esse.
Ordo autem ad effectum dependet ex voluntate
divina: ex qualibet enim actione facientis non se-
quitur effectus nisi secundum exigentiam principij
actionis: secundum enim modum caloris ignis ca-
lescit. Vnde cum principium factorum à Deo sit
voluntas, secundum hoc in actione divina est ordo
ad effectum, prout voluntas determinat. Et ideo
quavis actio Dei cessare non possit secundum
suam substantiam; ordo tamen ad effectum cessare
posset, si Deus veller. Videndus S.D. ibid. art. 4. c.

94. Resp. ad 3. nullum esse inconveniens admit-
tere infinitam multitudinem simul præsentem,
& existentem in mensura æternitatis. Nec ta-
men ex hoc sequeretur, quod possit dari actu in-
finita multitudo in rebus, v.g. infinita multi-
tudo cogitationum per totam æternitatem, quia
æternitas non respicit illas cogitationes ut sibi
correspondentes nisi pro illo nunc sive tempo-
re, in quo erunt, & secundum quod sibi succe-
dent, non autem prout simul existentes, ut ex
dictis patet. Vnde, cum secundum successio-
nem existentes, nequeant simul actu existere,
non potest dari infinitum in actu, sed solum in
potentia, & syncategorematicè.

95. Resp. ad 4. inconveniens communiter, quod
nihil à divino intellectu cognosceretur ut fu-
turum respectu æternitatis; bene verò respectu
proprie durationis, respectu cujus etiam unum
dicitur esse alio prius. Ad exemplum de pene-
tratione

tratione corporum dicitur disparem esse rationem ; quia duo corpora inter se perfectè penetrata occupant eundem locum tam formaliter quam virtualiter ; subindèque nulla prioritate gaudere possunt, nec diversitate locali. *Æternitas* autem, cùm sit multiplex virtualiter continens omnem durationem creatam, secundùm diversas virtualitates cuilibet coëxistit. Vnde illa, quæ in *æternitate* continentur, inadæquatè illi coëxistunt : possuntque diversis durationibus propriis ab *æternitate* contentis mensurari, & respectivè ad illas præsentia, præterita, & futura ; vel priora & posteriora dici.

96.

Resp. ad 5. inconveniens negando sequelam. Ad prob. Respondent quidam illas propositiones non esse formaliter & propriè contradictorias, quia non verificantur formaliter secundùm idem, sed secundùm diversa temporis instantia, quibus correspondet idem indivisibile nunc *æternitatis*, eaque continet. Vnde sensus est : Antichristus existit in *æternitate*, non quidem pro isto nunc, in quo futurum est, sed pro alio nunc seu duratione sequenti, in qua erit verum dicere, Antichristus est. Et è contra Antichristus non existit in *æternitate* pro isto nunc sed pro duratione sequenti, inadæquatè correspondenti toti *æternitati* ; sicut ista non sunt contradictoria : Petrus nunc sedet, Petrus post horam non sedebit : quia non sunt pro eodem nunc temporis. Quod autem faciunt in nobis diversæ temporis mensuræ ; id totum præstat idem nunc *æternitatis* indivisibile, & totum simul existens. Ad prob. antec. eodem modo respondent, quòd hæc propositio, Antichristus est non existens in *æternitate*, est vera ;

vera ; si debite intelligatur , nimirum pro hoc nunc temporis ; falsa autem , ut simpliciter profertur.

97. Respondent alij secundo quòd si illæ propositiones sumantur formaliter , & ut absolute prolata sunt absque aliqua determinatione , & modificatione , negativa absolute est falsa ; affirmativa autem vera. Quia negatio est malignantis naturæ destruens totum quod post se invenit. Vnde hæc propositio : Antichristus non est, seu non existit in æternitate ; significat quòd Antichristus nullo modo est præsens & existens in illa ; quòd est omnino falsum, ut ex dictis patet.

98. Resp. 3. Illustriss. Godoy , hanc Dialecticorum regulam esse intelligendam , quando propositio affirmativa de prædicato infinito enunciat mediante cogulâ uniente pro duratione indivisibili, tam formaliter, quam virtualiter : ut in hac *Petrus est non legens : ergo Petrus non legit*, tunc namque nullum in hoc modo arguendi vitium committitur ; secus autem si copula uniat pro mensura aliqua , quæ quamvis sit indivisibilis , & una formaliter , est tamen divisibilis & multiplex virtualiter ; tunc enim arguitur à non distributo ad distributum ex parte copulæ ; cùm etenim in propositione affirmativa, negatio infinitanter accepta non cadat in copulam non distribuit illam : in negativa autem copulam distribuit , quia super illam cadit. Et quia æternitas est hujus conditionis, ut constat ex dictis ; ideo in propositionibus , quarum copulæ uniunt pro illa, non tenet Dialecticorum regula ; nam perinde est , ac si ita argueremus : *Antichristus habet non esse in aliqua*

Art. XIII. An scient. Dei sit, &c. Cap. V. 413
qua virtualitate aternitatis : ergo in nulla virtualitate illius habet esse , quod est falsum. Hæc solutio , ut patet , in idem recidit cum præcedentibus. Instantiæ , quæ contra prædictas solutiones adduci possunt , §. seq. adducentur , & dissolventur.

§. IX.

Alia argumenta dissolvuntur.

A Rg. 5. Licet æternitas non sit formaliter 99.
extensa & successiva , est tamen successiva & extensa virtualiter: ergo datur in illa præteritum & futurum virtualiter : ergo licet Antichristus non sit futurus æternitati formaliter sumptæ , neque in illa formaliter sumptâ , est tamen futurus virtualiter in æternitate.

Conf. Antichristus non est præsens æternitati, ut æquivalenti huic nunc nostri temporis: ergo sumptâ æternitate, ut huic nunc æquivalenti Antichristus est futurus. Patet consequ. Antichristus enim aliquam habitudinem ad æternitatem , ut æquivalentem huic nunc dicit ; sed non habitudinem præsentis ad illam prout sic : ergo habitudinem futuri.

Resp. D. Godoy , concedendo consequ. nimirum dari in æternitate præteritum & futurum virtualiter ; nec in hoc aliquod esse inconueniens , immo necessariò hoc admittendum esse: tum quia juxta qualitatem extensionis duratiuæ debet concedi successio : sed successio consistit in præsentis , præterito , & futuro : ergo extensio virtualis dicit præsens , præteritum , & futurum virtuale. Tum etiam quia distantia in duratione est penes præteritum , præsens , &

& futurum : sed Antichristus distat duratione ab æternitate, ut æquivalenti huic nunc nostri temporis : ergo non est præsens illi prout sic, sed vel præteritus vel futurus. Minor prob. 1. quia non est simul duratione ut æquivalenti huic nunc nostri temporis, aliàs esset simul duratione cum nostro tempore : ergo distat duratione ab illâ sic inadæquatè sumptâ. Secundo, quia existens Romæ distat loco ab existente Bononiæ, & virtualiter ab immensitate secundum virtualitatem, quâ est præsens Bononiæ ; aliàs existens Romæ esset præsens toti immensitati, nedum sumptæ formaliter, sed etiam omni illius virtualitati : ergo pariter Antichristus non existens in hoc nunc nostri temporis distat duratione ab æternitate, ut æquivalenti, & præsentī huic nunc nostri temporis. Tandem quia Antichristus est futurus nostræ durationi præsentī : ergo etiam est futurus æternitati, ut æquivalenti huic nunc.

101. Resp. 2. ex dictis supra dist. antec. æternitas est extensa, & successiva virtualiter, secundum suam substantiam & esse quod habet in Deo, nego antec. secundum actum animæ extendentis ipsam æternitatem ad omne tempus in propria mensura, vel relationem ad omnes res creatas in propria mensura, concedo antec. & dist. conseq. ergo datur in illa præteritum, & futurum virtualiter, si sumatur æternitas secundum esse, & substantiam ipsius nunc indivisibilis & per se stantis, nego conseq. si sumatur secundum acceptionem animæ referentis ipsam ad omne tempus præsens, præteritum, & futurum absque fine, vel secundum relationem ad omne tempus, & res creatas in propria

Art. XIII. An scient. Dei sit, &c. Cap. V. 415
propriâ mensurâ , secundum quam rationem
sunt nobis præsentēs, præteritæ & futuræ, con-
cedo consequ. itaque absolute loquendo Anti-
christus æternitati sumptæ secundum esse , &
substantiam ipsius indivisibilis nunc , & per
se stantis , sive formaliter sive virtualiter su-
matur , semper dicendus est præsens , & nulla-
tenus futurus , sed est futurus nostro tempori,
vel nobis extendentibus ipsum nunc indivisi-
bile æternitatis ad omne tempus nostrum abs-
que fine.

Resp. ad conf. similiter dist. antec. Antichri- 102.
stus non est præsens æternitati, ut æquivalenti
huic nunc nostri temporis , in propriâ mensu-
râ accepti , & existentis, transeat : non est
præsens æternitati ut æquivalenti huic nunc
nostri temporis , ut contenti & existentis in
ipsa æternitate , tanquam in mensura superio-
ri, nego antec. Ergo sumptâ æternitate , ut
huic nunc æquivalenti , Antichristus est fu-
turus , in ordine ad propriam mensuram in se
existentem , concedo ; in ordine ad æternita-
tem continentem ut præsens omne tempus , &
quidquid est in ipso tempore , nego consequ.
Ad cujus prob. nego min. habitudo enim æter-
nitatis ad futurum est præsentis ad præsens ,
ut docet D. Thom. quæst. 2. de verit. art. 12.
ubi ait : *Aliquid cognoscitur ut futurum, quando
inter cognitionem cognoscentis , & rei eventum in-
venitur ordo præteriti ad futurum. Hic autem ordo
non potest inveniri inter cognitionem divinam &
quamcunque rem contingentem , sed semper ordo
divina cognitionis ad rem quamcunque est sicut or-
do præsentis ad præsens.*

Contra solutionem à se traditam instat D. 103.

Tom. II. Pars I.

D d

Godoy sic : Ergo Antichristus futurus non potest in hoc nunc nostri temporis verè dici , & enunciari præsens Deo in æternitate. Conseq. prob. Non potest in hoc nunc nostri temporis enunciari præsens Deo in æternitate ut æquivalente huic nunc, nec in æternitate, ut æquivalente durationi Antichristi futuræ : Ergo nequit in hoc nunc nostri temporis ullo modo dici præsens Deo in æternitate. Antec. quoad 1. part. patet. Quoad 2. prob. æternitas ut æquivalens durationi Antichristi non est præsens sed futura : ergo non potest nunc enunciari præsens in æternitate, ut æquivalente durationi futuræ ipsius.

104. Respondet ipse negando antec. pro secunda parte. Ad cuius prob. dist. antec. sic : dicta æquivalentia non est præsens in æternitate ut æquivalenti huic nunc, conc. antec. Non est præsens in æternitate sumptâ formaliter, neg. antec. & conseq. Nam licet æquivalentia ad durationem futuram non sit simul cum æquivalentia ad durationem præsentem reduplicativè, & simultate virtuali, utraque tamen æquivalentia sumpta formaliter est præsens, & neutra est futura æternitati sumptæ formaliter. Et sic verum est de Antichristo in hoc nunc nostri temporis enunciare, quod existit in æternitate, verbo uniente pro nunc temporis sumpto formaliter ; quamvis non sit verum, quod existit in æternitate ut æquivalenti huic nunc nostri temporis.

105. Respondetur 2. dist. conseq. Antichristus futurus non potest in hoc nunc nostri temporis verè dici, & enunciari præsens Deo in æternitate, pro isto nunc, concedo : pro duratione sequenti,

Art. XIII. An scient. Dei sit, &c. Cap. V. 417
 sequenti, vel tempore futuro, quod ut præsens
 in mensura æternitatis coëxistit physicè, nego
 conseq. Ad cujus prob. dist. antec. quoad 1.
 part. Non potest in hoc nunc nostri temporis
 enunciari præsens Deo in æternitate, ut æqui-
 valente huic nunc reduplicativè, & in propria
 mensurâ accepti, concedo antec. ut æqui-
 valente huic nunc, & cuilibet alteri durationi in
 propria mensura acceptæ, & coëxistentis illi,
 nego antec. pro prima parte: Et dist. illud pro
 secunda parte: neque in æternitate ut æqui-
 valenti durationi futuræ, ut futuræ sibi concedo:
 ut futuræ nobis & sibi præsenti, nego antec.
 Ad cujus prob. nego antec. Æternitas enim ut
 æquivalens durationi futuræ Antichristi non
 respicit illam ut futuram sibi, sed nobis: sibi
 autem præsentem, & subinde etiam ut illi
 æquivalet, est præsens & non futura, ut ex
 dictis constat.

Sed ulteriùs ipse instat: Ergo non est conce- 106.
 dendum absolutè, quod in hoc nunc nostri
 temporis in æternitate existit, sed quod existet.
 Conseq. prob. quia Paternitas Divina, ut vir-
 tualiter distincta ab essentia non communica-
 tur Filio, quamvis sumpta realiter & secun-
 dùm esse communicetur Filio, hæc propositio
 est absolutè vera: *Paternitas non communicatur*:
 hæc autem est absolutè falsa: *Paternitas com-
 municatur*: Ergo licet Antichristus sit præsens
 æternitati sumptæ formaliter, quia tamen non
 est præsens æternitati sumptæ virtualiter, prout
 æquivalet huic nunc nostri temporis, non est
 absolutè asserendum, *In hoc nunc nostri temporis
 Antichristus est præsens æternitati*; sed absolutè
 dicendus est futurus.

107. Responder idem Author negando utramque
conseq. Ratio disparitatis est, quia nomine
Paternitatis divinæ significatur entitas Divina,
ut virtualiter ab essentiâ distincta. Et quia
prout sic non communicatur, ideo absolutè di-
citur, *Paternitas non communicatur*. Nomine au-
tem æternitatis non significatur distinctio vir-
tualitatum, sed æternitas secundum suum esse
formale: & ideo absolutè asseritur. *Antichri-
stus est presens Deo in æternitate*: & ut negetur,
addendus est terminus explicans virtualitatum
distinctionem, v. g. dicendo: *Antichristus non
est presens æternitati, ut equivalenti huic nunc no-
stri temporis*. Nam per hujusmodi additamen-
tum denotatur virtualitatum distinctio, secun-
dum quas Antichristus non existit Deo in æter-
nitate.

108. Sed insistendo in nostra solutione responde-
tur dist. conseq. ergo non est concedendum ab-
solutè, quodd in hoc nunc nostri temporis in
æternitate existit, pro hoc ipso nunc, concedo;
pro alio nunc, seu duratione sequenti, quæ est
ut futura isti nunc nostri temporis, nego con-
seq. Ad cujus prob. concessio antecedenti dist.
conseq. est dicendus futurus respectu ipsius
æternitatis secundum suam substantiam & esse
acceptæ nego: respectu hujus nunc nostri tem-
poris, quod ipsi æternitati coëxistit in propria
mensura, concedo conseq. Nam, ut dictum
est supra, æternitas simpliciter est mensura in-
divisibilis secundum substantiam & esse, & ea-
tenus dicitur divisibilis, quatenus correspon-
det diversis temporibus sibi invicem succeden-
tibus, quorum unum est ut futurum respectu
alterius. Vnde dispar est ratio; quia paterni-
tas

Art. XIII. An scient. Dei sit, &c. Cap. V. 419
 tas secundum propriam rationē formalem non
 est essentia; sed est duplex ratio; at verò in æter-
 nitate est una simplex & indivisibilis ratio, &
 multiplex illa virtualitas est in ordine ad di-
 versa tempora sibi invicem succedentia. Vnde
 omnia uni rationi indivisibili correspondent,
 sed tamen non eodem modo, ut in se conside-
 rantur. Sed & præterea instat: Ergo ad mi-
 nus concedendum est, dari aliquam forma-
 litatem in æternitate, cui Antichristus non
 coëxistat, quod non est à Thomistis admissum,
 vel admittendum. Conseq. prob. quia enim
 Paternitas, & essentia Divina virtualiter di-
 stinguuntur hæc est vera: *Aliquā Divina for-*
malitas non communicatur Filio, nempe Paterni-
 tas: Sed æternitas ut correspondens huic nunc
 nostri temporis, virtualiter distinguitur à seip-
 sa, ut æquivalet temporis futuro Antichristi:
 ergo concedendum est dari aliquam formalita-
 tem in æternitate, cui Antichristus non coë-
 xistat.

Resp. idem author negando utramque con- 108.
 seq. Ratio discriminis est: nam inter Paterni-
 tatem & essentiam Divinam datur virtualis di-
 stinctio formalitatum; itaut quamvis distin-
 ctio sit virtualis, extrema tamen sunt formali-
 tas, & formalitas. Et ideo verificatur unam
 formalitatem non communicari, & alteram
 communicari. Æternitas autem non dividitur
 adhuc ratione nostra in plures formalitates, sed
 est una & indivisibilis, tam formaliter quam
 virtualiter, propter sui eminentiam continens
 omnes temporum differentias, & illis æquiva-
 lens; sicut unica omnipotentia continet om-
 nes creaturas, & unica scientia in Deo attingit

omnia scibilia. Et ideo non datur in æternitate formalitas, cui Antichristus non coëxistat, sicut in omnipotentia non datur formalitas non cognita ab intellectu beato, licet adæquatè non cognoscatur.

109. Resp. 2. dist. consequ. datur aliqua formalitas in æternitate, cui Antichristus non coëxistat, si sumatur æternitas secundum suam substantiam & esse, nego consequ. si sumatur secundum actum animæ extendentis ipsam æternitatem ad omne tempus in propria mensura acceptum, concedo consequ. Ad prob. datâ maj. dist. min. æternitas ut correspondens huic nunc nostri temporis, virtualiter distinguitur à seipsa, sumptâ secundum substantiam & esse ipsius mensuræ æternitatis, nego: secundum actum animæ extendentis ipsam ad omne tempus, quod est cum quadam successione, & ordinatione conc. min. & consequ. ut supra.

110. Contra: Distinctio virtualis, aut rationis formalitatum probatur ex verificatione duarum contradictoriarum, quia non possunt de illo, quod est idem re & ratione, verificari: Vnde quia istæ sunt veræ: *Essentia communicatur*: Et Paternitas non communicatur, inferimus Paternitatem & essentiam Divinam saltim ratione distingui: sed istæ sunt veræ, *Æternitas ut continens durationem hodiernam, non continet Antichristum nec illi coëxistit*: *Æternitas ut continens durationem Antichristi futuram coëxistit Antichristo, & est illi præsens*: ergo inter æternitatem, ut continet durationem hodiernam, & ipsam ut continet durationem futuram, est distinctio saltim rationis ratiocinata.

111. Resp. dist. min. pro prima parte, *Æternitas,*
ut

Art. XIII. An scient. Dei sit, &c. Cap. V. 42 ¶
ut continens durationem hodiernam, non continet durationem Antichristi futuram, si ly *ut* cadat supra rectum continentia sumptum formaliter, neg. min. Si cadat supra rectum & obliquum, conc. min. & neg. conseq. Quemadmodum enim quilibet beatus per visionem beatificam attingit omnipotentiam, & illius continentiam sumptam formaliter. Vnde videt omnipotentiam, ut continet equum, reduplicato eo, quod continentia equi in recto dicit: non tamen omnis & quælibet visio attingit omnipotentiam ut continet equum, si ly *ut* cadat supra rectum, & obliquum: ita duratio futura coëxistit æternitati, ut continenti durationem hodiernam, ly *ut* cadente supra id, quod continentia durationis hodiernæ in recto importat; non tamen si cadat supra rectum & obliquum. Et sicut hæc est vera: Omnipotentia ut continens hominem continet equum, ly *ut* cadente supra rectum; falsa autem si ly *ut* determinet, vel specificet rectum & obliquum: ita similiter de æternitate ut continente durationem hodiernam, & durationem futuram est discurrendum.

Resp. 2. concessâ maj. dist. min. istæ propositiones sunt veræ, Æternitas ut continens durationem hodiernam non continet Antichristum, ut præsentem sibi physicè, nego: ut præsentem durationi hodiernæ physicè, concedo: nam respectu hujus durationis est futurus simpliciter Antichristus; non tamen est futurus æternitati Dei ambienti omnem durationem secundum unum & idem esse simplex & indivisibile. Similiter hæc alia propositio, *Æternitas ut continens durationem Antichristi*

112

422 *Quaest. XIV. De Scientia Dei,*
futuram coëxistit Antichristo, & est illi præsens,
 est distinguenda : nam si *ly futurum* respiciat
 æternitatem mensurantem, omnino supponit
 falsum : non enim ordo æternitatis ad tempus
 Antichristi est ordo præsens ad futurum, sed
 præsens ad præsens, ut ex D.Thom. diximus.
 Si autem respiciat durationem præsentem no-
 stri temporis futura est nobis, sed non Deo, vel
 ejus æternitati, cui præsens est, & secundum
 hoc coëxistit.

113. Contra i. solut. instatur : Ergo quamvis du-
 ratio hodierna, & crastina inter se non coëxi-
 stant, utraque tamen coëxistit æternitati toti,
 & totaliter. Conseq. prob. nam utraque toti
 æternitati coëxistit secundum omnem conti-
 nentiam sumptam in recto, & solum utraque
 illi non coëxistit secundum adæquatam conti-
 nentiam pro eo quod continentia in obliquo
 importat : sed obliquus continentiae duratio-
 nis hodiernæ est hodierna duratio : ergo dura-
 tio crastina coëxistens æternitati, ut continenti
 durationem hodiernam secundum id quod in
 recto dicit, non autem pro eo quod in obliquo
 importat, coëxistit toti æternitati, & totaliter,
 quamvis non coëxistat omni durationi creatæ
 in obliquo importatæ.

114. Respondet dist. conseq. coëxistit toti æter-
 nitati & totaliter, totalitate formali, conc.
 conseq. Totalitate eminentiali, nego conseq.
 Nam licet duratio crastina coëxistat æternitati
 ut continenti durationem hodiernam, conti-
 nentiæ durationis hodiernæ sumptæ formaliter :
 non tamen coëxistit illi continentiae eminen-
 tiali eminenter, id est, prout est in Deo ratio
 coëxistendi durationi hodiernæ ; sicut beatus
 videns

videns omnipotentiam videt omnem continentiam activam omnipotentiae sumptam formaliter ; & consequenter videt illam adæquatè & totaliter totalitate formali , non tamen videt omnem continentiam eminentialem eminentialiter : quia non videt omnipotentiam, ut est ratio videndi & cognoscendi omnem creaturam, sed aliquam. Et sicut nihil recti omnipotentiae latet videntem, sumptâ omnipotentia formaliter, latet tamen continentia aliqua eminenter sumpta ; quia non attingitur , prout est ratio cognoscendi omnem creaturam sed aliquam : ita nihil recti æternitatis formaliter non coëxistit durationi crastinae , eminenter tamen non omnis virtualitas æternitati illi coëxistit, quia æternitas, ut est Deo ratio continendi durationem hodiernam , & illi coëxistendi, durationi crastinae non coëxistit.

Arg. 6. Si Antichristus esset physicè præsens æternitati Dei, sequeretur posse Deum absolutè affirmare , Antichristus nunc est præsens physicè : sed hoc est falsum : ergo futura contingentia non sunt Deo ab æterno physicè in æternitate præsentia. Min. patet. Nam aliàs hæc propositio etiam à nobis prolata esset vera ; cùm non varietur propositionum veritas ex distinctione proferentium : sed est falsa ut à nobis prolata : ergo etiam ut à Deo prolata. Maj. verò prob. Si Antichristus esset physicè præsens æternitati Divinae , posset ipse Deus hodie absolutè affirmare : Ego sum præsens Antichristo : sed idem est , Deum esse præsentem Antichristo, & Antichristum esse Deo præsentem : ergo hæc absolutè erit vera : Antichristus mihi est præsens physicè : ergo etiam ista,
Anti

Antichristus est præsens. Patet consequentia, primò; nam hæc consequentia tenet: Est præsens Deo: ergo est præsens: ergo similiter si hæc propositio, Antichristus est præsens Deo, est vera absolutè prolata, hæc etiam: Antichristus est præsens; absolutè à Deo prolata erit vera. Secundò, quia illa propositio est vera absolutè, cujus extrema existunt in duratione proferentis propositionem: sed Antichristus existit, & est præsens in duratione Dei: ergo hæc propositio, Antichristus est præsens, vel Antichristus est existens, absolutè à Deo prolata est vera. Tertiò, nam à coëxistentia duorum ad illorum existentiam valet consequentia: ergo si hæc, Antichristus mihi coëxistit, vel mihi est præsens, à Deo prolata absolutè est vera; hæc etiam, Antichristus est præsens vel est existens, à Deo prolata absolutè est vera.

116. Resp. neg. sequelam. Ad cujus prob. resp. 1. negando maj. Nam Deum esse præsentem Antichristo propriè loquendo importat, Deum esse in prospectu ipsius Antichristi, vel illi adesse per operationem virtualiter transeuntem, quorum utrumque falsum est. Similiter neg. min. Nam Deum esse præsentem Antichristo importat quòd inuisus Antichristi feratur in Deum, & è contra Antichristum esse præsentem Deo importat quòd sit in prospectu Dei, quorum primum falsum est, secundum autem verum. Resp. 2. dato toto syllogismo neg. secundam conseq. nimirum, Antichristus est præsens: quia absolutè loquendo importat, quòd in propria natura adsit, & existat: quod non est absolutè concedendum, sed quod existat in æternitate

Art. XIII. An scient. Dei sit, &c. Cap. V. 423
nitate ceu mensurâ superiori, non quidem pro
omni nunc, sed pro eo tempore in quo erit.
Vnde cùm arguitur, Antichristus est Deo præ-
sens, videlicet in mensura æternitatis; ergo est
præsens, non valet, quia in antecedente im-
portatur præsentia cum tali modo, & cum qua-
dam restrictione, in consequente autem abso-
lutè, & filetur talis modus. Per quod ad 1.
prob. patet. Ad 2. nég. conseq. quia absolutè
prolata non importat modum præsentia vel
existentia, sicut importatur in minori. Ad 3.
dicimus, quod à coëxistentia duorum in pro-
pria mensura valet consequentia simpliciter ad
illorum existentiam: sic autem res ab æterno
non coëxistunt Deo, sed in mensura superiori:
ex quo solùm sequitur, quod existant in ista,
& non in se, seu in propria natura ab æterno.

Arg. Septimò: quando primò Antichristus
extra causas existet, primò æternitati Dei coë-
xistit: ergo nunc non coëxistit Deo in æterni-
tate; aliàs tunc primò illi non coëxisteret, quia
jam antea ipsi coëxistebat. Prob. antec. Aliter
coëxistit Antichristus æternitati, quando extra
causas existit, ac nunc, quando futurus est: sed
hæc alietas in nullo alio consistere potest, quam
in eo quòd extra causas existens coëxistit de
præsentia æternitati, modò verò non de præsen-
ti sed de futuro: ergo quando primò Anti-
christus extra causas existet, primò æternitati
physicè coëxistit. 117.

Resp. Illustris. Godoy dist. antec. Aliter 118.
coëxistit verbo uniente pro nunc æternitatis,
ut mensura utriusque extremi invicem coëxi-
stentis, neg. maj. verbo uniente pro nunc nostri
temporis, & mensurante Christi existentiam,
conc.

conc. maj. & sub eadem distinctione minoris neg. conseq. Si namque verbum uniat pro nunc æternitatis, nulla est differentia in hoc nunc, & in tunc Antichristi existentis: bene tamen verbo uniente pro nunc nostri temporis. Nam verbo sic uniente falsa est propositio enuncians nunc Antichristi coexistentiam ad Deum, & existente Antichristo erit vera. Hoc autem non probat inceptionem in coexistentia ad Deum in æternitate, sed in coexistentia prout mensuratâ per nunc nostri temporis ex parte Antichristi.

119. Resp. 2. neg. antec. Ad cujus prob. dist. maj. aliter coexistit, in ordine ad ipsam æternitatem, nego maj. aliter in ordine ad nostrum tempus, conc. maj. Nam æternitas est tota simul, & perfecta possessio secundum idem indivisibile esse omnia ambiens & continens, quapropter in ordine ad ipsam mutatio accidere nequit, sed in ordine ad nostrum tempus, & res in eo existentes. Vnde negatur min. & conseq. Vide supradicta.

C A P V T VI.

*An & quomodo physica rerum in æternitate
præsentia ad intuitivam earum
notitiam desideretur.*

§. I.

Relatis variis dicendi modis deciditur quaestio.

110.

QUOD ad intuitivam, quam de rebus temporalibus Deus habet notitiam, physica ipsarum

ipsarum in æternitate præsentia minimè desideretur, asserunt omnes Authores docentes ejusmodi res Deo in æternitate physicè non coëxistere, quos ipse Molina, nobiscum physicam illam præsentiam admittens sequitur. Oppositum asserunt communiter Thomistæ.

Prima concl. Præsentia rerum in æternitate 121.
per realem ipsarum coëxistentiam, ex parte ipsarum rerum est ratio objectiva, ut illa scientia, quam Deus de illis habet, sit intuitiva, & dicatur scientia visionis. Hanc efficaciter conclusionem ostendunt Patrum, ac D. Thomæ testimonia *cap. preced.* adducta. Deinde prob. rat. Ad notitiam verè intuitivam, prout ab abstractivâ distinguitur, omnino requiritur, quòd terminetur ad objectum physicè & realiter existens, seu præsens, & non solum ut præsens objectivè, seu ut habet actu esse in cognoscente: sed futura ab æterno in propria durationis mensurâ non existunt: ergo ut ab æterno notitiam Dei intuitivam terminent, exigitur ut ab æterno in mensura æternitatis existant, & sint Deo physicè præsentia in illa. Maj. prob. primò ex D. Thom. q. 3. de verit. art. 3. ad 8. ubi ait: *Dicendum quòd simplex notitia dicitur non ad excludendum respectum scientiæ ad sciũ, qui inseparabiliter omnem scientiam comitatur, sed ad excludendum admisionem ejus, quod est extra genus notitiæ, sicut existentia rerum, quam addit scientia visionis.* Quod intelligi nequit de existentia rei objectiva, seu rei prout habet esse actu in ipso intellectu cognoscentis, hæc enim est intentionalis, & nullatenus extra genus notitiæ existens: ergo debet intelligi de existentia reali & physica, seu ipsius

428 *Quæst. XIV. De Scientia Dei,*
 sius rei in propria natura existentis : & subin-
 de de ratione notitiæ intuitivæ est , quod ter-
 minetur ad objectum physicè præsens , & rea-
 liter in propria natura pro aliqua duratione
 existens. Idem habetur ex eodem S. D. q. 2. de
 verit. art. 9. ad 2. ubi ait : *Dicendum quòd scien-*
tia simplicis intelligentia & visionis nullam diffe-
rentiam important ex parte scientis , sed solum ex
parte rei scita. Dicitur enim scientia visionis in
Deo ad similitudinem visus corporalis, qui res ex-
tra se positas intuetur. Unde per scientiam visionis
Deus scire non dicitur , nisi quæ sunt extra ipsum,
quæ sunt vel præsentia , vel præterita , vel futura :
 quæ autem sunt extra Deum , habent physicè
 & realiter esse in se seu in propria natura :
 ergo scientia intuitiva seu visionis respicit res
 prout realiter extra Deum habent esse , seu in
 seipsis & propria natura existere.

122. Conf. ex dictis ; notitia intuitiva supra no-
 titiam absolutè dictam aliquid addit : sed non-
 nisi terminari ad objectum actu & physicè seu
 in propria natura existens, & ut sic intellectui
 ut cognoscenti præsens : ergo de ratione cu-
 juslibet notitiæ intuitivæ est ut terminetur ad
 objectum actu & physicè præsens , & in seipso,
 seu in propria natura existens. Prob. min. quia
 nulla cognitio fit nisi per hoc quod objectum
 est actu aliquo modo præsens intellectui inten-
 tionaliter , quia objectum se habet ut actus ip-
 sius potentiæ actu informans , & perficiens il-
 lam mediante sua specie : ergo si notitia intui-
 tiva supra notitiam ut sic , & absolutè dictam
 addit aliquid, nimirum præsentiam objecti, hæc
 præsentia debet esse physica , & rei in propria
 natura existentis , & non solum ut actu habet
 esse

Art. XIII. An scient. Dei sit, &c. Cap. VI. 429
esse in cognoscente, aliàs omnis notitia esset intuitiva, quia in omni cognitione debet esse objectum actu præsens intellectui, ex objecto enim & potentia paritur notitia.

Tripliciter conantur Adversarij hanc rationem infringere, aut eludere: primò dicentes, sufficere ad rationem notitiæ intuitivæ, quod terminetur ad objectum non modò ut præsens est, sed etiam ut futurum, vel præteritum, quia quolibet ex his modis semper circa rei existentiam versatur. Contra, quia cognitio quæ respicit objectum ut futurum, non respicit ipsum ut existens, nisi in causis suis ut ordinatis ad effectum: sicut medicus secundùm hoc dicitur futuram mortem præscire, inquantùm scit naturalia principia esse ordinata ad defectum mortis, & eodem modo Astrologus dicitur præcognoscere futuras pluvias, aut ventos: sed effectus ut existens in sua causa non est simpliciter & in propria natura, seu in se existens & præsens: ergo cognitio ad ipsum ut sic terminata non est rei simpliciter præsens, & in propria natura existentis, ac subinde non est simpliciter intuitiva.

Secundò aiunt, sufficere ad conceptum intuitionis, quod terminetur ad rem in seipsa, licet præsens physicè non sit. Contra, quia implicat cognitionem terminari ad rem in seipsa, seu in propria natura, & non terminari ad illam prout physicè præsentem, & realiter existentem: ergo si notitia intuitiva exigit terminari ad rem in seipsa, omnino requirit terminari ad illam, ut physicè præsentem, & actu in propria naturâ existens. Antec. prob. nam tripliciter duntaxat, ut diximus supra, contingit

123.

Qu. 12.
de verit.
art. 10. c.

124.

tingit rem habere esse, nimirum in causis suis, in cognoscente, & in seipsa, seu in propria natura: prout habet esse in cognoscente non nisi intentionaliter, & non physicè est præsens: similiter prout habet esse in causis suis non existit existentia distincta ab existentia ipsius causæ: ergo ut habet esse in seipsa, seu in propria natura, habet per se stare, seu existere physicè: ergo si versatur cognitio intuitiva ad rem in seipsa, versatur ad eam ut physicè præsentem, & realiter existentem.

125. Tertiò aiunt, cognitionem intuitivam non distingui ab abstractiva per hoc, quod intuitiva terminetur ad objectum præsens & existens; abstractiva autem ab ipsius reali præsentia, & physica existentia abstrahat, sed per hoc solum quod notitia intuitiva sit cognitio ipsius objecti per propriam speciem claram & distinctam moventem ipsum intellectum ad rem cognoscendam secundum essentiam, existentiam, & alia accidentia; & quia Dei cognitio sic terminatur ad objecta creata, idcirco intuitiva est, quamvis ab æterno non sint in mensura æternitatis ei physicè præsentia, & coexistentia.

126. Contra primo, quia existentia & cætera accidentia etiam distinctè possunt & per propriam speciem cognosci prout habent esse in cognoscente, vel in causis suis; sed ut sic nequeunt cognitionem intuitivam terminare; ergo ad cognitionem intuitivam non sufficit, ut sit cognitio objecti per propriam speciem quomodocunque distinctam, & moventem ad ipsam existentiam & accidentia cognoscenda; sed omnino requiritur ut versetur circa ob-
jectum

Art. XIII. An scient. Dei sit, &c. Cap. VI. 43
 jectum in se, seu in propria natura existens,
 & physicè præsens. Maj. patet, quia sup-
 posito quod futura physicè non coëxistant in
 æternitatis mensura, sed sint in Deo sicut in
 cognoscente, vel sicut in causa efficiente,
 finali, & ideali, tamen perfectè & distinctè
 per essentiam suam, seu speciem omnium re-
 rum, ea cognoscit propria cognitione, &
 subinde quoad essentiam, existentiam, & om-
 nia accidentia. Minor verò ex dictis proba-
 ta relinquitur.

§. II.

Solvuntur argumenta.

A Rg. 1. notitia intuitiva non exigit ne- 127.
 cessariò terminari ad aliquod objectum
 physicè & realiter præsens, atque in aliqua
 duratione existens: ergo realis & physica ip-
 sorum futurorum in æternitate præsentia, non
 exigitur necessariò, ut Deus de illis notitiam
 habeat intuitivam. Antec. prob. primò, noti-
 tia rei habita per propriam speciem, termina-
 ta ad ejus essentiam, existentiam, durationem,
 cæteraque accidentia est verè intuitiva, licet
 existentiam ipsius objecti antecedit; sed ejus-
 modi notitia potest haberi absque physica præ-
 sentia objecti extra causas in aliqua duratione
 existentis: ergo non est de ratione notitiæ in-
 tuitivæ, quòd terminetur ad objectum physicè
 & realiter præsens, atque in aliqua duratione
 existens. Maj. prob. ejusmodi notitia non est
 abstractiva, cum ab objecti existentia non ab-
 strahat: ergo intuitiva.

Secundò prob. idem antec. ejusmodi notitia 128.

432 *Quaest. XIV. De Scientia Dei,*
perseverare potest usque dum objectum ipsum
sit physicè præsens, & in propria duratione
existens, cum nullam habeat cum physica illius
præsentia repugnantiam, utpote illam duratio-
nem repræsentans : sed ipso objecto reddito
præsentia erit intuitiva : ergo etiam ante illius
præsentiam intuitiva erat. Conseq. prob. nam
eadem notitia de abstractiva in intuitivam
transire nequit, cum divisio notitiæ in duo
ista membra sit essentialis, & subinde per op-
positas rationes & differentias.

129. Conf. primo cognitio quâ Prophetæ futura
cognoscunt, est intuitiva ; sed huiusmodi co-
gnitio terminatur ad res physicè & realiter ab-
sentes, cum futurum ut futurum non existat
in se, & subinde cognitioni Prophetarum non
coëxistit : ergo non est de ratione notitiæ in-
tuitivæ, quodd terminetur ad objectum physicè
præsens, atque realiter existens. Prob. maj. ex
D. Thom. quæst. 12. de verit. art. 6. ubi docet,
quodd cognitio prophetica est quædam partici-
patio divinæ præscientiæ, sive cognitionis, quâ
Deus res in æternitate intuetur : sed cognitio,
quâ Deus res in æternitate intuetur, est intui-
tiva : ergo cognitio, quâ Prophetæ futura co-
gnoscunt, est intuitiva. Conseq. à paritate ra-
tionis manifestatur : nam quia charitas creata
est quædam amicitia divinæ participatio, est
formaliter & essentialiter amicitia : ergo si co-
gnitio prophetica est participatio Divinæ in-
tuitivæ, nequit non esse cognitio formaliter
intuitiva.

130. Conf. 2. cognitio infusa Petro existenti Ro-
mæ de Paulo existente Venetiis repræsentans
illum quoad existentiam & cætera accidentia
forct

Art. XIII. An scient. Dei sit, &c. Cap. VI. 433
foret intuitiva, quamvis non esset objecti localiter præsens: ergo pariter cognitio rei sic ad illam terminata erit intuitiva non obstante distantia, seu non coëxistentia in eadem duratione.

Conf. 3. quia res in hoc mundo sublunari existentes intuitivè ab Angelo cognoscuntur, cui sunt physicè absentes: ergo ad notitiam intuitivam non exigitur necessariò, quòd terminetur ad objectum physicè præsens, & realiter existens. 131.

Resp. ad arg. neg. antec. Ad cujus 1. prob. negatâ maj. dist. antec. non abstrahit à duratione objecti, & existentia illius, prout habet esse in cognoscente, concedo antec. prout habet esse in se seu in propria natura, & in exercitio ad extra, nego antec. & conseq. Notitia enim intuitiva non respicit rei existentiam quomocunque, sed prout actus est rei in propria natura, & ad extra in exercitio existentis, & non prout habet esse in causis suis, vel in cognoscente. Cujus ratio ex D. Thom. est, quia notitia intellectualis intuitiva dicitur sic denominatione accepta ab ipso visu corporali, qui cum sit potentia passiva habet moveri ab objecto, & actuari ab ipso; ejusmodi autem motio non sit, nisi objectum ipsum ad extra sit physicè præsens, ut patet. Vnde & ad notitiam intellectualem intuitivam idipsum necessariò requiritur, & non sufficit sola præsentia objectiva, quæ est objecti ut in cognoscente, quam habere potest ipse intellectus, etiam ipso objecto absente, formando idolum, vel speciem ipsius, quod sensibus exterioribus non competit, ut ostendimus tom. 5. clyp. Philos. 132.

133. Resp. 2. neg. antec. Ad cujus prob. dicimus implicare quod talis rei notitia habeatur per propriam speciem, & res ipsa non existat; nihil enim cognoscitur nisi sit, quia verum est objectum intellectus, verum autem cum ente convertitur. Vnde oportet ut habeat esse vel in se, vel in sua causa. Quod si cognoscatur ut habens esse in causa, jam non per propriam speciem ab ipsa acceptam cognoscitur, sed per speciem causæ. Quapropter notitia habita per propriam speciem debet esse ab ipsa re, considerata in se & in propriâ naturâ, accepta. Vnde Deus non habet propriam cognitionem de rebus per species ipsarum proprias ipsis non existentibus, sed per essentiam suam, quæ cum sit suum esse æternum, & æternitate mensuratum, quæ omnia circumscribit tempora, ut actus perfectus habet mensurare ab æterno illa, ut dictum est, & sic Deus habet propriam cognitionem intuitivam de rebus in propria natura existentibus ratione ipsius æternitatis mensurantis illarum durationem sub unico indivisibili & perfecto esse.

134. Ad 2. prob. resp. Illustriss. Godoy concessa majori negando minorem: nam quamvis objectum sit præsens, si tamen cognitio ad illud ut præsens non terminetur, intuitiva non erit; ut constat in notitia intellectuali, quam Petrus clausis oculis habet de Paulo sibi coexistente & præsentem, quæ intuitiva non est, cò quòd, licet objectum sit præsens, est tamen materialiter duntaxat præsens, secus formaliter respectu notitiæ. Quod si teneamus, inquit, divisionem notitiæ in intuitivam & abstractivam esse accidentalem; & denominationem intuitionis

Art. XIII. An scient. Dei sit, &c. Cap. VI. 435
tionis extrinsecam esse à præsentia objecti de-
sumptam, tunc concessâ majori, & minori ne-
gatur consequentia, nimirum prædictam divi-
sionem esse essentialem.

Resp. 2. dist. maj. talis notitia perseverare 135.
potest, formaliter eadem manens, nego maj.
manens eadē materialiter, & formaliter distin-
cta, concedo maj. & concessâ min. neg. conseq.
licet enim illa cognitio sit ejusdem objecti ma-
terialiter, sed non formaliter, & sub eadem ra-
tione formali terminandi potentiam: Sicut
etiam si dum video Petrum sedere, me conti-
nuante visionem ipse surgat, non erit eadem
cognitio formaliter propter diversam objecti
dispositionem, ratione cujus aliter se habet
nunc, quam antea. Et inde probavimus cog-
nitionem Dei fore variabilem, nisi res ipsæ ab
æterno essent ei physicè præsentes in æterni-
tatis mensura: quia variaretur conditio obje-
cti, & fieret ei præsens in propria natura, de
non præsente in propria natura, sed in cognos-
cente tantum.

Resp. ad 1. conf. communi solutione neg. 136.
maj. Ad cujus prob. dicitur cognitionem Pro-
pheticam dici quandam participationem divi-
næ præscientiæ propter infallibilitatem cog-
nitionis, cui falsum minimè subesse potest: non
autem intuitionem. Quemadmodum fidei co-
gnitio supernaturalitatem & infallibilitatem
Divinæ cognitionis participat, non tamen il-
lius evidentiam & claritatem.

Resp. 2. concessâ maj. nimirum quodd Pro- 137.
phetica cognitio sit quoddammodo intuitiva;
dist. min. terminatur ad res absentes in propria
natura, & durationis mensura inferiori, conc.

436 *Quaest. XIV. De Scientia Dei,*
 Absentes in mēsurā æternitatis, neg. min.
 Nam species illæ infusæ menti Prophetæ, cum
 æternitatem repræsentent, in qua futura sunt
 physicè præsentia, efficiunt ut ratione æterni-
 tatis repræsentatæ Prophetæ intuitus sic in il-
 la ut præsentia feratur. *Ex hoc, inquit,*
Deo competit futura certitudinaliter ut præsentia
cognoscere, quia ejus intuitus æternitate mensura-
tur, quæ est tota simul; unde ejus aspectui subja-
cent omnia tempora, & quæ in eis geruntur. In-
quantum igitur ab isto Divino aspectu resultat in
mente Prophetæ futurorum scientia per lumen pro-
pheticum, & per species in quibus Prophetæ vi-
det, ipsa species simul cum lumine prophetico spe-
culum æternitatis dicuntur; quia Divinum intui-
tum repræsentant, prout in æternitate futurorum
eventus præsentialiter inspicit. Et clariùs solut.
 ad 2. ostendens cur prophetica cognitio sit pri-
 vilegiata. *Dicendum, inquit, quod quamvis om-*
nis cognitio à Divina præscientia derivetur, non
tamen omnis cognitio repræsentet eam, ut ratione
æternitatis etiam futura præsentialiter intueatur.
Vnde non potest dici qualibet scientia speculum
æternitatis, sed in hoc privilegiata ostenditur cog-
nitio Prophetarum.

138. Resp. ad 1. Conf. neg. conseq. ratio discrimi-
 nis est, quia illa prima cognitio non obstan-
 te locali rerum distantia ad objectum physicè
 præsens, & in seipso exercitè existens termina-
 retur, & subinde necessariò intuitiva esset. At
 verò dato quod cognitio ad objectum in aliqua
 duratione distans, seu exercitè non existens
 terminetur, necessariò abstractiva debet esse,
 & non intuitiva, de cujus ratione est ut supra
 genus notitiæ existentiam rei addat, ut docet
 S. D. q. 3. de verit.

Resp. ad 3. similiter, quod esto res in hoc mundo sublunari existentes videantur ab Angelo distantia locali abesse, in ratione tamen objecti visibilis sunt ei physicè præsentes; quia cum ejus intuitus sit purè spiritualis non indigens corporali medio ad videndum, nihil prorsus officit distantia localis, nec prohibet quin res quantumvis localiter distantes intueatur ut sibi physicè præsentes.

Arg. 2. Cognitio quâ Deus causat res creatas, & illas de nihilo ad existentiam deducit, est intuitiva: sed non terminatur ad objectum, ut exercitè existens, & physicè præsens: ergo non est de ratione notitiæ intuitivæ, quòd hoc modo ad suum objectum terminetur: & subinde absque hujusmodi physica in æternitate præsencia poterit Deus de rebus intuitivam habere notitiam. Min. prob. quia illa cognitio est prior ipsis rebus: ergo non respicit illas ut existentes. 140.

Conf. 1. cognitio Dei respectu futurorum contingentium est intuitiva ab æterno adæquatè, & secundum omnem ipsius æternitatis virtualitatem: sed futura non sunt physicè præsencia æternitati adæquatè sumptæ, & secundum omnem ejus virtualitatem: ergo realis & physica objecti in æternitate præsencia necessariò ad notitiam intuitivam non exigitur. 141.

Conf. 2. quemadmodum ad notitiam intuitivam physica objecti præsencia requiritur, ita ad abstractivam absentia illius, sed potest notitia abstractiva ad objectum physicè præsens terminari: ergo etiam intuitiva ad objectum physicè & realiter absens. Prob. min. si aliquid 142.

438 *Quaest. XIV. De Scientia Dei*,
non attenderet actualiter ad praesentiam ob-
jecti realiter praesentis, solum abstractivè illud
cognosceret, non obstante reali & physica praesentia talis objecti : ergo cognitio abstractiva terminari potest ad objectum realiter & physice praesens cognoscenti.

143. Resp. ad arg. communi solutione concessa maj. neg. min. Ad cujus prob. dist. antec. Est prior prioritate naturae, sive causalitatis, concedo : prioritate temporis, sive durationis, nego antec. nam in eodem instanti in quo, seu in eadem mensura durationis, in qua verificatur existentia cognitionis intuitivae Dei, simul verificatur coexistentia creaturarum ; & hæc simultas sufficit inter cognitionem intuitivam, & existentiam sui objecti : cum ratione ejusmodi simultatis absolute verificetur objectum cognitioni Divinae coexistere, quamvis effectivè ab illa pendeat. Licet enim specificativum cognitionis purè speculativae sit prius ipsa, non tamen specificativum cognitionis practicae, cujusmodi est cognitio respectu existentiae creaturarum.

144. Resp. 2. concessa maj. neg. min. Ad cujus prob. dist. antec. cognitio est prior rebus, inquantum intuitiva est, nego antec. inquantum practica & causativa rerum, conc. antec. Vnde ut practica respicit existentiam rerum ut quid posterius, ut speculativa quodammodo supponit, vel simul cum ea est. Nec enim est inconveniens, quod ille respectus visionis, quo Divina scientia denominatur visionis, sive intuitiva, ab ipsis rebus, sicut ab objecto quodammodo proveniat, ut habet repraesentari in Divina essentia, cum specie intelligibili repraesentante

Art. XIII. An scient. Dei sit, &c. Cap. VI. 439
sentante illud secundum esse physicum, quod
habet in propriâ naturâ. Similiter nec est ne-
cesse ad notitiam intuitivam, quod ipsam præ-
cidat duratione aliquâ objectum præsens, ut
patet de cognitione intuitivâ Patris, quâ gene-
rat Verbum, quæ est intuitiva ipsius Verbi.
Sed sat est quod sint simul naturâ cognitio in-
tuitiva & objectum præsens. Sic ergo scientia
visionis in Deo est simul cum objecto præsentî,
quod causat verum; est tamen priùs natura
si consideratur, ut productiva objecti præsen-
tis, quam ut intuitiva illius. In quo sensu di-
citur, quod ideo res futuras Deus præsciat,
quia ipse futuræ sunt nobis, ut diximus supra
ex S. D. hic art. 8. ad 1.

Ad 1. conf. resp. communiter Thomistæ ma-
jorem esse veram in sensu specificativo; non
autem in sensu reduplicativo: hoc est, licet
Divina cognitio, quatenus intuitiva est, æter-
nitate mensuretur, ut coëxistente omni dura-
tioni veræ, aut imaginariæ, non tamen habet,
quodd sit intuitio ex illa coëxistentia ad omnem
durationem, sed solum ad illam in qua res erit
physicè præsens & existens. Iuxta quam distin-
ctionem admittit majori & minori negatur
consequentia. Ratio disparitatis est, quia præ-
sentia objecti physica solum est necessaria pro
illa duratione, in qua habet intuitionis ratio-
nem, sed non ex illa: & quia Dei cognitio non
habet ex æternitate secundum omnem sui vir-
tualitatem, quodd intuitiva sit, sed secundum
aliquam ipsius virtualitatem tantum, hinc fit
quodd non requiratur physica futurorum in
æternitate præsentia secundum omnem sui vir-
tualitatem, sed secundum aliquam duntaxat.

Vnde

Vnde licet cognitio, quâ Deus cognoscit v. g. Antichristum ut præsentem in nunc suæ æternitatis, sit intuitiva illius secundum quod tale nunc ratione suæ infinitatis virtualiter se extendit ad illam temporis differentiam, in qua Antichristus erit aliquando præsens & existens; non tamen est intuitiva sed abstractiva, quatenus illum cognoscit, in nunc æternitatis, ut correspondet tempori præsentem; quia sub illa æternitatis virtualitate Antichristus, cum non sit præsens sed futurus, nequit cognitionem Dei intuitivam terminare, sed solum abstractivam.

146. Contra primo creata cognitio nequit esse intuitiva alicujus objecti in duratione, ex qua non habeat conceptum intuitionis: ergo pariter cognitio Divina; & subinde si in omni virtualitate æternitatis est intuitiva respectu creaturarum, ex omni æternitatis virtualitate conceptum intuitionis habere debet.

147. Contra secundo in omni virtualitate æternitatis, in qua conceptum intuitionis Divina cognitio obtinet, debet ei correspondere objectum, ad quod terminetur: ergo vel secundum esse cognitum, & objectivum tantum, & sic erit abstractiva cognitio; vel secundum esse physicum & reale, & sic obtinere non poterit conceptum intuitionis, quin pro omni æternitatis virtualitate futura Deo in æternitate ab æterno coexistant.

148. Resp. ad 1. Illustriss. Godoy concessio antecedenti neg. consequ. Ratio discriminis est, quia duratio mensurans creatam cognitionem continere nequit anticipatè objectum, ad quod ipsa cognitio terminatur, & ideo nequit esse
intui

Art. XIII. An scient. Dei sit, &c. Cap. VI. 44
intuitiva in duratione aliqua nisi respectu ob-
jecti sibi in eadem duratione coëxistentis. Eò
autem ipso quòd in eadem duratione creata ob-
jectum, & cognitio coëxistant, obtinet cogni-
tio conceptum intuitionis ex tali duratione ;
Et quia duratio mensurans cognitionem Divi-
nam infinita est, anticipatè durationes creatas
secundùm diversas sui virtualitates continet.
Quapropter eo ipso quod secundùm unam, ali-
cujus rei creatæ durationem contineat, divina
cognitio in omni æternitatis virtualitate ad il-
lud intuitivè terminatur : Vnde fit ut in aliqua
virtualitate obtinere possit conceptum intui-
tionis , quin ex tali virtualitate ei competat,
quòd sit intuitiva , sed ex alia , ratione cujus
talis rei durationem continet, & illi coëxistit.

Ad 2. resp. idem Author concessò anteceden-
tenti dist. conseq. secundùm esse objectivum
correspondet ei objectum pro illa virtualitate,
& physicum pro alia ejusdem durationis, conc.
Secundùm esse objectivum tantùm in tota illa
duratione, nego conseq. Ex quo non infertur,
quòd Divina cognitio, adhuc pro illa virtuali-
tate sit abstractiva. Quia ad hoc exigebatur,
quòd non esset præsens secundùm esse physi-
cum in æternitate nec secundùm unam virtua-
litem, nec secundùm aliam.

Resp. 2. ad eandem 1. Conf. quod equidem
cognitio Dei respectu futurorum contingen-
tium est intuitiva ab æterno adæquatè , & se-
cundùm omnem ipsius æternitatis virtualita-
tem. Cognitio enim fit per hoc quod cogni-
tum est in cognoscente , ab æterno autem est
futurum ut præsens Deo in mensura superiori
ipsius æternitatis sumptæ secundùm omnem
ipsius

ipsius virtualitatem , & quatenus per actum animæ distenditur ad omne tempus , & ultra tempora , quæ supergreditur æternitas. Vnde dist. min. Futura non sunt physicè præsentia in æternitate adæquatè sumptâ & secundum omnem ejus virtualitatem , ex parte cognoscentis , nego min. Nulla enim nec modica æternitatis duratio , vel virtualitas est , in qua Deus non intueatur rem ut physicè præsentem cùm ejus cognitio æternitate mensuretur. Ex parte rei cognitæ , conc. min. Certum enim est quod futurum non coëxistit in se æternitati adæquatè sumptæ , aliàs æternum esset , sed inadæquatè & pro illa duratione duntaxat , in qua erit verum dicere nunc est , ut supra toties inculcavimus. Tamen semper divina cognitio fertur in illud præsentialiter , & in præsentialitate sua ipsum intuetur , cum non sit ejus cognitio successiva.

151. Resp. ad 2. Conf. neg. min. Ad cujus prob. dicimus ad notitiam intuitivam non sufficere quamlibet physicam objecti præsentiam , sed requiri præsentiam rei , quâ sit præsens cognoscenti ut cognoscens est , & qua dicitur res esse in prospectu cognoscentis. In eo autem casu objectum non esset præsens physicè cognoscenti , ut cognoscens est , in propria natura , & secundum seipsam. Vnde illa notitia non esset propriè & formaliter intuitiva. Quia objectum esset absens à cognoscente , ut cognoscens est actu , licet esset physicè indistans entitativè , & in ordine ad locum. Ad illud , quod de ævo Angelico objici solet , nimirum quod illi omnia futura sint physicè præsentia , cùm sit duratio omnino indivisibilis , nec tamen in eo cognoscan

Art. XIII. An scient. Dei, &c. Cap. VII. 443
noscantur, patet ex dictis cap. præcedenti. Quia
licet ævum Angelicum successionem careat, at-
tamen non habet continere omnem ejusmodi
virtualem durationem. An autem præsentia
hæc physica rerum in æternitate ad certam, &
infallibilem futurorum contingentium cogni-
tionem omnino necessaria sit, necne, infra
commodius discutietur.

C A P V T VII.

*Utrum Deus certò & infallibiliter cognoscat
futura contingentia conditionata.*

§. I.

Quibusdam prænotatis deciditur questio.

Futurum conditionatum est illud, quod 152.
significatur per enunciationem conditio-
nalem, seu in qua sive formaliter, sive virtua-
liter aut æquivalenter hæc conditio *si* consti-
tuitur, formaliter quidem & explicitè, v.g. *Si*
Petrus currit, movetur; æquivalenter autem si-
ve virtualiter, v.g. *Raptus est puer ne malitia*
mutaret intellectum ejus, & ne fœtio deciperet
animam illius: Sap. 4. c. Quæ enunciatio æqui-
valet huic: *Si puer diutius maneret in hac vi-*
tâ, malitia mutaret intellectum ejus, & fœtio
animam illius deciperet. De quo Augustinus
lib. de prædest. Sanct. cap. 14. *Raptus est, in-*
quit, ne malitia mutaret intellectum ejus: Dictum
est secundum pericula vita ejus, non secundum
præscientiam Dei, qui hoc præscivit quod futurum
erat:

erat : non quod futurum non erat ; id est , quod eâ mortem immaturam fuerat largiturus ut tentationum subtraheretur incerto , non quod peccaturus esset , qui in tentatione mansurus non esset.

153. Enunciatio conditionalis duplex est , sive dupliciter sumitur ; alia est , in qua hæc dictio conditionalis *si* sumitur illativè , & vim consequentiæ habet nullo alio extrinseco adhibito vel supposito ; v. g. *Si Petrus volat , habet alas : Si currit , movetur* ; quæ conditionales simul sunt enunciationes , & argumentationes. Veritas conditionalis sic acceptæ stat in consequentia terminorum , qui sunt in consequente , ad terminos qui sunt in antecedente ; v. g. quia animal necessariò sequitur ad hominem , certum est quod si aliquid fuerit homo , erit animal ; & quia ad currere sequitur moveri , necessariò & rectè infertur quod quidquid currit , movetur. Ea propter dicitur , quòd ad veritatem conditionalis hoc pacto sumptæ requiritur , ut antecedens non possit esse verum sine consequente ; quia tanta est necessitas consequentis ad antecedens , quòd sicut se habet ipsum antecedens , ita & consequens. Et inde est quòd omnis conditionalis vera est necessaria ; falsa autem impossibilis. Et sic patet , quòd conditionalis potest esse vera , utraque ejus parte existente falsâ , vel impossibili ; dummodo adsit consequentia terminorum , & non sola consequentia.

154. Alia est conditionalis , in qua conditio *si* non infert ex vi illationis & consequentiæ intrinsecè , & ex ratione terminorum , sed tantum dicit concomitantiam seu illationem fundatam in aliqua promissione , seu propo-

Art. XIII. An scient. Dei, &c. Cap. VII. 445
to alterius, vel in quacunque aliâ causâ superadditâ, quâ tamen appositâ antecedens infert consequens; ut si dicatur, *Si oraveris pro me ad Regem, dabo tibi librum*; dare enim librum non habet intrinsecam aliquam connexionem cum hujusmodi oratione; & termini positi in consequenti non sequuntur necessariò ad terminos in antecedente positos. Unde ad veritatem hujusmodi conditionalium nihil aliud requiritur, nisi quòd homo, cùm hæc promittit, habeat propositum dandi quod promittit; & per oppositum ad falsitatem earum sufficit, quòd sic promittens non habeat propositum dandi quod promisit. Quapropter istæ conditionales non sunt necessariae seu impossibiles sicut primæ, sed contingenter variantur, & aliquando veræ, aliquando falsæ redduntur, secundùm quòd hominis propositum variatur.

Ex quo sequitur, quòd cùm Dei voluntas, seu promissio, ac propositum sint omnino invariabilia, certaue, firma, & infallibilia perseverent, veritas conditionalium, quæ fundatur in proposito seu promissione Dei, firma, certa, & infallibilis est, seu consequens ad antecedens infallibiliter sequitur. Idcirco hujusmodi conditionalis necessaria efficitur, non quidem absolutè & ex ratione terminorum, sicut in conditionalibus primi generis contingit, sed ex suppositione divini propositi, seu promissionis firmæ & immutabilis Dei: & consequens sequitur necessariò ad antecedens non absolutè, sed ut stat sub tali proposito, & promissione divina: objectaque illarum propositionum, videlicet futura ipsa conditionata, habent infallibilem veritatem.

155.

Notandum

156. Notandum est quod cum hæc conditionalis
 Quod- si possit importare ordinem causæ vel principij,
 lib. 5. & ordinem consequentiæ, ad veritatem & ne-
 art. 4. c. cessariam illationem cujuslibet conditionalis,
 siue primi, siue secundi generis, non est ne-
 cessarium ut hujusmodi conditionalis, quæ ex-
 primitur, dicat propriè ordinem causæ & prin-
 cipij ad terminos consequentis, sed sufficit ut
 sit aliquando effectus necessariò connexus, vel
 conditio, quâ positâ aliud apponitur, quod
 propriè illud consequens inferat. Exempla
 sunt manifesta in conditionalibus primi ordi-
 nis, *Si Petrus est risibilis, est rationalis*, quæ
 est absolutè necessaria, & tamen conditio
 non importat ordinem causæ vel principij in
 antecedente ad consequens, sed effectus dun-
 taxat necessariò connexi. Similiter in hac con-
 ditionali, *Si ignis applicetur ligno, seu passo*
disposito, comburet: conditio præcisam habet
 rationem conditionis, & non causæ propriæ.
 Exemplum secundi generis habetur Lucæ 10.
 Matth. 11, *Si in Tyro & Sydone facta fuissent*
virtutes &c. Ipsi conversi fuissent, & credidif-
sent, quæ fuit conditionalis verissima, at-
 que certissima, cum tamen conditio in ejus-
 modi condicionali expressa non denotet, aut
 denotare possit causam propriè causantem il-
 lum effectum. Exemplum manifestius habe-
 tur in eo quod dixit Elisæus ad Ioam Regem
 Israël, *Si percussisses quinquies, aut sexies, siue*
septies, percussisses Syriam usque ad consumption-
em, nunc autem tribus vicibus percuties eam.
 Lib. 4. Reg. cap. 13. Vbi certissimum est con-
 ditionem illam de percutiendâ quinquies, se-
 xies, aut septies terrâ, nullatenus denotare
 ordinem

ordinem propriæ causæ illius devastationis, quæ certissimè futura erat, si sic percussisset.

Notandum est 2. quodd præter hujusmodi conditionata, quædam alia sunt, quæ non important infallibilem connexionem, sed tantum probabilem seu moralem cum conditionibus suis, v. g. si Petrus duxerit choreas cum hac vel illâ muliere, peccabit. Alia sunt, quæ ex meritis priorum objectorum disparatam omnino conditionem important; sicut est illud, *Si Petrus perrexerit ad campum, Paulus in civitate morietur.* 157.

Notandum est 3. quod ut aliquid sit verè futurum conditionatum, impertinens omnino est quodd postea in re ponatur, & in aliquâ temporis differentiâ verificetur: hoc enim ex accidenti illi advenit, vereque erit conditionatum futurum, si supradicta servantur, quamvis postea in re ponatur: quia in his attendenda venit propositionis conditionalis forma, non autem quid postea rei producat eventus; v. g. futurum conditionatum, hoc est, *Si veneris ad me hora matutinâ, invitabo te*; licet postea eveniat, quod ipse adveniat, & de facto inviteatur. Similiter illud *Si in Tyro & Sydone*, &c. apud omnes pro futuro conditionato habetur, & tamen non desunt Doctores graves, & magnæ autoritatis, qui dicant illud tempore Apostolorum fuisse impletum, cum ejusmodi populi per Apostolos ad fidem conversi sunt. Ita Rabanus in cat. D. Thom. Matth. 11. c. dicens: *Impletum hodie videmus dictum Salvatoris, quia scil. Corozaim & Bethsaïda presente Domino credere noluerunt, Tyrus autem & Sidon postea evangelizantibus discipulis crediderunt.* Idem

asserunt Beda in cat. ad cap. 10. Lucæ. Theophilaetus, Lyranus, & alij.

158. Certum est Deum per scientiam simplicis intelligentiæ certò & infallibiliter cognoscere omnia conditionata, quæ accipiuntur ex vi illationis & consequentiæ tenentis ex vi terminorum, cujusmodi sunt, *Si Petrus est homo, est animal rationale; Si Paulus currit, movetur: Si Deus efficaciter aliquid voluerit, illud erit: Si Deus efficaciter moverit voluntatem creatam ad aliquid liberè operandum, ipsa liberè operabitur: Si Petrus habuerit donum perseverantiæ, ipse perseverabit*, & alia similia, in quibus est intrinseca, & infallibilis connexio, etiam ex vi illationis & consequentiæ, nullâ factâ, vel præsupposita liberâ divinæ voluntatis determinatione. Ratio est manifesta: quia omnis conditionalis vera debet esse necessaria: sed ad veritatem & necessitatem conditionalis solum requiritur necessaria habitudo antecedentis & consequentis, ut passim docet S. D. ergo cum omnes ejusmodi enunciationes conditionales, quæ accipiuntur ex vi illationis, & consequentiæ tenentis ex vi terminorum sint veræ, erunt necessaria, & subinde per scientiam simplicis intelligentiæ, seu necessariam à Deo cognoscuntur. Ex quo sequitur, quòd antecedens potest esse absolute liberum, & tamen conditionalis necessaria, ut ista: *Si Deus dederit alicui auxilium efficax ad liberam sui conversionem, ille liberè convertetur*. Immodò potest esse antecedens impossibile, & simul consequens, & tamen conditionalis vera & necessaria: v. g. *Si homo est equus, est irrationalis: Si viginti sunt minus quam duo, sunt minus quam decem*, ut docet S. D.

Certum

Opusc.

48. c. ult.

q. 14. de

verit. 2. 1.

ad 13. 1.

cont.

gent. c.

67. & 6.

Metaph.

lect. 3. 1.

p. q. 25.

art. 3. ad

2. in 1. d.

42. q. 2.

a. 3. dist.

12. q. 1.

art. 1.

1. cont.

gent. c.

13. c. 20.

& q. 1.

de pot.

art. 6.

Certum etiam est, futura conditionata habentia conditiones omnino disparatas, si in vi consequentiæ & illationis accipiantur, non posse ab intellectu certò cognosci, esto aliunde infallibilem eorum cognitionem habere possit, ut infra dicetur. Ratio est, quia termini consequentis non sunt ex vi illationis necessariò connexi cum terminis antecedentis: sed quod non habet veritatem necessariam, non potest certò cognosci: ergo illa ex vi illationis certò cognosci nequeunt. Similiter certum esse debet, futura conditionata, quæ tantum probabilem seu moralem, aut conjecturalem, & non intrinsecam connexionem important, ex vi illationis non posse certò cognosci, propter eandem rationem; sed aliunde mutare certitudinem & infallibilitatem, ut à Deo sciri possint. Quomodo autem certò cognosci possint à divino intellectu infra dicetur. Impræsentiarum sat nobis sit ostendere Deum certò infallibiliter futura contingentia cognoscere, etiam ea quæ infallibilem, & intrinsecam connexionem consequentis cum antecedenti ex vi illationis non important.

159.

Hæc veritas plurimis Sacræ Scripturæ testimoniis suaderi potest, ex quibus urgentiora feligemus, & adducemus. Prima habetur lib. I. Reg. cap. 23. de Davide consulente Dominum: *Si tradent me, inquit, viri Ceila in manibus ejus, & si descendet Saul, sicut audivit famulus tuus? Domine Deus Israël indica servo tuo. Et ait Dominus, descendet. Dixitque David, si tradent me viri Ceila, & viros qui sunt mecum in manu Saul? Et dixit Dominus, tradent. Vbi, ut manifestum est, Dominus respondit, non quidem*

160.

id quod possibile erat ; neque enim illum de hoc David interrogaverat, sed quod certissimè eventurum erat : cognoscit igitur certè & infallibiliter Deus ejusmodi futura conditionata, quæ infallibilem, & intrinsecam connexionem non habent, nec enim infallibilis erat traditio Davidis in manus Saul cum mansione illius in Ceila ex natura rei. Sed hanc veritatem manifestiùs demonstrat illud quod legitur lib. 3. Reg. c. 11. *Quod nimirum Rex Salomon adamarit mulieres alienigenas multas de gentibus, super quibus dixit Dominus filiis Israël : Non ingredimini ad eas, nec de illis ingredientur ad vestras, certissimè enim avertent corda vestra ut sequamini Deos earum.* Vbi certò prænunciat Dominus, quod mulieres alienigenæ à cultu Dei filios Israël aversturæ essent, si ad eas ingrederentur, cum tamen non sit ibi nisi moralis certitudo ex vi illationis. Similiter lib. 4. Reg. cap. 13. refertur, quod dixit Elisæus ad Ioas : *Si percussisses quinquies, aut sexies, sive septies, percussisses Syriam usque ad consumptionem.* Vbi certissimè prædicatur Syriæ devastatio si apposita fuisset illa conditio, quæ tamen disparatè se habet ex natura rei ad hujusmodi eventum : nec umquam apposita fuit, & neutiquam dicit infallibilem connexionem devastationis Syriæ cum percussione illa terræ.

161. Sed præ cæteris manifestiùs hanc veritatem ostendit illud de Tyrionum & Sidoniorum conversione futurâ, si in Tyro & Sydone (quæ sunt urbes Phœnicis) factæ fuissent virtutes, quæ factæ sunt à Christo Domino in Bethsaida, & Corozaim, (quæ sunt civitates Galilææ sitæ in littore maris, ut observat Rabanus in

Art. XIII. An scient. Dei sit, &c. C. VII. 451
 in cat. D. Thom.) de quo habetur Matth. 11.
c. & Lucæ 10. Va tibi Corozaim, inquit, va tibi
Bethsaïda, quia si in Tyro, & Sidone facta fuisset
virtutes, qua facta sunt in vobis, olim in ci-
licio & cinere pœnitentiam egissent: cognovit igitur
certò & infallibiliter Dominus futuram il-
lorum conversionem, & pœnitentiam in ci-
nere & cilicio agendam, si hujusmodi conditio
opposita fuisset. Vnde S. Prosper ad excerpta Ge-
nuensium cap. 8. exponens prædictum locum,
Nos, ait, etiamsi rationem facti, & profundita-
tem judicij ejus penetrare non possumus, manifestè
tamen scimus & verum esse, quod dixit, & ju-
stum esse quod fecit. Quam doctrinam desumpsit
ex D. Augustino lib. de dono persever. c. 9. ubi
ait: Nunquid possumus dicere etiam Tyrios & Si-
donios talibus apud se virtutibus factis credere no-
luisse, aut credituros non fuisse, si fierent; cum eis
ipse Dominus attestetur quòd acturi essent magna
humilitatis pœnitentiam, si in eis facta essent di-
vinarum illa signa virtutum. Sunt alia plurima S.
Scripturæ testimonia, quæ hanc veritatem
apertè demonstrant, à quibus brevitatis gratiâ
abstinemus.

Ex his & similibus hæc ratio breviter dedu-
 citur: Revelatio Dei non est de aliquo incerto
 & dubio, sed omnimodam certitudinem & in-
 fallibilitatem habet: sed Deus revelavit multa
 futura fore, si talis, vel talis conditio appo-
 neretur, quæ appositæ non fuit: ergo Deus illa
 omnia certò & infallibiliter cognovit, & non
 conjecturaliter tantum: cum conjecturalis co-
 gnitio maximam dicat imperfectionem, & fal-
 sitati subesse possit, quod omnino scientiæ Dei
 repugnat.

162.

Conf. quod habet determinatam veritatem certò à Deo cognoscitur : sed ejusmodi futura conditionata determinatam habent veritatem : ergo Deus ea certò cognoscit. Prob. min. ejusmodi futura sub conditione futuritionē determinatam habent, quia si purificaretur conditio, actu essent : sed quod habet determinatam futuritionem , determinatam etiam veritatem habet, quia est determinatum ad hoc ut sit in aliqua temporis differentia : ergo futura conditionata determinatam habent veritatem. Argumenta , quæ hanc resolutionem infringere videntur , infra dissolventur.

C A P V T V I I I.

Referuntur varij dicendi modi, quibus Deus futura contingentia , præsertim libera , tam absoluta , quàm conditionata certò , & infallibiliter cognoscere à Theologis asseritur.

§. I.

Modi dicendi circa absolutorum conditionem recensentur.

SVpra constituimus , Deum certò & infallibiliter futura quælibet contingentia & libera , tam absoluta , quam conditionata cognoscere. Impræsentiarum discutiendum venit , quænam sit veluti prima radix ejusmodi certitudinis in Divina cognitione , cùm futura contingentia , quippe quæ indeterminata in se,
&

Art. XIII. An scient. Dei sit, &c. C. VIII. 453
& ad utrumlibet se habentia, cognitioni certæ
ac scientificæ obſtare videantur.

Circa cognitionem futurorum abſolutorum 164.
omiſſâ eorum opinione, qui huiusce difficulta-
tis ingenti mole oppreſſi modèſtè ſenſerunt,
Deum equidem futura omnia contingentia ab-
ſoluta, etiam libera, certò & infallibiliter co-
gnoſcere; modum verò ejuſmodi cognitionis
imbecillitatem humani ingenij omnino effu-
gere (quod ſenſiſſe feruntur Ocham, Gabriel,
Gregorius in 1. diſtinct. 38. & Marſilius *ibid.*
diſt. 40.) ad rem hanc explicandam varios di-
cendi modos Theologi adinvenērunt: prout
futura diverſam ſubire conſiderationem poſ-
ſunt.

Quidem ad illa attendentes, ut in ſuis cau- 165.
ſis eſſe habent, aſſeruerunt, futura contingentia
ſciri in ſuis cauſis impedibilibus, non quidem
abſolutè ſumptis, ſed cognoscendo omnia illa,
quæ ipſas impedire, vel determinare poſſunt,
& inſuper ea, quæ illas impediēt, vel non im-
pediēt, ſed determinabunt. Quia ſicut ex
cauſa neceſſaria ſequitur effectus neceſſarius
infallibiliter, ſic ex cauſa impedibili determi-
natâ ad unum, ſi non ſit impedita, ſequitur ef-
fectus contingens infallibiliter, infallibilitate
quidem non abſolutâ, ſed ſuppoſitionis. Qua-
propter ſicut in cauſa neceſſaria certâ cog-
nitione effectus neceſſarius præcognoſcitur, ſic
cognitâ cauſâ impedibili, & omnibus, quæ
eam impedire poſſunt, vel non impedire, &
inſuper illa, quæ eam impediēt, vel non im-
pediēt, poteſt infallibiliter cognosci, quis ef-
fectus eveniet. Deus autem non ſolùm cognoſ-
cit cauſam contingentem in ſe, & abſolutè,

quia sic in ea vel per eam non cognosceretur infallibiliter aliquis effectus, nisi tantum conjecturâ probabili : sed cognoscit omnia quæ eam determinare possunt , & quæ impediunt, vel non impediunt; & subinde in causa contingente sic cognita futurum contingentem effectum certitudinaliter cognoscere potest. Ita Durandus in 2. dist. 38. q. 3. num. 9. Thomas de Argentina in 2. dist. 40. art. 3. An autem inter determinantia causam proximam computanda sit divina voluntas efficaciter decernens , ut volunt Thomistæ quidam sentientes cum Durando in hac parte (si fides habenda sit P. Suarez lib. 1. de scient. futur. conting. absolutor. cap. 3. n. 9.) non satis constat. Videtur insinuare Durandus ibid. rat. 2.

166. Ab hoc dicendi modo non procul abscedere videtur P. Molina asserens, quod ejusmodi futura cognoscat Deus in altissima sui Divini intellectus comprehensione, quâ liberum arbitrium comprehendit , & in illo quid sit acturum , si in tali occasione, talibusque circumstantialis constituatur. Cui ex Patribus Societatis adhæret Decanus : P. autem Valentia hîc disput. 1. puncto 5. ait futurum contingentem eventum à Deo certò cognosci, non quidem in circumstantiis illis antecedentibus creatam voluntatem determinantibus, sed in actuali ipsius determinatione ad aliquem effectum.

167. Alij attendentes ad modum quo futura ista in cognoscente habent esse, affirmarunt Deum cognoscere illa in suis ideis, tanquam in proximo objecto divinam essentiam determinante ad judicium de hujusmodi futuris. Hanc sententiam insinuat Alensis 1. p. quæst. 23. memb. 3. art. 4.

Art. XIII. An scient. Dei sit, &c. C. VIII. 455
art. 4. & memb. 4. art. 3. communiterque tribuitur D. Bonaventuræ in 1. dist. 39. art. 2. quæst. 3. pro eadem sententia adducit Corduba lib. 1. q. 55. dub. 8. Henricum Gandav. Tribuitur etiam à P. quibusdam Recentioribus Ægidio Romano in 1. distinct. 38. ubi profectò nihil tale vel per somnium, asserit, sed ut ingenuus S. Thomæ Discipulus docet, ex eo Deum certam & infallibilem cognitionem de ejusmodi futuris contingentibus habere, quia ejus intuitus in ea fertur ut præsentia sibi in mensura æternitatis; præsentia, inquam, Physicè, & ut habent esse in seipsis. Quod ut pateat, adducam ipsissima insignis hujus Doctoris verba: *Deum esse æternum ratione omnium approbatur. Æternitas autem est interminabilis vita tota simul & perfecta possessio: qua ergo tempore, vel mensurâ variabili mensurantur, non totum eorum esse simul possident: est enim proprium solius Dei, ut interminabilis vita totam pariter completam præsentiam absque successione, & protensione possideat. Si igitur judicium non attenditur secundum naturam scitorum, sed scientis, cum Deus æternus sit, & in æternitate prius & posterius esse non possit, nec in ea protensio aliqua inveniri valeat, totus status rerum temporali variatione subiectus à Deo præsentialiter cernitur. Non est ergo inconveniens, Deum contingentium habere scientiam: cum contingentia relata ad cognitionem Divinam, præsentia sint, & ut præsentia sunt secundum esse, determinata existant. Licet ergo futura contingentia secundum sui naturâ indeterminata sint; tamen quia Deus ea præsentialiter videt, cum ejus scientia æternitate mensuretur, contingentium & secundum sui naturam indeterminatorum*

456 *Quaest. XIV. De Scientia Dei*,
 naturum Deum certam cognitionem habebit. Et
 quia hæc physica rerum in æternitate præsen-
 tia videtur à rebus contingentiam auferre, sta-
 tim ostendit quomodo illa rerum contingen-
 tiam minimè à futuris tollat, dicens: *Licet om-
 nia relata ad Divinam cognitionem ei existant
 presentia: quia tamen videt contingentia contin-
 genter accidere, & necessaria necessariò evenire,
 à rebus necessariis non tollitur necessitas, nec à
 contingentibus contingentia. Et hoc est, quod Boë-
 tius ait in declarando veritatem quæstionis propo-
 sita dicens, quòd divina prænotio rerum naturam
 proprietatemque non mutat; talia enim apud se
 præsentialiter videt, qualia in tempore olim fu-
 tura prævenient....* Quod autem unum & idem se-
 cundùm sui naturam acceptum possit dici contin-
 gens; ad cognitionem tamen Divinam relatum
 quandam necessitatem contrahat, sic ostendi potest:
 nam quodlibet contingens, cùm præsentialiter est,
 quodammodo necessarium est, quia secundùm Phi-
 losophum in 1. Periherm. Omne quod est, quando
 est, necesse est esse: consideratum tamen ut futu-
 rum non necessarium est, cùm indeterminatum sit;
 & causa, à quibus habet oriri, impediri possint.
 Cùm igitur contingens futurum secundùm suam
 naturam futurum sit: relatum autem ad Divinam
 cognitionem præsentialiter existat, in se acceptum
 contingens erit, ut tamen à Deo scitur, quandam
 necessitatem contrahit.

168. At verò in suo defensorio loquendo de co-
 gnitione futurorum contingentium ita de hac
 re fatur: Deus novit (prout Thomas 1. part.
 q. 14. art. 13. in responsione docet) non solum co-
 gnoscit res in seipso esse, sed per illud idem
 quod in se continet species rerum, cognoscit eas in
 propria

Art. XIII. An scient. Dei sit, & c. C. VIII. 457
propria natura, qualicet sint successivè in propria
sub actuali existentia, non tamen subduntur suc-
cessivè cognitioni Dei, quæ mensuratur aternitate,
in qua non cadit successio, sed est tota simul cum
temporis cujuscunque differentia, non quod partes
temporis omnes simul existentes aternitati coëxi-
stant (ut ipsi putant & falsò, Thomam sensisse:
sed quia ipsa aternitas est tota simul cum singulis
partibus temporis non simul existentibus, sed sibi
invicem succedentibus. Illud docet Thomas lib. 1.
cont. gent. cap. 66. tali exemplo. Punctus quicun-
que signatus in circumferentia circuli sic se habet
quod nullo modo potest esse simul cum alio puncto
signato in ipsa prior vel posterior secundum situm:
omnes verò puncti in circumferentia signati ad
centrum, quod est extra circumferentiam, directam
habent oppositionem & consimilem habitudinem;
sicut ergo punctis in circūferentia quibuscunque se-
cundum situs ordinem se habētibz, & se cōsequen-
tibus punctus centralis extra ipsam existens directè
& uniformiter objicitur, sic aternitas simplex & in-
divisibilis extra temporis successionem existens
omnia ejusdem sibi succedentia invicem, unifor-
miter respicit sub præsentialitate quam habent in
se successivè; actus ergo cognitionis mensuratus
aternitate præsentialiter respicit omnia sibi invi-
cem succedentia in tempore, ipsam eorū præsentiali-
tatem, quam habent in se successivè, simul ater-
naliter intuendo; non quòd ipse à rebus quas sic
intuetur, aternaliter sibi semper coexistentibus
cognitionem accipiat, sed omnium rerum rationes,
quas in seipso simul intuetur, per quod ejus intui-
tus perfectissimè fertur super ipsas, non solùm eo-
rum quidditates, sed etiam præsentialitates, præs-
entialiterque aternaliter intuendo. Ex his patet,
quod

458 *Quaest. XIV. De Scientia Dei,*
 quod Thomas (prout isti imponunt illi & falsò)
 non intendebat, quod omnia, quæ sibi invicem suc-
 cedunt in tempore in natura propria Deo co-
 existunt in æternitate, licet ab eo eorum præsentia
 æternaliter intueatur, & sic omnia sibi dicantur
 præsentia. Et quando dicunt, quòd res non possunt
 esse Deo præsentibus nisi dupliciter, scilicet in ra-
 tione causali, vel in sua existentia actuali: Dicen-
 dum, quòd res sunt Deo præsentibus ab æterno non
 in sua existentia actuali, sed quia ipse intuetur
 earum præsentiam æternaliter per hoc quòd om-
 nium rerum rationes exemplares in seipso cognos-
 cit, quas videt in seipso, & omnia per ipsas per-
 fectè cognitæ cognoscit in natura propria, quarum
 scilicet per rationes causales invenitur causa. Et
 sic habet intelligi quòd dicit Thomas, quòd in-
 tuitus Dei fertur æternaliter super omnium sibi
 in tempore succedentium præsentialitates, non
 solum quia habet rationes eorum apud se, ut
 quidam dicunt, sed intuendo ea æternaliter in sua
 præsentialitate, quam simul à Deo, ut dictum est,
 cognita successivè habent in naturâ suâ. Et solut.
 ad 5. ait: Cum dicit Thomas, quòd omnia, quæ
 sunt in tempore, sunt Deo præsentia prout sunt in
 sua præsentialitate, intendit dicere & satis clarè,
 quòd divina notitia præsens est omnium quæ sunt
 successivè in tempore præsentialitas, & actualis
 existentia ab eo æternaliter cognita.

169. Ex quibus habemus duo sensisse Ægidium:
 Primum est, quòd Deus certò futura contin-
 gentia cognoscat, ex eo quòd sunt sibi in æter-
 nitate præsentia in propria natura, non quòd
 in sua actuali existentia Deo ab æterno coexi-
 stant pro omni æternitatis duratione, sed quia
 intuitus Divinus ab æterno fertur super ea
 ut

Art. XIII. An scient. Dei sit, &c. C. VIII. 459
ut præsentialiter in sua præsentialitate pro eo tempore quo erunt, quia æternitas utpote simplex & tota simul existens comprehendit omne tempus. Itaque egregius iste D. & S. Thom. Discipulus ejusdem præsentialitatis objectivam futurorum admittit, sed objecti in se & in propria natura, & præsentialitate, & non prout habet esse in cognoscente tantum. Quæ est ipsissima S. Thom. Doctrina, quæst. 12. de verit. art. 12. ut dictum est supra, & repetere non erit superfluum: *Circa futurorum, ait, cognitionem duo est considerare, scilicet ipsum ordinem causarum ad futuros effectus, & exitum sive executionem hujus ordinis in hoc quod effectus actu procedit ex suis causis.... Deus non solum cognoscit futura ratione ordinis causarum: sed etiam quantum ad exitum, seu executionem ordinis. Cujus ratio est, quia ejus intuitus æternitate mensuratur, quæ omnia tempora in uno nunc indivisibili comprehendit. Vnde uno simplici intuitu videt, & ad quid causæ sunt ordinata, & qualiter ordo ille impleatur. Secundum, quod docet ipse Ægidius est, Deum præsentialitatem rerum ab æterno intueri per hoc quod omnium rerum rationes exemplares, seu ideas in seipso cognoscit, quas in seipso videt, & omnia per ipsas perfectè cognitas in natura propria cognoscit, quorum scilicet per rationes causales invenitur causa. Futura itaque contingentia, de quibus ibi sermo illi erat, cognoscit Deus in suis ideis, ut non quomodocunque, sed ut determinatis ad productionem rei per decretum divinæ voluntatis, quia per eam Deus operatur omnia, secundum illud Psalm. Omnia quæcunque voluit Dominus fecit. Sed de his plura infra.*

170.

Alij ad efficacitatem Divinae scientiae hanc cognitionis certitudinem reducunt. Aiunt enim Deum suâ efficaci scientiâ, ut voluntatem ejus antecedit, determinare, & efficere, ut ex effectibus contingentibus contradictoriis hic potius, quam ille futurus sit: & hoc modo, hacque ratione cognoscere illud certò, quod futurum est, quia facit ut illud futurum sit. Ita docuit Palatius in 1. distinct. 38. quaest. 2. disput. 2. dub. penult.

171.

Tandem alij attendentes ad futura in seipsis considerata affirmarunt, ante quodlibet Divinae voluntatis decretum, per quod verè possibile ad ordinem producendorum, ac futurorum absolutè transferatur, in illo priori naturae ipsum futurum contingens objectivè in seipso consideratum habere determinatum esse, ac subinde veritatem determinatam, secundùm quam est certò cognoscibile à Divino intellectu per simplicem intuitum. Quod quidem esse objectivum, nil aliud esse dicunt, quam ipsummet esse, quod tali tempore ipsa res habitura est. Ita P. Suarez lib. 2. de scient. futur. conting. cap. 6. & 8. Quam opinionem ut explicet, varia prioritatis rationis, & causalitatis signa distinguit dicens, quod primò omnium Deus per scientiam illam mediam, seu conditionatam cognoscit illud futurum tali tempore fore, si ipso eodem sub talibus circumstantiis & conditionibus causa ejus, v. g. voluntas creata constituatur. In secundo rationis signo vult voluntatem creatam in tali tempore, & sub talibus circumstantiis, atque conditionibus collocare. Postea in tertio signo Divinus intellectus simplici intuitu cognoscit illud futurum

futurum contingens absolute fore, non quidem intuendo ex æternitate propriam futuri existentiam, Deo in ipsa æternitatis mensura physice coexistentem, sed intuendo illam objectivam & determinatam illius veritatem. Vnde absolute negat primam certitudinis rationem, ob quam futurum illud sit certò cognoscibile à Deo, esse decretum, & determinationem efficacem Divinæ voluntatis. Quam dicendi modum Recentiores Societatis frequentius amplectuntur. Displicuit tamen valde P. Molina utpote contrarius Philosophorum Principi, communique Doctorum sententiæ. Ita docet in Concord. disp. 52. dicens: *Quidam contententes in futuris contingentibus semper alteram partem, antequam eveniat, esse ex æternitate veram determinatè & alteram determinatè falsam, eaque ratione ex natura rei unam esse cognoscibilem futuram determinatè, & alteram non futuram determinatè, ex eo capite quod quidquid est ex natura rei cognoscibile Deus ante omnem actum sua voluntatis naturaliter cognoscat, arbitrantur Deum ante omnem actum liberum sua voluntatis scire, non solum quid per liberum creatum sit ex quacunque hypothesis futurum, sed etiam quid ipsemet Deus posterius naturâ, seu nostro intelligendi more cum fundamento in re liberè voliturus, eò quòd similiter, antequam à Deo statuatur, sit determinatè verum. Veruntamen contingentia futura ex naturâ rei esse determinatè vera, & cum Aristotelis doctrina, communique Doctorum sententia, & cum naturâ ipsa contingentium pugnat, quippe quæ eo ipso ex ipsorummet natura indifferentia sunt, ut unumquodque eorum sit vel non sit, ut ad caput ultimum primi de interpretatione ostendimus.*

P. Vasquez

172. P. Vasquez mediâ quadam inter has viâ incedens asserit, Deum equidem ex decreto suæ voluntatis cognoscere futura, non tanquam ex causa proxima, sed remotâ, licet ex decreto habeant, quod certò cognoscibilia sint. Ait enim propriam, & proximam rationem certitudinis scientiæ Divinæ sumendam esse ex infinitate Divini intellectus, & veritate futurorum. Vnde si per impossibile Deus illorum futurorum causa non esset, adhuc certò ea omnia cognosceret, si intellectus Divinus infinitæ virtutis esset.

173. Communis Thomistarum sententia affirmat, Deum ab æterno Natura contingentia certò & infallibiliter in decreto & determinatione efficaci suæ Divinæ voluntatis cognoscere, quo attingit, non solum substantiam ipsius futuri contingentis, sed etiam modum, quo est in esse ponendum, seu modum contingentiae & libertatis in rebus contingentibus & liberis, illasque transfert à statu meræ possibilitatis ad statum futuritionis determinatæ; & subinde illas præsentis physicè in mensurâ æternitatis constituit, quæ cum sit infinita & tota simul, habet, ut diximus, omne tempus, omnemque illius differentiam complecti. Ita S. D. infra citandus, quem sequuntur communiter illius discipuli. Eidem sententiæ adhærent Henricus quodlib. 8. q. 2. ubi triplicem huiusmodi cognitionis futurorum contingentium causam assignat, nimirum determinationem Divinæ voluntatis, rationes ideales in mente Divina existentes, & physicam rerum in æternitate præsentiam: Scotus in 1. dist. 38. dist. 39. §. viso, dist. 41. & in 2. dist. 37. Et quòd
ita

Art. XIII. An scient. Dei sit, &c. C. VIII. 463
 ita senserit Doctor subtilis fatetur imprimis
 P. Azor è Societate Iesu lib. 1. institut. moral.
 immò ipse P. Molina id apertè testatur in *Con-*
cord. disp. 52. ubi Scoti sententiam, quæ dubio
 procul verissima est, in fide periculosam, &
 libertatis arbitrij destructivam nuncupat. Insu-
 per P. Suarez *disp. 22. Metaphys. sect. 4.* censet
 Scotum videri sentire quòd causa prima deter-
 minet secundam quoad exercitium actus, etiã-
 si libera sit, & quòd Deus definiat suum con-
 cursum ad unam tantum rem. Tandem hoc
 ipsum de mente Scoti esse vulgarunt Duaci So-
 cietatis Patres in quodam libello de hac mate-
 ria à se edito: in quo Thomistis objecerunt, &
 impropèrarunt, quod in prædeterminatione,
 & prædiffinitione efficaci asserenda, non equi-
 dem Angelicum Doctorem D. Thomam, sed
 potius Doctorem subtilem Scotum sequerentur,
 cui ejusmodi prædeterminationes ex intrinsecâ
 Dei voluntate efficaces, à discipulis suis, &
 aliis tribuuntur. Sic & Scotum interpretantur
 & intelligunt discipuli illius, præsertim anti-
 qui, inter quos Basolus *lib. 1. sent. dist. 38.*

Quòd autem ad Modernos Scoti discipulos 174.
 attinet, in asserendo modo, quo Deus futura
 contingentia certò cognoscat, minimè inter
 se conveniunt. Quidam enim apertissimis Sco-
 ti testimoniis, infra adducendis, convicti as-
 serunt, Deum certitudinaliter ejusmodi futu-
 ra contingentia nosse in determinatione suæ
 voluntatis, quæ est omnino immutabilis, &
 inimpedibilis, anteceditque liberum nostræ
 voluntatis usum, vel futurum eventum. Alii
 è contra affirmant, quòd futura hujusmodi
 certò cognoscat in determinatione seu decre-

to suæ divinæ voluntatis, non quidem antecedente, sed concomitante; non quidem præsupponente in Divina scientia prævisionem illius futuræ determinationis, si voluntas creata in tali, vel tali occasione, vel talibus circumstantiis constituatur, quam prævisionem sequatur decretum absolutum Divinæ voluntatis de concurrento cum voluntate creata, sed omnem suam determinationem respectu eventuum interventu creatæ voluntatis futurorum esse cum determinatione illius; quasi non determinet Deus voluntatem creatam hoc volitum sed cum illa determinet hoc volendum fore absque ullâ prævisione effectus ab ea futuri, saltem conditionatè ex sola ejus infinitate in genere potentiæ volitivæ. Vnde Divinæ voluntatis decretum, & determinatio creatæ possunt dici simul & intelligi, quia non comparantur adinvicem secundum ordinem alicujus causalitatis, sed puræ concomitantia, propterea quod prioritas illa decreti, quod aliquo modo antecedere dicitur, est prioritas à quo, verè compatiens simultatem in quo. Ita rem explicat Mastrius in 1. *sent. disp. 3. quaest. 3. art. 8.* huncque dicendi modum aliis Scotistis tribuit, omnesque conatus adhibet, ut probet ejusmodi sententiam esse de mente Scoti, quod quam falsum sit, infra ostendemus.

Referuntur Theologorum sententia de modo, quo Deus infallibiliter & certò futura contingentia conditionata, præsertim libera, cognoscere dicitur.

Recentiores Societatis decreta quælibet Divinæ voluntatis ex se efficacia, prædeterminativa, atque prædeterminativa creatæ voluntatis averfati, quippe quæ illius in operando libertatem, vel auferre, vel non parùm lædere videantur, & ex alia parte coacti certam in Deo de operationibus humanis, vel aliis sub conditione futuris cognitionem ex æternitate constituere, quandam scientiam, quam ipsi mediam nuncupant, admittunt, quâ Deus certò sciat quid liberum arbitrium ex sua innatâ libertate operaturum sit, si in tali, aut tali occasione, & rerum ordine constituatur. De qua P. Molina in sua concordia quæst. 14. art. 13. disp. 50. (in impressione Vlissiponenfi) & disp. 52. (in impressione Antuerpiensi) ita scribit. *Triplicem scientiam oportet distinguamus in Deo, nisi periculose in concilianda libertate cum Divina præscientia hallucinari velimus. Alteram merè naturalem, quæ proinde nullâ ratione potuit esse aliter in Deo, per quam ea omnia cognoscit, ad quæ divina potentia, sive immediatè, sive intervenitu causarum secundarum se se extendit, tum quoad naturas singulorum, & complexiones eorum necessarias; tum etiam quoad contingentes: non equidem quod futura essent, vel non essent determinatè, sed quod indifferenter esse vel non esse possint, quod eis necessario competit, atque adeo sub scientiam Dei naturalem etiam cadit. Alteram*

175.

merè liberam, quâ Deus post actum liberum suae voluntatis absque hypothesis, & conditione aliqua cognoscit absolutè & determinatè ex cōplexionibus omnibus cōtingentibus, quanam reipsâ essent futura, quae non item. Tertiam denique mediam, quâ ex altissima, & inscrutabili comprehensione liberi arbitrii cujuscumque in sua essentia intuitus est, quid pro innata sua libertate, si in hoc vel illo, vel etiam infinitis rerum ordinibus collocaretur, acturum esset, cum tamen possit, si vellet, facere, reipsa oppositum. Ex quo sequitur apud illum, Quod res libero arbitrio pradita, si in certo ordine rerum & circumstantiarum collocetur, in unam aut alteram partem se flectat, non provenire ex praescientia Dei; quin potius Deum ideo id praescire, quia ipsa res libero arbitrio pradita liberè id ipsum agere debet, nec provenire ex eo quod Deus velit id ab ea fieri, sed ex hoc quod ipsa id liberè velit facere.

176. *Ea propter hanc mediam scientiam, seu futurorum sub conditione praescientiam praesupponere atque ordinare videtur praedictus Author ad aliam de futuro absoluto, quâ Deus ipse praesciat, ac praevideat, quod liberum arbitrium creatum jam constitutum sub tali ordine rerum, sub quo de facto est, operabitur quidquid operabitur ex sua innata libertate, & non ex Deo volente, ac decernente, quod sic operetur. Accedente (inquit loc. cit.) determinatione liberâ voluntatis Divina, non quâ liberum arbitrium determinet ad alteram contradictionis partem (ut Scotus & alij volunt) sed quâ relinquendo illud liberum & omninò indifferens, ut ad quod voluerit, porrigat manum, statuat creare hunc vel illum ordinem rerum*

Art. XIII. An scient. Dei sit, &c. C. VIII. 467
rum, & causarum ac circumstantiarum, in quo sint
hæ, vel illa causa libera operatura, ceriò cognoscit
complexiones omnes contingentes secundum esse
futurum absolutè, & simpliciter, & sine ullâ jam
hypothesi & conditione. Itaque apud illum, il-
liusque sectatores voluntas illa Divina ante
positam conditionem non est absoluta, sed
conditionalis: positâ autem illâ conditione
transit in absolutam, & simul influit in opus.
Et licet aliqui eorum admittant hanc volun-
tatem absolutam esse quendam actum absolu-
tum & efficacem, quo Deus post illam mediam
scientiam vult hominem illum absolutè facere,
quod ipsum sub conditione facturum prævide-
rat; tamen alij communiter asserunt non esse
opus novâ aliquâ voluntate absolutâ, quâ rur-
sus illud opus velit, quæque respectu il-
lius operis habeat se per modum principij
effectivi; quia hoc superfluum esse repu-
tant. Nam conditionata illa voluntas, quæ-
liberi arbitrij determinationem præcedit, po-
sitâ illâ conditione abundè sufficit; quemad-
modum cum quis cum altero verbis de præ-
senti sub conditione contrahit, voluntas il-
la se obligandi est conditionata: positâ au-
tem conditione in absolutam transit, vim il-
lius sortitur, & absque novo actu suum effe-
ctum parit.

Hanc mediam scientiam, sive conditionato-
 rum præscientiam amplectuntur omnes Socie-
 tatis authores, & qui doctrinam eorum sequun-
 tur (si aliquos dempseris) reputantes eam ma-
 ximè utilem ad conciliandam humanæ vo-
 luntatis libertatem cum infallibilitate divinæ
 præscientiæ, ac prædestinationis, divinæque vo-

177.

luntatis, & gratiæ efficacia : & eodem ferè modo eam explicant. Non tamen conveniunt in constituendo & assignando modo, quo Deus per eam hujusmodi conditionata futura cognoscat.

178. Molina, ut vidimus, modum hunc ait esse super comprehensionem quandam altissimam & inscrutabilem cujuscunque liberi arbitrij creati, quâ Deus infallibiliter ab æterno cognovit, & intuitus est, quid hujusmodi liberum arbitrium creatum pro suâ innatâ libertate acturum esset, si in tali, vel tali ordine rerum constitueretur. Qui quidem dicendi modus uni Becano ex suis omnino placuit, & à cæteris omnibus rejectus fuit : præsertim verò à P. Suarez *lib. 2. de Scient. condition. c. 7.* ubi alium modum explicandi adducit, dicens Deum cognoscere futura conditionata libera per scientiam illam mediam in veritate objectivâ, quam ipsa futura in se habent independenter à decreto efficaci divinæ voluntatis de eorum futuritione. Etenim sentit ex duabus contradictoriis, pro priori antecedenti ad hujusmodi decretum, necessariò alteram earum debere esse veram determinativè, & alteram falsam : & subinde veram ut veram à Deo certò cognosci, & eam quæ falsa est cognosci itidem ab eo quòd falsa sit per hujusmodi scientiam. Ab hoc dicendi & explicandi modo non longè abest P. Herice *hic disp. 7. cap. 8.* dicens ex hujusmodi propositionibus contradictoriis de futuro contingente conditionato alteram esse determinatè veram ; & alteram determinatè falsam, non quidem pro omni signo rationis, sed pro omni instanti reali complectente signum posterius rationis,

Art. XIII. An scient. Dei sit, &c. C. VIII. 469
rationis, in quo jam intelligitur existere in voluntate creatâ actum ejus determinante, aut negationem ipsius. Vnde asserit, ut accipiant existentiam hæc futura, semper præsupponi debere ex parte Dei voluntatem, & concursum sufficientem ad hanc, non quidem ex se efficacem ac prædeterminativam, sed attemperatam naturæ voluntatis creatæ, cum quâ cooperatur, eumque adjuvat, admittimus consortium principij indifferentis in opus.

Alij ejusdem Societatis Theologi apud M. Ferrè, olim hujusce Collegij S. Thomæ de Vrbe meritissimum regentem, *tract. 6. de Scientia media quest. 6. §. 5.* asserunt, Deum per hujusmodi scientiam mediam intueri quid liberum arbitrium facturum sit, si in tali vel tali occasione ponatur, & his vel illis auxiliis juvetur ex se indifferentibus, non quidem antecederet ad consensum, vel dissensum ipsius voluntatis creatæ, sed quia de facto liberum arbitrium cum assensu conjunctum, vel ab eo disjunctum intuetur. Et cum ab eis inquiritur, in quo principio determinato cognoscat Deus, quid facturum sit liberum arbitrium creatum cum solis illis auxiliis ad conversionem indifferentibus, nam & voluntas cum illis composita adhuc remanet de se indifferens, respondent, Deum id certò cognoscere in ipsa creatæ voluntatis determinatione, id est, quia videt liberum arbitrium hujusmodi auxiliis consensurū, & cum aliis dissensurum: & hoc ante omne decretum absolutum & efficax existens in Deo de consensu hujusmodi vel dissensu ipsius voluntatis creatæ. In Deo enim solummodo constituunt decretum nescio quod conditionatum,

179.

quod his verbis explicare moliantur. Volo concurrere cum voluntate creatâ ad consensum, si ipsa voluerit consentire: & volo permittere dissensum, si ipsa voluerit dissentire. Et hic modus applicandi valdè communis & familiaris est apud illos.

180. Novissimè P. Esparza *tom. I. in 1. part. q. 18. art. 13.* alium adinvenit modum explicandi quo pacto per hujusmodi scientiam mediam Deus futura conditionata noscat. Afferit enim Deum in solâ suâ essentia divina, omni semoto divinæ illius voluntatis decreto, intueri quid liberum arbitrium de facto acturum, seu electurum sit, si in tali, vel tali rerum ordine, vel occasione ponatur, & illi auxilia sufficientia præbeantur. Sed ipse animadvertens essentiam divinam se solâ esse indifferentem, & similiter liberum arbitrium & auxilia sufficientia, ait divinam essentiam objectivè determinari, non quidem ab ipso libero arbitrio prout in seipso, sed prout contento in ipsa essentia divina cum omnibus actibus sibi possibilibus, & liberè à se eliciendis, in quacunque occasione inveniat. Antequam enim liberum arbitrium creatum sub hac, vel illa hypothesi se determinet in exercitio, jam ut in Deo præcontentum, cum omni actu conjunctum intelligitur ad quem in seipso determinandum est: & ipsa essentia divina per modum speciei expressæ habet repræsentare ipsi intellectui divino illum actum liberum, ad quem voluntas creata in tali vel tali occasione constituta se determinatura est. Ex hoc ait divinam essentiam objectivè determinari ad repræsentandū unam partem præ alia: & sic divinum intellectum
unam

Art. XIII. An scient. Dei sit, &c. C. VIII. 471
unam præ alia cognoscere per scientiam illam mediam ante omne decretum, sive omnem determinationem suæ voluntatis.

Sed sive his, sive aliis modis hæc scientia Media, & modus per eam cognoscendi futura ejusmodi conditionata explicetur, ab his authoribus in substantia & re ipsa assertitur, dum illorum futurorum certa cognitio in Deo ponitur ante quodlibet divinæ voluntatis decretum volentis vel permittentis, quod hoc vel illud fieret, si talis vel talis conditio apponeretur. Vnde sive in comprehensione liberi arbitrij, sive in determinatione actuali voluntatis creatæ liberæ ab ea solâ elicitâ, & non à Deo effecta vel in eorum unitate objectivâ, illa divinus intellectus intueri dicatur, semper convincitur, quod Deus certò & infallibiliter hujusmodi futura cognoscat accipiendo à creatura, & dependenter ab ea suam cognitionem. 181.

Communis Thomistarum sententia ejusmodi scientiam Mediam ad certò cognoscenda futura illa conditionata, ceu prorsus inutillem, ac supervacaneam constanter rejicit, statuitque, ipsa à Deo certò & infallibiliter cognosci in Decreto efficaci & prædeterminativo divinæ voluntatis, subjectivè quidem absoluto, conditionato autem objectivè sen ex parte objecti. Quam sententiam esse de mente SS. Patrum, & D. Thomæ infra ostendemus. 182.

CAP V T IX.

*Quòd Deus futura contingentia libera, in
proximis illorum causis, vel super com-
prehensione eorum non cognoscit.*

183. **E**Xposuimus supra varios Authorum dicen-
di modos, quibus asseritur futura contin-
gentia libera certò & infallibiliter à Deo co-
gnosci. Superest modò ut ad eos, qui veritati
minùs consonant, refellendos & confutandos
secundùm ordinem, descendamus. Accedendo
ad primum illorum.

184. Dicendum est, quòd Deus futura contin-
gentia libera, & ad utrumlibet se habentia cer-
tò & infallibiliter non cognoscit in causis eo-
rum proximis, seu in super comprehensione
illarum. Sumitur ex D. Thom. q. 8. de verit.
art. 13. ubi ait: *Vnumquodque hoc modo cognos-
citur in aliquo, quo est in eo. Quadam igitur fu-
tura in suis causis proximis determinata sunt hoc
modo, ut ex eis necessariò contingant, sicut Solem
oriri cras: & tales effectus futuri in suis causis
cognosci possunt. Quidam verò futuri effectus
in causis suis non sunt determinati, ut aliter eve-
nire non possint: sed tamen eorum causa magis
se habent ad unum, quam ad alterum, & ista con-
tingentia sunt, qua ut in pluribus vel paucioribus
accidunt, & hujusmodi effectus in causis suis non
possunt cognosci infallibiliter, sed cum quadam
certitudine conjectura. Quidam autem effectus
futuri sunt, quorum causa indifferenter se habent
ad utrumque, hac autem vocantur contingentia*
ad

Art XIII. An scient. Dei sit, &c. Cap. IX. 473
ad utrumlibet, ut sunt illa precipuè, quæ dependen-
t ex libero arbitrio; sed quia ex causa ad utrum-
libet, cum sit quasi in potentia, non progreditur
aliquis effectus, nisi per aliquam aliam causam
magis determinetur ad unum, quam ad aliud, ut
probat Commentator in 2. *Phys. com. 12.* Ideo hu-
jusmodi effectus in causis quidem ad utrumlibet
nullo modo cognosci possunt per se acceptis: sed si
adjungantur causa illa, quæ causas ad utrumlibet
inclinant magis ad unum, quam ad aliud, potest
aliqua certitudo conjecturalis de effectibus pradi-
ctis haberi: sicut de his, quæ ex libero arbitrio de-
pendent aliqua futura conjicimus, ex consuetu-
dinibus, & complexionibus hominum, quibus in-
clinantur ad unum. Omnes autem hujusmodi effe-
ctus, qualescunque sint eorum causæ proxima, ta-
men in causa prima omnes sunt determinati, quæ
suâ præsentia omnia intuetur, & suâ providentiâ
omnibus modum imponit. Duo habentur ex D.
Thom. Primum est, quodd complexionibus &
circumstantiis illis, occasionibusque solum pos-
sit haberi cognitio fallibilis & conjecturalis.
Secundum est, quod effectus sint determinati
in prima causa ordinante res omnes, & eis
modum præscribente, quod non est sine ipsius
voluntatis decreto; & etiam ut præsentialiter
ei in æternitate coëxistunt. De quibus infra.
Idem docet S. D. innumeris aliis in locis, quo-
rum plura adducemus infra.

Prob. ratione hîc insinuatâ: Deus ejusmodi
contingentia futura in suis causis proximis co-
gnoscere nequit, nisi eo modo quo in eis con-
tinentur: sed non continentur in suis causis
proximis, etiam ut considerantur sub talibus,
& talibus circumstantiis secundum aliquod
esse

esse certum, & determinatum: ergo in eis, vel in earum supercomprehensione certò & infallibiliter à Deo cognosci nequeunt, sed ut sunt in seipso determinata, & præsentialiter præsentia. Maj. patet, quia cognitio quælibet sequitur naturam medij in certitudine, vel incertitudine, in evidentia vel inevidentia: unde si medium est probabile conclusio nequit esse demonstrata, prout in tali medio continentur: & si medium non continet perfectè aliquid, non potest nisi deficienter, & obumbratè repræsentrare; sic Deum creaturæ manifestant obscure, & secundum quandam resonantiam, quia sunt deficientes à perfectione ipsius Divini esse. Min. verò prob. causæ contingentes præsertim liberæ ex natura sua se habent ad opposita, nec magis ex se determinantur in unam partem, quam in aliam, adhibitis etiam illis conditionibus & circumstantiis, sive complexionibus, absque determinatione causæ primæ, adhuc non sunt ita determinatæ ad unum, ut effectus necessariò & naturaliter sequatur, sed deficere potest: ergo non continentur in suis causis proximis, etiam ut considerantur sub talibus & talibus circumstantiis, secundum aliquod esse certum & determinatum, absque determinatione primæ causæ. Antec. prob. quia hæc est differentia inter causam necessariò operantem, & liberè operantem, quòd ad illam necessariò sequatur effectus; libera autem est, quæ positis omnibus requisitis ad operandum potest etiam non operari. Quam rationem etiam insinuat S.D. hic art. 13. c. dicens: *Potest considerari contingens, ut est in sua causa, & sic consideratur ut futurum & ut contingens*

Art. XIII. An scient. Dei sit, &c. Cap. IX. 475
tingens nondum determinatum ad unum: quia causa contingens se habet ad opposita, & sic contingens non subditur per certitudinem alicui cognitioni. Unde quicumque cognoscit effectum contingentem in causa sua tantum, non habet de eo nisi conjecturalem cognitionem. Ex quibus conf. præcedens ratio: nam positis quibuscumque conditionibus & circumstantiis adhuc ipse effectus futurus continetur in sua causa proxima ut futurus contingenter, & liberè, & non se habet ut in actu, quo pacto ex suppositione quandam necessitatem induit; ratione cujus certò & infallibiliter cognosci potest: ergo positis quibuscumque circumstantiis, nisi adsit determinatio primæ causæ, non habet esse determinatum in sua causa proxima, sed ad utrumlibet se habet ipsa, & deficere potest: ergo ut sic nequit esse medium in quo certò & infallibiliter futurus effectus contingens cognoscatur.

Explicatur ampliùs hæc ratio: omnia illa, 186.
quæ adjunguntur & circumstantiare dicuntur voluntatem liberam, illamque in actu primo determinare, ut jam certò, ante omnem divinæ voluntatis determinationem, possit in ea effectus contingens cognosci, vel sunt suapte naturâ infallibilia ex se necessariò & infallibiliter inducentia effectum, vel fallibilia, & contingentia, atque potentia deficere ab ordine effectus? Si hoc secundum admittatur solum conjecturalem cognitionem de se parere valent, quatenus videlicet ut in pluribus hoc accidit; v. g. si ponatur Petrus in illis circumstantiis, nimirum Societate mulieris pulchræ, & blanditiis allicientis ipsum, peccaturus prævidetur non nisi conjecturaliter, quia hoc ut plurimum accidere

Art. XIII. An scient. Dei sit, &c. Cap. IX. 478
cui ipse subordinatur, itaut omnino deficere non possit ab effectu: quo pacto in sensu composito dicimus; si Deus scivit aliquid, illud erit, quia effectus, ut subordinatur Divinæ scientiæ, non potest non esse, licet absolutè possit; etenim illa est omnino infallibilis: cujus oppositum eveniret, si ab ea scitum non esset ut sic omnino immutabile: sed nulla ex illis circumstantiis, & conditionibus, quæ ponuntur in actu primo voluntatem determinare est causa infallibilis & necessariò inferens effectum, cùm non sit causa prima, nec naturaliter seu per modum naturæ voluntatem determinet; aliàs ejus libertatem causaret: ergo sic applicata non operatura est infallibiliter, nec necessariò ex suppositione futurus effectus contingens ex illa sequetur: ergo non potest in illa sortiri determinatum esse, & subinde neque certam & infallibilem cognitionem.

Respondet P. Molina, quòd cùm Deus non 188,
modò comprehendat, sed etiam supercomprehendat voluntatem creatam, vel quamlibet causam contingentem, cò quòd intellectus Divini lumen in infinitum excedit propriam cujuslibet creatæ voluntatis cognoscibilitatem, idcirco non modò cognoscit ea, quæ suapte natura in subiecto cognoscibilia sunt, cujusmodi sunt, quæ determinatum esse sortiuntur, sed etiam quælibet alia quæ superexcedunt, ut est determinatio liberi arbitrij antequam sit, & universaliter quodlibet futurum contingens.

Sed contra primò: Quod non habet determinatum esse certò & infallibiliter à quocunque intellectu minimè cognosci potest: quia determinatam veritatem non habet, cùm veritas
tas

478 *Quaest. X IV. De scientia Dei*,
tas sequatur ad esse : sed futura illa contingen-
tia libera nullatenus in sua causa proxima ,
etiam ut circumstantiatâ & positâ in actu primo
sub talibus circumstantiis , habent determina-
tum esse : ergo ab intellectu Divino , etiam ut
supercomprehendente liberum arbitrium crea-
tum minimè cognosci valent. Min. prob. quia de
natura contingentis futuri est quod ad utrum-
libet se habeat , quandiu contingens est ; sed
quandiu ut futurum in sua causa proximâ con-
tinetur , & nondum est actu (quo pacto ex
suppositione est necessarius) est futurum con-
tingens formaliter : ergo quandiu continetur
in sua causa proxima etiam ut circumstantiatâ ,
nullo modo determinatum esse sortiri potest.

190. Conf. illa supercomprehensio Divini intel-
lectus , vel est cognitio merè speculativa , vel
practica de se ? Si est cognitio merè speculati-
va , nihil præstat in objecto , sed quodammo-
do supponit illud : ergo si objectum ex se & ex
propriis non habet determinatum esse , sed ad
utrumlibet se habet , respectu etiam supercom-
prehensionis illius ad utrumlibet se habere de-
bet , aliàs illud non attingeretur sicuti est in
re : sed quod ad utrumlibet se habet non est
actu determinatum ad unum esse actu , sed est
potentia ad utrumque ; & subinde determina-
tam veritatem non habet : ergo per supercom-
prehensionem illam nequit certò & infallibili-
ter cognosci. Quòd si præsupponatur ex se de-
terminationem habere , jam non erit futurum
contingens , & in potentia sed quodammodo
in actu , & in se existens , quia contingens non
sit necessarium , nisi per hoc quòd supponitur
actu esse. Quòd si illa supercomprehensio est
actus

Art. XIII. An scient. Dei sit, &c. Cap. IX. 479
actus practicus Divini intellectus, jam necess-
sario actum Divinæ voluntatis præsupponit,
quia ex Aristotele intellectus sit practicus per
extensionem ad voluntatem determinantem il-
lum ad opus.

Conf. 2. si illi actus liberi futuri habent ali- 191.
quod esse determinatum in voluntate creata,
jam certò & infallibiliter etiam ab Angelo co-
gnosci poterunt, cum Angelus perfectissimè
voluntatem creatam cognoscat, & subinde
omne illud quod habet esse determinatum in
illa. Nec enim alia ratione in causis quibusli-
bet creatis possunt certò cognosci effectus, nisi
quia determinatum esse in sua causa habent, &
causa est determinata ad productionem illorum
de se, ita ut non deficiat: sed hoc est absurdum:
ergo &c.

Impugnatur 2. prædicta solutio ad hominem 192.
arguendo contra Molinam, qui fatetur, Deum
non posse certò in sua voluntate decreta sua ut
futura cognoscere antecedenter ad illorum
actualem existentiam: sed effectus liberi futu-
ri in causis suis proximis contenti actualiter
non existunt: ergo neque certò in illis co-
gnosci valent. Conseq. prob. ideo decreta sua
futura antecedenter ad actualem eorum exi-
stentiam Deus certò cognoscere non potest,
quia non habent esse actu determinatum in
illa; si enim sic haberent esse, illa cognosceret:
sed neque in causa creata effectus liberi futuri
aliquod determinatum esse habent actu: ergo
certò in illa cognosci nequeunt. Min. ex dictis
probata manet.

Dicere autem, quod ideo decreta sua non
cognoscat ut futura, quia suam voluntatem

480 *Quaest. XIV. De Scientia Dei,*
 non supercomprehendit, bene verò creatam
 voluntatem, omnino impertinens est: quia
 illa supercomprehensio ideo attingit certò
 objectum, quia certò cognoscibile est in sua
 causa proxima, & non dat illi quod cognosci-
 bile sit, cum sit actus speculativus divini in-
 tellectus: sed comprehensio ex natura sua ha-
 bet, quod attingat perfectissimè objectum,
 quantum cognoscibile est: ergo supercompre-
 hensio nihil facit ut in voluntate creata fu-
 turos eventus certò cognoscat, sed idem omni-
 no potest præstare comprehensio objecti cu-
 jusbet, vel causæ. Quia si ille effectus in
 causa creata cognoscitur, ideo est quia in illa
 cognoscibilis est: ergo jam cadit sub compre-
 hensione causæ, quæ ut comprehendatur, de-
 bet cognosci, quantum cognoscibilis est.

§. I.

Solvuntur argumenta.

193. **A**RG. 1. ex D. Thom. 1. *cont. gent. cap. 67.*
 ubi docet, quòd *sicut ex causa necessaria,*
sequitur effectus certitudinaliter, ita ex causa con-
tingenti completa, si non impeditur: ergo in
 voluntate creata completa & non impedita
 poterit Deus certò ejus actus liberos futuros
 cognoscere.

194. Resp. omissis aliis solutionibus, quòd lo-
 quitur S. D. de contingenti, non ut futurum
 est, sed ut actu procedit ex suis causis, seu ut
 est in esse suo, sic enim duntaxat certitudina-
 liter à Deo cognosci possunt & certitudinali-
 ter ex causis suis sequuntur, quia non possunt
 non esse. Quod hæc sit mens D. Thomæ pater
 ex

Art. XIII. An scient. Dei sit, &c. Cap. IX. 481
ex his quæ præmiserat dicens : *Ex his autem jam aliquantulum patere potest, quod contingentium singularium ab æterno Deus infallibilem scientiam habuit : nec tamen contingentia esse desistunt. Contingens enim certitudini cognitionis non repugnat nisi secundum quod futurum est, non autem secundum quod præsens est ; contingens enim, cum futurum est, potest non esse : & sic cognitio æstimantis ipsum futurum esse falli potest : fallitur enim si non erit, quod futurum esse æstimavit. Ex qua autem præsens est, pro illo tempore non potest non esse : potest autem in futurum non esse, sed hoc non jam pertinet ad contingens prout præsens est, sed prout futurum est : unde nihil certitudini sensus deperit, cum quis videt currere hominem, quamvis hoc dictum sit contingens. Omnis igitur cognitio, quæ supra contingens fertur prout præsens est, certa esse potest : Divini autem intellectus intuitus ab æterno fertur in unumquodque eorum, quæ temporis cursu peraguntur, prout præsens est, ut supra ostensum est : relinquatur igitur, quod de contingentibus nihil prohibet Deum ab æterno scientiam infallibilem habere. Et statim in 2. rat. Contingens, inquit, à necessario differt secundum quod unumquodque in sua causa est : contingens enim sic in sua causa est, ut non esse ex ea possit, & esse : necessarium autem ex sua causa non potest non esse : secundum id verò quod utrumque horum in se est, non differt quantum ad esse, supra quod fundatur verum : quia in contingenti secundum quod in se est, non est esse, & non esse, sed solum esse, licet in futurum contingens possit non esse : Divinus autem intellectus ab æterno cognoscit res non solum secun-*

482 *Quest. XIV. De Scientia Dei*,
dum esse, quod habent in causis suis; sed etiam
secundum esse quod habent in seipsis: nihil igitur
prohibet ipsum habere æternam cognitionem
de contingentibus infallibilem. Et statim rat. 3.
subdit: Sicut ex causa necessaria sequitur ef-
fectus certitudinaliter: ita ex causa contingentia
completa, si non impediatur: sed cum Deus co-
gnoscat omnia, scit non solum causas contingen-
tium, sed etiam ea, quibus possunt impedi:
scit igitur per certitudinem, an contingentia sint,
vel non sint. Itaque S. D. solum intendit osten-
dere quod contingentia rerum futurarum non
obstat æternæ Dei cognitioni infallibili, quia
non cognoscit ea ut in causis duntaxat, in
quibus deficere possunt, sed ut in esse suo;
scu non cognoscit solum ordinem causarum
ad futuros effectus, sed etiam exitum sive
executionem hujus ordinis secundum omnes
circumstantias illius quibus impedi, vel non
impedi potest, & secundum hoc quod ef-
fectus actu procedunt ex suis causis, q. 12. de
pot. art. 10. c.

195. *Arg. 2. sæpè contingit ut pater ex innata*
indole filij conjecturaliter cognoscat in quam
partem liberè inclinabitur: sed Deus inclin-
ationem voluntatis nostræ infinitè perfectiùs
penetrat & cognoscit, quam quilibet Pater in-
dolem filij sui: ergo evidenter cognoscet, in
quam partem liberum arbitrium creatum in-
clinabitur, hâc vel illâ occasione oblatâ, &
seipsum determinabit sub concursu indiffe-
renti, quem illi offert.

196. *Conf. arbitrij creati comprehensio termi-*
natur ad omne cum quo necessariam conne-
xionem habet: sed supercomprehensio, cum
fit

Art. XIII. An scient. De iſt, &c. Cap. IX. 483
ſit perfectior comprehenſione, plura in objecto
attingit, quam ipſa comprehenſio : ergo ſuper-
comprehenſio non ſiſtet in effectibus neceſſa-
riò connexis , ſed ad actus liberos evidenter
cognoſcendos ut futuros pertingeret.

Conf. 2. in libero arbitrio creato , ut præ- 197.
determinato efficaciter , Deus cognoscat evi-
denter actus liberos ut determinatè futuros:
ſed tamen ut prædeterminatum ſic arbitrium
creatum cum illis indifferenter connectitur,
aliàs præmotio tolleretur libertatem : ergo in
medio , & in cauſa indifferenti poteſt effectus
certò cognosci ; & ſubinde in libero arbitrio
creato , quamvis indifferenti , poterunt certò
cognoſci actus liberi futuri.

Reſp. conceſſâ maj. diſt. min. Deus inclina- 198.
tionem voluntatis noſtræ infinite perfectiùs
penetrat & cognoscat, in ipſa voluntate creatâ
ceu medio cognoſcendi, nego min. In determi-
natione ſuæ voluntatis, ſeu in eſſentia ſua tan-
quam ſpecie intelligibili determinatâ per vo-
luntatem conc. min. & diſt. conſeq. cognoscat
in ipſo arbitrio creato antecedenter ad de-
cretum, nego conſeq. cognoscat in ipſo decreto
& determinatione ſuæ Divinæ voluntatis, ceu
in eſſentia ſua ut ſpecie intelligibili & idea de-
terminata per propoſitum ſuæ voluntatis, con-
cedo conſeq.

Ad 1. conf. reſp. conceſſâ ibidem maj. neg. 199.
min. de ratione enim comprehenſionis eſt
quod cognoſcat objectum quantum cognoſci-
bile eſt, itaut nihil ipſius lateat videntem , ut
ſupra dictum eſt q. 12. art. 7. Idcirco totum quod
ſuper comprehenſione illa arringere poteſt
Deus , totum id per comprehenſionem ſuam

484 *Quaest. XI V. De Scientia Dei,*
perfectissimam cognoscit. Vnde supercom-
prehensio non est perfectior ex parte objecti
cogniti, vel cognoscibilis ista comprehensio-
ne, sed significatur ut perfectior ex parte vir-
tutis cognoscendi collatae ad ipsum objectum
creatum cognoscibile; quia videlicet signifi-
catur non esse tantam cognoscibilitatem in
objecto, quanta est virtus cognoscentis, quia
ista infinita est & infinitè excedens cujuslibet
objecti creati cognoscibilitatem propriam &
finitam, non tamen ita ut in eo aliquid certò
& infallibiliter cognoscat, quod in se certæ &
infallibili cognitioni subesse minimè potest:
sicut infinitas divinæ potentiae nequit facere
possibile, quod per se impossibile est.

200. Resp. ad 2. Conf. quod cum Deus res crea-
tas cognoscat non in seipsis, sed in essentia
sua, seu in seipso tanquam medio cognoscendi,
non dicitur propriè actus liberos futuros in
ipso arbitrio creato ut prædeterminato co-
gnoscere, sed in essentia suâ, ceu specie intelli-
gibili, & idea determinata, & non indifferenti
in repræsentando, & causando rem. Cum quo
tamen stat, quod activa indifferentia illius
salvetur; quia determinando substantiam actus
liberi determinavit & modum illius, nimirum
ut liberè ageret. Vnde negari potest major.

201. Resp. 2. communi solut. concessâ maj. dist.
min. liberum arbitrium creatum ut prædeter-
minatum connectitur cum ipsis actibus libe-
ris indifferenter, indifferentiâ activa & liber-
tatis, seu positivâ, concedo: indifferentiâ pas-
siva privativâ & suspensionis, nego min. Infal-
libiliter enim operabitur, attamen liberè. Vnde
in illo sic prædeterminato, ut liberè agat, est
necessitas

Art. XIII. An scient. Dei sit, &c. Cap. IX. 48
necessitas suppositionis, & infallibilitatis,
ratione cuius certæ & infallibili ipsius Dei
cognitioni subesse potest.

Instabis, ex causâ omnino indifferenti po- 102.
test oriri unus effectus præ alio: ergo etiam in
illa potuit cognosci certò unus effectus præ
alio. Antec. prob. ita opponitur causa infalli-
biliter determinata effectui contingenti, sicut
effectus determinatus causæ omnino indiffe-
renti: sed ex causa infallibiliter determinatâ
ad alterum externum libertatis oritur in no-
stra sententia actus liber: ergo ex causa om-
nino indifferenti poterit oriri unus effectus
præ alio determinatus.

Resp. dist. antec. ex causa indifferenti in- 203.
differentiâ privativâ, passivâ, & suspensivâ,
nego: quia hæc oritur ex potentialitate subje-
cti, seu agentis; & necessariò est connexa cum
illa. Vnde cùm nihil agat in quantum est in
potentia, sed in quantum est actu, ex causa ta-
liter indifferenti non potest per se oriri unus
effectus præ alio. Quòd si propter aliquas con-
ditiones & circumstantias magis inclinetur in
unum quam alium, hoc tantum conjectura-
lem cognitionem efficere potest, ut ex S. D.
9.8. de verit. art. 13. cap. diximus. Ex causâ in-
differenti indifferentiâ activâ, & libertatis
factâ in actu, conc. antec. & distinct. conseq.
poterit in causa indifferenti, indifferentiâ pas-
sivâ & suspensionis, unus præ alio cognosci,
nego conseq. Indifferenti indifferentiâ activâ,
conc. conseq. Ad prob. antec. dico quòd cau-
sa infallibiliter determinata non opponitur
effectui contingenti, ut docet S. D. 1. cont. c. 67.
cit. nec effectus determinatus causæ indiffe-

renti activæ, & liberæ, sed indifferenti passivæ; cujusmodi non est causa libera, cum sit in actu.

204. Arg. 3. argumento Durandi supra adducto; nimirum, quod sicut ex causa necessaria sequitur infallibiliter proprius ejus effectus, ita ex causa impedibili non impeditur: sed cognitâ causa necessariâ propter infallibilitatem productionis effectus, per certitudinem ipse effectus cognoscitur: ergo & cognitâ causâ impedibili, & omnibus, quæ impedire possunt, & quod non impediunt, per certitudinem ejus effectus cognosci potest: sed Deus hoc cognoscit: ergo sic contingens ut futurum per certitudinem cognoscit.

205. Resp. dist. maj. sicut ex causa necessaria sequitur infallibiliter proprius ejus effectus, ita ex causa impedibili non impeditur, si attendatur solus ordo causæ ad effectum, vel effectus ut contentus in causa, nego maj. si attendatur effectus executio, seu exitus à sua causa, & ut effectus est in se, conc. maj. sic enim infallibiliter sequitur & necessariò necessitate suppositionis, quæ ab eo contingentiam non tollit. Et hoc pacto per certitudinem cognosci potest, sed sic cognoscere, non est cognoscere ut futurum, sumitur ex D. Thom. *loc. cit. ex 1. cont. gent. & q. 12. de verit.*

C A P V T X.

*An Deus futura contingentia in veritate
illorum objectivâ certò & infalli-
biliter cognoscat?*

§. I.

Statuitur conclusio & probatur.

Societatis Recentiores, & alij nonnulli, ut 206.
diximus, quamvis admittant Divinæ præ-
scientiæ certitudinem respectu earum rerum,
quæ immediatè à Deo procedunt, ex decretis
ipsius Divinæ voluntatis immediatè esse pe-
tendam; attamen in illis, quæ interventu cau-
sarum secundarum, præsertim liberè agentium,
(de quibus est præsens controversia) ab eo
fiunt, contendunt nonnisi ex altitudine &
eminentia Divini intellectus, & ex determi-
natâ veritate ipsorum futurorum contingen-
tium in seipsis peti debere; ita ut ante omnem
Divinæ voluntatis actum prædiffinientem il-
lud futurum fore, ex se certò scire possit Deus
quid ex causis creatis determinatè futurum
sit in quolibet ordine rerum ex hypothesi
quòd ipse cum eis agere velit. Vbi notandum
præfatos Authores non negare (loquendo de
futuris absolutis) quin ad certam eorum futu-
rionem decretum Dei absolutum requiratur,
& subinde ad certam ipsorum cognitionem:
sed solùm negant, Divinum decretum esse
sufficientem & primariam radicem cognos-
cendi futura contingentia & libera; quia de-
cretum

488 *Quaest. XIV. De Scientia Dei,*
cretum absolutum in Deo hanc scientiam
conditionatam supponit : *Si ergo hoc, vel illud*
circa illum hominem gesserō, hoc volet, aut si in
talibus, vel talibus occasionibus & circumstantiis
constituitur & moveatur hoc operabitur. Esto pro
futuris conditionatis cognoscendis nullum
decretum in re ponendum admittant, sed so-
lūm sub conditione ponendum, & subinde
futurum, cōtra quam positionem infrā agemus.

207. *Concl. Futura contingentia & libera in*
signo rationis antecederent ad efficacia, ac
prædeterminativa ipsius Divinæ voluntatis de-
creta in ratione futurorum contingentium nul-
lam habent determinatam veritatem objecti-
vam in seipsis, ratione cujus seu in qua certò
& infallibiliter à Deo cognosci valeant. Ita
sumitur ex Arist. lib. 1. Periher. c. 8. D. Thom.
ibid. lect. 13. ubi hæc habet : *Si semper verum*
est dicere de presenti, quoniam est, vel de futu-
ro, quòd erit, non potest hoc non esse, vel non
futurum esse. Cujus consequentia ratio patet, quia
istā duo sunt impossibilia, quòd aliquid verè
dicatur esse, & quòd non sit; nam hoc includi-
tur in significatione veri ut sit quod dicitur. Si
ergo ponitur verum esse id quod dicitur de præ-
senti vel de futuro, non potest esse quin illud sit
præsens vel futurum : sed quod non potest non
fieri idem significat cum eo quod est impossibile
non fieri : & quod impossibile est non fieri idem
significat cum eo quod est necesse fieri : sequitur
ergo ex præmissis, quòd omnia, quæ futura sunt,
necesse est fieri. Ex quo sequitur ulterius quòd
nihil sit, neque ad utrumlibet neque à casu : quia
illud quod accidit à casu non est ex necessitate,
sed ut in paucioribus.

Ex

Ex quibus prob. 1. concl. si futura contingentia, vel enunciationes de illis in signo rationis antecederent ad decretum haberent determinatam in seipsis veritatem, ratione cujus à Deo certò & infallibiliter cognosci possent, etiam determinatum esse haberent; sed quod determinatum esse habet, non est contingens sed necessarium: ergo nihil in rebus esset contingens, sed omnia necessariò evenirent, quod est maximum absurdum. Maj. constat, quia sic se habet res ad veritatem, sicut se habet ad esse; ex eo enim quòd res est vel non est propositio dicitur esse vera vel falsa: igitur si determinatam habent veritatem, etiam determinatum esse habere debent. Min. etiam est evidens, quia contingens se debet habere ad utrumlibet, per id enim à necessario distinguitur, quod est ad unum determinatum. 208.

Respondent contrariæ opinionis fautores, 209.
enunciationes hujusmodi equidem ex naturâ rei, determinatam veritatem vel falsitatem non habere, sicuti neque determinatum esse; habere tamen illam ex suppositione futuri eventus pro tempore: quia nimirum in futuro tempore suam de inesse determinatè veram, aut determinatè falsam habebunt; erit enim in tempore futuro verum dicere, *Petrus disputat*, vel *Petrus non disputat*, Vnde ex suppositione hujus etiam ab æterno verum est dicere, *Petrus disputaturus est*, vel *Petrus non est disputaturus*. Pro cujus majori intelligentia nota, quod hi Authores (ut diximus supra) existimant, futura contingentia secundum suam veram ac realem existentiam, quam in aliqua temporis differentia

differentia habitura sunt, esse ab æterno objective in Deo, ad quod esse ipsa Divina cognitio verè & propriè terminatur. Vnde licet, quandiu sunt in potestate causæ liberæ ac indifferentis, nullum in se habeant certum esse atque determinatum, secundum quod certò & infallibiliter à Deo cognosci queant; attamen in ea temporis differentia, quâ actu ponuntur, extra causas suas in rerum natura, habent certam ac determinatam veritatem, adeo ut intellectus, qui omnes temporum differentias percurreret, & attingeret illud esse actualis existentiae futurorum, quod extra causas proprias in ea temporis differentia sortientur, illa certò & infallibiliter cognoscere valeret. Eiusmodi autem est Divinus intellectus; & subinde futura contingentia ex suppositione illius eventus in tempore futuri certam & determinatam veritatem habentia Deus certò, & infallibiliter cognoscit. Ita explicat Mastrius in 1. disp. 3. q. 3. art. 3. n. 101.

210. Communiter rejicitur hæc solutio, primò, quia determinata & realis futuritio rei futuræ est verus & realis effectus realitate extrinseca petente realem & veram causam efficientem, ac proinde verè atque realiter existentem; sed quandiu futurum habet rationem futuri non existit: ergo ex eventu futuro præcisè provenire nequit, seu ex esse objetivo illius.

211. Secundò, quia eadem ratione propositiones de futuro determinatam haberent veritatem, vel falsitatem in signo rationis antecederet ad productionem Verbi Divini, & consequenter ante suam possibilitatem; nam si ex eo quod de crastino peccato, v. g. verificabitur
cras

Art. XIII. An scient. Dei sit, &c. Cap. X. 491
cras quòd revera est, infertur quòd toto tempore antecedenti & adhuc in illo signo decretum antecedente, est verum cras Petrum peccaturum, eadem ratione erit verum dicere, adhuc in illo signo antecedenti ad productionem Verbi Divini Petrum peccaturum: siquidem prolatâ tunc tali propositione correspondet illi sua de inesse pro tempore importato per copulam; (Et idem dicendum est de enunciatione enunciatâ in illo priori rationis, in quo Divina essentia suam omnipotentiam præcedere intelligitur, atque adeo creaturarum possibilitatem:) sed hoc est falsum: ergo etiam quòd antecedenter ad Divinæ voluntatis decretum determinatam habeant veritatem, vel falsitatem ab illo eventu futuro.

Maj. desumitur ex D. Thoma loc. cit. dicente: *Si similiter se habet veritas & falsitas in presentibus & futuris, sequitur ut quidquid verum est de presenti, antea fuerit verum de futuro, eo modo quo est verum de presenti: sed determinatè nunc est verum dicere de aliquo singulari, quod est album v. g. ergo primo, id est, antequam fieret album, erat verum dicere, quòd hoc erit album: sed eadem ratio videtur esse in propinquo, & in remoto: ergo si ante unum diem fuit verum dicere quòd hoc erit album, sequitur quòd semper fuit verum dicere de quolibet eorum quæ facta sunt, quod erit: Ergo antecedenter ad productionem Verbi, vel in illo signo quo essentia Divina intelligitur omnipotentiam præcedere. Minor verò prob. Verbum Divinum est causa futuritionis creaturarum, siquidem opera Trinitatis sunt indivisa ad extra: sed implicat, quòd effectus suam causam præcedat: ergo nequit præsupponi* 212.

præsupponi futuritio creaturarum, & subinde nec veritas enunciationum de futuro contingenti antecedenter ad productionem Verbi. Multominus in illo signo antecedenti ad omnipotentiam; alioquin res esset determinatè futura, antequam esset possibilis, cùm per ordinem ad omnipotentiam possibilis dicatur; implicat autem quod aliquid sit determinatè futurum antequam intelligatur esse possibile. Nam futurum & possibile inter se comparantur per modum superioris & inferioris, quatenus scil. omne futurum est possibile, non tamen è contra. Nam possibile est indifferens ad hoc ut sit futurum & non futurum absolutè: & ejus ratio quatenus est futurum, sita est in determinatione seu contractione ipsius possibilis.

213. Tertiò impugnatur: in futuro tempore nulla propositio valet habere veritatem de præsentis, nisi quia res pro eo tempore ita se habet, sicut per illam enunciat; v. g. hæc enunciatio Antichristus est, pro futuro tempore in quo existet, veritatem habet, quia pro eo tempore ita est sicut per illam enunciat, ex eo enim quòd res est vel non est, propositio dicitur vera vel falsa: sed pro eo tempore non habet existentiam physicè & in propria natura independentè à divina voluntate & decreto illius, quia nisi vellet non esset, & per illam est actu quidquid est: ergo neque pro eo tempore habet determinatam veritatem nisi dependentè à divina voluntate atque illius decreto: sed veritas de futuro regulatur per veritatem de præsentis; Hæc enim est vera Antichristus erit, quia aliquando erit verum dicere Antichristus

Art. XIII. An scient. Dei sit, &c. Cap. X. 493
christus est : ergo propositio de futuro nullatenus determinatam veritatem habere potest independenter à decreto divinæ voluntatis determinantis ut sit , & eo modo sit , eodemque tempore , quibus vult.

Conf. Veritas illius futuri contingentis 214.
non est veritas necessaria nisi ex suppositione , & non absolutè : sed veritas ex suppositione duntaxat oritur ex hoc quòd res dum actu est non potest non esse , licet absolutè esse non possit : ergo quandiu nondum est actu & physicè , nec super illam ut sic fertur intuitus cognoscentis , absolutè potest non esse ; & subinde non habet determinatam veritatem : sed ab æterno , in opposita sententia , divinus intuitus non fertur in futura ut præsentia sunt actu & physicè in mensura æternitatis , sed solum ut habent esse in cognoscente objectivè : ergo ab æterno non cognoscit futura ut habentia determinatam veritatem ex suppositione futuri eventus , quia suppositio illa necessitatis non oritur nisi ex hoc quod res dum est actu & physicè non potest non esse , & non ex hoc quod habet esse objectivè in cognoscente , alioquin quidquid cognoscitur , verum esset , quia quidquid cognoscitur habet esse actu in cognoscente objectivè. Sed de his amplius in Metaphysica , Deo placidè annuente. Vide dicenda in sequenti ratione.

Secunda ratio sumitur ex eodem S. D. loc. 215.
cit. dicente : *Cùm verum hoc significet, quod dicatur aliquid esse quod est, hoc modo est aliquid verum, quo habet esse. Cùm autem est aliquid in presenti, habet esse in seipso; & ideo verè potest dici de eo, quòd est; sed quandiu est aliquid futurum,*

494 *Quaest. XIV. De Scientia Dei,*
rum, nondum est in seipso, est autem aliquallyter
in sua causa. Quod quidem contingit tripliciter:
uno modo ut sic sit in sua causa, ut ex necessitate
ex ea proveniat, & tunc determinatè habet esse in
sua causa, unde determinatè potest dici de eo quod
erit. Alio modo aliquid est in sua causa, ut qua ha-
bet inclinationem ad suum effectum, qua tamen im-
pediri potest. Vnde & hoc determinatum est in sua
causa sed mutabiliter, & sic de hoc verè dici po-
test hoc erit; sed non per omnimodam certitudinem.
Tertiò aliquid est in sua causa purè in potentia, qua
etiam non est magis determinata ad unum, quam
ad aliud. Vnde relinquitur, quòd nullo modo potest
de aliquo eorum determinatè dici quòd sit futurum,
neque quòd sit vel non sit.

216. Ex quibus 2. prob. concl. omnis veritas ob-
 jectiva determinata in aliquo esse fundari de-
 bet, cùm veritas consequatur ad ens: vel ergo
 veritas futurorum contingentium fundatur in
 esse quod habent in seipsis, vel in esse, quod
 in suis causis habent? Neutrum dici potest,
 igitur ante Divinæ voluntatis decretum nul-
 lam determinatam veritatem objectivam ha-
 bent. Min. quoad 1. partem constat: contin-
 gentia enim quandiu sunt futura, non sunt in
 se, quinimò tunc rationem futuri amittunt,
 1. p. q. 14. ut docet S. D. dicens: *Considerandum est quòd*
 art. 13. *contingens aliquod dupliciter potest considerari. Vno*
modo in seipso, secundum quòd jam est actu, &
sic non consideratur ut futurum, sed ut presens,
neque ad utrumlibet contingens, sed ut determi-
natum ad unum: ergo veritas objectiva futuro-
rum contingentium nequit fundari in aliquo
esse, quod in se habeant. Deinde neque fun-
dari potest in esse, quod in suis causis sortiun-
 tur;

Art. XIII. An scient Dei sit &c. Cap. X. 495
 tur; quia nulla res futura potest habere esse
 certum & determinatum in causa indifferen-
 ti, & impedibili: sed ante decretum Divinæ vo-
 luntatis omnis causa libera contingens est
 indifferens & impedibilis, cum de intrinseca
 ratione contingentis sit ad utrumlibet se ha-
 bere, seu posse esse, & non esse: ergo ante il-
 lud non habet esse certum & determinatum
 in causis suis. Vnde S. D. ait: *Quedam cause*
sunt, quæ se habent ad utrumque, & in ipsis causis
effectus de futuro nullam habent certitudinem vel
determinationem. Maj. prob. quia juxta modum
 causæ est modus effectus illius, ac proinde
 effectus dicitur necessarius, quia provenit à
 causa ab intrinseco determinata: ergo nulla
 res futura esse certum & determinatum in
 causa impedibili & contingenti habere potest.

Loc. cit.
 ex 1. p. &
 1. sent.
 ad An-
 nibal.
 dist. 38.
 art. 1.

217.

Conf. veritas objectiva determinata in cer-
 ta atque determinata connexionione prædicari
 cum subiecto consistit: sed in signo rationis
 antecedenti ad decretum Divinæ voluntatis
 nulla est certa ac determinata connexio præ-
 dicati cum subiecto in enunciationibus de fu-
 turo contingenti: ergo nec ulla veritas obje-
 ctiva determinata. Min. prob. nulla potest esse
 vel concipi causa quæ certò & infallibiliter
 jungat extrema enunciationum de futuro
 contingenti; v. g. existentiam cum Antichri-
 sto, vel conversionem futuram cum Petro: er-
 go in signo rationis antecedente ad Divinum
 decretum nulla potest esse vel concipi certa &
 infallibilis connexio inter prædicatum &
 subiectum enunciationum de futuro contin-
 genti. Prob. antec. In tali signo non concipi-
 tur nisi omnipotentia nudè sumpta & inde-

terminata ad productionem rerum, & secundum Adversarios, decretum indifferens concurrendi ad quodcunque homo voluerit: sed certa & infallibilis connexio illorum extremorum in enunciatione de futuro contingenti nequit procedere, neque à Divinâ omnipotentia nude sumptâ & indeterminatâ, neque à decreto indifferenti & indeterminato: ergo in signo rationis antecedente decretum nulla potest esse aut concipi certa & determinata connexio inter prædicatum & subiectum enunciationum de futuro contingenti. Min. prob. ex S. D. quia à causa indifferenti ut indifferens est, certus ac determinatus effectus oriri nequit.

218. Dices, futura contingentia in illo priori non habere equidem in seipsis determinationem, vel indeterminationem suarum causarum secundum aliquod esse exercitum, sive in exercitio existens: bene tamen secundum quoddam esse objectivum, & in actu signato, eo modo quo essentiae reales per modum essentiae dicuntur habere esse quoddam objectivum reale, quia ad realem existentiam ordinem dicunt. Vnde hoc ipso quòd lectio v. g. futura pro die crastino habeat quòd sit determinatè cras, oportet ut in quovis signo antecedenti habeat prædicta lectio determinatam futuritionem per ordinem ad determinatam existentiam, quæ die crastino actu illi conveniet, ceu per objectum talem determinationem tribuens. Ac proinde ejusmodi lectio in esse objectivo verum habet esse, & intra lineam objectivam reale.

219. Contra 1. Futurum hanc sortitur necessitatem

Art. XIII. An scient. Dei sit, &c. Cap. X. 497
tem solummodo ex suppositione quâ est futurum; sicut præteritum illam habet ex suppositione qua est præteritum; & præsens ex suppositione qua est præses: ergo sicut in præsentia & præterito hæc necessitas est modus quidam, seu determinatio secundum esse reale à parte rei, aut secundum realem negationem ejus, quod fuit. & non secundum esse objectivum duntaxat, ita & in futuro. Antec. prob. ex Divo Anselmo lib. de concord. ubi ait: *Rem verò futuram necesse est esse futuram; quoniam futurum esse nequit & non futurum*: Et D. Aug. lib. 26. contra Faustum cap. 4. dicente: *Tam non possunt futura non fieri, quam non fuisse facta præterita.*

Contra 2. nam vel illud esse objectivum consistit in eo, quod est esse objectum actu terminans cognitionem certam & infallibilem, sive significationem propositionis, quæ sit certæ & determinatæ veritatis; vel in eo quod est esse fundamentum aptum ad terminandum? Primum dici nequit; ex hoc enim quod aliquid expressè habeat actu esse cognitum, non infertur quod verum esse reale objectivum habeat; cum & ipsi enti rationis competat esse actu cognitum, seu esse quoddam objectivum. Si autem dicatur secundum, sequitur, illud esse objectivum non esse distinctum ab esse reali, quod ipsi futuro à parte rei competit, prout habet esse in seipso & in causa sua. Conseq. prob. hujusmodi esse objectivum formaliter ad ordinem objecti spectare debet: sed esse objectivum reale fundari debet in aliquo esse reali & pertinente ad ordinem rei, aliàs rationem aliquam realem objecti fundare non posset: ergo illud fundari debet in aliquo esse reali:

498 *Quaest. X I V. De Scientia Dei,*
ergo in esse quod habet in seipso, vel in causa sua.

221. Conf. Quòd lectio crastina v.g. sit determinatè futura pro tali die, itaut verè & realiter sit infallibilis futuritio ipsius determinata potius quam non futuritio, atque adeo prædicta determinatio secundùm esse objectivum sit hodie vera & realis, provenire nequit ex eo præcisè quod die crastino v.g. verificabitur, quod existentia & actualitas prædictæ lectionis revera est: ergo debet provenire ex eo quòd prædicta futuritio potius quam non futuritio habeat esse determinatum in suis causis pro die hodierna, seu quoddam esse exercitum verum & reale: quia nonnisi duplex est hoc esse, nimirum exercitum seu rei in se; & esse in suis causis, in quo illud esse objectivum reale fundari possit. Antec. prob. quamvis per prædictam existentiae actualitatem, seu esse exercitum res ab indifferentia & indeterminatione causarum extrahatur, & constituatur in statu certo & determinato ad alteram partem, nempe in illo statu, in quo habet esse actu in seipsa pro illo instanti in quo actu est, & sequentibus, non tamen pro instantibus præcedentibus, in quibus eam in virtute suarum causarum relinquunt, quæ suapte naturâ sunt ad utrumlibet indifferentes atque adeo nequeunt esse illi ratio determinationis ad alteram partem: tota igitur illa determinatio à prima causa esse debet in re futura, & ratione Decreti illius efficacis Divinæ voluntatis determinatam veritatem objectivam habere.

222. Cujus rei gratia nota ex D.S. quòd futurum contingens dupliciter considerari potest: uno modo

Art. XIII. An scient. Dei sit, &c. Cap. X. 499
 modo secundum quod est futurum, & sic vel
 aliud est cognoscere futurum contingens, quam
 cognoscere causas ejus ut ordinatas ad illius
 productionem: nam effectus in quacunque
 causa efficiente existens non est aliud ab ipsa,
 si accipiatur id quod est per se causa; sicut do-
 mus in arte nil aliud est quam ars: quia se-
 cundum hoc effectus est in principio activo,
 quod principium activum assimilatur sibi ef-
 fectum, hoc autem est ex eo quod agit: unde
 si aliquod principium activum agat per suam
 formam tantum, secundum hoc est effectus
 ejus in ipso, quod habet formam illam, nec ef-
 fectus erit in eo distinctus à forma sua: & quia
 causæ contingentium, maximè quæ sunt ad
 utrumlibet, non habent immutabilem ordi-
 nem ad suum effectum, idcirco secundum hunc
 modum contingens futurum immutabiliter
 sciri nequit, ac proinde neque determinatè per
 propositionem de futuro significari.

1. ad An-
 nib. dist.
 18. q. 1.
 art. 1.

Alio modo potest considerari futurum con-
 tingens ratione illius temporis, in quo futu-
 rum esse prædicatur, in quo equidem tempore
 futurum jam præsentialiter est, & consequen-
 ter est determinatum ad unum, quo pacto cer-
 tudinaliter cognosci potest, utpote visum in
 seipso, vel per seipsum. Cæterum antequam
 sit in tali tempore præsens solus Deus illud
 videt. Cum enim Divinæ cognitionis intuitus
 sit in momento æternitatis præsens omnibus
 temporis ipsius partibus, videt ab æterno rem
 quamlibet secundum statum, quem in quoli-
 bet temporis puncto habet: quapropter videt
 Sortem sedere pro eo tempore quo sessurus est,
 non quidem ut futurum sibi, qui est extra omne

223.

500 *Quaest. X I V. De Scientia Dei,*
tempus constitutus, sed ut præsens sibi, futu-
rum autem respectu aliorum, quæ in tempore
præcedunt, quanquam etiam videat ordinem
mutabilem causarum præcedentium ad hunc
effectum. Et sic manifestum est, quodd respectu
futuri contingentis singularis, maximè illius
quod est ad utrumlibet, non potest dari propo-
sitiō, quæ sit determinatè vera, vel determina-
tè falsa.

224. Vnde contra prædictam evasionem 3. insta-
tur: secundum Authores oppositæ sententiæ,
Deus futurum contingens non cognoscit ut
præsens sibi physicè & coexistens secundum
propriū esse in mensura æternitatis, sed co-
gnoscit illud ut futurum, non modò nobis, sed
etiam sibi: sed cognoscere futurum ut futu-
rum solū est cognoscere causam illius futuri
ordinatam ad illius productionem: ergo Deus
cognoscendo futurum, ut futurum est contin-
gens, solū cognoscit illud quatenus cognos-
cit causas illius ut ordinatas ad ipsius produ-
ctionem: sed causa contingentis ut contin-
gens est, non est ordinata ad suum effectum ne-
cessaria habitudine atque immutabili, sed con-
tingenti & quæ potest non esse: ergo cognos-
citur à Deo ut potens esse, & non esse ejus-
modi contingens, & non ut habens esse deter-
minatum: ergo non cognoscitur certò & se-
cundum determinatam veritatem; quia sic se
habet res ad ad veritatem sicut se habet ad esse.
Maj. ex dictis patet. Minor verò prob. quia
ipsum futurum secundum suum esse reale so-
lū habet esse extra causas actu, vel intra
illas; ut extra causas cum actu præsens est
& existens, unde sic cognoscere illud non est
cognoscere

Art. XIII. An scient. Dei sit, &c. Cap. X. 501
cognoscere simpliciter ut futurum ei qui cognoscit, sed ut physicè præsens : ergo si cognoscitur ut futurum debet cognosci prout habet esse in causa ordinatâ ad illius productionem : quo pacto habet esse indifferens atque indeterminatum. Nam, ut inquit S. D. effectus in quacunque causa efficiente existens non est aliud ab ipsa causa, quæ per se illius causa est, v. g. domus quæ est effectus artis, prout est in arte nil aliud est quam ars : sed causa contingens per se est indeterminata : ergo prout effectus futurus est in illa habet esse indeterminatum. Maj. prob. quia secundum hoc effectus est in principio activo seu causâ efficiente, secundum quod assimilât sibi effectum : sed assimilât sibi effectum secundum quod actu agit, & actu agit per suam formam per quam habet esse, tanquam per principium quo & subinde assimilativum : ergo cum aliqua sunt eadem secundum quod conveniunt in forma, effectus in quacunque causa efficiente non est aliud ab ipsa causa.

Nec valet recurrere ad illam præsentiam objectivam, quia etiam dum cognoscitur futurum ut habet esse in causa cognoscitur ut præsens objectivè intellectui præsentia intentionali & objectivâ, cum cognitio actualis fiat per hoc quod intellectum est actu in intelligente : ergo dum sic cognoscitur, semper cognoscitur ut indeterminatum esse habens, & subinde non valens terminare seu efficere sui certam cognitionem. Adde quod tam in cognitione certa, quam incerta semper objectum actu objectivè est præsens : ergo præsentia objectiva ut objectiva non habet cau-

225.

fare determinationem, sed hæc est ex objecto in se : ergo vel tenentur adversarij fateri quodd illud futurum attingitur à Deo ut ipsi physicè præsens, vel quod certò ab eo non cognoscitur.

§. I.

Solvuntur argumenta.

226. **A** Rg. 1. Ex duabus contradictoriis altera debet esse determinatè vera, & altera determinatè falsa : sed istæ duæ enuntiationes de futuro contingenti *Petrus disputabit ; Petrus non disputabit*, intellectæ de eodem secundum idem eodem loco & tempore, sunt contradictoriæ pro priori etiam & signo rationis ad decretum Dei : ergo altera ipsarum debet esse determinatè vera, & altera determinatè falsa.

227. Variæ solutiones huic argumento à DD. exhiberi solent. Quidam negant in illo priori signo rationis ante decretum Divinæ voluntatis propositiones illas vel quaslibet alias de futuro singulari contingenti esse formaliter & significativè propositiones, sed tantum materialiter, & in apparentia. Quia tunc termini illi mediis conceptibus non significant, cum in illo priori intellectus Divinus conceptum nullum formaverit, vel extremorum, vel conjunctæ propositionis. Pro illo enim priori nihil de futuritione, vel non futuritione ipsarum concipit.

228. Alij asserunt non esse de ratione propositionis, quodd pro illo signo rationis sit vera, vel falsâ determinatè, sed pro quolibet instan-
tj

Art. XIII. An scient. Dei sit, &c. Cap. X. 503
ti durationis. In instanti autem durationis
jam datur Divinum decretum de futuritione,
vel non futuritione; unde post illud jam
determinatam veritatem, vel falsitatem sortiuntur.

Sed resp. ex S. D. non requiri in omnibus 229.
contradictoriis, quodd altera illarum sit determinatè vera, & altera determinatè falsa; sed sufficere quodd sit vera vel falsa disjunctivè; seu quod idem est sub disjunctiōe alterum contradictorium necesse est esse, & sub disjunctiōe alterum necessarium est non esse, sed non dererminatè hoc vel illud. Hoc enim gratiâ materiæ duntaxat accidit: quia videlicet fiunt in tali materia propositiones, in qua unum ita necessariò competit alteri, vel ei repugnat, ut non possit non convenire, vel non possit ei non repugnare, ut in materia necessaria, & impossibili. At verò in materia contingenti omnino contrarium evenire necesse est; de natura enim contingentis est ut ad utrumlibet se habeat, & in tantum habet determinationem, in quantum aliquam ex suppositione necessitatis rationem induit; nimirum vel quia habet esse de præsentī, vel præterito. Quæ doctrina est Philosophi lib. 1. Periherm. cap. 8. ubi ait: *Et in contradictione eadem est ratio: esse quidem vel non esse omne necesse est & futurum esse vel non esse; non tamen contingit dividendum alterum esse necessarium. Veluti necesse est quidem pugnam navalem cras fore, aut non fore, non tamen fore pugnam navalem cras necesse, neque rursus non fore, attamen fore aut non fore necesse est.* In quæ verba D. Th. ibid. lect. 15, *Ostendit, inquit, quomodo*

modo se habeat veritas & necessitas circa res per comparisonem ad sua opposita : & dicit quod eadem ratio est in contradictione , qua est in suppositione . Sicut enim illud quod non est absolute necessarium , fit necessarium ex suppositione ejusdem , quia necesse est esse quod est , ita etiam quod non est in se necessarium absolute fit necessarium per disjunctionem oppositi , quia necesse est de unoquoque quod sit vel non sit , & quod futurum sit aut non sit , & hoc sub disjunctione : & hac necessitas fundatur super hoc principium , quod impossibile est contradictoria simul esse vera vel falsa . Vnde impossibile est neque esse neque non esse ; ergo necesse est vel esse vel non esse . Non tamen si divisim alterum accipiat necesse est esse illud absolute . Et hoc manifestat per exemplum , quia necessarium est navale bellum esse futurum cras vel non esse : sed non est necessarium navale bellum futurum esse cras . Similiter etiam non est necessarium non esse futurum , quia hoc pertinet ad necessitatem absolutam , sed necesse est , quod vel sit futurum cras , vel non sit futurum , & hoc pertinet ad necessitatem , que est sub disjunctione .

230. *Contra : veritas disjunctivæ ex veritate alicujus partis ipsius desumitur : ergo determinata illius veritas ex veritate determinatâ alicujus partis desumi debet : ergo aliqua pars disjunctivæ de futuro contingenti debet esse determinatè vera pro illo priori ad decretum Divinum .*

231. *Conf. 1. Verum & falsum ex Aristotele accipiuntur sicut ens & non ens : sed pro nullo instanti medium potest accipi inter ens & non ens : ergo pro omni instanti altera pars disjunctivæ*

Art. XIII. An scient. Dei sit, &c. Cap. X. 505
junctivæ debet esse determinatè vera, & altera determinatè falsæ.

Conf. 2. ex Aristotele verum & falsum se habent sicut sanum & ægrum in animalibus : sed de quolibet animali pro quovis instanti est verum affirmare quod determinatè sit sanum vel ægrum : ergo signatâ qualibet propositione etiam erit verum dicere, illam esse vel determinatè veram, vel determinatè falsam. 232.

Resp. solutionem traditam, si sanè & ut debet intelligatur, esse optimam ; nam ut notat Albertus 1. *Periher. tract. 5. cap. 6. & 7.* potest in ipsa disjunctiva attendi, vel ipsa disjunctio conjunctim sumpta, vel ipsa disjuncta : quod est sumere ipsam disjunctivam formaliter seu prioristicè, & materialiter seu posterioristicè. Primo modo sumendo ipsam disjunctionem conjunctim determinatam habet veritatem. Necesse est enim fore, vel non fore, conjunctim disjunctionem sumendo : sed non est necesse ut aliquod disjunctorum determinatè verum sit. Quapropter cùm dicitur, Petrus disputabit, vel non disputabit necessariò, potest esse necessitas disjunctionis conjunctim, & sic est vera : vel necessitas disjunctorum divisim, & sic est falsa. 233.

Pro majori intelligentia observandum est ex S. D. quoddam contradictio secundum se sumpta qualitatem propositionis sequitur, quæ est veluti forma ejus ; sumitur enim penes affirmationem, vel negationem prout ista simpliciter est affirmationis remotio. Quoddam autem propositio sit de præsentì, præterito, vel futuro sumitur secundum temporis differentias, quatenus videlicet omnis enunciatio, cùm sit compositiq 234.

positio vel divisio, debet constare ex verbo vel casu verbi. Quodd autem sit necessaria, impossibilis, aut contingens ex parte ipsius materiæ accipitur, & secundum habitudinem prædicati ad subiectum. Nam si prædicatum per se subiecto insit, erit enuntiatio in materia necessaria, sive naturali: si autem per se illi repugnet, erit in materia impossibili, seu remota: si nec per se repugnet, nec necessariò conveniat, erit in materia contingenti seu possibili esse vel non esse. Itaque vis contradictionis, quæ ex parte formæ se tenet, exigit formaliter veritatem & falsitatem, seu quodd una sit vera & altera falsa, sub disjunctione tamen conjunctim sumptâ. Sed quia exercitium formæ in individuo requiritur materia determinata, stat bene, quodd quantum ad hoc non datur in exercitio determinatio veritatis in altera contradictoriarum determinatè; quia forma recipitur in materia juxta capacitatem ac dispositionem ipsius. Idcirco si est naturalis seu necessaria, in exercitio est determinata veritas; si impossibilis, est falsitas: si autem sit contingens ad utrumlibet, medio modo seu indifferenter se habet, hoc est, ex parte disjunctorum non est determinata veritas, itaut altera enuntiationum sit determinatè vera, & altera determinatè falsa.

235. Vnde ad replicam resp. in forma dist. antec. veritas disjunctivæ ex veritate alicujus partis desumitur, loquendo de ipsa disjunctiva formaliter, & ex parte disjunctionis conjunctim sumptæ, conc. antec. loquendo de illa materialiter, & ex parte alicujus disjuncti divisim sumpti, nego antec. Hoc enim non habet ex se,

Art. XIII. An scient. Dei sit, &c. Cap. X. 507
se, sed ei accidit, quia est in tali vel tali materia. Et dist. conseq. eodem modo.

Cum hac responsione coincidit illa, quam 236.
aliqui viri Docti tradunt dicentes illud disiunctum esse verum & necessarium, non quia aliqua pars illius sit determinatè vera pro illo priori antecedente liberum Divinæ voluntatis decretum, sed quia constat ex oppositis & partibus impossibilibus, ita quod illa propositio est vera in sensu disiuncto, & in confuso, non autem in disiunctivo seu determinato. Unde nec est reducibilis ad disiunctivam, nec sicut disiunctiva probari potest: quapropter non est opus ut aliquam habeat partem, quæ sit determinatè vera, vel determinatè falsa: & si reducatur ad disiunctivam, fiet argumentum à determinata ad confusam; non minùs quam si sic fieret argumentum: *Ad equitandum requiritur equus: ergo requiritur iste determinatè, vel iste*; quæ illatio nulla est: & similiter ista: *Antichristus erit vel non erit: ergo Antichristus erit, vel Antichristus non erit*, in qua nulla pars determinatè inferri potest. Quod prob. quia illud disiunctum est necessarium etiam pro illo priori rationis: ergo non verificatur ratione alicujus partis determinatæ, quia cum quælibet determinata pars sit contingens, neutiquam ratione illius partis contingentis potest reddi tota proposito, vel totum disiunctum necessarium. Observanda maximè pro hoc negotio doctrina ex Aristot. & D. Thoma adducta supra.

Dices: hæc confusio ex parte nostræ cognitionis provenit; quia nimirum determinatè non scimus, in quo membro disiunctum illud 237.

illud verificetur : cæterum in re non potest esse in aliqua parte indeterminatum : quando enim una pars illius disiuncti evenit , reipsa ostendit propositionem antea prolatam de huiusmodi futuro fuisse determinatè veram ; quia revera ita fuit futurum , sicut per illam significabatur.

238. Resp. quod sicuti nulla res in seipsa est seu existit nisi post divinæ voluntatis decretum, nihil enim esset nisi Deus voluisset , ita in re non est determinatè vera , nisi post ejusmodi decretum : At verò in prioritate antecedente ipsum decretum , illa non est determinatæ veritatis, nec pro illo priori magis suapte naturâ conformatur uni objecto quam alteri opposito. Sed ex divino decreto provenit statuente quod ita fiat , ex quo incipit esse determinatæ veritatis, & tali objecto conformari. Vnde illius disiuncti confusio ex solo defectu nostræ cognitionis non provenit , sed ex meritis illius considerati secundum quòd in priori rationis divinæ voluntatis decretum antecedit.

239. Ad 1. conf. resp. quod sicut loquendo de præsentī, etiam ante divinæ voluntatis decretum pro illo priori rationis de quolibet est verum dicere , seu intelligitur , quòd est vel non est , ita similiter quælibet propositiones sunt determinatè veræ, aut determinatè falsæ ; & similiter de præteritis. Sed loquendo de futuro contingenti res aliter se habet : sicut enim ante ipsum nihil est determinatè hoc vel illud ens , quia utrumque à Divina voluntate potest liberè fieri : ita & propositiones de futuro contingenti nec determinatè sunt veræ, aut determinatè falsæ, ut sumitur ex Philos. *loc. cit.*

qui

Art. XIII. An scient. Dei sit, &c. Cap. X. 509
qui hanc ibi differentiam constituit inter propositiones de præsenti ac de præterito, & illas quæ sunt de futuro contingenti.

Ad 2. Conf. duplex solet adhiberi solutio: 240.
prima est, quod contraria immediata solum postulant, quod nullum detur temporis vel durationis instans in quo in re sit subiectum, & nullum ejusmodi contrariorum insit: in prioritatibus autem rationis hoc non postulant, ut patet in gratia & peccato, quæ in statu naturæ lapsæ immediatè opponuntur, & comparantur ad animam, sicut vera ægritudo & vera sanitas illius; ac proinde nullum sui durationis instans datur, in quo anima non sit vel cum gratia, vel sub peccato: at verò in prioritate rationis, cum anima contritionem habere intelligitur ut disponentem ad gratiam, tunc intelligitur, neque esse sub peccato, hoc enim per contritionem excluditur: neque habere in facto esse gratiam justificantem, sed intelligitur in via ad ipsam. Sic ergo licet nullum detur temporis sive durationis instans in quo verum & falsum, utpote immediatè opposita, in propositionibus determinatè non inveniuntur, etiam si sint de futuro contingenti; tamen in prioritate & signo rationis antecedente liberum divinæ voluntatis decretum volentis, vel permittentis ut illud futurum sit, vel non sit determinatè, nullum determinatè aut verum aut falsum in ejusmodi propositionibus invenitur.

Secunda solutio est: verum & falsum quod 241.
Philosophus ibi comparat ægro & sano, esse verum & falsum, quod in propositionibus contrariè oppositis, invenitur, in quibus semper

per una est determinatè vera, altera falsa. Cæterum in propositionibus de futuro singulari contingenti omnino contrarium docet : unde non adducit illud exemplum agens de iis comparisonem in ægro & sano, sed in bello navali cras futuro, vel non futuro.

242. Arg 2. Illa propositio est determinatè vera, quæ est conformis suo objecto : sed hæc propositio v. g. *Antichristus erit*, etiam pro priori ad decretum est conformis suo objecto : ergo est determinatè vera. Prob. min. Tunc propositio est conformis suo objecto, quando illud ita se habet sicut per illam propositionem enunciatur : sed objectum hujus propositionis, *Antichristus erit*, ita se habet ut per illam enuntiat, cum revera Antichristus sit existentiam in aliqua temporis differentia habiturus : ergo hæc propositio etiam pro priori ad decretum est conformis suo objecto.

243. Conf. 1. Illa propositio de futuro est determinatè vera, quæ aliquando habebit suam de præsentis, seu de inesse veram : sed hæc propositio *Antichristus erit*, habebit aliquando suam de inesse veram, aliquando enim erit verum dicere, *Nunc est Antichristus* : ergo est determinatè vera. Maj. patet, quia veritas enunciationis de futuro per suam de inesse regulari & cognosci debet.

244. Conf. 2. Objectum hujus enunciationis *Antichristus erit*, non est determinatio causæ primæ, sed existentia Antichristi pro tempore habenda : ergo quamvis ipsa causa prima in signo rationis antecedenti decretum divinum non sit determinata ad producendum Antichristum, hoc tamen non prohibet, quin ejusmodi

Art. XIII. An scient. Dei sit, &c. Cap. X. § I I
modi propositio pro illo priori sit determinatè vera.

Resp. 1. ad arg. concessâ Maj. neg. min. Ad 245.
cujus prob. dist. maj. tunc propositio est conformis suo objecto, quando ita se habet, ut per eam enunciatur, si habeat ex vi illius signi in quo enunciatur, seu ex vi dispositionis factæ in tali signo, conc. maj. Si hoc habeat ex vi alterius signi, seu ex vi dispositionis factæ in alio signo subsequenti, nego: quod autem Antichristus sit existentiam habiturus pro aliqua temporis differentia hoc non provenit ex vi dispositionis factæ in signo decretum antecedenti, sed ex vi ipsius decreti, quo voluntas divina se determinat ad producendum aliquando Antichristum. Et quia tale decretum, & determinatio causæ primæ in Scriptura est revelata, ideo hæc propositio, *Antichristus erit*, modò non solùm est determinatè vera, sed etiam de fide.

Reg. 2. ex D. Thom. dist. maj. illa propositio 246.
est determinatè vera quæ est conformis suo 1. p. q. 16.
objecto, in esse objectivo tantùm, & intelli- a. 6. ad 4.
gibili, seu prout habet esse duntaxat in cognoscente, nego maj. in esse objectivo seu intelligibili, & in esse rei, seu prout habet talem modum essendi in re, concedo maj. Unde si ipsa res habet in se & determinatum, enuntiatio determinatam sortitur veritatem; si autem solùm habet esse in causa indeterminata, & ad utrumlibet se habente, tunc determinatam non habet veritatem, nec determinatè vera est, & dist. min. hæc propositio, *Antichristus erit*, etiam pro priori ad decretum est conformis suo objecto in esse objectivo tantùm

& intelligibili, seu ut habet esse duntaxat in cognoscente, conc. min. secundum determinatum essendi modum in re, seu in esse rei determinatè, nego min. quia ante decretum nulum esse rei exercitè & determinatè est. Ad prob. concessâ maj. dist. min. Objectum hujus propositionis, *Antichristus erit*, ita se habet in esse objectivo & intelligibili seu repræsentativo, sicut per eam enunciatur, concedo, in esse rei, & secundum determinatum essendi modum in re, nego min. Quia pro illo priori ante divinæ voluntatis decretum non cognoscitur simpliciter in esse futuri, sed in esse possibilis, nisi subintelligendo, si Deus voluerit. Unde

247. Resp. 3o. concessâ maj. dist. min. est conformis suo objecto, actu & formaliter, & secundum id quod exprimit, nego min. virtualiter, & subintellectâ conditione importante habitudine ad decretum divinæ voluntatis, nimirum si Deus voluerit, vel decreverit fore, concedo min. & nego conseq. Ad prob. dist. min. objectum hujus propositionis, *Antichristus erit*, ita se habet sicut per illam enunciatur, præcisè secundum illud quod exprimitur, & nullâ habitudine ad decretum Divinum subintellectâ, nego min. illâ habitudine subintellectâ, & conditione, si Deus voluerit & decreverit ipsum fore, conc. min. dependenter enim à tali decreto habet quodd in aliqua temporis differentia sit exiturus.

248. Resp. ad 1. Conf. concessâ maj. dist. min. hæc propositio, *Antichristus erit*, formatâ priori ad decretum habebit aliquando suam de inesse veram, ex vi talis prioris, & dispositionis in eo factæ, nego min. ex vi signi posterioris

Art XIII. An scient. Dei sit, &c. Cap. X. § 13
rioris & divini decreti determinantis aliquando
producere Antichristum conc. Et eodem modo
distinguo consequens.

Resp. 2. quòd hæc propositio formata pro 249.
priori ad decretum, unum formaliter exprimit,
& aliud virtualiter continet, reddit enim hunc
sensem, Antichristus erit, vel non erit, prout
Deus disposuerit ipsum fore, vel non fore:
unde propositio de inesse illi correspondens est,
Antichristus est vel non est, in qua nulla pars
disiuncti determinatè vera est, ut dictum est.
Ratio hujus est, quia illa propositio pro priori
ad decretum intellecta non habet determina-
tum ordinem ad existentiam, sed objectum
ejus est intra cancellos puræ possibilitatis,
estque in libera voluntatis divinæ potestate ut
sit, vel non sit, aliàs liberè non foret: ergo
nisi intelligatur sub disiunctione illa erit, vel
non erit prout Deus voluerit, seu decreverit,
ac disposuerit, nullatenus verificari potest. Nec
ista de inesse, Antichristus est, est proprius ter-
minus illius & regula, quia non dicit habitu-
dinem ad illam per se immediatè, sed depen-
denter à voluntate divina determinante illud
fore, sed sua de inesse est, Antichristus est, vel
non est, ut diximus.

Ad 2. Conf. resp. objectum propositionis 250.
de futuro contingenti esse ipsam existentiam
rei, vel ipsam rem ut determinatam ad esse
pro aliqua temporis differentia: quæ quidem
determinatio est à divina voluntate simplici-
ter, quippe quæ respicit res secundum deter-
minatum esse, & conditiones omnes illarum,
ut docet S.D. quæst. 22. de verit. art. 2. ad 2. & 3.
& nos cum eo infra explicabimus.

251. Contra ejusmodi solutiones instatur primò : enuntiationem esse veram , est esse conformem suo objecto , & falsam est ei non esse conformem : at inter esse & non esse conformem non datur medium : ergo pro quovis priori debet esse determinatè vera , aut determinatè falsa quævis propositio de futuro.

252. Contra 2. nam ex hac doctrina sequitur , propositionem quamlibet affirmativam de futuro esse falsam pro priori, & negativam ei contradictoriè oppositam esse veram : sed hoc est falsum : ergo tradita solutio ruit. Min. patet , nam si affirmativa ante decretum est vera , erit necessaria , quia pro priori ad decretum liberum quodlibet est necessarium cùm illud sit fons libertatis in rebus creatis, quod falsum est. Sequela verò prob. quia propositionis affirmativæ falsitas in eo consistit , quòd aliquid affirmet esse aliter quàm est : sed dicta propositio affirmat aliquid pro illo priori aliter ac est ; affirmat enim rem esse futuram , quæ reipsa pro illo priori futura non est : ergo est falsa. Id autem quod sufficit ad falsitatem affirmativæ , ad veritatem negativæ contradictoriè illi oppositæ sufficit.

253. Ad 1. resp. dist. maj. pro 2. parte , propositionem esse falsam est non esse conformem , purè præcisivè , seu negativè nego maj. est non esse conformem contrariè , seu positivè conc. maj. Et dist. min. non datur medium inter esse , & non esse conformem , ly *non esse* accepto præcisivè , seu negativè conc. min. accepto contrariè , nego min. & conseq. quia pro illo priori neque est conformis , nec non conformis contrariè , sed purè præcisivè , quod suffi-

Art. III. An scient. Dei sit, &c. Cap. X. § 1 §
cit ut non sit falsa dicta propositio, quia status ille ante determinationem actualem divinæ voluntatis est status rei secundum se, seu rationem suam, quam habet secundum quod possibilis est; unde quemadmodum de natura secundum se sumptâ verificatur quod positivè neque est singularis, neque universalis, sed negativè dicitur universalis inquantum positivè pro illo statu singulari non est, licet in re non detur natura, quæ singularis non sit: similiter ante decretum illud enunciatio non intelligitur secundum se esse conformem, vel difformem positivè, & contrariè; sed negativè, licet in re non detur quæ conformis, vel difformis non sit. Ut autem in re sit, necessariò decretum divinæ voluntatis præsupponere debet.

Resp. 2. quod esse conformem, & non esse conformem pro illo priori formaliter non repugnant, neque contradictoria sunt, secundum illud quod explicant, quia nulla earum potest esse determinatè falsa; sed sunt contradictoria virtualiter, & ratione alicujus impliciti, quod est determinatio divinæ voluntatis. Vide supradicta. 254

Ad 2. instantiam resp. ex dictis quod illo statu præcedente determinationem divinæ voluntatis loquendo ex propriis illius status affirmativa est falsa, scil. quod res erit, manendò scil. in eo statu, & ex vi illius, solùm enim ex vi illius habet quod possit esse, non verò quod futura sit & dicat pro eo signo determinatam habitudinem ad existentiam pro aliquo tempore habendam; subintellectâ autem conditione hac, si Deus voluerit, vera est & ne-

516 *Quaest. XIV. De Scientia Dei,*
 cessaria, propter efficaciam & infallibilitatem
 Divinæ voluntatis : & sic negativa est vera lo-
 quendo pro eo statu, & cum reduplicatione,
 & seclusâ omni habitudine ad voluntatem Di-
 vinam determinantem ut sit pro aliqua tem-
 poris differentia, unde erit necessaria, subin-
 tellectâ hac conditione, si Deus noluerit, falsa
 autem si opposita intelligatur, nimirum si Deus
 voluerit. Sicut si dicatur naturâ secundum se
 ante operationem intellectus est universalis,
 loquendo ex vi illius status falsa est : & nega-
 tiva vera ; nec tamen licet inferre : ergo nul-
 latenus erit universalis, quia transcundo ab
 illo statu naturæ secundum se ad statum quo
 habet esse in intellectu, in quo sit universalis,
 accipit diversam dispositionem in esse, & sub-
 inde in veritate : & similiter res transcundo à
 statu puræ possibilitatis, vel antecedente de-
 cretum pro priori rationis, ad statum quo
 subest Divinæ voluntatis determinationi acci-
 pit diversam dispositionem in esse, & subinde
 in veritate.

256. Arg. 3. veritas & falsitas sunt proprietates
 enunciationis ; sed determinatæ essentiae de-
 terminatæ proprietates convenire debent in
 omni signo intelligibili & imaginabili : ergo
 veritas & falsitas debent convenire propo-
 sitionibus de futuro contingenti in omni signo
 imaginabili, & subinde in signo rationis an-
 tecedenti ad ipsum divinæ voluntatis decre-
 tum.

257. Conf. sicut par & impar sunt proprietates
 numeri, ita veritas & falsitas ipsius propo-
 sitionis : sed cuilibet signato numero in particu-
 lari in quocunque signo rationis convenit quod
 sit

Art. XIII. An scient. Dei sit, &c. Cap. X. § 17
sit determinatè par vel impar : ergo etiam cui-
libet propositioni , esto sit de futuro contin-
genti, pro quolibet signo & prioritare rationis
competere debet , quòd sit determinatè vera ,
aut determinatè falsa.

Resp. multiplicem huic argumento à Docto- 258.
ribus solutionem assignari : Quarum prima est
veritatem & falsitatem esse proprietates propo-
sitionis, quæ formaliter propositio est, non au-
tem ejus quæ materialiter dumtaxat, & in ap-
parentia est, cujusmodi sunt omnes propositio-
nes de futuro contingenti ante decretum Divi-
næ voluntatis formatæ. Secunda est, veritatem
& falsitatem esse proprietates propositionis,
non quidem absolutas sed respectivas ; & licèt
determinatæ essentia debeant determinatæ pro-
prietates absolutæ competere, non tamen res-
pectivæ, ut patet in numero, qui secundum se,
neque est determinatè, neque determinatè par
aut impar. Veritas autem & falsitas enunciatio-
num sunt respectivæ & dicunt habitudinem ad
objectum ut est vel non est, & subinde ad de-
terminationem primæ causæ, sine qua nihil est
actu ; unde non oportet, quòd quælibet propo-
sitione sit determinatè vera aut falsa, sed sub dis-
junctione, ut dictum est.

Sed Resp. 2. quòd veritas & falsitas sub dis- 259.
junctione conjunctim sumptæ est essentia ipsius
enunciationis, ut diximus ex D. Thom. *como 1.*
Clypei Philos. p. 1. q. 6. de enunc. art. 1. Quòd au-
tem sit determinatè vera, aut determinatè fal-
sa, hoc habet ex materia in qua exercetur, qua-
propter hoc rationi illius secundum se sumptæ
accidit. Idcirco optimè enunciationis ratio sal-
vatur, cùm ipsa intelligitur significare verum

vel falsum sub huiusmodi disiunctione conjunctim, quando videlicet materia, in qua exercetur, talis conditionis est ut determinationem ex se non habeat, sed ad utrumlibet est, vel contingens, & subinde non valens ipsi enunciationi determinatam in exercitio significationem in veritate vel falsitate præbere.

260. Ad conf. resp. quòd propositio de futuro contingenti in illo priori rationis considerata non debet, aut potest alicui speciei determinatæ numeri comparari, sed numero secundum se sumpto in genere. Unde sicut iste secundum se est indifferens ut sit par vel impar, ita & propositio secundum se est indifferens ut significet verum vel falsum. Quòd si consideretur numerus in particulari equidem est determinatè par vel impar, sed non est de propositione sic considerata par ratio: quia esse numerum binarium determinatè parem, vel ternarium determinatè imparem à rei existentia abstrahit; nullo enim existente numero est verum dicere binarium parem, & ternarium imparem esse; at verò res futura cùm existentiam respiciat, necessariò determinationem primæ causæ & voluntatis illius respicere debet, quæ est fons totius esse; quapropter ante huiusmodi divinæ voluntatis determinationem determinatam veritatem, vel falsitatem habere nequit, sicuti neque determinatum fore, vel non fore, sed est potentiâ ad utrumque, sicut numerus in genere est in potentiâ formali indeterminatâ, & indifferens ut sit par vel impar.

261. Dices, omne determinatum sub aliquo diviso contentum necessariò contineri debet sub aliquo ex membris, dividendibus determinatè; v. g. quia

Art. XIII. An scient. Dei sit, &c. Cap. X. § 19
quia homo sub animali determinatè contine-
tur, necessum est ut sub aliquo ex membris di-
videntibus ipsum contineatur, videlicet ratio-
nali vel irrationali: ergo cùm propositio de fu-
turo contingenti pro priori ad decretum sub
propositione ut sic contineatur, necessariò de-
bet contineri determinatè sub verâ vel falsâ, quæ
sunt membra dividencia.

Resp. quodd equidem, cùm ejusmodi proposi- 262.
tio sit quædam particularis propositio, conti-
netur sub propositione ut sic, & significat de-
terminatè verum vel falsum, non ratione dis-
juncti sed disjunctionis conjunctim sumptæ, ut
diximus.

Arg. 4. Eadem est veritas in enunciationi- 263.
bus singularibus in materia contingenti quæ
sunt de futuro, atqui in illis quæ sunt de præ-
senti ac præterito in eadem materia: sed in pro-
positionibus de præsenti ac præterito necessum
est, ut altera illarum sit determinatè falsa &
altera vera: ergo etiam in propositionibus de
futuro. Maj. patet, quia ubi est eadem causa, ibi
debet idem effectus esse: sed eadem est causa
necessitatis harum trium propositionum, Petrus
sedet Petrus sedit, & Petrus sedebit: ergo ea-
dem est veritas in illis.

Conf. Quodd aliquid in tempore præterito 264.
fuerit, esto de præsenti nihil sit, satis est ad ve-
rificandum pro nunc, quodd pro illo tempore an-
tecedenti fuerit, ratione cujus propositio de
præterito determinatam sortitur veritatem: ergo
similiter ut propositio de futuro sit determinatè
vera, sufficit quodd in tempore sequenti res ha-
bigura sit existentiam, etiam pro signo antece-
denti ad decretum.

265. Resp. 1. ad arg. ex D. Thom. neg. maj. Ad cujus
 1. p. q. prob. neg. min. quia veritas propositionis causa-
 16. art. 8. tur à veritate rei, non quomodocunque sed tali
 modo se habente; in his autem tribus propo-
 sitionibus res sub diversis modis importatur, qui
 in propositionibus de præterito & futuro ali-
 quid determinatum dicunt, scil. determinatam
 præteritionem & determinatum esse; non verò
 in propositionibus de futuro, ut diximus.

266. Resp. 2. ex eodem S. D. quòd identitas veri-
Quaest. 1. tatis non tantum dependet ex veritate rei, sed
de verit. etiam ex identitate intellectus seu conceptus,
art. 6. ad sicut & identitas effectus ex identitate agentis
 6. & patientis dependet. Quamvis autem sit ea-
 dem res, quæ significatur illis tribus propo-
 sitionibus, non tamen est idem intellectus ea-
 rum: quia in compositione intellectus adjungi-
 tur tempus; unde secundum variationem tem-
 poris sunt diversi intellectus.

267. Resp. ad Conf. ex D. Alb. M. quòd non est
 simile de præterito & futuro: quia futurum
 nunquam fuit, idcirco nec in se, nec in futuri-
 tione sua determinatum est; sed præteritum ad-
 minus in præteritione sua est determinatum,
 itaut non possit non fuisse supposito quod fue-
 rit, ratione cujus certæ & infallibili cognitioni
 subesse omnino potest; non autem futurum
 contingens, quod ad utrumlibet se habere
 debet.

CAPUT XI.

*Quo pacto Deus futura contingentia in
suis ideis cognoscat.*

Supponendum est ex S. D. *quest. 1. de pot. art. 5.* 268.
ad 11. quod idea dupliciter sumi potest. Primo
modo secundum perfectam atque completam
ideæ rationem quo pacto nominat artis for-
mam, nedum intellectu excogitatam, sed etiam
actu ordinatam ad opus, inquantum habens
ideam actu intendit illud opus in re efficere.
Alio modo secundum quandam imperfectam
& incompletam illius rationem, cum scilicet
artifex in mente sua habet formam operis ex-
cogitatam, per quam novit quomodo efficien-
dum sit opus; non tamen illud operari & effi-
cere actu intendit, & ordinat ad actum ope-
randi, siue actualem operationem. Nam cum
idea propriè dicta ad cognitionem practicam
attineat, (ut docet S. D. *q. 3. de verit. art. 3.*)
quæ per ordinem ad opus dicitur, illa forma
exemplaris duntaxat censenda est simpliciter
idea, quæ actualem ordinationem ad opus di-
cit; quæ autem solum in virtute ordinationem
ad illud dicit, non est completè & adæquatè
practica; subindèque perfectam. Et comple-
tam ideæ rationem nullatenus possidet, sed
imperfectam & incompletam. Et hoc utroque
modo ideas rerum in Deo constituere debemus.
Primò quidem secundum incompletam quan-
dam rationem, quatenus videlicet omnium
rerum, ad quas se ejus potentia extendit vel
extendere

522 *Quaest. XIV. De Scientia Dei*,
extendere potest, habet rationes apud se excogitatas & veluti adinventas, per quas actu cognoscit quidquid sua potentia potest, & omnes modos quibus sua divina bonitas communicari valet. Dixi, excogitatas & veluti adinventas, quoniam sicuti artifex per formam actis quam actu de opère faciendo formavit, & excogitavit, opus actu cognoscit; ita & Deus, cujus scientia comparatur scientiæ artificis, dicitur habere formas & ideas omnium rerum excogitatas, quoniam actu novit totam potentiam suam & quidquid potest. Et hac ratione habet ideas etiam earum rerum, quæ nec sunt, nec fuerunt, neque aliquando erunt. Et quoniam Deus perfectè ac distinctè omnia novit, etiam per ejusmodi rationes ideales perfectam cognitionem habet de rebus omnibus à se operabilibus, & ut operabiles sunt, & etiam per modum cujusdam speculationis, ut docet idem S. D. *cit. q. 3. de verit. art. 3.* & nos explicabimus *infra quaest. 15. art. 3.* Secundò habet ideas secundùm completam & perfectam ideæ rationem ordinando quasdam earum actu ad opus, seu intendendo illarum productionem, quo pacto habet ideas omnium rerum quæ sunt, fuerunt vel erunt; non autem merè possibilem, cùm hæc non ordinet ad actum, neque actu operari intendat. Difficultas igitur in eo sita est, utrùm Deus futura contingentia certò & infallibiliter cognoscat per ejusmodi rationes ideales, quas veluti excogitatas & ad inventas habet, antequam accedat determinatio divinæ voluntatis, quâ intendat actu producere vel se determinet ad productionem illarum in re.

Concl.

Concl. Deus non potest certò & infallibiliter cognoscere futura contingentia in illis rationibus idealibus excogitatis, vel in sua essentia ut habet rationem idearum, antecederet ad decretum & determinationem divinæ voluntatis, quā intendit & determinat opus, seu rationes illas excogitatas ad actum, vel actualem operationem determinat. Sumitur ex D. Thom. cit. *quest. 1. de pot. art. 5. ad 11.* ubi ait : *Dicendum, quod si idea secundum completam rationem accipiat, scil. secundum quod idea nominat formam artis non solum actu excogitam, sed etiam per voluntatem ad opus ordinatam, sic prædicta (scil. quæ nec sunt, nec erunt nec fuerunt quæ tamen Deus facere potest) non habent ideam si verò accipiat secundum imperfectam rationem, prout scil. est solum excogitata in intellectu artificis, sic habent ideam. Patet enim in artifice creato, quod excogitat aliqua opera, qua nunquam operari intendit. In Deo verò quidquid ipse cognoscit, est in eo per modum excogitati, cum in ipso non differat cognoscere actum, & habitum. Ipse enim novit totam potentiam suam, & quidquid potest. Unde omnium quæ potest habet rationes quasi excogitatas. Idea ergo secundum completam & perfectam rationem ideæ debet esse eorum quæ aliquando erunt, sunt, vel fuerunt, & quæ ordinem ad existentiam dicunt, de quibus Deus habet cognitionem simpliciter & actu practicam, quemadmodum docet idem S. D. *quest. 3. de verit. art. 3. c.* Ex quibus ita arguo : Deus futurorum contingentium habet cognitionem actu simpliciter practicam, perfectamque ideam : sed hæc dicit formam artis non solum excogitam, sed etiam per voluntatem*

524 *Quaest. XIV. De Scientia Dei,*
luntatem ad opus actu ordinatam : ergo idea ,
in qua perfecte & certo cognoscitur futurum
contingens , est idea habens adjunctam vo-
luntatis divinæ determinationem , & non so-
lùm idea excogitata in mente existens , quæ
non respicit determinatam rei existentiam , cùm
sit etiam eorum quæ non erunt , neque sunt , aut
fuerunt.

270. Quapropter idem S.D. *quaest. 3. de verit. art. 6.*
c. differentiam hanc constituit , dicens : *Re-*
linquitur quòd idea possit esse ejus , quod nec est,
nec fuit , nec erit : non tamen eo modo sicut est eo-
rum , quæ sunt vel erunt vel fuerunt : quia ad ea
quæ sunt vel erunt vel fuerunt determinatur ex pro-
posito divinæ voluntatis , non autem ad ea , quæ nec
sunt , nec erunt , nec fuerunt . Et sic hujusmodi
habent quodammodo ideas indeterminatas. Ex qui-
bus sic : futurum contingens debet habere pro-
priam ideam & determinatam , ut certo co-
gnosci possit : sed hæc determinatio est ex pro-
posito divinæ voluntatis , ante quod idea est
veluti indeterminata , ut docet S. D. Ergo ideæ ,
in quibus cognoscuntur futura contingentia ,
sunt ideæ habentes adjunctam divinæ volun-
tatis determinationem . Tandem S. D. in 1.
dist. 39. q. 1. art. 2. ad 1. ait : *Quòd sicut ipsum*
scire est subiectum libertati voluntatis , ita & idea
secundùm quod ad ipsam terminatur actus divina
scientia , sicut scientia artificis ad formam artifi-
ciati , quam excogitat . Et ideo similis est ratio de
idea & de actu sciendi . Sicut enim non potest po-
ni , quòd actus sciendi sit in eo , & quòd non fue-
rit , ita non potest designari quòd idea sit in eo &
non fuerit : tamen respectu utriusque potest designa-
ri libertas voluntatis . Pro cuius intelligentia ad-
notanda

Art. XIII. An scient. Dei sit, &c. Cap. XI. § 25
notanda sunt, quæ idem S. D. dixerat *art. preced.*
ejusdem quest. nimirum, *Quòd actus divina scientiæ secundum quod est causa ejus ut informans ipsum est imperatus à voluntate: Et sic est in potestate sua* (absolutè loquendo) *scire & non scire.* Quia cum actus divinæ voluntatis sic semper in egrediendo ab ipsa voluntate, sive sit actus ipsius voluntatis immediatus, qui est ipsum velle, sive sit imperatus, sicuti intelligere, aut facere est indifferens indifferentiæ activæ in habitudine ad objecta secundaria: & subinde potest velle vel non velle, scire vel non scire illud, quamvis non possit non scire illud postquam scivit, propter immutabilitatem ipsius. Secundum ergo S. D. scientia & idea, quæ subjacet libertati voluntatis divinæ, est quæ supponit imperium & determinationem ipsius voluntatis divinæ, ante quam est quodammodo indeterminata & indifferens.

Prob. concl. ratione: Deus non potest certò & infallibiliter cognoscere futurum contingens nisi prout est determinatum ad existentiam pro tali tempore habendam, quoniam tantummodo hæc ratione illud habet necessitatem essendi, ratione cujus potest certò & infallibiliter cognosci, dum actu est, v. g. Petrus dum actu sedet, necessitatem sedendi ex suppositione habet; ante quod erat indifferens ad sedendum, & non necessariò sedens: sed futurum ante determinationem divinæ voluntatis non est determinatum ad existentiam ex præcisa ratione ideæ de ipso existentis in mente divina: ergo per ejusmodi ideam non potest certò cognosci ab intellectu divino & scientia ejus. Major patet quoniam scientia est de rebus necessariis.

271.

526 *Quaest. XIV. De Scientia Dei,*
necessariis. Minor verò prob. si idea in mente
Dei existens ex se haberet ante determinatio-
nem divinæ voluntatis repræsentare rem cum
habitudine certa ad existentiam tali tempore
habendam, sequeretur imprimis quòd omnia,
de quibus Deus habet ideas excogitatas, pro
aliquo tempore essent existentiam determinatè
habitura: Sed hoc falsum; Deus enim habet
rationes excogitatas & ideales omnium quæ
potest, etiam eorum, quæ nec sunt, nec fue-
runt, neque erunt; sicuti & artifex creatus
multorum ideas in sua mente habet, quæ nul-
latenus facere intendit, neque fiunt: Ergo fu-
turum ante determinationem divinæ volunta-
tis, prout habet repræsentari in sua idea & for-
ma exemplari, ex præcisa illa repræsentatione
& continentia, non est determinatum ad exi-
stentiam pro aliquo tempore habendam. Dein-
de sequeretur, quòd absolutam essendi neces-
sitate haberet, quoniam prima radix liberta-
tis est in voluntate, quæ potest velle & non
velle, producere & non producere illud ad
quod non necessariam habitudinem dicit; an-
te cujus determinationem quidquid scitur, li-
bertati non subjacet voluntatis, neque enim
liberum est Deo cognoscere quæcunque potest,
in sua potentia, aut omnes modos quibus est
communicabilis sua divina bonitas, sed ne-
cessariò cognoscit, & hæc necessariò in suis
causis habent esse, minimè omnipotentiâ di-
vinâ & bonitate Dei; unde & ad scientiam ne-
cessariam in eo pertinere dicuntur: Ergo omninò
concedendum est, quòd ex præcisa ratione ideæ
non habet repræsentari Deo futurum ut deter-
minatum ad existentiam pro aliquo tempore ha-
bendam.

Conf.

Conf. Idea tantummodo habet repræsentare futura contingentia, inquantum est illarum causa exemplaris & effectiva: sed est causa libera ipsarum, quoniam Deus ad extrâ non operatur ex necessitate naturæ, sed secundum consilium voluntatis: Ergo ratione perfectæ ideæ, & causæ exemplaris productivæ futurorum contingentium necessariò habet adjunctam determinationem divinæ voluntatis. Idcirco D. Thomas ait, quodd idea divina subiecta est libertati voluntatis divinæ secundum quodd ad illam divina scientia, nimirum libera & approbationis seu visionis, terminatur. Adde, quodd ante determinationem divinæ voluntatis sunt in statu meræ possibilitatis, inquantum continentur in omnipotentia Dei, & ejus bonitate, sive essentia ut est imitabilis & infinitè participabilis à creaturis: Sed status meræ possibilitatis non dicit ordinem ad existentiam in re habendam, sed omnino abstrahit ab illa: Ergo cum futurum importet ordinem ad existentiam pro aliquo tempore in re habendam, nullatenus ut tale potest habere determinatam ideam in mente divina, ratione cujus possit certò & infallibiliter cognosci antecederet ad determinationem divinæ voluntatis. Sed de his ampliùs infrâ.

§. 1.

Solvuntur argumenta.

ARg. ex D. Thoma *quest. 3. de verit. art. 6. ad 2.* Deus cognoscit res distinctæ, & in ejus scientia distinctæ sunt, quamvis in ipso sint unum: Sed non possunt esse distinctæ in

528 *Quest. XIV. De Scientia Dei,*
scientia Dei, nisi quia in illa habent distinctas
rationes ideales: Ergo rationes ideales sunt suf-
ficientes ad representandas res distinctè, &
subinde per illas quælibet res, etiam futura
contingentia, poterunt certè & infallibiliter
cognosci, etiam ante decretum divinæ volun-
tatis. Unde S. D. *in hoc art. 13. c.* duplicem as-
signat modum cognoscendi futura contingen-
tia, nimirum præsentialitatem eorum phy-
sicam in æternitate, & ipsas ideas. Et sanè ra-
tio hujus desumitur ex eo quodd divina essentia,
ut habet rationem ideæ omnium rerum, quæ in
ejus potentia & bonitate continentur, est in-
finita in repræsentando, ex se & independen-
ter à quacumque determinatione & decreto di-
vinæ voluntatis: ergo antecederet ad ejusmo-
di voluntatis divinæ determinationem perfectè
& distinctè repræsentat quascunque res qua-
rum apud se rationes excogitatas, sive ideas &
exemplaria habet: sed illud quod distinctè &
perfectè aliud representat, potest esse medium
ad cognoscendum illud certè & evidenter: ergo
idea divina de se, & independenter à decreto
divinæ voluntatis est sufficiens & consentaneum
medium ad cognoscendum futura contingentia,
quælibet illa sint.

274. Conf. 1. Essentiæ, vel ideis divinis non po-
test accrescere aliqua perfectio ex decreto di-
vino: Sed ideæ ut habent adjunctam voluntatis
divinæ determinationem sive decretum verè
sunt medium & causa cognoscendi ipsa futura
contingentia, etiam libera: Ergo etiam ante-
cedenter ad decretum seu determinationem di-
vinæ voluntatis. Major patet, quoniam illa
perfectio deberet esse libera, & subinde potens
desse

Art. XIII. An scient. Dei sit, &c. Cap. XI. § 29
deesse Deo, cujusmodi nulla Deo concedenda
venit, cum non esset minus perfectus, etiam
si nullam creaturam condere statuisset, quam si
modo. Conseq. etiam videtur evidens, quoniam
repræsentare perfectè & comprehensivè quæ-
libet objecta ad perfectionem essentiae divinæ,
ut habet rationem speciei intelligibilis atque
idearum, spectat: Ergo si ex adjuncto decreto
nulla illi accrescit perfectio, sicuti post decre-
tum illa consentaneè repræsentat atque perfectè,
ita etiam ante illud.

Conf. 2. Si per impossibile Deus non esset 275:
liberè volens & producens res ad extrà, nihi-
lominus haberet scientiam illorum perfectam,
quoniam haberent veritatem scibilem: Ergo
signum est, cognitionem certam & infallibi-
lem, quam Deus habet de futuris contingen-
tibus ut cognoscit rationes eorum in sua men-
te existentes, non dependere in sui certitudine
& infallibilitate à decreto & determinatione di-
vinæ voluntatis.

Resp. ad arg. ex S. D. *quest. 2. de verit. art. 8.* 276.
& *quest. 3. art. 3. c.* quòd Deus per scientiam sim-
plicitis intelligentiæ præcedentem divinæ vo-
luntatis decretum cognoscit equidem res di-
stinctè ut habent esse in ejus potentia & boni-
tate, & quatenus habent indeterminatas ideas;
cognoscit, inquam, distinctè ut operabiles à
se, si veller, & secundum omnes eas intentio-
nes quas intellectus humanus de eis apprehen-
dere potest, quod est cognoscere illas distinctè
per modum cujusdam speculationis (quemad-
modum fusè explicatur infra *quest. 15. art. 3.*)
non autem cognoscit determinatam habitudi-
nem ipsarum ad existentiam in re pro aliqua

temporis differentia habendam; hanc enim non dicunt nisi dependenter à determinatione divinæ voluntatis, quæ est prima radix & causa operandi liberè ipsas res ad extrà, cùm Deus sit agens per intellectum & voluntatem, & ex cognitione atque amore finis, illiusque intentione. Quapropter, cùm futura dicant habitudinem ad existentiam pro aliqua temporis differentia habendam, nullatenus possunt certò & infallibiliter cognosci nisi accedente decreto & determinatione divinæ voluntatis; antequàm repræsentantur in ideis illis, vel ut possibiles seu factibiles, vel etiam per modum cujusdam speculationis cognoscuntur à scientia simplicis intelligentiæ, quæ non habet, admisionem alicujus extra genus notitiæ, subindèque determinatè non respicit existentiam veram, quam addit super illam scientia visionis; vel ordinem voluntatis ad res scitas producendas, quem addit scientia approbationis, ut docet S. D. *cit. quest. 3. de pot. art. 3. ad 8.* Cùm autem dixit hic S. D. Deum cognoscere futura per ideas, loquitur de ideis secundum perfectam rationem idearum sumptis, quo pacto habent adjunctam determinationem voluntatis.

277. — Ad rationem respondetur dist. antec. divina essentia ut habet rationem ideæ omnium rerum est infinita in representando antecedenter ad decretum voluntatis, per modum speciei intelligibilis vel causæ in actu primo, & stando intra genus simplicis notitiæ, concedo: per modum perfectæ ideæ, & importantis ordinem ad determinatam productionem & existentiam rei, nego anteced. Hoc enim est extra
genus

genus notitiæ. Unde bene stat quod intra genus notitiæ sit infinita in repræsentando, & tamen non repræsentet certò & distinctè futurum contingens, quod ut tale dicit ordinem ad existentiam in re pro aliqua temporis differentia habendam, quam addit scientia visionis ad scientiam simplicis intelligentiæ, & ordo voluntatis ad res scitas. Per extensionem enim ad voluntatem notitia fit simpliciter & actu practica, & causa rei in actu secundo.

Resp. 2. communi solutione, quam adhibent Recentiores Thomistæ, quòd licet ideæ divinæ sint infinitæ in repræsentando, tamen solummodò habent repræsentare omnia, quæ sunt repræsentabilia, & eo modo quo repræsentabilia sunt. Quapropter cùm antecederet ad divinum decretum de futuritione rerum nihil omnino sit repræsentabile ut futurum, sed solum ut possibile, eò quòd pro illo signo rationis res omnes in statu puræ possibilitatis versentur, quamvis ideæ divinæ sint in repræsentando infinitæ, non repræsentant neque repræsentare possunt antecederet ad decretum res sub esse futuro, sed solum sub esse possibili. Sicut enim speculum quantumcunque perfectum nonnisi objecta illa repræsentat quæ sunt, & quorum species intentionales determinatæ sunt in speculo, non autem ea quæ non sunt; non quidem defectu virtutis repræsentativæ, sed defectu objecti, quod non est vel non præsentatur: ita similiter essentia divina in ratione speciei intelligibilis, vel ut est idea omnium rerum nonnisi res quæ sunt & prout sunt, repræsentat. Unde cùm pro illo priori solummodo sint possibles, in ea duntaxat repræsentantur ut possibles seu

278.

532 *Quaest. XIV. De Scientia Dei*,
 factibiles, non autem ut futuræ: sed tunc ha-
 bent repræsentari ut futuræ, cum accedit ordo
 voluntatis divinæ ad res scitas producendas.
 Nec tamen ibi accidit aliqua mutatio ex parte
 divinæ essentiae sed ex parte rerum repræsentata-
 tarum, quæ cum ordine ad existentiam in re
 habendam secundum determinationem divinæ
 voluntatis cognoscuntur; sicuti neque specu-
 lum repræsentat alio modo objectum per mu-
 tationem speculi sed objecti repræsentati. Et eo-
 dem modo ad 1. conf. respondent.

279. Resp. ad 1. conf. quod ex decreto & determi-
 natione divinæ voluntatis ipsi essentiae vel id-
 eis divinis secundum rem aliqua perfectio non
 accrescit, bene tamen secundum rationem de-
 terminata habitudo ad existentiam rei, qua per
 modum causæ in actu completo se habet; ra-
 tione cujus perfectam sortitur ideæ rationem.
 Quemadmodum enim scientia visionis ad scien-
 tiam simplicis intelligentiæ existentiam rei se-
 cundum rationem addit; & scientia approba-
 tionis super eandem ordinem voluntatis ad res
 ipsas scitas producendas adjungit, ratione cu-
 jus veram rationem causæ effectricis rerum
 adæquatè & in actu secundo nanciscitur: ita
 pariter idea divina ejusmodi ordinem addit, per
 quem formaliter ipsius completur ratio, ut
 dictum est ex S. D. qui etiam consuli potest in 1.
dist. 39. quaest. 1. art. 1. & 2. An autem id quod
 determinatio voluntatis, vel ordo ipsius ad
 res scitas liberè producendas addit, sit quædam
 perfectio voluntaria & libera, examinabimus in-
 frà, q. 19. ad art. 10.

280. Resp. ad 2. conf. quod in eo casu scientia Dei
 (supposito quod illam de rebus haberet) non se
 haberet

Art. XIII. An scient. Dei sit, &c. Cap. XI. § 33
haberet ut causa illarum, cum scientia Dei non sit causa rerum nisi prout adjunctam divinæ voluntatis determinationem habet. Neque enim voluntas absolutè intelligitur esse radicem scientiæ, cum ista aliquo modo voluntatem præcedat; sed est radix causalitatis ejus in actu secundo, & ut dicit habitudinem ad res scitas à se producendas. Quoniam scientia ut scientia est atque speculativa nihil de operando agit, ut Philosophus docet: sed hoc sortitur per extensionem ad voluntatem, cui tribuitur primò operari, utpotè respicienti pro suo objecto finem, qui est causa causarum & prima simpliciter in causando.

C A P U T XII.

Utrum Deus futura contingentia libera certò & infallibiliter cognoscat in decreto purè concomitanti non præsupponente prævisionem sive præscientiam futuri eventus seu determinationis libera voluntatis creatæ.

VEniamus jam ad opinionem Recentiorum 281.
Scotistarum discutiendam, qui arbitrantur Deum certò non cognoscere futura contingentia libera in decreto efficaci prædeterminante divinæ voluntatis sed purè concomitanti, absque tamen præscientia determinationis liberæ voluntatis creatæ. Et quoniam nequeunt ejusmodi sententiæ satis capi aut confutari, vel stabilem veritas nisi decretorum,

534 *Quaest. XIV. De Scientia Dei,*
& efficaciz illorum habeatur notitia, hæc sub-
jungens, & ut opus fuerit præmittemus.

§. 1.

*Quid nomine decreti divini intelligendum veniat,
& de variis ejus nominibus.*

282. **D**ecernendi vox, à qua decreti nomen de-
rivatur, idem sonat atque statuere, con-
stituere, definire, disponere atque determina-
re, & his similia. Hinc decretum nominatur
statutum, constitutio, definitio, dispositio,
ac determinatio. Sic Pontificum decreta Con-
stitutiones Apostolicæ nominantur; & Cano-
nes Conciliorum, definitiones, statuta, de-
terminationes. Apud jurisconsultos decretum
propriè est deliberatio judicis cum causæ co-
gnitione, *L. nequicquam, §. ubi, de Offic. Pro-
cons.* Quæ acceptio valde accedit ad decreti usur-
pationem, quâ Theologi communiter utuntur.
Et enim decretum divinæ voluntatis & intelle-
ctus dicitur illud, quo præsupposita cognitio-
ne finis, divinæ scil. bonitatis, Deus ab æter-
no statuit, constituit, definit, determina-
vitque ea quæ in tempore facienda erant, sive
quoad molitionem productionemque rerum,
sive quoad motus operationesque causarum se-
cundarum, & ordinationem practicam ipsa-
rum in finem, præsertim verò intellectualium,
& quæ libertate donatæ atque prædictæ sunt:
scu decretum divinum dicitur id quod in men-
te divina de rebus futuris ab æterno decretum
est, quemadmodum & sententia sive decre-
tum judicis id appellatur, quod ab eo post litem
contestatam decernitur ac statuitur de re, vel
persona

Art. XIII. An scient. Dei sit, &c. Cap. XII. § 3 §
persona aliqua. De hoc ergo in præsentī agendum occurrit, & discutiendum in quo situm sit, quotuplex re distinguendum veniat, & quo pacto Deus in decernendo circa futuros eventus præsertim liberos processerit, sintne ejusmodi decreta ex seipsis efficacia, atque infallibilia, & medium sufficiens ac necessarium ut Deus certam de hujusmodi futuris cognitionem sive scientiam habeat. De quibus omnibus in hoc & sequentibus §§. differendum venit.

Hujus rei gratiā notandum venit, quòd licet in Deo sit reipsa quidem unus simplicissimus actus, quo omnia cognoscit, & vult, tamen intellectus noster secundum diversas considerationes ibi plures distinguit actus, quorum unus in quodam rationis signo præcedere, alius subsequi dicitur. Quem equidem actuum ordinem & processum diligenter exponere necessum est; quoniam ex illius exacta notitia, utcumque à nobis haberi potest, plurimarum enodationes & intelligentia quæstionum, tam in hac materia, quàm in illis de voluntate, Providentia, ac Prædestinatione dependent. 283.

Imprimis igitur Deus ab æterno per scientiam simplicis intelligentiæ à nobis concipitur voluntati ostendisse suam essentiam, bonitatem, omnipotentiam, cæteraque attributa veluti summum bonum, quod naturaliter ac necessario vult atque amat: in illaque ipsi præbuisse visendas omnes & quascunque rationes creaturarum ideales, ac rerum dispositiones tam adinvicem quàm ad ultimum finem, quas producere poterat si vellet: proposuitque convenienter esse alicujus mundi sive multitudinis creaturam 284.

creaturam illarum portionem ingentem, secundum diversos entium ac perfectionum gradus distinctam, divinæ illius bonitatis ostendendæ atque manifestandæ causâ: & proposuit absque iudicio tamen practico determinante atque inclinante efficaciter divinam voluntatem ad volendum productionem illam. Quinimmo ad demonstrandam summam illam divinæ voluntatis independentiam atque libertatem in producendis vel non producendis creaturis, totum illius divinæ voluntatis commisit arbitrio, proponendo ipsi quoddam æqualiter in istarum vel illarum molitione creaturarum, sine istius vel alterius mundi, quæ in divina continebantur potentia ac bonitate, se suamque bonitatem manifestare poterat, quoniam ad nulum creabile necessariam contrahebat habitudinem. Divina voluntas merè liberè in alio rationis signo se ad huius mundi productionem determinavit ob prædictum finem, suæ videlicet manifestationem bonitatis. Suppositâ hacce determinatione producendi & creandi mundum hunc, eadem efficaci volitione, sive potius intentione & decreto divinum movit intellectum ut diceret quas creaturas esset producere convenientiùs, & earum disponderet ordinem, tum ad invicem, cum etiam ad Deum seu finem. Tum divinus intellectus sic à Dei voluntate motus illi proposuit istas, quæ conditæ sunt, esse creandas & non alias, quoniam hoc magis sibi expediens videbatur: & tali iudicio practico intellectus divinus efficaciter movit divinam voluntatem ad acceptandum, & ipsa liberè acceptavit.

285. — Quapropter in hoc processu triplex veluti decretum

decretum est distinguendum : primum intentionem, quo Deus efficaciter mundi productionem sive creationem intendit : quod equidem decretum ad ipsam attinet voluntatem se liberè determinantem ad hujusce mundi conditionem, sive molitionem. Secundum decretum est, quo Deus ipse decrevit hasce & non illas creaturas esse producendas ; & hocce decretum ad intellectum spectat. Tertium est illud, quo elegit atque constituit hunc mundum ex his creaturis constantem, & non alium ex aliis molendum, producere. Quod quidem decretum veluti completivum aliorum, ad voluntatem attinet, quæ liberè accepit & elegit mundi hujus productionem ex vi primæ volitionis liberæ, quam consecutum est decretum intellectus efficaciter movens voluntatem ad acceptandam hujusce mundi molitionem, istarumque creaturarum productionem potius quàm aliarum. Quoniam autem cùm plures actus ad unum ordinantur, censentur unus, uti in ædificatione domus patet, rationemque seu denominationem ab ultimo suscipiunt, quemadmodum in generatione est manifestum, decretum illud de futuro producendo mundo divinæ attribuitur voluntati, sicuti & productio rerum, tanquam illi quæ primò productionem ejusmodi efficaciter intendit, & complet ultimò causalitatem Dei acceptando dispositionem atque ordinationem harumce rerum à divino intellectu, sive scientia Dei veluti adinventam & excogitatam. Quemadmodum docet D. Thomas in 1. dist. 38. §. 1. art. 1.

Ex eo autem quòd voluntas Dei efficaciter decernit & acceptat hujusmodi creaturarum productio

productionem, vult etiam atque decernit illis providere & movere intellectum ut veluti adinveniat & excogitet media illis providendi, & dirigendi in finem, quod & ipse præstat, eaque voluntati, divinæ proponit, uti convenientia & accommodata ad ejusmodi directionem practicam in finem, juxta exigentiam & modum agendi cuilibet creaturæ ex sua conditione primæva competentem, hoc est, modum agendi naturaliter seu necessariò, & contingenter sive liberè. Et quoniam ex hisce creaturis quasdam condere decrevit quæ à suo fine deficere possint, utpote liberas & contingentes, ut servetur modus agendi illis suapte naturâ competens, proponit præterea & decernit esse conveniens & rationi consentaneum ut permittat illas deficere quandoque, & ad hoc etiam media ordinat, defectus ejusmodi per providentiam suam ad aliud bonum dirigendo; ut putà occisionem ovis ad sustentationem lupi; vel mortem homicidæ ad bonum justitiæ voluntas divina ab intellectu mota eligit, atque decernit efficaciter ejusmodi media & directionem ab intellectu sibi propositam, & tunc est determinatio completa, & decretum efficax voluntatis, in cujus virtute Deus in tempore res administrat, atque gubernat, modò infrà diffusius explicando. Unde & in hac ordinatione triplex veluti decretum intervenit: unum intentivum, per quod Deus liberè vult creaturis, quas condere decrevit, providere, & hoc ad voluntatem spectat finem intendentem. Secundum est, quo intellectus divinus præparat atque decernit media accommodata ad ejusmodi directionem in finem consequendam.

quendam. Tertium est, quo voluntas acceptat, eligit, & efficaciter decernit illa, in quo completur ejusmodi ordinatio. Quod & pariter explicandum venit in speciali providentia, qua Deus vult providere creaturis intellectualibus in ordine ad finem supernaturalem: in qua quidem ordinatione Deus primò intendit finem seu eligit & vult aliquos vitam æternam consequi. Voluntas mediâ ejusmodi intentione efficaci conferendi aliquibus præ aliis vitam æternam, seu dandi gloriam movet intellectum ut decernat quinam sint ex tota creaturarum intellectualium massa ac multitudine ad gloriam destinandis mediaque præfigat atque constituat quibus in eam efficaciter dirigantur absque defectu, sed ita ut infallibiliter finem intentum consequantur, quod præstat intellectus prænoscendo illa, sive præsciendo, & proponit voluntati, quæ eligit & decernit efficaciter salvare illos, seu conferre illis vitam æternam per talia media, quemadmodum fusiùs explicabitur infra, *quasi*. 23. Quomodò autem Deus velit aliquos deficere à consecutione illius finis, putà malos & reprobos, dicetur etiam infra, ubi examinabitur in quo medio Deus futura peccata cognoscat. Unde & pariter in hac speciali ordinatione creaturarum intellectualium in finem vitæ æternæ triplex distinguendum occurrit decretum, modo supra explicato.

Ex quibus sequitur, quòd ultimum hoc voluntatis decretum liberum (in virtute enim prioris decreti intentivi liberè se voluntas determinat ad volendum quidquid de creaturis vult atque constituit) in sua ratione & conceptu

ceptu importat atque includit nedum actum voluntatis eligentis, acceptantis, atque decernentis futurum eventum, sed etiam actum ipsius intellectus disponentis, & ordinantis de illis; sive quoad formationem atque creationem ipsarum rerum; sive quoad providentiam & ordinationem mediorum, quibus in finem dirigantur. Quæ quidem ordinatio divina ex parte creaturarum includit motus & operationes futuras ipsarum; potissimum verò in nobis (ut de aliis taceamus) operationes intellectus & voluntatis, sive elicitas, sive imperatas, cum omnibus circumstantiis suis; ex parte autem Dei gratiam & alia media accommodata ad consequendum finem, alibi explicanda. Quæ omnia Deus præscit atque providet. Quapropter decretum liberum voluntatis divinæ de productione hujus mundi & omnium creaturarum, ex quibus ipse compactus est atque concinnatus, includit ideam mundi, & omnium creaturarum illarum rationes exemplares seu ideas: quibus Deus seu formis intellectis res cognoscit & operatur accedente voluntatis determinatione, cui tribuitur primò operari efficienter & in exercitio; & mediantibus illis assimilat sibi Deus omnes res, quæ aliquo modo divinum esse participant. Subindeque, meo iudicio qualicunque, si completè sumatur illud decretum, & ut est causa adæquata efficiens & productiva creaturarum nihil aliud est quàm ipsamet ratio exemplaris seu idea ipsarum, ut habens annexam voluntatis determinationem decernentis efficaciter earum productionem; quo pacto habet completam atque perfectam ideæ rationem, & est ratio perfectè exemplaris

Art. XIII. An scient. Dei sit, &c. Cap. XII. § 41
& effectiva seu productiva rerum in exercitio,
ita ut à determinatione ipsius voluntatis divi-
næ habeat quod sit verè effectiva & producti-
va; ab intellectu verò quod sit repræsentativa,
& exemplativa, sicuti docet S. D. q. 1. de pot.
art. 5. ad 1. & q. 3. de verit. art. 3.

288.

Qua de causa D. Dionysius cap. 5. de divin.
nomin. ideas vocat ex Scriptura divinas & bo-
nas voluntates effectivas rerum: *Exemplaria*,
inquit, *esse dicimus in Deo existentium rationes*
substantialitas, & singulariter præexistentes, quas
Theologia prædefinitiones vocat, & divinas &
bonas voluntates existentium prædeterminativas &
effectivas, secundum quas substantialis essentia
omnia prædefinivit & produxit. Videtur alludere
D. Dionysius ad illud psalmi 110. *Magna opera*
Domini, exquisita in omnes voluntates ejus, ut
notat D. Thomas in eum locum Dionys. lect. 3.
Quoad ordinationem autem spectat, quâ Deus
res in finem per media congruentia ordinat,
etiam opus est ideâ; nam cum in omni opere
suo & effectu ad extra producto Deus sit agens
per intellectum & voluntatem, debet habere
apud se, seu in mente sua cujuslibet operis sui
rationes, sive ideas: tamen formaliter ratio-
nem & nomen ideæ non retinet, sed habet ra-
tionem specialem & nomen, & dicitur pro-
videntia quoad directionem in finem natura-
lem; & prædestinatio quoad ordinationem in
finem supernaturalem quemadmodum docet D.
Thom. quest. 5. de verit. art. 1. ad 1. & sup. cit.
cap. 5. D. Dionysii de divin. nom. ubi ait: *Hujus-*
modi rationes ideales Sancta Scriptura vocat præ-
definitiones sive prædestinationes, secundum illud
Rom. 8. Quos prædestinavit, hos & vocavit. Et
vocat

542 *Quaest. XIV. De Scientia Dei*,
vocat etiam eas divinas & bonas voluntates secundum illud psalmi, magna opera Domini exquisita in omnes voluntates ejus. Quae quidem praedestinationes & voluntates sunt distinctivae entium, & effectivae ipsorum.

289. Quibus verbis S. D. tria nomina ideis divinis seu formis illis exemplaribus attribuit. Vocat imprimis eas, bonas voluntates, quatenus sunt productivae rerum; istarum enim productio absolute voluntati tribuitur, ut docet D. Thom. in 1. dist. 38. *quaest. 1. art. 1.* Deinde eas appellat praedestinationes prout sunt practice praordinativae rerum in finem, quae correspondent ipsi providentiae generali. Quapropter istas respectu omnium entium constituit. Nam cum antea nominasset illas, etiam praedestinationes, concludit dicendo: *Quae quidem praedestinationes & voluntates sunt distinctivae entium, & effectivae ipsorum*, nullam factam mentionem de ipsa praedestinatione, quoniam haec non est respectu omnium sicuti providentia & voluntas, sive causando sive permittendo, sed respectu eorum quae in finem supernaturalem ordinantur.

290. Ejusmodi voluntatis decretum varie à Scriptura & Patribus appellatum invenitur. Et imprimis quidem Apostolus non semel illud nuncupat propositum, utpote in *Epist. ad Rom. c. 4.* dicens: *Credenti in eum, qui justificat impium, reputatum fides ejus ad justitiam secundum propositum gratiae Dei*; hoc est secundum liberum Dei decretum, mente statutum, atque intentionem Dei, quam ipse ab aeterno decrevit ac firmiter constituit, atque deliberavit, ex gratia sua salvare homines, sicuti notant communiter interpretes

Art. XIII. An scient. Dei sit, &c. Cap. XII. 543
 terpretes in eum locum. Et cap. 8. *Diligentibus Deum*, ait, *omnia cooperantur in bonum iis, qui secundum propositum vocati sunt Sancti*; id est, secundum æternum Dei decretum, beneplacitum, voluntariam & gratuitam Dei constitutionem, quâ proposuit, mente & animo firmiter statuit, ab æterno homines suâ bonitate & clementiâ per Christum vocare ad fidem, gratiam, & vitam æternam. In Græco enim legitur *κατὰ πρόθεσιν*, quæ quidem vox, *prothesis*, significat illud, quod quisque sibi faciendum animo proponit, atque mente constituit, seu decretum in quo acquiescit animus. Subindeque ibi significat Dei determinatam, ratamque voluntatem, sive sententiam & decretum prædestinationis, quo Deus id statuit, atque decrevit: quemadmodum sumitur ex D. Augustino *lib. de corrept. & gratia, cap. 7.* D. Hilario, & S. Prospero, nec non D. Anselmo in eum Apostoli locum, D. Thoma ibidem, & aliis Patribus frequentissimè illud divinum decretum nuncupantibus Dei propositum.

Notandum tamen ex D. Thom. *in 1. dist. 40. quæst. 1. art. 2. ad 2.* quòd hoc nomen, *propositum*, non significat absolute actum voluntatis determinantis se ad aliquid, sed eum qui cognitionem finis præsupponit. Quod equidem divinæ voluntatis decreto optimè congruit, quæ à sua bonitate apprehensa ceu fine ultimo movetur, & ex amore ipsius procedit, quòd intendat illam ad extrà communicare producendo creaturas, & illis productis providendo, quasdam etiam ipsarum ordinando specialiter in finem vitæ æternæ. Et quoniam in nobis ejusmodi voluntatis determinatio, quâ volun-

544 *Quaest. XIV. De Scientia Dei,*
tas libera electione ad aliquid se determinat,
sequitur consilium & inquisitionem rationis,
judiciumque practicum ipsius, inde fit, ut ab
eodem Apostolo etiam consilium nominetur,
ut videre est in *Epist. ad Ephes. cap. 1.* ubi de Deo
loquens, ait: *Qui operatur omnia secundum con-*
silium voluntatis suae; hoc est, certam ac deli-
beratam voluntatem, quemadmodum explicat
D. Thomas *ibid.* Nuncupatur etiam ejusmodi
decretum in S. Scriptura, definitio, seu potius
id quod à Deo de futuro eventu definitum est,
ut patet *Luca cap. 22.* ubi: *Filius hominis* (ait
Christus de seipso) *secundum quod definitum*
est, vadit. Et *Actor. cap. 2.* fit: *Hunc, scil. Iesum,*
definito consilio & praescientia Dei traditum per
manus iniquorum affligentes interemisti. Eodem
nomine utuntur etiam Patres, praesertim D.
Leo Papa *serm. 7. de pass. Domini.* D. Hilarius
& D. Prosper in *epist. ad August.* Cujus appel-
lationis ratio esse potest, quoniam sicuti defi-
nitio est terminus rei, ipsam totaliter inclu-
dens infra certos limites generis ac differentiae,
quæ sunt principia per quæ res est, & cognos-
citur, ut notat D. Thomas *lib. 5. Metaphys. lect.*
19. ita & decretum illud est veluti terminus in-
cludens totam rationem & esse futuri eventus,
vel rei, de qua decernitur, & continens prin-
cipia per quæ certò cognoscitur; itaut nihil
illius sit extra terminum illum. Appellatur
etiam à SS. PP. dispositio divina, præparatio,
& præordinatio, ut constabit §. *seq.* quoniam
par illud Deus res in finem ordinat, ut docet
D. Thomas *quaest. 6. de verit. art. 1. ad 8.* Tandem
à S. Prospero in *epist. ad August.* dicitur consti-
tutio. *Removeri aiunt omnem industriam, si*
Dei

Art. XIII. An sciēt. Dei sit, &c. Cap. XII. 545
Dei constitutio humanas præveniat voluntates. Re-
centiores Theologi frequentius utuntur no-
mine decreti, & determinationis divinæ vo-
luntatis.

§. 2.

Dari in Deo nedum decretum purè concomitans, sed
etiam prædefiniens, & prædeterminans.

QUANTUM ad decretum concomitans, quo 292.
decernit Deus simul cum creatura ad ef-
fectum concurrere in tempore producendum,
spectat, ab omnibus admittitur. De prædefi-
niente ergo, ac prædeterminante occurrit dif-
ficultas. Sed profectò utcunque loquendo, de-
creta prædefiniētia ac prædeterminativa, etiam
circa actus nostros liberos futuros, adniten-
da omninò esse, non posse negari videtur. Quo-
niam imprimùs Apostolus *ad ephes. cap. 4.* di-
vinas præfinitiones admittit, dicens: *Qui,*
Deus, omnia creavit ut innotescat Principatibus
ac potestatibus multiformis sapientia Dei secun-
dum præfinitionem sæculorum, quam fecit in Chri-
sto Iesu Domino nostro. In Græco, ut etiam su-
prà adnotavimus, ubi vulgata legit, *Secundum*
præfinitionem, habetur, *κατὰ πρόθεσιν*, quod
D. Hieronymus vertit, *secundum propositum*, à
sæculo vel ante sæcula factum. Q. D. secundum
decretum æternum, quo Deus decreverat, pro-
posuerat, præfiniverat, præordinaverat hoc
facere & exequi vocando ad se gentes, seu vo-
cando illas ad gratiam & salutem, ut expli-
cant Glossa, Ordinaria, Theophylactus, Chry-
sostomus, Lyranus, Cornelius à lapide, &
alii. D. Thomas ibi, *lect. 3.* exponit, Secundum

546 *Quæst. XIV. De Scientia Dei,*
 prædestinationem æternam, quam Pater in Fi-
 lio suo fecit, in quo elegit nos ante mundi
 constitutionem, ut essemus sancti. Ipse enim
 Filius est sapientia Patris. Nihil autem Deus
 definit, vel præordinat nisi per sapientiam. Et
 meritò quidem S. D. ita explicat, quoniam
 præfinitio ad vitam æternam est ipsamet præ-
 destinatio; sicut in ordine ad finem naturalem
 providentia dicitur.

293. Præterea *Actor. cap. 17.* dicitur: *Crediderunt*
quotquot erant præordinati ad vitam. Ubi idem
 est præordinatio ad vitam, ac prædefinitio,
 utpatet ex Glossa ordinaria *super cap. 3. ad*
Ephes. ubi exponens supracitata verba, *secun-*
dum præfinitionem, ita scribit: *Quæ enim in sui*
natura simplex est, secundum ea quæ aguntur in
seculo, quæ Deus prædefiniuit, id est, præordi-
navit, est multiformis, cum variatur multipli-
citer. Idem docet D. Anselmus, ibi, *præfinit,*
id est, præordinavit. Et D. Chrysostomus *ho-*
mil. 30. sic: *Crediderunt quotquot erant præordi-*
nati id est, præfiniti à Deo. Insuper idem S.
 Chrysostomus *Act. cap. 22.* ubi Apostolus Pau-
 lus referens conversionem suam, & quæ sibi
 dixerat Ananias à Deo amissus, ait: *Deus Pa-*
trum nostrorum præordinavit te: legit, præparavit
te. Quæ omnia æternam Dei prædefinitionem
 ac prædestinationem denotant, quemadmodum
 sumitur ex eodem D. Chrysostomo *homil. 7. in*
cap. 2. 1. ad Corinth. ubi explicans illa verba,
Quem prædestinavit Deus ante sæcula, ita scribit:
Prædestinavit, inquit, ut quam erga nos curam
habet, ostendat. Etenim illi maximè & honorare
& amare nos putantur, qui diu antea parati sunt,
ut nobis beneficiant, quemadmodum patres erga
filio.

Art. XIII. An scient. Dei sit, &c. Cap. XII: 547
filios solent, licet enim post dent illis pecunias ta-
men id animo decreverunt. Hoc Paulus in presen-
tia ostendere nititur. Hinc etiam D. Augustinus
lib. de bono persever. cap. 14. prædestinationem
vocat præparationem beneficiorum Dei, vel
præparationem gratiæ in præsentī & gloriæ in
futuro. Quoniam, ut notat D. Thomas in 1.
dist. 40. quæst. 1. art. 1. c. Deus ab æterno secun-
dum specialem quandam providentiam & præ-
definientem voluntatem proposuit aliquos præ-
destinare, & præordinavit, seu præparavit ra-
tionem ordinis eorum in finem.

Tandem Christus Luca cap. 22. de seipso lo-
quens, ait. *Filius quidem hominis secundum quod* 294
definitum est, vadit. Ad quæ verba alludens S.
Leo Papa serm. 3. de Epiphania, inquit: *Provi-*
dentia namque misericordie Dei dispositum habens
pereunti mundo in novissimis temporibus subvenire,
salvationem omnium gentium præfinivit in Christo.
Et serm. 13. de pass. Domini, sic: *Redemptio,*
inquit, *Salvatori destruens opus Diaboli, & rum-*
pens vincula peccati ita magna pietatis sue dispo-
suit hoc sacramentum, ut usque ad consummationem
quidem mundi præfinita generationum plenitudo de-
curreret.

Idem sumitur ex Concilio magno Ephesino 295
tomo 5. in defens. Cyrilli circa 4. anathematis.
Ubi legitur: *Sed sicut dudum dixi, Filius qui est*
ante sacula, in novissimis saculi temporibus in Fi-
lium prædefinitus esse dicitur. Et in epist. D. Cy-
rilli contra nestorium ab eodem concilio ap-
probata, *Qui prædestinatus est, inquit, Filius*
Dei, in virtute: Quem ante sacula Pater sibi
coæternum genuit, quorum pacto Filius Dei præ-
definitus est?

Idiplum ex SS. Patribus manifestè habetur. Inter quos primus se offert S. Clemens Romanus Pontifex, & B. Petri Successor ac discipulus, qui *lib. 3. Recog.* refert B. Petrum Apostolum tractatum quendam de divina prædefinitione edidisse contra Simonem magnum, qui providentiam prædefinitionemque Dei efficacem, tanquam humanæ libertati præjudicium afferentem rejiciebat. De quo videndus Mag. Lemos *tomo 1. Panop. tract. 3. cap. 4.* Easdem bonas Dei voluntates prædefinitivas ac prædeterminativas, atque rerum effectrices statuit D. Dionysius *cap. 5. de divin. nom.* Præterea S. Athanasius super illud ad Epes. cap. 2. *Quæ præparavit Deus &c.* ita scribit: *Sciens autem hoc præparavit Deus, quæ differri non potuerunt, nec pretermitti, quin peragantur, tanquam divinitus prædefinita.* Et in epist. ad Serap. inquit: *Impossibile erat secundum prædeterminationem divinitatis ut Ecclesia Domini invisibilem formam & incorpoream immediatè nudam susciperet.* Quorum verborum explicationem vide apud D. Thomam *opusc. 1. cap. 16.* easdem prædefinitiones divinas tradit in *Apolog. de fuga sæculi.* Insuper D. Chrysostomus *sup. epist. ad Ephef. homil. 1.* explicans illa Apostoli verba, *elegit nos, &c.* hæc scribit: *Sic divina ratione cuncta dispensata sunt ac prædefinita, idque per multam erga nos providentiam.* Item S. Leo Papa *serm. 1. de pass. Dom.* In salvandis, ait, *hominibus per crucem Christi communis erat voluntas Patris & Filii, commune consilium; nec ulla poterat ratione turbari, quod ante sæcula misericorditer erat dispositum, & incommutabiliter præfinitum.* Videndus idem S. D. & Pontifex *serm. 16. de pass.*

Art. XIII. Anſcient. Dei ſit, &c. Cap. XII. § 49
& epiſt. 4. ad Vniuerſos Episcopos per Siciliam
conſtit. atque in epiſt. ad Conſtantin. Imp. Appro-
bata in Sexta Generali Synodo. D. Hieronymus
etiam ſup. epiſt. ad Ephes. cap. 1. exponens illa
Apoſtoli verba, In chãritate prædeſtinans nos,
ita ſcribit: Ex quo inferendum: quod cum præde-
ſtinet nos ſive præſiniat Deus in adoptionem filio-
rum per Ieſum Chriſtum, tamen non ante filii eſſe
poſſumus, niſi filii ejus Ieſu Chriſti fidem & in-
telligentiam recipiamus. Et Theodoretus in illa
verba ad Rom. 8. Quos prædeſtinavit, &c. ita
habet: Prædeſtinatos autem & præſinitos. Et D.
Anſelmus ſup. cap. 9. ejusdem epiſt. ad illa ver-
ba, Ut propoſitum Dei maneret, hæc adiicit:
Ideo tunc dictum eſt, ut propoſitum, id eſt, præ-
ſinitio vel præordinationo Dei maneret, id eſt, com-
pleretur & rata conſtaret. Videndi etiam D. Proſ-
per epiſt. ad Ruſ. & lib. 2. de vocat. gent. cap. 34.
S. Fulgentius lib. 1. ad Moniac. & lib. 2. de
prædeſt.

In quibus S. Scripturæ, & S. S. Patrum te- 297.
 ſtimoniis hoc imprimis adnotandum occurrit,
 quòd pro eodem ſumantur & eidem deſignent
 prædeſinitio ſeu præſinitio atque prædeſtinatio,
 ſeu præſinire ac prædeſtinare. Et reipſa quidem
 verbum Græcum *προρίζω*, quo frequenter uti-
 tur Apoſtolus, ubi de prædeſtinatione illi ſer-
 mo eſt, etiam ſignificat præſinitio, prædetermi-
 no, ſicut & prædeſtino, ut videre eſt apud
 utriuſque linguæ peritos. Dein etiam ex hoc
 colligitur, quòd divinæ voluntatis decretum
 ſive propoſitum idem ſit quòd præſinitio ſeu
 prædeſinitio ac prædeterminatio divina. Qua-
 propter divinas rejicere prædeſinitiones, ac
 prædeterminationes, aut decreta prædeſinien-

tia ac prædeterminantia est non parvum asserre præjudicium divinæ prædestinationi, quam S. Scriptura tam apertè stabilit, ac Theologia universalis. Unde S. Dionysius Areop. cap. 5. de divin. nom. de his loquens ait, *Quas Theologia (hoc est, S. Scriptura) vocat prædefinitiones, & divinas, ac bonis voluntates existentium prædeterminativas & effectivas; secundum quas supersubstantialis essentia omnia prædefinivit & produxit.* Videndus S. D. ibid. cujus verba suprà num. 288. retulimus.

298. Hæc prædefinitiones seu decreta prædeterminantia, quæ non admittere non possunt Recentiores, ob tam manifestas S. Scripturæ, Conciliorum, & Patrum auctoritates, secundum varios sensus minimè consentaneos explicant, & admittunt, non autem in legitimo sensu. Quidam eorum asserunt, divinas quidem esse in Deo prædefinitiones ac prædeterminationes respectu operum creationis, vel eorum quæ Deus se solo producit, non autem respectu eorum, quæ etiam à nostra libera voluntate procedunt. Quo sensu dixit D. Damascenus lib. 2. fid. orthod. cap. 30. *Quòd omnia quidem præcognoscit Deus, non autem omnia prædeterminat, seu prædestinat,* loquens de his, quæ ex sola operatione divinæ virtutis procedunt, ut creatio, suscitatio Lazari, & conceptio Christi, & hujusmodi, quemadmodum explicat D. Thomas *quaest. 12. de verit. art. 10. c.* secundum quæ dicitur esse prophetia prædestinationis. Et ita specialiter intelligendum volunt S. Dionysium *cit. cap. 5. de divin. nom.* loquitur enim de ideis, secundum quas Deus omnia condidit, & produxit. Alii verò etiam admittunt

Art. XIII. An scient. Dei sit, &c. Cap. XII. § 51
 admittunt hujusmodi prædefinitiones respectu
 quorundam actuum moralium præcipuorum,
 non autem respectu omnium. Alii eas equidem
 respectu omnium operum, saltem bonorum,
 admittunt, sed aiunt ipsas non importare or-
 dinem causalitatis, sed durationis duntaxat, &
 qui est æternitatis ad tempus, nam prædefini-
 tio divina est æterna, & opera illa in tempore
 producuntur. Ita Mastrius in 1. disp. 4. quest. 2.
 art. 2. num. 40. & alii Recentiores. Alii autem
 omnino ejusmodi prædefinitiones respectu
 actuum nostræ voluntatis, qui mali sunt, reji-
 ciunt. Alii denique eas admittunt, sed post
 mediam illam scientiam sive præscientiam fu-
 turi consensus humani exploratricem, & hoc
 respectu bonorum operum. Ita P. Vasquez hic
 quest. 22. disp. c. P. Suarez lib. 1. opuscul.
 cap. 15. lib. 2. cap. 3. & 7. atque alii Recentiores
 Societatis communiter. Quorum opiniones
 sequent. § §. rejiciendæ atque repellendæ ve-
 niunt.

Prius tamen observandum velim quàm in- 299.
 consideratè P. Molina 1. p. q. 14. art. 13. disp. 18.
 n. 2. effutiverit, *Prædefinitiones, quales ab his
 confinguntur, nec in Scripturis Sacris, aut tra-
 ditionibus, neque in Conciliis aut S S. Patribus
 fundamentum ullum habere, quin potius arbitrii
 libertatem manifestè evertere, Scripturis, Eccle-
 siæque definitionibus repugnare, cum tot & tam
 expressa habeantur de hac re testimonia, ut ex
 suprâ allatis constat. Quibus easdem divinæ
 voluntatis prædefinitiones stabiliri ostendemus
 infrâ cum eis quas Thomistæ magno jure sta-
 tuunt & tuentur. Sed minus tolerādus P. Mariana
 lib. 2. de morte & immortalit. cap. 13. dicens:*
Quidquid

552 *Quæst. XIV. De Scientia Dei,*
Quidquid electuri sumus vidit Deus intuitu in-
terno: vidit, inquam, non sanxit, prædixit non
definiuit, ut fierent. Nam si mors Christi, quam
 ipse liberè elegit & passus est, expressissimè à
 SS. Scripturis & Patribus definita ab æterno,
 & incommutabiliter præfinita constituitur, cur
 non & ea quæ electuri sumus absque nostræ li-
 bertatis præjudicio erunt à divina voluntate
 præfinita? Sed de his infra.

§. 3.

Quòd divine prædissinitiones nedum important an-
tecessionem durationis respectu eorum quæ à Deo
præfinitur, sed etiam causalitatis.

300. **D**ivinas præfinitiones, sèu prædissinitiones
 atque prædeterminationes quandam ante-
 cessionem ad futurum eventum importare ex
 ipsa nominis notione constat. Nam particula
 illa, *præ*, quæ sonat idem atqui *ante*, vel, *prius*,
 respectum aliquem ad futurum dicit, ut docet
 D. Thomas quæst. 6. de verit. art. 1. *Hæc præ-*
positio præ, ait, *quæ adjungitur, importat or-*
dinem ad futurum. Quod autem importent etiam
 ordinem causalitatis respectu eorum, quæ à Deo
 præfinitur, & non solum puram concomitan-
 tiam in operando simul cum creata voluntate
 quoad actus liberos, demonstrandum in præ-
 sentia venit.

301. Prob. imprimis ex illo Apostoli ad Ephes. c. 1.
Qui operatur omnia secundum consilium voluntatis
sue. Quibus verbis Apostolus ut notat D. Tho-
 mas ibi lect. 4. probat quòd Deus nos secun-
 dum propositum voluntatis suæ prædestinave-
 rit, ut præmiserat, quoniam omnia, secun-
 dum

Art. III. An scient. Dei sit, &c. Cap. XII. 553
dum consilium voluntatis suæ operatur. Quod
autem, inquit D. Thomas, secundum propo-
situm prædestinaverit, probat: quia non solum hoc,
sed etiam omnia alia, quæ Deus facit, operatur
secundum consilium voluntatis suæ. Psal. 134. Om-
nia quacumque voluit Dominus, fecit. Esaia 46.
Consilium meum stabit, & omnis voluntas mea
fiet. Unde sensus horum verborum est, quod
Deus omnia quæcunque efficit, operatur secun-
dum æternam divinæ suæ voluntatis dispositio-
nem, decretum, propositum, beneplacitum,
hoc est, primatiam voluntatem, ut exponit
Chrysostomus, seu voluntatem certam, deli-
beratam & ex ratione agentem, non temerè,
quemadmodum explicant Glossa Interlinearis,
& D. Thomas ibidem. Non dicit, inquit,
secundum voluntatem, ne credas quod sit irratio-
nabilis, sed secundum consilium voluntatis suæ,
id est, secundum voluntatem suam: certam &
deliberatam. Patet autem quod æterna illa Dei
dispositio, propositum, ac beneplacitum, vel
aliud est quàm æterna prædefinitio, & præor-
dinatio: ergo hæc ordinem causalitatis ad fu-
turos eventus importat. Minor patet ex dictis
§. 3. & ampliùs manifestatur advertendo, quod
in eo capite Apostolus æternam illam disposi-
tionem tribus compellat nominibus. Primò
eam vocat *νοοκλία* v. 5. & 9. quod vertit Lati-
nus interpres, propositum ac beneplacitum,
propositum quidem v. 5. & beneplacitum v. 9.
secundò eam nominat *πρόθεσις* v. 11. hoc est,
propositum, & ibidem nuncupat *βωλῶν*, id est,
consilium voluntatis, seu voluntatem certam
& deliberatam, qua incommutabiliter vult
aliquid, quæ quidem voluntas est voluntas præ-
definitiva,

554 *Quest. XIV. De Scientia Dei*,
 definiens, ut ex D. Leone Papa supra §. 3. ci-
 tato patet: & Theodoretus in dictum cap. 1. ad
 Ephes. *Ab initio*, inquit, *ante constitutionem*
mundi, quæ ad nos pertinebant, præcivit & præ-
finiit. Dicit autem quòd *omnia* operatur secun-
 dùm illud decretum: ergo & futurum consen-
 sum, seu bonum usum liberi arbitrii, quem-
 admodum ex SS. PP. Augustino & Ambrosio
 exponit Glossa Ordinaria ibidem dicens: *Om-*
nia operatur; Augustinus, Ambrosius, etiam
vult.

302. Deinde prob. ex SS. PP. & imprimis quidem
 ex D. Dionysio Arcop. cap. 5. de divin. nom.
 sæpius citato ubi ait: *Exemplaria autem esse*
dicimus in Deo existent rationes substantificas &
singulariter præexistentes, quas Theologia præde-
finitiones vocat, & divinas & bonas voluntates
existentium prædeterminativas, & effectivas, se-
cundùm quas supersubstantialis essentia omnia præ-
definiit & produxit. Respondet Mastrius hanc
 auctoritatem non esse ad rem, quoniam per
 hæc prædefinitiones intelligit S. Dionysius
 ideas omnium rerum quæ fiunt ad extrà, non
 autem decreta libera.

303. Contra: licet exemplaria idea significant re-
 rum quæ primò producuntur, tamen non eas
 solas, sed etiam dispositionem earum in fi-
 nem, quam dicimus providentiam atque præ-
 destinationem probatur: nam ut egregiè ob-
 servavit D. Thomas quæst. 5. de verit. art. 1.
 ad 1. *In re creata duo possunt considerari, scil. ipsæ*
species ejus absolutè & ordo ejus ad finem, &
utriusque forma præcessit in Deo. Forma ergo exem-
plaris rei secundùm suam speciem absolutè est idea:
sed forma rei secundùm quod est ordinata in finem
est

Art. XIII. An sciēt. Dei sit, &c. Cap. XII. 555
est providentia, & de hujusmodi exemplaribus
loquitur S. Dionysius eo in cap. 5. sed ut est
providentia & prædestinatio est quædam præ-
definitio & præordinatio in finem, seu decre-
tum prædefinienti ac prædeterminanti: ergo D.
Dionysius etiam de decretis liberis sermonem
facit, cum de prædefinitionibus istis loquitur,
secundum quas Deus omnia prædefinivit &
produxit. Minor ex dictis §. 3. constat. Major
verò prob. 1. nam de his exemplaribus asserit
imprimis S. Dionysius, quod Theologia vo-
cat eas prædefinitiones, quod exponens D.
Thomas ait: S. Scriptura vocat prædefinitiones
sive prædestinationes secundum illud Rom. 8. Quos
prædestinavit hos & vocavit. Prædestinatio au-
tem respicit transmissionem creaturæ rationa-
lis in finem vitæ æternæ. Secundò ait appella-
ri eas. Divinas ac bonas voluntates ab eadem S.
Scriptura, alludens ad illud psalmi 110. Magna
opera Domini exquisita in omnes voluntates ejus:
Ubi per voluntates non sola voluntas produ-
cendi, sive creandi res ipsas, sed tota illa or-
dinatio creaturæ in Deum, præsertim verò crea-
turæ intellectus in finem supernaturalem vi-
tæ æternæ intelligenda venit. Unde S. Augu-
stinus ibidem, Magna, inquit, opera Domini
exquisita in omnes voluntates ejus, per quas nul-
lum consistentem deserit misericordia, nullius est
iniquitas impunita: eligat sibi homo quodlibet. Non
sic constituta sunt opera Domini, ut creatura in
libero arbitrio constituta creatoris superet volunta-
tem, etiam si contra ejus faciat voluntatem. Non
vult Deus ut pecces, nam prohibet, tamen si pec-
caveris, non putes hominem fecisse quod voluit,
& Deo accidisse quod noluit: sicut enim vult ut
homo

556 *Quaest. XIV. De Scientia Dei,*
homo non peccet, ita vult peccanti parcere ut re-
vertatur & vivat: ita vult postremo perseveran-
tem in peccato punire, ut justitia potentiam con-
tumax non evadat. Ita quidquid eligeris, omni-
potenti Deo non deerit, unde suam de te compleat
voluntatem. Magna enim opera Domini, exqui-
sita in omnes voluntates. En quomodo D. Au-
gustinus totam illam ordinationem creaturæ in
vitam æternam, vel casum ab ea, ad ejusmo-
di bonas voluntates rerum effectivas reducit.
Et in psal. 5. bonum Dei voluntatem nuncu-
pat illam, qua præcedit voluntatem nostram, ut
peccatores vocet ad pœnitentiam. Et psal. 72. In
voluntate tua deduxisti me. Quid est, inquit:
in voluntate tua? Non meis meritis. Quid est in
voluntate tua? Gratia Dei sum id quod sum.
Favet & Apostolus ad Philippens. cap. 2. dum
ait: Deus est enim qui operatur in vobis & velle
& perficere pro bona voluntate. Quem locum
explicans idem S. D. lib. de prædest. & grat.
cap. 11. ita loquitur: Ab ipso enim habemus vel-
le, quia vocat & illuminat: ab eo perficere, quo-
niam ad nos pertinet conari bona, que ipse dona-
vit. Quia ab ipso habemus velle perficere, addi-
tum est, pro bona voluntate. Tandem D. Damas-
cenus lib. 2. fidei Orthod. c. 29. Dei providentiam
appellat Dei voluntatem.

304. His accedit, quod SS. PP. ut vidimus §. 3.
 nomen prædefinitionis frequentius accommo-
 dant dispensationi & gubernationi rerum, atque
 præordinationi operationum quæ in tempore
 geri debent, ut pote Christi passionis, mor-
 tisque, & redemptionis generi humani, se-
 quuti modum loquendi Scripturarum. Cùm
 ergo S. Dionysius asserat ejusmodi exemplaria
 rerum

Art. XIII. An scient. Deifit, &c. Cap. XII. 557
rerum effectiva à Divinis Scripturis appellari
prædefinitiones, etiam de exemplaribus illis
debet ipsi sermo esse, secundum quæ Deus re-
bus omnibus providet, eas in finem dirigen-
do, & non solum de ideis ut sunt species re-
rum. Nam cum Deus sit agens per intellectum
& voluntatem, & ad opera sua comparetur si-
cuti artifex ad artificata, necessum est quo-
runcunque operum quæ producit, habeat apud
se exemplares rationes, nedum respectu operum
creationis, sed & administrationis rerum &
operationum creaturæ, omne enim agens per
intellectum & voluntatem habet rationem
operis faciendi apud se, & providentia est quæ-
dam ratio practica eorum quæ sunt ad finem:
ergo de utriusque exemplaribus intelligi debet
S. Dionysius, & sicuti prima exemplaria sunt
effectrices rerum rationes, ita & secunda, per
quæ rebus providet, & in suos fines dirigit.

Præterea D. Augustinus lib. Soliloq. animæ 305.
cap. 25. & 26. *Non est enim hominis, ait, velle
quod possit, aut posse quod velit, vel scire quod
velit & possit: sed potius à te gressus hominis di-
riguntur, illorum, inquam, qui non à se, sed à
te dirigi se confitentur. Obsecramus itaque per vis-
cera misericordie tue velis Domine salvare quod
creasti: quoniam si vis, potes nos salvare, & in
tua voluntate virtus est nostra salutis. Recordare
misericordie tue antiquæ, qua nos à principio in
benedictionibus dulcedinis tue prævenisti. Ante-
quam enim nascerer ego filius ancilla tue tu me
prævenisti præparans mihi semitas quibus incede-
rem & venirem ad gloriam domus tue: priusquam
me formares in utero novisti me; & antequam
exirem de vulva quidquid tibi placuit præordinasti*
de

558 *Quaest. XIV. De Scientia Dei,*
de me. Hoc est, prædefinisti, idem enim sonat
præordinare atque prædefinire, ut vidimus su-
pra §. 3. & designat præfinitionem voluntatis
divinæ, qua præordinat quidquid sibi placitum
est de nobis, & in ejusmodi voluntate virtutem
nostræ salutis esse ait Augustinus: ergo ejus-
modi prædefinitio atque præordinatio causali-
tatis ordinem importat respectu operationum
liberarum nostræ voluntatis.

306. Accedit his D. Gregorius Magnus lib. 12. Mo-
ral. cap. 2. ubi explicans illa Jobi verba, *Con-*
stituiisti terminos ejus, qui præteriri non poterunt,
ita scribit: *Nulla qua in hoc mundo hominibus*
fiunt absque omnipotentis Dei occulto consilio ve-
niunt. Nam cuncta Deus secutura præsciens ante
secula decrevit, qualiter per secula disponantur.
Consilium autem Dei ibi sonat æternam Dei
dispositionem, & præordinationem de rebus,
ut notat D. Thomas *quaest. 12. de verit. art. 11. ad 2.*
quæ quidem præordinatio divinæ voluntatis
causalitatis ordinem ad futurum eventum im-
portat; cum sit practica mitto aliorum Patrum
testimonia infra adducenda.

307. Tertiò prob. ratione supra insinuata; Deus
operatur omnia secundum consilium volunta-
tis suæ, & ut agens ex proposito seu per in-
tellectum & voluntatem, etiam velle nostrum,
& quamlibet operationem nostram liberam:
sed omne agens per intellectum habet ratio-
nem exemplarem ac prædefinitivam operis sui
apud se, per quam producit opus, ut patet in
artifice creato: ergo Deus habet prædefinitio-
nem ac præordinationem æternam cujuslibet
operis in tempore faciendi, etiam operationum
nostrarum liberarum, effectricem ipsarum,
quatenus

Art. XIII. An scient. Dei sit, &c. Cap. XII. § 59
quatenus habet adjunctam determinationem
divinæ voluntatis id decernentis efficaciter.
Major patet ex cit. loco Apostoli ad Philipp. 2.
c. *Deus enim est, inquit, qui operatur in vobis*
& velle & perficere pro bona voluntate sua. Minor
etiam est evidens & probabitur infra 9.15. præ-
sertim art. 1.

Conf. 1. ad omnia se extendit divinum de-
cretum, seu prædefinitio æterna divinæ volun-
tatis, ad quæ se extendit ejus causalitas: sed ex
vi subordinationis essentialis secundæ causæ ad
primam divina causalitas se extendit ad omnes
actus liberos, etiam in particulari: ergo etiam
ad illos se extendit divinum decretum prædefi-
niens, seu divina præordinatio. Major patet,
quia nihil Deus in tempore efficit, quod non
velit efficere, nec in tempore potest velle ali-
quid de novo producere, quodd ab æterno non
voluerit, aut decreverit, atque prædefinierit
operari, cum voluntas ejus non sit mutabilis.
Minor verò prob. ex citato loco Apostoli, &
præterea, quia sicuti in essendo creatura liber-
tate donata subordinatur Deo, ita & in ope-
rando & volendo, sed Deo subordinatur in
essendo, quoniam ab eo participat esse: ergo
participat & operari, aliàs per essentiam esset
operans, ut infra amplius demonstrabitur. Unde
S. Fulgentius lib. de incarn. & grat. Jesu Christi
cap. 29. ait: *Scriptura divina commendans omni-*
potentiam voluntatis, omnia, inquit, quacunque
voluit, fecit in cælo & in terra, in mari & in om-
nibus abyssis. Quomodo igitur omnia quæ vult fa-
cit, si volens hominem salvum fieri, cujus salus
nonnisi à bona incipit voluntate, ipsum velle non
in homine Deus inchoat, sed ut ab homine nascatur,

308.

560 *Quæst. XIV. De Scientia Dei,*
expectat? O quàm pessimum nefas asseritur, dum
gratia Dei contumaciter repugnatur. Homines ope-
re Dei se in bonum mutari negant, qui homines non
essent, nisi bonitate Dei operantis existerent. Ita
ne rerum ordo cordi mutari permittitur, ut Deus
qui creator est hominis valeat hominem facere non
mutare: & qui nullius eget adjutorio ut hominem
faciat, operari tamen quod vult in hominis volun-
tate non possit priusquam in homine ipsum velle
repererit?

309. Conf. 2. Deus habet perfectam providen-
 tiam de operationibus humanis; sed providen-
 tia necessariò includit voluntatem decernen-
 tem de futuro eventu, & præfinitionem seu
 præordinationem practicam ordinantem futu-
 ros eventus in finem secundùm omnia quæ in
 ipsis sunt, quare D. Irenæus lib. 2. adv. hæres.
 cap. 45. dixit *Per Dei providentiam unumquod-*
que eorum quæ facta sunt, & quæ fiunt, & fient,
à Deo ordinem numerum, & quantitatem accipe-
re & accipisse propriam: ergo etiam respectu
 operationum humanarum habet Deus decre-
 tum & præfinitionem, qua de illis practicè
 ordinat; quinimo si illam non haberet præter
 voluntatem illius ipsæ fierent. Unde S. Augu-
 stinus in Enchirid. cap. 95. de infallibili ordi-
 natione divinæ providentiæ verba faciens ait:
Non ergo fit aliquid nisi omnipotens fieri velit, vel
sinendo ut fiat, vel ipse faciendo: peccata qui-
 dem sinendo seu permittendo, faciendo verò
 operationes justas & bonas.

310. Ex quibus improbata manet eorum sententia
 supra adducta, qui asserunt divinas prædefini-
 tiones esse in Deo admittendas respectu dunta-
 xat operationum creationis, vel eorum quæ
 Deus

Deus se solo producit, non autem respectu operum, quæ etiam à nostra libera voluntate procedunt. Neque enim alia ratione respectu ejusmodi operum divinæ voluntatis prædefinitiones eorum effectrices & productivæ constituuntur, nisi quia est agens ex proposito seu per intellectum & voluntatem, cujus proprium est præconcipere & in mente intelligibiliter habere exemplar operis faciendi; Deus autem omnia operatur secundum consilium voluntatis suæ, ergo secundum præfinitionem & præordinationem ipsius, etiam operationes humanas.

Similiter improbata & confutata manet opinio illorum, qui illas admittunt respectu quorundam operum moralium præcipuorum duntaxat. Et præterea refellitur, nam ideo præfinitiones, ut aiunt, Thomisticas, ac decreta prædeterminantia rejiciunt, quia auferunt libertatem: sed illa præcipua opera moralia, ut talia, non sunt absque libertate: ergo vel respectu horum non erunt admittenda; vel respectu omnium operum quæ à libera hominis voluntate procedunt, admittenda erunt, cum libertatem non lædant, & ex alio capite omnipotentissimam divinæ voluntatis virtutem atque efficaciam maximè demonstrent. Impugnata etiam manet opinio asserens illas non importare ordinem causalitatis ad futurum eventum sed durationis tantum. Superest modò ut ostendamus antecessionem illam dicere ordinem causalitatis antecedentem usum & cooperationem nostræ libertatis, & non esse purè concomitantia, vel expectantia illum ut Deus decernat de futuro eventu præeunte conditionatâ illâ præscientiâ exploratrice humanæ voluntatis.

311.

Quòd prædefinitio, sive decretum prædefiniens divine voluntatis non importet solam concomitantiam in causando, sed prævium, & antecedentem usum & liberam cooperationem voluntatis creatæ,

312. **Q**UAMVIS Recentiores Scotistæ, inter quos Mastrius in 1. disp. 4. quæst. 2. art. 1. admittant divinas præfinitiones etiam respectu actuû moraliter bonorum liberæ voluntatis creatæ ad salvandam essentialem subordinationem causæ secundæ ad primam, existimantes divinum decretum prædefiniens ad ea omnia se extendere, ad quæ se divina extendit causalitas, tamen satis inconsequenter loquentes docent, præfinitiones hujusmodi nec esse omnino antecedentes usum nostræ libertatis, nec omnino illum consequentes (quasi præsupponentes præscientiam ac prævisionem ipsius sub conditione futuri) sed purè concomitantes virtualiter nostræ libertatis usum involventes, hoc est, ratione virtualis continentiæ voluntatis creatæ in divina ut in primo libero. Ratione etenim hujusmodi continentiæ virtualis voluntas divina habet, ut coincidere ab æterno in eandem omnino determinationem, in quam creata voluntas in tempore incidet. Et quoniam illa virtualis continentia omnem præscientiam ac prævisionem futuri eventus præcedit, idcirco aiunt, decretum illud purè concomitans præscientiam illam conditionatam futuri eventus minimè præsupponere antecedentem divinæ voluntatis decretum. In quo à Patribus Societatis

Art. XIII. An sciēt. Dei sit, &c. Cap. XII. 563
cietatis discriminantur admittentibus illam.

Pro omni tollenda ambiguitate, quæ in hac concursus concomitantia reperiri potest, advertendum occurrit, quòd divini decreti causalitas dupliciter considerari potest; primò quidem respectu effectus producendi à voluntate creata, vel qualibet alia causa secunda, & hoc pacto non dicitur antecedens voluntatem creatam in operando sed concomitans; non enim Deus prius causat effectum quam voluntas creata, sed cum ipsa voluntate creata ipsi Deo cooperanti, & veluti comitem in operando se exhibenti illum producit; subindeque decretum illud, quo Deus prædefinit operationem causæ secundæ seu decernit concurrere cum ipsa ad producendum effectum illius, concomitans est. Sed quoniam voluntas creata non potest actu exire in actum secundum sive operationem nisi sit actu applicata & determinata ad agendum (quoniam à causa existente in potentia non emanat actualis operatio nisi reducat in actum, & à causa ad utrumlibet se habente non exit actu determinatus effectus, ut ipsa voluntas creata simul cum Deo concurrat ad productionem determinati effectus, requiritur alterius determinatio voluntatis creatæ, & exitus de potentia in actum, seu applicatio virtutis illius ad operandum; quam fieri dicimus per virtutem Dei efficaciter volentis ut voluntas creata velit, seu operantem in ipsa ipsum velle, inquantum illum applicat, determinatque actu ad volendum. Unde voluntas simul cum Deo operans effectum, ad quem producendum ab eo mota, determinata, & applicata fuit, dicitur agere in virtute ipsius Dei; sicut calor

ipse naturalis in virtute animæ operari dicitur, quia virtus animæ facit ut calor naturalis in actum suum exeat, & operetur effectum v.g. producendo carnes, quod non habet inquantum calor, sed ut agens in virtute animæ, ut sumitur ex D. Thoma *quest. de unione verbi art. 5. ad 5. & 1. p. 9. 36. art. 3. ad 4.* Operatur enim voluntas inquantum est actu, est autem actu per participationem ipsius esse divini, quod est Dei proprius effectus. Quapropter illud decretum, quo Deus ab æterno decrevit cum causa secunda concurrere, est equidem concomitans habito respectu ad effectum producendum à causa secunda; sed non purè concomitans, sed etiam prædefiniens ac prædeterminans quoniam præconstituit Deus movere voluntatem creatam ut velit, & operetur, ipsaque in virtute Dei moventis agit & vult. Et hoc pacto decretum in Deo concomitans à Thomistis admittitur: sicuti & concursus simultaneus, quo Deus in tēpore simul cum voluntate creata operatur effectum; qui quidem concursus simultaneus est ipsamet creaturæ operatio ut procedit à voluntate creata, non absolute, sed ut mota & applicata à Deo ad agendum, ratione cuius dicitur in virtute Dei operari. Quemadmodum probavimus & explicuimus *opuscul. de primo motore c. 2. à n. 28.*

314. Secundò potest intelligi concomitantia respectu liberæ determinationis voluntatis creatæ ad operandum, in aut determinatio liberæ voluntatis creatæ non se habeat in ratione effectus respectu Dei agentis, neque decretum efficax divinæ voluntatis in ratione causæ causantis illam; sed ipsæ voluntates divina & creata

Art. XIII. An sciēt. Dei sit. &c. Cap. XII. § 6
 creata simul se condeterminent liberè & propria
 virtute ad operandum, & producendum effe-
 ctum. Et hunc modum concomitantia admittit
 Mastrius *in 1. disp. 3. quæst. 3. art. 8. & disp. 4. q. 2.*
art. 1. cum aliis quibusdam Recentioribus Sco-
 tistis ab eo relatis: negat tamen prævideri à Deo
 per scientiam illam mediam, sive præscientiam
 conditionatam in quam partem se inflexura sit
 creata voluntas, ad hoc ut decernat Deus effi-
 caciter cum illa concurrere. Sed jure merito
 hanc decretorum concomitantiam Sghemma
 Recentior Scotista *in Physica quæst. 4. de fato*,
 irrationabilem omnino reputat, & à Scoto nec
 quidem somniatam, quod & ex dicendis con-
 stabit.

Dicendum est itaque quod decretum efficax 315
 divinæ voluntatis, seu divina prædefinitio non
 dicit puram concomitantiam in operando, vel
 determinando se ad operandum in ordine ad
 effectum, sed etiam importat ordinem causali-
 tatis in ordine ad ipsam determinationem li-
 beram creatæ voluntatis, quam in tempore
 causat. Prob. imprimis auctoritatibus & ratio-
 nibus adductis in superiori §. 3. præsertim au-
 thoritate illa Apostoli ad Ephes. c. 1. *Qui, scil.*
Deus, operatur omnia secundum consilium volun-
tatis sue, hoc est, secundum æternum decretum,
 æternamque illam dispositionem, ac præordi-
 nationem seu propositum divinæ voluntatis.

Respondet Mastrius *d. disp. 4. num. 40.* Deum 316
 dici omnia operari secundum consilium volun-
 tatis non quia omnia se solo decernat, quæ à
 nostra pendent libertate, nulla prorsus habita
 ratione de nostra futura deliberatione; nam
 talis decernendi modus repugnaret legi gene-

rali jam statutæ, quo vult causas secundas suos agere motus, & earum modo agendi se se accommodare in decernendis effectibus ab ea futuris: sed dicitur operari secundum consilium voluntatis suæ, id est, per voluntatem rationabilem, seu rationabiliter & non temerè agentem, ut ibi exponunt SS. Hieronymus & Anselmus. Dicitur autem sic agere, quando causas liberas administrat modo earum libertati consentaneo, decernendo nempe actus liberos ab eis futuros aliquo modo dependenter ab earum libertate, non autem prorsus antecedenter ad eam nulla penitus habitâ ratione de earum futura deliberatione; sic enim non diceretur agere rationabiliter, & providè, sed potius temerè & absque consilio.

317. Sed hoc merum effugium est. Nulli dubium est aut esse potest, quod cum decretum illud prædefinies respiciat nedum voluntatem creatam operaturam, sed & modum operandi illius, quòd habeatur in eo ratio de futura nostra libera determinatione & cooperatione; non enim Deus se solo illum effectum producere decernit, sed unà cum homine, cui dat etiam agere motus suos, sed difficultas, an voluntas Dei sic decernendo faciat ut velit voluntas creata, & moveat eam ad operandum servando illi modum libertatis suæ, & sinendo illam agere motus suos. Quod autem ita faciat Deus dicimus illo Apostoli testimonio etiam convinci: nam velle creaturæ & determinatio illius ad operandum est aliquid, per illud enim est in actu agendi, cum priùs esset in potentia: sed Apostolus ait, quod Deus operetur omnia secundum consilium voluntatis suæ: ergo Deus operatur etiam ipsum

Art. XIII. An scient. Dei sit, &c. Cap. XII. § 67
 ipsum velle, quod non potest esse nisi determi-
 nando voluntatem, & applicando illam ad
 operandum, seu faciendo velle: sicut artifex
 dicitur facere ut instrumentum operetur, in-
 quantum applicat illud ad operandum. Unde
 consentaneè Glossa ordinaria, ut diximus, ex
 SS. Augustino & Ambrosio Glossat: *Omnia ope-*
ratur: Augustinus & Ambrosius, etiam velle.
 Innumera loca possemus ex D. Augustino ad-
 ducere ad hoc probandum, quorum non nul-
 la supra §. 3. adduximus, & infra alia in me-
 dium producemus, sufficiat in præsentia illud
 ex lib. Enchirid. cap. 95. ubi ait: *Non ergo fit*
aliquid nisi omnipotens velit, vel sinendo ut fiat,
vel faciendo: sed determinatio voluntatis ad
 operandum, seu ipsum velle actu est aliquid:
 ergo Deus facit quod velimus, dum bona ope-
 ramur: sed nihil operatur in tempore quod ab
 æterno efficaciter non decreverit: ergo decre-
 tum æternum etiam dicit ordinem causalitatis
 ad nostrum velle decernendo efficaciter facere
 in tempore ut velimus: ergo non est decretum
 purè concomitans, sed etiam verè prædesi-
 niens ac prædeterminans ut admittitur à Tho-
 mistis.

Deinde prb. ex ipsismet fundamentis ex ra-
 tionibus quibus *dicta disp. 4. quest. 2. art. 1.* uti-
 tur Mastrius ad probandum omnes humanæ
 voluntatis actus moraliter bonos vel indiffe-
 rentes, quantumcunque liberos, esse à Deo
 ab æterno absolutè præfinitos præfinitione ef-
 ficaci & absoluta. Ut ipse Mastrius fatetur si-
 cuti in essendo ita & in operando inter volun-
 tatem divinam & creatam debet salvari essen-
 tialis subordinatio: sed essentialis subordina-
 tio

tio in operando salvari nequit per solam illam concomitantiam decretorum vel concursus simultanei ut talis, sed debet voluntas creata agere ut mota & applicata ad operandum à voluntate divina: ergo decretum prædefiniens divinæ voluntatis debet esse antecedens liberam determinationem, & usum sive consensum voluntatis creatæ ad operandum, ut causa talis determinationis. Minor prob. primò ab eo habet causa secunda subordinari essentialiter causæ primæ, à quo habet quod sit causa secunda: sed non habet in actu secundo quod sit causa secunda per hoc quod simul cum Deo se con-determinet ad operandum, vel per puram concomitantiam illam decretorum, aut purum concursum simultaneum operationum: ergo essentialis Subordinatio in operando per nudam & puram concomitantiam illam decretorum vel cooperationis in agendo salvari nequit. Major patet, nam secundum importat ordinem posterioris ad primum ceu prius, quod est ei subordinari: unde sicuti ens secundum & per participationem enti primo subordinatur in quantum tales, ita & causa secunda in agendo, quatenus secunda est, in operando. Minor verò prob. causa secunda non habet esse causa secunda in essendo, vel in virrute & actu primo, nisi per hoc quod Deus dat illi esse & virtutem ad operandum, itaut esse & virtus illa se habeant ut effectus causalitatis divinæ tam in genere causæ efficientis, quàm exemplaris, & finalis: ergo similiter non habet quod sit causa secunda actu operans, & in sua operatione actu essentialiter subordinata primæ causæ & operationi ejus, nisi per hoc quod causa
prima

Art. XIII. An sciēt. Dei sit, &c. Cap. XII. § 69
prima efficit in eo ipsum operari, seu facit illam
esse causam secundam actu operantem : sed non
facit illam esse actu operantem nisi per hoc
quod illam reducit de potentiā & virtute ad
actum agendi, sicuti non facit illam esse actu
nisi inquantum facit illam de non ente, seu
ente possibili esse actu ens : ergo cum hoc fiat
per antecedentem determinationem, & con-
cursum prævium ad operandum subordinatio
essentialis hanc antecedentem determinatio-
nem necessariò exigit ad operandum, & non
sufficit sola concomitantia. Minor etiam pa-
tet in artifice, qui per id facit instrumentum
esse in actu secundo operans, & concurrrens ad
producendum effectum, quòd actu applicat
illud ad operandum, sicuti securim v.g. ad scin-
dendum.

Secundò prob. eadem minor, & ampliùs 319.
declaratur præcedens ratio : Ordo & subordi-
natio inter duo necessariò importat rationem
aliquam prioris ac posterioris inter illa, in eo
genere in quo est subordinatio, ut probat D.
Thomas 2.2. *quest. 26. art. 1. c.* ex Philosopho *lib.*
5. Metaph. tex. 16. Sed per concomitantiam
illam decretorum, vel concursus purè simul-
tanei inter causam primam & secundam nullus
salvatur ordo prioris & posterioris in ratio-
ne causæ actu operantis, neque una habet
rationem primæ, altera secundæ : ergo non
salvatur essentialis subordinatio. Minor prob.
neutra illarum est prior ordine causalitatis nec
una se habet in ratione principii respectu al-
terius actu operantis, cum non moveat illam
actu, determinet, aut applicet ad operandum;
sicuti cum duo simul trabem portant, quia unus
ad

ad portandum non movetur & applicatur ab alio, non est principium operationis in illo, nec est una causa prima, & altera causa secunda alteri comparata, quia unus non facit ut alter trahat: bene verò artifex respectu instrumenti dicitur causa prior & principium operandi respectu ejus, quoniam movet & applicat instrumentum ad actum operandum; ergo per concomitantiam illam putam decretorum, vel concursus purè simultanei nullatenus Salvatur essentialis subordinatio causæ secundæ ad primam in operando actu inter voluntatem creatam & divinam.

§. 5.

Adversariorum solutio adducitur & confutatur.

320. **R**espondet Mastrius *ibid. art. 2. num. 40.* salvari subordinationem, quia ibi est prioritas à quo seu independentiæ & dignitatis determinationis & concursus causæ primæ. Nam sicut in tempore licet causa prima concurrat cum causa secunda ad eundem effectum simultate in quo, adhuc tamen dicitur prius concurrere prioritate à quo causa prima, quia à se agit causa verò secunda dependenter ab illa: sic etiam ab æterno, licet simul se condeterminet cum causa secunda libera, quam virtualiter continet, & omnino concomitanter cum ea; adhuc tamen ejus determinatio dicitur prædefinitio ac prædeterminatio, quia causa prima à se ac independentem determinat; causa verò secunda ab alio, & dependenter à prima.

321. Contra primo: tantum causa secunda dicitur dependenter à prima agere, quoniam in virtute illius

illius agit, quod est causalitatem & operationem causæ secundæ virtualiter in prima contineri; sicuti omnes effectus sublunares dicuntur virtualiter in motibus corporum cœlestium, vel Sole contineri, quoniam dependent ab eis ceu causis primis producantur: sed causa secunda, cujuscumodi est voluntas creata, non dicitur agere in virtute Dei, nisi quatenus à prima movetur, & applicatur actu ad causandum: ergo ex solutione data sequitur, quod causa prima applicet moveat ac determinet causam secundam ad operandum, & causalitas ejus ordine causalitatis præcedat causalitatem & operationem causæ secundæ. Minor prob. ex Scoto in 1. d. 2. quæst. 2. ubi docet quod *non causat causa secunda nisi in virtute prime, inquantum movetur ab ipsa*. Et ibidem §. Ex his ostenditur, ait; *Causa qualibet in virtute alterius causans est imperfecte causans, quia est dependens ab alia in causando*: non autem dependet ab alia in causando nisi quatenus movetur & applicatur ab ipsa ad causandum, sicuti instrumentum non est dependens à causa principali in causando, nisi quatenus movetur & applicatur ab ipsa ad causandum: ergo causa secunda, etiam libera, non dicitur agere in virtute Dei nisi quia à Deo movetur & applicatur ad causandum. Hoc enim est proprium munus causæ efficientis movere & applicare ad operandum.

Contra 2. prioritas universalitatis, seu dignitatis & perfectionis inter Deum & creatam voluntatem seu causam secundam nedum est secundum absolutam entis rationem, sed etiam secundum rationem causalitatis: ergo sicut Deus ex eo quod est primum & universalissimum

572 *Quaest. XIV. De Scientia Dei,*
mum ens influit esse creaturæ, & hæc in es-
sendo à Deo tanquam à causa priori dependet
essentialiter, ita & ex eo quòd est prima &
universalissima causa debet influere rationem
causandi omni causæ secundæ, itaut in cau-
sando ab ea essentialiter dependeat tanquam à
priori efficiente movente ipsam ad operandum.
Quod conf. ex Scoto in 1. dist. 2. *quaest. 2. §. Prima conclusio*, ubi loquens de differentia, quæ
reperitur inter causas essentialiter & accidenta-
liter ordinatas ait: *Prima differentia est, quòd in*
causis per se ordinatis causa secunda, inquantum
causa dependet à prima in per accidens non, licet
in esse vel in aliquo alio dependeat. Secunda est,
quòd in per se ordinatis causalitas est alterius ra-
tionis, & alterius ordinis, quia superior est per-
fectior; in accidentaliter ordinatis non. Hac sequi-
tur ex prima: nam nulla causa à causa ejusdem
rationis dependet essentialiter in causando. Scotus
igitur utramque dependentiam requirit in causa
secunda ut dicatur per se ordinata, sive essen-
tialiter subordinata primæ, nimirum quòd es-
sentialiter causa secunda in causando à prima
dependeat, & quòd prima sit universalior &
perfectior, & hanc conditionem à prima oriri
ait; & meritò quidem, non est enim causa nisi
per ordinem ad effectum: ergo non est causa
universalis & perfecta, nisi per ordinem ad id
quod producit, & subinde si est subordinatio
in causando, debet prima dare secundæ quod
actu causet, quod non fit nisi applicando cau-
sam secundam ad operandum, non autem si-
multaneè & purè concomitanter concurrente
cum illa ad operationem. Unde subtilis Doctor
ibidem §. Secundò principaliter, inquit: *Que-*
libet

Art. III. An scient. Dei sit, &c. Cap. XII. § 73
libet causa secunda causat inquantum movetur à
prima. Nescio quid expressius dici possit ad
convellendam illam concomitantiam in cau-
sando, & ad stabiliendum concursum prævium,
seu motionem præviam Dei.

Ex quibus mirum in modum confirmatur 323.
conclusio : nam ut fatetur Mastrius ibi *num. 27.*
decretum divinum ad omnia illa se extendit ,
ad quæ se extendit divina causalitas : quia quid-
quid Deus in tempore efficit ab æterno efficere
decrevit , & eadem voluntate æterna novum
producit effectum pro tunc , quando vult no-
vum esse effectum , quemadmodum docet Sco-
tus in 2. *dist. 1. quest. 2.* Sed divina causa-
litas in tempore se extendit ad movendum ,
determinandum , & applicandum voluntatem
creatam ad liberè operandum : ergo etiam di-
vinum decretum prædefiniens se extendit eo-
dem modo ad determinationem & applicatio-
nem creatæ voluntatis ad liberè operandum ,
tanquam causa determinationis ad agendum &
& velle ipsius. Minor prob. imprimis testimo-
nio ipsius Scoti supraadducto , nimirum , quod
qualibet causa secunda causat inquantum movetur
à prima : moveri autem causam secundam à pri-
ma est applicari ad operandum sicuti moveri
instrumentum ab artifice est applicari ad ope-
randum. Confirmatur testimoniis ejusdem Scoti
expressissimis , §. seq. adducendis.

Deinde prob. ex D. Augustino lib. de corrept. 324.
& grat. cap. 14. ubi ait : *De David , quem Do-*
minus in regnum successu prosperiore constituit , ita
legitur : Et ambulabat David proficiscens , & ma-
gnificabatur , & Dominus erat cum illo. Hoc cum
præmissum fuisset , paulò post dictum est : Et Spi-
ritus

574 *Quaest XIV. De Scientia Dei,*
ritus Domini induit Abisei principem inter triginta,
& dixit: Tui sumus David, & tecum sumuri
filii Iesse. Pax, pax tibi, & pax adiutori-
bus tuis, quia auxiliatus est tibi Deus. Nunquid
ille posset adversari voluntati Dei, & non potius
eius facere voluntatem, qui in corde ejus operatus
est per Spiritum suum quo indutus est, ut hoc vel-
let, diceret, & faceret? Item paulò post ait ea-
dem Scriptura: Omnes hi viri bellatores dirigen-
tes aciem corde pacifico venerunt in Hebron ut
constituerent David super omnem Israël; sua vo-
luntate utique isti constituerunt regem David, Quis
non videat? Quis hoc reget? Non enim hoc non
ex animo, aut non ex bona voluntate fecerunt
corde pacifico, & tamen hoc in eis egit, qui in
cordibus hominum quod voluerit operatur: Intus
egit, corda tenuit, corda movit, eosque volun-
tatibus eorum, quas ipse in illis operatus est, tra-
xit: Sed qui intus agendo corda movet, & in
cordibus hominum operatur quod voluerit,
istas movet ad operandum & applicat: ergo
divina causalitas in tempore se extendit ad
movendum & applicandum voluntatem crea-
tam ad liberè operandum. Unde S. D. prae-
serat: Quando quidem Deus etiam de ipsis homi-
num voluntatibus quod vult facit: habens huma-
norum cordium quò placet inclinandorum omni-
potentissimam potestatem. Quomodo enim de ho-
minum voluntatibus facit quod vult, & earum
inclinandarum habet omnipotentissimam, si in
potestate Dei non sit movere quo voluerit,
& ad quodlibet voluerit applicare voluntates
ipsorum.

325. Quapropter ipsemet S. D. lib. 1. ad Bonifa-
 cium cap. 19. *Novit, ait, intus in ipsis cordibus*
hominum

'Art. XIII. Anſcient. Dei ſit, &c. Cap. XII. 575
hominum operari, ut volentes ex nolentibus fiant.
Et cap. 10. Quid eſt autem quod Heſter regina illa
orat & dicit: Da ſermonem concinnum in os meum
& verba mea clarifica in conſpectu Leonis, & con-
verte cor ejus in odium impugnantis nos? Ut quid
iſta (ſcil. converte cor ejus) in oratione dicit
Deo ſi non operatur Deus in cordibus hominum vo-
luntatem? Sed fortè hac mulier inſipienter oravit.
Videamus ergo utrùm inaniter præmiſſus fuerit
orantis affectu, & conſecutus non fueris exau-
diētis. Ecce ingreditur ad regem, ne multa di-
camus; & quia non ordine ſuo ingrediebatur ma-
gnâ neceſſitate compulſa, intuitus eſt eam ſicut
ſcriptum eſt, velut taurus in impetu indignationis
ſua: Et convertit Deus & tranſtulit indignatio-
nem ejus in lenitatem. Iam ſequentia commemo-
rare quid opus eſt, ubi Deum compleviſſe, quod
illa rogaverat, Scriptura teſtatur operando in cor-
de regis? quid aliud quàm voluntatem, qua juſ-
ſit & factum eſt, quod ab eo regina poſcercat.
Quam Deus jam, ut fieret, exaudierat, qui cor
regis, antequam mulieris ſermonem poſcentis au-
diſſet, occultiffima & efficaciffima poteſtate con-
vertit & tranſtulit de indignatione ad lenitatem,
de voluntate lædendi ad voluntatem favendi, ſecun-
dum illud Apoſtoli; Deus eſt enim, qui operatur
in vobis & velle. Et quoniam hæc motio &
tranſmutatio de voluntate lædendi ad volun-
tatem favendi factâ occultiffimâ & omnipo-
tentiſſimâ poteſtate Dei poterat adverſariis vi-
deri non facta abſque præjudicio liberæ volun-
tatis ipſius regis, adjungit S. D. Nunquid ho-
mines Dei qui hac ſcripſerunt, imò ipſe Spiritus
Dei, quo authore per eos iſta conſcripta ſunt, op-
pugnaviſſe liberum hominis arbitrium? Abſit. Sed

576 *Quaest. XIV. De Scientia Dei*,
de his plura alibi. Vide interim quæ scripsimus
opuscul. de primo motore, præsertim *cap. 8.*

326. Resp. Mastrius *d. disp. 3. quaest. 3. art. 8. num.*
180 & disp. 4. num. 14. quod S. D. Augustinus
solummodo intendit ostendere modum & ra-
tionem cur Deus velle possit quidquid sibi &
nobis placet, servatâ nostrâ libertate. Idque
non reducit in summam divinæ voluntatis effi-
caciâ, quasi nos prædeterminet ad volendum
quod ipse vult, quia vinculis nos non alligat,
imò nos trahit voluntatibus nostris coinciden-
do nempe in easdem volitiones nostras: sed re-
ducit in infinitatem potentiæ volitivæ in ratio-
ne primi liberi, ratione cujus habet omnimo-
dam potestatem inclinandi nostras voluntates
in quam nobis & ipsi libuerit, partem: ratio-
ne cujus magis habet in potestate sua volunta-
tes nostras, quam nosmetipsi.

327. Ut vera à falsis, quæ Mastrius passim inter-
miscet, sejungamus, dicimus quòd equidem
Deus vinculis, nos non alligat ad trahendum,
ut bene Augustinus *d. lib. de corrept. & grat.*
Sed voluntatibus nostris Deo volenti coope-
rantibus. *Et quomodo*, inquit, *adduxit? Nun-*
quid corporalibus ullis vinculis alligavit? Intus
egit, corda tenuit, corda movit, eosque volunta-
tibus eorum, quas ipse in illis operatus est, traxit.
Sed modò difficultas est, quis moveat volun-
tatem, & convertat ad hoc ut velit quòd Deus
vult ipsam velle: num ipsamet voluntas id agat,
an Deus seu in ea & per illam operando. Simi-
liter cùm non cogat Deus voluntatem nostram,
opus est ut voluntas nostra inclinet in illud
opus quod agit, & illud in operis exercitio ipsi
placeat, & ab ea per electionem acceptetur,
quâ

Art. XIII. An sciēt. Dei sit, &c. Cap. XII. 577
 quâ in unam partem præ alia deflectit atque
 inclinât : sed difficultas manet quis ejusmodi
 inclinationem in voluntate creata actu opere-
 tur, & efficiat, ut illi placeat ; num ipse Deus,
 num ipsamet creata voluntas determinando &
 inclinando se ad illud Deo voluntatem illam
 concomitante ? Et respondet, probâtque S.
 Augustinus quodd Deus efficaciter mover vo-
 luntatem, convertit ad hoc ut velit, causat
 inclinationem actualem in ea ad bonum, &
 efficit ut illud ei placeat, ut patet manifestissi-
 mē ex verbis adductis. Quæ iterum ponderanda
 veniunt.

Imprimis itaque lib. cit. de correp. & grat. 328.
 cap. 14. ait, *in corde ejus* (nimirum Abisai
 principis) *operatus est per Spiritum suum, quo*
indutus est, ut hoc vellet, diceret, & faceret.
 Sanè qui operatur & facit ut aliquis velit ali-
 quid dicitur movere voluntatem ipsius ad ope-
 randum, moraliter quidem suadendo & pro-
 positione objecti convenientis ; effectivè au-
 tem, si intus in illa agat : sed Deus per Spiritu-
 m suum operatus est & effecit, ut Abisai
 princeps vellet Davidem Regem regno præesse,
 & hoc intus operando in corde ejus, movendo
 cor ipsius : ergo effectivè movit voluntatem
 ipsius, & subinde prædeterminavit ad agen-
 dum, quoniam motio moventis est prior motu
 mobilis ratione, naturâ, & causalitate. Dein-
 de S. D. ibidem vocat Dei potestatem omnipo-
 tentissimam, quia de voluntatibus hominum fa-
 cit quod vult : *habens humanorum cordium quò*
placet inclinandorum omnipotentissimam potesta-
tem : ergo causat inclinationem illam Deus ad
 bene operandum determinando voluntatem

578 *Quest. XIV. De Scientia Dei*,
creatam ut liberè velit, hoc enim est causare
inclinationem in illa. Nota illud, quòd placet,
nimirum sibi, non voluntati creatæ, cui non
subditur, quod intelligendum est, in princi-
pio cum determinat & movet ipsam, nam mo-
vendo facit ut ipsa voluntas liberè inclinetur,
& cooperetur sibi moventi ratione cujus ali-
quatenus dici potest, quòd etiam facit quod
voluntati creatæ libet, quia ista nolens non fa-
cit, sed volens, vult autem in virtute prioris
voluntatis Dei. Quapropter de hac omnipo-
tentissima Dei seu voluntatis divinæ potestate
S. D. Augustinus duo docet inter alia, primum,
quòd *ex nolentibus volentes facit*; ut constat *cit.*
lib. 1. ad Bonifac. cap. 19. Si Deus profectò ex
nolentibus volentes facit; ergo absolutè non
facit quod libet creatæ voluntati, non enim
libet ipsi, quod nolle dicitur, sed quod vult,
& sibi placet. Et hoc probat exemplo Regis
Assueri, qui in principio habebat voluntatem
lædendi, à qua Deus illum transtulit ad vo-
luntatem favendi; volebat lædere, ergo non
libebat favere: & subinde ex nolente favere fe-
cit Deus volentem favere populo Dei. Non ergo
absolutè loquendo facit Deus quod libet crea-
turæ, sed quod sibi. Facit tamen quod sibi &
illi placet, dum operatur efficacissima sua po-
testate, ut liberè voluntas creata velit & ope-
retur. Et hoc est secundum, quod ait D. Au-
gustinus *cit. lib. de corrept. & grat. Sua*, in-
quit, *voluntate utique isti constituerunt regem*
David. Quis non videat, quis hoc neget? Non
enim non ex animo, aut non ex bona voluntate fe-
cerunt corde pacifico: Et statim subdit: Et tamen
hoc in eis egit, qui in cordibus hominum, quod
voluerit

Art. XIII. An sciēt. Dei sit, &c. Cap. XII. 579
voluerit operatur. Et lib. 1. contra duas Epist. Pel-
lag. cap. 18. Respondemus, inquit, non ex Dei
potentia vel in bonum vel in malum invitum ali-
quem cogi, sed Deo deferente pro meritis ire in
malum, & Deo adjuvante, sine meritis conver-
ti ad bonum. Non enim est homo bonus si nolit,
sed gratia Dei etiam ad hoc adjuvatur ut velit,
quoniam non inaniter Scriptum est, Deus enim est,
qui operatur in vobis & velle & operari pro bona
voluntate, & preparatur voluntas à Domino. Et
cap. 19. Trahitur ergo miris modis ut velit ab illo,
qui novit intus in ipsis hominum cordibus operari,
non ut homines, quod fieri non potest, nolentes
credant, sed ut volentes ex nolentibus fiant. Sed
de his plura alibi.

Tandem ipse Mastrius id probat, nimirum
 actus liberos voluntatis creatæ esse à Deo ab-
 solutè præfinitos ex eo quod Deus perfectam
 habeat de omnibus rebus providentiā, quæ cum
 sit ratio ordinandorum in finem consequenter
 necessariò supponit seu involvit præordinantem
 Dei voluntatem: sed actus creatæ voluntatis li-
 beri sunt à Deo provisi: ergo præordinati ac
 præfiniti, etiam in particulari; alioquin præ-
 ter Dei voluntatem, ipsiusque intentionem eve-
 nirent. Quod deducit ex D. Irenæo lib. 2. ad-
 versus hæreses cap. 45. suprà citato. Ex quibus
 ita arguo: divina providentia est omnino certa
 & infallibilis etiam quoad executionem effe-
 ctus, quemadmodum fusè probatur infrà q. 22.
art. 1. sed non est certa & infallibilis respectu
 operationis vel effectus liberæ voluntatis crea-
 tæ ex prævisione futuræ cooperationis, seu
 liberæ determinationis ipsius ad operandum, ut
 fatetur & probat Mastrius: ergo est certa & in-

319.

§ 80 *Quaest. XIV. De Scientia Dei,*
 fallibilis ex se ipsa : sed non potest esse certa
 & infallibilis ex seipsa , nisi certò & infallibi-
 liter inferat effectum in eo quod providetur ,
 & præordinatur in finem : ergo ejusmodi effe-
 ctum infallibiliter infert , quoniam ut docet
 Scotus in 1. dist. 40. *Non potest stare ordinatio*
sui cum opposito ejus quod ordinavit. Sed motio
 & determinatio libera creatæ voluntatis ad
 operandum divinæ providentiæ ordinationi
 subest , quæ maximè res humanas curat : ergo
 divinæ providentiæ præordinatio ac præfini-
 tio illam determinationem infallibiliter infert
 tam ex parte intellectus quàm voluntatis ,
 cum providentia secundum Scotum in actu
 voluntatis præsupponente actum intellectus
 potissimum consistat : sed voluntas divina non
 potest certò & infallibiliter inferre futuram
 dererminationem liberæ voluntatis creatæ ad
 operandum , nisi ut causa infallibiliter præ-
 determinans & præconstituens illam certò se
 determinaturam ad operandum : nam propter
 efficaciam suam divina voluntas quidquid vult,
 fit ; ergo illam prædeterminat volendo effica-
 citer illam se determinare ad operandum. Mi-
 nor prob. quia illa ordinatio est practica & ef-
 fectrix. Sed de his plura infrà.

§. 6.

*Quod futura contingentia absoluta certò non co-
 gnoscat in decreto purè concomitanti.*

340. **C**onclusio : Deus non cognoscit certò &
 infallibiliter futura contingentia libera in
 decreto purè concomitanti suæ divinæ volunta-
 tis , quale à Recentioribus Scotistis confingi-
 tur.

Art. XIII. An scient. Dei sit, &c. Cap. XII. § 81
 tur. Prob. 1. ex ipso Scoto in 1. dist. 39. §. *Viso*;
 ubi loquens de futuris contingentibus ante de-
 terminationem divinæ voluntatis, & eorum
 cognitionem ait: *Tunc autem non sunt vera*
contingentia, quia nihil est tunc, per quod ha-
beant veritatem determinatam. Posita autem de-
terminatione voluntatis divina jam sunt vera, vi-
delicet pro illo secundo instanti, & hoc idem erit
ratio intellectui divino, quod erat in primo, in-
telligendi ista, quæ sunt jam vera in secundo in-
stanti, & fuissent cognita in primo instanti, si
fuissent in primo instanti. Ex quibus hanc desu-
 mo rationem: Illud est divino intellectui cau-
 sa cognoscendi certò & infallibiliter, futurum
 contingens liberum, quod determinatam isti
 veritatem præbet: sed decretum & determina-
 tio divinæ voluntatis causat determinatam ve-
 ritatem in ipso futuro contingenti libero: ergo
 determinatio seu decretum divinæ voluntatis
 in Deo est ratio & causa & infallibiliter co-
 gnoscendi hujusmodi futura contingentia li-
 bera. Major patet, quia nihil certò cognosci
 potest, nisi certam ac determinatam habeat
 veritatem, sive sit determinatè verum, & ali-
 ter se habere non valens. Minor verò prob.
 illud est causa efficiens adæquata & totalis ef-
 fectus, quo & nullo alio posito ponitur, &
 ablato aufertur: sed posita determinatione di-
 vinæ voluntatis futura contingentia sunt deter-
 minatè vera, & ante illam vera non erant de-
 terminatè, ex Scoto: ergo determinatio seu
 decretum divinæ voluntatis est causa efficiens
 totalis & adæquata determinatæ veritatis in
 ejusmodi futuris contingentibus. Ex quo in-
 fert subtilis Doctor, *Quòd est determinatio in-*

582 *Quaest. XIV. De Scientia Dei,*
intellectus divini ad illud existens, ad quod determi-
natur voluntas divina & immutabiliter: quia non
potest voluntas determinare quin intellectus divi-
nus apprehendat illud quod voluntas determinat,
& immutabiliter: quia tam voluntas, quàm in-
tellectus sunt immutabiles. Et tamen cum istis stat
contingentia objecti cogniti, quia voluntas volens
hoc determinatè, contingenter vult hoc, nimirum
ex parte objecti cogniti Q. D. effectus certò &
infallibiliter tum dumtaxat potest cognosci in
sua causa, cùm est determinata ad ipsum, si
sit immutabilis: sed voluntas Dei est causa re-
rum & est immutabilis: ergo cùm vult deter-
minatè effectum, vel est determinata ad pro-
ducendum illum & immutabiliter, tunc intel-
lectus divinus certò & immutabiliter effectum
futurum contingentem & liberum in deter-
minatione seu decreto voluntatis divinæ co-
gnoscit.

341. Respondent P. Suarez *lib. 1. opusc. cap. 1. &*
Mastrius lib. 1. sent. disp. 3. quaest. 3. art. 8. num. 68.
 debere intelligi Scotum de decreto sive deter-
 minatione divinæ voluntatis putè concomitan-
 te, non autem antecedente determinationem
 liberæ voluntatis creatæ, causando aliquo mo-
 do illam. Quod ex eo colligere nituntur, im-
 primis, quia ipse Doctor subtilis admittens in
 voluntate ejusmodi decreta absoluta etiam in
 ordine ad eventus liberos à nobis in tempore
 producendos nusquam legitur illa vocasse an-
 tecedentia, bene verò concomitantia. Unde
in 1. dist. 40. q. unica ad 2. ait: Dico quòd volun-
tas creata non potest impedire ordinationem vo-
luntatis divinæ: nam impedire esset, si staret pro-
positum voluntatis divinæ, & oppositum eveniret
per,

Art. XIII. An scient. Dei sit, &c. Cap. XII. § 83
per voluntatem creatam: hoc autem est impossibile;
quia sicut voluntas creata potest mereri damnatio-
nem, ita etiam potest concomitanter sequi quòd
voluntas divina non praordinaverit ipsum ad glo-
riam. Deinde in 4.d. 49. quæst. 6. tractans quo-
modo beatus habeat potentiam remotam ad
peccandum non verò propinquam, esto sit li-
ber quoad exercitium actus ipsius visionis, ait:
Siquidem nunquam causâ secundâ preventâ à cau-
sa superiori agente ad unum oppositorum potest po-
tentia propinqua exire in aliud oppositum. Ex qui-
bus infert Mastrius, quòd decretum, quo Deus
ab æterno nostros præfinivit futuros actus li-
beros, non est antecedens sed concomitans,
alioquin circa illos non haberemus libertatem
proximam, sed tantum remotam & extrinsecè
impeditam. Rursus in 3. dist. 17. quæst. unica ad 1.
& multis aliis in locis ad salvandum usum li-
bertatis in causa secunda vult Deum non ope-
rari ad operationem voluntatis creatæ nisi ipsa
liberè agente, & agendum se determinante in
tempore: sed Deus res non aliter efficit in tem-
pore, quam eas ab æterno efficere decrevit:
igitur neque Deus ab æterno decrevit fore ef-
fectum sine determinatione saltem virtuali ip-
sius voluntatis creatæ.

Sed profectò hæc & similia Scoti testimo-
 nia nil minùs asserunt, quàm prædictam de-
 cretorum concomitantiam à Recentioribus
 quibusdam Scotistis ad eludendam difficulta-
 tem, excogitatam. Nam quoad primum spe-
 ctat, ut notavit Sghemma *cit. quæst. Phys. de*
fato, Scotus ibi intelligendus venit de con-
 comitantia illationis, ut est manifestum, qua-
 tenus scil. bene sequitur, si voluntas creata
 potest

384 *Quaest. XIV. De Scientia Dei*,
 potest per actum suum mereri damnationem,
 Deus, seu divina voluntas non præordinavit
 illam efficaciter ad gloriam; quia non potest
 impediri voluntas efficax ipsius, neque potest
 stare ordinatio sua cum opposito ejus quod
 ordinavit. Unde concomitantia illa stat in hoc
 ut velit voluntas creata, quod vult & ordinat
 seu decernit eam velle, quoniam illa ordina-
 tio est intrinsecè efficax, & eam voluntas crea-
 ta impedire non potest. Ex quo manifestè ar-
 guitur, quòd decretum illud sit antecedens,
 nam si esset purè concomitans, posset aliquo
 modo voluntas creata impedire illam ordina-
 tionem, quoniam in sua potestate habet pone-
 re oppositum actum, cùm liberè & ex se se de-
 terminet ad cooperandum, nullam aliunde ha-
 bens infallibilitatem, per quam certò operari
 debeat, subindèque contingens est eam opera-
 ri vel non operari. Quæ doctrina est subtilis
 Doctoris in 2. d. 37. quaest. 2. *Si voluntas creata*,
 inquit, *est totalis causa respectu sui velle*, &
ipsa contingenter se habet ad illud velle: ergo
quantumcunque voluntas divina ponatur determi-
nata ad unam partem eorum, quæ dependent à
voluntate creata, poterit voluntas creata aliter
velle: ergo frustrabitur decretum voluntatis
 divinæ, & impedietur à voluntate creata, cu-
 jus oppositum ibi determinat Scotus, ut patet
 ex ejus verbis suprà allatis. Et subinde con-
 comitantia illa sequelæ & illationis nullatenus
 concomitantiam decretorum Dei infert, sed
 decretum illud monstrat esse antecedens quo
 Deus aliquid efficaciter decernit.

343. Quod ad secundum testimonium attinet,
 perfectò non mirari non possum, quòd illud
 Recentiores

Recentiores Scotistæ in patrocinium hujus sententiae adducere non dubitent, cum tota ea quaestione subtilis Doctor ita manifestè præviam Dei determinationem stabiliat, ut nullus inficiationi locus esse valeat. Imprimis namque ante verba citata præmiserat quòd *per causam extrinsecam est impossibilis illa potentia ad peccandum videlicet per voluntatem Dei prævenientem illam voluntatem*: quomodo autem voluntas Dei prævenit voluntatem beati, si purè illam in volendo & agendo concomitatur. Deinde §. Ad propositum, *Non potest*, inquit, *possibilitate propinqua peccare, quia præventa, quòd est propter actionem causa superioris prævenientis*. Et paulò infrà respondens huic argumento, *Non minus tollit indifferentiam voluntatis determinatio ejus à causa superiori, quàm à causa inferiori*: ergo si ex ratione causalitatis sua est indeterminata ad operationem, ita repugnat naturæ suæ quòd illa indifferentia tollatur per causam superiorem, sicut per inferiorem: sicut ergo est contra naturam voluntatis, quòd habitus determinet eam necessario, ita est quòd Deus determinet, ita habet: *Contra naturam ejus est* (nimirum voluntatis creatæ) *determinari in suo ordine* (quòd eveniret si determinaretur à causa inferiori) *quia tunc non esset superior*: non autem est autem contra naturam ejus determinari à causa superiori, (videlicet Deo, seu divina voluntate) *quia cum hoc stat, quòd sit causa in suo ordine*. Ex quo modo Scotus expressè fatetur, quòd voluntas creata à divina præveniatur, & ab ea determinetur: ergo Scotus agnoscit præviam Dei motionem, & applicationem causarum secundarum ad operandum. *Contra*, inquit, *Si causa superior*

586 *Quest. XIV. De Scientia Dei,*
superior determinat ; ergo voluntas in suo ordine
causandi determinatur : ergo in suo ordine cau-
sandi non est contingens. Respondeo propter deter-
minationem ejus in suo ordine est aequalis contin-
gentia : sed quod effectus , qui provenit ab ipsa &
aliis non omnino contingenter provenit ex contin-
gentia ejus hoc est , quia alia causa prior est de-
terminata ad illum effectum. Et statim , voluntas
in suo ordine se determinat. Ergo secundum Sco-
tum voluntas & determinatur , & se determi-
nat in suo ordine , quoniam scil. præsupponit
determinationem causæ superioris determinan-
tis illam in eo quod à causa superiori determi-
natur , est prædeterminatio divina ; in eo quod
se determinat est concursus concomitans & si-
multaneus , quatenus agit in virtute superio-
ris causæ moventis ac determinantis illam.

344. Unde ad instantiam Mastrii responderetur ma-
 lè ipsum inferre , decretum , quo Deus ab
 æterno nostros præfinivit actus liberos futuros ,
 non esse antecedens sed concomitans , alio-
 quin circa illos non haberemus libertatem pro-
 ximam sed tantum remotam & extrinsecè im-
 peditam. Immò ex eo quod decretum illud est
 antecedens habemus libertatem proximam , seu
 possibilitatem proximam ad operandum. Nam
 ut docetur ibidem §. Nota , *potentia operativa*
non concludit habentem posse operari , nisi intelli-
gendo secundum quid , scil. quantum est ex parte
sui , sed posse simpliciter requirit quod ex parte
omnium aliorum concurrentium sit possibilitas , ut
scil. requisita possint concurrere , & impedimenta
cessare : sed ultra istam possibilitatem potentia ,
vel magis possibilitas propinqua requirit quod con-
venientia adsint , & impedimenta cessent : Et sic
operativum

Art. XIII. An sciēt. Dei sit, &c. Cap. XII. § 87
operativum non est in potentia propinqua ad operandum, nisi quando nihil extrinsecum deficit ut operetur: Sed decretum antecedens, præveniensque atque causans determinationem voluntatis creatæ est quid requisitum ut voluntas seu causa secunda operetur, quoniam ista agit in virtute Dei, quatenus movetur & determinatur ab eò ad operandum, uti ex Scoto probatum est: ergo facit ut voluntas creata habeat potentiam simpliciter & expeditam ad operandum illum actum ad quem determinat, impeditam verò ut in sensu composito & simultate operationis oppositum actum producat; sicut voluntas divina decernens & præveniens quòd Beatus Petrus v. g. fruatur Deo seu visione beata facit potentiam ejus expeditam ad fruendum, impeditam verò ad peccandum.

Quod ad 3. spectat, nimirum quòd Scotus ad salvandum usum libertatis in causa secunda vult Deum non operari ad operationem voluntatis creatæ nisi ipsa liberè agente & ad agendum se determinantè, hoc verissimum est; sed cùm voluntas creata se determinet in suo ordine ut causa nimirum secunda, determinat se in virtute Dei agentis, ut primæ causæ, & subinde ut mota & præventa, ut manifestissimis Scoti testimoniis ostensum est: subindeque est concursus Dei prævius, quatenus prævenit voluntatem creatam, & eam determinat; concomitans autem quatenus voluntas creata liberè se determinat agens in virtute prioris determinationis & cooperatur Deo in ordine ad producendum effectum, seu operationem propriam. Hanc ergo concomitantiam
admisit

admisit Scotus, immò & D. Thomas, & cum illis & nos, non autem concomitantiam illam à Mastrio & quibusdam aliis Recentioribus Scotistis confictam & excogitatam. Quod patet ex ipso Scoto in 1. dist. 8. quaest. 5. §. Et cum dicis, ubi ait: *Nulla causa secunda causat nisi prima causa causante effectum ejus, & hoc prius naturaliter quàm ipsa causa proxima causat: prima autem non causat nisi contingenter: ergo secunda simpliciter contingenter causat, quia dependet ab ipsa causatione primæ, quæ simpliciter contingens est.* Observa, quòd subtilis D. duo dicit, & quòd nulla causa secunda causat nisi prima causante effectum ejus, & quòd causa prima prius naturaliter causat quàm ipsa causa proxima: in eo quod utraque causat, est concursus concomitans: in eo quòd prima prius causat, est concursus prævius. Deinde ex hoc concludit, quòd causa secunda est contingens, hoc est, liberè operans, aut contingenter, quoniam causa prima est contingens, hoc est, liberè & non ex necessitate naturæ operans, à cujus causatione dependet. Quòd si Deus purè concomitanter concurrat, quomodo dat actu causæ secundæ quod liberè seu contingenter operetur, aut quomodo ista in causatione sua dependet à prima? Sed his omissis.

346. Impugnatur Mastrii & aliorum solutio alio testimonio ejusdem Scoti in 1. dist. 41. ubi agens contra Henricum asserentem, quòd bonus usus liberi arbitrii nostri prævius sit ratio ex parte prædestinati motiva cur Deus ipsum eligat, ita arguit: *Deus non prævidet istum bene usum libero arbitrio nisi quia vult, & præordinat istum bene usum eo, quia sicut dictum est dist. 39.*

Art. III. An scient. Dei sit, &c. Cap. XII. 589
certa prævisio futurorum contingentium est ex determinatione voluntatis divinæ. Ex quibus ita arguo : bonus usus liberi arbitrii creati nil aliud est , quàm ipsamet determinatio creatæ voluntatis ad operandum bene , seu applicatio ejus ad rectam operationem , sicut usus baculi est ipsamet applicatio baculi ad percutiendum v. g. Sed usus iste secundum Scotum , est effectus divinæ volitionis , & præordinationis practicæ , quâ nimirum vult & præordinat effectivè istum ad bene utendum arbitrio : ergo decretum divinæ voluntatis non se habet ut purè concomitans respectu determinationis liberæ ipsius voluntatis creatæ , sed ut antecedens & prædeterminans liberum arbitrium creatum ad bene utendum. Min. prob. nam illa particula , *quia* , est causalis & denotat voluntatem divinam & præordinationem ejus practicam esse causam cur se voluntas creata determinet ad operandum. Deinde Scotus ubique solam determinationem divinæ voluntatis assignat ut causam certæ prævisionis boni usus futuri ipsius liberi arbitrii creati , quod non faceret si existimaret , Deum certò futura contingentia prævidere etiam in determinatione creatæ voluntatis , quoniam ista determinatio esset etiam causa illius certæ prævisionis.

Conatur Mastrius *cit. disp. 3. num. 168.* & hoc 347.
tamen evidens Scoti testimonium eludere adducendo explicationem Vigerii Scotistæ dicentis addendum , concomitante voluntate creata volente bene uti , quia voluntas divina non determinat , nisi voluntas creata se determinaverit , quia voluntas creata concurrit ut causa secunda. Sed profectò glossa hæc parùm favet,

590 *Quaest. XIV. De Scientia Dei*,
favet, nam quomodocunque se determinet voluntas creata, se determinat ut causa secunda in suo ordine: ergo ut agens in virtute primæ causæ: ergo ut mota & determinata à causa prima, secundum principia Scoti supra adducta. Unde Vigerius non intelligit de concomitantia illa, quam prætendit Mastrius, sed de concomitantia in operando, quam tradit Scotus, quæ præsupponit primam causam prius naturaliter agentem, & secundam ut cooperantem, ut supra fusè non semel explicuimus. Et ut hoc magis pateat, reducamus rationem Scoti in formam Syllogisticam: Certa prævisio futurorum contingentium liberorum est ex determinatione divinæ voluntatis: sed bonus usus liberi arbitrii creati est futurum contingens liberum: ergo Deus non prævidet certò istum bene usum libero arbitrio creato, nisi quia vult & præordinat efficaciter istum bene usum: sed voluntas Dei est causa rerum quas vult esse efficaciter: ergo est causa boni usus liberi arbitrii & determinationis ad bene operandum. Ex quo optimè subtilis Doctor infert; ergo bonus usus liberi arbitrii prævisus non potest esse ratio motiva prædestinationis, siquidem certò non potest prævideri ante determinationem & præordinationem divinæ voluntatis efficaciter volentis & præordinantis seu prædeterminantis, ut voluntas creata libero arbitrio bene utatur, quoniam non habet determinationem ad esse.

348. Deinde refellitur hæc evasio ex eodem Scoto in 1. *dist.* 39. docente, idcirco à divino intellectui certò prævideri futura contingentia, seu liberos actus futuros creatæ voluntatis, quia voluntas

Art. XIII. An sciēt. Dei sit, &c. Cap. XII. § 91
voluntas divina determinatè vult, quòd eveniant, & immutabiliter vult. In quibus subtilis Doctor duo indicat, quæ necessariò requiruntur, ad hoc ut eventus contingens futurus in sua causa certò & infallibiliter cognosci possit. Primum est, quòd causa illa sit determinata ad esse effectus pro aliqua temporis differentia; nam cum res sic se habeat ad veritatem sicuti ad esse (ex eo enim quòd res est vel non est, propositio dicitur vera vel falsa) nisi effectus habeat determinationem ad esse in sua causa, non habebit determinatam veritatem in illa, subindeque non poterit in ea certò cognosci. Secundum est, ut causa illa habeat immutabilitatem nec possit deficere, cujus defectu licèt causa naturalis contingens v. g. arbor sit naturaliter determinata ad productionem determinati effectus, tamen in ea non prævidetur certò futurus eventus contingens, quia cum determinatione non habet immutabilitatem, sed est defectibilis & contingenter producit effectum; contingens enim est ut planra floreat, aut fructus producat, undè asserens quod planta hæc florebit, vel producet fructus hoc certò non cognoscit: sed voluntas creata ut prævidetur liberè se condeterminare cum Deo ad operandum, suaptè natura non habet immutabilitatem ad illum effectum, sed est potens deficere cum sit contingens: ergo secundum Scotum & veritatem, nil confert illa condeterminatio ad hoc ut Deus certò prævideat futurum eventum liberum & contingentem, sed tota certitudo pendet ex determinatione divinæ voluntatis efficacis & immutabilis, efficaciter quæ & immutabiliter decernentis de

592 *Quaest. XIV. De Scientia Dei,*
futuro eventu & determinatione causæ secundæ
ad operandum, sic enim causæ secundæ effectus
habet quandam necessitatem ex suppositione
illius determinationis efficacis, & certò co-
gnosci potest.

349. Deinde conclusio prob. ex ipso Scoto in 2.
dist. 3. 2. §. *Contra istam opinionem*, ubi re-
fellens opinionem, quæ ponebat quòd volun-
tas esset causa totalis & immediata sui velle,
non subordinata essentialiter Deo in causando,
vel determinando se ad causandum (quod asse-
runt qui solam concomitantiam divini decreti
admittunt, ut ex dictis constat) ita arguit:
Ex ipsa sequitur primò quòd Deus non sit natura-
liter prescius futurorum. Secundò quòd non sit om-
nipotens. Probatio prima consequentia, quia non
habet scientiam de futuris contingentibus nisi quia
certitudinaliter novit determinationem voluntatis
sue respectu eorum ad qua voluntas sua est immu-
tabilis & in impedibilis: sed si voluntas creata est
totalis causa sui velle, & ipsa contingenter se ha-
bet ad illud velle: ergo quantumcunque voluntas
divina ponatur determinata ad unam partem eo-
rum, que dependent à voluntate creata, poterit
voluntas creata aliter velle, & ita non sequitur
certitudo ex determinatione divine voluntatis. Ex
quibus ita arguo: Non potest certò & infalli-
biliter cognosci aliquis effectus in pluribus
causis adinvicem ordinatis, vel concomitanter
ad eum concurrentibus, nisi omnes sint deter-
minatæ ad ipsum & immutabiles, etiam si al-
tera earum, utputà prima, sit indefectibilis &
necessaria ex se: sed posito quòd Deus decreto
concomitante se condeterminet cum ipsa creata
voluntate ad eventum futurum liberum & con-
tingentem,

Art. XIII. An sciēt. Dei sit, &c. Cap. XII. 593
tingentem, tunc non omnes causæ illius effectus erunt determinatæ ad esse illius & immutabiles, sed prima duntaxat, nimirum divina voluntas: ergo Deus non potest in hujusmodi decreto concomitante certò & infallibiliter futuros liberos actus vel eventus voluntatis creatæ certò cognoscere. Major declaratur, nam ex quacunque causa deficiente vel deficere potente contingere potest defectus in effectu, ut patet in floritione arboris aut productione fructuum, nam sol ut prima causa, vel mons illius indefectibilis est; & tamen contingit effectum illum deficere, seu non florere arborem, aut producere fructus suo tempore. Minor verò prob. nam voluntas creata est causa contingens, & ad utrumlibet se habens, contingenterque se habet ad suum velle, nec est immutabiliter determinata: ergo non se habet immutabiliter ad esse illius effectus; & subinde quantumcunque voluntas divina ponatur determinata ad unā partem eorum quæ dependent à voluntate absoluta, poterit voluntas creata aliter in tempore velle; & sic non sequetur immutabiliter esse effectus illius, nec certitudo cognitionis in divino intellectu, qui non potest determinatè & immutabiliter cognoscere in causa aliquod futurum, nisi ista fuerit immutabiliter determinata.

Probatio secunda consequentia, inquit Scotus, 350.
quia quidquid vult omnipotens hoc fit: sed si velit volitionem meam fore, & ista est in potestate voluntatis meæ ut totalis causa contingenter se habentis ad illud: ergo ipsa potest determinari ex se ad unam partem, vel ad aliam indifferenter, & ita potest non fieri illud aliud, ad quod volun-

594 *Quaest. XIV. De Scientia Dei,*
tas divina eam determinavit. Ex quibus ita ar-
 guo: si voluntas creata se condeterminet ad
 volendum ex se: ergo erit causa totalis suæ de-
 terminationis ad volendum; quoniam ad istam
 effectivè non concurrit Deus, in sententia ho-
 rum auctorum, sed purè concomitanter se ha-
 bet: ergo quantumcunque velit omnipotens
 volitionem creatæ voluntatis fore, poterit non
 esse & frustrari voluntas efficax divina. Conseq.
 prob. quando duæ causæ purè concomitanter se
 habent ad causandum aliquem effectum, quan-
 tumcunque efficaciter altera ipsarum velit ip-
 sum, potest ab altera impediri determinante
 se in oppositum; v. g. duo homines conco-
 mitanter se habent ad portandam trabem,
 quantumcunque unus efficaciter velit deferre,
 poterit ab alio prohiberi decernente opposi-
 tum, seu nolente concurrere, præsertim si
 ambo omnino necessarii sint ad deferendam
 illam, nec unus sufficiat: per illos divina vo-
 luntas & creata concomitanter se habent ad
 decernendum de futuro eventu, & utraque est
 causa suæ determinationis ad volendum, &
 necessaria ut sit effectus: ergo quantumcun-
 que voluntas omnipotens & efficax Dei velit
 volitionem creatæ voluntatis fore, poterit non
 esse & frustrari divina voluntas.

§. 7.

Probatnr ampliùs præcedens conclusio.

351. **T**Andem prob. concl. ratione, cognitio cer-
 ta, quam habet Deus de actibus liberis
 futuris in tempore, est æterna: ergo causa illa
 in qua talem habet & præaccipit notitiam cer-
 tam

Art. XIII. An scient. Dei sit, &c. Cap. XII. § 95
 tam, siue præscientiam futuri eventus debet
 ab æterno esse actu, seu existere in se vel in
 sua causa; quia non existente principio causan-
 te certitudinem cognitionis, ista non datur;
 sicuti non existente principio demonstrativo
 causante certam notitiam conclusionis demon-
 stratæ, ista non habetur: sed determinatio fu-
 tura creatæ voluntatis ab æterno neque actu
 existit in se, quia nil est æternum præter Deum,
 neque in sua causa, quoniam cum Deus sit
 agens ex proposito, non alia posset assignari
 causa nisi voluntas Dei & determinatio ejus
 ut directa per scientiam, quam adversarii ne-
 gant esse causam determinationis creatæ, aut
 præcedere illam: ergo Deus certò & infallibi-
 liter non potest cognoscere ab æterno futuros
 actus liberos creatæ voluntatis in decreto illo
 concomitante, quo divina voluntas dicitur se
 condeterminare cum voluntate creata ad ope-
 randum.

Conf. 1. nullus rationabiliter se potest con- 352.
 determinare ad operandum cum alio, vel decer-
 nere immutabiliter operari cum illo, nisi con-
 stet illi certò quod ille etiam infallibiliter de-
 cernet & volet concurrere cum illo ad hu-
 jusmodi operationem; cum operatio à consen-
 su & voluntate utriusque dependet, & defe-
 ctu cujuslibet impediri potest; v. g. nequit
 Paulus rationabiliter, certò & immutabiliter
 decernere contrahere matrimonium cum Joan-
 na, nisi ei constet quòd ipsa infallibiliter con-
 sentiet, quoniam contractus matrimonii æquè
 à voluntate utriusque dependet, & ex defectu
 consensus cujuslibet contrahentium impediri
 potest: sed futura libera operatio creatæ volun-

596 *Quaest. XIV. De Scientia Dei*,
 tatis à divina & creata voluntate dependet, &
 defectu cujuslibet impediri potest, nimirum aut
 divinâ nolente, aut creatâ non consentiente:
 ergo nequit Deus rationabiliter decernere de
 futuro eventu libero, sive determinare se ad
 operandum cum creata voluntate nisi præsciat
 certò, quòd ista consentiet, & cooperabitur
 illi: sed, ut fatetur Mastrius *dicta disp. 3. q. 3.*
art. 8. num. 174. in priori signo ante decretum
 voluntatis divinæ non præcessit in scientia di-
 vina cognitio de condeterminatione creatæ vo-
 luntatis, vel præscientia ejusmodi liberæ de-
 terminationis creatæ: ergo Deus in tali decre-
 to concomitate, & condeterminatione suæ vo-
 luntatis irrationabiliter operabitur & veluti à
 casu, quoniam non præscivit nec præordinavit
 voluntatem creatam ad hoc vel ejus oppositum
 se liberè determinaturam.

353. Conf. 2. nil potest certò cognosci in aliquo,
 præsertim si contingenter ad illud se habeat,
 nisi contineatur determinatè & immutabiliter
 in illo, quod fit dum causa est actu; sicuti
 Petro sedente, certò cognosco quòd sedet, quia
 ipso actu sedente necesse est illum esse sedentem:
 sed determinatio creatæ volūtatis actu ab æter-
 no non est, & effectus futurus liber seu con-
 tingens contingenter ad creatam voluntatem
 se habet: ergo nullo modo potest esse causa
 certæ cognitionis futuri eventus liberi, sed
 tota causa est determinatio divinæ voluntatis.

354. Hac ratione pressus Mastrius *d. disp. 7. n. 174.*
 & *seq.* multa congerit ut vim illius subterfu-
 giat, primò namque docet, quòd stante generali
 decreto Dei de administratione suavi causarum
 secundarum, præsertim liberarum sinendo eas
 motus

motus suos agere, ut ait Augustinus *lib. 7. de civit. Dei cap. 30.* tenetur ex vi illius, tam in decernendo ab æterno effectus futuros, quàm actualiter concurrente in tempore, ita sese illis accommodare, ut sicut in tempore non efficit nisi effectum illis placitum, ita & ab æterno non decernat in tempore futurum ab eis, nisi quòd eis placuerit, & ad quod in tempore se se ex sua libertate determinabunt: quod quidem præstare nequit decreto antecedente seu prædeterminante, voluntatem creatam ad consensum, quia tunc non decerneret quod creatæ voluntati placeret, sed tantum quod sibi; nam tunc de voluntate creata in decernendo nulla prorsus haberetur ratio. Neque etiam id efficere potest decreto concomitante sumpto ex prævisione & præscientia conditionata futuri consensus creatæ voluntatis ante quodcunque decretum divinum, ut probatum est, inquir, *art. 4.* Et subinde restat quòd solum fieri possit decreto concomitanti sumpto ex virtuali continentia voluntatis creatæ in divina sicut in primo libero, secundum omnem suam virtutem, & volendi aut nolendi modum, ratione cujus definire ac determinare potest ab æterno quidquid à causis liberis determinatè futurum est simul cum eis pro quolibet rerum ordine, perinde ac si se determinarent causæ secundæ, si ab æterno forent simul cum voluntate divina.

Et *num. 178.* ampliùs hanc virtualem continentiam explicat dicens, non esse sensum, quòd velle nostrum involvat velle Dei, aut mutud se involvant absque ulla dependentia & subordinatione, itaut inter se coincident aut con-

355.

veniant, veluti à casu & fortuna, aut quòd voluntas creata ex se habeat quòd coincidat eum velle Dei, priusquam Deus velit eam velle; sed sensus est, quòd determinatio creatæ voluntatis in divino decreto involvitur, quo actus liberos ejusdem decrevit futuros; & ideo nec ordine causalitatis præcedit decretum Dei, nec sequitur, sed illud omnino concomitatur, tanquam in illo virtualiter implicita, cum qua tamen simultate *in quo* stat prioritas à *quo*, ita quòd Deus velit à seipso facere, voluntatem autem creatam cum dependentia ab illo, quòd sufficit ad essentialem subordinationem servandam voluntatis creatæ ad divinam. Dicitur autem hæc concomitantia virtualis, quoniam sicut divina voluntas in ratione primi liberi continet eminenter omnes voluntates creatas non tantum in ratione entis, sed secundum illam perfectionem liberè eligendi quodcunque voluerint, ita quoque decretum ejus virtualiter includit determinationem voluntatis creatæ, non solum quatenus hæc in tempore sequitur ad decretum Dei in æternitate præcedens, sed quatenus tale decretum Dei præcedens est omnino illi æquivalens & conforme, adeo ut dici possit determinationem voluntatis creatæ seipsam in tempore positam virtualiter præcedere in divino decreto, ratione cujus æquivalentiæ dici debet decretum divinum omnino concomitans.

356. Hæc Mastrii solutio & explicatio vim rationum allatarum nullatenus infringit, & alioquin multa absurda & secum pugnantia involvit. Quod ut pateat singula in ea contenta examinabimus & refellemus. Ait imprimis quòd
 sicut

Art. XIII. An scient. Dei sit, &c. Cap. XII. § 99
sicut Deus in tempore non efficit effectum nisi voluntati creatæ placitum, ita ab æterno non decrevit in tempore futurum ab ea nisi quod ei placuerit, & ad quod in tempore se se ex sua libertate determinabit. Quemadmodum jam adnotavimus §. 5. duplicem hæc verba sensum efficere atque reddere possunt, primus est, quodd Deus ad decernendum attendat quid voluntati creatæ placiturum sit, & ad quod ipsa se liberè determinabit ex se, & non præsuppositæ efficaci voluntate Dei efficaciter decernente ut velit, & causante determinationem creatæ voluntatis ad volendum. Secundus est, quodd Deus ab æterno non decreverit in tempore futurum & producendum à voluntate creata nisi quod ei placuerit, liberè nimirum operando, vel se determinando liberè ad operandum cooperando Deo in ea & per illam operanti. Et hic sensus verus est, non enim voluntas creata cogitur à Deo ut operetur, aut nolens aliquid facit; quapropter Deus qui finit causas secundas motus suos agere, decernit etiam voluntatem creatam liberè se determinaturam ad operandum, liberèque operaturam: tamen operante divina voluntate in ea ut velit, & operetur. Est enim ipsa causa secunda, & Deus decernit ut quatenus talis operetur, & modo consentaneo causæ secundæ & naturæ ipsius creatæ voluntatis, ut tali: sed ex ipso Scoto causæ secundæ competit ut operetur ut mota à causa superiori, & ut in virtute illius agens, neque est contra naturam ejus determinari à causa superiori, quia cùm hoc stat quodd sit causa in suo ordine, ut patet ex locis suprà adductis: ergo ab æterno decrevit
Deus

Deus quòd creata voluntas operaretur liberè , liberèque se determinaret ad operandum , sed tamen ut determinata , prævenga , motaque ab ipso Deo & ut in virtute illius agens , utpote causa secunda , contra cujus naturam non est , sed illi consentaneum determinari à causa superiori ad agendum , cui in operando est essentialiter subordinata ; quia cùm hoc stat quòd sit causa in ordine suo , hoc est , secunda , agens ut mota à Deo , liberè tamen propter omnipotentissimam Dei potestatem & efficacissimam voluntatem in operando , quæ decernit & vult nedum effectum fore , sed & libertatem ejus , ut explicabitur infrà , & docet D. Thom. *quest. 19. art. 8. & quest. 22. art. 4.*

357. Primus autem sensus omnino falsus est , quem ubique reprobatur D. Augustinus , ut ostendimus suprà , & ampliùs confutatur ex eodem lib. contra duas epist. Pelag. cap. 19. *Ut quid , ait , nobis Dominus præcepit , ut oremus pro eis qui nos persequuntur ? Nunquid hoc oramus ut eis pro eorum bona voluntate gratia Dei retribuatur , ac non potiùs ut mala in bonum voluntas eorum mutetur ? Sicut credimus tunc à Sanctis , quos persequabatur , non inaniter oratum esse pro Saulo , ut ad finem quam vastabat , voluntas ejus converteretur. Et illius quidem conversio desuper facta , manifesto etiam miraculo apparuit. Quàm multi inimici Christi quotidie subitò Dei occulta gratia trahuntur ad Christum ! Quod verbum si non ex Evangelio posuisssem , quanta de me propter hoc iste dixisset , cùm etiam nunc obliuiscetur , non mihi , sed illi qui clamat , nemo potest venire ad me , nisi Pater qui misit me traxerit eum ? Non enim*

enim ait, duxerit, ut illic aliquo modo intelligamus precedere voluntatem. Quis trahitur si jam volebat? Et tamen nemo venit, nisi velit. Trahitur ergo miris modis ut velit ab illo, qui novit intuitus in ipsis hominum cordibus operari, non ut homines, quod fieri non potest, nolentes credant, sed ut volentes ex nolentibus fiant. Hoc verum esse non conjecturam suspicamur humana, sed evidentissima divinarum Scripturarum auctoritate dignoscimus. Ex quibus ita arguo voluntas Pauli erat vastare fidem Christi, inspirans erat minarum & cœdis in discipulos ipsius: ergo cùm Deus ex persequendi voluntate transtulit ipsum ad faciendum voluntatem Christi & amplectendam fidem ejus non fecit quod libebat Paulo, sed quod sibi, convertendo saulum ex persecutore in vas electionis, licet convertendo fecerit, ut liberè vellet, & exclamaret, Domine quid me vis facere. Omnino ergo & simpliciter fatendum est Deum facere quod sibi placet, qui & ex nolentibus volentes facit, & in potestate sua voluntates hominum habet, omnipotentissimamque virtutem ad inclinandum corda etiam inimicorum & persequentium quod voluerit, Audiamus iterum eundem Augustinum lib. soliloq. animæ cap. 26. ubi Deum in fervore mentis alloquens ait: Priusquam me formares, in utero novisti me, & antequam exirem de vulva quidquid tibi placuit præordinasti de me. Perpetuò clamat Augustinus, quòd Deus de nobis, nostrisque voluntatibus faciat quidquid sibi placet, & recentiores malè libero arbitrio creato adulantes fingunt Deum facere quod voluntati creatæ libet. O quàm pessimum nefas, (aiebat supracitatus D. Fulgentius lib. de

602 *Quaest. XIV. De Scientia Dei,*
de incarn. & grat. Jesu Christi cap. 29.) *asseritur, dum gratia Dei, (& summæ illius potestati) contumaciter repugnatur. Homines opere Dei se in bonum mutari negant, qui homines non essent, nisi bonitate Dei operantis existerent. Ita ne rerum ordo cordi mutari permittitur, ut Deus qui creator est hominum, valeat hominem facere, non mutare; & qui nullius eget adjutorio ut hominem faciat, operari tamen quod vult in hominis voluntate non possit, priusquam in homine ipsum velle repererit.*

358. Quapropter jure merito S. Scriptura de omnipotentissima illa divinæ voluntatis potestate verba faciens Proverb. cap. 21. ait: *Sicut divisiones aquarum cor regis in manu Domini, quocunque voluerit vertet illud, vel ut alii ex Hebræo cum M. Malvenda vertunt, Sicut dispersiones aquarum, rivi, divergia, cor regis in manu Iehova, super omne quod bene complacebit extendet illud, divertet, deflectet.* Sumpta est metaphorā ab agricolis sive hortulanis, qui aqueductibus & Sulcis rivos aquarum per hortos, sive agros & prata, quod sibi libuerit & opus fuerit ad irrigandum suaviter & ingeniosè deducunt; haud absimili ratione Deus veluti agricola sicuti dispersiones istas aquarum voluntates hominum, etiam corda regum, quæ minus videntur alterius potestati subdi, suique juris potissimùm esse, in manu & potestate habet, ut de illis faciat, quidquid sibi bene visum fuerit, & eò inclinet, quod sibi complacuerit, suaviter tamen cuncta disponens. Non ergo Deus decernit quod libet creaturæ, sed quod sibi tanquam supremo Domino complacet. Quod & ratio persuadet, nam dominii
actus

Art. XIII. An scient. Dei sit, &c. Cap. XII. 603
actus est præceptum sive imperium efficax & usus rei, cujus dominium habetur, unde anima dicitur dominari vi concupiscibili quatenus imperat illi, viribus autem naturalibus & ipsi corpori utendo illis, ut docet D. Thomas 1. p. q. 96. art. 2. Sed Deus habet supremum dominium supra voluntates creatas & operationes earum: ergo imperat eis, & utitur ipsis, ut vult, quoniam ejus imperium efficacissimum est, & non ut libet ipsis creaturis, modo primo explicato. Quo circa D. Augustinus in Enchirid. cap. 98. exclamat: *Quis porro tam impie despiat, ut dicat Deum malas hominum voluntates, quas voluerit, quando voluerit, ubi voluerit, in bonum non posse convertere? Sed cum facit, per misericordiam facit, cum non facit, per judicium non facit.* Sed de hoc plura infra. Ex quibus secundum Mastrii dictum (nimirum quodd Deus decreto efficaci antecedente fieri non possit, quia tunc non decerneret quod voluntati creatæ placet, sed tantum quod sibi) manet confutatum. Nam si Deus non facit quod sibi placet, sed quod etiam creaturæ libet, quomodo cujus vult, miseretur, & quem vult indurat? Est ne quispiam cui libeat indurari, & induratum ire in gehennam æternis supplicis addicendum?

Accedamus jam ad refellendam virtualem illam continentiam creatæ voluntatis in divina voluntate tanquam in primo libero, ratione cujus ipse asserit Deum posse definire atque determinare ab æterno quidquid à causis liberis determinatè futurum est, perinde ac si se determinarent causæ secundæ, si ab æterno forent, simul cum voluntate divina. Hic dicendi modus

359.

dus impugnatur primò, auctoritate Scoti suprà
 §.6.n.340.adducta ex 1.dist.39.ubi de futuris cō-
 tingentibus & cognitione, quam de illis habet
 Deus, loquens ait: *Tunc autem* (scilicet in primo
 instanti rationis) *non sunt vera contingentia, quia*
nihil est tunc per quod habeant determinatam ve-
ritatem. Positâ autem determinatione voluntatis
divina jam sunt vera, videlicet pro illo secundo
instanti, & hoc idem erit ratio intellectui divino
intelligendi ista, qua sunt jam vera in secundo in-
stanti, & fuissent cognita in primo instanti, si
fuissent in primo instanti. Ex quibus ita arguo :
 in primo instanti virtualiter continetur in pri-
 mo libero creata voluntas operatura, vel non ?
 Si primum dicatur ; ergo virtualis illa conti-
 nentia non sufficit, ut Deus possit certò defi-
 nire atque determinare ab æterno quidquid ab
 ea determinatè futurum est. Conseq. prob. vo-
 luntas creata operatura est contingenter in tem-
 pore, utpote ad utrumlibet se habens : sed
 nullum contingens futurum pro illo priori si-
 gno habet determinatam veritatem, sicuti ne-
 que determinatum esse, ex ipso Scoto : ergo
 Deus ratione illius continentiae virtualis crea-
 tæ voluntatis in divina tanquam in primo li-
 bero non potest definire & determinare de fu-
 turo eventu, vel illum certò & determinatè
 cognoscere. Quoniam nihil certò cognoscitur,
 nisi prout determinatam habet veritatem &
 esse : quam non habet futura voluntas & ope-
 ratio illius pro primo signo. Si autem dicatur
 secundum, ergo virtualis continentia creatæ
 voluntatis est in ipsa voluntate determinante
 de futuro eventu, ratione cujus determinationis
 habet determinatam veritatem futurus even-
 tus,

Art. III. An scient. Dei sit, &c. Cap. XII. 605
tus, vel consensus & & determinatio futura
creatæ voluntatis ad operandum; & subindè
pro illo secundo signo potest jam certò cognos-
ci à Deo, ut docet subtilis Doctor: sed cùm
aliquid in alio virtualiter continetur tunc con-
tinetur in eo sicut in causa, contineri enim
virtualiter est contineri in virtute activa ipsius,
sicuti floritio arboris, vel calefactio dicitur
virtualiter contineri in sole, quoniam virtus
activa solis se extendit ad hujusmodi effectus
producendos: ergo determinatio futura creatæ
voluntatis continetur in determinatione vo-
luntatis divinæ quam ab æterno habuit tan-
quam in causa: ergo illa determinatio, nedum
duratione, sed etiam causalitate est antecedens,
& prædeterminans voluntatem creatam ad ope-
randum.

Conf. cognitio illa Dei est scientifica: ergo 360.
est cognitio rei per suam causam: sed ex Scoto
determinatio voluntatis divinæ est causa cur
futurum contingens, sicuti est futura determi-
natio liberæ voluntatis ad operandum in tem-
pore, cognoscatur certò & scientificè à divino
intellectu: ergo determinatio divinæ volunta-
tis se debet habere ut causa futuræ determina-
tionis liberæ creatæ voluntatis: sed omnis cau-
sa ordinè causalitatis præcedit suum effectum:
ergo illa determinatio seu decretum divinæ
voluntatis erit antecedens & prædeterminans
voluntatem creatam ad operandum.

Secundò impugnatur, nam ut docet D. Tho- 361.
mas *quæst. 27. de verit. art. 7.* aliqua perfectio po-
test contineri in sua causa effectiva dupliciter,
nimirum secundum esse naturale, quo pacto
calor in igne continetur; & secundum suum
esse

606 *Quaest. XIV. De Scientia Dei*,
esse spirituale seu intelligibile, sicuti forma do-
mus in mente artificis, ubi non est ut natura
quædam & tanquam virtus calefactiva seu ca-
lor in igne, sed ut quædam intentio seu for-
ma intelligibilis; & utroque modo rerum om-
nium perfectiones in Deo existunt, secundum
esse naturale nimirum licet non secundum ean-
dem rationem, quoniam continentur in eo ut
in causa æquivoca: & secundum esse intelli-
gibile, quoniam habet rationes omnium rerum
tam earum quæ sunt, quæ fuerunt, aut erunt,
quàm etiam earum quæ possunt esse, sed nun-
quam erunt, aliàs non cognosceret; ex eo
enim aliquid ab aliquo cognoscitur quod ratio
ejus est ex intellectu ipsius. Modò quæro, utrùm
creata voluntas & determinatio futura illius ad
operandum dicatur contineri virtualiter in di-
vina tanquam in primo libero, vel secundum
esse naturale solùm, vel etiam intelligibiliter
ac spiritualiter? Si primum dicatur, tunc sic
arguo: primò quidquid secundum suum esse
naturale est in Deo est ipsemet Deus, quo pa-
cto D. Anselmus dixit quòd creaturæ prout in
Deo sunt ipsamet creatrix essentia, & subinde
cognoscitur cognitâ essentiâ seu potentiâ & bo-
nitate Dei antecederet ad quodlibet decretum
divinæ voluntatis per scientiam simplicis intel-
ligentiæ, quâ Deus seipsum, & quidquid in
se est, comprehensivè cognoscit: ergo pro pri-
mo signo rationis antecederet ad determina-
tionem divinæ voluntatis jam cognoscitur cer-
tò futura voluntas creata, & determinatio illius
libera in tempore facienda, quod est contra
Scotum, neque id potest concedere Mastrius,
alioquin concedere tenebitur, quòd præscientia
futuri

Art. XIII. An sciēt. Dei sit, &c. Cap. XII. 607
futuri eventus divinæ voluntatis determinatio-
nem præcedat, quod ipse mordicùs negat. Se-
cundò, quia continentia virtualis ante decre-
tum divinæ voluntatis solùm facit rem esse pos-
sibilem, & non futuram; si enim ante hujus-
modi decretum & determinationem liberæ vo-
luntatis divinæ futura esset, necessariò futura
esset, & per scientiã simplicis intelligentiæ cer-
tò cognosceretur, quia quidquid liberum divinæ
voluntatis decretum antecedit, necessarium est,
& ab hujusmodi scientia cognitum: Ergo per
illam continentiam virtuales, quatenus con-
cipitur determinationem divinæ voluntatis præ-
cedere in signo aliquo rationis, non potest
Deus definire ac determinare ab æterno quid-
quid à causis liberis determinatè futurū, est quo-
niam pro illo rationis signo nil omnino futu-
rum est. Quod si illa virtualis continentia ex
determinatione divinæ voluntatis, & in ea ha-
beatur, ipsa erit causa cujuslibet eventus futuri,
& subinde etiam determinationis liberæ creatæ
voluntatis, quoniã & hæc in tempore futura est.

Conf. per continentiam virtuales res non 362.
sunt determinatæ ad esse pro aliqua temporis
differentia habendam: Ergo neque ad veritatem
quæ sequitur ad ipsum esse: Ergo ratione con-
tinentiæ virtualis non potest Deus definire ac
determinare de futuro eventu secundum omnem
modum & rationem illius. Antecedens prob.
antequam se Deus determinaret ad productio-
nem creaturarum, jam istæ in Deo virtualiter
continebantur, nimirum in ejus potentia &
bonitate, aliàs non potuisset eas producere, seu
velle producere: Sed pro illo signo non magis
erant determinatæ ad essendum pro aliqua tem-

608 *Quæst. XIV. De Scientia Dei*,
poris differentiâ, quàm ad non essendum, cum
potuerint non esse: Ergo per continentiam vir-
tualem res non sunt determinatæ ad esse pro
aliqua temporis differentia habendam.

363. Superest ergo dicendum, quòd futurus even-
tus contineatur virtualiter in divina voluntate
spiritualiter, & intelligibiliter, mediante Or-
dinatione practicâ ipsius intellectus: quod prob.
nam Deus in quocunque opere ad extra est
agens, non quidem naturale, sed ex proposito
& cum ratione, secundum illud Apostoli ad
Ephes. c. 1. *Qui operatur omnia secundum consi-
lium voluntatis suæ*: Sed omne agens ex propo-
sito, & ordinans de rebus necessariò debet ha-
bere cognitionem operis sui apud se; & deter-
minatè se habere ad effectum producendum,
quando illum efficaciter intendit; ut patet in
artifice creato v. g. domificatore, qui habet
formam domus in mente sua, & per volunta-
tem suam determinatur ad operandum illam:
Ergo ut futurus eventus contineatur virtualiter
in divina voluntate per modum intelligibilem
debet contineri in divina cognitione & volun-
tate practicè ordinante de illo, & causante de-
terminationem ad essendum: Ergo cum deter-
minatio libera creatæ voluntatis sit quid futu-
rum, & facienda in virtute primi liberi, debet
præcedere cognitio practica illius in Deo & de-
terminatio voluntatis ad esse tanquam causa: &
subinde voluntatis divinæ determinatio est
conjuncta cum præscientia & cognitione infal-
libili futuri eventus ut causa ipsius.

364. Ex his facilè dissolvetur Mastrii ratio nimi-
rum: Voluntas divina est infinita & eminenter
continens voluntatem creatam secundum
omnem

omnem ejus inclinationem : Ergo cū ab intellectu divino fuerint divinæ voluntati oblatis omnes rerum ordines , cum quibus ipsa poni potest voluntas creata , ipsa ex vi talis eminentiæ poterit se conformare seu coincidere cum voluntate creata , ac si illam expectasset , aut decreverit illius seu futuram inclinationem cognovisset. Conseq. prob. Ex quo Deus est primum efficiens continens eminenter omnium causarum secundarum effectrices rationes non minus sine illis quàm cum illis earum effectus producere potest , & cum eadem perfectione : Ergo etiam divina voluntas infinita in genere potentie volitivæ liberæ potest ab æterno omnes effectus futuros etiam liberos velle , coincidendo prorsus in eandem determinationem. Neque hoc in imperfectionem redundat , quoniam & in nobis perfectioni ingenii tribuitur , quod unus interdum in prudentem determinationem alterius incidat nulla existente in illo præscientia & pro notione hujusmodi determinationis.

Conf. ex D. August. lib. de corrept. & grat. 365.
c. 14. Ubi ratione infinitatis divinæ voluntatis ostendit Deum velle posse quidquid nos volumus , & quidquid ipse vult , quia magis habet voluntates hominum in sua potestate , quàm ipsi suas. Quod probat ex electione tum Saülis cū Davdis in regem : *Qui tamen* , inquit S. D , *hoc non fecit* (nimirum subdere Israëlitas Saüli) *nisi per ipsorum hominum voluntates sine dubio habens humanorum cordium quò placere inclinandorum omnipotentissimam potestatem*. Et postea loquens de electione David in Regem nunquid , ait , *cooperatibus ullis vinculis alligavit? Eos voluntatibus eorum , quas ipse in illis operatus est*,

*traxit. Si ergo cum voluerit Deus reges in terra constituere, magis habet in potestate voluntates hominum, quam ipse suas, quis alius facit, ut salubris sit correptio? Non, inquam, hoc reducit in efficaciam divinæ voluntatis quasi nos prædeterminet ad volendum quod ipse vult, sed in infinitatem potentiæ volitivæ, ratione cujus habet omnimodam potestatem inclinandi nostras voluntates, inquam nobis & sibi libuerit partem, & ratione cujus magis habet in potestate sua voluntates hominum quàm ipsi suas: sed sic est quòd nos ipsi ita habemus in nostra potestate voluntates nostras ut seu eas determinare possimus quidquid nobis placet ut ait Augustinus lib. 3. de libero arbit. cap. 3. *Nihil magis est in nostra potestate, quàm ipsa voluntas:* Ergo sic etià & tantò magis potest determinare Deus ab æterno absq; ullo nostræ libertatis detrimento. Rursus hanc decretorum concomitantiam insinuat idem S. Aug. l. 1. ad Simpl. q. 2. cum ait, *Deus ut velinus & suū esse voluit & nostrum.**

366. Resp. ad 1. dist. antec. voluntas divina est infinita & eminenter continens voluntatem creatam secundum omnem ejus inclinationem, continentia naturali duntaxat, nego: continentia intelligibili, & per modum agentis intellectuales seu ex proposito, concedo antec. & nego consequ. Ad prob. transeat anteced. & dist. consequens: potest ab æterno omnes effectus futuros liberos velle præfiniendo illos efficaciter, & sic coincidendo in eandem determinationem ut præfinitam à se, concedo consequent. absque tali præfinitione, nego consequ. Quoniam sic vellet & operaretur à casu, ut probatum est supra. Quod in maximam illius imperfectionem refundere

Art. XIII. An scient. Dei sit, &c Cap. XII. 61
refunderetur. Neque hoc in nobis perfectioni
tribuitur, quòd casu in eandem sententiam in-
cidamus, sed quòd ex principiis rectis operabi-
lium prudenti iudicio eandem conclusionem
deducamus, unde si in sententiam imprudentem
coëant aliqui casu vitio eis tribuitur.

Ad conf. resp. quòd equidem D. Augustinus 367.
ait Deum magis habere in potestate voluntates
hominum quàm ipse suas habent, ratione infi-
nitatis divinæ voluntatis non solùm in essendo,
sed etiam in operando, ratione cujus facit quid-
quid sibi placet de voluntatibus ipsis, & non
quod nobis libet, nisi quatenus faciendo nos
velle facit ut liberè velimus, sicut explicatum
est suprà: potuitque determinare ab æterno abs-
que nostræ libertatis præjudicio, quidquid
sibi benè visum fuit, præfiniendo actus nostros
liberos, sed non coincidendo, ut vult Mastrius,
vel ficto ille decreto purè concomitanti. Neque
hancce decretorum concomitantiam ullo pacto
insinuat Augustinus, sed quam explicuimus suprà.

C A P U T XIII.

*Vtrum Deus futura contingentia absoluta
in decreto efficaci præfinitivo sua divi-
na voluntatis certò & infallibiliter co-
gnoscat.*

§. 1.

Quibusdam prænotatis stabilitur veritas.

Diximus suprà ex D. Thoma q. 16. de malo 368.
art. 7. dupliciter futura contingentia co-

612 *Quaest. XIV. De Scientia Dei,*
gnosci posse : Uno modo in seipsis , vel prout
sunt in actu suo : quo pacto certò & infallibi-
liter à Deo cognoscuntur in mensura æternita-
tis , sicuti nos fusè probatum reliquimus suprà
cap. 5. Alio modo cognosci possunt in causis
suis ; quo modo cognoscere futura , est cognos-
cere præsentem inclinationem sive ordinem
causæ ad effectus illos futuros , *cognoscere*, in-
quit, *futurum in causa sua nihil aliud est quam*
cognoscere præsentem inclinationem causa ad effe-
ctum. Vnde hoc non est propriè cognoscere futu-
rum sed præsens. Et quoniam multæ sunt causæ
contingentes , quæ impediri possunt , nec di-
cunt infallibilem ordinem ad suos effectus con-
tingenter ab eis provenientes , difficultas est ,
utrum Deus certam de illis cognitionem ha-
bere possit in sua essentia , tanquam in causa
universali ipsorum , & unde proveniat pri-
mò & per se certitudo illius cognitionis in
Deo.

368. Revocanda sunt in memoriam quæ diximus
suprà , *art. 6. cap. 2.* nimirum quòd in cogniti-
one divina ipsa essentia Dei , ut est similitudo
omnium rerum , nedum habet rationem medii
sub quo seu luminis vel medii quo sive speciei
intelligibilis , ratione cujus de singulis rebus
propriam cognitionem efficere potest , sed etiam
medii in quo ; quoniam in ea tanquam in causa
priùs cognita Deus quoslibet intuetur effectus.
Essentia autem Dei est causa adæquata rerum &
in actu secundo productiva ipsarum proximè ,
quatenus habet rationem potentia agentis , quæ
cùm sit liberum operandi principium præsup-
ponit intellectum ut dirigentem , & volunta-
tem ut decernentem sive operantem opus ,
quemadmo

Art. XIII. An sciēt. Dei sit, &c. Cap. XIII. 613
 quemadmodum fusè explicatur infra 9. 19. a. 4.
 intellectus enim primò concipit formam seu
 ideam operis, voluntas decernit opus conce-
 ptum executioni demandare, & potentiâ exe-
 quitur illud. Unde causa adæquata in qua Deus
 cognoscit futura contingentia, & qualibet
 alia est divina potentia ut directâ per intelle-
 ctum, & per voluntatem determinata ad opus.
 Et ita intelligendus venit S. D. cū 1. *contra*
gent. cap. 68. ait: *Ea quæ sunt præsentia, præte-*
rita, vel futura nobis cognoscit Deus, secundum
quod sunt in potentia sua. Quod intelligendum
 est de cognitione certa; cū alia in Deo non
 sit. Igitur in præsentia inquirimus à quo tan-
 quam à prima radice certitudo & infallibilitas
 cognitionis divinæ de futuris contingentibus
 proveniat, tum scilicet à decreto & determinatio-
 ne divinæ voluntatis præfinientis, ac prædeter-
 minantis opus, seu imperantis illud, ac decer-
 nentis vel aliunde? Namque certum est, quòd
 rationem operis præscribat intellectus, & in
 idea ejus seu ratione cognita opus faciendum
 intucatur. Sed ex hac parte certitudinem de ope-
 re faciendo, & executioni demandando non
 habet, cū de rebus quæ nunquam erunt ideæ
 etiam esse possint. Potentia similiter non est de-
 terminata, sed ad infinita illius virtus se exten-
 dit. Quapropter tota difficultas reducitur ad
 voluntatem decernentem opus, vel ad aliquid
 extrinsecum.

Conclusio, Deus futura contingentia certò 369.
 & infallibiliter cognoscit in sua essentia prius
 visâ & cognita tanquam in causa, prout habet
 rationem ideæ, & potentiæ activæ ut determi-
 natæ per voluntatem, ita ut prima radix certi-

614 *Quæst. XIV. De Scientia, Dei*
tudinis illius cognitionis, sit ipsum decretum præfinitivum ipsius divinæ voluntatis. Unde simpliciter asserendum est, quod ea certò & infallibiliter cognoscat in ejusmodi constitutione & decreto, seu prædeterminatione divinæ voluntatis, ut importat ideam ceu rationem operis, & potentiam executivam, & actum voluntatis determinantem utramque ultimò ad opus, seu imperantem ac decernentem efficaciter illud.

37°. Prima pars, videlicet quod ea cognoscat in seipso, seu in essentia sua priùs visa tanquam in causa, sumitur ex D. Hilario lib. 9. de Trinit. ubi Arianos redarguens Christum nescientiæ & ignorationis accusantes, quod nimirum diem judicii nesciret, ita ratiocinatur: *An credibile esse potest, ut aliquid ex omnibus nesciat, qui omnibus ad id quod sunt, atque erunt auctor est? Si enim omnia per Christum & in Christo, & ita per ipsum ut omnia in ipso sint, id quod neque extra eum, neque non per eum est, quomodo non etiam in scientia ejus sit; cum plerumque scientia ea etiam, quæ neque in se neque per se sint, per virtutem naturæ non nescia apprehendat? At verò quod causam nisi ex eo non sumit, & motum ad id quod est eritque, nisi intra se non capit, quomodo extra ejus naturæ scientiam est, per quam & in qua id quod efficiendum sit continetur.* q. d. Qui cognoscit causam, in ea priùs visa & cognita intuetur effectus illius: Sed quæcumque sunt, etiam motus & operationes, à Christo & per Christum sunt tanquam per causam: ergo cum ipse se perfectissimè cognoscat, quæcumque alia etiam in seipso tanquam in causa cognoscit, ac subinde ipsum judicii diem.

Id ipsum apertè docet D. Thomas in 1. d. 38. q. 1. art. 5. dicens : *Intellectus divinus ab æterno intuetur unum quodque contingentium , non solum prout est in causis suis , sed prout est in suo esse determinato.* Et quoniam causæ proximæ contingentium non sunt ad unum determinatæ , oriri poterat difficultas quomodo cognitio Dei de illis certa esse posset idcirco statim subdit : *Deus ab æterno non solum vidit ordinem sui ad rem , ex cuius potestate erat futura , sed ipsum esse rei intuebatur.* Quibus verbis utrumque modum cognoscendi futura exprimit , nimirum in seipso seu in potentia sua activa ut determinata per intellectum & voluntatem ad futuritionem eorum : & in mensura æternitatis , quo pacto illa intuetur , ut habent esse in esse suo.

371.

Prob. ratione hæc prima pars : Deus de futuris contingentibus perfectam habet scientiam, & propriè dictam: sed ad hanc non sufficit quòd sit certa & infallibilis cognitio , sed causam ulteriùs desideratur ut sit rei scitæ per suam necessariam : ergo requiritur quòd in Deo ab æterno sit cognitio certa futurorum contingentium per causam necessariam & infallibilem : sed cognitio , quæ de futuris contingentibus habetur præcisè , quatenus ab æterno Deus ipsa intuetur ut sunt in actu essendi , sive prout sunt sibi physicè coëxistentia in mensura æternitatis , est quidem certa & intuitiva rei , non tamen est cognitio illius per suam causam , præcisè ut talis est ; quemadmodum neque dum video sortem actu sedere , vel currere est cognitio sessionis vel cursus per causam , esto certa atque necessaria sit : ergo præter illum modum , quo Deus futura contingentia ab æterno in mensura æternita

372.

æternitatis intuetur, necessarium est alium modum assignari, quo illa ab æterno cognoscat per causam infallibilem & necessariam. Minor patet, nam cognitio principiorum est certa & infallibilis, nec tamen est scientia propriè dicta sed contra illam dividitur, ut sumitur ex D. Th. 1. *Poster. Lect. 7.*

373.

Quapropter idem S. D. hunc modum apertè tradit. quæst. 2. de verit. art. 12. in sed contra 6. dicens: *Scire est rem per causam cognoscere: sed Deus scit omnium contingentium causas; scit enim eipsum, qui est causa omnium: ergo ipse scit contingentia.* Et lib. 1. Sent. ad Annibald. dist. 38. q. 2. art. 1. *Deus scit res inquantum est causa rerum: sed est causa non solum necessariorum, sed etiam contingentium: ergo ipse scit non solum necessariorum, sed etiam contingentium: ergo ipse scit non solum necessaria futura, sed etiam contingentia.* Eadem habet lib. 1. cont. gent. cap. 66. & 67. ubi ita scribit: *Divina cognitio est causa rerum contingentium: nihil igitur prohibet ea in se contingentia esse de quibus Deus necessariam scientiam habet.* Et cap. 68. *Deus cognoscendo essentiam suam alia cognoscit, sicut per cognitionem causa cognoscuntur effectus: omnia igitur cognoscit essentiam suam cognoscendo ad quæ sua causalitas extenditur.* Ex quibus manet probata conclusio quoad 2. part. videlicet quòd noscat illa in essentia sua priùs visa tanquam in causa, prout habet ratione ideæ, & potentie activæ determinatæ per voluntatem: quoniam omnis effectus cognoscitur in virtute suæ causæ: sed essentia divina causat ipsa res quatenus habet rationem causæ exemplaris & potentie activæ determinatæ per voluntatem, cum sit agens liberum: ergo
futura

Art. XIII. An sciēt. Dei sit, &c. Cap. XIII. 617
futura contingentia cū effectus suos certò cognoscit in essentia ut habet rationem ideæ & potentia activæ determinatæ per voluntatem ad productionem illorum.

Quoad tertiam autem partem prob. primò ex 374.
D. Augustino lib. 26. contra Faustum cap. 4. ubi ait : *Illud sanè scimus hoc de illo (nimirum Helia) factum quod Dei voluntas habet; fieri de quoquam omnino non posse. Proinde si mihi dicatur posse fieri ut caro v. g. hujus vel illius hominis in corpus cæleste mutetur, concedo fieri posse, sed utrum futurum sit nescio. Et ideo nescio, quia quid habeat de hac re Dei voluntas, me latet.* Ergo secundum S. D. si quis sciret quid de futuro habeat divina voluntas, illud nosceret, & subinde hæc est Deo causa cognoscendi futurum qui perfectissimè noscit, quid de illo sua habeat voluntas. Quam etiam rationem insinuat D. Thomas in 1. dist. 45. qn. 1. art. 3. ad 5. ubi ad ostendendum quòd siue voluntas Dei sit causa sufficiens omnium rerum, & ex causa sufficienti possint res demonstrativè sciri, tamen nobis viatoribus non est sufficiens medium ad sciendum omnia, ait : *Præcipuè cū voluntatem ejus non plenè cognoscamus, ut in ea propriam reirationem videamus, sicut ipse Deus videt, qui in se omnia cognoscit.*

Præterea idem S. D. Augustinus lib. de prædest. Sanct. cap. 10. differentiam inter prædestinationem & gratiam assignans ait : *Prædestinatio est gratis preparatio, gratia verò jam ipsa donatio.* Quod itaque ait Apostolus : *Non ex operibus, ne fortè quis extollatur; ipsius enim sumus figmentum, creati in Christo Iesu in operibus bonis, gratia est.* 375.
Quod

618 *Quaest. XIV. De sententia Dei,*
Quod autem sequitur : Qua praparavit Deus ut
in illis ambulemus, prae destinatio est, qua sine pra-
scientia esse non potest; potest autem esse sine pra-
destinatione praescientia. Praedestinatione quippe Deus
ea praescivit, quae fuerat ipse factururus. Vnde di-
ctum est, fecit quae futura sunt. Praescire autem po-
tens est etiam quae ipse non facit, sicut quaecumque
peccata. Vocat S. D. Praedestinationem gratiae
praeparationem, & eam in illis Apostoli verbis,
Qua praparavit, intellectam agnoscit. Quod
quidem intelligi debet non de praeparatione ma-
teriae, quā praeparatur ac disponitur ad ipsam
formam suscipiendam; sed de praeparatione
agentis, qualis est in artifice secundum quod
concipit formam operis & illud operari inten-
dit, quemadmodum adnotavit D. Thomas in
1. dist. 40. q. 2. ad 2. dicens: Quadam est pra-
paratio agentis ut sit agens, qua est in artifice se-
cundum quod concipit formam artificiali, & propo-
nit eam exequi in opere, & talis praeparatio
est in Deo etiam respectu futurorum. Quapropter
praeparationis vox in definitione praedestinatio-
nis propositum sive praedefinitionem divinae vo-
luntatis nominat, ut docet idem S. D. ibid. q. 1.
art. 1. in corp. & ad 2. his verbis: Praeparatio,
qua ponitur in definitione praedestinationis intelli-
gitur secundum propositum divinae voluntatis: Ergo
idem est dicere, quod Deus praedestinatione
praescivit ea, quae fuerat factururus, atqui dicere,
quod Deus praedefinitione atque decreto praedi-
rigente atque praedeterminante futura praesci-
vit, subinde praescientia infallibilis futurorum
fundatur in decreto efficaci divinae voluntatis;
non autem decretum in ipsa praescientia.

Quapro

Quapropter idem S. D. lib. de bono perseve.
cap. 17. ita concludit : *Hæc , inquam , Dei dona ,*
si nulla est prædestinatio , quam defendimus , non
præsciuntur à Deo : præsciuntur autem : hæc est
igitur prædestinatio quam defendimus : Igitur præ-
destinatio , seu præconstitutio , & præordina-
tio divinæ voluntatis de futuris est causa cur à
Deo præsciantur , seu infallibiliter prævidean-
tur. Conseq. prob. id quo posito ponitur res, &
ablato aufertur , causa rei censetur : sed positâ
ejusmodi prædestinatione & præordinatione di-
vinæ voluntatis de futuris ipsa præsciuntur ,
Prædestinatione quippe Deus , inquit Augustinus
ubi suprâ , præscivit quæ erat ipse factururus , & ipsâ
ablata non præsciuntur , Si nulla est , ait , præ-
destinatio , non præsciuntur à Deo : Ergo præcon-
stitutio illa sive præordinatio & prædestinatio
est causa cur à Deo sciantur. Unde ibidem sæ-
pe repetit , Si Deus bona opera præscivit , profe-
ctò prædestinavit , quæ verò non prædestinavit bona ,
non præscivit ; præsertim verò cap. 18 Sine dubio ,
inquit , præscivit , si prædestinavit ; sed prædesti-
nasse est hoc præscisse , quod fuerat ipse factururus.

Hinc etiam idem S. D. cit. lib. de prædest.
cap. 9. explicans ea verba quæ dixerat quæst. 2.
ad Simplician. videlicet , *Tunc voluisse homini-*
bus apparere Christum , & apud eos predicari do-
ctrinam suam , quando sciebat , & ubi sciebat esse ,
qui in eum fuerant credituri , Quibus verbis pro-
positum sive decretum divinæ voluntatis præ-
scientiæ innixum stabilire videbatur , hæc scri-
bit : Cernitis me sine præjudicio latentis consilii
Dei , aliarumque causarum hoc de præscientia
Christi dicere voluisse , quod convincenda Pagano-
rum infidelitati , qui hanc objecerant questionem ,
sufficere

620 *Quaest. XIV. De scientia Dei* ,
sufficere videretur. Sed utrum predicato sibi Christo
à seipsis habituri essent fidem, an Deo donante sum-
pturi, id est, utrum tantummodo eos præscreverit,
an etiam prædestinaverit Deus, querere ac differe-
re tunc necessarium non putavi. Ubi particula,
prædestinaverit, idem sonat, atqui præordina-
verit, prædefinierit, & præconstituerit efficaci-
ter dare illis ut crederent, sicuti ex antecedenti-
bus verbis constat, & nos ostendimus supra cap.
12. §. 1. Ergo prædestinatione Deum præscire
aliqua à se agenda, idem sonat atqui præscire in
decreto, prædefinitione, præordinatione, &
præconstitutione suæ divinæ voluntatis. Ean-
dem veritatem expressè docet D. Hilarius lib. 9.
de Trinit. (relatus à P. Gonet) dum ait: Quæ
Deus facere decrevit, in sua voluntate cognovit:
Decrevit autem omnia futura etiam libera face-
re; quia, ut ibidem docet, per ipsum est consti-
tutio futurorum: Ergo illæ in decreto seu deter-
minatione efficaci suæ divinæ voluntatis certò
prævidit.

378. Eandem veritatem tradit D. Thomas lib. 1.
 contra gent. cap. 68. *Deus, inquit, non solum*
cognoscit res secundum quòd in seipsis sunt, sed
etiam secundum quòd sunt in causis suis, cognoscit
enim ordinem causa ad suum effectum: sed artifi-
cialia sunt in artificibus per intellectum & vo-
luntatem artificum, sicut res naturales sunt in cau-
sis suis, per virtutes causarum; sicut enim res na-
turales assimilant sibi suos effectus per suas virtu-
tes activas, ita artifex per intellectum inducit for-
mam artificiati, per quam assimilatur sua arti; &
similis est ratio de omnibus quæ à proposito aguntur:
scit igitur Deus & cogitationes & voluntates, hoc
est, actus liberos voluntatis seu volitiones:
 sunt

Art. XIII. An sciēt Dei sit, &c. Cap. XIII. 621
 sunt autem artificialia in artificibus per suas
 ideas ut habent adjunctam voluntatis determi-
 nationem, & ad ea quæ erunt producenda de-
 terminantur ex proposito divinæ voluntatis,
 ut expressè docet idem S. D. *quæst. 3. de verit.*
art. 6. & nos suprà *cap. 11.* fusè probatum reli-
 quimus: ergo futura contingentia etiam libera
 habent, quòd certò cognoscantur à Deo in
 suis causis ex determinatione ac decreto effica-
 ci prædefiniente ipsius divinæ voluntatis. Et
 quoniam hoc videbatur præjudicium libertati
 creatæ & actionum liberæ voluntatis afferre,
 S. D. subjungit: *Dominium quod habet voluntas*
suprà suos actus, per quod in ejus est potestate vel-
le, vel non velle, excludit determinationem na-
turalem virtutis ad unum, & violentiam exte-
rioris causa agentis; non autem excludit influen-
tiam superioris causa, à qua est ei esse & operari:
& sic remanet causalitas in causa prima, quæ Deus
est, respectu motuum voluntatis, ut sic Deus
seipsum cognoscendo hujusmodi cognoscere possit;
seipsum, inquam, cognoscendo ut causam ea-
rum; est autem causa rerum per determinatio-
nem suæ voluntatis, & in hac completur ratio
causæ, ut docet idem S. D. in 1. dist. 38. quæst. 1.
art. 1. & dist. 45. art. 3. ergo Deus certò & infalli-
 biliter prævidet futura contingentia in decreto
 suæ divinæ voluntatis.

§. 2.

*Probatur hæc conclusio quoad tertiam illius
 partem ratione.*

Secundò prob. concl. ratione quoad tertiam 379.
 Ejus partem: Ab illo habet futurum certò
 &

& infallibiliter cognosci in sua causa, à quo habet determinatum & infallibilem ordinem ad sui productionem, vel ad existendum pro aliqua temporis differentia, seu ex quo infallibiliter sequitur tanquam ex causa, ut docet D. Thom. in 1. d. 38. quæst. 1. art. 5. supracit. & quæst. 16. de malo art. 7. c. Sed res à determinatione & decreto efficaci divinæ voluntatis habet, quòd sit simpliciter, & infallibiliter futura, itaut impediri non possit: ergo ex ejusmodi decreto primo & per se habet quod à Deo in seipso tanquam in causa cognosci & prævideri certò & infallibiliter possit. Minor. prob. 1. ex D. August. cit. lib. 26. contra Faust. cap. 4. ubi post supracitata §. præced. verba, subjungit: *Illud me tamen non latet sine dubio futurum, si hoc Dei voluntas habet*, hoc est, decernit & approbat, ut est illud Virgilii *Æneid.*

Hoc habet, hoc melior magnis data victima divis.

Et prudentius.

Hoc habet, exclamat victrix Regina:

380. Deinde prob. ex D. Thoma 1. p. q. 16. art. 7. ad 3. ubi ait: *Dicendum, quòd illud quod nunc est, ideo futurum fuit, antequam esset, quia in causa sua erat ut fieret. Unde sublata causâ non esset futurum illud fieri: sola autem prima causa est aeterna unde non sequitur quòd ea quæ sunt, semper verum fuit ea esse futura, nisi quatenus in causa sempiterna fuit ut essent futura: sed non fuit ut esset aliquid determinatè futurum in causa prima nisi ratione voluntatis divinæ efficaciter decernentis illud fore, seu futuritionem illius: ergo futura habent quòd simpliciter & infallibiliter futura sint ex decreto & determinatione efficaci*

Art. XIII. An sciēt. Dei sit, &c. Cap. XIII. 623
efficaci divinæ voluntatis ita constituentis. Minor prob. licet Deus per viam exemplaritatis secundum omnia sua attributa rerum causa dicatur, tamen secundum ordinem attributi ad objectum voluntas, scientia & potentia, vel quæ ad hæc spectant, earum causa dicuntur, sicuti docet idem S.D. *quæst. 5. de verit. art. 1. ad 7.* sed res ab ipsa scientia vel potentia absolute sumptis non habet quod sit determinatè & infallibiliter futura: ergo illud habet à determinatione voluntatis efficaciter decernentis illam fore, & intantum scientia aut potentia sunt causa futurorum, inquantum habent adjunctam ejusmodi divinæ voluntatis determinationem. Minor prob. ex eodem S. D. in 1. dist. 45. *quæst. 1. art. 3. cap.* ubi ait: *Opus determinatum non progreditur nisi à determinato agente: Potentia autem Dei cum sit infinita non magis determinatur ad hoc quàm ad illud: Unde oportet quod supra rationem potentie sit aliquid aliud per quod opus determinetur: Similiter scientia se habet ad opposita, est enim & bonorum & malorum: ideo oportet adhuc aliquid addere, in quo perficiatur ratio cause: & hoc est voluntas, qua determinatè accipit unum ex duobus qua scit, vel qua potest. Unde perfecta ratio causalitatis in his, quæ non agunt ex necessitate natura, invenitur primò in voluntate, ut dicit Philosophus in 9. Metaphys. text. 3. Et hoc convenit voluntati inquantum objectum ejus est finis, qui est causa causarum, & à quo sumitur determinatio operis, ut patet ex 2. Phys. text. 31. Et ideo voluntati divine ascribitur causalitas rerum. Quod & conformat ibidem Philosopho lib. 6. Metaphys. text. 1. ubi docet quod omnium artificiatorum principium est voluntas*

624 *Quaest. XIV. De Scientia Dei,*
artificis, quantumcunque enim sciat artifex
opus facere, & possit, tamen nunquam fiet nisi,
ad operandum à voluntate imperante determi-
netur & applicetur ad opus, nec simpliciter
censetur illud opus futurum, nisi intendat ef-
ficaciter & immutabiliter illud facere: sed om-
nia creata procedunt à Deo tanquam artificia-
ta ab artifice, ut communiter asserunt Sancti
Patres, & Theologi: ergo principium eorum
est voluntas divina; nec simpliciter futura esse
possunt, nisi inquantum ipsa Dei voluntas est
immutabiliter determinata ad productionem
illorum pro aliqua temporis differentia subse-
quenti.

381. Prob. 3. eadem minor ex D. Thom. cit 1. p.
q. 16. art. 7. à causa activa quæ actu non est,
non potest habere effectus, quod sit simplici-
ter & inimpedibiliter futurus: sed nulla causa
creata & proxima sine naturalis sive necessaria
ipsius futuri ab æterno est actu & in seipsa,
quia nihil est æternum præter Deum: ergo ab
æterno non potest res habere quoddam sit certò
futura à suis causis proximis secundum se sum-
ptis, & subinde illud habebit duntaxat primò
& per se à determinatione divinæ voluntatis,
quæ sola æterna est. Major prob. causa activa,
quæ actu non est, non potest actu fundare or-
dinem certum & infallibilem ad productio-
nem rei, vel ad dandam illi existentiam in re
pro aliqua temporis differentia: sed aliquid
duntaxat est futurum in causa, per hoc quod
ipsa est actu ordinata ad productionem illius,
quemadmodum ex D. Thoma fusè probavimus
suprà cap. 1. ergo à causa activa quæ actu non
est, non potest habere effectus quod sit simpli-
citer & inimpedibiliter futurus.

Conf. 1. ex D. Thom. *cit. dist. 45.* res determinatè & simpliciter futura est quodammodo in statu medio inter statum rei intra cancellos puræ possibilitatis contentæ, & statum rei actu existentis; sed res merè possibilis non dicit determinatum ordinem ad sui productionem, vel ad habendam actu existentiam pro aliqua temporis differentia; res autem actu existens jam est in actu existendi determinatè: ergo res futura debet actu esse determinata in causa ad existendum; seu causa illa, in cujus virtute activa continetur, debet dicere actu determinatum ordinem & inclinationem ad productionem illius, quod etiam docet D. Thomas *quest. 2. de veris. art. 12. ad 7. & 9. 12. à 10. & 11.* Sed determinatio ad opus seu ad productionem rei primò & per se non potest esse nisi à voluntate divina; ergo hæc primò & per se atque simpliciter est causa futuritionis rei. Prob. min. in agentibus sine causis voluntariis determinatio operis est ex fine, unde agens respiciens superiorem finem & ultimum habet primò determinare & regulare opus, & cæteris præscribere productionem ejus & modum accommodum ad finem; sed voluntas divina respicit bonitatem suam, propter quam omnia operatur, tanquam finem ultimum simpliciter: ergo determinatio ad opus sive productionem rei primò & per se debet desumi à determinatione efficaci divinæ voluntatis, & ipsa habet primò determinare opus, præscribere operandi regulas, & inferioribus causis imperare operationem ejus atque modum accommodum ad finem consequendum, quod facit adaptando causas necessarias ad naturales effectus produ-

cendos, contingentes verò ad eliciendos effectus contingentes. Major declaratur, finis est causa causarum & gratiâ illius fit quidquid fit: hinc est quod in omnibus quæ sunt ad finem materia determinatur secundum exigentiam finis; ut patet *ex 2. lib. Phys. tract. 88.* & docet D. Thomas *quaest. 12. de verit. art. 2. c.* Unde materia navis non sunt lapides, quoniam non sunt consentanei ad navigationis finem. Similiter & forma est secundum exigentiam finis, & agens introducit formam fini convenientem; v. g. navifactor introducit formam & dispositionem in navi congruentem ad dictum navigationis finem; & architectus determinans de navi facienda, præscribit regulas, imperat dolantibus ligna, & compaginantibus, productionem navis prout ad finem navigationis expedit: atque Rex respiciens bonum commune totius regni cæteris omnibus sibi subordinatis imperat prout ad illum finem spectat & indicat conveniens.

383.

Conf. 2. res secundum triplicem causalitatis modum in Deo continentur, in omnipotentia quidem ejus tanquam in virtute activa seu efficiente; in ideis ut causa exemplari; & in bonitate ejus ut causa finali, & à nulla ex his secundum se sumpta habet res quod simpliciter & determinatè futura sit: non quidem ab omnipotentia & bonitate, quoniam, si ita esset, res omnes possibiles quæ in Dei omnipotentia & bonitate illius continentur, (in quantum potest omnia possibilia, & bonitas ejus aliis innumeris modis communicari potest, quibus ad extra non est communicata, neque communicabitur unquam) essent simpliciter futuræ,

Art. III. An sciēt. Dei sit, &c. Cap. XIII. 627
 futuræ, quod est absurdum: sed neque ab ipsa
 idea secundum se sumptâ, quoniam sicuti arti-
 fices creati multarum rerum ideas habent, quas
 nunquam producent, neque futuræ sunt, ita
 & Deus habet etiam omnium quæ cognoscit &
 facere potest, ideas, licet nunquam futuræ sint,
 ut docet D. Thomas *quest. 3. de verit.* ergo solum
 res à determinatione efficaci voluntatis divinæ
 habent quod simpliciter & infallibiliter futuræ
 sint.

Hinc à S. Scriptura secundum versionem 70.
 interpretum Esaïæ 45. Deus quæ futura sunt
 fecisse dicitur, *Qui fecit*, inquit, *quæ futura*
sunt (quo & eodem modo loquendi sæpius
 utuntur Patres) quoniam scil. voluntas ejus
 ab æterno habet & decrevit quod futura sint,
 cujus dispositio & constitutio ita est efficax
 & inimpedibilis, ut jam fecisse dicatur, quod
 facere disposuit, atque definivit: atque illa tam
 præsentia habet in sua æternitate, ac si jam
 existerent. Quod egregiè explicat D. Augusti-
 nus *tract. 68. in Ioan.* concilians apparentem
 quandam contradictionem, quam præ se ferunt
 verba illa Christi Domini apud Ioan. cap. 14.
 Quibus ante passionem alloquens discipulos ait:
In domo Patris mei mansiones multe sunt: Vado pa-
rare vobis locum: ita scribit: *Quomodo vadit,*
& parat locum, si jam multe mansiones sunt? An
mansiones & sunt, & paranda sunt? Quomodo
patamus, nisi quomodo etiam Propheta predicat
Deum, Quia fecit quæ futura sunt? Non enim
ait, qui facturus est quæ futura sunt; sed, qui
fecit quæ futura sunt. Ergo & fecit ea, & factu-
rus est ea. Nam neque facta sunt, si ipse non fe-
cit; neque futura sunt, si ipse non fecerit. Fecit

384.

628 *Quæst. XIV. De Scientia Dei ;*
 ergo ea prædestinando , facturus est operando. Si-
 cut Discipulos quando elegerit satis indicat Evan-
 gelium , tunc utique quando eos vocavit : & ta-
 men ait Apostolus ; elegit non ante mundi consti-
 tutionem , prædestinando utique non vocando. Quos
 autem prædestinavit , illos & vocavit. Elegit præ-
 destinando ante mundi constitutionem , elegit vo-
 cando ante mundi consummationem. Sic & man-
 siones præparavit & præparat , nec alias , sed quas
 præparavit , hæc præparat , qui fecit quæ futura
 sunt. Quas præparavit prædestinando , præparat
 operando.

385. Tertiò prob. ratione eadem pars : quilibet
 effectus potest certò cognosci in causa ex qua
 infallibiliter atque inimpedibiliter sequitur ;
 sicuti conclusio demonstrativa in principiis
 suis certò cognoscitur , seu per resolutionem
 ad illa , ex quibus necessariò consequitur : sed
 ex decreto efficaci divinæ voluntatis tanquam
 ex causa infallibili sequuntur omnia futura
 contingentia & libera : ergo Deus illa certò
 cognoscit & prævidet in decreto efficaci suæ
 divinæ voluntatis. Minor prob. ex illo Apo-
 calyp. cap.2. *Tu creasti omnia , & propter vo-*
luntatem tuam erunt , & creata sunt. Et Psal.
 134. *Omnia quacumque voluit Dominus fecit in*
cælo & in terra. Quæ verba expendens S. Augu-
 stinus in Enchirid. cap. 95. hæc scribit : *Dens*
nos in cælo sursum & omnia in terra deorsum
quacumque voluit fecit. Quod utique non est ve-
rum si aliqua voluit & non fecit : & quod est in-
dignius ideo non fecit , quoniam , ne fieret quod
volebat omnipotens , voluntas hominis impedivit ;
Et statim subdit : Nisi hoc credamus periclitatur
ipsum nostra fidei confessionis initium , qua nos in
Deum

Art. XIII. An sciēt. Dei sit, &c. Cap. XIII. 619
Deum Patrem omnipotentem credere confitemur.
Sed de his infrā tractantes de efficacia decreto-
rum divinæ voluntatis.

Conf. scientia Dei de futuris contingentibus 386.
saltem bonis, est scientia approbationis & be-
neplaciti, ut docet D. Thomas *hic art. 8.* sed
hæc est causa rerum secundum quod habet ad-
iunctam voluntatem seu voluntatis divinæ de-
terminationem, ut docet S. D. ibidem, & nos
fusè ostendimus suprā: ergo prima radix cer-
titudinis cognitionis divinæ respectu futuro-
rum contingentium est divina voluntas. Quod
autem illud decretum debeat esse præfinitivum
ac prædeterminativum constat ex dictis, & fu-
sissimè probabitur infrā. Constat etiam ex di-
ctis quod decretum huiusmodi involvat tum
causam idealem, cum etiam potentiam divi-
nam; quoniam cum Deus sit agens per intelle-
ctum & voluntatem, debet habere rationes
operis sui apud se; & cum potentia sit princi-
pium proximum operandi quoslibet effectus
ad extra, in quo continetur effectus tanquam
in virtute suæ causæ, necesse est ut Deus in-
telligatur potens proximè ad agendum, ut in
eo dicatur contineri & prævideri effectus tan-
quam in causa: determinatio autem ad operan-
dum tota est à divina voluntate liberè operan-
te ad extra. Quapropter aliquando dicuntur
futura contingentia certò à Deo cognosci in suis
ideis, ut determinatis scil. per voluntatem ad
opus: aliquando dicuntur prævideri in poten-
tia divina, ut directà nimirum per intellectum,
& determinata sive imperata per voluntatem;
aliquando verò in determinatione divinæ vo-
luntatis. Et meo iudicio proptior loquendi mo-

630 *Quaest. XIV. De Scientia Dei*,
 dus est dicere quòd certò prævideantur in po-
 tentia Dei activa ut determinata ad opus : quo-
 niam hæc est ut virtus completa proxima divi-
 na ad operandum , ideam ut formam seu prin-
 cipium formale operandi includens, voluntatem
 autem divinam , ut imperantem opus seu mo-
 ventem ad illud.

387. Ex dictis sequitur , quòd licèt Deus futura
 contingentia in suis causis proximis ad utrum-
 libet se habentibus secundùm se sumptis certò
 prævideri ac prævscire nequeat ; tamen ut istæ
 subsunt divinæ voluntatis decreto , quod om-
 nino efficax est , jam dicunt infallibilem ordi-
 nem & inclinationem ad effectum futurum, ra-
 tione cujus dicitur Deus fecissè quæ futura sunt,
 & subinde etiam ut sic in suis causis proxi-
 mis ut tali decreto præfinitivo subsunt , cer-
 tò etiam prænosci valent. Unde S. D. lib. 1.
 contrà gentes cap. 66. ait : *Ea verò qua sunt præ-
 sentia , præterita , vel futura nobis cognoscit Deus
 secundùm quod sunt in potentia sua , & in pro-
 priis causis , & in seipsis.* Et cap. 67. *Divinus in-
 tellectus ab aeterno cognoscit res non solum secun-
 dùm esse quod habent in causis suis (nimirum re-
 motis & proximis) sed etiam secundùm esse
 quòd habent in seipsis.* Unde cùm S. D. negat
 ejusmodi futura contingentia certò cognosci à
 Deo in seipsis , loquitur de illis absolutè & se-
 cundùm naturam suam sumptis.

§. 3.

Solvuntur argumenta contraria.

388. **A** Rg. 1. quotiescunque D. Thomas agit de
 scientia Dei respectu futurorum contin-
 gentium

Art XIII. An sciēt. Dei sit, &c. Cap. XIII. 631
gentium ad illorum physicam in æternitate
præsentiam recurrit, in qua attinguntur ut
sunt in suo esse, quo pacto essendi necessita-
tem habent: sed si Deus ea cognosceret in de-
creto efficaci suæ divinæ voluntatis vanum ac
superfluum omnino esset ad ejusmodi præsen-
tiam recurrere: igitur ea indecreto ejusmodi
certò non cognoscit. Major patet ex his quæ
docet hic *art. 13. & in 1. dist. 38. quest. 1.*
art. 5. & aliis in locis suprà cap. 5. adductis.

Conf. D. Thomas sæpe sæpius hoc statuit
discrimen inter effectus causarum naturalium
sive necessarium, & effectus causarum con-
tingentium ad utrumlibet se habentium, quod
illi certò possunt in suis causis proximis præ-
videri, non autem isti: sed hocce discrimen
nullum esset, si præscientia Dei in sua infal-
libilitate respectu futurorum sit decreto inni-
xa: ergo tali medio non innititur. Prob. min.
vel enim loquitur D. Thomas de hujusmodi
causis proximis secundum se sumptis præciso
respectu quolibet ad decretum divinæ volun-
tatis præfinitivum, vel cum tali ordine? Si
primum: ergo saltem effectus necessarii ac
naturales, quales sunt illuminatio solis, &
calefactio ignis, poterunt certò cognosci ut
futuri independenter à tali præfinitione divinæ
voluntatis, quod non est admittendum in sen-
tentia Thomistarum. Secundum verò dici ne-
quit quoniam tam illi quàm isti effectus con-
tingentes possunt certò cognosci in causis suis
ut subsunt tali decreto præfinitivo divinæ vo-
luntatis, sicuti notavimus suprà.

Resp. ad arg. negando majorem, cujus con-
trarium multis & appertissimis S. Doctoris te-
stimoniis

389.

390.

632 *Quaest. XIV. De Scientia Dei*,
 stimoniis suprà ostendimus. Cur autem iis in
 locis solummodo ad physicam eorum in æterni-
 tate præsentiam recurrerit, suprà fusè exposui-
 mus: & in præsentī breviter dicimus, quòd ibi
 S. D. specialiter intendit remove ac refellere
 eorum sententiam, qui certam de futuris con-
 tingentibus scientiam Deo denegabant, ex eo
 quod ex parte objecti deesset illis determinatio
 adesse ac subinde necessitas, quæ exigitur ex
 parte objecti ad cognitionis certitudinem idcir-
 co docet hanc non deesse, quoniam attingun-
 tur à Deo in mensura æternitatis considerantur
 secundum quod habent esse in actu suo; quo
 pacto non minus necessaria sunt, quàm quæ-
 cumque alia. Nec attinguntur ut futura sunt,
 sed ut præsentia. Quod patet tum ex dicto *art.*
13. hujus quaest. cùm etiam ex his quæ docet cit.
lib. 1. contra gent. cap. 67. ubi ait: *Contingens*
enim certitudini cognitionis non repugnat, nisi se-
cundum quòd futurum est, non autem secundum
quod præsens est: Divini autem intellectus intuitus
ab aeterno fertur in unum quodque eorum, quatem-
poris cursu peraguntur prout præsens est. Relinqui-
tur igitur quod de contingentibus nihil prohibet
Deum ab aeterno scientiam infallibilem habere. En
 quomodo S. D. & cùm ex hoc capite intendat
 ostendere nihil obstat contingentiam, quomi-
 nus de rebus contingentibus certam & infalli-
 bilem noticiam habeat. Unde statim subdit:
Item contingens à necessario differt secundum quod
unum quodque est in sua causa; contingens enim sic
est in sua causa, ut non esse ex ea possit & esse: neces-
sarium autem ex sua causa non potest non esse: secun-
dum id verò quod utrumq; horū in se est, non differt
quantum ad esse, supra quod fundatur verum; quia

Art. XIII. An sciēt. Dei sit, &c. Cap. XIII. 633
in contingenti secundum id quod in se est, non est
esse & non esse sed solum esse, licet ut futurum con-
tingens possit non esse. Divinus autem intellectus ab
aeterno cognoscit res non solum secundum esse quod
habent in seipsis: nihil igitur prohibet ipsum habere
aeternam cognitionem de contingentibus infallibilem.
Et infra: Igitur necessitati scitorum contingentia
non repugnant. Quæ verba notanda sunt ad in-
tentum nostrum. Unde esto Deus ejusmodi con-
tingentia cognoscat in decreto suæ divinæ vo-
luntatis tanquam in causa infallibili futuritio-
nis eorum, quod fundat certitudinem ex parte
cognitionis, non est vanum recurrere ad ejus-
modi physicam eorum præsentiam in æternitate
ad fundandam certitudinem ex parte scitorum.

Resp. ad conf. concessā majori, negando 391.
minorem. Ad cujus prob. dico S. Doctorem lo-
qui de causis necessariis & contingentibus pro-
ximis secundum se sumptis, & discrimen assi-
gnat, ex eo quod effectus necessarius determi-
natè in sua causa continetur, quæ de se deter-
minata ad illius productionem existit, non au-
tem causa contingens, sicuti patet ex illis ver-
bis supra adductis: *Contingens à necessario dis-*
fert, &c. Ad illud quod inde sequi arguitur, vi-
delicet, quod effectus necessarii & naturales po-
terunt certò cognosci ut futuri independentè à
tali præfinitione, secundum respectū ad omnem
causalitatis rationē, nego consequ. secundum res-
pectū præcisè ad causas proximas, concedo con-
seq. Nam ut sic etiam certò à nobis cognoscun-
tur. Licet ut accipiant actu esse, vel simpliciter
futuri sint dependeant à decreto divinæ volūtatī
tanquam à causa universali & remota dante cau-
sæ proximæ necessariæ determinationē illam ad
esse

esse effectus ex vi conditionis ipsius, non autem causæ proximæ contingenti.

392. Argum. 2. In causa remota & universali non potest certò & infallibiliter cognosci effectus; v.g. in motu Solis non potest certò prævideri germinatio plantæ in particulari: sed divinæ voluntatis decretum est causa remota & universalis ipsius effectus futuri: ergo in ejusmodi voluntatis divinæ constitutione seu decreto certò & infallibiliter cognosci nequit. Minor prob. nam virtus causæ remotæ & universalis à causa proxima determinatur quoad necessitatem atque contingentiam, & ab ea multoties impeditur ne suum producat effectum, quemadmodum docet D. Thomas in 1. d. 38. qu. 1. art. 1. dicens: *Quandocumque sunt cause multe ordinatae, effectus ultimus non sequitur causam primam in necessitate & contingentia, sed causam proximam: quia virtus causa prima recipitur in causa secunda secundum modum causa secunda: effectus enim ille non procedit à causa prima nisi secundum quod virtus causa prima recipitur in causa secunda, ut patet in floritione arboris, cujus causa remota est motus Solis, proximam autem virtus generativa planta: floritio autem potest impediri per impeditionem virtutis generativæ, licet motus Solis sit invariabilis.* Ergo in illa non potest certò cognosci effectus, cum ex alio capite deficere possit, & subinde non esse.

393. Respond. ad argu. dist. mai. in causa remota & universali in impedibili atque continente totam rationem & modum causalitatis causæ proximæ, & subinde effectus, nego majorem. Si virtus ejus sit impedibilis à causa secunda, nec contineat totam rationem & modum causalitatis

tatis causæ proximæ, & subinde neque esse ipsius effectus, concedo majorem. Divinum autem decretum tantæ est imprimis efficacix, ut à nulla causa secunda impediri queat; ut constat ex illo Esther cap. 13. *Domine Rex omnipotens in tua ditione cuncta sunt posita, & non est qui tua possit resistere voluntati.* Et præterea continet totam rationem & modum causalitatis causæ secundæ, ipsiusque effectus intelligibiliter quidem secundum quod decretum illud includit ideam divinam de opere faciendo, emnenter verò ratione virtutis & potentix illius infinitæ activæ. Quapropter certò & infallibiliter potest in eo cognosci effectus futurus. Ad prob. autem majoris dico quòd licet virtus causæ remotæ universalis in aliquo genere, & quæ non continet totam rationem & modum causalitatis causæ proximæ ab ea determinetur quoad necessitatem & contingentiam, tamen causa universalissima ut putà voluntas Dei est prima causa necessitatis & contingentix in rebus, itaut effectus ceu primam radicem sequatur efficaciam divinæ voluntatis conjunctam cum summa libertate in operando, licet ipse sequatur causam proximam in necessitate & contingentia tanquam causam formalem & proximam à qua egreditur. Unde S. Augustinus lib. 3. de Trinit. cap. 2. ait: *Licuit vanitati Philosophorum etiam aliis causis ea* (scil. effectus contingentes) *tribuere, cum omnino videre non possent superiorem omnibus causam*: quibus verbis Philosophos vanitatis damnat, quod effectuum contingentiam minimè in Deum ceu causam primam & radicem essendi & cujuslibet modi essendi non reducerent. Quam doctrinam tradit, & explicat

D. Thomas

D. Thomas infra q. 19. art. 8. Quapropter cum D. Thomas cit. dist. 38. post allata verba subdit: *Similiter autem scientia Dei est invariabilis causa rerum, sed effectus producuntur ab ipsa per operationes causarum secundarum: & ideo mediantibus causis secundis necessariis producit effectus necessarios, ut motum Solis & huiusmodi; sed mediantibus producit effectus contingentes; nullatenus intendit asserere Deum non esse primam radicem necessitatis & contingentiae in rebus; sed docere solummodo, quod invariabilitas divinae praescientiae non praedicit libertati & contingentiae rerum. Quoniam sicuti necessitas & invariabilitas motus coelestis non tollit quin effectus contingenter eveniant propter causas proximas à quibus egrediuntur; ita neque infallibilitas divinae praescientiae. Quoniam praesciendo effectus contingentes aptavit illis causas accommodatas ut contingenter evenirent, habens efficacissimam voluntatem ad efficiendum omne id quod sibi placuerit, ut probabitur infra.*

324. Argument. 3. Si Deus in decreto suae divinae voluntatis futura huiusmodi certò praevideret ac praesciret, sequeretur scientiam visionis in Deo differre attributaliter à scientia purè possibilium: consequens est falsum & contra communem Theologorum sententiam: ergo & antecedens. Sequela prob. sententiarum distinctio ex parte medii sive motivi desumitur: sed si Deus futura absoluta per scientiam visionis praesciret in decreto & praefinitione suae divinae voluntatis, haberet medium virtualiter adaequatè distinctum à medio quo purè possibilia per scientiam simplicis intelligentiae cognoscit, quod est divina bonitas, vel omnipotentia, quemadmo

Art. XIII. An sciēt. Dei sit, &c. Cap. XIII. 637
quemadmodum docet S. D. *quæst. 2. de verit.*
art. 8. Nam bonitas sive omnipotentia virtualiter à divina voluntate distinguuntur : ergo si Deus in decreto suæ divinæ voluntatis futura præsciret sequeretur scientiam visionis distingui attributaliter à scientia simplicis intelligentiæ.

Variè huic argumento respondent nostri Authores, Illustriss. Godoy & P. Gonet aiunt, non distinguui attributaliter ; quoniam decretum liberum non est medium per modum rationis formalis, sed solum per modum applicationis omnipotentiæ; in qua ut per decretum applicata cognoscuntur futura. Nam ut esset inter præditas scientias virtualis distinctio deberet intervenire nedum inter conditiones applicantes, sed etiam rationes formales & motivas. At verò Mag. Ferrè *qu. 8. de scient. Dei §. 9. num. 1299.* hanc solutionem rejicit, quoniam decretum non solum est conditio ad causandum, sed vera causa effectus futuri, omnia enim quæcunque voluit Deus fecit. Et respondet ipse non esse ibi distinctionem quoad primarium actum divinæ scientiæ, qui versatur circa ipsummet Deum; sed quoad actum secundarium. Quod non sufficit ad formalem distinctionem ejusmodi scientiarum. Quibus omissis.

395.

Resp. negando sequelam. Ad cujus prob. dist. majorem : scientiarum distinctio desumitur ex parte medii formalis quo & sub quo, seu ratione formali quæ & sub qua, concedo majorem. Ex parte medii in quo seu rationis materialis objectivæ, nego majorem. Decretum autem divinæ voluntatis non est medium formale quo vel sub quo, hoc enim est divina essentia, ut habet rationem speciei intelligibilis & luminis,
ut

396.

638 *Quaest. XIV. De Scientia Dei,*
ut docet D. Thomas qu. 2. de verit. art. 5. ad 10.
dicens : *In visu corporali est duplex medium ; scil.*
sub quo cognoscit, quod est lumen, & hoc medio non
determinatur visus ad aliquod speciale objectum: est
& aliud medium quo cognoscit, scil. similitudo rei
cognita, & hoc medio determinatur visus ad spe-
ciale objectum. Essentia autem divina in cognitio-
ne divina habet locum utriusque. Ut autem con-
cipitur in genere entis & ad res producendas est
determinata per voluntatem, & completa per
rationem potentiae, habet rationem medii in
quo, & objectivi : unde ex hac parte non est
variatio. Eò praesertim quod ordo ad productio-
nem rerum scitarum est extra genus notitiae, ut
suprà ex D. Thoma explicatum est ; unde attri-
bualiter scientiam visionis seu approbationis à
scientia simplicis intelligentiae non distinguit,
ex propriis & simpliciter. Alia argumenta de
læsione libertatis ob infallibilitatem ejusmodi
decreti commodius dissolventur in tractatu de
providentia, atque praedestinatione. Unde ipsa
illud remittimus dissolvenda.

C A P U T X I V .

*In quo medio Deus peccata futura
cognoscat.*

397. **D**uplex decretum in Deo distingui solet :
alterum positivum, quo Deus positivè de-
cernit atque efficaciter constituit aliquid in
tempore facere, vel cooperari ad faciendum il-
lud ; v. g. condere mundum, vel efficaciter
movere

Art. XIII. An sciēt. Dei sit, &c. Cap. XIV. 639
movere hominem ad bonum : Alterum permis-
sivum , quo ob sua inscrutabilia judicia statuit
permittere homines labi in peccatum , dene-
gando eis specialia gratiæ suæ auxilia quibus
illud devitare possent , & quibus non concessis
sibimetipsis relictī homines cadant. Primum est
respectu bonorum duntaxat , secundum verò
respectu malorum. Primum respicit esse rei ab-
solutè ac simpliciter ; non autem secundum, ver-
satur enim non circa esse rei absolutè considera-
tum , sed circa permissionem ejus. Utrumque
videtur insinuare D. Augustinus in Enchirid.
cap. 9. dum ait : *Non fit aliquid nisi omnipotens
fieri velit , vel sinendo ut fiat , vel faciendo.* Fa-
ciendo quidem quoad bona , sinendo autem
sive permittendo quoad mala. Unde statim sub-
dit : *Nec dubitandum est Deum facere bene, etiam
sinendo fieri quacunq; fiunt male.* Idem sumitur ex
D. Th. hicl. 9. ad 3. cujus verba retulimus suprā.

Conclusio propriè & simpliciter loquendo 398.
Deus peccata futura cognoscit nedum quoad
malitiam , sed etiam quoad entitatem actus in
decreto permissivo suæ divinæ voluntatis adæ-
quatè sumpto : neque opus est duplex distin-
guere decretum , alterum permissivum , quo
peccatum quoad malitiam ac defectum cog-
noscatur ; alterum positivum , quo noscatur à
Deo quoad entitatem actus. Prima pars sumi-
tur ex verbis D. Augustini suprā adductis , ex
quibus ita argui potest : In eo habet Deus cer-
tò cognoscere sive præscire peccata futura , in
quo habent quod futura sint : sed peccata ha-
bent quod futura sint à decreto permissivo Dei ,
quo vult permittere illa esse , si quidem non fit
aliquid nisi ipse fieri velit , vel sinendo quoad

mala, vel etiam faciendo quoad bona, itaut nisi sineret, mala nunquam forent, *Cui proculdubio*, ait S. D. *ibibem, quàm facile est quod vult facere, tam facile est, quod non vult esse, non sinere*: Ergo Deus peccata futura certò cognoscit in decreto permissivo suæ divinæ voluntatis tanquam in prima radice certitudinis.

- § 99. Probari etiam solet à recentioribus Thomistis hæc conclusio ista ratione: Illud quod habet infallibilem connexionem cum alio, potest in illo certò cognosci: sed peccata futura habent infallibilem connexionem cum decreto permissivo Dei: ergo à Deo certò cognoscuntur in tali decreto. Minor prob. decretum permissivum est decretum non impediendi peccatum & denegandi auxilium speciale ad illud evitandum, quo concesso homo illud evitaret: sed peccatum ad istud saltem quoad suam malitiam infallibiliter consequitur consecutione logica & illationis: ergo habet infallibilem nexum cum decreto permissivo. Minor prob. nam non stat Deum denegare huiusmodi auxilium efficax seu non impedire peccatum denegando illud, & hominem non peccare; v. g. in adimptione præcepti charitatis non stat hominem Deum diligere ut authorem supernaturalem ex toto corde & super omnia, si denegatum illi fuerit auxilium necessariò requisitum ad illud adimplendum; quo concesso adimpleret. Qua ratione Innocentius Papa epist. 25. ad Patres Concilii Carthaginensis scribit: *Neceffe est ut quo auxiliante vincimus, iterum non adjuvante vincamur*. Et Psalm. 80. *Divisi eos secundum desideria cordis eorum, ibunt in adjuventionibus suis*. Hoc est, exponente Augustino

Art. XIII. An sciēt. Dei sit, &c. Cap. XIV. 641
Augustino , *Divisi eos non secundum salutem*
praeceptorum meorum , sed secundum affectiones
cordis eorum donavi eos sibi : Ibunt in affectionibus
suis : Alii defendunt circum, alii amphitheatrum, alii
casas in vicis, alii theatra, alii illud , alii postremo
Deo recentes suos. Ibunt in affectionibus suis.

Quam rationem confirmant exemplo addu- 400.
cto in annihilatione ; nam Deus certò scit ,
quòd si non conservaret creaturam in suo esse ,
statim in nihilum redigeretur , quoniam crea-
tura seipsam conservare non potest absque con-
ditore illam in esse continente : ergo etiam scit ,
quòd nisi conservaverit hominem in bono ra-
tionis , per aliquod auxilium speciale ipsum ad-
juvans & præservans ne deficiat , ipse non se
conservabit , sed infallibiter peccabit : ergo in
decreto , quo statuit non auferre auxilium illud
speciale tali tempore & loco quo homo tenetur
bonum operari , & à tali vel tali peccato ab-
stinere , certò sit , quòd homo infallibiliter
peccabit , & deficiet à rectitudine rationis.

Quæ profectò doctrina explicatione indiget, 401.
ut rectè percipiatur : & enim cùm ex D. Thoma
defectus ejusmodi prima causa sit creata volun-
tas , quæ ut deficiens exit ab ordine divinæ cau-
salitatis , non satis capi potest , quomodo pec-
cata ut includunt cùm defectum ac deformita-
tem possint habere infallibilem connexionem
cùm decreto permissivo. Quapropter pro ple-
niori intelligentia ex dictis suprà , *art. 10. cap. 1.*
cùm D. Thoma , adnotandum Deum cognos-
cere mala secundum ordinem ad bonum , qua-
tenus videlicet à bono creato discordant. Bo-
num autem creatum dupliciter dicitur. Uno
modo simpliciter & absolutè ; quo pacto dici-

tur bonum omne illud , quod actu est , vel dicit ordinem ad esse , ut materia prima. Alio modo dicitur bonum hoc , quando scilicet habet propriam & debitam sibi perfectionem ; sicut dicitur bonus oculus , qui perfectionem oculi habet , ut putà perspicaciter & acutè videre. Primum bonum est subiectum mali , neque malum huic opponitur ; sed est privatio boni hujus , hoc est , specialis bonitatis ac debitæ perfectionis ; unde cùm privatio relinquat subiectum suum in potentia bonum quod est ipsius mali subiectum est in potentia ad ejusmodi perfectionem atque bonitatem hanc , cui quidem bonitati ac perfectioni speciali malum in particulari opponitur. Bonum autem quod reperitur in actu morali bono , seu actu virtutis , cui peccatum seu actus moralis malus opponitur , est bonum rationis quod consistit in eo quod sit bene ordinatus & regulatus regulis rectæ rationis concordantis cum lege divina , unde malum rationis est privatio talis ordinis , seu inordinatio quædam. Cùm ergo omnis privatio cognoscatur per formam oppositam , debet cognosci malum morale per ordinem ad bonum prout nimirum ab eo discordat.

401. Quapropter cùm Deus primò decernit peccatum hoc vel illud permittere , decretum illud permissivum attingit substantiam actus illius in genere naturæ considerati volens ad eum effectivè concurrere , videtque fore , ut ille , prout in exercitio à voluntate creata exiturus est , careat bono rationis , si voluntas sibi ipsi relinquatur , nec in agendo speciali auxilio adjuvetur , sine quo rectè illud opus efficere non potest ; nec tamen vult ob sua inscrutabilia judi-
cia

cia illud ei conferre , & hoc modo permittit eam in peccatum labi seu deficere. Et sic prima quidem radix illius defectus est creata voluntas, & cum ea habet connexionem , veluti cum causa sua , non quia naturaliter ad malum determinata sit , bona enim est ; sed quia suapte natura est deffectibilis , & quanvis possit non deficere , non stat tamen quod non deficiat in adimplentione præcepti charitatis v. g. nisi divina gratia specialiter adjuvetur. Et hoc pacto intelligenda venit illa connexio peccati cum decreto illo permissivo , si quæ admittenda est : Itaque voluntas creata ut respicit illum actum secundum speciem naturæ sicuti & ipsemet actus hoc pacto consideratus habet intrinsecam connexionem cum illo decreto permissivo, quo Deus efficaciter decernit concurrere ad illum actum ut causa universalis boni , sine quo concursu permissio illa efficaciam non haberet. Et quia voluntas creata humano modo in exercitio operans rectè operari tenetur & secundum regulas rectæ rationis , quod non perficiet adimplendo præceptum v. g. de amore Dei , nisi speciali auxilio gratiæ adjuvetur , quod decrevit Deus illi non præstare iusto suo iudicio ; prævidet certò Deus de futuram illi actui debitam ordinationem & bonitatem specialem , seu discordaturum illum actum à bono rationis. Et hoc modo cognoscit peccatum tam quoad entitatem , quàm quoad malitiam moralem. Quoad entitatem quidem in decreto permissivo ut præfinitivum illius ; quoad malitiam autem prout eodem decreto videt illum actum certò à debito rationis bono ac perfectione discordaturum.

Non ergo videntur quidam recentiores aptè 403.

loqui, dum aiunt quòd in peccato privationis est & defectus habere infallibilem connexionem cum decreto permissivo; nam voluntas divina de permittendo peccato immediatè non respicit pro objecto peccatum producendum, sed voluntatem creatam defectibilem, quam constituit in tempore movere ad entitatem actus per intentionem boni, & mediante istà efficaciter applicare ad consulendum, seu judicandum de mediis, nec in eligendo adjuvare per auxilium gratiæ ne erret: ergo non habet per se infallibilem connexionem defectus ille cum decreto permissivo, quod non est causa per se illius defectus, sed reducitur primò & per se in voluntatem deficientem, quæ per se defectibilis est, & deficit in opere arduo, nisi à Deo specialiter adjuvetur.

404. Ex quibus relinquitur probata secunda pars conclusionis, videlicet, quod non sit distinguendum duplex decretum; alterum permissivum quo defectum & malitiam cognoscat; alterum positivum, quo entitatem intueatur. Primò, quia S. Augustinus & D. Thomas solummodo duplex decretum distinguunt, positivum pro bonis, permissivum pro actibus malis. Et meritò, quoniam decretum permissivum versatur circa ipsum peccatum in particulari & exercitè sumptum, seu quatenus in re exiturum est: sed exercitè & in re malitia non est sejuncta ab ipsa entitate actus, sed illi conjuncta; peccatum enim essentialiter quidam actus est: ergo in tali decreto debet Deus attingere tam entitatem ipsius actus, quàm malitiam illi conjunctam.

405. Conf. Deus peccatum permittere constituit, ut

Art. XIII. An sciēt. Dei sit, &c. Cap. XIV. 645
ut ex eo bonum eliciat, quemadmodum præclarissimis verbis docet D. Augustinus in Enchirid. cap. 100. Sed bonum, quod elicitur ex tali permissione, saltem multoties, non sequitur ad ipsam malitiam, sed ad ipsam actus entitatem; sicuti bonum quod ex adulterio permissso sequitur, nimirum generatio proles, ad actum adulterii sequitur, & non ad malitiam ejus; ergo Deus in decreto permissivo cognoscit nedum malitiam, sed etiam entitatem malitiæ substratam; quoniam malum nonnisi in bono recipi est.

§. I.

Solvuntur Argumenta.

Objicies: Decretum permissivum non habet infallibilem connexionem cum peccatis futuris: Ergo Deus in illo ceu medio nequit peccata futura certò cognoscere, ac prævidere. Probatur antecedens, decretum permissivum duo importat, scilicet propositum non impediendi peccatum, in quo includitur denegatio auxilii efficacis ad devitandum illud, vel ad efficiendum actum virtutis oppositum: & voluntatem concurrendi ut causam universalem totius esse & boni ad entitatem ipsius peccati: sed decretum permissivum nullo ex his capitibus habet infallibilem connexionem cum futuritione peccati: Ergo nullatenus cum peccatis futuris nexum infallibilem nullatenus cum peccatis futuris nexum infallibilem sortitur. Minor probatur imprimis nequit habere infallibilem connexionem cum illis ratione denegationis auxilii specialis, alioquin sequeretur, quòd vo-

406.

646 *Quaest. XIV. De Scientia Dei*,
luntas sibi ipsi relicta non posset nisi peccare,
nec valeret cum solo concursu generali aliquod
opus morale bonum operari, quod est falsum.
Deinde neque ratione voluntatis concurrendi
effectivè ad entitatem actus, quia tunc talis
voluntas esset causa peccati: qui enim vult &
causat aliquid, à quo malitia est ita insepara-
bilis, ut non possit poni sine illa, eam conse-
quenter vult & causat; quemadmodum qui pro-
ducit essentiam, per naturalem resultantiam
causat proprietates, quæ cum ipsa essentia in-
trinsecè connectuntur, & ad illam infallibiliter
consequuntur.

407. Conf. posito decreto de permissione peccati
& ipsa permissione non necessariò ponitur pec-
catum: ergo non habet infallibilem connexionem
decretum illud cum peccato. Prob. antec.
posita permissione vel decreto permissivo vo-
luntas adhuc remanet indifferens ad peccan-
dum, seu ad actum peccati eliciendum & non
eliciendum: sed quandiu remanet indifferens
non est infallibile illam peccaturam: ergo po-
sito decreto de permissione peccati, non ne-
cessariò ponitur peccatum futurum. Et subin-
de in tali decreto certò non cognoscitur.

408. Resp. ad hoc arg. omissis variis solutionibus
dist. antec. decretum permissivum non habet
infallibilem connexionem cum peccatis futu-
ris, immediatè & per se, concedo antec. me-
diante voluntate creata, quam ad operandum
entitatem actus prædeterminat ac præmover,
nego antec. ac consequ. Ad prob. minoris nega-
tur minor. Ad probationem primæ partis illius
dist. Non habet infallibilem connexionem cum
illis ratione denegationis auxilii, absolutè &
secundùm

Art. XIII. An scient. Dei sit, &c. C. XIV. 647
secundum se considerata, concedo: mediante voluntate creata tanquam causa deficiente illius actus, nego. Neque inde sequitur, quod voluntas creata sibi ipsi relicta non possit nisi peccare, quasi naturaliter ad malum determinata atque inclinata, quoniam absolute potest non deficere, & agere bonum saltem cum solo auxilio sufficienti, licet bonum actum effectura non sit compietive, nisi Deus qui incepit perfecit amplius adjuvando seu tribuendo auxilium illud speciale gratiae suae efficacis. Quod licet justo suo iudicio non concedat, non tamen sequitur, quod directe vel indirecte sit causa peccati, quia illud non subtrahit potens & debens; quemadmodum docet S. D. 1. 2. quaest. 79. art. 1. dicens: *Deus peccati causa, etiam indirecte, dici non potest, nec debet. Quia tamen aliquibus non praebeat auxilium, quod si praeberet, non peccarent, hoc totum facit secundum ordinem suae sapientiae & iustitiae; cum ipse sapientia & iustitia sit: unde non imputatur ei quod alius peccet sicut causa peccati. Sicut gubernator non dicitur causa subversionis navis, ex hoc quod non gubernat navem, nisi quando subtrahit gubernationem potens & debens.* Similiter non sequitur quod non possit aliquod bonum opus morale absque tali auxilio speciali facere; sed quod etiam ad hoc concursu Dei indigeat universali seu ordinis naturalis. Unde probat. Secundae partis, dist. antec. decretum permissivum non habet infallibilem connexionem peccato, ratione divinae voluntatis, immediate & secundum se considerata, concedo, mediante voluntate creata exercente actum sine ordine ad regulas rectae rationis, nego.

nego. Nec sequitur inde quòd divina voluntas sit causa peccati, quia causat entitatem illam, à quo malitia est omnino inseparabilis; quoniam entitas, illa ut deficiens est atque inordinata exit ab ordine divinæ causalitatis, & tota in voluntatem creatam deficientem refunditur. Et quoniam exit ab ordine divinæ causalitatis, exit pariter à regulis rectæ rationis, incurrítque inordinationem, seu privationem debiti ordinis, ratione cujus est moraliter malus, & ut talis habet cognosci per formam oppositam, modo suprà explicato.

409. Ad conf. similiter resp. posita permissione seu decreto permissivo, non necessariò ponitur peccatum, ex vi talis permissionis seu decreti secundum se considerati, concedo antec. ex vi voluntatis creatæ deficientis, quæ tali decreto subjacet, nego antec. Et dist. consequ. permissio non habet infallibilem connexionem cum peccato, ex se & immediatè, concedo: mediante voluntate creata deficiente, nego consequ. Ad prob. dist. positâ permissione vel decreto permissivo voluntas remanet indifferens, si fiat sermo de indifferentia activa & potestativa, concedo: si loquamur de indifferentia, passiva, seu privativa & suspensionis nego; hæc enim tollitur per prædeterminationem voluntati impressam, qua movetur voluntas ad entitatem actus, qui in peccato reperitur, quæ quidem prædeterminatio in decreto illo permissivo, seu permissione adæquatè sumpta includitur. Nam primo omnium ordine intentionis decrevit Deus peccatum permittere, & subinde ea omnia facere quæ sibi consentanea sunt ad illius decerni impletionem, quod efficax

Art. XIII. An scient. Dei sit, &c. C. XIV. 649
cax est. Unde cùm voluntas nonnisi à Deo mota agere possit, ordine executionis primò illam reducit de potentia in actum, movetque per intentionem finis & boni, & mediante efficaci intentione finis ad consulendum sive practicè judicandum de mediis convenientibus ad finem: nec tamen illius intellectum dirigit per speciales illuminationes ne errat; aut præbet, sed denegat illi gratiæ auxilium speciale quo rectè eligat & operetur, & ibi completur permissio. Voluntas sibi relicta opus arduum non efficit, sed deficit & peccat, & talis defectus attribuitur primò illi non autem voluntatis decreto permissivo, aut prædeterminationi divinæ, quâ ad bonum præmovetur; quoniam nisi à tali causalitatis & motionis ordine sua culpa deflecteret, bonum operaretur, seu bene ageret, Deo illi gratiam concedente, quam non accipit. Qua de causa D. Thomas 1. 2. q. 112. art. 3. ad 2. ait: *Defectus gratiæ prima causa est ex nobis; sed collationis gratiæ prima causa est ex Deo, secundum illud Osée 13. Perditio tua ex te Israël est, tantummodo ex me auxilium tuum.* Sed de his ampliùs infrà, ubi disputabitur utrum actus nostri mali sint à divina voluntate prædefiniti.

CAPUT XV.

Sit ne scientia media consentaneum & conveniens medium ad hoc ut Deus de futuris conditionatis liberis scientiam habeat.

§. 1.

Reiicitur huiusmodi scientia tanquam Arrianorum Pelagianorum ac Semipelagianorum inventum ad eludendum propositum Dei & efficacitatem gratiae illius.

410. **D**Eum de futuris conditionatis liberis certam habere notitiam multis demonstravimus supra cap.7. & cap.8. modum, quo Deus illa praesciat ac praevideat examinantes ostendimus P. Molina, quem ut Antesignanum in hac parte Societatis auctores agmine facto sequuntur, quandam in Deo confingere scientiam, quam ipse mediam nuncupat, per quam absque libertatis humanæ præiudicio Deus de liberis creatæ voluntatis operationibus sub conditione futuris definiat, certamque cognitionem habeat, ante quodlibet divinæ voluntatis decretum actuale, quo ipsarum futuritionem prædefiniat atque prædeterminet. Quanvis enim tam ipse quam sequaces ejus decretum quoddam generale & indifferens antecedens vel concomitans ejusmodi præscientiam conditionatam admittant, quo decernat Deus cum causis liberis concurrere si ipsæ voluerint, & ad quodcunque voluerint manum præbere; negant

Art. XIII. An scient. Dei sit, &c. Cap. XV. 651
gant tamen omne decretum de se efficax &
prædeterminans, quo ipse ante prævisionem ac
præscientiam liberi consensus & cooperationis
voluntatis humanæ ejusmodi actuum & ope-
rationum futuritionem prædefiniat atque præ-
determinet. Ea propter ejusmodi scientia est
conditionata, quoniam circa ejusmodi actus
liberos ut conditionatè futuros versatur. Vo-
catur autem media, vel quia inter scientiam
simplicis intelligentiæ atque scientiam visionis
mediat: vel quoniam circa futura conditionata
versatur, quæ veluti medium obtinent locum
inter merè possibilia & futura absoluta, quo-
rum illa per scientiam simplicis intelligentiæ
cognoscuntur; ista verò per scientiam vi-
sionis.

Hujus scientiæ mediæ se primum invento-
rem facit idem P. Molina in concord. quæst. 14.
art. 13. disp. 19. ubi ait: *Neque enim silere de-*
buimus, quæ nobis de novo ea de re occurrebant,
si fortè temporis decursu ab aliis probarentur. Et
seq. quæst. 23. art. 4. & 5. ita scribit: *Hæc nostra*
ratio concilianda libertatis arbitrii cum divina
prædestinatione à nemine, quem vidimus, fuit
hucusque tradita. Et quæst. 14. art. 13. disp. 50.
vel 52. esse admittendam scientiam mediam ait,
Nisi periculosè in concilianda libertate cum divi-
na præscientia hallucinari velimus. Sanè P. Moli-
na ita se de nova doctrina adinventæ jactanti
posset non immerito jure dici illud D. Hiero-
nymi in epist. ad Pammach & Oceanum: *Quis-*
quis assertor es novorum dogmatum quæso ut par-
cas Romanis auribus, parcas fidei, quæ Aposto-
lorum ore laudata est. Cur post mille & quingen-
tos amplius annos docere nos niteris quod antea
nescivimus?

652 *Quæst. XIV. De scientia Dei,*
nescivimus? Usque in hunc diem sine vestra ista
doctrina mundus Christianus fuit. Quinimo ad-
dere ausus est cit. quæst. 23. disp. 1. min. ultimo,
de novis hisce dogmatibus suis, Si data, ex-
planatâque semper fuissent, fortè neque Pelagia-
na hæresis fuisset exorta, neque Lutherani tam
impudenter arbitrii nostri libertatem fuissent ausi
negare, obsedentes cum divina gratia, præscien-
tia & prædestinatione coherere non posse; neque ex
Augustini opinione, concertationibusque cum Pe-
lagianis tot fideles fuissent turbati, ad Pelagia-
nosque defecissent; facilèque reliquia illa Pelagia-
norum in Gallia, quarum in epistolis Prospèri &
Hilarii sit mentio, fuissent extinctæ. Proh dolor!
ut cum D. Hilario loquar, Tardè Ecclesia hos
piissimos Doctores atas nunc hujus sæculi protu-
lit, serò hos habuit fides nostra, quam tu Deus
erudisti, quam tu Augustine labore infatigabi-
li propugnasti, tam fœlici successu, & tanto
veritatis ac doctrinæ corusco, ut eam semper
Ecclesia Catholica venerata sit ac servavit,
quemadmodum testatur Joannes II. Romanus
Pontifex in epist. 3. ad quosdam Senatores:
Sanctus, inquit, Augustinus cujus doctrinam se-
cundùm prædecessorum meorum statuta, Romana
sequitur & servat Ecclesia, tanquam pretiosissi-
mam dotem sibi relictam, ut asseveravit Sum-
mus Pontifex Clemens VIII. vidit sanè & re-
ctissimè vidit Augustinus talem explicandæ
præscientiæ, prædestinationis, & gratiæ mo-
dum; nec enim cœlestis sapientia vir, præstantis-
simus gratia magister, doctrina Christiana culmen,
Docteur Doctorem, Spiritu revelationis ab ipso du-
ce & fonte sapientium illuminatus, potuit talem
concordiam, rem omnibus in promptu posi-
tam

Art. XIII. An scient. Dei sit, &c. Cap. XV. 65 3
tam ignoravit : sed eam tradere noluit , quæ
veram Christi gratiam non salvat , & dum li-
bertatem salvare contendit , malè adulando
præcipitat. Vidit profectò Massiliensium (quos
viros religiosos , claros & egregios in omni virtu-
tum studio , vocat D. Prosper ,) nec non &
aliorum fidelium turbationem , *Ad summum* ,
(ait D. Hilarius in epist. ad August.) *fatigatis*
omnibus nobis , ad id prosecutio eorum , vel po-
tiùs querela convertitur , consentientibus etiam his ,
qui hanc definitionem improbare non audent , ut
dicant : Quid opus fuit hujuscemodi disputationis
incerto tot minus intelligentium corda turbari : At
noluit S. Doctor veritatem prodere sed propa-
lare , Hæreticis mederi non adulari , turbentur
illi , dummodo fidei veritas non perturbetur sed
firma subsistat : Cùm nullis legibus obstrictus
esset Christus tamen Petro præcipit , ut tribu-
tum pro se & pro eo pendat , quemadmodum
refert Matthæus cap. 17. *Ut non scandalizemus*
eos , inquit , vade ad mare & mitte hamum , &
eum piscem , qui primus ascenderit , tolle : &
aperto ore inveniens staterem : illum sumens da eis
pro me & te. Qui tamen priùs Phariseorum
scandalum omnino contempserat ; dicentibus
enim ipsi discipulis : *Scis quia Pharisei audito*
hoc verbo scandalizati sunt ? eorum scandalum
minimè , solvit , quin potiùs eos redarguit &
increpavit dicens : *Omnis plantatio , quam non*
plantavit Pater meus cœlestis eradicabitur : Cu-
jus rationem reddit D. Gregorius Magnus ho-
mil. 7. in Ezech. *Si de veritate scandalum sumi-*
tum , utiliùs permittitur nasci scandalum , quam
veritas relinquatur : ibi autem de doctrina scan-
dalum fuerat exortum , quapropter increpando

654 *Quaest. XIV. De Sententia Dei,*
& redarguendo subdit Christus supradicta ver-
ba, quæ exponens D. Remigius ait: *Omnis falsa*
doctrina, cum suis actoribus permanere non potest:
& quia à Deo Patre non est, cum eisdem eradicabi-
tur. Illa ergo sola permanebit, quæ à Deo Patre est.

412. Vidit, inquam, & pervidit Augustinus, qui
per tot annos indefesso studio ac labore contra
Pelagianos egit, quorum inventum hæc scientia
Media fuisse à doctissimis viris putatur. Et
quidem sub nomine præscientiæ ab ipsis agni-
tam, illisque in usu fuisse satis evidenter con-
stat ex epistola quadam Alexandri Alexandrini,
quæ inter Acta Concilii Niceni habetur, in qua
de exoriente Arrianorum hæresi alterum Alexan-
dram Constantinopolitanæ Ecclesiæ Antistitem
monitum faciens, ita scribit: *Quo circa, fra-*
tres charissimi, abjectâ cunctatione ingenij mei
vires, quò istorum vobis infidelitatem significa-
rem, excitavi, qui asserunt tempus aliquando
fuisse, cum non esset filius Dei, postea factum
cum non antè extiterit: talem fuisse tunc fac-
tum, cum factus erat, qualis quisque homo, om-
nia enim Deum ex nihilo fecisse. Quâ sententia
Dei filium in creatione omnium rerum, sive ra-
tionis sunt illa participes sive expertes, conclu-
dunt. Quibus etiam consequenter addunt, cum
natura posse mutari, virtutis & vitii capacem esse:
Est enim quoque in nostra situm potestate (ista Ec-
clesia pestes aiunt) filios Dei fieri, non aliter
atque ille factus est. Scriptum namque esse, Filios
genui & exaltavi. At cum illis obijcitur senten-
tia, quæ deinceps sequitur: Et ipsi spreverunt
me; quò planè natura Salvatoris, qui est natu-
ra immutabilis repugnat, tunc omni exatâ erga
Deum pietate ac reverentiâ, aiunt, Deum cum
illum

Art. XIV. An scient. Dei sit, &c. C. XV. 655
 illum præscientiâ & præsentione prænovisset, ne-
 tiquam aspernaturum, idcirco ex omnibus elegisse.
 Non enim eum aut naturâ aut prærogativâ quid-
 quam præter ceteros filios habuisse; nullum Nam-
 que naturâ filium Dei esse affirmant. Neque
 quemquam esse qui ullâ cum eo proprietate, con-
 junctus sit; sed cum esset naturâ mutabilis, & pro-
 pter singularem in vita & moribus ritè institu-
 dis diligentiam ac studium non ad vitia deflecteret,
 Deum illum elegisse, à Deo ut Paulum & Petrum,
 si in hoc & ipsi obnixè incubuissent, eodem mo-
 do futuros fuisse asserant filios Dei, quo ille fuit.
 Idem de Arianis referunt Theodoretus lib. hist.
 Eccles. capit. 4. & Prateolus verbo *Achillas*.

P. Suarez in opere tripartito *Prologo de scien- 413.*
 tia conditionata cap. 4. contendit Arianos de
 absoluta præscientia fuisse locutos non verò de
 conditionata. Sed profectò licèt respectu præ-
 sentionis ac præscientiæ habitæ ab æterno de
 Christo, quod deum non esset aspernaturus,
 & ideo ex omnibus ab eo electum, præscientia
 absoluta dici queat, non tamen respectu Petri
 & Pauli, quoniam isti sunt Deum aspernati, &
 nequaquam eo pacto, quo Ariani Christum esse
 Dei filium dicebant, & ipsi filii Dei effecti sunt,
 qui tamen effecti fuissent, si Deus idem & de
 illis, ac de Christo præsensisset, atque præno-
 visset: ergo respectu Petri & Pauli fuit præ-
 scientia merè conditionata, quippe cujus con-
 ditionum quam fuit posita in esse, & positis
 talibus circumstantiis posita fuisset: *Atque adeo,*
inquiunt, ut Petrum & Paulum, si in hoc & ipsi-
incubuissent, eodem modo fuisse futuros filios Dei,
quo ille fuit. Utrumque igitur præscientiam,
 absolutam videlicet atque conditionatam, seu

656 *Quaest. XI V. De Scientia Dei*,
illam quæ decretum de futuro absoluto antece-
dit, & eam quæ est de futuro conditionato
agnoverunt; & ipsâ ad suum pestiferum dogma
stabiliendum usi, atque abusi sunt.

414. Hocce Arrianorum virus etiam Pelagiani ex
parte hauserunt, asserentes etiam ipsi Christo
Domino divinitatem ex meritis fuisse collatam,
ut habetur ex Div. Prospero in Epitaph. hæres.
Nestor. & Pelago. ubi ita loquitur:

*Nam Christum pietate operum, & mercede
volentes.*

Esse Deum, in capitis fœdere non stetimus.

Idem eis attribuit Cassianus lib 5. de Incarnar.
cap. 2. ubi Nestorium alloquens ait: *Hoc utique
illa etiam, quam ante dixi, hæresis (Pelagiana)
asserbat, Christum non propter se colendum, vi-
delicet quia Deus esset, sed quia bonis ac piis
actibus, Deum in se habere inveniisset. Ergo vi-
des, inquit, Pelagianum te virus vomere, Pela-
giano te Spiritu sibilare.* Unde & prædestinatio-
nem ex prævisione meritorum, seu operum, vel
fidei (quæ sine præscientiæ illa conditionata
non est) omnino Pelagiani admiserunt. Nam
Pelagius in cap. 3. epist. ad Roman. ait: *Quos
prævidit conformes futuros in vita voluit ut fie-
rent conformes in gloria.* Et Pelagiani apud D.
Augustinum lib. de prædest. SS. cap. 18. ita lo-
quuntur. *Præsciebat ergo Deus qui futuri essent
Sancti & immaculati per libera voluntatis arbi-
trium, & ideo eos ante mundi constitutionem in
ipsa sua præscientia, qua tales futuros esse præ-
scivit, elegit.*

415. Quam etiam doctrinam usque ad parvulos
extenderunt. Unde cum eos D. Augustinus in
epist. 105. ad Sixtum, illo Apostoli loco, quo
non

Art. XIV. An scient. Dei sit, &c. Cap. XV. 657
non ex operibus, sed ex vocante Jacob dilectus
dicitur, Esau verò odio habitus, confutasset,
subjunxit: *Mirum est, cum his coarctantur an-*
gustis, in quanta abrupta se præcipitent, metuen-
tes retia veritatis. Et explicans quodnam sit illud
præcipitium statim subdit: *Ideo, inquit,*
nondum natorum alium oderat, scilicet Esau, &
Iacob diligebat, quia futura eorum opera prævide-
bat. Quæ responsio omnium Pelagianorum
communis fuit. Nam & Pelagius in capit. 8.
epist. ad Rom. per Esau & Jacob eos propheta-
ri docet, *Qui futuri erant ex operibus boni & ma-*
li: & ex ipsis operibus aut odium Dei habere, aut
misericordiam ejus consequi. Et Julianus apud
Augustin. lib. 1. oper. imperf. ostendi putat,
Non in seminibus, sed in moribus esse distantiam: si-
quidem Iacob & Esau unâ seminis exceptione con-
cepti, & unavi parientis effusi diversos nimium
exitus pro meritorum diversitate pertulerunt.

Cum verò explicare cogerentur, quo pacto 416.
illa merita invenirentur in parvulis ex quorum
præscientia amor Dei vel odium nasceretur, in
diversa deliramenta præcipitati sunt. Et inter
alia dixerunt commenti sunt, propter opera,
futura, quæ majores vel facturi sunt, vel factu-
ri essent, si viverent, Deum præsciendo dile-
xisse parvulos, vel odisse: *Neque enim*
(subdit ibidem Augustin.) Si duorum de
Isaac Patriarcha geminorum (quòd quidem jam
ostendimus quanta cacitate dicatur) futura prævidit
Deus opera, quia vixerunt & senecerunt, & pro-
pterea Iacob dilexit, Esau autem odio habuit,
ideo moriturosum etiam parvulorum potest quic-
quam dicere, ut huic ad percipiendum baptismum
non consulat, illi autem consulat; Deum futura

658 *Quaest. XIV. De Scientia Dei,*
 eorum opera praevidere. Quomodo enim futura dicuntur, quae nulla erunt? Sed Deus, inquiunt, in eis quos hinc aufert, praevidet quemadmodum viſſurus eſſet quiſque ſi viveret, & ideo quem nequiter novit eſſe viſſurum ſine baptiſmo facit & mori, ſic in eo puniens opera mala, non quae fecit, ſed quae facturus fuit: Attendant quàm falſò polliceantur in damnationem parvulos non ituros, qui ſine baptiſmate moriuntur, qui propterea non baptiſantur, quia malè viſſuri erant, ſi viverent: propter ipſam quippe malam vitam proculdubio damnabuntur, ſi etiam mala, quae fuerant futura damnantur. Deinde ſi eis ad percipiendum baptiſmatis Sacramentum conſulitur, quos novit Deus, ſi viverent, bene eſſe viſſuros, cur non omnes tenentur in vita, quam bonis operibus ornaturi ſunt?

417. Ex quibus manifeſtè liquet Pelagianos merita conditionata praeſiſa tandem conſinxiſſe, & ad ſcientiam Mediam, ſive praeſcientiam conditionatam veluti ad azylum conſugiſſe, ut eluderent efficaciffimam Auguſtini rationem de parvulis, quorum aliqui abſque baptiſmi gratia decedentes pereunt, & alii baptiſmi gratiam conſequentes ſalvantur, abſque aliqua eorum voluntate, vel operibus bonis aut malis: & ne diſcretionem unius ab alio in gratuitam Dei electionem & praeſtinationem referre cogeretur. Per dictam itaque praeſcientiam conditionatam nil aliud reipſa illos intellexiſſe quam ſcientiam illam Mediam à recentioribus aſſertam breviter oſtenditur: Praeſcientia, quâ Deus praeſcit aliquid futurum, ſi talis conditio apponeretur, eſt verè ſcientia Media à recentioribus aſſerta: ſed Pelagiani, ut conſtat ex D. Auguſtino

Art. XIII. An scient. Dei sit, &c. Cap. XV. 659
gustino, constituebant in Deo præscientiam
qua Deus prænoscebat ac prævidebat, quodd
parvuli quidam, si in vita servarentur bene
victuri, alii verò si ad eandem servarentur vi-
tam, malè victuri essent, & secundùm hanc
conditionatorum præscientiam meritorum co-
rum fieri discretionem asserebant: Ergo Pela-
giani in Deo scientiam mediam sub nomine
præscientiæ constituebant ad eludendum divi-
næ voluntatis propositum, efficacitatem gra-
tiæ illius, ac prædestinationis gratuitæ.

Sed præ cæteris omnibus Semipelagiani ex-
pressiùs hanc mediam scientiam sub eodem præ-
scientiæ nomine tradiderunt, sicuti manifestè
constat ex epistolis SS. Prosperi & Hilarii ad
Augustinum. Etenim S. Prosper ad S. D. scri-
bens, certioreque illum faciens de Semipela-
gianorum virescentibus dogmatibus inter cæte-
ra hæc scribit: *Propositum vocantis gratia in*
hoc omnino definiunt, quòd Deus constituerit
nullum in regnum suum nisi per Sacramentum
regenerationis assumere: & ad hoc salutis donum
omnes homines universaliter, sive per naturam, sive
per legem scriptam, sive per Evangelicam predica-
tionem vocari. Cumque inter hæc innumerabilium
illis multitudo obijcitur parvulorum, qui utique
excepto originali peccato, sub quo omnes homines
similiter in primi hominis damnatione nascuntur
nullas adhuc habentes voluntates, nullas proprias
actiones non sine Dei judicio secernuntur, ut ante
discretionem boni ac mali de usu vite istius au-
ferendi, alii per regenerationem inter cælestis re-
gni assumantur hæredes, tales aiunt perdi, talesque
salvari, quales futuros illos in annis majoribus, si
ad adultam servarentur aetatem, scientia divina

418.

660 *Quaest. XIV. De Scientia Dei,*
præviderit. Et paulò infrà : Sed in tantum qui-
buscumque commentitiis meritis electionem Dei
subjiciunt , ut quia præterita que non extant , futu-
ra que non sunt , futura confingant , novòque apud
illos absurditatis genere , & non agenda præscita
sint , & præscita non acta sint.

419. Et rationem quorundam Semipelagianorum
afferens cur Evangelium quibusdam promulga-
tum non fuerit , aliis verò sit annunciatum ,
statim subdit : *Cumque ad earum nationum con-*
templationem venitur , que vel in præteritis sæculis
dimissa sunt ingredi vias suas , vel nunc quoque
adhuc in veteris ignorantia impietate deperunt ,
nec ulla eis aut legis aut Evangelii illuminatio cor-
ruscavit , cùm tamen in quantum predicatoribus
ostium apertum est , & via facta est , gentium po-
pus qui sedebat in tenebris & in umbra mortis lu-
cem viderit magnam , & qui quondam non popu-
lus , nunc autem populus Dei sit ; quorum aliquando
non misertus est , nunc autem misereatur , prævi-
fos inquit à Domino non credituros , & ad unam-
quamque gentem ita dispensata tempora ac mini-
steria magistrorum , ut exortura erat bonarum cre-
dulitas voluntatum. Nec vacillare illud , quòd
Deus velit omnes homines salvos fieri & in agni-
tionem veritatis venire , quandoquidem inexcusa-
biles sint , qui & ad unius veri Dei cultum potue-
runt instrui intelligentiâ naturali ; & Evangelium
ideo non audierint , quia nec fuerint recepturi.

420. Id ipsum apertissimo & ad rem hanc aptissi-
mo D. Hilarii testimonio in epist. ad August.
convincitur , in qua Semipelagianorum refertens
errorem ait : *Cùm autem dicitur eis , quare*
aliis vel alicubi predicetur , vel non predicetur ;
vel nunc predicetur , quod aliquando pene omni-
bus

Art. XIII. An scient. Dei sit, &c. Cap. XV. 66
 bus, sicut nunc aliquibus gentibus non predicatum
 sit, dicunt id præscientiæ esse divina, ut eo tem-
 pore & ibi & illis veritas annuntiaretur, vel an-
 nunciatur, quando & ubi prænoscebatur esse cre-
 denda. Et hoc non solum aliorum Catholicorum
 testimoniis, sed etiam Sanctitatis tuæ disputatione
 antiquiore se probare testantur. Vbi tamen eandem
 gratiam non minore veritatis perspicuitate docue-
 ris, ut est illud, quod dixit sanctitas tuæ in que-
 stione contra Porphyrium de tempore Christiana re-
 ligionis: Tunc voluisse hominibus apparere Chri-
 stum, & apud eos predicari doctrinam, quando
 sciebat, & ubi sciebat esse, qui in eum fuerant cre-
 dituri.

Ex quibus ita arguo: illa scientia, quæ Deus 421.
 certò & infallibiliter cognoscit, quid voluntas
 creata constituta in tali vel tali occasione, con-
 ditione, & circumstantiarum seu rerum ordine
 operatura, vel non operatura esset, est reipsa
 illa scientia media à P. Molina & aliis recen-
 tioribus asserta: sed hanc sub nomine præscien-
 tiæ in Deo agnoverunt & constituerunt Semi-
 pelagiani: ergo verè agnoverunt scientiam il-
 lam mediam, & illâ usi sunt. Major ex supra-
 dictis patet. Minor prob. ideo inquebant Se-
 mipelagiani noluisse Deum multis prædicari
 Evangelium suum, quia certò prævidebat, quòd
 non essent credituri, nec Evangelio obtempe-
 raturi, *Ideo non audierint, quia nec fuerant re-*
cepturi; quod tamen eis prædicatum fuisset, si
 aliàs ipsi præsciti fuissent credituri, cùm Deus
 omnes homines velit salvos fieri, & ad agni-
 tionem veritatis venire: ergo in Deo Semipela-
 giani sub nomine præscientiæ agnoverunt scien-
 tiam conditionatam de futura vel non futura

prædicatione Evangelii & obedientia non præstanda Evangelio si aliquibus fuisset prædicatum, quibus idcirco annunciatum non est.

422. Conf. ideo Semipelagiani in D. Augustini doctrina suam fundabant sententiam, quia S. D. in epist. 49. (quæ est de sex quæst. Paganor.) quæst. 2. dixerat, *Tunc voluisse hominibus apparere Christum, & apud eos predicari doctrinam suam, quando sciebat; & ubi sciebat esse, qui in eum fuerant credituri*: in quo eodem testimonio suam fundare nituntur opinionem recentiores; vel igitur isti malè & extra rem hoc ipsum in suæ sententiæ de scientia media patrocinium adducunt Augustini testimonium, vel fateri tenentur, quòd hæc ipsa eorum scientia conditionata à Semipelagianis agnita fuerit, & illis in usu. Hinc D. Augustinus lib. de prædest. sanct. cap. 12. *Quis, inquit, audiat, quòd dicuntur à Semipelagianis parvuli pro suis futuris meritis in ipsa infanti atate baptizati exire de hac vita, & ideo alii non baptizati in eadem atate movi, quia & ipsorum præscita sunt merita futura*. Quod sane nonnisi per ejusmodi præscientiam conditionatam præsciri potuerunt, ut est manifestum.

423. Et reipsa quidem quòd res ita se habeat ingenuè facti sunt ipsius Societatis Doctores, dum celeberrima ista quæstio Romæ agigaretur, ut constat ex quodam eorum scripto, tunc temporis ab eis edito & oblato iudicibus deputatis, cui titulus erat, *Rescriptum de scientia media, seu conditionata*: Initium autem ejusdem, *Certum est secundum fidem, & finis, Paratus non ignoravit*. In quo quidem scripto versus finem sequentia habebantur: *Ex quibus sequitur*
verum

Art. XIII. An scient. Dei sit, &c. Cap. XV. 663
verum esse, quod Patres Prædicatores in scripto
quodam evulgarunt, videlicet etiam ipsos Mas-
silienses Semipelagianos hanc scientiã mediam do-
cuisse, quod bene inferunt ex illis verbis Hilarii :
Cum autem dicitur eis &c. Quoniam verò non
satis tutum videbatur, quod eandem ipsi cum
Semipelagianis præscientiam conditionatam,
sub nomine scientiæ mediæ in Deo constitue-
rent, P. Cobos in Responsione quadam nomi-
ne Societatis oblatâ, ita satisfecit : *Massilien-
sium Semipelagianorum error, quem P. Prosper
& Hilarius referunt, erat, Deum prædestinare aut
reprobare propter opera bona vel mala, qua Deus
sciebat ipsos facturos, si supervixissent, aut Evan-
gelium, vel lex fuisset aliquibus predicata. In qua
assertione non ideo errabant, quia putabant Deum
scire, quid ejusmodi parvuli vel alii, si supervi-
xissent, aut Evangelium audivissent, fuissent fa-
cturi, sed quia causam prædestinationis vel repro-
bationis esse contendebant ea parvulorum opera,
qua nunquam futura erant. Et hanc fuisse unicam
& totam illorum solutionem atque responsio-
nem in omnibus congressibus, in quibus tunc
apud S. Sedem de hac re actum est, testatur &
refert Sapientissimus Mag. Fr. Thomas Lemos,
tomo 1. Panopl. p. 2. tract. 5. cap. 6. multisque con-
futat ostendens illam mediam scientiam sive
præscientiam à SS. Patribus rejectam fuisse,
tum propter dictam rationem, tum etiam quia
certa in Deo constituebatur de illis futuris con-
ditionatis ante propositum sive decretum effi-
cax divinæ voluntatis. Immo hanc fuisse quæ-
stionem inter Pelagianos hoc asserentes & SS.
Patres qui contrarium asseriebant atque tue-
bantur.*

Quod

Quod quidem colligit ex citata S. Prosperi Epistola ad S. August. in qua inter alia de quibus cupit instrui S. Prosper præcipuè hoc unum est : *Virum præscientia Dei ita secundum propositum maneat, ut ea ipsa, quæ sunt proposita sint accipienda præscita, an per genera causarum & species personarum ista varientur, ut quia diversæ sunt vocationes, in his qui nihil operaturi salvantur, quasi solum Dei propositum videatur existere: in his autem, qui aliquid boni æsturi sunt per præscientiam possit stare propositum; an verò uniformiter, licet dividi præscientia à proposito temporali distinctione non possit, præscientia tamen sub quodam ordine sit subnixa proposito. Et sicut nihil sit quorumcunque negotiorum, quòd non scientia divina prævenerit, ita nihil sit boni, quod in nostram participationem non Deo authore defluerit.* Ex quibus verbis constat inter Catholicos & Pelagianos sive Semipelagianos hoc in quæstione præcipuè fuisse, quòd isti ante omne voluntatis divinæ propositum efficax illam præscientiam constituebant, per quam staret certum firmumque propositum; Catholici autem omnem boni præscientiam post divinæ voluntatis propositum sive decretum tribuens illud bonum asseriebant. Unde S. Prosper de hoc à S. Augustino se edoceri postulat. Quocirca idem S. D. Augustinus ad scriptas sibi Epistolas respondens libro de prædestinat. Sanct. cap. 9. explicansque id quod in libro de sex quæst. Pagan. quæst. 2. dixerat, nimirum, *Virum prædicato sibi Christo à seipsis habituri essent fidem, an Deo donante, id est, utrum tantummodo eos præscierit, an etiam prædestinaverit Deus, querere ac differere tunc necessarium non putavi* (En quæstionis

agitata

Art. XIII. An scient. Dei sit, &c. Cap. XV. 66 §
 agitata cardinem, utrum Deus tantummodo
 præsciret, an etiam prædestinaret) c. 10. ait :
Prædestinatione quippe Deus ea præscivit, quæ
fuerat ipse facturus : En præscientiam post præ-
 destinationem, seu voluntatis divinæ proposi-
 tum. Quod & Apostolis confirmat testimonio
 dicens : *Quoniam quæ promisit, potens est &*
facere, non ait prædicere, non ait præscire ;
sed ait potens est & facere ; ac per hoc facta
non aliena sed sua. Id ergo in quæstione
 apud Catholicos & Semipelagianos erat posi-
 tum, alioquin D. Augustinus in eo explican-
 do non tantum insudaret, ut ibidem videre est.
 Sed de his plura infrà, præsertim in tractatu
 de Prædest. & §. seq.

§. 2.

*Refutatur scientia media testimoniis adductis ex
 eodem D. Augustino.*

QUæ in superiori §. ex D. Augustino testi-
 monia adduximus satis superque osten-
 dunt, totum esse Augustinum in negando ac
 rejicienda præscientia illa, quam Pelagiani ac
 Semipelagiani admittebant ante divinæ volun-
 tatis propositum, quâ prævideret ac certò præ-
 nosceret Deus quid liberum arbitrium creatum
 ex seipso operaturum esset, si in tali rerum or-
 dine, & in talibus circumstantiis constitueret-
 ur ; quâ prænotione habitâ postea decerneret
 divina voluntas ita illum constituere. Impræ-
 sentiarum tamen id amplius ex eodem com-
 monstrare necessarium visum est. Quanvis enim
 hujus S. Doctoris auctoritas maximi in omni-
 bus semper habenda sit, in hac tamen specia-
 liter

666 *Quaest. XIV. De Scientia Dei*,
liter ad eam confugiendum veluti ad Lydium
lapidem, quo verum à falso discerni queat.
Itaque sicuti totus est in negando, hominem ex
se & non ex Deo donante bene operaturum,
ita perpetuus est in neganda præscientia, quæ
ad Dei propositum non sequatur: & sicuti ab-
soluta præscientia apud illum sequitur ad abso-
lutum divinæ voluntatis decretum sive propo-
situm; ita præscientia conditionata sequitur ad
decretum conditionatum, sive propositum de
objecto conditionato: & quemadmodum præ-
scivit Deus absolutè hos bene operaturos, quia
ipse voluit, & absolutè decrevit ut bene ope-
rarentur; ita præscivit & alios bene operaturos,
si in tali rerum ordine, & talibus circumstan-
tiis collocarentur, quia ipse voluit & decrevit,
ut sic constituerentur bene Deo donante ope-
raturi.

416. Antequam ad id probandum testimonia S.
Doctōris adducamus, advertendum ex dictis
suprà occurrit, quòd divina prædefinitio, pro-
positum, sive decretum divinæ voluntatis,
prædestinatio à S. Augustino non rarò appella-
tur, quemadmodum & prædestinandi vocabu-
lum pro præfinire seu decernere accipitur. Ita
sumit tract. 68. in Ioan. dicens: *Fecit futura, ea
prædestinando, facturus est operando.* Hoc est, fe-
cit futura ea prædefiniendo, & decernendo fu-
turationem illorum, quæ in tempore facturus
est operando. Idem habetur ex libro de prædest.
Dei Augustino tributus ubi dicitur: *Prædesti-
navit Deus, ut cælum semper volveretur, terra
immobilis circumvolvendi cælo loco centri haberetur:
Sol & Luna diei, noctique præessent: dies
& nox certis temporibus vicissim succederent.* Et
infra:

Art. XIII. An scient. Dei sit, &c. Cap. XV. 667
infra : *Interroganti alicui quare cælum voluitur ,*
respondemus , quia Deus prædestinavit ; hoc est ,
prædefinivit , decrevit , constituit. Eodem mo-
do usurpasse hæc nomina inveniuntur S. Dio-
nysius de divin. nom. cap. 5. D. Damascenus orat.
1. de imagin. & D. Isidorus lib. 5. sent. c. 18.

Quo supposito iterum subjiciendus venit ce-
lebris ille locus Augustini ex libro de prædest.
sanct. cap. 10. *Prædestinatione quippe Deus ea præ-*
scivit , quæ fuerat ipse facturus. Ex quibus ita
arguo : Quæ Deus facturus est , in sua prædesti-
natione , hoc est , præfinitione & decreto suæ
divinæ voluntatis præscit , sive certò prænos-
cit : ergo præscientia eorum , quæ Deus factu-
rus est , habet pro causâ suæ certitudinis ac in-
fallibilitatis ipsam prædestinationem seu decre-
tum divinæ voluntatis , illique innititur : si-
cuti cùm dicimus , principiis seu medio de-
monstrationis conclusionem sciri , sensus est ,
principia seu medium demonstrandi esse causam
notitiæ certæ sive scientiæ conclusionis , & hu-
jus certitudinem illis inniti : sed Deus omnia
opera nostra quantumcunque libera in nobis
operaturus est : ergo illa certò in sua prædesti-
natione seu decreto suæ divinæ voluntatis præ-
noscit , sive præscit , nec datur præscientia in-
dependens à decreto illo.

427.

Ut vis & efficacia primæ consequentiæ ma-
gis percipiatur diligenter advertendum est, quòd
Semipelagiani, ne læderetur arbitrium creatum
efficaci divinæ voluntatis proposito , illa quæ
à Deo proposita erant , præscita priùs asse-
bant , negantes præscientiam subniti proposito
divino ; quinimmo propositum ipsi præscien-
tiæ , itaut priùs præsciret Deus qui in eum es-
sent

428.

668 *Quaest. XIV. De Scientia Dei*,
sent credituri, & deinde eos prædestinaret,
quod erat præscientiam prædestinatione prio-
rem in electis, constituere. Quemadmodum
sumitur ex epistola D. Prosperi ad Augustinum,
in qua idcirco se ab Augustino instrui petit :
Virum præscientia Dei ita secundum propositum
maneat, ut ea ipsa quæ sunt proposita (hoc est,
præfinita, seu prædestinata) sint accipienda præ-
scita (hoc est, an præscientia innitatur quoad
certitudinem suam proposito sive decreto divi-
no) An per genera causarum & species persona-
rum ista variantur (nimirum quæ sunt proposita,
ita ut diversitas meritorum prævisorum pro-
positum diversificet, vel è contra) ut quia di-
verse sunt vocationes, in his qui nihil operaturi
salvantur (nimirum parvulis cum baptismo de-
cedentibus) quasi solum Dei propositum videatur
existere (absque præscientia meritorum :) in his
autem qui aliquid boni acturi sunt (nimirum
adultis) per præscientiam possit stare propositum
(ita ut istud à præscientia meritorum firmitatem
habeat :) an verò uniformiter, licet dividi præ-
scientiam à proposito temporali distinctione non pos-
sit, præscientia tamen quodam ordine sit subnixæ
proposito. Idem habetur ex epistola D. Hilarii
ad eundem Augustinum, cujus verba retuli-
mus suprà num. 420. Eisdem igitur respondens
D. Augustinus cit. lib. de prædest. Sanct. atque
solvens quæstionem ait : *Prædestinatione quippe*
Deus ea præscivit, quæ fuerat ipse facturæ ; quod
est idem atqui dicere, infallibilitatem præ-
scientiæ divinæ proposito sive decreto divino
esse subnixam. Quapropter S. Doctor statim
subdit : *Vnde dictum est, fecit quæ futura sunt :*
nimirum ea prædestinando ; ut dictum est ex
eodem

Art. XIII. An scient. Dei sit, &c. Cap. XV. 669
eodem tract. 68. in Ioan. Igitur præscientia futurum eventum prospiciens, putà futurum bonum usum liberi arbitrii, præsupponit prædestinationem Dei, & illi innititur: aliàs futurum non esset, *Nam*, inquit Augustinus, *neque facta sunt si ipse non fecit, neque futura sunt si ipse non fecerit*: quod si futura non sunt neque præsciuntur à Deo: ergo præscientia futurum præsupponens, præsupponit prædestinationem, qua Deus prædestinando facit quæ futura sunt; illique subnititur. Proinde est scientia visionis & approbationis, non autem scientia media.

Prosequitur S. Doctor dicens: *Quando ergo promissit Deus Abraha in semine ejus fidem gentium dicens: Patrem multarum gentium posui te (Vnde dicit Apostolus: Ideo ex fide ut secundum gratiam firma sit promissio omni semini) non de nostra voluntatis potestate, sed de sua prædestinatione promissit. Promissit enim quòd ipse facturus fuerat, non quòd homines. Quia etsi faciunt homines bona, qua pertinet ad colendum Deum, ipse fecit ut illi faciant, qua praecepit: non illi faciunt, ut ipse faciat quòd promissit. Ex quibus sic arguo: Quòd Deus de sua prædestinatione & non de nostra libera potestate promittit, non potest à Deo præsciri ex nostra potestate, sed in sua prædestinatione; itaut prædestinatio sit causa promissionis, & subinde præscientiæ illius, non autem libera potestas, sed Deus futuram fidem gentium promissit non de nostræ libera potestate sed de sua prædestinatione: ergo non præscivit de nostra libera potestate; sed quòd non præscitur de nostra libera potestate, non præscitur per scientiam mediam exploratricem nostræ* 429.

670 *Quæst. XIV. De Scientia Dei*,
nostræ liberæ potestatis, & futuri consensus ut
decernat de re futura; sed præscitur in decreto
efficaci illius: ergo Deus certò præscit nostræ
liberæ voluntatis futurum consensum non per
scientiam mediam priùs explorantem quid ope-
ratura sit libera potestas creatæ voluntatis, si
in talibus & talibus circumstantiis constitua-
tur. Major prob. promissio quæ sit de præde-
stinatione divina, & non de potestate liberæ
voluntatis habet pro causa ipsam prædestina-
tionem divinam & non liberæ voluntatis po-
testatem; nam propositio *de* notat causam sive
materiam, sive efficientem, ut docet D. Tho-
mas 1. p. quæst. 39. art. 2. ad 5. materialis autem
causa locum non habet in divinis, quapropter
in Deo denotare debet causam efficientem, sic
dicitur in Symbolo Christus *de* Spiritu Sancto
conceptus, quoniam Spiritus sanctus concep-
tionem Christi effectivè operatus est: ergo cau-
sa certæ illius promissionis Abraham à Deo fa-
ctæ non fuit præscientia futuri consensus libe-
ræ voluntatis gentium, sed prædestinatio &
decretum fuit causa promissionis ac præscientiæ
illius.

430. Quapropter jure merito S. D. statim sub-
jungit: *Promisit enim quod ipse facturus erat, non
quod homines.* Q. d. si gentes ex potestate suæ li-
beræ voluntatis habituræ essent fidem, & non
à Deo donante, certè Deus fidem illam debuif-
set promittere de potestate libera gentium: sed
gentes non erant habituræ fidem ex sua pote-
state Leo, à Deo donante: ergo non debuit
Deus, neque potuit certò promittere fidem
gentibus de potestate illarum, sed de sua præ-
destinatione, qua decrevit ac prædefinivit se
daturum

'Art. XIII. An. scient. Dei sit, &c. Cap. XV. 671
 daturum fidem gentibus. Quia & si faciunt ho-
 mines bona, quæ pertinent ad colendum Deum
 (ut credere in illum fide divina) ipse facit ut
 illi faciant, quæ præcepit; non illi faciunt, ut
 ipse faciat quod præcipit. Declaratur: Promisi Pe-
 tro de absoluta ac libera voluntatis meæ pote-
 state dare Petro centum aureos, certè infallibi-
 litas illius promissionis tota innititur proposito
 meæ volūtatis, nec aliter possunt certò scire pro-
 missionem illam fore habituram effectum nisi de
 liberæ meæ voluntatis potestate id promittente:
 at verò si de alterius potestate id promittam,
 non possunt capere certitudinem illius promif-
 sionis nisi ex potestate alterius: Sed ex D. Au-
 gustino Deus promisit fidem futuram semini
 Abrahæ de sua prædestinatione, hoc est, pote-
 state & decreto suæ divinæ voluntatis efficaciter
 decernentis illi dare fidem non autem promisit
 de voluntatis humanæ potestate: Ergo se datu-
 rum fidem præscivit in decreto efficaci suæ vo-
 luntatis, & non per aliquam scientiam mediam
 exploratricem futuri consensus liberæ volunta-
 tis creatæ, quod esset promittere de potestate fi-
 dem illam.

Conf. cognitio certa quàm habuit Deus ab æterno de fide gentium futura & promissione sua fuit verè scientifica, & subinde cognitio rei per suam causam efficientem: sed causa efficiens illius promissionis non est libera potestas crea-
 ta, sicuti neque ista in tempore causat ex fidem, sed causa est divina prædestinatio & decretum divinæ volūtatis: ergo promissio illa & futura fi-
 des fuit à Deo præscita in prædestinatione & de-
 creto divinæ suæ volūtatis constituentis certò fi-
 dem promissam gentibus largiri.

672 *Quaest. XIV. De Scientia Dei,*
 non sine causa S.d. præmisit, *Prædestinatione quippe Deus præscivit quæ fuerat ipse facturus.* Quoniam præscientia dandæ fidei & promissionis illius adimplendæ infallibilitas tota innititur in prædestinatione Dei, & decreto efficaci divinæ voluntatis ipsius. Major patet, quoniam de ratione scientiæ propriè dictæ est, quodd sit cognitio rei per suam causam, ut habetur *lib. 1. Posterior.* Minor etiam est desumpta ex verbis Divi Augustini asserentis primò, quodd Deus futuram gentium fidem de sua prædestinatione promisit, ubi particula *de* causam notat; & non de potestate creatæ voluntatis, quod è converso notat liberæ voluntatis creatæ potestatem non esse causam illius promissionis. Deinde affirmat Deum facere ut faciant in tempore homines bona, quibus colitur Deus, inter quæ est fides; quidquid autem Deus facit in tempore efficaciter ab æterno in sua prædestinatione priùs constituit: ergo causa illius fidei in tempore est divina prædestinatio, ad quam sequitur præscientia futuri consensus, non autem ista est causa prædestinationis ut statim dicetur.

432. Præterea D. Augustinus in eodem lib. de prædestinat. Sanct. cap. 17. ait: *Quid est quod ait Apostolus sicut elegit nos in ipso ante mundi constitutionem? Quod profectò si propterea dictum est, quia præscivit Deus credituros, non quia facturus fuerat ipse credentes: contra istam præscientiam loquitur Filius Dei dicens, Non vos me elegistis, sed ego vos elegi. Electi sunt itaque ante mundi constitutionem ea prædestinatione, in qua Deus sua futura facta præscivit; electi sunt de mundo ea vocatione, qua Deus id quod prædestinavit, implevit.* Ex quibus ita arguo: per præscientiam illam

Art. XIII. An scient. Dei sit, &c. Cap. XV. 673
lam conditionatā, sive scientiam mediam Deus
præscit credituros, si in talibus ac talibus cir-
cumbstantiis constituantur, non autem simpli-
citer præscit se facturum credentes, eligendo
simpliciter & efficaciter ad fidem: sed eos
Di vus Augustinus asserit Deum homines ante
mundi constitutionem simpliciter elegisse ad fi-
dem, non quia præscivit eos credituros, sed
quia facturum erat eos credentes: ergo omnino
reiecit scientiam illam mediam, sive præscien-
tiam conditionatam, qua Deus præscierit ab æ-
terno credituros homines, si in talibus ac tali-
bus circumbstantiis constituerentur; & simpli-
citer admittit præscientiam futuri eventus fun-
datam in decreto efficaci, seu constitutione &
prædestinatione divina quā prædefinivit datu-
rum se illis ut credant. *Electi sunt itaque*, ait,
ante mundi constitutionem ea prædestinatione, in
qua Deus sua futura facta præscivit: Ergo præ-
scientia futuro fidei, quæ est donum Dei, & fa-
ctum illius, fundatur in decreto prædestinativo,
& præsupponit illud tanquam medium & cau-
sam illius, præscientiæ: alioquin sua futura fa-
cta non diceretur Deus in sua prædestinatione
præscire; id enim in quo aliud præscitur, impor-
tat ordinem causæ & prioris ad id quod in eo
præscitur; sicuti principia ad conclusiones, quæ
in principiis illis præsciri dicuntur: & futura
eclypsis præsciri dicitur in motu & dispositio-
ne luminarium, quoniam hæc sunt causa illius;
& quasi sit futura domus in idea artificis præ-
sciri dicitur, quoniam idea est causa do-
mus, ut determinata per voluntatem ipsius ar-
tificis.

*Adducuntur quaedam Adversariorum explanationes
ad dicta Divi Augustini testimonia
& refelluntur.*

433.

Duplici potissimum solutione conantur adversarii præfata ac similia Divi Augustini testimonia eludere. Quidam asserunt imprimis, quòd quando Divus Augustinus ad certam futurorum cognitionem atque præscientiam requirit ac desiderat prædestinationem, in qua illa præsciat, seu decretum efficax divinæ voluntatis, illi sermo est de decretis absolutis, quæ ad scientiam visionis spectant, non autem de decretis conditionatis, & præsupponentibus præscientiam illam conditionatam futuri eventus, sive scientiam mediam. Secundò alii respondent, quòd quando Sanct. Doctor rejicit præscientiam futurorum à decreto ac Prædestinatione sive prædefinitione Dei independentem, solummodo illam reprobatur quantum ad modum illum erroneum, quo à Semipelagianis admittebatur, ac constituebatur, asserentibus videlicet, prius Deum præscire bona electorum opera, ut fidem, quæ illi facturi erant ex se ac suapte natura incipientes bene operari, quos postea Deus adjuvaret auxilium suæ gratiæ conferendo, atque ex ejusmodi Deo offerri motiva idonea prædestinationis, & gratiæ dandæ: non autem rejicit præscientiam qua Deus præscit bona opera futura ex gratia Dei, ad quæ sequatur prædestinatio. Hinc P. Amicus disp. 12. sect. 12. num. 218. illum locum Augustini de prædestinat

Art. XIII. An scient. Dei sit, &c. C. XV. 675
destinat. Sanctor. cap. 10. *Prædestinatione Deus*
ea præscivit ; quæ fuerat ipse factururus , ita expo-
nit : Quæ conditionata præscivit , non præsci-
vit futura ex sola voluntate hominum , sed de-
pendenter à suamet electione & decreto purè
conditionato : quia quæ sub conditione præsci-
vit erant ea ipsa , quæ fuisset ipse factururus : quæ
pendent ab electione Dei , sive actu posita sive
sub conditione ponenda.

Sed prima evasio efficaciter refellitur , primò : 434
quia Divus Augustinus locis citatis ex lib. de
prædest. Sanct. de illis futuris mentionem facit,
de quibus à Sanctis Prospero & Hilario fuerat
per literas requisitus : sed de futuris conditiona-
ti fuerat ab eis requisitus , an ante decretum di-
vinæ voluntatis vel post ipsum certò à Deo co-
gnoscerentur : ergo in citatis locis Divo Augu-
stino potissimum & unicè est sermo de futuris
conditionatis an ista ante vel post decretum illud
certò cognoscantur. Major patet nam in illo
opere de prædestinatione Sanctorum respondet
D. Prosperi & Hilarii epistolis , quibus ad ip-
sum scripserant de dogmatibus Semipelagianor-
um, ut constat ex initio illius. Minor etiam ma-
nifesta relinquitur ex his quæ suprà §. 1. retulimus
ex dictis epist. Hilarii & Prosperi. nam inter cæ-
tera D. Prosper de Semipelagianis assignantibus
rationem cur quidam absq; baptismo decederent
& subinde antequam peccassent ipsi damnaren-
tur ; alii verò absque propriis meritis baptis-
mum susciperent , & salutem æternam conse-
querentur , hæc de illis scribit : *Tales aiunt*
perdi , talésque salvari , quales futuros illos in an-
nis majoribus , si ad ætëvā servarentur atatem ,
scientia divina præviderit. Sed hoc futurum est

676 *Quaest. XLV. De Scientia Dei,*
conditionatum; ergo loquitur Prosper de futuris conditionatis. Quapropter statim subdit Semipelagianos *futura quæ non sunt futura confingere*: futura autem quæ non sunt simpliciter & absolutè futura, nonnisi conditionata esse possunt.

435. Et statim de adultis cur quibusdam prædicetur, aliis verò non promulgetur Evangelium, introducit D. Prosper loquentes eosdem Semipelagianos & dicentes, *Prævisos à Domino credituros*: & ad unamquamque gentem ita dispensata tempora, ac ministeria magistrorum, ut exortura erat bonum credulitas voluntatum. Sed futura illa expressè conditionem involvunt, reddunt enim hunc sensum, Deus non prædicavit quibusdam, quibus prædicasset, si prævisi fuissent credituri; & Deus his quibus prædicavit, non prædicasset nisi essent credituri: ergo ibi erat sermo de futuris conditionatis.

436. Deinde Sanct. Hilarius de illis refert, quòd asserant, *Iudicari quenquam non secundum merita, quæ habuit quandiu fuit in corpore, sed secundum merita, quæ fuerat habiturus, si diutius fuisset in corpore*: quod futuram conditionem involvit, à Deo præscitam, sicuti & futura illa merita sub eadem conditione. Et iterum, *Cum autem dicitur eis, quare aliis, vel alicubi prædicetur, vel non prædicetur, quod aliquando penò omnibus, sicut nunc aliquibus gentibus non prædicatum sit; dicunt id præscientia esse divina, ut eo tempore & ibi, & illis veritas annuntiaretur, quando & ubi prænuntiabitur esse credenda. Quæ pariter conditionem implicant, nimirum decrevisse eis prædicare supposito quod vellent credere: atque illis, quibus Evangelium annuntia*

Art. XIII. An scient. Dei sic, &c. C. XV. 677
nuntiatum non est futurum fuisse ut annuntia-
retur, si præsciri fuissent velle credere.

Secundò refellitur hæc evasio : futura salus 437.
cujuslibet præscita & volita à Deo in sententia
adversariorum, necessariò conditionem istam
involvit, si velit, seu voluerit ipse salvari : er-
go est futura conditionatè, & ut talis præscitur,
ac præfinitur seu decernitur à Deo. Probatum
antec. nam adversarii, ut infrà ostendetur q. 19.
art. 6. Illud Apostoli, *Deus vult omnes homines
salvos fieri*, ita interpretantur, si ipsi volue-
rint : ergo, secundum illos, salus futura cujusli-
bet præscita & volita à Deo necessariò est con-
ditionatè volita & præscita ; ac futura conditio-
natè. Et subinde fides futura, & alia bona ope-
ra : sed de his in libro de prædest. Sanct. potis-
simùm loquitur D. Augustinus, ut patet : Ergo
loquitur de futuris conditionatis, qualia à se-
mipelagianis admittebantur.

Tertiò impugnatur : Divus Augustinus asse- 438.
rit Deum præscire ejusmodi futura in prædesti-
natione sua, hoc est, proposito & decreto suæ
voluntatis de illorum futuritione decernentis,
ut probatum est suprà : sed secundum commu-
niorem adversariorum sententiam, Deus futura
absoluta præscit in veritate objectiva ipsorum ;
ergo neque de futuris absolutis possunt in sen-
tentia adversariorum, hæc testimonia D. Augu-
stini legitimè exponi. Præterea, illud quod in-
fallibiliter in alio cognoscitur, debet necessa-
riam connexionem cum illo habere ; sicuti
conclusiones necessariò in illis duntaxat princi-
piis cognoscuntur, cum quibus necessariam &
infallibilem habitudinem sortiuntur ac necessi-
tatem habent ; unde conclusio necessaria ex

ex propositionibus probabilibus illata certò non cognoscitur in illis : sed D. Augustinus asserit futura illa à Deo in prædestinatione sua præsciri atque subinde infallibiliter cognosci : ergo debent habere infallibilem connexionem cum prædestinatione divina, & necessariam habitudinem ad illam dicere ; tanquam ad causam & principium de se efficax & causans futurum illud , & non purè indifferens & expectans determinationem à libero arbitrio creato , seu eventu futuro. Nam quod est principium de se indifferens & ad utrumlibet se habens, non potest esse principium necessarium , seu in quo aliquid aliud necessariò cognoscatur ; quia necessariam dicit determinationem seu obligationem ad unum : ergo illa prædestinatio operum quæ Deus factururus est in nobis , ut ait Augustinus , non præsupponit præscientiam aliquam conditionatam , quinimo præscientia supponit illam tanquam medium & principium in quo futura quælibet cognoscat : & sic è medio tollitur media illa scientia , quæ secum non compatitur ; aut minimè præsupponit decretum aliquod divinæ voluntatis de se efficax & causaliū infallibiliter ipsius eventus futuri.

439.

Conf. idcirco à Divo Augustino dicuntur futura absoluta cognosci à Deo in sua prædestinatione certò & infallibiliter , quoniam infallibilem connexionem habent cum illâ , seu causâ futuritionis illorum : sed sicuti habent futura absoluta cum prædestinatione seu decreto, absoluto Dei infallibilem connexionem , ita futura conditionata cum conditionato : Ergo pariter & ista in decreto conditionato cognoscere debet , & subinde præscientia ejusmodi conditionatorum

Art. XIII. An scient. Dei sit, &c. Cap. XV. 679
natorum ad illud sequitur, & non ipsum ante-
vertit, atque subinde non potest esse præscientia
illa conditionata, sive scientia media ab adver-
sariis asserta.

Quod ad secundam solutionem spectat, jam 440.
rejecta est suprâ §. 1. ubi ostensum est, præ-
scientiam illam conditionatam reprobata in
Semipelagianis à Divo Augustino, quoniam ab
eis constituebatur respectu bonorum operum
ex naturæ viribus provenientium, ut initii fi-
dei, sed etiam quatenus ab eisdem asserbatur
prævenire constitutionem & decretum efficax
divinæ voluntatis decernentis de futuro eventu.
Et præterea fusè refelletur infrâ in tractatu de
prædestinatione. Unde breviter impræsentia-
rum contra illam arguemus, primò, quoniam
S. Augustinus nedum prædicto lib. de prædest.
Sanct. impugnat Semipelagianos asserentes ex
nobis esse fidei initium, & præscire Deum quòd
si quibusdam prædicaretur Evangelium ex se-
ipsis essent credituri, sed pariter rejicit omnem
præscientiam, qua Deus præsciat & prævideat
homines non ex ipso Deo donante ut credant,
credituros, si illis Evangelium prædicaretur,
ut constat ex verbis allatis suprâ, in quibus
perpetuò stabilit, Deum facere ut homines fa-
ciant bona illa quæ requiruntur ad Deum colen-
dum, & promittere de sua potestate quæ ipse
facturus est in nobis, ut fidem, non autem de
nostra potestate: sed præscientia illa, quâ Deus
præscit homines credituros si eis prædicetur
Evangelium, & ipse contulerit gratiæ suæ auxi-
lium, non est præscientia qua præsciat se factu-
rum ut homines credant, sed qua credituri
præsciuntur si velint consentire: ergo & istam
præscien

præscientiam conditionatam rejicit D. August.

441.

Conf. D. Augustinus rejicit opinionem Semipelagianorum constituentium homines sub auxilio gratiæ dante posse perseverandi ex se perseveraturos, reddendo illud auxilium efficax ad perseverandum, ut constat ex libro de dono perseverant. Et suo loco ampliùs ostendemus: Ergo pariter rejicienda venit, secundùm doctrinam S. Augustini, sententia illa quæ constituit, præscire certò Deum qui sint credituri sub auxilio gratiæ dante posse ad credendum, quòd ex consensu liberæ voluntatis creatæ efficax reddatur, quæ est præscientia conditionata, sive scientia media, quoniam par utrobique currit ratio

442.

Secundò impugnatur: Esto D. Augustinus tam in lib. de prædestinat. Sanct. cap. 12. 13. 14. & 17. quàm in lib. de dono perseverant. nec non epist. 105. hanc præscientiam conditionatam damnet, quatenùs à Semipelagianis constituebatur causa prædestinationis & gratiæ, tamen pariter in d. lib. de prædestinat. Sanct. cap. 9. illam rejicit, quatenus certa in Deo constituebatur ante omne divinæ voluntatis decretum decernentis de futuritione rei, ubi incipiebat de hujusmodi præscientia tractare, evertens primam veluti radicem, ex qua Pelagiani ac Semipelagiani deducebant esse causam prædestinationis, ut salvarent libertatem creatæ voluntatis se determinantis ad operandum, ut constat ex dictis. Quod etiam alibi præstitit ex duplici illo capite refellens dictam præscientiam conditionatam, nimirum quia asseriebatur causa prædestinationis, & ponebatur esse certa ante decretum divinæ voluntatis. Et ut alia loca omittam constat hoc imprimis ex lib. 2. ad Bonifac,

Art. XIII. An scient. Dei sit, &c. Cap. XV. 68
 nifac. cap. 7. ubi redarguens Pelagianos qui
 prædestinationem illam & gratiam facientem
 operari ab Augustino & Catholicis traditam
 fati nomine accusabant, *Hic respondetis*, inquit,
hanc ipsam Dei benevolentiam, qua non merita
sequitur, sed bona indebita gratuita bonitate lar-
gitur, fatum potius esse dicendum &c. Post mul-
 ta, quibus nervosè id impugnat subjungit.
Propter quod profectò desipitis, qui dicente ve-
ritate, non ex operibus, vos dicitis ex futuris
operibus, qua Deus illum facturum esse præsciebat,
Jacob fuisse dilectum: atque ita contradicitis Apo-
stolo dicenti, non ex operibus; quasi non posset
dicere, non ex præsentibus, sed ex futuris operi-
bus: sed ait, non ex operibus, ut gratiam commen-
daret: Sed ut vobis auferretur omnis vestra cali-
ginis latebra, propterea geminos tales proposuit,
qui neque parentum meritis juvarentur, & ambo
infantia primordio unus baptizatus, alter sine ba-
p-tismate morerentur, ne diceritis Deum, sicut de
Jacob & Esau contra Apostolum dicitis, opera
eorum futura præscisse. En quomodo Augustinus
præscientiam cujuslibet futuri operis, ex Apo-
stoli doctrina, simpliciter & absolutè rejicit,
& negat esse causam prædestinationis.

Si dicatur rejicere duntaxat præscientiam
 operum futurorum quæ præsciebantur ex natu-
 ræ viribus facienda, & non ex gratiæ auxilio;
 idem objiciam quòd ipse Augustinus de doctri-
 na Apostoli, *Quasi non posset dicere Augusti-*
nus, non ex operibus bonis futuris ex natura viri-
bus faciendis; sed ait, non ex operibus futuris,
 si ergo Apostolus dicendo *non ex operibus* quæ-
 libet opera, secundum Augustinum negavit,
 tam præsentia quàm futura, ut gratiam com-
 mendarer,

mendaret, cur asserens Augustinus non vocari aut prædestinari quenquam ex futuris operibus, quæ Deus facturum ille præsciebat, non erit intelligendus absolutè & simpliciter de quibuslibet futuris operibus? Forſan latuit Auguſtinum futura opera poſſe fieri ex gratia, & abſque illa? Abſit hoc dicere. Sed jam videamus quid ſubjungat. *Quomodo enim præſcivit ea futura, qua illis in infantia morituris, quia præſcientia ejus falli non poteſt præſcivit potiùs non futura?* Q. d. Præſcientia Dei falli non pòteſt: ergo non poteſt præſcire futura, quæ certò futura non ſunt: nam ſi certò futura non ſint, infallibilem cognitionem terminare non poſſunt: ſed bona illa opera in infantibus deceſſuris in primordio ætatis, certò futura non ſunt, ſed potiùs non futura: ergo Deus non præſcivit ea ut futura, ſed potiùs ut non futura. Vide quomodo S. Doct̃or rejiciat præſcientiam illam conditionatam à Pelagianis aſſertam, quoniam conſtituebatur ab eis certa reſpectu quorundam futurorum, quæ certò futura non erant, ſed potiùs non futura. Poſtea addit, *Aut quid prodeſt eis, qui rapiuntur ex hac vita ne malitia mutet intellectum eorum, aut ne fiſt̃io decipiat anima meorum, ſi peccatum etiam quod non eſt factum, dictum, cogitatum, tanquam commiſſum fuerit ſic punitur.* Quibus reprobat eorundem opinionem, quatenus aſſerebant ſalvari vel damnari quempiam propter futura opera, quæ ſi vixiſſet, patraturus erat. Eadem habet S. D. lib. 1. de anima & ejus origine cap. 12. ubi ex eodem duplici capite præſcientiam reprobat: primò ſcil. quatenus Semipelagiani dicebant judicari infantes, qui rapiuntur è vita ſine baptiſmo

Art. XIII. An scient. Dei sit, &c. Cap. XV. 683
ptissimo ob peccata, quæ si vixissent Deus præ-
scivit eos commissuros. Secundò, quia certa ab
ipsis constituebatur absque decreto divinæ vo-
luntatis, & de re incerta. Ait enim: *Quid*
quod ipsa exinanitur omnino præscientia, si quod
præscitur, non erit. Quomodo enim rectè dicitur
præsciri futurum, quod non est futurum?

§. 4.

*Rejicitur scientia media testimoniis D. Thomæ,
& aliorum Patrum.*

IN D. Thomæ doctrina & aliorum Patrum
multa occurrunt, quæ hanc scientiam me- 444.
diam manifestè oppugnant. Primò quidem,
quoniam nedum S. Augustinus, sed etiam SS.
Prosper, Hilarius, Fulgentius, & D. Thomas
nervosè impugnant præscientiam illam sive
prævisionem meritorum, quæ sit causa præ-
destinationis ac certitudinis illius: sed hoc est
apertè reprobare atque rejicere ipsam scientiam
mediam: ergo illi convincuntur prædictam
scientiam omnino reprobasse atque refellisse.
Minor constat, nam eo præcipuè sine admit-
tendam censent adversarii hanc scientiam me-
diam, ut salvetur libertas arbitrii in ordine
ad infallibilitatem ac certitudinem divinæ præ-
destinationis, atque efficacitatem gratiæ, quam
quidem arbitrii libertatem cohærere non posse
contendunt Adversarii si ponatur Deus in præ-
destinatione sua præscire futura bona opera,
absque eo quod illam præcedat præscientia fu-
turi consensus liberi. Major verò infra q. 23.
art. 5. ostendetur copiosè ex testimoniis eorun-
dem SS. Patrum scil. Prosperi, Hilarii & Ful-
gentii,

gentii : impræsentiarum contenti erimus id D. Thoma comprobare. Occurrit pro hac re imprimis celebre testimonium ex quaest. 6. de verit. art. 3. c. ubi ait : *Non enim potest dici quòd prædestinatio supra certitudinem providentia nihil aliud addat nisi certitudinem præscientia , ut si dicatur , quod Deus ordinat prædestinatum ad salutem , sicut & quemlibet alium , sed cum hoc de prædestinato scit quòd non deficiet à salute ; sic enim dicendo non diceretur prædestinatus differre à non prædestinato ex parte ordinis , sed tantum ex parte præscientia eventus : & sic præscientia esset causa prædestinationis ; nec prædestinatio esset per electionem prædestinantis , quod est contra auctoritatem Scriptura , & dicta Sanctorum.*

445. Ex quibus ita arguo : Datâ hypothesi, quòd prædestinatio supra providentiam nil aliud addat nisi certitudinem præscientiæ, prædestinatus non differt à non prædestinato ex parte ordinis sed solum ex parte præscientiæ ; & subinde præscientia est causa prædestinationis, neque ista est per electionem prædestinantis, quod est contra S. Scripturam & Patres : sed tota ratio & vis hujus scientiæ mediæ à recentioribus assertæ constitit in danda certitudine divinæ prædestinationi, & ut sit causa cur Deus prædestinet aliquem prævidendo merita futura ipsius : ergo ex doctrina D. Thomæ sequitur, quod sit contra S. Scripturam & dicta sanctorum, & subinde omnino rejicienda. Minor prob. ex P. Molina, qui communiter habetur primus hujus mediæ scientiæ inventor : Nam in concordia sua quaest. 23. art. 4. & 5. disp. 1. memb. 11. ita scribit : *Ut explicatum est , in aeterna prædestinatione non alia est certitudo , quòd prædesti*

Art. XIII. An scient. Dei sit, &c. C. XV. 68;
prædestinatus sempiternam sit beatitudinem conse-
cutus, quam quæ est in divina præscientia. Hoc
est scientia illa media, ut patet ex ibi dictis,
& iterum. Certitudo, inquit, quod parvuli præ-
destinati vitam eternam consequentur non est ex
certitudine mediorum, eff. & uve prædestinationis,
qui in se non est certò futurus; sed ex certitudine
divine præscientia, quâ Deus altitudine sui in-
tellectus, quod in se est incertum potuitque non esse,
cognovit certò futurum. Quod semel & iterum
ibidem repetit, & tanquam præcipuum doctri-
næ suæ de prædestinatione fundamentum con-
stituit.

Secundò, hanc scientiam mediam apertè 446.
rejjicit D. Thomas loquendo de eadem præde-
stinatione 1. p. q. 23. art. 5. ubi refert opinio-
nem quorundam quid dixerunt, quòd merita se-
quentia prædestinationis effectum, sunt ratio præde-
stinationis: ut intelligatur, quòd ideo Deus dat
gratiam alicui, & præordinavit se ei daturum,
quia præscivit eum bene usurum gratia; sicut si rex
det alicui militi equum, quem scit eo bene usu-
rum: quibus verbis apertissimè hanc scientiam
mediam insinuat, illiusque objectum ut asse-
ritur ab adversariis: sed hanc sententiam ipsæ-
met S.D. rejjicit ibidem affirmans, bonum illum
liberi arbitrii usum debere esse ex prædestina-
tione & gratia, & non ex eo quod præsciatur
liberum arbitrium bene usurum fore gratia si
tali vocatione vocetur, & gratia ejusmodi illi
concedatur: ergo apertè ibi rejjicit scientiam
mediam, nedum prout ponebatur à Pelagianis
& semipelagianis asserentibus bonū illum usum
præscitum non esse quoad sui initium ex gra-
tia, sed etiam prout constituitur à recentioribus
asseveran

686 *Quest. XIV. De Scientia Dei,*
asserantibus illum esse ex gratia & libero arbitrio creato.

447. Tertiò idem S. D. hanc scientiam mediam reprobat eadem quæst. 6. de verit. art. 3. ad 4. ubi ait: *Ordo divina predestinationis, quamvis sit cum suppositione voluntatis humana nihilominus tamen absolutam habet certitudinem*; quoniam scil. non præsupponitur ad decretum prædestinationis, sed est effectus ejus, ut præmiserat, *Ad 4. dicendum, ait, quòd causa secunda, quam oportet supponere ad inducendum predestinationis effectum, etiam ordini predestinationis subjacet; & ideo ordo divina predestinationis, &c.* Sed si prædestinatio regularetur, & haberet certitudinem per illam præscientiam conditionatam, sive scientiam mediam, non haberet certitudinem absolutam: sed conditionatam, ut patet, fundatam nempe in consensu & determinatione liberi arbitrii creati volentis divinæ vocationi consentire: ergo vel illa scientia Media omnino superflua est ad regulandam divinam prædestinationem, dandamque illi certitudinem, ad quod minus potissimum adinventum est ab adversariis, vel rejicitur à D. Thoma asserente prædestinationem habere certitudinem absolutam & non conditionatam.

448. Quartò S. D. in hac quæst. 14. art. 9. & q. 2. de verit. art. 9. ad 2. atque alibi non semel, duplicem tantum in Deo distinguit scientiam, nimirum visionis, quâ Deus videt omnia quæ sunt in actu, fuerunt, & erunt sive præsentia, præterita, & futura: atque scientiam simplicis intelligentiæ, quâ Deus cognoscit omnia quæ sunt in potentia Dei vel creaturæ, quæ tamen nec sunt, nec erunt, nec fuerunt: vel duplicem

Art. XIII. An scient. Dei sit, &c. Cap. XV. 687
 cem distinguit scientiam, ut putà necessariam
 sive naturalem atque liberam : sed scientia me-
 dia à Recentioribus asserta neque est visionis
 aut libera, neque simplicis intelligentiæ vel
 naturalis ac necessaria : ergo D. Thomas illam
 scientiam non admisit, vel ipse cum omnibus
 aliis antiquis Theologis diminutus fuit in tra-
 denda divisione scientiæ divinæ, quod de tan-
 to Doctore non est asserendum.

In assignando & explicando qualis sit illa 449.
 scientia media multum variant illius defensores.
 Molina in Concord. disp. 52. §. *Triplicem*, & §.
Sciscitabitur, nec non P. Vasquez, & P. Lessius
 cap. 19. Author opusculor. Theologicor. atque
 alii asserunt hanc esse reducendam ad scientiam
 simplicis intelligentiæ, sive necessariam ac na-
 turalem.

Contra : Ex eodem D. Thoma quæst. 2. de 450.
 verit. art. 9. ad 2. *Scientia simplicis notitia & vi-*
sonis nullam differentiam important ex parte scien-
tis : sed solum ex parte rei scite. Dicitur enim
scientia visionis in Deo ad similitudinem visus cor-
poralis, qui res extra se positas intuetur. Vnde per
scientiam visionis Deus scire non dicitur nisi qua
sunt extra ipsum, qua sunt presentia, vel prae-
rita, vel futura. Sed scientia simplicis notitia
etiam est eorum, qua nec sunt, nec fuerunt, nec
erunt. Nec alio modo Deus scit ista & illa. Simi-
liter scientia naturalis & libera ex parte scien-
tis sive actus divini minimè distinguuntur, sed
ex parte actus omnis scientia est necessaria, si-
cuti sumitur ex eodem S. D. qu. 23. de verit.
art. 4. cap. ubi ait : Dicendum quod divinum vel-
le necessitatem habere ex parte ipsius volentis &
actus indubitabiliter verum est ; nam actio Dei est

688 *Quaest. XIV. De Scientia Dei,*
ejus essentia, quam constat esse aeternam (& sub-
inde necessariam, quoniam omne aeternum ne-
cessarium est :) quod multò magis verificatur
de actu divini intellectus sive scientiæ divinæ,
quæ pariter est ejus essentia : debent ergo di-
stingui ex parte reiscitæ, vel ordinis ad illam :
sed ex parte rei scitæ vel ordinis ad illam scien-
tia media non respicit objectum scientiæ sim-
plicis intelligentiæ aut necessariæ ac naturalis,
neque eundem dicit ordinem ad illud atqui
scientia naturalis aut simplicis intelligentiæ :
ergo non potest dici scientia simplicis intelli-
gentiæ aut necessaria. Prob. minor, nam scien-
tia simplicis intelligentiæ respicit merè possi-
bilia, quæ nec sunt, nec erunt, neque fuerunt :
scientia naturalis quæ sunt necessaria, nec pos-
sunt non esse : sed objectum ipsius scientiæ me-
diæ, quod est conditionatè futurum non est
purè possibile, aut necessarium, sed est con-
tingens & liberum : ergo ex parte objecti vel
ordinis ad illud scientia media non respicit ob-
jectum proprium scientiæ simplicis intelligen-
tæ aut necessariæ. Patet major ex dictis suprâ.
Minor verò prob. quoad 1. partem primò : quo-
niam futurum conditionatum dicit actualem
ordinem ad existentiam conditionatè futuram,
ut probabitur infrâ & purificata conditione re-
ducitur in actum ; v. g. hoc futurum conditio-
natum, Deus vult omnes homines salvari, vel
fore salvos, si velint (ut explicant adversarii)
purificatâ multis conditione, qui liberè con-
sentiunt vocationi accedente auxilio gratiæ,
reducitur in actum, & sunt salvi, ut constat,
& docent ipsi adversarii : similiter illud
futurum (de quo toties occurrit mentio) si in
Tyro

Art. XIII. An scient. Dei sit, &c. Cap. XV. 689
Tyro & Sidone, &c. Licet tempore prædicationis Christi impletum non fuerit, tamen impletum fuit, cum postea prædicantibus Apostolis Tirii & Sidonii crediderunt, quemadmodum inter alios docent D. Remigius in Catana D. Thomæ Matth. cap. 11. Theophylactus, & Lyranus in glossa ad eundem locum: sed merè possibile neque dicit actualem ordinem ad existentiam, etiam conditionatè futuram, nec ullo pacto unquam reducetur ad actum, sed simpliciter neque est, neque erit, neque fuit: ergo non est purè possibile. Deinde, si illud futurum conditionatum est merè possibile, non est cur multiplicetur alia scientia præter scientiam simplicis intelligentiæ, quæ per se circa merè possibilia causatur. Quoad secundam verò partem probatur eadem minor, quoniam voluntas posita in talibus & talibus circumstantiis, in quibus etiam Deus offerat suum concursum, liberè est operatura & non necessariò, & hoc cognoscitur à Deo, ut aiunt, per scientiam illam mediam: ergo scientia media est de objecto libero, & non necessario. Præterea, scientia futurorum absolutorum, præsertim quæ pendet à libertate creata, est simpliciter libera: ergo etiam scientia futurorum conditionatorum, quæ pendent à voluntate creata libera, simpliciter erit libera & non necessaria: quoniam conditio illa non est necessaria necessitate consequentis sed ut maximè necessitate consequentiæ, quæ non tollit libertatem, ut amplius declarabitur infrà q. 19. & 23.

Quapropter alii asseverant scientiam mediam pertinere ad scientiam visionis seu liberam; Ita P. Suarez apud Lemos tomo 1. Panopl. p. 2.

451.

tract. 5. cap. 11. & alii non pauci. Quinimo cum Romæ causa hæc ageretur Patres Societatis in quodam Manuscripto Judicibus ac censoribus oblato aperte affirmarunt ad scientiam visionis spectare, quemadmodum refert idem M. Lemos loco citato. Quoniam scilicet ex objecto potissimè scientia denominatur, objectum autem ejusmodi scientiæ est quid liberum futurum sub conditione.

452.

Contra : Actus quilibet sive intellectus, sive voluntatis dicitur & est simpliciter necessarius vel liber ob antecedentia vel subsequenta ad libertatem subjecti in quo est ; v. g. idem actus si antecedit deliberationem rationis & voluntatis, ut motus primo primus, est naturalis : si subsequatur est liber : sed scientia illa media, quæ est actus divini intellectus, in Deo simpliciter antecedit omnem libertatem, seu decretum liberum divinæ voluntatis : ergo non potest dici neque esse libera, saltem simpliciter. Conf. quoniam, ut aiunt adversarii, Deus præscit quid divina voluntas operatura sit : sed hoc necessarid præscit, quoniam naturaliter cognoscit & comprehendit seipsum : Ergo illa scientia nequit dici libera,

453.

Respondent adversarii, quod licet ista scientia omnem actum liberum divinæ voluntatis antevertat ; neque sit in Dei potestate aliud per illam scire quam scivit : tamen est in potestate hominis aliud facere, quàm reipsa facturus est & subinde etiam efficere quodd Deus aliud sciat, quàm reipsa scivit. Sed contra primò, ergo aliquid est in potestate hominis facere quod non est in potestate Dei, & homo potest aliquid facere, quod non potest facere Deus ut ipse faciat :

Art. XIII. An scient. Dei sit, &c. Cap. XV. 69
ciat : quod injuriosum est divinæ omnipotentiae,
& manifestè reprobatur ab Augustino lib. de
corrupt. & grat. cap. 14. ubi ait, quòd *Deus de*
ipsis hominum voluntatibus quod vult facit : Et
quòd *sine dubio habet humanorum cordium quocun-*
que voluerit inclinandorum omnipotentissimam po-
testatem. Quòd magis habet in potestate sua vo-
luntates hominum, quàm ipsi suas.

Contra secundò, quia ex hoc sequeretur
manifesta implicatio, videlicet quòd illud fu-
turum conditionatum sit contingens & non
contingens. Primum probatur, quia homo in
tali rerum ordine constitutus illum actum à
Deo prævistum conditionatè, ut fatentur ipsi-
met adversarii, operatioque illius erit libera.
Secundum etiam constat, quia id quod Deus non
potest impedire ne eveniat, omnino necessariò
evenit, & subinde futurum contingens minimè
appellari aut esse potest. Quod si dicatur, esse
futurum contingens respectu causæ secundæ,
non autem respectu primæ, hoc implicat : quo-
niam cum contingentia & libertas sint quidam
modi reales entis sequeretur aliquem modum
entis esse à creatura, quod non esset à Deo. Vide
infra quæst. 19. art. 8. ubi hoc refellitur.

Tandem alii respondent, quòd neque est sim-
pliciter libera, neque naturalis, sed medium
quidpiam. Contra : actus ille cognitionis sive
scientiæ in Deo debet procedere ab intellectu
divino, secundum modum intelligendi, vel ut
à potentia naturali & determinata ad unum, vel
ut à potentia libera & indeterminata ratione vo-
luntatis adjunctæ : cum esse determinatum, &
esse indeterminatum contradictoriè opponan-
tur : si primum est scientia naturalis ac neces-

692 *Quest. XIV. De Scientia Dei*,
saria : si secundum est scientia libera : ergo esse
debet naturalis vel libera , & non quid medium
inter utramque. Conf. in hominibus , in qui-
bus non dantur actus indeliberati (ut in beatis
secundum probabilissimam opinionem) omnis
actus est simpliciter necessarius , aut simpliciter
liber : sed in Deo nullus est actus indeliberatus,
quippe qui imperfectus ; ergo omnis actus illius
vel est simpliciter necessarius , vel simpliciter
liber.

456. Dices , quòd diversis rationibus sub naturali
scientia , ac libera continetur : Si enim consi-
deretur quatenus est de objecto libero , quod
potest pro humana libertate esse , & non esse ,
est censenda libera : Si verò consideretur quate-
nus antecedit actum liberum divinæ volunta-
tis , illa non est libera. Contra : actus antever-
tens rationem deliberatam & liberè operantem ,
quantumcunque sit de objecto contingenti &
libero , simpliciter est necessarius reputandus ;
v.g. motus primò primus itæ vel concupiscen-
tiæ de objecto libeto quod potest liberè amari ,
& tamen quoniam antevertit rationem delibe-
ratam , & ex consilio operantem est simpliciter
naturalis : Ergo scientia media anteverrens
actum liberum divinæ voluntatis , simpliciter
debet dici necessarius & naturalis. Innumera
sunt alia loca in doctrina D. Thomæ , quæ ma-
nifestè contradicunt positioni hujus scientiæ
Mediæ : à quibus consultò abstinemus , tum
quia supra tacta sunt , & infrà non semel incu-
labuntur : tum quia omnes fere Interpretes
Sanct. Doctoris in comm. hujus articuli illa ad-
ducunt , ibi videnda. Confusè etiam M. Lemos
tomo 1. Panopl. part. 2. tract. 5. cap. 20.

§. 3.

*Impossibilitas scientia Media ostenditur ratione
desumpta ex incertitudine objecti.*

Probatur deinde ratione : ante decretum di- 457
vinæ voluntatis non potest esse certa præno-
tio futurorum conditionatorum : Ergo neque
scientia media. Probatur antecedens quod non
est certò ac determinatè futurum, seu dicens de-
terminatum ordinem ad esse non est certò cog-
noscibile ut futurum est, cùm non habeat de-
terminatam veritatem, quæ ad determinatum
esse consequitur : sed futurum conditionatum
ante decretum divinæ voluntatis non est certò
& determinatè futurum : Ergo non est certò &
infallibiliter cognoscibile. Minor prob. primò,
ante decretum absolutum divinæ voluntatis
nihil est certò & determinatè futurum absolutè,
ut ostensum est suprà : Ergo ante decretum con-
ditionatum divinæ voluntatis nihil est futurum
certò conditionatè. Conseq. pater à paritate
rationis, quoniam sic se habet futurum condi-
tionatum ad fore seu ad esse sub conditione ha-
bendum, sicuti se habet futurum absolutum ad
fore, seu habendam existentiam absolutè. Prob.
secundò eadem minor : Nihil est determinatè
futurum conditionatè, nisi quatenus dicit de-
terminationem causarum ad productionem il-
lius conditionatè : sed futurum conditionatum
non dicit determinationem huiusmodi ante de-
cretum divinæ voluntatis huiusmodi futuritionem
sub conditione præficientis atque decer-
nentis : Ergo futurum conditionatum ante hu-
iusmodi divinæ voluntatis decretum non est

694 *Quest. XIV. De Scientia Dei,*
certò & determinatè futurum. Major probatur
nihil est absolutè futurum nisi quatenus dicit
determinationem causarum ad productionem
absolutam illius rei, seu quatenus importat de-
terminatum ordinem ad existentiam absolutè
habendam, ut probatum est suprà *capit. 1.* Ergo
nihil est determinatè futurum conditionatè nisi
quatenus dicit determinationem causarum ad
productionem illius conditionatè, seu determi-
natum ordinem ad existentiam sub conditione
habendam. Consequentia patet, quia est par
ratio de utroque, nec enim conditio rationem
futuri variat, aut tollit.

458. Minor etiam prob. vel futurum conditiona-
tum habet hujusmodi determinationem in causa
prima, vel in causis proximis, vel in seipso :
quodlibet istorum dicatur, talis determinatio
semper erit dependenter à decreto divinæ vo-
luntatis tanquam à causa & radice : Ergo futu-
rum conditionatum non dicit determinationem
illam ante decretum divinæ voluntatis futuri-
tionem illius sub conditione præfinientis atque
decernentis. Minor prob. imprimis non habet
determinationem illam in causâ prima, neque
etiam in suis causis proximis independenter à
divino decreto, sicut fusè probatum est suprà
cap. 12. §. 2. Deinde neque in seipso : quoniam
nequit futurum esse determinatum in seipso nisi
priùs intelligatur determinatum in causis suis :
sed non est determinatum in causis suis : Ergo
neque in seipso. Major prob. 1. non habet esse
actu nisi dependenter à causis suis, neque fit actu
nisi quia priùs erat in causis illius ut fieret
quemadmodum docet D. Thomas 1. *parte qu. 16.*
art. 7. ad 3. hoc est enim rem esse futuram, quòd
fit

Art. XIX. An scient. Dei sit, &c. C. XV. 695
sit virtus & inclinatio in causa ad producendam illam : Ergo nequit illud esse determinatum in seipso , nisi prius intelligatur determinatum in causis suis. Probatur secundò quod in seipso nihil est , nequit in seipso determinationem ad esse habere : sed quodlibet futurum , antequam actu sit , in seipso nihil est actu , alioquin non esset amplius futurum sed existens , & ab æterno daretur aliqua realis entitas extra Deum : Ergo in seipso non habet determinationem ad esse independentem à causis suis.

Conf. futuritio conditionata supra statum puræ possibilitatis aliquid debet addere , ratione
cujus rei dicatur conditionatè futura realiter, &
extra statum illum; hi enim status inter se opponuntur , seu distinguuntur : sed non potest addere nisi ordinem certum & determinatum ad esse sub conditione habendum ; à quo status puræ possibilitatis præscindit : Ergo illum ordinem actu dicit : Sed non nisi dependentem à decreto illo : Ergo futuritio conditionata , illiusque certitudo est omnino dependens à decreto divinæ voluntatis illius futuritionem sub conditione decernentis. Probar. ista minor : Deus ad extra agit liberè & quilibet effectus ab illo dependet ut opus seu artificiatum ab artifice, ut sæpius dictum est : sed radix agendi liber est positum seu decretum voluntatis ; unde & huiusmodi agens vocatur agens ex proposito : Ergo impossibile est , ut aliquid dicat determinatum & actualem ordinem ad esse independentem à decreto seu beneplacito divinæ voluntatis. Vide suprà. *dist. cap. 12. §. 2.*

Conf. 2. nullum futurum singulare in materia contingenti habet determinatam veritatem :
ergo

459.

460.

696 *Quaest. XIV. De Scientia Dei,*
 ergo non est certò cognoscibile. Probatur primò anteced. ex Arist. lib. 1. Peraherm. capit. 8. ubi ait : *In his igitur quæ sunt & fuerunt necesse est affirmationem vel negationem esse veram vel falsam in singularibus autem atque futuris non similiter se se res habet.* Quoniam scilicet in his una non est determinatè vera & altera determinatè falsa : non enim est in eis determinatio ad ad esse , ut in præsentibus & præteritis. Deinde prob. idem antec. ut aliqua propositio sit determinatè vera , debet enunciare certò , & determinatè objectum sicuti est ; ex eo enim quòd res est vel non est propositio dicitur vera vel falsa : Ergo ut ex duabus propositionibus conditionalibus de futuro contingenti , altera affirmativâ & alterâ negativâ , una sit determinatè vera , ut putà affirmativa , necessariò ac determinatè debet enuntiare objectum sicuti est , nimirum futuritionem illius rei ; & subinde quod infallibiliter sit ponenda in re illicò existentia , saltim conditionatè : sed hoc implicat esse ante omne decretum divinæ voluntatis : ergo implicat quòd ante decretum divinæ voluntatis determinatam habeat veritatem. Minor probatur cùm aliquid ex se est tale , non potest non esse tale , nisi ab alio fiat non tale : sed futurum contingens ut tale de se est indifferens ad esse & non esse , aliàs necessarium esset ; ergo impossibile est ut sit non tale nisi ab aliquo determinetur ad fore , seu ad habendam existentiam : primum autem determinans aliquid ad esse extra est divina voluntas , nihil enim habet extra esse , nisi Deus voluerit.

Adversariorum quadam evasiones praecluduntur.

HAnc rationem variè eludere conantur Adversarii. Respondent aliqui primò, his 461.
argumentis tantùm convinci futura conditionata habere determinationem à decreto divino, non tamen actu existente in Deo sive subjektivè in divina voluntate, sed quod esset si conditio si talis futuri conditionati poneretur in esse: hoc enim decretum ut objectivè repræsentatum divino intellectui sufficit ad causandum determinatam varietatem in illo futuro conditionato, nec requiritur decretum realiter ac physicè præexistens ut in futuro absoluto. Cujus discriminis hanc rationem assignant: quòd res conditionatè futura non est effectus absolutè existens physicè, sed tantùm objectivè. Quapropter nullatenus requirit influxum vel decretum divinum realiter existens, ac physicè præsens, sed tantùm objectivè: id est, sufficit, quòd Deus cognoscat se habiturum decretum actuale ex hypothesi, quòd causa libera creata in tali rerum ordine constituta operatura sit. Res autem absolutè futura est effectus simpliciter & physicè existens: quapropter exigit decretum actu & physicè existens, seu exercitum & actu positum: quoniam, inquit, existentia causæ habere debet proportionem cum effectu.

Hæc evasio multipliciter retundi potest, & 462.
everti, primò quidem: quia si illud decretum aliquo modo esset futurum & non physicè existens

stans in Deo, illa futuritio se teneret ex parte actus divini; decretum enim divinum est quidam actus divinæ voluntatis & intellectus, seu voluntatis per ordinem ad intellectum: sed implicat quodd ex parte auctus divini sit aliqua futuritio in Deo: ergo implicat decretum illud ex hypothese esse futurum. Prob. min. futurum quodlibet de se importat aut annexam habet aliquam potentialitatem ad actum existentiam, & subinde mutationem infert, cum potentialitati sit intrinsecè annexa mutabilitas, ex eo quod in actum reduci potest: sed omnino implicat in divino actu & essentia aliqua ratio mutabilitatis, vel potentialitatis, cum de se sit actus purus & omnino immutabilis: ergo etiam implicat quod ex parte actus divini sit in Deo aliqua futuritio etiam ex hypothese. Major patet, nam futurum dicitur quod actu non est, erit autem pro aliqua temporis differentia: vel potius, quod est determinatum in causa ad habendam existentiam pro aliqua duratione sequenti, saltem conditionatè, si conditionatum est. Vide suprà *cap. 1.*

463. Conf. nequit prorsus intellectus divinus esse sciens secundum habitum, ut docet D. Thomas *quaest. 2. de verit. art. 13.* nam scire in habitu involuit potentialitatem ad actum scientiæ, ad quem potest reduci, & subinde involvit mutabilitatem & imperfectionem: ergo pariter nequit esse volens quasi in habitu propter eandem rationem, quod eveniret, si in illo daretur aliquod decretum futurum & non physicè existens.

464. Nec valet dicere, quodd equidem repugnat decretum futurum absolutè, non autem conditionatè:

tionatè : primò quoniam nulla hypothesi data potest esse in Deo potentialitas aut mutabilitas, quoniam essentialiter est purus actus & immutabilis ; sicuti nulla hypothesi data potest esse homo irrationalis , quoniam essentialiter rationalis est, tunc enim non remaneret homo, neque etiam Deus remaneret si mutabilis esset , vel in potentia , quoniam non esset ampliùs actus purus : sed si daretur actu tale decretum futurum ex hypothesi , posset Deus ex aliqua hypothesi mutari nimirum facta suppositione , quòd purificata conditione futurum conditionatum in actum reduceretur , immo de facto evenit secundùm sententiam Adversariorum ; ipsi enim asseverant , quòd Deus habeat actu generale quoddam decretum conditionatum de salvandis omnibus hominibus , factà hypothesi quòd velint ; quod non est dubium purificatà conditione in plurimis hominibus actu transire in absolutum & effectum habere : ergo nequit ullo pacto dari decretum futurum etiam ex suppositione in Deo. Secundò , quia neque Deus ex parte actus etiam conditionatè potest esse sciens in habitu , ut patet : ergo neque volens vel decernens aliquid in habitu : & subinde nequit habere decretum conditionatum futurum. Tertiò , ideo nequit dari decretum absolutum futurum , quia hoc dicit potentialitatem & imperfectionem ex parte actus : sed etiam hanc dicit decretum illud conditionatum , si futurum ponatur : ergo par currit ratio. Tandem , antequam futurum absolutum actu in tempore producat , secundùm Adversarios , est duntaxat objectivè existens ab æterno in Deo : sed causa , ut aiunt , debet proportionari effectui :

700 *Quaest. XIV. De Scientia Dei*,
effectui : ergo neque futurum absolutum requi-
rit ab æterno in Deo decretum absolutè & phy-
sicè existens, sed objectivum, quod reddatur
actu & physicè existens tempore productionis
effectus.

465. Nec valet dicere disparem esse rationem ;
quoniam scil. futurum absolutum quanvis actu
ab æterno non existat physicè, habiturum ta-
men est suam existentiam, non tamen futu-
rum conditionatum. Non inquam vallet quia
decretum generale salvandi omnes homines, si
& ipsi voluerint, est conditionatum, involvit
enim hanc conditionem si voluerint : sed illud
existit actu in Deo Physicè ; ait enim Aposto-
lus, quod *Deus vult omnes homines salvos fieri*,
quod quidem verbum *vult* denotat actum, seu
decretum physicè præsens : ergo etiam futurum
conditionatum supponit decretum conditio-
natum actu & physicè in Deo existens. Deinde
ut patet multæ promissiones à nobis fiunt sub
conditione in quibus effectus est conditionatè
futurus, & multoties non ponendus in re, &
tamen datur actu decretum voluntatis de illo ;
v. g. promittit quis efficaciter se daturum Pe-
tro centum aureos, si iste eum è carcere edu-
xerit, datur actu decretum de dandis centum
aureis, & tamen effectus est conditionatè fu-
turus, & multoties non ponitur in rem ergo
etiam in Deo, licet effectus sit conditionatè
futurus, tamen decretum debet esse actu exi-
stens physicè.

466. Secundò impugnatur præfata evasio : causa
in actu & effectus in actu simul physicè : sed
esse actu futurum conditionatum est quidam
effectus in actu & physicè : ergo petit causam
in

Art. XIV. An scient. Dei sit, &c. Cap. XV. 701
in actu, & subinde decretum actuale & physicè existens in divina voluntate. Prob. min. esse futurum sicuti & esse præsens, aut esse possibile sunt quædam differentiæ entis realis & physici seu modi reales illius, & non entis intentionalis & objectivè duntaxat existentis: ergo esse actu futurum etiam conditionatum est quidam effectus in actu & physicè. Prob. antec. nam res dicitur præsens realiter, item & possibilis physicè; ergo etiam futura. Deinde, quia etiam futura, quando actu cognoscuntur habent esse actu objectivè præsens in intellectu: & tamen non sunt præsentia physicè: ergo præsens dicit aliquid reale physicum, & similiter possibile ac futurum.

Conf. licèt res conditionatè futura tempore futuritionis non habeat actuale esse existentia, immo interdum illam nunquam habitura sit, tamen est actualiter ordinata ad illud habendum conditionatè; sed nequit dari ordo actu præsens, seu res nequit actu & proximè esse ordinata physicè ad habendam existentiam in re etiam conditionatè absque aliquo decreto actuali & physicè existente ipsius divinæ voluntatis: ergo res conditionatè futura supponit in Deo decretum conditionatum actu existens, & non solùm objectivè. Major patet ex dictis suprà *cap. 1.* & dicendis infrà *cap. 17.* nam etiam pro illo statu res conditionatè futura distinguitur actu à merè possibili: sed hoc non est nisi ob actualem ordinem ad esse, à quo præscindit merè possibile: ergo hujusmodi ordinem actualem importat. Minor verò prob. quia illa ordinatio non est naturalis & necessaria sed libera; liberè enim ordinatur ad quemlibet

702 *Quaest. XIV. De Scientia Dei*,
libet effectum ad extra, sicuti ad conversio-
nem Tyrionum futuram ex hypothese prædica-
tionis Christi & miraculorum visendorum :
sed omne liberum dependet à decreto ipsius di-
vinæ voluntatis, ceu primi liberi : ergo illa
actualis ordinatio requirit decretum actuale,
exercitum, & physicè existens in Deo. Vide infra
cit. cap. 17.

468. Conf. 2. quod tantum objectivè & intention-
aliter existens est, nequit producere aliquem
effectum realiter; v. g. ignis objectivè existens
in intellectu realiter non calefacit : ergo si de-
cretum illud conditionatum solum objectivè
& non physicè existat in Deo, non poterit tri-
buere realiter determinationem & infallibilita-
tem ipsi futuro conditionato contingenti; &
subinde istud non poterit à Deo certò præsciri
ex vi illius decreti objectivè duntaxat in di-
vina voluntate existentis : quia in re nihil
est.

469. Tertiò impugnatur præfata evasio : quod de
se est indifferens & ad utrumlibet, nequit alte-
ri determinationem reipsa præstare : sed decre-
tum illud conditionatè futurum de se est indif-
ferens & ad utrumlibet : ergo quanvis præsup-
ponatur ad ipsum futurum conditionatum; ne-
quit illi reipsa determinationem præstare. Ma-
ior patet, nam idcirco ipsimet Adversarii asse-
runt ejusmodi determinationem non posse sumi
à causa proxima quia hæc est de se indifferens,
quapropter non potest illam tribuere, quandiu
sub illa indiffentia manet. Minor verò prob.
decretum illud ab Adversariis assertum est de
concurrente cum voluntate creata ad quod
ipsa voluerit, & se determinaverit : ergo de se
est.

Art. XIII. An scient. Dei sit, &c. Cap. XV. 703
est indifferens & ad utrumlibet. Si dicas dari
aliud decretum determinatum.

Contra : quemadmodum primum decretum 470.
illud de concursu parato sicuti & ipse concursus paratus ad utrumlibet non pertinet ad actum secundum, sed primum, constituit enim causam secundam in actu primo potentem agere vel non agere, ita concursus exhibitus, quo in actu secundo cum voluntate nostra concurrat, est ad alteram partem determinatus, & decretum de præstando talem concursum est de requisitis ad agendum, non autem de prærequisitis : ergo sicut ex priori decreto minimè attendi aut sciri potest quòd creata voluntas sit operatura vel non operatura, sive absolutè sive conditionatè, ita neque ex secundo potest ejus determinatio pensari, quoniam omne determinativum seu determinans debet quodammodo præcedere id quod determinatur per illud, cum se habeat in ratione causæ respectu determinati; decretum autem illud non præcedit sed concomitatur, sicuti & ipse concursus exhibitus. Vide cit. opusc. de primo motore.

Declaratur magis hæc ratio : creata voluntas 471.
ob subordinationem essentialem, quam dicit ad Deum ac divinam illius voluntatem tam ab ea dependet ut præmissa operatura ab æterno, quàm ut actu operans in tempore ; quoniam Deus in tempore nihil actu operatur, quod ab æterno non præviderit se operaturum : sed determinatio voluntatis creatæ respectu effectus in tempore producti, nimirum consensus, non elicitur absque actuali Dei concursu : ergo neque ab æterno potest prævideri nisi dependen-

ter à decreto conditionato, quo decreverit Petrum consensurum si taliter vocetur. Nam sicuti determinatio illa in tempore est quid positivum, ita prævidetur ut quid positivum.

472. Nec valet dicere, decretum illud supponi existens in hypothesi, nimirum quod Deus cum voluntate creata velit concurrere, sicut ex eadem hypothesi supponitur consensus Petri futururus: ad quod sufficit, quod sit præsens & existens objectivè. Contra: per illud decretum solum est paratus Deus ad concurrendum cum Petro ad quod ipse voluerit seu ad utrumlibet, non autem facere ut faciat: ergo per illud non habetur aliqua determinatio ad agendum; nam determinare alium ad agendum est facere ut faciat: nec salvatur essentialis dependentia causæ secundæ ad primam: quoniam concursus paratus per illud decretum solum pertinet ad actum primum, & virtutem agendi, quapropter ut maximè potest solum efficere causam secundam in actu primo dependentem, sed non in operando, seu quantum ad actualem operationem. Quod si dicatur ulterius ibi comprehendì concursum exhibitum & ad alteram partem determinatum, qui omnino necessarius est, ut voluntas creata alteram partem determinatè eligat dependenter à Deo volente illam potius quàm oppositam, contra est, vel decretum de illo actu exhibitio est actu positum priusquam voluntas creata sit consensura, & sic consensura prævideatur, vel non est actu positum ante prævisionem consensus futuri ipsius creatæ voluntatis? Si primum dicatur, ergo jam datur in Deo decretum actu & physicè existens, & cum nihil reale Deo in tempore advenire possit,

Art. XIII. An scient. Dei sit, &c. Cap. XV. 705
possit, ab æterno in eo exister. Si dicatur secundum, jam decretum supponitur sequi ad consensum voluntatis creatæ jam futurum & ut talem prævisum; & subinde potius dependet volitio æterna Dei ab illo consensu futuro, quam è converso consensus à volitione Dei: ergo tunc non salvabitur essentialis dependentia creatæ voluntatis ad divinum velle: quia in causis subordinatis est ratio prioris & posterioris, itaut inferior sit posterior superiori, & prior sit causa posterioris: & non è contra. Cujus contrarium in præfato casu eveniret. Itaque sicuti creata voluntas nequit in tempore actu operari sine actuali influxu Dei, ita neque ab æterno prævideri potest ut operatura nisi dependenter à decreto actuali quo decernat absolutè vel conditionatè velle cum ea concurrere. Quoniam causæ secundæ in tempore ita operantur, ut à divina providentia vel prædestinatione sunt dispositæ ab æterno: sed in tempore non operantur nisi cum actuali dependentia à voluntate divina cum illis operante: ergo neque ab æterno sunt prævisæ operaturæ absolutè vel conditionatè absque dependentia ab actuali decreto Dei decernentis cum illis operari. Alioquin si ante tale decretum prævidere posset aut prævideret illas operaturas, nulla esset necessitas cum illis concurrendi in tempore; nam sicuti possent ab æterno prævideri operaturæ independenter à volitione Dei, ita quoque possent actu in tempore operari sine tali dependentia.

Quartò refellitur præfata solutio: nullus effectus reipsa transire potest à statu purè possibilis ad statum futuri absolutè absque decreto actu

473.

existente in Deo, quo determinet se ad productionem illius : ergo neque transire potest à statu purè possibili ad statum futuri sub conditione nisi per aliquod decretum actu & physicè in illo existens. Antec. patet, & communiter admittitur ab Adversariis, quoniam scil. divina voluntas de se est omnino indifferens, seu indifferenter se habet circa fore vel non fore ipsius futuri absoluti; potest enim illud producere vel non producere, cum liberè illud producat, illiusque productionem liberè velit. Quapropter manente divina voluntate sub hac indifferentia effectus non magis haberet rationem futuri quam non futuri, sed sisteret intra ordinem possibilium. Consequentia optimè sequitur : quoniam sicuti voluntas divina est omnino indifferens ad volendum vel nolendum absolutè futurum, & idcirco determinari indiget, ut transeat illud à statu possibilium ad statum futurorum: ita est omnino indifferens ad volendum vel nolendum aliquid fore, vel non fore sub conditione : ergo sicuti ad futurum absolutum determinari positivè & physicè indiget, ut illud transeat à statu possibilium ad statum futuritionis, ita ad futurum conditionatum indiget determinari actuali decreto conditionato, ut istud transeat reipsa de statu possibilium ad statum futuri conditionati.

474.

Dices, disparem esse rationem, nam transirus ille in futuro absoluto est subjectivus ponens subjectivam mutationem in reipsa, quæ ex possibili transit in futuram per exercitam existentiam; subindèque hic transitus fieri nequit absque decreto actu & physicæ existente in ipso Deo : in futuro autem conditionato est

Art. XIII. An scient. Dei sic, &c. C. XV. 707
est transitus duntaxat objectivus ponens mutationem objecti nam in ipsa re, quæ ex possibili transit in futuram sub conditione tantum ponendam, quæ sit per solum objectivum transitum, sub conditione tantum in re ponendum. Unde quanvis voluntas divina tam subjectivè quàm objectivè debeat esse determinata in futuro absoluto ut futurum sit & transeat de statu possibilium ad statum futuri simpliciter; tamen in conditionato sufficit ut eadem voluntas divina sit determinata objectivè, quanvis remaneat indifferens subjectivè, non existente in ea aliquo decreto actuali.

Contra: futurum absolutum ab æterno fuit futurum, sicuti etiam ab æterno fuit decretum absolutum in Deo: sed tamen ab æterno non fuit aliqua mutatio subjectiva, quia futurum illud ab æterno physicè non existit, aut transit physicè à statu possibilium ad statum actualis existentiae in re sed solum existit objectivè, per illos: ergo decretum absolutum non infert aut ponit subjectivam mutationem, aut transitum subjectivum; alioquin si illud inferret quotiescumque poneretur decretum, poneretur ille transitus, quoniam posita causa in actu ponitur effectus. Posuit ergo illud decretum ab æterno solum ordinationem actualem ad existentiam futuri, inquantum voluit esse causas ordinatas actu ad producendum illud in tempore simpliciter & absolute: sed pariter vult Deus causas esse ordinatas actu ad producendum futurum conditionatum, si purificaretur conditio: ergo etiam ad hanc actualem ordinationem requiritur omnino decretum actuale physicè existens in Deo; neque enim actu illæ

475.

708 *Quaest. XIV. De Scientia Dei,*
causæ possunt esse ordinatæ ad producendum
effectum, nisi Deus actu velit illas esse taliter
ordinatas. Minor prob. cum ab actu non esset
ejusmodi ordinatio, nihil erit quo dixerat futu-
rum conditionatum reipsa à merè possibili. Et
præterea quomodo prædixit Christus conver-
sionem Sidoniorum & Tyrriorum sub conditio-
ne futuram increpando judæos, nisi quia isti
prædicationi Christi, & miraculis visis ob-
sistebant resistentes Spiritui sancto, cor autem
Tyrriorum ac Sidoniorum non erat obstinatum,
sed prævidebatur dispositum ad suscipiendam
Christi doctrinam, & miracula laudanda, agen-
damque pœnitentiam: si enim non habuissent
actu ordinationem & inclinationem ad hæc
frustra comparatione ad illos facta Deus Ju-
dæos his renitentes & obstistentes increparet.
Adde quod in omni conditionali vera debet esse
reipsa ordinatio consequentis ad antecedens,
veritas enim conditionalis in sola ordinatione
illa, & connexionione seu illatione consistit, &
non in ipsa enunciationum veritate.

476. Tandem rejicitur præfata evasio: si daretur
tale decretum, illud deberet Deus certò co-
gnoscere, non ut præsens sed ut futurum ex
hypothesi: sed omnino falsum est quod Deus
certò præcognoscat suum decretum priusquam
sit positum in esse, ut ex Adversarii etiam mul-
ti docent: ergo ut illud cognoscatur, & depen-
denter ab eo futurum debet esse actu, & non
objectivè tantum existens in Deo. Prob. minor
ex dictis, ut aliquod futurum certò cognosca-
tur, debet esse determinatè futurum, seu ha-
bere esse determinatum ad existentiam, pro illo
instanti quo certò cognoscitur, neque talis
determi

Art. XIII. An scient. Dei sit, &c. Cap. XV. 709
determinatio haberi potest absque interventu
alicujus causæ illam præbentis : sed in illo in-
stanti rationis , pro quo intelligit Deus se posse
velle actu in posteriori signo creaturas fore
absolutè vel conditionatè nulla adhuc habetur
causa determinativa talium decretorum, vel fu-
turationis creaturarum : ergo in eo signo ra-
tionis nequit certò cognosci decretum illud ut
futurum.

Conf. si ante actualem decretorum positio- 477.
nem attingeret Deus decreta sua ut in postero-
ri signo ponenda atque futura , in eodem at-
tingeret omnes creaturas decretas produci ab-
solutè vel conditionatè : sed antè actuale de-
cretum & exercitum divinæ voluntatis Deus
certò non cognoscit saltem creaturas absolu-
tè futuras : ergo neque illa decreta. Minor ad-
mittitur ab Adversariis ; sequela verò prob.
omnipotentia divina cognosci nequit , saltem
comprehensivè , nisi creaturæ possibiles co-
gnoscantur , quæ sunt terminus illius : sed pa-
riter decreta illa terminantur ad creaturas ab-
solutè vel conditionatè futuras : ergo certò &
comprehensivè à Deo cognosci nequeunt nisi
creaturæ illæ cognoscantur.

§. 6.

Alia evasiones Adversariorum refelluntur.

Respondent alii certò & infallibiliter ejus- 478.
modi futura cognosci à divino intellectu
in veritate illorum objectiva , hæc enim certa
& determinata est antecederet ad actuale de-
cretum divinum. Vnde possunt certò & infal-
libiliter cognosci per scientiam illam mediam

antevertentem omnem divinæ voluntatis actua-
lem determinationem. Dixi, decretum actua-
le, quoniam ipsi Adversarii asserentes futura
conditionata cognosci certò à Deo in verita-
te illorum objectiva, non negant cognosci de-
pendenter à decreto, sed dependenter à decre-
to actuali & posito in re non à decreto ponen-
do, quod explicatum est suprâ. Immo cogni-
tionem futurorum absolutorum dependere à
decreto actuali asseverant, quod & probat P.
Suarez lib. 1. opuscul. cap. 8. & 6. ex illo D.
Hilarii lib. 9. de Trinit. *Que Deus facere decre-
vit, in sua voluntate cognovit.* Sed negant de-
cretum illud esse primam radicem & causam
certitudinis futurorum, vel cognitionis infal-
libilis ipsorum. Quia etiam decretum absolu-
tum supponit in Deo scientiam mediam, seu
præscientiam illam conditionatam, quâ co-
gnoscat quid futura sit creata voluntas, si in
talibus vel talibus circumstantiis constituitur,
vel taliter vocetur; & hoc ad salvandam li-
bertatem ipsius. Existimant enim, quòd si de-
cretum absolutum omnino antecedere admitta-
tur futurum consensum liberæ voluntatis crea-
tæ, illi necessitatem absolutam imponat; &
subinde libertatem omnino evertat. Unde hic
dicendi modus cum præcedenti omnino coin-
cidit.

479. Pro cuius majori intelligentia est animadver-
tendum, quòd sicuti futurum quodlibet non
habet determinationem ad esse, nisi dum actu
est, quo pacto necesse est esse; v. g. Petrum ne-
cesse est sedere dum actu sedet, ita non habet
determinatam veritatem, nisi dum concipitur
prout actu est; quoniam sicuti veritas sequitur
ad

ad esse, ita & determinata veritas ad determinatum esse. Quapropter sicuti nos insequentes D. Thomam asserimus, Deum certam cognitionem habere de futuris contingentibus in mensura æternitatis cui physicè coëxistunt; quoniam scilicet æternitas unico indivisibili nunc correspondet omni tempori, & partì illius; & subinde actu ambit illud tempus in quo futurum quodlibet erit præsens & in suo esse existens; ita isti asserunt quòd Deus futurum etiam conditionatum certò cognoscat infinità vi sui divini intellectus, cui objectivè sunt omnia præsentia pro omni esse quod habebunt, vel habere possunt, cùm illa comprehendat; v. g. intuetur illud esse, quod suo tempore in re Antichristus est habiturus, estque illi objectivè præsens, & subinde determinatam veritatem fundans, ratione cujus certò à divino intellectu cognoscatur. Cùm hac solutione coincidit alia illa eorundem Adversariorum aientium, quòd futurum contingens non habet ex se determinatum fore ex actu qui est, sed ex actu qui erit. Omne enim de quo in præsentì verificatur quòd primò existit, ante hoc tempus præsens habuit, ut de se verificaretur determinatè esse futurum. Unde contingens futurum ex diversis principiis habet quòd sit futurum, & quòd sit contingens.

Solutionem istam quantum spectat ad determinatam illam præsentiam objectivam multis confutavimus suprà *cap. 10.* potestque refelli ex his quæ in præcedentibus capitibus subjecimus loquentes de certa cognitione futurorum contingentium absolutorum, tum in causis suis, cùm etiam in mensura æternitatis in qua physicè

sicè illa existerere diximus. Ibi enim ostendimus non sufficere præsentiam illam objectivam prout est objecti secundum quod habet esse in cognoscente ; quoniam hæc communis est omnibus quæ à Deo cognoscuntur etiam merè possibilibus ; sed desiderari præsentiam objectivam, quæ est objecti prout habet esse in actu suo ; quoniam hanc necessariò requirit noticia intuitiva, cujusmodi esse illam, quam de quibuscunque futuris habet Deus, probavimus. Ut autem illam præsentiam objectivam, quæ est objecti prout habet esse in actu suo, sortiatur omnino dependet à divino intellectu, divinaque potentia ut determinatis per Dei voluntatem ad productionem illius rei. Quapropter semper recurrendum est ad decretum divinæ voluntatis ceu primam radicem illius determinationis, ut demonstravimus suprà.

481.

Præterea contra præfatam evasionem instatur primo veritas futuri cujuslibet nequit regulari à præsentia secundum illud esse objectivum duntaxat quod habet in cognoscente ; sed secundum illud esse actuale, ad quod habendum pro aliqua temporis differentia actu ordinatur ; quoniam futurum, ut reipsa futurum est, non dicit ordinem ad illud esse objectivum intentionale duntaxat, quod etiam est commune omnibus merè possibilibus ; cum nihil actu cognoscatur, nisi sit præsens intentionaliter & objectivè ipsi intellectui cognoscenti : sed ab æterno nullum futurum est actu & physicè præsens etiam pro secundo illo signo rationis, sed omnino in se nihil est : ergo non sufficit illa præsentia objectiva, etiamsi admittatur, ut Deus de futuris contingentiis certam notitiam

Art. XIII. An scient. Dei sit, &c. Cap. XV. 713
tiam habeat. Quæ ratio potissimè locum & vim
habet in illis futuris contingentibus conditio-
natis, quæ pro nulla temporis differentia exti-
tura sunt, aut physicam habitura existentiam;
nam hoc dato jam non habent determinatam
illam præsentiam objectivam, quam Adversa-
rii futuris pro secundo illo signo rationis assi-
gnant, inquantum, aiunt, intellectus divinus
sua vi infinitâ & comprehensivâ omnium re-
rum, fertur super esse quod futura physicè ha-
bebunt in tempore.

Nec valet dicere, quod divinus intellectus 482.
feratur super esse existentiz, quod sub condi-
tione habitura sunt: quoniam illud esse omni-
no in se nihil est, & solum est, inquantum cau-
sæ ordinatæ sunt actu ad productionem illius,
si purificaretur conditio: ergo sub hac ratione
non potest terminare cognitionem Dei, vel
scientiam illam mediam; quæ, cum per illos
sit speculativa, debet præsupponere suum ob-
jectum esse; imò cum intuitiva sit ac visionis,
debet versari circa illud ut physicè existens;
quemadmodum probavimus suprâ cap. 9.

Deinde, quia illud esse physicum in secundo 483.
signo rationis habendum, physicè est depen-
dens ac essentialiter à Deo, ut habens esse in
actu suo: & est dependens ab eo ut agente li-
bero & ex proposito, non autem ex necessita-
te naturæ: sed eadem sunt principia essendi &
cognoscendi: ergo intantum potest illud co-
gnosci certò & infallibiliter per illam scien-
tiam mediam, inquantum ista attingit causas
determinatas ad productionem illius esse, seu
ut actu influunt illud: sed primum principium
agendi in quolibet agente libero seu ex propo-
sito

714 *Quest. XIV. De Scientia Dei,*
sicut est voluntas determinans ac decernens
opus : ergo semper deveniendum est ad volun-
tatem divinam decernentem illud esse , ut certa
possit haberi cognitio , tanquam ad primam
radicem.

484. Contra 2. stat aliquid esse determinatè futu-
rum , & tamen non habere aliquem actum exis-
tentiae seu essendi pro aliqua temporis differen-
tia : ergo futurum non habet determinatum
fore ab actu qui erit ; alioquin nunquam esset
aliquid determinatè futurum , nisi ponendus
esset exercitè aliquis actus , à quo denomina-
reretur certò ac determinatè futurum. Prob. an-
teced. mors Ezechiae regis fuit certò & infalli-
biliter futura , quoniam fuit prophetata ab
Esaia , dictum enim ab eo Regi fuit , *Dispone*
domui tuae , morieris enim tu , & non viues :
prophetia autem est cognitio certa & infallibi-
lis , & subinde esse debet de re omnino infal-
libiliter ac certò futura : sed tamen non fuit
actus , à quo illud futurum determinatam fu-
turationem habere posset , nec enim illa an-
nunciatio mortis ad actum reducta fuit , sed
protracta per multum temporis regi vita : ergo
stat aliquid esse determinatè futurum , & ta-
men carere actu essendi , ad quem ordinatur.
Quæ ratio specialiter in futuris contingentibus
conditionatis locum habet , quæ non reducun-
tur ad actum.

485. Contra 2. ut futurum habeat determinatam
futationem ab actu qui erit , ille actus de-
bet habere necessitatem atque infallibilitatem
essendi , itaut non possit non esse ; quod enim
in se indeterminatum est , & non necessarium ,
non potest alteri necessitatem essendi seu deter-
minationem

Art. XIII. An scient. Dei sit, &c. Cap. XV. 715
 minationem infallibilem ad esse præbere: sed ille
 actus nequit habere necessitatem essendi ex se,
 quoniam contingenter est; v. g. Petrus positus
 in talibus circumstantiis non necessariò conver-
 titur; sed potest non converti absolute loquendo
 cum & alii in eisdem circumstantiis constituti
 non convertantur, ut manifestum est in exem-
 plo de Tyriis & Sedoniis, ab eo fuisset, qui à
 Christo certò prænunciantur credituri si illis ab
 eo fuisset annunciatum Evangelium, & coram
 & facta illa signa, quæ coram Judæis, qui
 conversi non sunt: ergo debet illam habere ab
 alio determinate ad esse: quod nequit esse nisi
 divina voluntas decernens ut illud sit, & sine
 qua nihil est aut esse potest. Quod si dicatur il-
 lum actum habere necessitatem ex suppositione
 quod actu est, sicuti dicimus Petrum necessa-
 riò sedere, dum actu sedet: ergo illa necessitas
 erit ex aliquo priori ad quem sequitur ille actus
 quia necessitas ex suppositione est semper ex
 aliquo priori; sicuti Petrus dicitur necessariò
 moveri supposito quod currat. Et inquirimus
 quid sit illud prius. Et similiter Petrus ex sup-
 positione quodd velit, sedet; & dum sedet actu,
 necessariò sedet; subindèque illa necessitas est
 orta ex suppositione illius prioris volitionis, seu
 actus voluntatis ipsius.

Conf. supposito quòd tota determinatio fu-
 turationis oriatur ab actu qui est physicè præ-
 sens, sequitur necessariò, quòd nullus possit
 certò cognoscere ac præscire futurum illud ut
 determinatum ad esse, vel fore pro aliqua tem-
 poris differentia, nisi cognoscat præsentiam
 physicam illius actus, ratione cujus est deter-
 minatum ad esse, & physicè existens; sicuti non
 cognosco

716 *Quest. XI V. De Scientia Dei,*
cognosco necessariò Petrum esse determinatum
actu ad sessionem, nisi intuear illum sedere: ergo
jam res futuræ, quæ à Deo ab æterno cognoscun-
tur, sunt illi physicè præsentēs, & in mensura æ-
ternitatis illi coëxistētes. Declaratur: actus illius
futuri, Petrus positus in talibus circumstantiis
accedente Dei auxilio converteretur infallibiliter,
est conversio actualis & in se existens seu phy-
sicè præsens; sicuti sessio Petri actu determina-
ta quoad esse dicitur, quando Petrus actu &
physicè sedet; quoniam impossibile est illum
non sedere supposito quod actu sedeat: ergo fu-
tura conversio Petri eatenus à Deo certò & in-
fallibiliter cognoscitur, quatenus ab æterno at-
tingit actualem illam conversionem ut in se ac
physicè præsentem, quod non admittunt con-
trarii. Nec sufficit recurrere ad actualem præ-
sentiam objectivam: nam huiusmodi præsen-
tia vel est objecti prout habet esse physicè in
actu suo, vel prout habet duntaxat esse in co-
gnoscente. Si primum dicatur, habetur inten-
tum: si secundum, non satisfacit, quia ejus-
modi præsentia objectiva non terminatur ad
existentiam physicam rei sed intentionalem,
quam etiam verè impossibilia in Deo sortiuntur:
de istius enim ratione non est præsentia rei in
actu suo & physica, ut patet dum cognoscun-
tur à nobis universalia, quæ ab existentia actua-
li præscindunt. Vide suprà *cap. 9.*

487. Tertio impugnatur: Quantumcumque res
sit in se certa & infallibilis, de illa non habetur
scientia, nisi medium cognoscendi illam sit
certum & infallibile; quocirca ille qui per
medium probabile conclusionem scientificam
cognoscit, de illa scientiam non habet, sed
opinionem

Art. XIII. An scient. Dei sit, &c. Cap. XV. 717
opinionem, quia tota certitudo conclusionis
dependet ex medio seu principiis : Ergo quan-
tumcumque veritas cujuslibet futuri objectivè
sit determinata, neutiquam Deus de illa po-
terit certam ac determinatam cognitionem ha-
bere, nisi & medium cognoscendi illam sit cer-
tum ac determinatum : sed medium, quo Deus
cognoscit futura quælibet ante decretum suæ
voluntatis non est certum ac determinatum ad
rei futuritionem : ergo ante decretum divinæ
voluntatis non potest à Deo certò cognosci.
Prob. min. medium in quo Deus futura quæli-
bet cognoscit est sua divina essentia, ut proba-
tum est suprà : Sed divina essentia ante decre-
tum divinæ voluntatis non est determinata ad
rei productionem, ut etiam probatum est su-
prà ; aliàs Deus non liberè & ex proposito age-
ret, sed ex necessitate naturæ : ergo ante de-
cretum divinæ voluntatis nequit esse medium
certum & infallibile ad cognoscendum verita-
tem objectivam determinatam ipsius futuri,
etiam si hæc concedatur.

Conf. Objectum primarium & specificati- 488.
vum, cujuslibet divinæ cognitionis debet esse
aliquid increatum, ut probatum est suprà : ergo
cognitio sive scientia Dei immediatè non po-
test terminari ad actus liberos creatæ volunta-
tis seu veritatem objectivam futurorum ; sed
debet terminari primò & per se ad ipsum Deum
seu essentiam ejus ut habet rationem potentiæ
activæ & causæ determinatæ ad productionem
illius, sed non est determinata ad illam ante
decretum divinæ voluntatis efficaciter decer-
nentis futuritionem illam, cum primùm princi-
pium agendi liberè & ad extra in Deo sit divina
voluntas

718 *Quaest. XIV. De Scientia Dei,*
voluntas : ergo illa certitudo & determinatio
à decreto divinæ voluntatis tanquam à prima
causa & radice dependet.

489. Ex his impugnatos manet aliorum dicendi
modus, videlicet Deum futura illa certò cog-
noscere in ipsa determinatione voluntatis creatæ
cognoscendo liberum arbitrium cum illis auxi-
liis consensurum, cum illis non consensurum :
& hoc ante quodlibet divinæ voluntatis decre-
tum efficaciter consensum illum vel dissensum
decernentis. Nam ut suprà diximus, quidquid
Deus cognoscit, ad extra per suam essentiam
cognoscit ut priùs cognitam, tanquam per
medium priùs cognitum : sed essentia divina
ante omne decretum divinæ voluntatis nequit
esse medium priùs cognitum sufficiens & ido-
neum ad certò cognoscendum futuram illam
determinationem creatæ voluntatis ; multomi-
nus ipsa voluntas libera etiam cum illis assertis
auxiliis : ergo Deus futura ejusmodi nequit cer-
tò cognoscere in determinatione illa creatæ
voluntatis. Minor quoad 1. p. Prob. essentia
divina non est medium cognoscendi res ad ex-
tra nisi quatenus est causa adæquata continens
ipsa, ut probatum est suprà : sed est causa
adæquata rerum prout habet rationem poten-
tiæ productivæ illarum determinatæ per vo-
luntatem, est enim agens liberum & ex pro-
posito in productione rerum ad extra : ergo
essentia divina ante decretum efficax divinæ
voluntatis nequit esse medium idoneum & suf-
ficiens ad certò cognoscendum futura quælibet
contingentia ante decretum divinæ voluntatis
determinantis voluntatem creatam ad operatio-
nem. Quoad 2. etiam p. Prob. voluntas de se
est

Art. III. An scient. Dei sit, &c. Cap. XV. 719
est indifferens ad consensum & dissensum, nec
auxilia illa dant illi efficaciam ut eliciat potius as-
sensum quam dissensum, quoniam de se non sunt
efficacia: ergo voluntas creata etiam cum illis
auxiliis non est sufficiens. Adde quòd illa au-
xilia non sunt ponenda in re absque decreto
divinæ voluntatis: ergo antecedenter ad illud
nequit esse illa determinatio creatæ voluntatis.

Nec valet dicere, essentiam divinam ne- 490.
dum determinatè repræsentare illa quorum
causa est, sed etiam alia. Etenim repræsen-
tat possibilitatem ipsam rerum possibilem,
quam tamen non causat: & similiter repræ-
sentat peccatum quod non facit: pari igitur
modo repræsentat futuritionem illam, nec ta-
men causat: sed expositione ipsius rei, quæ
denominatur futura convenit illi quòd repræ-
senter certò illam, uti explicatum est suprà.

Contra 1. Imprimis falsum est, quòd Deus non 491.
cognoscat creaturas posibles in seipso tanquam
in causâ: nam ut diximus alibi ex D. Thoma, q. 2.
de verit. a. 8. cognoscit creaturas posibles in sua
omnipotentia, vel etiam in sua bonitate, quate-
nus habent esse in illis tanquam in causa, videli-
cet in bonitate ceu causa finali, & in omnipo-
tentia ceu causa activa ipsarum: nam in seipsis
creaturæ posibles nihil sunt realiter, & subinde
cognosci certò nequeunt, quia non entis non est
scientia: ergo solum habent esse in causis suis,
& in eis cognoscuntur, cum non sit nisi du-
plex status essendi ipsius entis realis, nimirum
in seipso, & in causis suis, ut diximus suprà
art. 6. capit. 2. Similiter quanvis Deus non sit
causa peccati formaliter & quatenus peccatum
est; tamen est causâ entitatis quæ est in pecca-

to, & habet decretum permissivum, quo ad illam concurrere efficaciter decernit, in eoque malitiam videt, sicuti ostendimus *suprà capite 14.*

492.

Contra secundò scientia, quæ non est mensura & causa sui objecti est quodammodo mensurata & causata ab illo; cum scientia & scibile se habeant ad invicem in ratione mensuræ & mensurati; ergo si scientia divina non se habeat in ratione causæ & mensuræ activæ ipsorum futurorum, etiam conditionatorum, sequitur quòd ipsa futura se habeant ut mensura ipsius scientiæ divinæ, & quòd hæc sit quodammodo causata atque mensurata ab illis, ipsisque posterior, quod maximam involveret in ipso Deo imperfectionem. Quòd si ipsa scientia se habeat in ratione causæ, cum sit ipsamet essentia ut habet rationem speciei, sequitur quod etiam ista se habeat in ratione causæ, ipsorum futurorum, quod nequit esse nisi ut determinata per voluntatem ad opus; sicuti neque scientia est causa rerum nisi adjunctâ voluntate, ut probatur *infrà quest. 19.* Quapropter semper deveniendum erit tanquam ad primam radicem illius determinationis & causalitatis ad ipsam divinam voluntatem.

493.

Respondent alii cum P. Esparza 1. *part. qu. 18.* Deum cognoscere certò illa futura, nimirum futuros actus liberos nostros in sua essentia, antecederet ad quodlibet decretum illius divinæ voluntatis: non quidem in ipsa essentia absolute sumpta; sed quatenus præcontinet eminenter liberum arbitrium creatum ut conjunctum cum omni actu suo à se liberè procedente, vel eliciendo si in talibus & talibus circumstan-

tiis

Art. XIII. An scient. Dei sit, &c. C. XV. 721
tiis, vel occasionibus constituatur. Hoc enim
pacto essentia divina per modum speciei impres-
sæ est sufficientissimum medium ad certò re-
præsentandum divino intellectui illud futu-
rum.

Sed hic dicendi & explicandi modus reji- 494.
ciendus venit : & primò quidem ex eo quod
nequit liberum arbitrium esse aut intelligi con-
junctum cum omni actu suo absque decreto, &
constitutione divinæ voluntatis : cùm illi
actus in re omnino & essentialiter dependeant à
Deo ceu prima causa liberè operante in omni-
bus creaturis & operationibus earum : ergo
ejusmodi arbitrium nequit verè intelligi, aut
repræsentari ut reipsa conjunctum cum omni
actu suo liberè à se eliciendo nisi dependenter à
tali decreto : cùm cognoscibilitas perfecta rei
sequatur ad esse illius & causa unde provenit ;
sunt enim eadem principia essendi & cognos-
cendi. Adde quod nihil eminenter præcontinet
aliud nisi contineat illud ut causa ipsius sic Deus
eminenter præcontinet omnes creaturas, in-
quantum est causa totius esse illarum ut pro-
batum est suprà *quest. 4.* Sed Deus non est cau-
sa alicujus effectus creati nisi dependenter à de-
creto suæ divinæ voluntatis : ergo illa præcon-
tinentia arbitrii ut conjunctivum omni actu
suo, necessariò involvit decretum divinæ vo-
luntatis ut causam cujuslibet actus liberi.

Secundò refellitur ex eo quòd scientia de 495.
quolibet futuro debet terminari ad futurum
illud ut habet esse in actu suo, quo solo pacto
necessitatem habere potest atque certitudinem :
sed quælibet res creata ut præcontinetur, aut

722 *Quaest. XIV. De Scientia Dei*,
habet esse eminenter in Deo, est ipsamet crea-
trix essentia, uti cum Div. Anselmo docent
D. Thomas & communiter Theologi: ergo ne-
quit dici, quodd arbitrium ut contentum emi-
nenter in Deo, prout conjunctum cum omni
actu suo certò per illam scientiam mediam co-
gnoscat, quæ non debet terminare in Deum,
sed in ipsum futurum prout habet esse in actu
suo.

496. Conf. quoniam etiam possibilia in ipso Deo
eminenter continentur, & ut sic in potentia
illius ac divina voluntate habent cognosci per
scientiam simplicis intelligentiæ: ergo & per
eamdem cognoscentur futura quælibet, quia ut
sic contenta sunt ipsamet essentia divina, non
minùs quam possibilia. Quodd si dicatur dispa-
rem esse rationem, quoniam scilicet possibilia
non continentur eminenter in Deo ut dicentia
ordinem ad existentiam, bene verò futura: con-
tra, nam nihil potest actu dicere ordinem ad
existentiam & extrahi à statu possibilitatis,
nisi Deus voluerit & decreverit productionem
illius absolute aut conditionate: ergo illa præ-
continentia futurorum semper includet decre-
tum divinæ voluntatis ut decernentis absolute
vel conditionate productionem illorum, vel
ordinantis ad actum essendi, sive actualem exi-
stentiam. Adde, quodd hic modus dicendi co-
incidit cum præcedenti, nam tota certitudo est
à conjunctione arbitrii cum actu libero qui erit,
ut consideratur in se à Deo attingente in sua
essentia quidquid erit pro qualibet differentia
temporis. Quapropter & eisdem rationibus
suprà adductis ampliùs confutari potest.

*Alia ratione Scientiam illam mediam non esse
admittendam ostenditur, quippe qua omnino
inutilis sit ad conciliandam libertatem arbitrii
cum efficacia divina voluntatis, & infallibili-
tate divina scientia, immo cum ipsa libertas
arbitrii coherere nequit.*

QUod probatur: nam Divus Augustinus, 497.
cujus doctrinæ in his materiis communi-
ter recipitur ac laudatur, tanquam à summis
Pontificibus recepta ac specialiter approbata, ut
ostendimus suprà cap. 15. §. 1. rectè libertatem
arbitrii creati cum infallibilitate divinæ præ-
scientiæ, certitudine prædestinationis & effica-
citate gratiæ rectè composuit, & nimirum in
modum conciliavit; sicuti ab omnibus rectè
sentientibus affirmatur, neque sive tanti Docto-
ris injuria, ac temeritate aliqua negari po-
test: sed ad hujusmodi stabiliendam concordiam,
nedum non confugit ad scientiam mediam, aut
præscientiam illam conditionatam ceu idoneum
ad id medium atque consentaneum, quinimo
ad oppositum penitus declinavit, videlicet ad
latens Dei consilium, infallibilitatem divinæ
scientiæ conjunctam cum efficacissima vi illius
divinæ voluntatis atque omnipotentia: ergo
scientia media non est medium ad id competens
& consentaneum; alioquin illud Divus Augu-
stinus non dissimulasset, aut recusasset adhibere
ad sedandas tot exortas in Ecclesia quæstiones,
etiam inter præcipuos illius alumnos, quæ non
parum illam turbabunt: cum illa scientia media

724 *Quaest. XIV. De Scientia Dei*,
nomine præscientiæ fuerit Pelagianis ac semi-
pelagianis familiaris, ut probavimus contra
quos indefesso labore ac studio per viginti cir-
citer annos S. D. decertavit atque de ipsis
triumphavit, ostendendo gratiam ex se effica-
cem, ac decreta illa divinæ voluntatis suapte
natura energica non lædere, sed perficere li-
bertatem.

498. Minor probatur quoad primam partem testi-
monio ipsius P. Molina, qui se primum hujus
scientiæ mediæ & rationis conciliandæ liberta-
tis humanæ cum divina prædestinatione &
scientia, &c. auctorem, & inventorem facit
Nam cit. quaest. 14. suæ Concord. loquens de
Sanctissimo Ecclesiæ Doctore Augustino hæc
habet *Si ea scientia media data & explorata
fuiſſet ab Auguſtino fortè neque Pelagiana hæ-
reſis exorta fuiſſet, neque Lutherani tam impu-
denter arbitrii noſtri libertatem fuiſſent auſi negare
obtendentes cum divina gratia, præſcientia, &
prædeſtinatione coarctare non poſſe: neque ex
Auguſtini opinione, concertationibꝫque cum
Pelagianis tot fideles fuiſſent turbati. Si Augu-
ſtinus nec dedit, nec explanavit, cum tamen
noſſet: ergo ad huiusmodi conciliationem
efficiendam ut inutilem contempſit. Deinde
quia ipſemet Sanct. Doctor. hanc conciliatio-
nem planè difficilem & arduam agnovit, ut fa-
tetur lib. 1. de grat. capit. 47. Quoniam, in-
quit, quando defenditur liberum arbitrium, ne-
gari Dei gratia videtur: quando autem afferri-
tur Dei gratia, liberum arbitrium putatur
auferri. Quod repetit lib. 4. contra Julian. ca-
pit. 8. Sed, ut fatentur ipſiuſmet Adverſarii,
conciliatio iſta per ſcientiam mediam facillima
eſt*

Art. XIII. Anscient. Dei sit, &c. Cap. XV. 725
est & suavis, neque per illam ullo pacto liberum putatur lædi arbitrium vel auferri: ergo hæc ratio conciliandæ humanæ libertatis cum infallibilitate præscientiæ divinæ, prædestinationis & gratiæ neque est admissa neque explicata à D. Augustino.

Quoad secundo verò partem prob. ex eodem Sanct. Doctor. lib. 5. de Civit. Dei cap. 9. ubi contra Ciceronem disputans, qui Deo futurorum præscientiam denegabat, *Ne fatuum esse consentiret & perderet liberam voluntatem: putabat enim concessâ scientiâ futurorum ita consequens esse fatum, ut negari omnino non possit, ad divinæ voluntatis efficaciam recurrit, Non est, ait, consequens ut si Deo certus est omnium ordo causarum, ideo nihil sit in nostra voluntatis arbitrio. Et ipsa quoque nostra voluntates in causarum ordine sunt, qui certus est Deo, ejusque præscientiâ continetur: quoniam & humana voluntates humanorum operum causæ sunt. Atque ita qui omnes rerum causas præscivit, profectò in eis causis etiam nostras voluntates ignorare non potuit, quas nostrorum operum causas esse præscivit. Nam & illud quod idem Cicero concedit, nihil fieri si causa efficiens non præcedat, satis est ad eum in hac questione redarguendum. Et ad hoc ostendendum triplicis generis causas distinguit, fortuitas, naturales & voluntarias; istasque ait esse Dei, Angelorum, & hominum: concluditque quòd Omnia maximè Dei voluntati subdita sunt, cui etiam voluntates omnes subjiciuntur: quia non habent potestatem nisi quam ille concedit. Causa itaque rerum quæ facit nec fit Deus est; alia verò causa & faciunt & fiunt, sicut sunt omnes creati*

499

726 *Quaest. XIV De Scientia Dei,*
Spiritus, & maximè rationales : Quomodo igitur
ordo causarum, qui praescienti certus est Deo,
id efficit ut nihil sit in nostra voluntate, cum in
ipso causarum ordine magnum locum habeant
nostra voluntates ? Quòd dicitur voluntas Dei
tanquam suprema & efficacissima omnium cau-
sa voluntaria in agendo planè sibi nostra sub-
jicit ac subordinat voluntates ; & subinde istæ
agunt, prout Deus ipse voluerit atque consti-
tuerit illas acturas, Quia non habent potesta-
tem, nisi quam ille concedit : Sed divina vo-
luntas vult voluntates nostras, utpote causas
voluntarias voluntariè agere ; scivit enim pro
sua inefallibilis atque infallibilis providentiæ
ratione ac dispositione sapientissima quolibet
causas suos agere motus : ergo cum Deus præ-
sciat ordinem causarum, in quo sunt constitutæ
nostræ voluntates divinæ illius subjectæ & sub-
missæ voluntati, præscit etiam se id efficaciter
volente nos liberè operaturos, qui divinæ illius
voluntati plenè subjacemus ac subjicimur,
neque omnipotentissimæ illius virtuti possumus
resistere. Atque adeo concordiam infallibilis
præscientiæ divinæ cum libertate arbitrii redu-
cit D. Augustinus ad divinæ voluntatis effica-
citatem, & omnipotentissimam energiam. Id-
circo in fine capitis illius subdit : Quapropter
& voluntates nostræ tantum valent, quan-
tum Deus eas valere voluit ac præcivit (vo-
luntatem præscientiæ divinæ prætulit, quo-
niam istius infallibilitas illius constitutioni
efficaci & potenti innititur.) Et ideo quidquid
valent, certissimè valent (ob voluntatis divi-
næ scilicet efficaciam, certitudinèque præ-
scientiæ in ea fundatam) & quòd factura sunt,
ipsa

Art. XIII. An scient. Dei sit, &c. Cap. XV 727
ipsa omnino factura sunt, quia valituras atq; facturas
esse præsavit (nimirum in prædestinatione sua, ut
alibi ait: *Cujus præscientia falli non potest*, sicuti ne-
que voluntas frustrari. Quem etiam modum &
rationem conciliandæ libertatis cùm infallibili-
tate præscientiæ ac prædestinationis secuti sunt
postea D. Anselmus *lib de concord. præscient. præ-*
destinat. & grat. & D. Th. passim, cæterique an-
tiqui Theologi. Sed de his ampliùs infrà q. 23.

500.

Prima minor quoad secundam partem, vi-
delicet quòd scientia media libertatem volun-
tatis creatæ de medio auferat, si admittatur,
Probatur primò scientia media respicit ac præ-
supponit voluntatem creatam naturaliter ac ne-
cessariò ad unum determinatam, sed quod natura-
liter est determinatum & obligatum ad unum,
non liberum: ergo scientia media non cohæret
cum libertate arbitrii, sed illam evertit. Pro-
batur major primò scientia media respicit ac
præsupponit ipsum futurum contingens ac li-
berum ut ex vi contradictoriarum habet verita-
tem objectivam determinatam ad unum, ante-
cedenter ad omne liberum decretum divinæ
voluntatis illam determinationem causantis:
sed veritas sequitur ad esse, & veritas determi-
nata ad esse determinatum: ergo scientia media
præsupponit & respicit voluntatem creatam de-
terminatam ad unum, videlicet ad unam opera-
tionem, quam infallibiliter præscitur elicitura
& operatura, hoc est enim habere veritatem
determinatam & determinatum esse; sed quod
ex vi contradictoriarum, & antecedenter ad
omne decretum liberum voluntatis divinæ est
determinatum ad unum, necessariò ac natura-
liter est ad unum determinatum: ergo scientia
media

media præsupponit voluntatem creatam naturaliter ac necessariò ad unum determinatam. Prob. hæc minor : quoniam quod ex vi contradictoriarum convenit ex naturali illo principio convenit, *Quodlibet est vel non est* : & quod antecedit primum liberum, ab eo participare libertatem nequit ; voluntas autem divina est primum liberum : ergo quod ex vi contradictoriarum, & antedenter ad omne decretum liberum ipsius divinæ voluntatis est determinatum ad unum necessariò ac naturaliter ad illud determinatum est : Quod autem omnino præcedat primum liberum, prob. præcedit scientiam mediam, qua regulatur divina voluntas : ergo & ipsam voluntatem. Antec. patet. quia scientia media est speculativa : ac subindè præsupponit suum objectum.

501. Prob. secundò : Scientia media respicit certò voluntatem creatam sub talibus ac talibus circumstantiis positam accedente auxilio Dei esse infallibiliter ac necessariò operaturam : sed illa infallibilitas operandi non potest esse nisi per naturalem determinationem ad unum : ergo scientia media respicit vel constituit voluntatem creatam naturaliter ac necessariò ad unum determinatam. Major patet, nam scientia media est certa & infallibilis, & subindè illius objectum etiam debet esse certum & infallibile, quod aliud non est quàm voluntas creata sub talibus & talibus circumstantiis posita, præscita infallibiliter operatura si Deus illi præbeat suum concursus. Minor verò prob. voluntas creata non aliundè habet quòd se infallibiliter ad operandum determinet, quam ex causis naturalibus, ut putà ex naturalibus circumstan-

ciis

tiis loci & temporis, naturali temperamento, objecto naturali, & similibus, quæ omnes sunt causæ naturales : sed determinatio proveniens à causis merè naturalibus est naturalis : ergo illa infallibilitas operandi in voluntate creata non potest esse nisi per naturalem determinationem ad unum. Minor patet nam sicut effectus is liber est, qui à causa libera & liberè agente procedit, ita & effectus debet esse naturalis, qui ex causis naturalibus oritur.

Major verò prob. imprimis illa determinatio infallibilis ad operandum nequit provenire ab ipsa scientia media, quoniam cùm sit speculativa, non facit suum objectum sed supponit illud : immo si ab ea proveniret, determinatio naturalis, esset quia scientia media est naturalis & necessaria, utpote anteverrens omne decretum liberum divinæ voluntatis. Neque illa determinatio potest provenire ab auxilio divino, quia istud non est de se efficax & prædeterminans, secundum adversarios ; sed expectans liberum consensum creatæ voluntatis, à quo redditur efficax : insuper non potest provenire ab aliquo priori actu voluntatis, nam de illo pariter currit difficultas, à quo proveniat quòd voluntas creata illum infallibiliter eliciat ; ergo quòd voluntas creata infallibiliter se determinet ad operandum, habet ex naturali objecto, & circumstantiis in quibus constituitur : namque se infallibiliter determinat, quia congruè vocatur : & vocatur congruè ex complexu illarum causarum naturalium, quod est fatalem quandam necessitatem voluntatis creatæ imponere. Nec valet dicere quòd ipsa met & volunta se determinat liberè, quia semper

per restat difficultas, unde habeat quod se liberè determinet potiùs ad hunc actum quam ad alium, cùm ad utrumque de se sit omnino indifferens. Assignanda est enim aliqua causa illius determinationis; quod namque fit actu, cùm priùs esset in potentia, causam habere debet à qua reducatur ad actum (sicuti fusè probavimus in *opusculo de primo motore*, vide ibi.) Adde, quod si voluntas se se liberè determinat infallibiliter, frustra recurritur ad congruam illum vocationem, unde cognoscere dicitur Deus scientiâ illa mediâ quod voluntas creata infallibiliter consentiet, si congruè vocetur. Et tandem libera determinatio non excludit objectum determinans, est enim voluntas potentia rationalis, & non naturaliter determinata ad unum sicut potentia^l naturales: ergo ab alio motivo habet determinari; proprium autem motivum est objectum proprium: quod si infallibiliter determinat, naturaliter determinat ad unum; sicuti bonum in communi quod infallibiliter determinat voluntatem sui, naturaliter ipsam determinat.

503. Conf. ab æterno infallibiliter cognoscit Deus, quod voluntas creata in talem partem se determinabit: hæc præscientia divina est infallibilis: ergo voluntas creata non potest alteram seu oppositam partem eligere; alioquin falleretur præscientia illa. Et præterea si se inflecteret in aliam partem creata voluntas in tempore, posset Deus aliud scire per scientiam illam mediam, quam ab æterno scivit, & subinde illa scientia esset variabilis. Quæ ratio præsertim robur habet contra illos, qui aiunt, scientiam mediam pertinere ad scientiam simplicis

Art. XIII. An scient. Dei sit, &c. Cap. XV. 731
plicis intelligentiæ, per quam Deus omnino
aliquid scire non potest, quod ab æterno nesci-
vit, ut docet D. Thomas in 1. dist. 39. art. 2.
ergo voluntas creata non erit libera. Nam nulla
alia ratione Adversarii probant per physicam
prædeterminationem everri libertatem arbitrii,
nisi quia eâ positâ nequit voluntas creata in
aliam partem se inflectere. •

Conf. 2. veritas propositionis conditionalis
est, quia sua de inesse, per quam regulatur,
est vera; v. g. ista est vera, si albedo ponatur
in corpore, illud dealbabit, quia ista de inesse,
albedo posita in corpore dealbat, est vera: ergo
datur veritas infallibilis istius conditionalis, si
voluntas libera Petri ponatur in talibus circum-
stantiis infallibiliter operabitur, quia ista est
vera, Petrus positus in talibus circumstantiis
infallibiliter operatur: ergo sicut ante omne de-
cretum liberum suæ voluntatis cognoscit certò
& infallibiliter illam conditionalem, ita &
suam de inesse, videlicet Petrus positus in tali-
bus circumstantiis infallibiliter operatur: sicuti
Deus ante omnem actum suæ liberæ volunta-
tis per scientiam simplicis intelligentiæ certò
cognoscens quod si albedo posita sit in corpore,
dealbabit, cognoscit pariter quod albedo po-
sita in corpore dealbat: ergo ab æterno illa
propositio de inesse, voluntas libera Petri po-
sita in talibus circumstantiis operatur fuit infal-
libilis & necessariæ veritatis, aliàs certò &
infallibiliter cognosci non posset, & subinde
fuit actu connexio inter prædicatum & subje-
ctum; sed non secundum actualem existentiam
extremorum: ergo secundum essentialem ordi-
nem prædicati ad subiectum, & subinde neces-
sitatem

732 *Quaest. XIV. De Scientia Dei,*
sitatem naturalem & absolutam debuit habere
ut præscita per scientiam mediam : ergo peri-
mitur libertas illius operationis.

505. Declaratur præcedens doctrina hoc exemplo
à Sap. M. Lemos adducto : Si positâ passione
appetitus sensitivi antecedente liberum volun-
tatis consensum fieri non posset, ut arbitrium
creatæ illius voluntatis dissentiret, sed infalli-
bile esset quod consentiret, illa passio non sub-
deretur imperio rationis nec libertati volunta-
tis ; sed è contra sibi subderet voluntatem, &
ex necessitate ad consensum determinaret, &
subinde à voluntate libertatem agendi auferret,
ut communiter fatentur Theologi : pari ergo
ratione, si posito naturali temperamento, na-
turali objecto, circumstantiis loci & temporis
arbitrium creatum sub illis constitutum infalli-
biliter consentit, vel operatur, nec potest in
alteram partem deflectere, ex necessitate qua-
dam naturali determinabitur, & sine libertate
consentiet & operabitur ; cùm utrobique sit ea-
dem ratio, & causa naturalis infallibiliter de-
terminans. Et si determinatio proveniens à pri-
ma causa, quæ & substantiam causæ liberæ
creatæ & modum agendi attingit, sua infalli-
bilitate dicitur ab eis arbitrii perimere liber-
tatem, quomodo ista infallibilis determinatio
voluntatis proveniens à causis extrinsecis merè
naturalibus, ac naturaliter de se determinan-
tibus salvabit, & non præcipitabit libertatem
creatæ voluntatis ? Profectò fatum gentilem
dicebatur arbitrii libertatem auferre non alia
de causa, nisi quia existimabatur quædam vis
positionis syderum, vel connexus causarum
antecedens voluntatis humanæ consensum, &
infallibi

Art. XIII. An scient. Dei sit, &c. Cap. XV. 733
infallibiliter seu inevitabiliter voluntatem ad dictum consensum trahens, ut constat ex D. Augustin. *lib. 5. de civit. Dei*: ergo eadem omnino ratione si in complexu circumstantiarum hujusmodi & naturalis temperamenti constituatur vis quædam infallibiliter atque inevitabiliter trahens arbitrium creatum ad consensum, inducitur fatalis quædam necessitas auferens libertatem: Si ergo Deus per illam scientiam mediam cognoscit hominis voluntatem infallibiliter consensuram positam sub talibus circumstantiis, videt utique voluntatem nostram fatali quadam necessitate ad consensum trahi; & subinde cum libertate arbitrii non cohæret.

Tandem in Angelis naturale temperamentum, & hujusmodi circumstantiæ locum non habent: attamen Deus per scientiam mediam debuit cognoscere certò Angelos, qui facti sunt salvi, fuisse salvandos si tali gratia excitarentur: futile ergo est ad illa recurrere. Nec dici potest, quod ex Angelorum individua ratione provenit, quòd congruè vocati consentirent: quoniam cum omnia, quæ ad hanc individuationem pertinent, naturalia sunt, idem sequeretur inconveniens, quòd videlicet illa determinatio esset naturalis. 506.

Hæc absurda & inconvenientia, hisque similia quidam animadvertentes in solam arbitrii libertatem reducunt illius infallibilitatem consensus. Sed quoniam liberum arbitrium de se ad utrumlibet se habet, nec infallibilitatem aut necessitatem sortiri potest, nisi ex hypothesi quòd sit in actu, affirmant Deum per scientiam mediam de futuro conditionato infallibilem habere 507.

bere cognitionem ac præscientiam duntaxat in secundo instanti, in quo intelligitur existens & factum in actu. Sed hoc jam supra manet impugnatum: etenim liberum arbitrium sit in actu & existit actu operans, quatenus est in seipso: sed ab æterno in seipso non est actu, sed in causis suis, quia ab æterno nihil est: ergo cum ab æterno certò & infallibiliter cognoscatur à Deo, non potest cognitionis certitudo ad illam confictam existentiam seu principium reduci, sed ad aliquam causam in qua futurum habeat esse determinatum ab æterno: sed non ad illius causam proximam, quæ ab æterno non est: ergo ad Deum seu causam æternam, & ab æterno de rebus in tempore futuris disponentem: sed primum principium operandi ad extra in Deo est divina voluntas, operatur enim ad extra quia vult, & secundum consilium seu propositum suæ divinæ voluntatis: ergo illa determinatio futuritionis in divinam voluntatem tanquam in primam radicem sui reduci debet.

508. Secundò prob. eadem secunda pars minoris: impossibile est, quod aliquis actus sit liber per ordinem ad voluntatem creatam, qui sit necessarius & carens libertate per ordinem ad divinam: sed actus ille terminans scientiam mediam & præscitus per illam respectu Dei seu per ordinem ad voluntatem divinam est omnino necessarius: ergo nequit simpliciter esse liber, sed debet omnino esse necessarius per habitudinem ad voluntatem creatam. Major constat, quoniam omnis libertas reperta in actu voluntatis creatæ est participatus à primo libero, illicque essentialiter subordinatus; & præ-
terea

Art. XIII. An scient. Dei sit, &c. Cap. XV. 735
 terea nihil in creaturis est, aut sit quod Deus
 quoad bona fieri non voluerit, aut permiserit
 quoad mala: & cum voluntas Dei sit efficacis-
 sima, si vult illa fieri necessariò; fiunt necessariò
 si liberè, liberè, ut docet D. Th. infrà 9. 19. art. 8.
 Minor verò prob. primo libertas voluntatis di-
 vinæ non potest esse aut intelligi, nisi per hoc
 quod actu & liberè vult seu decernit atque con-
 stituit aliquid fieri: sed in eo signo, in quo
 scientia media præscit ac prævidet aliquid con-
 ditionatè futurum; utpote convertendum Pe-
 trum si in talibus & talibus circumstantiis po-
 situs vocetur, nullum adhuc datum, aut con-
 cipitur in voluntate divina decretum actuale &
 exercitum, quo Deus liberè constituat con-
 vertere Petrum ex hypothesi quòd in talibus &
 talibus ponatur circumstantiis in quibus voca-
 tus consentiat: ergo ille actus voluntatis crea-
 tæ, nimirum conversio v. g. non est liber per
 ordinem ad voluntatem divinam. Prob. minor:
 nam si pro eo signo daretur aliquod decretum
 divinæ voluntatis, jam istud antecederet scien-
 tiam mediam, istaque omnino libera esset tam
 ex parte subjecti, quam ex parte objecti; sub-
 indeque non esset distincta à scientia visionis ac
 libera Dei.

Conf. 1. nequit actus esse liber nisi volunta-
 ti proponatur objectum cum iudicio indiffe-
 renti, ut possit eligere unam partem præ alia:
 unde actus voluntatis circa bonum in commu-
 ni & universale non est liber sed necessarius,
 quoniam cum iudicio indifferenti non propo-
 nitur, sed ut determinatè amandum, bonum
 enim est id quod omnia appetunt: sed scientia
 media non proponit voluntati divinæ objectum

509.

736 *Quaest. XIV. De Scientia Dei,*
ut movens sub aliqua indifferentia, sed ut certum ac determinatum: ergo respectu illius sic propositi nequit salvari libertas in actu divinæ voluntatis. Prob. minor scientia media versatur circa futurum ut habet determinatam veritatem objectivam, & subinde certum & determinatum esse; v.g. circa hoc futurum Petrus converteretur si ponatur in talibus circumstantiis, versatur cognoscendo infallibiliter fore ut Petrus se convertat in talibus circumstantiis constitutus, & hoc proponit voluntati divinæ ut certum: ergo scientia media non proponit voluntati divinæ objectum ut movens sub aliqua indifferentia, sed ut certum ac determinatum, ita ut non remaneat voluntati divinæ arbitrium ad declinandum in partem oppositam; sicuti non potest enim scientia media non cognoscere illud, ita nec voluntas velle; alioquin fallibilis esset illa præscientia voluntate divina in alteram partem declinante.

- § 10. Conf. 2. Quod antecedenter se habet ad libertatem inferens infallibiliter effectum tollit libertatem; & exinde Adversarii, probare se autumant per Physicam prædeterminationem à Thomistis assertam everti creatæ voluntatis libertatem, quoniam ista præcedit liberum consensum liberæ voluntatis creatæ, & infallibiliter infert illum: sed sciëntia media præcedit decretum liberum divinæ voluntatis, & ex alia parte infallibiliter infert effectum, nempe consensum liberæ voluntatis præscitum determinatè futurum sub his circumstantiis: ergo omnino non est in potestate voluntatis divinæ ut aliud velit, aut in potestate voluntatis creatæ ut aliud faciat, alioquin præscientia illa falleretur.

Art. XIII. An scient. Dei sit, &c. Cap. XV. 737
retur. Sed de hac materia plura infrà *quæst.* 19.
ac 23. & 1.2. agentes de motivo voluntatis hu-
manæ, & de gratia subjiciemus Deo placidè
annuente. Interim consule R. P. Gonet hic
disp. 6. *art.* 6. ubi pluribus absurdis & inconve-
nientibus, quæ ex positione scientiæ mediæ
consequuntur, illam confutat: à quibus absti-
nemus, quoniam materiam de voluntate Dei,
de prædestinatione, de gratia, ac similes quæ-
stiones concernunt, & ibi propriam disputa-
tionis sedem habent. His impræsentiarum con-
tenti sumus.

C A P U T XVI.

*Solvantur argumenta quibus scientia mediæ
fautores illam stabilire conantur.*

§. 1.

*Solvitur primum argumentum desumptum ex cele-
berrimo illo S. Scripturæ testimonio, Væ tibi
Corozaim, væ tibi Bethsaida, &c. Matthæi
cap. 11. & Luca cap. 10.*

ARg. 1. Deus certò & infallibiliter novit
multa futura fore, si tales condiciones ad-
hiberentur, quæ tamen non erunt: sed futura
hujusmodi certò & infallibiliter in decreto ef-
ficaci seu determinatione suæ divinæ volunta-
tis illa prædefinientis non cognoscit: ergo per
scientiam illam mediam, sive præscientiam
conditionatam. Maj. ex dictis constat. Minor.
prob. ex apertissimo illo Scripturæ Sacræ testi-

§ 11.

738 *Quaest. XIV. De Scientia Dei,*
monio, quòd de Tyrionum ac Sydoniorum con-
versione ut certò futurà prænuntiavit Christus
Lucæ 10. & Matth. 11. dicens: *Va tibi Corozaim,*
va tibi Bethsaida, quia si in Tyro & Sydone facta
fuissemus virtutes, qua facta sunt in vobis, olim
in cilicio & cinere pœnitentiam egissent. In quo
testimonio non continetur simplex duntaxat
prædictio de conversione illà certò futurà (po-
sità conditione, quòd eis prædicasset Christus,
& coram ipsis miracula patrasset) sed increpa-
tio & objurgatio quædam incredulitatis Ju-
dæorum, qui ut visis signis atque miraculis
Christi Domini pœnitentiam non egerunt,
quam proculdubio Tyrîi & Sydonii acturi
erant, si eadem signa & miracula apud eos fe-
cisset; sed ejusmodi objurgatio inanis penitus
atque injusta foret judicanda, si pœnitentia
illa Gentilium, sub prædicta conditione certò
futurà, in decreto efficaci divinæ voluntatis
ex parte objecti conditionato, à Deo cognita
fuisset: ergo hujusmodi conversionem & pœ-
nitentiam, aut alios quosvis similes eventus
sub conditione futuros, non cognoscit Deus
in decreto seu determinatione efficaci suæ vo-
luntatis. Mai. ex ipso contextu patet. Et ita
explicuit S. Hieronymus in Catena D. Thom.
ad dictum cap. 11. Matth. dicens: *Exprobratio*
civitatum Corozaim & Bethsaida, & Caphar-
naum capituli hujus titulo panditur, quòd ideo
exprobraverat eis, quia post factas virtutes & si-
gna quamplurima non egerint pœnitentiam.

§ 12. Minor verò prob. Quia non apparet, cur Do-
minus justè increpare & objurgare potuerit Ju-
dæos comparatione illarum gentium, si istæ
duntaxat convertendæ erant ex vi divinæ vo-
luntatis

Art. XIII. An sciēt. Dei sit, &c. Cap. XVI. 739
luntatis ita prædefinientis, & ex interiori dono gratiæ efficacis, quodd Deus illis ab æterno decreverat concedere, si illis Evangelium annuntiaret, & coram ipsis virtutes atque signa faceret, cum judæi ejusmodi auxilium non forent recepturi. Poterant enim tunc justam excusationem prætere & Christo respondere, concede nobis donum hoc, quod daturus eras gentibus illis, si eis Evangelizasses, atque apud ipsos miracula fuisses operatus, & pariter nos converteremur, atque pœnitentiam agemus: cur ergo nos comparatione illorum damnas, qui non accepimus unde converteremur, quod illi accepturi sine dubio erant.

Conf. 1. increpatio unius personæ præ alia tunc injusta habetur, si ex parte utriusque non reperiatur æqualis virtus & sufficiens potestas ad agendum ante omnem actionem, vel omissionem culpabilem illius quod agendum est: sed in eo casu, quo cognosceretur futura illa gentium conversio in decreto efficaci divinæ voluntatis, quo sub conditione illam conversionem decreverat, non foret æqualis virtus & sufficiens potestas in populis Corozaim, & Bethsaïdæ, sicuti foret in Tyriis & Sydoniis: ergo ejusmodi objurgatio à Christo facta populis Corozaim & Bethsaïdæ comparativè ad Tyrios & Sydonios esset injusta. Maj. variis exemplis declarari potest: Nam si Dominus habens duos servos, alteri illorum decem scutorum aureorum millia traderet, & alteri mille duntaxat, ad negotiandum, injustè idem lucrum ab ambobus exigeret; æqualis enim pecunia non fuit utrique commissa. Similiter exhibendus foret concionator, qui suos objurgaret audito-

513:

res, quòd ad tantam virtutem, excellentiamque non pervenerint, ad quantam attigit Beatissima Virgo Maria mater Domini, quæ singulariter fuit gratiæ benedictionibus à Deo præventa: aut iterum, quòd ipsi venialiter peccent, cum tamen Christus venialiter non offenderit, qui nullatenus peccare poterat. Min. verò prob. quia gentiles illi sub conditione pœnitentiam acturi præviderentur à Deo in decreto illo efficaci dandi ipsis donum illud intèrioris gratiæ efficacis, sine qua illa conversio minimè futura esset: sed hujusmodi donum non acceperant Judæi, neque illud Deus ipsis concedere decreverat: ergo in eo casu, quo à Deo cognosceretur futura illa gentium conversio in decreto efficaci suæ voluntatis, sub conditione illam decernentis, non foret æqualis virtus & sufficiens potestas in populis Corozaim & Berthsaida, quæ futura foret in Tyriis & Sydoniis.

§ 14. Adde, quòd gentiles illi absque illa libertate & merito suo longè melius essent præparati atque prædispositi quam Judæi, qui nulla etiam potestate libera, & nulla actione, aut omissione culpabili minorem illam dispositionem & habitudinem susceperunt, quique majorem sua electione accipere non potuerunt, si discrimen & discretio consistere dicatur in carentia prædefinitionis pœnitentiæ circa Judæos, & in prædefinitione conditionali circa gentilium conversionem atque pœnitentiam sub illa conditione futuram.

§ 15. Conf. 2. increpatio illa fuit argumentum quoddam, quo Christus à paritate gentilium duritiam Judæorum increpare & demonstrare intendit,

Art. XIII. An sciēt. Dei sit, &c. Cap. XVI. 741
intendit, eo quòd tot visis miraculis atque signis conversi non fuissent, quæ si apud gentiles operatus esset Dominus, dubio procul in meliorem frugem se recepissent pœnitentiamque egissent: sed ut argumentum à paritate rationis factum sit validum & efficax, debet inter utrumque comparationis extremum salvari paritas omnimoda, alioquin reddita disparitate evidentem solutionem acciperet: ergo nisi Judæi omnino æquales supponantur gentilibus, tam in his quæ concurrunt per modum actus primi, quàm in decreto prædefiniente, omnino inefficax erit Christi argumentum contra Judæos ab exemplo gentilium desumptum.

Resp. ad arg. Christum reipsa quidem certò præscivisse futuram illarum gentium conversionem, si coram eis prædicaret, virtutesque illas faceret, quas alibi fecit, uti sæpiùs citatus S. Augustinus docet *lib. de dono perseverant. cap. 9.* Certum etiam est atque indubitatum, Christum Dominum certam cognitionem illius futuri conditionati non habuisse, aut in exteriori Evangelii prædicatione, aut in virtutibus & miraculis externis, aut in libero arbitrio illarum gentium, quod à Christo præscitum fuerit positis illis duntaxat verbis & signis exterioribus, hoc enim asserere Pelagianum est. Ejusmodi igitur futurum conditionatum Christus certò novit in decreto efficaci suæ divinæ voluntatis, ex parte objecti conditionato. Unde ad arg. in forma respondetur neg. min. Ad cujus prob. neg. etiam min. Ad istius prob. dicendum, quòd quanvis Tyrii & Sidonii tunc de facto converterentur, quoniam illis à Deo daretur unde

516.

742 *Quæst. XIV. De Scientia Dei,*
efficaciter , ad Christum venirent , justissima
tamen de causa Judæi comparatione illorum vi-
tuperantur , qui habentes sibi tot & tanta à
Deo collata auxilia atque beneficia sufficientia
ad conversionem , inter quæ erant Christi præ-
dicatio , & patrata miracula , nec interiùs
deerant quædam mentis illustrationes atque
excitationes , ex suâ tamen malitiâ , pravaque
& obdurata voluntate illi resisterunt. Unde
Actor. 7. cap. de illis dicitur : *Dura cervice &
incircumcisis cordibus vos semper Spiritui sancto
resistitis, sicut Patres vestri, ita & vos.* In quæ
verba S. Chrysost. *Quando volebat esse sacrificia,
sacrificabatis ; quando volebat iterum non sacrifica-
batis : quando noluit dare vobis precepta require-
batis : quando accepistis , neglexistis. Iterum quan-
do stabat templum , idolis serviebatis : quando vult
absque templo sibi servire , iterum contrarium fa-
citis.* Quemadmodum itaque illi qui credunt ,
licet eis datum sit ut credant , tamen de hoc
meritò laudantur , ita etiam quia Evangelio
non crediderunt , habitatores Corozaim &
Bethsaida justissimè à Christo vituperantur ,
quoniam resisterunt , quippe qui incircumciso
& obdurato corde erant. Hæc solutio desumi-
tur ex D. Augustino lib. citato de dono Perse-
ver. cap. 9. ubi ait : *Facile quippe est ut infideli-
tatem accusamus Iudeorum de libera voluntate
venientem, qui factis apud se tam magnis virtuti-
bus credere noluerunt.* Notanda illa verba : *In-
fidelitatem accusemus de libera voluntate venien-
tem.* Quibus perspicuè indicat S. D. eis impu-
tandum quòd non crediderint , & de hoc justè
à Christo reprehendi. Quia quòd defuerit illis
gratia ex eorum propria malitia & obstinatione
provenit.

Art. XIII. An sciēt. Dei sit, &c. Cap. XVI. 743
provenit. Quemadmodum enim docet D. Th.
1. 2. quæst. 109. art. 8. Defectus gratiæ prima
causa ex nobis est, collationis autem illius
prima causa est ex Deo. Similiter ex defectu
ipsius hominis est, quodd se ad gratiam haben-
dam non præparet. Unde propter hoc à pecca-
to non excusatur, quodd sine gratia peccatum
vitare non potest. Itaque Judæi ob majorem
obdurationem justè reprehenduntur, quodd ob-
staculum suæ conversioni apposuerint, quodd
populi Sidonis & Tyri non apposuisent. Quodd
insinuat D. August. in eodem lib. cap. 14. his
verbis : *Cur non poterant credere Judæi non ta-
cuit Evangelium dicens : Cùm autem tanta si-
gna fecisset coram eis, non crediderunt in eum,
ut sermo Isaïa Propheta impleretur, quem di-
xit : Domine quis credidit auditui nostro, &
brachium Domini cui revelatum est ? Et ideo non
poterant credere, quia iterum dicit Isaïas : Ex-
cacavit oculos eorum & induravit cor illorum,
ne videant oculis, nec intelligant corde, & con-
vertantur, & sanem illos. Non erant ergo sic ex-
cacati oculi nec sic induratum cor Tyriorum & Si-
doniorum, quoniam credidissent, si qualia viderunt
isti signa vidissent.*

Sed dices : Quodd Judæi essent magis obdurati
ex eo fuit, quodd eis collatum auxilium non
fuerit quod quidem Tyriis & Sidoniis conces-
sum fuisset : ergo cùm illa gratiæ & auxilii col-
latio in manu Dei sit, & non ipsorum, Judæo-
rum, non videtur cur justè illis imputari po-
tuerit illa major obduratio, ob quam visis
tot miraculis, & auditâ Christi prædica-
tione pœnitentiam non egerunt. Antece-
dens sumitur ex Augustino loco citato, ubi
hæc

517.

744 *Quaest. XIV. De Scientia Dei,*
hæc subjungit verba : *Sed nec illis profuit, quòd
poterant credere, quia prædestinati non erant ab eo,
cujus inscrutabilia sunt judicia, & investigabiles
via: nec istis obsuisset quòd non poterant credere, si
ita prædestinati essent, ut eos cæcos Deus illumina-
ret, & induratis cor lapideum vellet auferre.*

518. Deinde, quia ibi non confert Christus impe-
dimenta à Judæis apposita cum impedimentis,
quæ Tyrii & Sidonii objecerunt, sed solummo-
do pœnitentiam istorum conditionatè futuram
cum impœnitentia Judæorum visis tot signis ac
virtutibus, seu exclusione libera pœnitentiæ in
Judæis, ipsòsque coarguit, quòd pejores sint
quàm fuerint Tyrii & Sidonii : sed quia ma-
gis obfirmati sint in criminibus quàm illi futu-
ri essent, si apud eos factæ fuissent illæ virtutes:
ergo non sufficit, si dicatur Judæos quidem
fuisse justè reprehensos, quia majora impedimen-
ta Dei gratiæ apposuerint & se illà magis reddi-
derint indignos.

519. Ad 1. instant. resp. ex Sanct. Doct. 1. 2. q. 79. a. 3.
primò & per se majorem illam obdurationem ex
negatione auxilii non provenire, sed ex mala &
depravata peccantium voluntate. Verum est
tamen, quòd si Deus magnâ suâ misericordiâ
illos prævenisset auxilium aliquòd gratiæ efficax
conferendo, omnem illam obdurationem vel
prohibuisset vel abstulisset, cor eorum lapideum
emolliendo, & dando cor carneum, ut indi-
cant illa Augustini verba. Sed quia auxilium
illud debitum non erat, immo ad illud recipien-
dum se omnino indignos effecerant, atque red-
diderant, idcirco totum illud obdurationis ma-
lum sicuti primæ & per se causæ depravatæ eo-
rum voluntati tribuitur.

Unde

Unde non comparat Christus quomodocum- § 20.
que pœnitentiam futuram Tyri ac Sidonis po-
pulorum cum obduratione & impœnitentia Ju-
dæorum ut istos accuset & increpet ; sed assi-
gnando radicem hujusmodi impœnitentiæ in Ju-
dæis depravatam omnino & adulteratam eorum
voluntatem. Quippe qui prædicationem Christi
audiebant & miracula videbant , non ut con-
verterentur & in meliorem frugem se reciperent
sed potius ut irriderent , calumniarentur , & eo-
rum auctori liberiùs detraherent , sicut docent
Chrysostomus , & Hieronymus in *Catena Divi*
Thomæ ad cap. 12. Matthæi , & communiter
Patres atque interpretes. Ex quibus ad 2. In-
stant. pater.

Sed rursus instabis : Sicuti efficax gratiæ § 21.
auxilium non confertur propter dignitatem homi-
nis , sed ob maximam Dei misericordiam , qui
cui vult miseretur , ita etiam videtur omnino
negari non debere propter hominis indignita-
tem. Et dato quòd aliquod hujusmodi efficax
gratiæ auxilium propter præcedens peccatum
denegetur , hoc ipsum revocandum erit in præ-
viam voluntatem atque determinationem Dei ,
quàm pro suo nutu & arbitrio facit.

Resp. ex doctrina Sancti Augustini & Tho- § 22.
mæ illis, quibus ejusmodi gratiæ auxilium con-
ceditur , misericorditer equidem dari : illis au-
tem quibus non datur , justo Dei judicio dene-
gari , semper tamen ob aliquam ipsorum indi-
gnitatem , saltem ob ipsum peccatum originis,
uti fusiùs alibi dicetur.

Ad illud quod additur dicimus : quòd sicut , § 23.
in adversariorum sententia , Deus præscivit
multos si congruè vocarentur consensuros &
credituros,

746 *Quaest. XIV. De Scientia Dei,*
credituros, v.g. Tyrios & Sidonios, de quibus
movetur tanta quaestio, quibus tamen ejusmodi
vocationis congruæ beneficium non est elargitus,
tum quia, ut illi inquirunt, illis debita non erat,
tum ob alia in eis puniēda peccata, quod quidem
justè præstitit: ita & auxilium efficax aliquibus
denegatum fuisse asserimus: tum quia illis de-
bitum minimè erat, tum ob eorum peccata. Et
denique tandem velint, nolint, ad divinam
voluntatem deveniendum est, quæ quare hunc
trahat, illum non trahat, noli velle judicare
si non vis errare. Unde Augustinus lib. de dono
persever. cap. 12. *Conficitur itaque gratiam Dei
non secundum merita accipientium dari, sed secun-
dum placitum voluntatis ejus in laudem & gloriam
ipsius gratia ejus, ut qui gloriatur, nullo modo
in seipso, sed in Domino gloriatur: qui omni-
bus dat quibus vult, quoniam misericors est,
quod & si non det justus est: & non dat, quibus
non vult, ut notas faciat divitias gloriae suae in
vasa misericordiae. Dando enim quibusdam quod
non merentur, profectò gratuitam & per hoc ve-
ram suam gratiam esse voluit: Non omnibus
dando, quid omnes mererentur, ostendit. Bonus
in beneficio certorum, justus in judicio cetero-
rum. Et suprà cap. 12. Proinde sicut Apostolus
ait. Non volentis neque currentis, sed miseren-
tis est Dei, qui & parvulis quibus vult, etiam
non volentibus neque currentibus subvenit, quos
ante constitutionem mundi elegit in Christo, da-
turus etiam eis gratiam gratis, hoc est, nullis
eorum vel fidei vel operum meritis praecedentibus:
& majoribus etiam his quos praevidit, si apud eos
facta essent, suis miraculis credituros: quibus
non vult subvenire, non subvenit, de quibus in sua
prædestina*

Art. XIII. An scient. Dei sit, &c. C. XVI. 747
prædestinatione occultè quidem, sed justè aliud
judicavit: non enim est iniquitas apud Deum,
sed inscrutabilia sunt judicia ejus, & investiga-
biles viæ ejus. Universa autem viæ Domini mi-
sericordia & veritas. Investigabilis est ergo mi-
sericordia, quâ cujus vult miseretur, nullis ejus
præcedentibus meritis: & investigabilis veritas,
quæ quem vult obdurat, ejus quidem præceden-
tibus meritis, sed cum eo cujus miseretur plerum-
que communibus.

Resp. quidam ad 1. Conf. dist. maj. increpa-
 tio unius personæ præ alia injusta judicatur si
 ex parte utriusque non reperitur æqualis vir-
 tus, quantum ad actum primum, supra quem
 obligatio fundatur, conc. Quoad actum se-
 cundum vel applicationem ad illum, quæ obli-
 gationem supponit, neg. maj. Et distinctâ mi-
 nori eodem modo, negatur consequentia. Ra-
 tio est, qui justè increpetur unus præ alio. suffi-
 cit quodd æqualiter sint obligati, & unus trans-
 grediatur altero non transgrediente, sed ad-
 implente obligationem, quæ quidem supra pos-
 se fundatur, non verò super actum vel applica-
 tionem ad illum. Et quia decretum prædetermi-
 nativum non dat posse sed supponit, & ad ipsum
 actum efficaciter applicat, hinc est quodd inequa-
 litas ex illo proveniens non obstat justæ incre-
 pationi etiam comparativæ, dummodo in po-
 tentia æqualia supponantur extrema, ut in præ-
 senti contingit. Neque exemplum servorum
 ad rem est, quia inter illos est inæqualitas etiam
 in actu primo, non enim potest unus tantun-
 dem mille aureis lucrari, quantum alius decem
 millibus. Idem dic proportione servata de aliis
 exemplis. Ita Illustrissi. Dominus Godoy hic
 tract.

748 *Quaest. XIV. De Scientia Dei*,
 tract. 4. disput. 36. §. 5. num. 112. & M. Ferrè
 tract. 6. quaest. 9. §. 1. num. 118. ubi paulò immu-
 tatis verbis eandem solutionem tradit dicens;
 quòd licet Judæi & Gentiles fuissent inæquales
 in prædefinitione divinâ & efficacia auxilii,
 fuerunt tamen æquales in sufficientia auxilio-
 rum, ex qua sola oritur obligatio ad bene ope-
 randum. Et cùm Judæi malè operati sint, &
 Gentiles bene operaturi prævisi, ideo justè
 comparativè ad Gentiles reprehenduntur. Quia
 obligatio bene operandi oritur ex præcepto
 & ex posse illo, & non ex prædefinitione.

525. Resp. 2. dist. maj. increpatio unius personæ præ
 alia injusta judicatur si ex parte utriusque non
 reperiatur æqualis virtus ad agendum, si carentia
 illius virtutis non sit ob culpam & defectum,
 vel indignitatem ejus qui illâ privatur, seu cui
 non est concessa, transeat: si sit ob culpam, in-
 dignitatem, vel defectum illius, qui caret illa,
 nego major. v. g. in exemplo ab adversariis ad-
 ducto de duobus servis, si ille qui habuit mille
 duntaxat, posset decem millia habere sicuti alter,
 non habuit verò, quia noluit immò obstaculum
 apposuit, justè objurgandus veniret, si tantundem
 lucri non afferret, qui posset tantundem acci-
 pere, & luctari, ipse sua culpa non accepit,
 immò oblata recusavit. Quemadmodum autem
 ex D. Thoma diximus, quòd homo non acci-
 piat gratiam prima causa est ex ipso, illiusque
 ex defectu & indignitate contingit; unde me-
 ritò & justè increpatur si non acceperit, quia
 quod non acceperit ipse in causa fuit. Et distin-
 min. in eo casu non foret æquale auxilium, ob
 culpam & indignitatem Judæorum, concedo:
 absque eorum indignitate & culpa, nego min.
 &

Art. XIII. An scient. Dei sit, &c. C. XVI. 749
& conseq. Ad alia exempla de Beata Virgine,
& Christo adducta dicimus, ea non esse ad rem
quoniam habere tantam & tam excludentem
gratiam est ex dono Dei, sed ponere obstacu-
lum gratiæ Dei absolutè est primariò ex volun-
tate hominis, quapropter cùm judæi increpen-
tur & accusentur à Domino, non quòd non ha-
buerint tantam vel tam excellentem gratiam,
sed quod gratiæ, per quam converti poterant
ad Dominum, obstaculum apposuerint, quod
non apposuisent Tyrii & Sidonii, justè objur-
gantur à Domino facta comparatione ad istos.

Ad prob. minoris dicimus, quòd equidem 526.
Gentiles illi sub conditione pœnitentiam actu-
ri præviderentur à Deo in decreto efficaci suæ
divinæ voluntatis dandi illud interioris gratiæ
donum, sine qua illa conversio nullatenus fu-
tura esset, & hoc ex mera Dei misericordia,
quoniam illud habere non est volentis, neque
currentis sed Dei miserentis: sed & prævide-
bantur obstaculum non apposituri gratiæ Dei
excitanti illis concedendæ, scilicet prædicatio-
ni Christi, & miraculis visis, aut etiam inte-
riori illuminationi, per quam sufficienter pos-
sent bene operari; cui restiterunt judæi, utpo-
te obdurati corde resistentes semper Spiritui
sancto: & de hoc increpantur justè comparatio-
ne factâ ad Tyrios atque Sydonios, quoniam
hoc quod est non resistere in potestate illorum
erat; & subinde meritò de hac resistantia judæi
à Christo reprehenduntur. Quæ doctrina de-
sumitur ex D. Thoma lib. 3. contra gent. cap.
159. ubi hoc argumentum objicit. *Cùm in finem
ultimum aliquis dirigi non possit sine auxilio gra-
tiæ, sine qua etiam non potest habere fidem, spem,
dilectionem*

750 *Quaest. X IV. De Scientia Dei,*
dilectionem atque perseverantiam, potest alicui
videri quod non sit homini imputandum si praedictis
careat, praecipue cum auxilium gratia mereri non
possit nec ad Deum converti nisi Deus eum conver-
tat: Et respondet Sanct. Doct. Ad hujus dubi-
tationis solutionem considerandum est, quod licet
aliquis per motum advocare possit, potest tamen
seipsum impedire ne eam recipiat: & cum hoc sit
in potestate liberi arbitrij, non immerito imputa-
tur ei, qui impedimentum praestat gratia rece-
ptioni.

527. Ad 2. Conf. resp. quod exemplum à paritate
 rationis desumptum non ambulat per quatuor
 pedes veluti asinus, ut vulgò dicitur, sed pari-
 tas admittitur quantum intento deservit. Ut
 autem sciatur quodnam fuerit Christi intentum
 notandum venit ex Rabano *lib. 4. in Matth.*
 quod postquam Discipulos suos Dominus ad
 praedicandum mittens verbis instruxit, ipse
 etiam quod docuerat verbis, factis implevit,
 offerens primam praedicationem Iudæis: *Et*
factum est (inquit cap. 11.) cum consumasset
Iesus, praecipiens duodecim discipulis suis, tran-
sit inde ut doceret & predicaret in civitatibus eo-
rum. Cum per miracula & doctrinam Christi
 tam discipuli, quam turbæ instruerentur, ejus-
 modi instructio ad Ioannis discipulos pervenit,
 ex quibus ipse duos jam in carcere constitutus
 ad Christum misit, ut interrogaret eum, utrum
 esset Messias qui à populo Iudæorum expecta-
 batur. Christus editis illico multis miraculis
 fecit eos discere quisnam ipse esset, Messias
 nimirum: & sic instructos remisit ad Ioannem.
 Horum interrogatione cum plebs adstans in
 quandam suspicionem deducta esset & ignoran-
 tiam

Art. XIII. An scient. Dei sit, &c. C. XVI. 751
tiam de Christo (ignorabat enim mittentis
consilium) Christus ejusmodi suspicionem &
ignorantiam à mentibus eorum auferre cœpit,
ostendens Ioannem à priori opinione nullatenus
excidisse, quam promulgaverat de Christo
annunciando ipsum esse verum Messiam. Completo
Ioannis elogio transiit ad objurgandum ipsam
plebem dicens : *Suavitatem similem æstimabo
generationem istam ? Similis est pueris sedentibus
in foro, qui clamantes coequalibus dicunt :
cecinimus vobis & non saltastis, lamentavimus &
non planxistis. Venit enim Ioannes non manducans
neque bibens, & dicunt, demonium habet : venit
filius hominis manducans & bibens, & dicunt,
ecce homo vorax & potator vini, publicanorum &
peccatorum amicus. Et justificata est sapientia à
filiis suis.* Totus hic Christi sermo, ut notavit D.
Hilarius *can. 11. in Matth.* infidelitatis opprobrium
est, & de affectu superioris querimonie descendit,
quia insolens plebs per diversa sermonum genera
docta non fuerit. Q. d. Tantus est Ioannes, sed
vos nec illi nec mihi voluistis credere : ideo cui
vos similes æstimabo ? Cecinimus vobis, & non
saltastis, hoc est, provocavimus vos ut ad nostrum
canticum bona opera ederetis & nolulistis ; lamentari
sumus, & vos ad pœnitentiam provocavimus, & neque
hoc quidem facere voluistis, utramque spernentes
prædicationem tam exhortationis ad virtutem,
quàm pœnitentie post peccata, ut explicat D.
Hieronymus. Remissam vitam ostendi, & non
persuasi estis. Ioannes duram sustinuit vitam &
non attendistis, sicut exponit Chrysostomus. Sed
si vos persuasi non estis, jam tamen me incusare non
habetis, justificata

752 *Quest. XIV. De Scientia Dei*,
 est enim sapientia à filiis suis, hoc est; Dei
 dispensatio atque doctrina. *Tunc*, ait Matthæus,
cæpit exprobrare civitatibus, in quibus facta sunt
plurime virtutes ejus, quia non egissent pæniten-
tiam. Ve tibi Corozaim, ve tibi Bethsaïda, &c.
 Erant hæ duæ civitates Galileæ sitæ in littore
 maris ejusdem: quis nominatim increpavit,
 quoniam cùm tanta in eis miracula & signa
 patrasset, & toties eis Evangelisasset, nec ta-
 men converti volebant. Objurgat autem com-
 paratione facta ad Tyrum & Sydonem urbes
 Phœnicis, idololatriæ deditas, ut notat D.
 Hieronymus, *Quia*, inquit, *si in Tyro & Sy-*
done facta fuissent virtutes, quæ facta sunt in vo-
bis, olim in cilicio & cinere pænitentiam egissent.
 Cujus objurgationis causam reddens idem S. D.
 ait: *Quia Tyrus & Sydon naturalem tantum le-*
gem calcaverant, istæ verò civitates post trans-
gressionem naturalis legis & Scripturæ, etiam si-
gna, quæ apud eos facta sunt, parvi duxe-
runt.

§ 18. Quibus suppositis resp. quòd equidem incre-
 patio illa fuit argumentum quoddam quo à pa-
 ritate Gentilium duritiam Judæorum, & præ-
 fertim civium Corozaim & Bethsaïda Christus
 increpare intendit. Paritas autem in hoc sistit,
 quòd si Tyriis & Sydoniis datum esset audio
 doctrinam Christi, tot & tanta videre miracu-
 la, similiaque gratiæ sufficientis auxilia ea non
 neglexissent, sicut neglexerunt Judæi pervica-
 ces & obstinati, non negligendo haberent un-
 de venire possent, nec demererentur habere
 unde venirent, auxilium videlicet gratiæ effi-
 cacis; quo se penitus indignos reddiderunt Ju-
 dæi illi in sua obduratione persistentes & Spi-
 ritui

'Art. XIII. An. sciēt. Dei sit, &c. Cap. XVI. 753
ritui sancto resistentes. Et de hoc iustissime
objurgantur. Neque in alio fundatur paritas à
Christo intenta. Et in hoc respicitur quodam-
modo æqualitas inter utrosque quoad sufficien-
tiam auxiliorum, sed disparitas in prauitate vo-
luntatum, & excæcatione cordium. Hanc ex-
plicationem inſinuat D. Augustinus lib. de do-
no perseverant. capit. 14. dicens : *Præcivit*
profectò Deus beneficia sua, quibus nos liberare
dignatur; hac autem est prædestinatio sanctorum,
præscientia scilicet & præparatio beneficiorum Dei,
quibus certissimè liberantur quicunque liberantur.
Cæteri autem nonnisi in massa perditionis justo di-
vinoque iudicio relinquentur, ubi Tyrii relictii
sunt & Sidonii, qui etiam credere poterant. Sed
quoniam ut crederent non erat eis datum, & unde
crederent est negatum. Notanda illa verba, *pote-*
rant credere, &c. per quæ designantur gratiæ
sufficientis auxilia, quæ dant posse. Ex quibus
patet quòd paritas illa est in ordine ad auxilia
sufficientia : quibus datis restiterunt habitato-
res Corozaim & Bethsaïda, & parvi ea pen-
derunt, non autem Tirii & Sidonii. Unde S.
D. statim subdit : *In eadem perditionis massa re-*
lictii sunt etiam Iudei, qui non potuerunt credere
factis in conspectu suo tam magnis, clarisque vir-
tutibus. Cur enim non poterant credere non tacuit
Evangelium dicens : *Cum autem tanta signa fe-*
cisset in eis, non crediderunt in eum, ut sermo
Isaiæ Propheta impleretur, quem dixit, Domi-
ne quis credidit auidiui nostro, & brachium Do-
mini cui revelatum est? Et ideo non poterant cre-
dere, quia iterum dixit Isaias : *Excacavit oculos*
eorum, & induravit cor illorum ne videant oculis,
nec intelligant corde, & convertantur & sanem

754 *Quæst. XIV. De Scientia Dei,*
 illos. Non erant ergo sic excacati oculi, nec sic
 induratum cor Tyrionum & Sidoniorum, quoniam
 credidissent, si qualia viderunt isti signa, vidis-
 sent. Advertenda illa verba: Iudæi non poterant
 credere: quæ explicans idem S. D. tract. 53. in
 Ioan. ait: *Quare non poterant credere? Respon-*
deo quia volebant. Sicut enim quod Dominus ne-
gare seipsum non potest, laus est voluntatis divi-
na; ita quod illi non poterunt credere, culpa est
voluntatis humana: Aliam causam, inquis, di-
cit Propheta, non voluntatis eorum, quia scil. ex-
cacavit oculos eorum: Sed hoc etiam voluntatem
eorum meruisse respondeo: sic enim excacat, sic
obdurat Deus deferendo, non adjuvando: quod
occulto iudicio facere potest, iniquo non potest.
 Ex his alias instantias, si quæ sint, non erit ar-
 duum dissolvere.

§. 2.

*Solvuntur argumenta ex autoritate
 Patrum desumpta.*

§ 29. **A** Rg. 2. ex variis aliis SS. Patrum testimo-
 niis, quæ huic scientiæ mediæ aliquod
 patrociniū superficie tenus præbere videntur.
 Et imprimis quidem S. Chrysostomus homil.
 31. in Matth. asserit à Christo Sanctos Paulum
 & Matthæum tunc esse vocatos, cū esse illos
 consensuros noverat: *Sed cuius rei gratia, inquit,*
non cum Petro simul ac Ioanne & aliis discipulis
ipsum vocavit? Certè quemadmodum tunc ad illos
accessit, vocavitque quando obtemperaturos sciebat,
sic Matthæum quoque nunc vocavit, quando mi-
raculorum fama perdomitum minimè reluctaturum
videbat. Qua de causa etiam Paulum post resur-
rectionem

Art. XIII. An sciēt. Dei sit, &c. Cap. XVI. 755
rektionem piscatus est. Nam qui corda scrutatur,
& occulta mentium perspicit, is etiam quando
unusquisque ad obediendum paratus erat, non igno-
ravit: propterea non continuo incipiens, quando
durior fuit, sed post mille miracula & insignem,
atque promulgatam famam, aptiorem jam ad ob-
temperandum vocavit. Cui consonat D. Ambro-
sius explicans illa Apostoli verba ad Rom. 9.
Miserebor cui miserebor, hoc est, inquit Am-
brosius, *Misericordiam dabo cui præsivi rever-
surum*, & iterum: *Hoc est dare cui est dandum*,
ut illum vocet, quem sciat obedire.

Deinde S. D. Augustinus in idem consentire 530.
videtur nam Epist. 49. quæ est de 6. quæst. Pa-
gan. quæst. 2. reddens rationem cur Incarnatio
Christi Domini potius illo, quàm alio tempo-
re peracta sit, inquit, *Tunc voluisse hominibus
apparere Christum, & apud eos predicari doctri-
nam suam. quando sciebat & ubi sciebat esse qui
in eum fuerant credituri.* Quibus verbis S. D.
apertissimè hanc scientiam mediam constituit,
quâ prænoscit Deus quid operaturum sit libe-
rum arbitrium humanum, si in tali rerum or-
dine constitutatur, & ipse suum illi præbeat
auxilium. Nec valet dicere quòd ipse hanc re-
tractarit sententiam lib. de prædest. sanct. cap. 9.
Non, inquam, valet, cùm ibi potius eam con-
firmarit dicens: *Quid enim est verius quàm præ-
scivisse Christum, qui & quando, & quibus in
locis in eum fuerunt credituri?* Unde & lib. de
corrupt. & grat. cap. 8. probans bonum perse-
verantiæ esse gratuitum Dei donum, & aliqui-
bus justis negari, ait: *Respondeant, si possunt,*
cur illos Deus, cùm fideliter & piè viverent, non
tunc de vita hujus periculis rapuit ne malitia

756 *Quaest. XIV. De Scientia Dei,*
mutaret intellectum eorum, & ne fectio deciperet
animos ipsorum, utrum hoc in potestate non ha-
buit, an eorum mala futura nescivit? Nempe ni-
hil horum nisi perversissimè & insanissimè dicitur.
Illis enim verbis, *An eorum mala futura nescivit,*
evidenter de scientia conditionata loquitur, est
enim sensus eorum, etiam si præsciret ipsorum
futura peccata, si diutius vitam protraherent,
tamen illos de hujus vitæ periculis eripere no-
luit, dum justii essent. Quapropter lib. de bono
perseverant. cap. 9. hunc sensum exprimit di-
cens: *Certè poterat Deus præsciens illos esse lap-*
suros, antequam id fieret, auferre de hac vita.
Ubi, particula, *præsciens*, de scientia condi-
tionata procul dubio intelligenda venit, red-
dit enim hunc sensum, præsciens esse lapsuros
si viverent, poterat antequam id fieret, au-
ferre de hac vita. Neque ullo pacto de præ-
scientia absoluta intelligi potest: si enim ab-
solutè prævisi erant victuri, & peccaturi, quo-
modo hoc supposito de hujus vitæ periculis sub-
duci poterant, ne peccarent? Quocirca sub-
jungit: *Quanta absurditate dicatur judicari ho-*
mines mortuos, etiam de his peccatis, quæ præsci-
vit eos Deus perpetraturos esse, si viverent. En
conditionalem illam manifestissimis verbis ex-
pressam. Et tandens loquens de Tyriis & Sido-
niis subdit: *Sed nunquid possumus dicere Tyrios*
& Sidonios talibus apud se virtutibus factis cre-
dere noluisse, aut credituros non fuisse si fierent?
Cum eis Dominus attestetur, quod acturi essent
magna humilitatis pœnitentiam, si in eis facta es-
sent diminuarum illa signa virtutum. Et denique
lib. de grat. & lib. arbit. cap. 23. inter mysteria
inscrutabilia divinæ prædestinationis ista repo-
nit,

Art. XIII. An sciēt. Dei sit, &c. Cap. XVI. 757
 nit, *Illum baptisatum parvulum in hac vita re-*
linqui, quem præsavit Deus impium futurum;
istum vero baptizatum rapi ex hac vita, ne mali-
tia mutet intellectum ejus. Ubi loquitur de certa
 futuræ malitiæ præscientia. Ad idem propo-
 situm adduci possunt. S. Prosper. *ad exemp. Ge-*
nuenf. respons. 8. & D. Anselmus cum D. Remi-
 gio, super illa verba Matth. 11. *Si in Tyro &*
Sidone, Præterea Venerabilis Beda. Aëtior. c. 16.
 reddens rationem cur Paulus & Socii prohibiti
 sunt in alia Dei verbum annunciare, ait: *Quia*
sciebat contempturos verbum Dei. Inducitur &
 Nemesius lib. *de nat. hom. cap. 14.* ubi asserit
 Deum utiliter sinere hominem in paupertate
 vivere, præsciens si dentur depravaturas cor
 ipsius. Innumera alia ab oppositæ sententiæ
 fautoribus Patrum testimonia adduci solent,
 quæ quoniam vel loquuntur de præscientia ab-
 soluta, vel parum ad rem faciunt, consultò
 omittimus.

Conf. 1. Sancti Patres præsertim Tertullia-
 nus lib. cont. Marcionem, & D. Hieronymus
 dialogo 3. contra Pelagianos respondentes huic
 Marcionis argumento, *Vel præsavit Deus homi-*
nem in Paradiso positum mandatum transgressu-
rum, vel non præsavit. Si præsavit Deus, non
peccavit homo: quia non potuit divina scientia re-
sistere: Si non præsavit, cui auferis præscientiam
auferis & divinitatem. Respondentes, inquam,
 aiunt, & præscivisse Deum, & tamen peccasse
 hominem, utpote in sua libertate relictum: *Et*
præsavit Deus & peccavit homo, inquit Hiero-
 nymus; *quia ita Deus præsavit, ut enim in sua*
libertate relinqueret: Sed præscientia ista ante-
cedit voluntatem siye decretum creandi homi-

531

nes, ergo est præscientiæ conditionata, sive scientia media. Minor prob. tum quia Tertullianus illam præscientiam annumerat simul cum Dei bonitate & potentia, quæ voluntatem antecedunt, aitque ab his tribus divinam providentiam, peccati permissionem, & creationem promanare. Tum etiam quia SS. Patres loquuntur in his locis de scientia directiva divini decreti: ergo loquuntur de præscientia antecedente divinum decretum.

532. Conf. 2. SS. Patres frequenter docent multa esse à Deo præscita, quæ non sunt prædestinata; præscientiamque majoris esse ambitus quam prædestinationem; ergo debet præscientia de se à decreto divinæ voluntatis esse independens, quoniam quidquid est à Deo decretum est etiam prædefinitum, sive prædestinatum: sed præscientia omnino à decreto libero divinæ voluntatis independens est scientia media: ergo ipsi scientiam mediam agnoverunt. Major prob. ex D. Augustino lib. de prædestinat. Sanct. c. 10. ubi ait: *Prædestinatio est, quæ sine præscientia esse non potest: potest autem esse sine prædestinatione præscientia.* Idem habent S. Prosper in respons. ad cap. Gall. 15. & D. Fulgentius lib. 1. ad Moninium cap. 20. quos insecutus D. Thomas quæst. 6. de verit. art. 3. docet præscientiam in Deo non importare universaliter habitudinem causæ respectu eorum de quibus est; quam prædestinatio intrinsecè dicit, atque ex hac parte præscientiæ superaddere dicitur: *Præscientia ergo Dei, inquit, S. D. quia non importat universaliter habitudinem causæ respectu eorum, quorum est, non consideratur in ea nisi certitudo cognitionis tantum: sed prædestinatio, quia*

Art. XIII. An scient. Dei sit, &c. Cap. XVI. 759
quia prescientiam includit, & habitudinem causa
ad ea, quorum est addit, &c.

533.

Resp. imprimis ad auctoritatem Divi Chryso-
stomi, verum esse Deum vocasse illos Apostolos,
quando sciebat illos esse obtemperaturos, ope-
rante scil. interiùs Deo in cordibus ipsorum, ut
tali efficaci vocationi minimè reluctarentur, sed
continuo obtemperant. Unde eos obtempera-
turos scivit in decreto illo efficaci quo illis da-
re constituerat quo & unde obtemperarent, &
minimè resultarentur. Quocirca idem S. D.
vocationis virtutem ibi extolli, qua de mediis
peccatis, eos eripuit. Quapropter meritò Car-
din. Toletus Societatis Jesu doctissimus auctor
annot. 54. in capit. 5. Lucæ hæc scribit: Huic
doctrinæ Chryso-stomi adversari videtur id
quod ipsemet Paulus de sua vocatione ad Ga-
lat. cap. 1. scripsit: *Cum placuit, inquit, ei,*
qui me segregavit ab utero matris meæ, & vo-
cavit per gratiam suam, ut revelaret in me filium
suum, ut Evangelizarem illum in gentibus, con-
tinuo non acquievi carni & sanguini. Non di-
cit Paulus, quando novit me obediturum, sed
quando illi placuit qui per gratiam me voca-
vit. Non expectat Deus semper arbitrium no-
strum, quia sua gratiâ ipsum excitat, ipsique
dat velle & perficere, & qui etiam rebelles con-
vertit, & compellit voluntates. Tunc ergo
vocavit quando illi placuit; & si ante vocasset,
utique respondisset, & obtemperasset. Non
ergo ratio aut tempus vocationis hujus & si-
milium referendum est in hominis arbitrium,
sed in Dei beneplacitum, cui sic visum est sic-
que disposuit. Potest autem intelligi Chryso-
stomus sic, tunc vocasse discipulos quando
sciebat

760 *Quaest. XIV. De Scientia Dei*,
sciebat illos obtemperaturos, nimirum per
ipsius gratiam; sciebat quando ipse operaturus
erat in eis, ut obtemperarent vocanti & tunc
vocavit. Nisi sic intelligas, doctrinam non
prob. Nec solum doctrinae huic Chrysostomi
in hac parte non consentio, sed contrariam
omnino veram existimo: Totus est Augustinus
in hac doctrina, quam in hac parte probo.
Ita doctissimus Cardinalis.

534. Eodem modo posset explicari Ambrosii Lo-
cus. Eamque explicationem insinuat D. Tho-
mas *quaest. 6. de verit. art. 2. ad 1. Dicendum*,
inquit, quod debitus gratiae usus est quoddam
ad quod divina providentia gratiam collatam or-
dinat. Unde non potest esse quod ipse rectus gra-
tiae usus praescitus sit causa movens ad dandam
gratiam. Quod ergo Ambrosius dicit *dabo illi*
gratiam, quem scio, &c. non intelligendum est,
quod perfecta cordis conversio sit inclinans vo-
luntatem Dei ad dandum gratiam; sed quod
datam gratiam ad hoc ordinat, ut aliquis acce-
pta gratia perfecte convertatur in Deum. Igitur
Deus decernit dare ei gratiam, quam praescit
obtemperaturum, donante illi Deo unde ob-
temperet; sicque praescientia illa est fundata
in efficaci Dei decreto, quo constituit illi da-
re, ut obtemperet. Sed dicimus opus illud
Ambrosij non esse, sed Pelagianismo scatere,
quemadmodum eruditissimi viri adverterunt,
& vos alibi dicturi sumus.

535. Ad testimonia ex Sancto Doctor. Augustino
adducta ut respondeamus ad verrendum id quod
Div. Thomas. opuscul. 1. contra errores Graec.
observandum praemittit, dicens: *Errores cir-*
ca fidem exorti occasionem dederunt Sanctis Ec-
clesiis

Art. XIII. An scient. Dei sit, &c. C. XVI. 761
clesia Doctoribus , ut ea qua sunt fidei majori
circumspectione traderent ad eliminandos errores
exortos : sicut patet quòd Sancti Doctores , qui
fuerunt ante errorem Arrii non ita expressè lo-
cuti sunt de unitate & divina essentia , sicut Do-
ctores sequentes , & simile de aliis contingit er-
roribus , quod non solum in diversis Doctoribus ,
sed in uno egregio Doctore Augustino apparet.
Nam in suis libris , quos post exortam Pelagia-
norum haresim edidit , cautiùs locutus est de po-
testate liberi arbitrii , quam in libris ; quos edidit
ante prædicta haresim ortum, in quibus libertatem ar-
bitrii contra Manichæos defendens aliqua protulit,
qua in sui defensionem erroris assumpserunt Pela-
giani divina gratia adversantes. Quæ quidem
Patrum dicta ait esse reverenter exponenda.
Quam doctrinam desumpsisse videtur ex eodem
Sanct. Doct. Augustino lib. de prædest. Sanct.
cap. 14. ubi ait : Si hujus sententia (raptus est
ne malitia mutaret intellectum ejus , & ne fi-
ctio deciperet animam illius) defensionem ex
divinorum eloquiorum nos præcedentibus Catholicis
tractatoribus promerem , profectò hi fratres , pro
quibus nunc agimus , acquiescerent : hoc enim si-
gnificastis litteris vestris. Quid igitur opus est , ut
eorum scrutemur opuscula , qui priusquam ista
hæresis oriretur : non habuerunt necessitatem in hac
difficili ad solvendum questione versari , quod
proculdubio facerent , si respondere talibus cogerentur ?
Unde factum est , ut de gratia Dei quid sen-
tirent , breviter quibusdam scriptorum suorum lo-
cis , & transeunter attingerent : immorarentur ve-
rò in eis , qua adversus alios inimicos Ecclesia
disputabant. Quod specialiter de seipso testatur
eodem libro cap. 9. cujus verba statim adduce-
mus.

762 *Quæst. XIV. De Scientia Dei*,
 mus. Et lib. de dono persever. cap. 12. respon-
 dens ad ea quæ ipsi scripserat Hilarius, videli-
 cet quod semipelagiani dogma suum. *Non so-*
lùm aliorum Catholicorum testimoniis, sed etiam
sanctitatis tuæ disputatione antiquiore se probare
testantur, adducentes locum illum ex epist. 49.
 de 6. qq. Pelag. quæst. 2. supracitatum, & alia si-
 milia, ait Sanct. Doctor. *Frustra igitur de illius*
libri mei vetustate præscribitur, ne agam causam
sicut debeo agere parvulorum, & inde gratiam
Dei non secundum merita hominum dari perspi-
cua veritatis luce convincam.

536. Quibus suppositis responderi potest Augu-
 stinum hæc scripsisse juvenem & ante exortam
 Pelagianorum hæresim, quemadmodum inter
 alios adnotavit Cardin. Bellarminus lib. 2. de
 grat. & libero arbitr. cap. 15. Quapropter ibi
 non ita rectè & admissum mentem suam expo-
 suit, sicut in aliis libris, quos postea contra
 Pelagianos edidit, sed breviter ea duntaxat sub-
 jecit, quæ instituto suo & solvendæ propositæ
 à Porphyrio quæstioni satis erant. Quod & ip-
 semet Sanct. Doctor. testatur in lib. de prædest.
 Sanct. cap. 9. ubi Prosperi & Hilarij epistolis
 respondens, quibus acceperat Massilienses do-
 ctrinam suam de vocatione congrua & præscien-
 tia conditionata in ejusmodi dictis fundare, ita
 scribit: *Illud autem quod in opusculo meo quo-*
dam contra Porphyrium sub titulo, de tempore
Christiana religionis, me dixisse recolitis; ita
dixi, ut hanc diligentiorẽ & operosiorẽ dis-
putationem de gratia preterirem, non sanè omis-
sa significatione, quod eam loco illo explicare
noluissẽ, quæ posset aliàs vel ab aliis expli-
cari. Nam ita locutus sum inter cetera respondens
proposita

Art. XIII. An scient. Dei sit, &c. C. XVI. 763
proposita quaestioni, cur Christus post tam longa
tempora venerit. Proinde, inquam, cum Chri-
sto non objiciant, quod ejus doctrinam non om-
nes sequuntur: sentiunt enim & ipsi nequaquam,
hoc rectè objici posse, vel sapientia Philosopho-
rum, vel etiam numini Deorum suorum, quid
respondebunt, si excepta illa altitudine sapientia
& scientia Dei, ubi fortassis aliud divinum con-
siliū longè secretius latet, sine praesudicio etiam
aliarum fortè causarum, qua à prudentibus inve-
stigari queunt, hoc solum eis brevitatis gratia
in hujus quaestionis disputatione dicamus: Tunc
voluisse hominibus apparere Christum & apud
eos predicari doctrinam suam, quando, sciebat &
ubi sciebat esse, qui in eum fuerant credituri.
Et infra: Cernitis me sine praesudicio latentis
consilii Dei aliarumque causarum hoc de praes-
cientia Christi dicere voluisse, quod convincen-
da Paganorum infidelitati, qui hanc objecerant
quaestionem, sufficere videretur? Quid enim est
verius, quam praescisse Christum, qui & quando
& quibus locis in eum fuerant credituri? Sed
utrum predicato sibi Christo à seipsis habituri
essent fidem, an Deo donante sumpturi, id est,
utrum tantummodo eos praescierit, an etiam praes-
destinaverit Deus, querere ac differere tunc ne-
cessarium non putavi. Proinde quod dixi, tunc
voluisse hominibus apparere Christum, & apud
eos predicari doctrinam suam, quando sciebat &
ubi sciebat esse qui in eum fuerant credituri:
posset etiam sic dici, tunc voluisse hominibus
apparere Christum & apud eos predicari doctri-
nam suam, quando sciebat & ubi sciebat esse,
qui electi fuerant in ipso ante mundi constitutio-
nem. Sed quoniam si ita diceretur, lectorem fa-
ceret

ceret intentum ad ea requirenda, quæ nunc ex admonitione Pelagiani erroris necesse est copiosius & laboriosius disputari, visum est mihi, quod tunc satis erat, pravius esse dicendum, excepta, ut dixi altitudine sapientia & scientia Dei, & sine præjudicio aliarum causarum, de quibus non tunc, sed opportunius disputandum putavi. Ex quibus tria habentur: Primum est, tunc se abstinuisse Augustinum ab operosiore ac diligentiore illa quaestione de gratia & modo cognoscendi futura, an videlicet initium fidei sit ex nobis, an à Christo donante atque illius gratia: & an præscierit tantum eos credituros annuntiato tunc illis Evangelio, an etiam prædestinaverit (hoc est, prædeterminavit) & fidem eorum futuram in sua prædeterminatione certò cognoverit. Secundum est, ea se breviter persequutum quæ solvendæ quaestioni tunc necessaria esse videbantur; quia cum nondum esset exorta Pelagianorum hæresis, necessarium non erat eas quaestiones fusiùs persequi, ac dilucidius explicare. Tertium est, hoc ab eo dictum, sine præjudicio latentis consilii Dei, prædeterminationisque ac decreti divini, & aliarum causarum. Unde Sanct. Doctor, lib. de prædest. SS. cap. 9. hanc, quam in epist. de 6. qq. Pagan. quaest. 2. sententiam tradiderat, quod ad hoc saltem, non retractavit, sed potius ampliorem ejus explicationem adhibuit. Quapropter ad illud quod additur ex dicto libro, dicimus equidem præscivisse Christum qui & quando in eum credituri erant, in prædestinatione seu prædeterminatione & decreto suæ divinæ voluntatis, ut ex dictis constat. Similia ad testimonium illud adductum ex lib. de corrept. &

grat.

Art. XIII. An scient. Dei sit, &c. C. XVI. 765
grat. cap. 8. dicimus Deum equidem futura ma-
la præscivisse, in decreto scilicet permissivo suæ
divinæ voluntatis: nec tamen voluisse eos de
hujus vitæ periculis eripere, ob sua inscrutabi-
lia judicia. Unde admissio quòd hæc præscien-
tia conditionata sit, non tamen qualem admit-
tunt Adversarii, sed fundata in decreto libero
divinæ voluntatis. Et eodem modo ad cætera
Patrum testimonia respondendum.

Ad 1. Confir. resp. equidem juxta verissimam
Patrum sententiam præscivisse Deum quòd à se
condendus homo esset peccaturus & transgres-
surus præceptum sibi impositum in Paradiso
constitutus. Negamus tamen hanc præscientiam
esse conditionatam, sed omnino absolutam,
subsequentem decretum de condendo homine,
& permissione lapsus illius. Nam prius debet
intelligi velle Deum condere hominem, quam
quod velit permittere ipsius lapsum. Quapro-
pter ad scientiam Dei liberam ejusmodi præ-
scientia spectat. Verum est tamen quod antecedi-
dit illa præscientia decretum condendi homines
quoad exemptionem, sed non decretum inten-
sivum. Unde negatur minor. Ad cujus primam
prob. dicimus quòd licet bonitas & potentia
Dei absolutè sumpta divinum decretum præce-
dant, non tamen bonitas ut volita communi-
cari creaturæ, aut potentia ut imperata à volun-
tate & directa per scientiam, & similiter neque
scientia, radix enim omnium quæ Deus ad ex-
tra liberè operatur est divina voluntas, cui per
anthonomasiam rerum productio tribuitur;
quemadmodum ex Div. Thoma sæpius observa-
tum reliquimus. Ad secundam probationem
dicimus Deum in decernendo à scientia simpli-

537.

cis

766 *Quaest. XIV. De Scientia Dei,*
cis intelligentiæ dirigi, modo supra explicato
cap. 12. Itaque sive hæc præscientia absoluta sit,
ut revera est, sive conditionata tamen in decre-
to fundatur: & subinde longè à scientia media
ab Adversariis conficta recedit.

538. Resp. ad 2. Confirm. imprimis loqui SS. Pa-
tres de præscientia futurorum absolutorum,
qualis non est scientia media: unde non magis
eorum testimonium militat contra nos, quàm
Adversarios etiam admittentes præscientiam
absolutorum in decreto divinæ voluntatis fun-
datam, & isto posteriorem. Resp. 2. loqui de
præscientia & prædestinatione respectu obje-
ctorum, quoniam scil. prædestinatio est respec-
tu bonorum duntaxat quorum Deus est &
dicitur simpliciter causa; præscientia verò respec-
tu malorum, quæ Deus non dicitur simpli-
citer causare sed permittere, in qua quidem per-
missione includitur voluntas concurrendi ad
actionem peccati, ut actio & entitas est. Unde
etiam præscientia quodammodo habet ratio-
nem causæ, sed non simpliciter & absolute
respectu cujuscunque objecti sui, sicuti præ-
destinatio. Quocirca statim S. D. Augustinus
subjungit: *Prædestinatione quippe Deus ea præ-*
scivit, quæ fuerat ipse facturus: Vnde dictum est,
fecit quæ futura sunt. Præscire autem potest qua-
cunque non facit, sicut quacumque peccata. Hac
etiam ratione D. Thomas asserit, præscientiam
non habere universaliter habitudinem causæ,
loquendo scil. de causa simpliciter, & respectu
cujuscunque objecti sui, etiam malorum. Cum
hoc tamen stat, quod omnis præscientia pro-
priè sumpta in decreto libero divinæ voluntatis
fundetur, sive positivo sive permissivo.

Solvuntur argumenta à ratione petita.

ARg. 3. ubi est distincta ratio objecti à Deo 539.
cognoscibilis, ibi debet distinctus scientiæ modus constitui: sed inter possibile, quod per scientiam simplicis intelligentiæ certò à Deo cognoscitur, & inter absolutè futurum, quod à Deo per scientiam visionis, seu liberam certò præscitur, datur futurum sub conditione, ut patet: ergo debet dari quidam scientiæ modus, quæ sit media inter scientiam simplicis intelligentiæ, & scientiam visionis.

Conf. sicuti se habet res aliqua ad fore, vel 540.
non fore absolutè; ita se habet ad fore & non fore sub conditione: ergo sicut in futuris absolutis altera pars est determinatè vera, & ex consequenti à Deo certò prævidetur, ita in futuris conditionatis altera pars est determinatè vera, & subinde certò à Deo cognoscitur: sed non per scientiam visionis quæ respicit esse rei, illa autem actu non erit: neque per scientiam simplicis intelligentiæ, quæ est necessariorum duntaxat: ergo per aliquam scientiam mediam inter utramque.

Resp. ad arg. quod futurum sub conditione 541.
non constituit aliquam rationem objecti scibilis mediam inter rationem purè possibilis & absolutè futuri. Nam, ut diximus suprà ex D. Thoma *quest. 3. de verit. art. 3.* scientia visionis & simplicis intelligentiæ ex parte rei scitæ distinguuntur, inquantum scientia visionis includit ordinem ad existentiam, quæ est extra genus objecti scibilis; quem non dicit scientia

768 *Quaest. XIV. De Scientia Dei*,
 simplicis intelligentiæ. Et quoniam futurum
 conditionatum quatenus futurum est, ordinem
 ad existentiam, saltem sub conditione, intrin-
 secè includit, ut tale est, non constituit di-
 versum modum objecti scibilis à futuro abso-
 luto, sed pertinet ad scientiam visionis, sicut
 & illud, ex parte rei futuræ. Verum est tamen,
 quod ex parte illationis necessariæ conditiona-
 tum ad simplicem intelligentiam spectare po-
 test. Et enim si ipsa illatio fuerit absolutè ne-
 cessaria sine dependentia ab aliquo actu libero
 divinæ voluntatis, tunc per scientiam simpli-
 cis intelligentiæ à Deo prævidetur. Sed hoc
 non tam est cognoscere futurum quam præsen-
 tem illationem & actuale ordinem conse-
 quentis ad antecedens. Si verò illatio non fue-
 rit ex se necessaria sed dependeat illius infalli-
 bilitas à divino decreto, oportet ut per scien-
 tiam visionis & liberam simpliciter præsciatur,
 quemadmodum fusè explicatum est suprà.

§ 42. Per quod ad conf. patet. Dicimus enim quòd
 etiam in futuris conditionatis una pars est de-
 terminatè vera; non tamen independentè à de-
 creto divinæ voluntatis, quoad futuritionem
 rei; esto quoad illationem independentè ab
 illo possit esse, ut dictum est; v. g. ex his dua-
 bus conditionalibus, *Si in Tyro & Sidone facta*
fuissent virtutes, converterentur, & si in Tyro
& Sydone facta fuissent virtutes non converteren-
tur, affirmativa est vera, utpote à Christo Do-
 mino asserta; ex præsuppositione tamen divinæ
 voluntatis, quæ id efficaciter decreverat &
 constituerat implendum, tali conditione ap-
 posita. Unde per scientiam liberam à Deo, vel
 anima Christi unita verbo certò prævidebatur.

Instabis,

Instabis, etiam ante decretum divinæ voluntatis ex duabus contradictoriis, sive de futuro conditionato, sive de futuro absoluto, altera debet esse determinatè vera: ergo id quod per ipsam significatur determinatè verum est, aut determinatè falsum. Ad hanc instantiam responsum est suprà cap. 10. ubi inter alia cum Aristotele & D. Thoma 1. Periher. lect. 13. diximus, *Quod in singularibus quæ sunt de futuro hoc non est necesse quod una determinatè sit vera, & altera falsa*: alioquin non esset de re contingenti sed necessaria. Quoniam contingens suapte natura exigit ad utrumlibet indifferentiam; omne enim quod est ad unum determinatum, oportet esse necessarium. Quapropter si ante omne decretum divinæ voluntatis propositio significat rem prout est ad unum determinata, quo pacto est determinatæ veritatis vel falsitatis, omnino erit de re necessaria, & subinde contingens non erit sed prorsus necessaria.

Arg. 2. Si scientia Dei respectu futurorum conditionatorum esset in decreto & præfinitione divinæ voluntatis fundata, ipsa non esset libera, sed necessaria: sed hoc est absurdum & contra ipsosmet Thomistas: ergo, &c. Sequela prob. à decreto efficaci ad futurum conditionatum est consequentia & illatio necessaria; v. g. si hoc Deus efficaciter decrevit, ut puta conversionem Petri, illud erit, necessaria est, quia divinum decretum cassum esse non potest, aut vertibile: sed scientia quæ est de re necessaria in Deo, est necessaria & non libera: ergo ejusmodi scientia esset necessaria & non libera.

Resp. neg. seq. ad prob. dist. majorem: A de-

creto efficaci ad futurum conditionatum est consequentia & illatio necessaria necessitate absoluta & fundata in prædicatis rei intrinsecis, nego maiorem: necessitate suppositionis & infallibilitatis, concedo maj. Et dist. min. scientia, quæ est de re necessaria absolute, & ex vi terminorum, est in Deo necessaria conc. quæ est de re necessaria ex suppositione, nego min. & conseq. Itaque omnis scientia, ut talis est, de re necessaria esse debet, & quæ aliter se habere non possit; sed non eodem modo quæ sciuntur, necessaria esse oportet. Unde scientia absolute naturalis & necessaria in Deo dicitur, quæ respicit res secundum sua prædicata essentialia vel intrinsecè convenientia, in quo statu fit præcisio ab existentia, quæ rei creatæ accidit. Sed scientia libera respiciens rerum productionem, non habet respicere necessaria nisi sub conditione, hoc est, supposito quod actu sint, vel dicant determinatum ordinem ad existentiam; quo pacto dicimus necesse esse Petrum sedere dum actu sedet. Unde potest dici quod est necessitas ex parte illationis, & non ex parte rei illatæ.

546. Arg. 3. Deus certò & infallibiliter futura conditionata prænosceat: sed non in decreto suæ divinæ voluntatis, aut per scientiam naturalem: ergo per scientiam mediam. Minor. prob. primò, quia illud decretum esset antecedens libertatem, & subinde destrueret illam. Prob. 2. quia Deus etiam peccata futura sub conditione certò cognosceat: sed non in decreto, aliàs esset causa ipsorum: ergo futura conditionata in decreto suæ divinæ voluntatis non cognosceat sed per scientiam mediam. Respondetur

Art. XIII. An scient. Dei sit, &c. C. XVII. 771
pondebitur ad argumentum infrà q. 23. ubi nobis erit sermo de efficacia divinorum decretorum. Ad conf. sequenti cap. dicetur.

C A P U T X V I I .

Utrum in Deo admittenda sint decreta quaedam ex parte objecti conditionata in quibus Deus futura conditionata certò praevidcat.

§. 1.

Quibusdam adnotatis stabilitur conclusio atque auctoritate probatur.

IN memoriam revocanda sunt, quæ de huiusmodi futuris suprà cap. 7. tradidimus : & præterea adnotandum duplex decretorum genus in Deo distingui. Alterum simpliciter absolutum, hoc est, tam ex parte subjecti sive actus volendi, quàm ex parte objecti ; quo nimirum absolutè & efficaciter, nullâque apposita conditione aliquid decernit ; v. g. decretum quod habuit Deus ab æterno de creatione huius mundi in tempore facienda ; aut decretum prædestinationis, quo absolutè decernit, atque efficaciter vult Salvare Petrum. Alterum est conditionatum ; quod videlicet aliquam conditionem involvit. Et quidem si illam ex parte subjecti volentis sive actus volendi implicet, nominatur decretum conditionatum ex parte subjecti sive actus ; ut putà si dicat Deus ; si volucro istum convertere, convertetur : & hoc propriè decretum actuale non est, sed possibile;

547.

772 *Quaest. XI V. De Scientia Dei*,
vel potius expressio quædam connexionis ne-
cessariæ unius actus cum alio, vel allationis
unius ex alio, itaut uno posito alterum poni
necesse sit. Si verò illam conditionem non ex
parte actus volendi, sed objecti voliti inclu-
dat, dicitur absolutum ex parte actus sive sub-
jecti, & conditionatum ex parte objecti. Et
de isto genere decretorum difficultas procedit
utrum in Deo admittenda veniant, ut Deus
certam de futuris conditionatis notitiam habe-
re valeat.

548. Notandum hocce decretum ex parte objecti
conditionatum bifariam usurpari posse: primò
itaut intelligatur esse de objecto conditionato
pendente in sui conditione & efficacia ab ipso
libero arbitrio creato, ut putà si dicat Deus:
Volo Salvare Petrum illi talia vel talia gratiæ
auxilia conferendo, si tamen ipse voluerit sal-
vari, & bene illis auxiliis uti pro sua libertate.
Et hoc pacto decreta hujusmodi conditionata
præsupponentia præscientiam futuri consensus
liberi arbitrii creati in Deo Recentiores Socie-
tatis admittunt, ut ex dictis constat: Thomi-
stæ verò abjiciunt. Quoniam voluntatem divi-
nam omnipotentissimam in sui efficacia à crea-
ta voluntate dependentem constituere (quæ
quidem dependentia in illo decreto intimè im-
bibitur) omnino absurdum & in consentaneum
arbitrantur. Secundò, itaut ejusmodi condi-
tionatum decretum in sui conditione & effica-
cia intelligatur à creata voluntate non depen-
dere, sed efficere istam à se dependentem in
volendo & operando. Et in isto sensu procedit
difficultas, utrum scil. in Deo dentur hujusmo-
di decreta conditionata suapte natura efficacia,
in

Art. III. An scient. Dei sit, &c. C. XVII. 773
in quibus Deus certò futura conditionata prævideat, siue præsciat, v. g. an præsciverit Deus ab æterno futuram Tyriorum conversionem, si eis annuntiasset Christus Evangelium suum, in decreto conditionato efficaci de conversione illorum certò futura, si apposita fuisset huiusmodi conditio. Et potissimum procedit difficultas de præfatis decretis pro illis futuris, de quibus in S. Scriptura habetur mentio, vel quæ ad providentiam Dei & gubernationem siue administrationem universi spectare noscuntur.

Prima conclusio : Dantur in Deo decreta 549:
actualia absoluta ex parte subjecti siue actus, & conditionata ex parte objecti, in quibus Deus futura conditionata certò & infallibiliter prænoscit. Ita communiter Thomistæ, quibus in hac parte consentiunt nonnulli Auctores Societatis Iesu, ut Suarez, Ruisius, & alii. Innumera ejusce rei exempla ex S. Scriptura adduci possent, ex quibus nonnulla seligemus. Prob. itaque primò ex illo 4. Reg. cap. 13. ubi Elizeus Ioan Regem Israël alloquens ait. *Si percussisses terram quinquies aut sexies, percussisses Syriam usque ad consumptionem.* Quod quidem futurum conditionatum (nunquam enim fuit, & talis posita conditio re ipsa fuisset) certò & infallibiliter à Deo cognitum fuit : sed nonnisi in aliquo decreto suæ divinæ voluntatis, quo decreverat & mente constituerat percutiendam Syriam usque ad consumptionem, si Ioas quinquies aut sexies jaculo terram percussisset : igitur in Deo verè dantur huiusmodi decreta ex parte objecti conditionata. Minor prob. huius futuri conditionati veritas nequit certò & in-

774 *Quæst. XIV De Scientia Dei*,
 fallibiliter prævideri in aliqua conditione seu
 ordine infallibili, quem habeat consequens ad
 antecedens, ut puta totius terræ Syriæ devasta-
 tio cum percussione quinquies vel sexies repe-
 ta : ergo illud debuit certò prævidere, in aliquo
 decreto conditionato suæ divinæ voluntatis.
 Idem habetur ex illo Matth. cap. 26. *An puras*,
 ait ad Petrum Christus, *quia non possum rogare*
Patrem meum, & exhibebis mihi modò plusquam
duodecim legiones Angelorum, quomodo ergo im-
plebuntur Scriptura? Habuit igitur Deus de-
 cretum huiusmodi : dabo Christo filio meo, si
 rogaverit me, duodecim legiones Angelorum :
 & hoc ipse Christus certò cognovit, quòd ita
 Pater constituisset ; aliàs immeritò asseverasset
 sibi dandas si Patrem rogasset ; cùm nihil in
 tempore fiat, quòd ab æterno Deus facere non
 constituerit, seu determinarit. *Quasi diceret* (ait
 Hieronymus in Catena) *Non indigeo duodecim*
Apostolorum auxilio, qui possum habere duodecim
legiones Angelici exercitus. Quomodo autem
 Christus poterat reipsa habere si petiisset, Pater
 æternus decrevisset illi dare?

550. Respondent aliqui (inter quos Pater Suarez
lib. 1. de grat. prolog. 2. cap. 8.) admittenda
 equidem esse ejusmodi decreta divina respectu
 eorum quæ Deus ipse factururus est, qualia sunt
 ista enumerata : non verò respectu eorum, quæ
 homo ipse liberè est operaturus. Contra quem-
 admodum in Deo respectu eorum, quæ ipse effe-
 cturus est se solo, admittitur prophetia præde-
 stinationis ; ita respectu eorum quæ factururus est
 homo prophetia præscientiæ, ut docet D. Tho-
 mas quæst. 12. de verit. art. 10. dicens : *Imple-*
sio ordinis causarum sit dupliciter : quandoque
quidem

quidem ex sola operatione divina virtutis, ut suscitatio Lazari & hujusmodi; & secundum hoc est prophetia predestinationis: quia, ut dicit Damascenus, ea quæ Deus predestinat, non sunt in nobis; Vnde & predestinatio quasi quedam Dei preparatio dicitur: hoc autem aliquis preparat quod facturus est ipse, non quod alius. Quadam verò expleantur operatione causarum aliarum, sive naturalium sive voluntariarum: & horum dicitur esse prophetia secundum præscientiam; Et respicit exitum ordinis, ut docet Sanct. Doctor. ibid. in corp. & ad 2. Præscientia Dei, ait, secundum hoc propriè præscientia nomen habet, quod ad eventum respicit qui futurus est; ordo enim ad eventum est in presenti. Vnde de eo magis est scientia quàm præscientia: & sic illa prophetia, quæ ordinem respicit, non dicitur secundum præscientiam, sed solum quæ est secundum eventum. Sed nequit dari certus & infallibilis ordo causarum ad eventum rei, quem respicit utraque prophetia; seu immobilis veritas, absque divino decreto de futuritione illius: ergo etiam respectu eorum, quæ facturus esset homo, si tales vel tales condiciones apponerentur, debent in Deo admitti decreta ex parte objecti conditionata, ut illa dicantur esse sub conditione futura, & à Deo certò præsciri possint, de illisque esse valeat prophetia præscientiæ. Minor patet ex dictis supra: nam prima causa certitudinis & esse ipsius futuri est divina voluntas, seu decretum ipsius.

Deinde prob. ex variis S. Scripturæ locis, 551.
in quibus est sermo de his, quæ homo facturus est: Nam imprimis Ezech. cap. 3. Deus prophetam alloquens, ait: *Fili hominis vade ad domum*

776 *Quaest. XIV. De Scientia Dei,*
domum Israël, & loqueris verba mea ad eos;
non enim ad populum profundi sermonis & igno-
ta lingua tu mitteris ad domum Israël, nec ad
populos multos profundi sermonis & ignota lin-
gua, quorum non possis audire sermones; & si
ad illos mittereris ipsi audirent te: hoc cer-
tò Deus futurum fore cognovit & revelavit,
& de eo habuit Ezechiel Prophetiam se-
cundum præscientiam vel prædestinationem
sed tamen erant hæc quæ ab hominibus il-
lis, non tamen sine Dei adjutorio, fieri debe-
bant: ergo etiam respectu eorum quæ facturi
essent homines Deus habet decreta illa ex
parte objecti conditionata Siquidem id certò
& infallibiliter cognoscere non potuit Deus,
aut præscire Propheta, nisi detur decretum de
futuritione & eventu certissimo, si talis appo-
sita fuisset conditio. Præterea, Christus Domi-
nus Matth. cap. 26. Petrum ita affatur: An pu-
tas, quia non possum rogare Patrem meum, & ex-
hibebit mihi plusquam duodecim legiones Anglo-
rum. Q. d. ait D. Hieronymus in cat. D. Tho-
mæ: Non indigeo duodecim Apostolorum auxilio
etiam si omnes me defenderent, qui possum habere
duodecim legiones Angelici exercitus. Cogno-
vit ergo certissimè Christus se posse in auxi-
lium habere tot legiones Angelorum, si Patrem
ipse rogare vellet: ergo positâ hac conditione
illud certissimè futurum erat: ergo & certus
ordo ad exitum rei; quod nonnisi per decre-
tum divinum fieri potest. Tandem Matthæi 11.
& Luca 10. cap. certò prædixit Christus futu-
ram Tyrriorum ac Sydoniorum conversionem,
si annuntiatum fuisset illis Evangelium, &
factæ apud eos fuissent virtutes: habuit ergo
decretum

Art. XIII. An scient. Dei sit, &c. C. XVII. 777
 decretum de illo futuro, quod à voluntate hominum dependebat; quoniam aliter certò cognoscere non poterat. Quòd si ad scientiam illam mediam sive præscientiam conditionatam recurratur, refellitur effugium prout suprà. Tandem ipsi Adversarii locum illum Apostoli 1. ad Timoth. cap. 2. *Qui vult omnes homines salvos fieri*, communiter exponunt adjiciendo conditionalem illam, *si ipsi velint*, quemadmodum infrà quæst. 19. pluribus ostenderetur: Datur autem in Deo decretum de salute ista; quod indicat illa vox. *Vult Deus*: Dantur ergo in Deo actu decreta quædam ex parte objecti conditionata. Videnda quæ ex D. Augustino lib. de prædest. sanct. cap. 9. supra adduximus, ubi docet, nihil esse verius quàm Christum præcivisse in prædestinatione divina, qui, & quando, & quibus in locis in ipsum credituri fuissent, si eis fuisset annunciatum evangelium. Idem habetur ex SS. Prosp. & Hilar. in epist. ad August.

Sumitur eadem veritas ex D. Thoma infrà quæst. 19. art. 7. ubi ait: *Multa sunt in virtute & scientia, & voluntate divina, quæ non continentur sub ordine causarum inferiorum, sicut resuscitatio Lazari. Unde aliquis respiciens ad causas inferiores dicere poterat, Lazarus non resurget; respiciens verò ad causam supremam divinam poterat dicere Lazarus resurget. Et utrumque horum Deus vult, scil. quòd aliquid quandoque sit futurum secundum causam inferiorem; quod tamen futurum non sit secundum causam superiorem, vel è converso: Sed illud quod est futurum secundum ordinem causarum inferiorum, non verò secundum ordinem causæ superioris, est futurum conditionatè, quia scil. esset, nisi Deus ipse*

778 *Quaest. XIV. De Scientia Dei*,
ipse ob occultas suæ providentiæ rationes aliter ordinasset : ergo ex D. Thoma dantur in Deo decreta conditionata de hujusmodi futuris.

553. Conf. ex eodem quaest. 12. de verit. art. 10. ad 10. ubi loquens de comminationis Prophetia facta per Isaiam Regi Ezechiae, scil. *Dispone domui tuae quia morieris*, hæc habet, *Dicendum quod prophetia illa fuit, secundum comminationem & quanvis non esset conditio explicitè proposita; est tamen illa denunciatio sub conditione intelligenda, scil. tali ordine rerum remanente.* Et solut. ad 12. *Dicendum*, ait, *quod causa superiores, qua sunt rerum rationes in divina præscientia, nunquam deficiunt ab impletiōe suorum effectuum, sicut deficiunt causa inferiores; & ideo in causis superioribus cognoscuntur rerum eventus absolutè; sed in inferioribus nonnisi sub conditione*: Ex quibus ita arguo Deus de morte Ezechiae præscientiam infallibilem habuit, & subinde decrevit quod esset futura secundum causas inferiores, alioquin illa prophetia immobilem veritatem non habuisset, cum nihil certò futurum sit absque Deo volente atque constituyente: sed tale decretum, ex S. D. est conditionatum ex parte objecti: ergo actu dantur in Deo hujusmodi decreta ex parte objecti conditionata. Ex quibus constat Adversarios immeritò hæc decreta rejicere, nobisque perperam obijcere, quod in Sacris Scripturis, Patribus, & D. Thoma nullum prorsus habeant fundamentum.

554. Prob. 1. conclusio ratione: Futurum sub conditione necessariò importat ordinem ad existentiam in re sub conditione ponendam: sed impossibile

possibile est, ut res aliqua dicat ordinem ad existentiam in re independentem à decreto ipsius divinæ voluntatis: ergo ejusmodi futura conditionata necessariò præsupponunt aliquod divinæ voluntatis decretum, quo talem ordinem ad existentiam in re dicant, quod quidem cum absolutum non sit, debet esse ex parte objecti conditionatum. Major prob. 1. Futurum absolutum necessariò importat ordinem ad existentiam in re absolutè ponendam, ut probatum est suprà *cap. 1.* ergo etiam futurum sub conditione necessariò importat ordinem ad existentiam in re sub conditione ponendam. Conseq. patet, nam futurum sub conditione ita se habet ad esse vel fore conditionatè, sicuti se habet futurum absolutum ad esse vel fore absolutè ac simpliciter; purificata enim conditione futurum conditionatum in absolutum transit. Prob. 2. eadem major. Futurum sub conditione à merè possibili distinguitur; sed non alia ratione, nisi quia illud ordinem ad existentiam in re importat, à quo abstrahit ipsum merè possibile; ergo futurum sub conditione necessariò importat ordinem ad existentiam in re sub conditione ponendam. Major patet, nam status futuritionis à statu meræ possibilitatis distinguitur. Prima etiam minor prob. Ordo ille ad existentiam est aliquid reipsa & actu conveniens ipsi rei, quæ denominatur futura, & extracta à statu meræ possibilitatis: sed impossibile est aliquid in re convenire enti creato independentem à decreto ipsius divinæ voluntatis, per quod de omnibus rebus ad extra decernit: ergo impossibile est ut res aliqua dicat ordinem ad existentiam independentem à decreto

780 *Quaest. XIV. De Scientia Dei,*
to ipsius divinæ voluntatis. Major prob. quia
per talem ordinem extrahitur reipsa res condi-
tionatè futura à statu meræ possibilitatis : sed
res nullatenus reipsa extrahi potest à statu me-
ræ possibilitatis & transire ad statum futuritio-
nis absque aliqua actuali ratione essendi, vel
ordine actuali ad esse quo sit actu futura : ergo
ille ordo ad existentiam in re est aliquid actu &
reipsa conveniens rei, quæ denominatur. Fu-
tura, & extracta à statu meræ possibilitatis.

555. Conf. Divina omnipotentia, per ordinem
& dependentiam ad quam res dicitur simplici-
ter possibilis, de se est indeterminata, & sub-
inde indiget determinari ad hoc ut determina-
tum respiciat effectum producendum : sed in
agentibus liberis non est determinatio ad opus
absque decreto & constitutione ipsius volun-
tatis, ut patet in artifice, & nos fusè suprà
explicuimus : ergo ut futurum conditionatum
extrahatur à statu meræ possibilitatis, & res-
piciat existentiam in re ponendam sub condi-
tione, necessariò indiget decreto & constitu-
tione ipsius divinæ voluntatis decernentis de
futuritione illius.

556. Respondent Adversarii hanc doctrinam esse
verum loquendo de futuro absoluto ; non verò
de futuro conditionato. Ratio discriminis est,
quoniam in futuro absoluto verè & absolute
aliquid ponitur in re ; quapropter causalitatem
causæ primæ omnino exigit, sine qua aliquid
penitus esse non potest. At verò conditionatum
dicitur determinatè futurum, non quia talis
futuritio in re posita sit ; sed quia si conditio
poneretur, verè etiam in re poneretur ipsum fu-
turum.

Contra :

Contra : quanvis extremum ordinis illius in re non sit , vel aliquando reipsa extitutum , tamen actu & reipsa est necessaria consecutio inter ejusmodi extremum , & illud ad quod ponitur sequi ; v. g. licet conversio Tyriorum & Sidoniorum in re non esset extitura absolutè , tamen in re fuit consecutio infallibilis inter illam & prædicationem Christi atque patratiorem miraculorum coram eis : ergo etiam in futuro conditionato aliquid verè intelligitur poni in re , quod absque decreto divinæ voluntatis non ponitur. Anteced. patet , nam illa consecutio terminat verè scientiam Dei , & cerè ab eo cognoscitur : ergo est necessaria & infallibilis : sed necessarium est quædam differentia entis , sive modus illius : ergo aliquid ponitur in re etiam in futuro conditionato , licet non ponatur ipsum extremum. Declaratur : quanvis in ista conditionali , si Petrus volat , habet alas , neutrum extremorum in re actu ponatur ; neque enim Petro convenit actu habere alas , aut volare , tamen verè datur actu ordo & consecutio necessaria inter utrumque fundans veritatem ipsius conditionalis : ergo pariter , cum Deus pronuntiat aliquid sub conditione futurum , utputa conversionem Tyriorum ac Sidoniorum si eis à Christo prædictum fuisset , & coram illis patrata signa atque miracula , quanvis extrema reipsa non sint , aut extitura sint simpliciter & absolutè , tamen debet dari actualis ordo & consecutio infallibilis inter utrumque fundans veritatem necessariam & infallibilem , ratione cujus subesse possit scientiæ divinæ : cum nihil sciatur nisi sit verum , quod cum ente convertitur. Hujusmodi

modi autem determinata veritas non est ex necessaria connexione extremorum suæ naturæ relictorum; ergo à decreto & constitutione divinæ voluntatis.

558. Conf. quæ non habent suapte natura infallibilem inter se connexionem, siue consecutionem, si illam inveniuntur habere necessario illam ab aliqua causa extrinseca habere debet: sed inter extrema futuri conditionati, seu conditionalis illius de futuro non datur necessaria & infallibilis consecutio ex natura extremorum: ergo cùm ista reipsa detur, necessario debet provenire ab aliqua causa extrinseca infallibiliter ordinante unum ad aliud: sed hæc non potest esse alia quam divina voluntas decernens de futuritione conditionati: ergo debent dari decreta conditionata ipsius divinæ voluntatis, in quibus veritas infallibilis, necessariaque consecutio ejusmodi futurorum nitatur atque fundetur. Major pater, nam quod aliquid habet & non à se, ab alio habere necesse est. Prima etiam minor patet nam conversio Tyrriorum ac Sidoniorum suapte natura non est infallibiliter connexa cum prædicatione Christi, aut cum illis signis ac virtutibus, quæ Christus fecit apud Judæos, qui his visis conversi non sunt, ut est evidens: similiter devastatio Syriæ usque ad consumptionem non erat suapte natura connexa infallibiliter cum percussione sexies vel septies inferenda à Propheta, ut de se constat. Consequentia pariter est evidens. Secunda autem minor prob. nam creata voluntas de se est causa fallibilis, & subinde nequit esse causa illius infallibilis connexionis: ergo hæc debet esse divina voluntas infallibi

Art. XIII. An scient. Dei sit, &c. C. XVII. 783
infallibiliter decernens de futuritione illa.

Prob. 2. ratione redarguendo Adversarios: 558.
Nam ipsi concedunt sæpè Deum habere hunc actum, volo concurrere cum voluntate creata ad hunc actum, si ipsa tamen voluerit; volo salvare omnes homines putà istum & illum, & sic de cæteris, si tamen ipsi voluerint, quæ quidem voluntas propriè voluntas est, cum sit antecedens: sed sæpè voluntas non vult cooperari Deo, vel salvari operando ad salutem consequendam necessaria: ergo dantur actu in Deo decreta de futuris aliquibus liberis conditionatis, quæ in re nunquam ponentur, posita tamen fuissent, si voluntas creata voluisset, aut consensisset.

Conf. voluntas illa salvandi omnes homines 559.
ad providentiam Dei spectat, ordinantem creaturam rationalem ad finem beatitudinis: sed providentia præfiniendo, & decernendo facit ejusmodi ordinationem, præsupponit enim actum voluntatis, immò secundum plures in eo essentialiter consistit: ergo dantur in Deo decreta ex parte objecti conditionata; siquidem illa conditionem implicant: quemadmodum & omnia, de quibus est comminationis prophetia, quorum revelatio ad eandem spectat providentiam. Præterea, quis neget Deum promisisse hominibus illud beatitudinis præmium, sub ea tamen conditione, si legem & mandata ipsius observarint, cùm S. Concil Tridentinum *sess. 6. de justificat. can. 20.* damnet quoscunque dicentes & asserentes Evangelium esse absolutam atque nudam vitæ æternæ promissionem absque conditione observationis mandatorum: ergo in tali decreto & promissione includitur ex

784 *Quaest. XIV. De Scientia Dei*,
parte objecti conditio : & subinde conditiona-
tum est , actu in Deo existens.

361. Tandem & plurimi ipsorum cum Scoto de-
fendunt , etiam si Adam non peccasset , Chri-
stum nihilominus tamen venturum fore in car-
ne impassibili : sed tale decretum est conditio-
natum : ergo jam fatentur decreta conditionata
actu in Deo existere , quoniam talis adventus
Christi in carne impassibili futurus nonnisi ex
vi alicujus decreti esse potest : non quidem ab-
solutum sed conditionatum , vel continente saltem
virtualiter conditionem ; reddit enim hunc sen-
sum , etiam si Adam non peccaverit , nec mis-
surus sim filium meum in carne passibili , si-
ve mortali , mittam illum in carne impassibi-
bili.

362. Secunda conclusio : Decreta hujusmodi ex
parte objecti conditionata reperiuntur formaliter
in Deo , & non solum eminenter. Ita com-
muniter Thomistæ , præsertim Mag. Lemos to-
mo 1. Panopliæ grat. tract. 5. cap. 23. pro hac
sententia referens Mag. Nunno ad 3. p. q. 62.
Luna in addit. Zumel. tom. 1. disp. 5. sect. 4. in
Append. Prob. ex D. Thoma quaest. 23. de verit.
art. 3. c. ubi ait : *Invenitur in Deo propriè ratio
voluntatis , & sic voluntas propriè de Deo dici-
tur , & hac est voluntas beneplaciti , qua dividitur
per antecedentem & consequentem : Sed voluntas ,
qua Deus vult illa futura ex parte objecti con-
ditionata , est voluntas antecedens , quæ non
impletur , unde & conditionata à Theologis
dicitur , v. g. voluntas illa , qua vult omnes
homines salvos fieri , si tamen in eis adsint quæ
ad salutem æternam consequendam desideran-
tur , ut docet idem S.D. in 1. dist. 46. q. 1. art. 1.*
ergo

Art. XIII. An scient. Dei sit, &c. C. XVII. 785
ergo decreta hujusmodi propriè in Deo & formaliter admittenda sunt.

Conf. Deus amore amicitiae supernaturalis reprobum existentem in gratia propriè & formaliter amare dicitur : sed amor hujusmodi formaliter ad beatitudinem tendit : ergo voluntate formali vult illi beatitudinem : sed hæc beatitudinis volitio, cum non impleatur, non habetur per voluntatem consequentem : ergo solummodo habetur per voluntatem antecedentem & conditionatam; quæ sic explicari potest: Volo huic beatitudinem, si ipse permanserit in gratia : ergo hoc decretum conditionatum est : & subinde cum in Deo propriè & formaliter inveniatur, dantur in illo propriè decreta hujusmodi ex parte objecti conditionata. 563.

Nec valet dicere, quod decreta ista intrinsicè imperfectionem claudant, cum executioni non mandentur : Non, inquam, valet : Nam ut docet D. Thom. cit. lib. 1. sent. licet voluntas Dei antecedens sit conditionata, quæ est imperfecta voluntas, quia tamen illa imperfectio non se tenet ex parte actus volendi, qui est ipsemet Deus, sed ex parte objecti voliti, quod non accipitur cum omnibus circumstantiis, reperitur propriè & formaliter in Deo : ergo cum ejusmodi conditionata decreta solummodo imperfectionem illam ex parte objecti importent, & non ex parte actus divini, qui absolutus est, & ipsamet essentia Dei, nihil prohibet quia formaliter & propriè in Deo reperiantur. 564.

Solvuntur contraria argumenta.

565. **A**RG. 1. ex D. Thoma quæst. 3. de verit. art. 6. ubi assignans discrimen inter ideas, quas Deus habet de his quæ nunquam erunt, sunt, vel fuerunt, & eas quas de futuris habet, ait: *Relinquitur quod idea possit esse ejus quod nec est, nec fuit, nec erit; non tamen eo modo sicut est eorum, quæ sunt vel erunt vel fuerunt: quia ad ea quæ sunt vel erunt vel fuerunt producenda determinatur ex proposito divinæ voluntatis; non autem ad ea quæ nec sunt, nec erunt, nec fuerant: ergo non dantur decreta sive proposita divinæ voluntatis respectu hujusmodi futurorum conditionatorum, quoniam hæc nunquam erunt.* Et ibid. ad 3. explicans dictum illud Dionysii cap. 5. de divin. nom. Exemplaria sunt divinæ & bonæ voluntates, quæ sunt determinativæ & effectivæ rerum, docet idcirco non dixisse Dionysium ea esse in Deo bonas voluntates prædefinientes, sed prædefinitivas ad ostendendum, *quod ad rationem exemplaris non exigeretur voluntas prædefiniens & efficiens, sed prædefinitiva & effectiva*, quoniam Deus de his quæ nunquam erunt habet rationes exemplares, cum tamen illa non sint à divina voluntate prædeterminata atque præfinita. Tandem 1. 2. quæst. 74. artic. 7. docet judicium perfectum sive sententiam practicam esse de agendis: sed præfinitio sive decretum divinæ voluntatis sequitur perfectum Dei judicium practicum: ergo debet esse de agendis: & subindè cum futura conditionata non sint reipsa agenda,

Art. XIII. An sciēt. Dei sit, &c. C. XVII. 787
agenda, non videtur quòd in Deo locum habere possint.

Resp. ad arg. ex eodem S. D. quæst. 12. de 566.
verit. art. 10. in cap. in futuris duo conside-
randa venire, nimirum ordinem causarum ad
futuros effectus; & exitum sive executionem
illius ordinis: quorum primum absque secun-
do actu inesse potest. Contingit enim causas
esse actu ordinatas ad aliquem effectum, qui
nunquam erit; sicuti morbus Ezechiae Regis
actu erat ordinatus ad brevi inferendam illi
mortem, quæ tamen non evenit. Unde ratione
hujus ordinis aliquid dicitur futurum; quæ de
causa Propheta Regi futuram mortem prænun-
ciavit, dicens: *Dispone domui tuæ quia morieris*
tu, & non vives, Isaiæ 38. cum tamen mortuus
tunc non fuerit. Dico igitur, quod licet futura
conditionata non sint quantum ad exitum sive
executionem ordinis, quoniam conditio illa
nunquam ponetur in actu; sunt tamen actu
quantum ad ipsum ordinem, & talis ordinatio
est à determinatione & proposito divinæ volun-
tatis volentis ejusmodi ordinem; sicuti vult
omnem hominem esse ordinatum ad beatitudi-
nem; licet quantum ad exitum illius ordinis
non velit omnes salvari, sed qui voluerint &
consenserint. Unde voluntas illa conditionata
dicitur. Itaque Deus ad ea producenda quæ
erunt simpliciter determinatur ex proposito di-
vinæ voluntatis & quoad ordinem & quoad
exitum illius ordinis: ad ea quæ sub conditione
sunt futura determinatur ex proposito suæ vo-
luntatis, quoad ordinem causarum duntaxat:
in merè possibilibus nullo modo, neque quoad
ordinem nec quoad exitum ordinis. Quapropter

respectu istorum voluntas divina non est prædefiniens & efficiens, sed solum præfinitiva & effectiva: bene verò respectu futurorum conditionatorum, & præfiniens quoad ordinem causarum: respectu futurorum absolutorum est præfiniens & efficiens. Quocirca Deus de illis habet iudicium practicum; quoniam quoad illud ordinem agenda propriè dicuntur; non verò quoad exitum ordinis. Neque enim S. D. agendorum nomine ibi intelligit solum illa quæ cum effectu & absolutè agenda sunt; sed etiam quæ agerentur si talis vel talis adhiberetur conditio; sicuti etiam Paterfamilias tractans suæ domus gubernationem multa prudenter ac providè cum iudicio practico disponit, si talis vel talis conditio appareretur, quæ tamen non fiunt, nec simpliciter facere intendit.

567. Arg. 2. & simul impugnatur præcedens solutio, Deus absoluta & efficaciter voluntate illam conditionem apponere non intendit; imò intendit non apponere, quâ non appositâ redditur res impossibilis: ergo decretum illud de tali objecto, seu futuro conditionato omnino commentitium est, ac chimæricum. Conseq. prob. promissio facta de aliquo sub conditione impossibili omnino nulla est; v. g. pollicear me Petro daturum centum aureos, si digito cælum tetigero: sed talis conditio appositâ, quam Deus decernit non fore executioni mandandam, reipsa redditur impossibilis: ergo & decretum illud efficitur commentitium, ac penitus Deo impossibile. Minor patet, nam cum voluntas Dei sit causa rerum, eo ipso quoddam sit.

568. Conf. voluntas quæcumque in Deo, etiam
conditio

Art. XIII. An scient. Dei sit, &c. C. XVII. 789
conditionata debet procedere ex intentione efficaci finis, alioquin ridicula, otiosaque esset: sed illæ volitiones cōditionatæ nequeunt ex intentione efficaci finis procedere, siquidem nunquam implebuntur: ergo non sunt in Deo admittendæ. Major declaratur, nam omnino ridicula ac nugatoria haberetur volitio siue promissio alicujus eâ conditione, quam non vult apponere; imò non apponere efficaciter decernit; ut si quis dicat, dabo tibi centum aureos si eodie venero, & venire efficaciter non intendat, imò non venire apud se efficaciter constituat.

Resp. ad arg. quòd equidem Deus absoluta & efficaci voluntate, quàm consequentem nominamus, & quæ respicit objectum secundum omnes illius condiciones & circumstantias in particulari, illam conditionem apponere non intendit ob fines sibi notos, imò omnibus pensatis intendit non apponere. Unde illud quod subiicitur distingo, conditione illa non appositâ redditur res impossibilis, quoad ordinem causarum, nego anteced. quoad exitum ordinis, transeat. Unde non est absolutè impossibilis, sed secundum quid & ex suppositione; sicuti non est absolutè & simpliciter impossibile peccatorem salvari, sed posito hoc, quòd peccator sit, & in peccato finaliter perseveret. Quapropter decretum de tali objecto commentitium non est; sicuti neque Prophetia comminationis quæ respicit ordinem causarum, licèt exitus ordinis in re non ponatur. Ad prob. concessa majori distingo minorem eodem modo: & nego conseq.

569.

570.

Resp. ad conf. dist. major. Voluntas quæcunque in Deo etiam conditionata debet procedere ex intentione efficaci finis, qui est de prima veluti intentione concedo majorem: qui est etiam de secunda intentione, nego majorem. Nam propriè datur voluntas in Deo conditionata salvandi omnes homines, & hæc non procedit nisi ex intentione quasi prima ipsius sive antecedenti voluntate, non autem veluti secunda & consequenti, quemadmodum docet D. Thomas quæst. 23. de verit. art. 2. dicens: *Illud, ad quod Deus creaturam ordinavit quantum est de se, dicitur esse volitum ab eo quasi prima intentione, sive voluntate antecedente. Sed quando creatura impeditur propter sui defectum ab hoc fine, nihilominus tamen Deus implet in ea id bonitatis, cujus est capax; & hoc est quasi de secunda intentione ejus, & dicitur voluntas consequens.* Et postea subdit, Deum quasi de prima intentione velle omnium salutem, in quantum vult omnem hominem secundum naturam suam esse ad beatitudinem ordinatum: non autem de secunda veluti intentione, seu voluntate consequenti, atque attentis omnibus circumstantiis.

571.

Resp. 2. dist. major. procedit ex intentione efficaci finis, quantum ad ordinem ad finem, vel quantum ad ordinem ad finem & exitum simul ipsius ordinis, concedo majorem, semper quoad ordinem ad finem, & exitum illius ordinis simul, nego majorem Pater in voluntate salvandi omnes homines, quæ procedit ex intentione efficaci finis quoad hoc quoad est velle omnem hominem esse in beatitudinem secundum naturam

Art. XIII. Ansient. Dei sit, &c. C. XVII. 791
 naturam suam ordinatum, non autem omnes
 secundum ordinem & exitum illius ordinis.
 Quapropter merito S. D. ibidem concludit :
Nec tamen intelligendum est ex predictis, quod
intentio Dei frustrari possit (ex eo scilicet quod
non omnes homines salvantur) : qui istum,
qui non salvatur, praevidit ab aeterno fore non sal-
vandum : nec ordinat ipsum in salutem secundum
ordinem praedestinationis, qui est ordo absoluta vo-
luntatis (respicientis nedum ordinem sed etiam
exitum sive eventum illius ordinis, ut habetur
quaest. 6. de verit. art. 1. cap.) : Sed quantum est
ex parte sua dedit naturam ad beatitudinem ordi-
natam.

Resp. 3. quod illa decreta sunt in Deo non
 ex voluntate efficaci adimplendi illa ; sed ex
 divina voluntate intendente per huiusmodi de-
 creta suam bonitatem, justitiam, vel sapien-
 tiam demonstrare, & ob alia occulta sua ju-
 dicia, absque dubio justissima. Quem equidem
 finem obtinet per decreta illa conditionata ;
 v. g. ad manifestandum hominum perditio-
 nem non ex ipso Deo, sed ex ipsorum propria
 nequitia & iniquitate originem ducere, vult
 Deus voluntate antecedenti omnes homines
 salvos fieri, & sic de aliis.

Ex quo sequitur decreta ejusmodi conditio-
 nata, non esse vana, otiosa, aut nugatoria,
 quoniam vanum dicitur ex Philosopho & D.
 Thoma *quaest. 9. de malo*, quod non consequi-
 tur finem : decreta autem illa semper aliquem
 consequuntur finem ; v. g. decretum salvandi
 omnes homines consequitur hunc finem, qui
 est ipsam naturam esse ad beatitudinem ordi-
 natam, vel manifestatio divinae bonitatis ; li-
 cèt

572.

573.

cet non consequuntur hunc finem qui est affectio ipsius beatitudinis. Quod sanè exemplis suprà adductis ulteriùs manifestari, potest. Certum est enim Deum efficaciter decrevisse, quod si Christus efficaciter postulasset ad sui liberationem duodecim legiones Angelorum, illius ei Pater æternus tribuisset, ut constat ex his quæ ipsemet Christus Petro dixit, *An putas quia non possum rogare patrem meum, & exhibebit mihi plusquam duodecim legiones Angelorum?* Nisi enim id certò Pater constituisset, nullatenus asseruisset Christus eas sibi à Patre concedendas si rogarit illum; immo neque id certò cognoscere potuisset: quam tamen conditionem noluit Pater æternus à Christo apponi: quid ergo erit hujusmodi decretum dandi Christo duodecim legiones Angelorum, cujus conditio non erat in re ponenda, otiosum, rogatorium, indecorum, Deo indignum, aut impossibile judicandum? Absit. Quavis enim conditio illa minimè in re apponenda esset, immò non apponendam efficaciter decrevisset Deus, tamen id decernere voluit sub conditione ob alios fines, ut putà ad ostendendum quàm sponte & non coactè, & ex quanta charitate pro generis humani salute moretetur, qui tanta facilitate poterat mortis pericula devitare, quanta erat ad Patrem fundere preces pro mittendis sibi duodecim legionibus Angelorum, quas rogatus non negasset. Simile est illud, quod apud Marcum cap. 14. habetur dum Christus ita Patrem suum alloquitur: *Abba Pater omnia tibi possibilia sunt, si vis transfer calicem istum à me.* Nunquid Christus certò sciebat Patrem efficaci voluntate decrevisse ipsum pro mundi

Art. XIII. An scient. Dei sit, &c. C. XVII. 793
mundi salute passurum? Quis dubitet, cum ipse Petro dixerit Matth. cap. 26. *Sic oportet fieri*; hoc est impleri voluntatem Patris mei, & Prophetarum oracula, qui de morte mea annuntiarunt. Quid ergo orabat, & dicebat transferendum à se calicem illum, si Pater vellet? cum rem postulabat impossibilem, aut Deo indecoram atque indignam, vel otiosè petebat? Absit. Quanvis ergo Deus efficaciter constituat aliquam non apponere conditionem, qua apposita res poneretur, nullo modo ex hoc redditur illa conditio impossibilis absolutè & simpliciter, sicuti est chimæræ productio; sed absolutè & simpliciter est possibilis: quod & Christus insinuavit, cum dixit: *Pater omnia tibi possibilia sunt*, ergo & à me transferre calicem istum; quanvis ex suppositione voluntatis Dei efficaciter decernentis quod non apponatur, reddatur impossibilis impletio conditionis cum decreto illo, quo Deus firmiter ab æterno constituit ac præfinivit Christum esse passurum.

§. U L T I M U S.

Alia argumenta dissolvuntur, & quadam notatu digna explicantur.

ARg. 3. illa decreta non possunt in Deo ex necessitate naturæ constitui, cum Deus ad extra liberè operetur: usque etiam libera esse possunt: ergo nullo pacto sunt in Deo admittenda. Prob. anteced. omne decretum liberum divinæ voluntatis aliquam realem & physicam mutationem in ipsa creata causat, & infert: sed tale decretum conditionatum mutationem hujusmodi

jusmodi in creatura inferre nequit : ergo nequit esse decretum liberum. Minor patet , quia conditione illâ non positâ in esse , res nullatenus transit de possibili vel futuro ad esse actu. Major verò prob. tale decretum importat respectum rationis ad rem volitam , sed respectus rationis in Deo non consurgit nisi præsupposita aliqua mutatione reali in ipsa creatura : ergo omne decretum liberum divinæ voluntatis mutationem realem in creatura infert.

575. Conf. cuilibet actu voluntatis in Deo existenti proprium objectum præsens , & actu bonum correspondere debet , sed decretis conditionatis tale objectum assignari & correspondere nequit ; nam objectum sub conditione futurum non est actu existens , & subinde neque bonum : ergo &c. Prob. minor. ut coloratum sit actu objectum visus actu terminans visionem debet esse actu coloratum , nec sufficit ut sit tale sub conditione ; v. g. non sufficit Angelum esse hac conditione coloratum , nimirum si esset corpus naturale , vel corporatus , ut possit actu visum terminare : ergo similiter ut objectum actu terminet volitionem & decretum Dei non sufficit quòd sit bonum & existens conditionatè , sed absolutè.

576. Respondent ad argu. variè nostri Auctores. R. P. Gonet ait , non semper requiri in objecto realem & physicam mutationem , sed moralem sufficere ; sive extrinsecam & objectivam : quam decreta illa conditionata in objecto inferunt , illud transferendo à statu puræ possibilitatis ad statum futuritionis conditionatæ , & ordinando illud ad existentiam sub conditione habendam , à qua purè possibilia omnino abstrahunt.

Quam

Quam solutionem fusè ad aliud institutum prosequitur P. Suarez lib. 1. de essent prædest. cap. 15. ubi plurima ad id adducit exempla, inter quæ est illud de voluntate sive decreto, quod habet Deus salvandi omnes homines, quod in parvulis absque baptismo decedentibus, & in aliis innumeris infidelibus, aut reprobis, nullam realem aut physicam mutationem ponit. Item hominum hominem obligatum per votum potest Deus ab obligatione liberare sine aliqua mutatione physica ex parte hominis.

Secundò resp. Alvarez lib. 1. respons. cap. 4. 577.
num. 10. & lib. 2. de auxil. disput. 7. num. 32. quòd quando decretum est absolutum ex parte voliti resultat equidem in illo pro aliquo tempore realis mutatio in creatura: quando autem est conditionatum ex parte objecti voliti non est necesse, quòd in ipsa creatura realem mutationem inferat; sed sufficit quòd ex vi illius decreti realiter mutaretur, si conditio fuisset impleta: & hæc realis mutatio, quæ futura esset, si adimpleretur conditio, est etiam sufficiens ut divina voluntas aliter comparetur ad creaturas post illud decretum actuale, quàm antea. Unde in tali mutatione conditionata fundatur respectus rationis, quem intellectus noster concipit advenire Deo ratione talis decreti.

Resp. 3. adnotando cum D. Th. quæst. 23. de 578.
verit. art. 4. ad 15. quòd voluntas ad volitum duplicem respectum habet: primum quidem habet ad ipsum inquantum est volitum: secundum verò habet ad idem inquantum est producendum in actu per voluntatem, & hic quidem respectus præsupponit primum. Primò enim intelligimus voluntatem velle aliquid, deinde
ex

ex hoc ipso quod vult illud, intelligimus quoddam producat ipsum in rerum natura, si voluntas sit efficax. Quo adnotato dist. majorem: Omne decretum liberum divinæ voluntatis aliquam realem mutationem in ipsa creatura infert, quatenus præcisè respicit illum in ratione objecti voliti, nego majorem: quatenus respicit illam in ratione producti vel producibilis in actu, pro aliqua differentia temporis, concedo majorem. Et concessa minori, nego consequentiam. Nam decretum liberum conditionatum respicit objectum actu in ratione voliti, sed non in ratione producibilis absolute & simpliciter, sed sub conditione duntaxat. Ad prob. majoris concessa vel admissa, majori, dist. min. respectus rationis in Deo non consurgit nisi præsupposita aliqua mutatione reali in creaturæ, si sit respectus ad rem in esse productæ vel producibilis absolute & simpliciter, concedo min. si sit respectus ad rem in esse volitæ, nego min. & consequentiam. Nam ad hunc respectum sufficit quoddam significetur Deus se habere in habitudine ad volitum tali modo, quæ quidem habitudine cum fundetur in actione immanenti, ut putà volitione ut volitio est, nil reale producit in objecto volito, sicuti neque intellectio divina in objecto intellecto; sed solum significatur quoddam tali modo se habeat objectum ad Deum voluntatem, vel Deus volens ad ipsum objectum, ut sumitur ex D. Thoma ibidem. At vetò secundus respectus fundatur in actione divina virtualiter transeunte, quæ in creatura aliquid ponit, per quod realiter transit de non esse ad esse actu, subindèque mutationem realem infert. Quapropter illud respiciat objectum actu in esse volitis,

Art. XIII. An scient. Dei sit, &c. C. XVII. 797
litis, & habitu producibile, non oportet, quodd
physicam mutationem actu in objecto inferat,
sed objectivam & extrinsecam, ut dicebat pri-
ma solutio: realem autem in habitu, quatenus
poneretur actu si purificaretur conditio, sicuti
insinuabat secunda solutio.

Resp. ad conf. dist. majorem cuilibet actu 579.
voluntatis debet correspondere objectum præ-
sens & actu bonum simpliciter & absolute seu
quantum ad esse simpliciter & absolute exi-
stens, nego majorem. Quantum ad esse, vel
ordinem ad esse, concedo maj. Nam ut docet
D. Thomas suprâ quæst. 5. art. 3. licet materia
prima de se non sit actu præsens vel existens,
est tamen actu bona propter ordinem quem ad
ipsum esse dicit. Et dist. min. decretis condi-
tionatis non correspondet objectum actu præ-
sens & bonum, quantum ad ordinem ad esse,
absolute ac simpliciter, concedo min. quantû ad
ordinem ad esse, nego min. & consequ. nam licet
nunquam in re ponit debeant quoad esse jure, ta-
men actu sunt ordinata ut sint si purificaretur
conditio. Pater in decreto salvandi omnes homi-
nes; nam respicit actu naturâ humanam ut ordi-
natam ad beatitudinem, quam omnes in re con-
sequerentur posita conditione requisita; non ta-
men in re habebunt. Ad prob. dico longè disparè
esse rationem, quoniam visus, cum sit potètia ma-
terialis & affixa organo corporeo, non movetur
nisi ab objecto actu præsentis & realiter existen-
ter simpliciter & in re; voluntas autem, cum sit
potentia immaterialis, versatur circa objectum
necum prout actu est absolute & in re, sed etiam
prout ordinatur ad esse, vel sub conditione, in-
quantum in eo aliqua ratio boni relucet.

Arg. 4.

580. Arg. 4. si darentur in Deo hujusmodi decreta conditionata, Deus haberet affectus aliquo modo contrarios & inter se discohærentes: sed hoc non est admittendum in eo: ergo neque decreta illa. Sequela prob. posito quòd Deus habuerit decretum conditionatum v. g. quo statuerit, quòd Ceilitæ traderent Davidem in manus Saulis, cùm aliunde decreverit, immò compulerit Davidem, ut ex illa urbe discederet, ne in hoc malum incideret, sequitur Deum simul voluisse & noluisse traditionem Davidis in manus Saul: & si habuit Deus decretum conditionatum convertendi Tyrios ac Sydonios, si Christus eis Evangelium annunciaffet, & coram illis miracula virtutesque fecisset, cùm aliunde efficaciter decrevisset, quòd Christus apud illos nunquam prædicaret, aut miracula faceret quanta apud Judæos, simul & semel voluit eorum conversionem, & noluit: ergo Deus habebit effectus aliquo modo contrarios, & inter se discohærentes.

581. Resp. neg. majorem. Ad prob. dico hujusmodi voluntates seu voluntatis affectus non esse inter se contrarios aut discohærentes; quemadmodum neque voluntas illa antecedens, qua vult omnes homines salvos fieri, & voluntas consequens qua vult non omnes homines salvos fieri, sed aliquos aut plurimos damnari; quia non respiciunt objectum formaliter idem vel secundùm eandem rationem acceptum. Nam voluntas antecedens respicit illud absolutè; consequens verò ut vestitum his vel illis circumstantiis, quemadmodum fusè declarabitur infrà quæst. 19. art. 6. Sicut etiam non discohærent illi affectus, quorum uno
mercator

mercator voluntate efficaci imminente tempestate vult projicere merces in mare ad vitandum periculum; & alio vellet non projicere, si tempestas & periculum non adesset. Eadem ratione voluntas seu voluntatis decretum quo Deus decrevit quod Ceilitæ traderent Davidem in manus Saül, si maneret in Ceila non fuit contraria illi, quo decrevit ut non maneret ibi: illa fuit voluntas secundum quid & conditionata; ista autem efficax & absoluta.

Arg. 5. Sine decreto aliquo divinæ voluntatis dicitur aliquid possibile, & certò à Deo cognoscitur in sua omnipotentia vel bonitate, ut docet D. Thom. *quæst. 2. de verit. art. 8.* Sed rem esse sub conditione futuram nihil aliud est quàm possibile: ergo non indiget aliquo decreto ut sit conditionatè futura, & ut talis à Deo certò cognoscatur. Min. prob. futurum prout non existit non distinguitur à possibili: sed res sub conditione futura actu non existit, nec pro aliqua temporis differentia existet: ergo non distinguitur à possibili.

Conf. decretum conditionatum non debet esse impossibile cum ipsius futuri conditionati existentia, aliàs futurum non esset: sed si darentur decreta illa conditionalia in Deo, essent cum existentia futurorum conditionatorum omnino impossibilia: ergo non sunt admittenda. Prob. min. Si existentia ipsorum esset compossibilis cum decretis illis, esset etiam necessaria: sed hoc est absurdum, quia possunt non esse, immodò non erunt: ergo sunt impossibilia. Prob. major primò: quia ubi potest futurum absolutum proximè decerni, necesse est illud decerni: ergo ubi proximè decerni

potest conditionatè futurum conditionatum ; debet etiam decerni , & subinde existentia illa erit necessaria. Prob. secundò : quod potest Deus conditionaliter præscire , debet ita præscire , alioquin circa creaturas & circa seipsum omnem scientiam non haberet , quam habere absque imperfectione potest , quod est absurdum : ergo necessariò præscit illius futuri existentiam.

584. Resp. ad arg. neg. min. Ad cujus prob. dist. maj. futurum prout non existit neque in se , neque secundum ordinem qui est in causis suis ad productionem illius , non distinguitur à possibili , concedo majorem : si existat secundum ordinem determinatum ad productionem illius , nego majorem. Patet ex dictis suprâ art. 13. cap. 1. num. 7. & seq. & dist. min. non existit in se , concedo min. non existit in causis dicentibus ordinem ad productionem illius sub conditione , nego min. & conseq. & licèt nunquam reipsa extitutum sit ; ramen actu est ordo ille ad existentiam sub conditione habendam , quod sufficit , ut declaratum est ibidem.

585. Respond. ad conf. concessâ majore negando minorem. Ad cujus prob. dist. antec. ubi potest futurum absolutum proximè decerni debet decerni , necessitate suppositionis transeat , necessitate absoluta nego. Etenim Deus ad decernendum circa productionem cujuslibet futuri absoluti futuritionem simpliciter liber est , nec tenetur decernere ; quanvis posito quòd decreverit non possit non decrevisse. Et similiter postquam liberè decrevit de futuro conditionato adhuc manet liber ad ponendum in re
conditio

Art. XIII. An scient. Dei sit, &c. C. XVII. 801
conditionem illam, vel non ponendam, absolute loquendo; licet ex suppositione quoddam efficaciter decreverit eam non ponere, necesse sit eam non poni. Per quod ad 1. prob. pater. Ad 2. prob. respondetur hoc esse verum de præscientia speculativa, non autem factiva ipsius scibilis. Etenim cum hæc sit libera dependens à decreto divinæ voluntatis, tanquam à medio in quo ipse futurum absolute, vel sub conditione certo cognoscit, præscientia illa decretum divinæ voluntatis liberum ad sui certitudinem præsupponere debet. Unde absolute loquendo hac præscientiâ non omne quod præscire potest præscit, sicuti neque omne id quod facere potest facit. Nec inde sequitur quod non habeat circa creaturas omnem scientiam quam habere potest ex parte actus sciendi; quoniam quæ decrevit facere præscit faciendâ, quæ non decrevit nescit non faciendâ, & subinde de omnibus scientiam habet.

Arg. 6. Volitiones conditionatæ ob sui imperfectionem in beatis non admittuntur: ergo multò in Deo sunt admittendæ. Respondetur cum aliquibus primò negando antec. videlicet hujusmodi volitiones conditionatas in beatis non esse; sunt tamen in illis absque imperfectione vel tristitia; v. g. beatus hanc volitionem conditionatam habet, vellem quod pater meus non esset in inferno, absque tristitia tamen ob conformitatem plenam quam habet cum voluntate divina volente ut ille in inferno ob demerita sua patiatur. Resp. 2. quod voluntas dupliciter dici potest inefficax sive conditionata. Primo ex impotentia vel defectu volentis, sive actus, quatenus scil. circa obje-

586.

Actum illud actum non valet habere efficacem, unde illum habet conditionatum & inefficacem, ut contingit in eo qui merces in mare projicit, quas tamen projicere nollet, si periculum submersionis ad id ipsum non adurgeret. Secundò ex parte objecti; quoniam scilicet objectum illud pensatis omnibus non est efficaciter amabile, sed conditionaliter & secundum aliquam sui considerationem; sicuti est salus omnium hominum, quæ attentis omnibus circumstantiis, & omni ordine divinæ providentiæ, non est efficaciter volibilis, sed conditionaliter tantum, quemadmodum ex D. Thom. quæst. 19. art. 6. dictum est. Velleitates primi generis imperfectionem equidem in volente ponunt, & remouentur etiam à beatis; non autem velleitates secundi generis, cujusmodi sunt decreta illa conditionata; quapropter jure merito in Deo constituenda veniunt.

387.

Argum. 7. multa ex hujusmodi futuris conditionatis sunt intrinsecè mala & peccata: sed respectu horum nequeunt admitti ejusmodi decreta conditionata: ergo non dantur; quoniam etiam respectu horum deberent admitti ad certam de ipsis cognitionem habendam. Prob. min. nam nequit Deus velle peccare eos, vel decernere peccaturos, qui præsciuntur sub his conditionibus peccaturi. Resp. ex dictis, non esse decretum in Deo, quo decernat peccaturos adhibitis illis conditionibus, sed quo decernat permittere ut peccaturi sint eisdem admissis conditionibus. Argumentum de læsione libertatis fusè dissolvitur à nobis infra, ubi erit sermo de efficacia divinorum decretorum.

Argum.

Argum. ultimò , quia si semel aliqua decreta conditionata pro hujusmodi futuris in Deo admittantur , erunt in infinitum multiplicanda : sed hoc est inconveniens : ergo non debent admitti. Seq. prob. quia sunt infinitæ conditiones , & conditionales , vel conditionalium combinationes , quæ omnes à Deo cognoscuntur.

588.

Conf. nullus apparet finis in quem talia decreta ordinari ac referri queant : ergo non sunt admittenda. Prob. antec. num ipsa nihil conferunt ad rerum gubernationem , nec per ea Deus aliquid disponit circa res à se gerendas. Deinde , quia absque hujusmodi decreti potest optimè Deus certam de illis futuris cognitionem habere : quod prob. illa sunt libera , & subinde potuerunt in Deo non esse : sed hoc stante etiam Deus de illis futuris scientiam haberet : ergo ad hunc aut alium finem necessaria non sunt, aut conducere aliquo modo videntur.

589.

Resp. ad arg. neg. seq. neq. enim hoc necessarium est , aut conveniens ; sed tantum oportet illa recipere , quæ nobis ex divinis literis , Patrumve interpretatione tradita sunt , vel ad providentiæ divinæ rationem spectare noscuntur. Hæc enim ob altissimam rationem innotescere opus fuit , vel ad significationem quorundam occulterum sive mysteriorum aperiendam , sive demonstrandam Dei misericordiam , aut potentiam , vel energiam in operando , aut etiam increpandam hominum duritiam , vel deterrendam nequitiam , aliosque altissimos & genitus inscrutabiles divinæ providentiæ fines. Circa alia non est opus

590.

804 *Quaest. XIV. De Scientia Dei,*
 sigillatim pro qualibet combinatione possibili decreta multiplicare, sed sufficit unum admittere generale & eminentissimum quo Deus decrevisse intelligatur nihil circa infinitas illas combinationes positivè definite vel constituere, vel quo decrevit ea minimè futura esse : in cuius virtute cognoscit Deus illa futura non esse, quibuslibet adhibitis conditionibus; sicut etiam de omnibus aliis creaturis possibilibus certò scit Deus se determinasse illas futuras non fore : vel tandem quo ita apud se statuit in omnibus similibus conditionibus esse quod ego determinarem, vel permetterem fieri, ut notavit M. Lemos tomo 1. Panop. grat. p. 2. tract. 5. cap. 23. ubi advertit ejusmodi futura in triplici esse differentia. Quædam sunt, quæ infallibiliter ponerentur in re adhibitis conditionibus, quæ tamen appositæ non fuerunt; cujusmodi sunt illa, quæ ex divina Scriptura nobis innotescunt : & hæc certò cognoscuntur à Deo in decreto, quo ipse decrevit illa fore si tales conditiones apponerentur. Alia sunt merè possibilia, & ut talia à Deo cognoscuntur in sua omnipotentia & bonitate; ut sunt infinitæ illæ combinationes. Tandem alia sunt, quæ in aliqua temporis differentia exitura sunt; & hæc in decreto absoluto Deus prænoscit.

591.^o Dices : Illud est futurum conditionatum in Scriptura expressum sap. cap. 4. *Raptus est ne malitia mutaret intellectum ejus, & filio deiperet animam illius*, includit enim hanc conditionem, si non esset raptus, malitia mutasset intellectum ejus, & fictio decepisset animam illius : sed tamen illud Deus in aliquo decreto suæ voluntatis conditionato non cognoscit :
 ergo

Art. XIII. An scient. Dei sit, &c. C. XVII. 805
 ergo neque cætera, quæ in Sacra Scriptura in-
 veniuntur expressa. Prob. min. ex D. August.
 lib. de prædest. sanct. cap. 14. asserente, *Hæc*
dicta esse secundum communia pericula vitæ, non
secundum præscientiam, nimirum in aliquo de-
 creto fundatam, à quo certitudo illius depen-
 det.

Resp. quodd vel Deus etiam hoc futurum in 592.
 præscientia præsupponente decretum, sicuti &
 alia hujusmodi cognoscat: vel hoc dictum se-
 cundum communia hujus vitæ pericula, &
 non secundum præscientiam, ut ait Augustinus.

ARTICULUS XIV.

Utrum Deus cognoscat enuntiabilia.

HÆC quæstionem mover S. D. q. 2. 1.
 de verit. art. 7. & in 1. dist. 38. q. 1.
 art. 3. ut plenius opinionem Avicen-
 næ supra relatam confuter, ex qua
 sequi videbatur, quodd Deus enunciabilia nesci-
 at, & præcipuè in rebus singularibus, quia
 ipse posuit quodd singularia universaliter dunta-
 xat sciret, id est, secundum quod sunt in causis
 universalibus, & non particulariter, id est,
 in natura particularitatis suæ. Unde concessit
 Deum scire hoc individuum & illud: sed ta-
 men non scire hoc individuum nunc esse, &
 postmodum non esse: sicut si aliquis sciret
 eclipsem, quæ futura est cras in suis causis uni-
 versalibus, non tamen sciret, an modò esset,
 vel non esset, nisi sensibiliter videret.

Concl. Deus scit omnia enuntiabilia, & com- 2.

806 *Quaest. XIV. De Scientia Dei,*
plexa, non tamen per modum enuntiabilium,
scil. componendo & dividendo, sed per sim-
plicem intelligentiam, seu simplicem cogni-
tionem per modum suum. Hanc conclusionem
ita declarat in 1. dist. 38. q. 1. art. 3. c. ut suprà loc.
cit. *Cum in re, ait, duo sint, quidditas rei, & esse*
eius, his duobus respondet duplex operatio intel-
lectus. Una, quae dicitur à Philosophis formatio,
quâ apprehendit quidditates rerum, quae etiam
dicitur indivisibilem intelligentia: Alia autem
comprehendit esse rei componendo affirmationem,
quia etiam esse rei ex materia & forma composi-
ta, à qua cognitionem accipit, consistit in qua-
dam compositione forma ad materiam, vel acci-
dentis ad subiectum. Similiter etiam in ipso Deo
est considerare naturam ipsius, & esse eius, &
sicut natura sua est causa & exemplar omnis for-
ma, ita etiam esse suum est causa & exemplar
omnis esse. Vnde sicut cognoscendo essentiam suam
cognoscit omnem rem: ita cognoscendo esse suum
cognoscit esse cuiuslibet rei, & sic cognoscit om-
nia enuntiabilia, quibus esse significatur: nec
tamen diversâ operatione, nec compositione, sed
simpliciter: quia esse suum non est aliud ab es-
sentia, nec est compositum consequens, & sicut
per idem cognoscit bonum & malum, ita per
idem cognoscit affirmationes & negationes.

3. Prima pars prob. 1. in dist. 38. q. 1. art. 3. *sed cōtra*
ex illo psalm. 93. Deus scit cogitationes hominum:
sed enuntiabilia continentur in cogitationibus
hominum: ergo Deus enuntiabilia cognoscit.
Conf. quidquid prædicat Deus, scit: sed mul-
ta enuntiabilia per Prophetas prædixit, sicut
est illud: Ecce virgo concipiet, Isaïæ 7. cap. ergo
enuntiabilia scit.

Probat

Probat 1. ratione Deus scit quidquid est in potentiâ , tam suâ , quàm creaturæ : sed omnia enuntiabilia , quæ formari possunt , sunt in potentia creaturæ , nimirum intellectus creati componentis & dividētis , & etiam in potentia sua , quia in esse divino tanquam in causa & exemplari continentur actu perfecto : ergo Deus scit omnia enuntiabilia , quæ formari possunt.

Secundam partem probat 1. à simili , quia videlicet sicut se habet Deus ad intelligenda materialia , & composita , ita se habet ad intelligenda enuntiabilia : sed Deus intelligit materialia immaterialiter , & composita simpliciter : ergo pari modo enuntiabilia intelligit , non per modum enuntiabilium , scil. componendo & dividendo , sed per simplicem intelligentiam.

Probat 2. ille qui cognoscendo rei essentiam , simul cognoscit omnia , quæ de ipsa prædicantur , enuntiabilia cognoscit , sed non per modum enuntiabilium : sed Deus cognoscendo rerum essentias , eodem actu , & intuitu cognoscit omnia , quæ de rebus prædicari possunt : ergo Deus cognoscit enuntiabilia per modum simplicium , & non per modum enuntiabilium , componendo & dividendo. Maj. declaratur : si noster intellectus hominis quidditatem cognoscendo , ex hoc , & eodem actu omnia cognosceret , quæ de homine prædicari possunt , profectò absque illa compositione cognosceret , illa prædicata tali inesse subjecto , eodem modo & actu , quo cognoscit essentiam , ac subinde enuntiabilia per simplicem intelligentiam cognosceret : sed hoc in intellectu nostro

4.

5.

6.

808 *Quaest. XIV. De Scientia Dei,*
stro contingere non potest, quia species, quæ
repræsentat essentiam, non repræsentat simul,
& actu perfectò, omnia quæ de ipsa prædica-
ri possunt, sed per diversas species, & ideo
intellectus noster successivè intelligit, atque
componendo & dividendo: sed species divini
intellectus est ipsamet divina essentia, quæ si-
mul & actu perfectò repræsentat res & omnia
quæ de rebus prædicantur.

C A P U T I.

Solvuntur argumenta.

7. **A**Rg. 1. cognoscere enunciabilia competit
intellectui nostro, secundum quod com-
ponit, & dividit, hîc, & cit. verit. art. 7. arg. 3.
sed in intellectu nostro nulla est compositio, &
divisio: ergo Deus non cognoscit enunciabi-
lia. Maj. pater, quia secundum Philos. 6. *Me-
taph. text. 3.* compositio, quæ significatur, cum
dicitur aliquid esse vel non esse, non est in re-
bus, sed intellectu nostro tantum.

8. Resp. S. D. loc. cit. quod intellectus noster
enuntiabilia per modum enuntiabilium co-
gnoscit; & ideo componendo & affirmando,
non autem intellectus divinus, quia loco com-
positionis, quæ est in intellectu nostro, est
unitas in intellectu divino: compositio enim
est quædam unitatis imitatio, unde unio dici-
tur: Quapropter Deus non componendo veriùs
essentialia cognoscit, quàm ipse intellectus
componens & dividens.

9. Arg. 2. loc. cit. omnis cognitio fit per ali-
quam

Art. XIV. An Deus cogn. enuntiabilia. 809
quam similitudinem: sed in Deo nulla est enun-
tiabilium similitudo, cum sit omnino simplex:
ergo Deus enuntiabilia non cognoscit.

Resp. ex S. D. loc. cit. enuntiabilia duplici-
ter considerari posse: uno modo quantum ad mo-
dum significandi, ut scil. significant cum com-
positione & divisione, & secundum hunc mo-
dum non habent similitudinem in Deo per se:
alio modo considerantur secundum rem signifi-
catam, ut nimirum significant esse, vel non
esse rei, & sic habent in Deo similitudinem;
cum Dei essentia, quæ cum suo esse identifica-
tur, si omnium similitudo rerum, quæ per enun-
ciabilia significantur.

Arg. 3. quæst. 2. de verit. art. 7. arg. 2. inter
potentias animæ illæ quæ æqualiter se habent
ad rem præsentem & absentem, ut imagina-
tio, non cognoscunt an res nunc sit, vel non
sit: hoc autem illæ potentiæ cognoscunt, quæ
non sunt rerum absentium, sicut præsentium,
ut visus & alii sensus externi: sed intellectus
divinus eodem modo se habet ad res præsentem,
& absentes: ergo non cognoscit res nunc esse,
vel non esse, & subinde non cognoscit singu-
laria enuntiabilia, sed rerum naturam simpli-
citer.

Conf. res creatæ sunt in Deo sicut arca in
mente artificis ut docet D. August. *tract. 2. in*
Ioan. ibid. arg. 3. sed artifex per similitudinem
arcæ, quam habet in mente sua, non cognos-
cit, an arca sit vel non sit: ergo nec Deus co-
gnoscit singulare esse, vel non esse.

Resp. S. D. loc. cit. in arg. quod similitudo,
quæ est imaginatione ipsius rei, non autem est
similitudo ad cognoscendum tempus, in quo
res

810 *Quest. XIV. De Scientia Dei,*
res invenitur; secùs autem est de intellectu di-
vino, ibid. in c. Cujus rei gratia sedendum est,
quod sicut essentia universalis alicujus speciei
se habet ad omnia per se accidentia illius spe-
ciei, ita se habet essentia singularis ad omnia
accidentia propria illius singularis, cujusmodi
sunt omnia accidentia in eo inventa. Quia per
hoc quod in ipso individuantur, efficiuntur ei
propria. Intellectus autem cognoscens essen-
tiam speciei per eam comprehendit omnia per
se accidentia illius speciei quia, secundum
Philos. principium omnis demonstrationis, per
quam accidentia propria de subiecto conclu-
duntur, est ipsum quodquid est, unde & co-
gnitâ propriâ essentiâ alicujus singularis, om-
nia accidentia illius singularia cognoscuntur:
quod noster equidem intellectus non potest;
quia de essentiâ singulari est materia signata, à
quâ intellectus noster abstrahit, & poneretur
in ejus definitione, si singulare definitionem
haberet. Sed intellectus divinus, qui est ap-
prehensor materiæ, comprehendit, non solum
universalem speciei essentiam, sed etiam essen-
tiam singularem uniuscujusque individui. Et
ideo cognoscit omnia accidentia, non modò
communia toti generi & speciei, sed etiam
propria unicuique singulari, inter quæ unum
est tempus, in quo invenitur unumquodque
singulare in rerum natura, secundum cujus de-
terminationem dicitur nunc esse vel non esse.
Et ideo Deus cognoscit de unoquoque singula-
ri, quod nunc est vel non est. Et idea rei sin-
gularis, quæ est in mente divinâ, est similitudo
rei secundum omnem ejus dispositionem, &
per eam Deus cognoscit de re in quacunque
dispositione. ibid. ad 6.

Resp.

Respond. S. D. ibid. ad 4. ad Conf. arcam, 14.
quæ est in mente artificis, quæ est idea arcæ ad
extra, non esse similitudinem omnium, quæ
possunt arcæ convenire secundum omnem il-
lius dispositionem: essentia autem divina est
similitudo omnium, quæ in rebus reperiri va-
lent, non modò in potentia, sed in actu per-
fecto, & secundum omnem dispositionem, qua-
propter dispar ratio.

Arg. 4. 1. sent. dist. 38. q. 1. art. 3. arg. 3. si- 15.
cut dicitur in 3. *de anim. text.* 21. operationi,
quâ intellectus affirmat aliquid, vel negat,
miscetur tempus, unde omnis enuntiatio cum
tempore significat: sed intellectus divinus est
omnino absolutus à tempore: ergo non est
enuntiabilem.

Resp. S. D. operationi intellectus nostri 16.
componentis & dividētis admisceri tempus
duplici de causâ: tum ex parte suâ, quia acci-
pit scientiam à continuo & tempore, scil. à
sensu & imaginatione: tum ex parte intellectu-
rum, quæ in tempore sunt. In operatione autem
divini intellectus, advenit tempus tantum ex
parte intellectuum, quia sicut alias res determi-
natè cognoscit, ita & tempus. Unde cognoscit
hanc rem esse in tali, vel tali tempore; sed ex
parte ipsius intellectus nullum tempus, nulla-
ve successio advenit, quia temporalia intem-
poraliter cognoscit.

Art. XV. An scient. Dei sit variabilis. 813
vel corruptio, aut augmentum, & diminutio
ipsius scientiæ. Ex parte autem actus in scien-
tia tripliciter accidit variatio: primò ex eo
quòd actu considerat, quod priùs non consi-
derabat, sicut dicimus scientem variari, quan-
do exit de habitu in actum. Secundò accidit
variatio ex parte actus sciendi ex hoc, quòd
modò unum, modò aliud considerat. Tertiò
ex hoc quòd aliquis in considerando discutit
de uno in aliud. Tandem ex parte modi co-
gnoscenti accidit variatio ex hoc quod sciens
aliquid limpidiùs aut perfectiùs nunc quam
antea cognoscit, quod quidem potest ex
duobus contingere, uno modo ex diversitate
medii, per quod fit cognitio, sicut accidit in
eo, qui priùs scivit aliquid per medium proba-
bile, & postea id ipsum per medium necessa-
rium ac demonstrativum scientificè cognoscit:
Alio modo ex virtute intellectiva, prout vi-
delicet unus homo melioris ingenii, etiam per
idem medium, aliquid acutiùs cognoscit. Ex
parte autem rei cognitæ scientia variatur se-
cundùm veritatem & falsitatem, quia nimi-
rum eadem existimatione remanente, si res va-
rietur aut mutetur, erit existimatio falsa, quæ
fuit priùs vera. Nullo autem ex his modis po-
test Dei scientia variari: ergo est omnino inva-
riabilis seu immutabilis.

Prob. min. ibidem, imprimis nequit variari
ex parte Dei scientis, per hoc quòd de novo
acquirat alicujus scientiam, quod priùs nesciebat:
quia scientia divina non solum est entium,
sed etiam non entium: sed nihil est præter
ens & non ens, quia inter affirmationem &
negationem nihil est medium: ergo nequit
variatio

variationem pari, quantum ad speculativam cognitionem, per hoc quod de novo alicujus scientiam compareret, cujus cognitio cum lateret. Deinde neque ex parte actus : tripliciter enim ex parte actus accidit variatio in aliqua scientia, nimirum, ex eo quod actu considerat, quod prius non considerabat : vel ex hoc quod considerat modò unum, & modò aliud : vel ex hoc quod considerando discurrit de uno in aliud ; sed in actu scientiæ divinæ nullo ex his capitibus variatio contingere potest : ergo nullo modo est variabilis ex parte actus. Prob. min. quia non est sciens secundum habitum, sed perfectissimè actu omnia considerat ipseque per unam speciem suæ essentiæ omnia videt, & simul intuetur : nec in ejus cognitione est aliqua successio, ac subinde neque discursus : ergo nullo ex his capitibus in actu divinæ scientiæ variatio accidere potest. Præterea neque ex parte modi cognoscendi, quia, ut diximus, essentia ejus, quæ est medium cognoscendi, & virtus, quæ cognoscit, est omnino invariabilis : sed variatio ex parte modi cognoscendi in cognitione non nisi ex medio, vel virtute cognoscendi accidere potest : ergo ex modo cognoscendi divina scientiam nullam variationem subire potest.

5. Tandem neque ex parte rei cognitiæ ; quod probatur : Tunc scientia ex parte rei cognitiæ variationi obnoxia est, quando re mutatâ eandem retinet de veritate vel falsitate illius opinionem, vel mutat opiniones diversas eadem re manente : sed hoc Dei scientiæ competere non potest, quæ fertur ad rem secundum quod est in sua præsentialitate, prout est jam determinata

Art. XV. An scient. Dei sit variabilis. 815
minata ad unum, unde si res ipsa aliam dispositionem suscipiat, iterum erit eodem modo divinæ visioni subiecta: ergo Dei scientia ex parte rei cognitæ nullam variationem subire potest.

C A P U T I.

Solvuntur argumenta.

ARg. 1. hîc arg. 1. Ea quæ de Deo dicuntur, & respectum ad creaturas important sunt variabilia: sed scientia de Deo dicitur, & importat respectum ad creaturas; cùm omnis scientia ad scibile referatur: ergo scientia Dei est variabilis. Maj. patet quia ea quæ dicuntur de Deo, & important respectum ad creaturas dicuntur de illo ex tempore, & secundum creaturarum mutationem variantur. 6.

Conf. quæst. 2. de verit. art. 13. arg. 1. scientia est assimilatio scientis ad rem scitam: sed scientia Dei est perfecta: ergo rebus scitis perfectè assimilari debet: sed res scitæ à Deo sunt variabiles: ergo & ipsa Dei scientia est variabilis. 7.

Resp. S. D. hîc, ea, quæ de Deo dicuntur, & respectum ad creaturas important, esse in duplici differentia. Quædam important hujusmodi respectum ad creaturas prout sunt in se ipsis, quemadmodum Dominus, creator, & his similia: Alia verò sunt, quæ important respectum ad creaturas, secundum quòd sunt in Deo eo modo quo res intellecta in intelligente. Ea quæ primo modo ejusmodi respectum ad creaturas important, de Deo ex tempore dicuntur; non autem illa quæ secundo modo illam dicunt. 8.

Et quia scientia Dei habet respectum ad creaturas scitas, non prout sunt in seipsis, sed quatenus sunt à Deo sicut res scita in sciente: hinc est quòd ipsa scientia sit invariabilis, sicut & res prout sunt in Deo invariabiles sunt. Eodem modo respondet ad conf. quod assimilatio ipsius scientiæ ad scitum non est secundum naturæ conformitatem, sed secundum repræsentationem; unde non oportet, quod rerum variabilium sit scientia variabilis.

9. Respondet 2. ad arg. ea, quæ dicuntur de Deo cum respectu ad creaturas, in duplici esse differentiâ: Quædam consequuntur actus Dei, qui intelliguntur ad creaturas terminari, prout in seipsis sunt; sicut creator consequitur actum creationis, qui ad creaturas secundum esse, quod extra Deum sortiuntur, terminatur. Quædam verò consequuntur actus, qui intelliguntur esse in ipso Deo, sicut scientia & amor, quæ consequuntur actus in Deo immanentes, scil. scire & amare. Ea igitur, quæ relativè ad creaturas de Deo dicuntur, & consequuntur actus huiusmodi, qui ad creaturas in se terminari intelliguntur, variè dicuntur de Deo secundum rerum variationem. Ea verò, quæ de Deo enunciantur per respectum ad creaturas secundo modo, cujusmodi est ipsa scientia, de Deo invariabiliter efferuntur.

10. Arg. 2. hîc, & quaest. 2. de verit. art. 13. arg. 5. scientia illius, qui potest plura scire quam nunc sciat, est variabilis: sed Deus potest plura scire, quàm nunc sciat: ergo est variabilis ejus scientia. Maj. ex dictis patet, minor prob. quidquid Deus potest facere, potest scire: sed Deus potest plura facere quàm faciat: ergo potest plura scire, quàm sciat. Conf.

Conf. loc. cit. de verit. arg. 9. In Deo quædam esse dicitur scientia approbationis, secundum quam solos bonos cognoscit : sed potest Deus approbare, quos non approbavit : ergo potest scire, quod prius nescivit : Et subinde illius scientia est variabilis. 11.

Conf. 2. ibid. arg. 8. sicut ad scientiam requiritur scibile, ita etiam modus sciendi : sed si modus sciendi in Deo variaretur, scientia illius esset variabilis : ergo similiter, cum ea quæ ab ipso sciuntur, variationem subeant, ejus scientia variabilis erit. 12.

Resp. S. D. duplicem in Deo scientiam esse distinguendam, aliam visionis, secundum quam ea scire dicitur, quæ sunt actu secundum aliquod tempus ; aliam simplicis intelligentiæ quæ cognoscit ea, quæ facere potest, nunquam tamen effecturus est : Ait igitur, ex hoc quod Deus possit plura facere quam facit, non sequi quod possit plura scire quàm sciat, nisi hoc referatur ad scientiam visionis, secundum quam dicitur scire ea, quæ sunt in actu secundum aliquod tempus, q. 2. de verit. art. 13. ad 5. Cum autem dicitur quod Deus plura scire possit, quàm sciat, loquendo de scientia visionis, hoc dupliciter potest intelligi ; uno modo in sensu composito, ut sit sensus, quod possit scire plura, quæ prius nescivit : & sic falsum est ; non enim potest utrumque horum simul stare, ut scilicet Deus nesciverit aliquid, & postea illud sciat. Alio modo in sensu diviso, & sic non includitur aliqua suppositio, vel conditio, unde in hoc sensu est verum. Idcirco absolutè concedi non debet, quod Deus possit scire plura quàm sciat, quia hæc propositio implicat, quod ante

818 *Quaest. XIV. De scientia Dei*,
 nesciverit & postea sciat: & cùm per hoc, quod
 dicitur, *plura*, importetur comparatio ad prae-
 existentia, semper intelligitur in sensu compo-
 sito. Ex hoc autem quod scit Deus, aliqua pos-
 se esse, quæ non sunt, vel etiam non esse quæ
 sunt, non sequitur quod scientia ejus sit varia-
 bilis, sed quod cognoscat rerum variabilitatem.
 Si tamen aliquid esset, quod priùs nescivisset,
 & postea sciret, esset ejus scientia variabilis.
 Sed hoc esse non potest, quia quidquid est, vel
 potest esse secundùm aliquod tempus, Deus in
 æterno suo scit, id est, intuitus fertur ad illud
 secundùm quod est in sua præsentialitate. Et
 ideo ex hoc quod ponitur aliquid esse secundùm
 quodcunque tempus, oportet poni, quod ab
 æterno sit à Deo scitum.

14. Ad conf. resp. S.D. quaest. 23. de verit. art. 13.
 ad 8. neg. conseq. disparitatis ratio est, quia mo-
 dus sciendi est in ipso sciente non autem ipsa
 res scita secundùm suam naturam est in ipso
 sciente, licet intelligibiliter seu intentionaliter
 sit in eo: & ideo modi sciendi varietas facit
 scientiam variabilem, non autem rerum scita-
 rum variatio.

15. Arg. 3. hic, & q. cit. de verit. art. 3. arg. 7. Deus
 quandoque scivit Christum nasciturum, nunc
 autem nescit Christum esse nasciturum, quia re-
 vera non est nasciturus, sed scit jam natum:
 ergo non quidquid Deus scivit, scit modo: vel
 Deus aliquid scit, quod priùs nescivit: ergo ejus
 scientia est variabilis.

16. Resp. S.D. locis cit. ex 1. p. Antiquos Nomi-
 nales dixisse, idem esse enunciabile, Christum
 nasci, esse nasciturum, & esse natum: quia
 eadem res per hæc tria significatur, nimirum
 Christi

Christi nativitas. Ex quo sequitur quod quidquid Christus scivit, sciat, quia modò Christum scit natum, quod idem significat ei, quod est Christum esse nasciturum. Quam solutionem ut falsam, ipse duplici ratione improbat; quarum prima est: Ubi est diversitas partium orationis, ibi est diversum enuntiabile, quia diversitas partium enuntiationis enuntiabile ipsum variat: sed dicendo, Christum esse nasciturum, & Christum esse natum, sunt diversae partes orationis, ut de se patet: ergo sunt diversa enuntiabilia. Secunda est: Quia sequeretur, quod propositio, quæ semel est vera, nunquam posset esse falsa: sed hoc est contra Philosophum in *Pradicamentis cap. de substantia*, dicentem, quòd hæc propositio, Sortes sedet, est vera Sorte sedente, & eo surgente est falsa, quamvis semper significet Sortis sessionem: ergo non sunt eadem enuntiabilia, quamvis eandem Christi nativitatem significant.

Unde rejectâ hujusmodi solutione respondet, hanc propositionem non esse veram: locis citatis in arg. Quidquid Deus scivit scit: si ad enuntiabilia referatur; sed ex hoc non sequi, quòd scientia Dei sit variabilis. Sicut enim absque variatione divinæ scientiæ contingit, quòd sciat unam & eandem rem quandoque esse, & quandoque non esse, ita absque variatione divinæ scientiæ accedit, quòd sciat aliquod enuntiabile quandoque esse verum, & quandoque esse falsum. Esset autem ex hoc Dei scientia variabilis, si enuntiabilia per modum enuntiabilium cognosceret, nimirum componendo & dividendo, sicut in intellectu nostro accedit. Unde cognitio nostra variatur, vel secundum

17.

820 *Quaest. XIV. De scientia Dei,*
veritatem & falsitatem: putà, si mutatà re eandem de ipsa opinionem retineamus. Vel secundùm diversas opiniones, ut si primò opinemur aliquem sedere, & postea opinemur eum non sedere, eo sedente. Quorum neutrum in Deo esse potest.

18. Contra illud, quod dicit S. D. nimirum, hanc propositionem non esse veram, quidquid Deus scivit, scit, si ad enunciabilia referatur; instatur, sicut enunciabilia quandoque sunt vera, & quandoque non, & ideo priùs scita nesciuntur; ita res quædam, putà Sortes, quandoque est ens, & quandoque non: ergo etiam res corruptibiles priùs scitæ nesciuntur: ergo nulla est differentia inter enunciabilia & res, quoad hoc. Antec. patet, quia verum non magis fundat scibile, quàm ens; unumquodque enim est cognoscibile secundùm quod est ens.

19. Resp. D. Cajetanus quod inter enunciabile & rem hæc est differentia, quod enunciatio eadem manens & perseverans mutatur de verâ in falsam: & consequenter de scibili in non scibilem, & è converso. Res autem si mutatur de esse in non esse, aut è converso non perseverat. Quapropter non potest demonstrari una & eadem res manens modò scibilis, & modò nescibilis, sicut una enunciatio.



ARTICULUS XVI.

*Utrum Deus de rebus habeat scientiam
speculativam.*

SUPPONIT D. Thom. hîc in corp. & videndus q. 3. de verit. art. 3. scientiam tripliciter ad speculativi & practici differentias se habere. Quædam enim est speculativa tantum. Quædam verò est practica tantum. Quædam est secundum aliquid practica & secundum aliquid speculativa. Ad cuius evidentiam advertit, aliquam scientiam posse dici speculativam tripliciter: Primò ex parte rerum scitarum, quæ non sunt operabiles à sciente, sicut est scientia hominis de rebus naturalibus, vel divinis. Secundò, quantum ad modum sciendi: ut putà si ædificator domum, (quæ est res operabilis simpliciter ab artifice) consideret definiendo, vel dividendo, atque universalialia ipsius prædicata considerando. Hoc siquidem est operabilia modo speculativo considerare, & ut quædam vera sunt, & non modo operabili, seu ordinando exercitè ad opus, & secundum quod sunt operabilia respiciendo: Nam operabile est aliquid in exercitio per applicationem formæ ad materiam, v. g. dispositionis domus ad lapides, ligna &c. non per resolutionem compositi in principia universalialia formalia, id est, essentialia, quæ sunt genus & differentia. Tertio quantum ad finem, qui est consideratio veritatis, si-

I.

stendo in ea, & non ordinando cognitionem ad opus. Nam intellectus speculativus, sine à practico differt, ut dicitur 3. *de anim. text. 49.* quia intellectus speculativi finis est veritatis consideratio, practicus verò ad operandum, seu operationem tanquam finem ordinatur; v. g. Si quis ædificator consideret qualiter posset fieri aliqua domus, non ordinans ad finem operationis, sed ad cognoscendum tantum, erit quantum ad finem speculativa consideratio, non tamen ex parte rei considerata, quæ est res operabilis à sciente nimirum artifice. Scientia igitur quæ est speculativa ratione ipsius rei scitæ est speculativa tantum, hoc est, simpliciter. Illa verò, quæ est speculativa secundum modum, vel finem scientis, est secundum quid speculativa, & secundum quid practica: speculativa nimirum ex modo, vel fine scientis & practica ex parte rei scitæ, quæ est de se operabilis à sciente vel ex fine scientiæ, virtualiter inquam practica. Cum verò ordinatur ad finem operationis, est simpliciter practica, id est, tam ex fine scientiæ seu objecto quam ex fine scientis, & modo sciendi. Quod est esse formaliter & adæquatè practicum. Videndus S. D. q. 3. de verit. art. 3. c.

2. Prima conclusio; scientia quam Deus de seipso habet, est speculativa tantum: Probat S. D. scientia quæ respicit rem, quæ non est operabilis à sciente, est speculativa tantum: sed Deus non est res operabilis à sciente: ergo de seipso non habet scientiam nisi speculativam.
3. Dices, Deum equidem non esse operabilem,
hoc

Ar. XVI. An Deus de reb. hab. scient. spec. 823
hoc modo, quod à sciente producat: esse verò operabilem, prout operabile quodammodo dicitur, illud quod est per operationem attingibile: nam divina essentia seu bonitas est attingibilis per operationem immanentem, videlicet amoris.

Sed contra est, quia scientia practica causam sonat, ut patet ex ipso nomine, & dicitur *in 9. Metaphys.* sed oportet omnem causam vel esse operationis causam, vel effectus: ergo oporteret quod Deus esset causa huiusmodi operationis, quod est falsum, nam secundum rem nil est in Deo causatum. 4.

Secunda concl. Deus de omnibus aliis à se, habet scientiam speculativam quoad modum, & practicam simpliciter. Prima pars prob. qui cognoscit rem definiendo & dividendo, habet scientiam speculativam quoad modum de illa, ut dictum est: sed Deus perfectiori modo cognoscit quidditates rerum, & passionibus earum, quam nos definiendo, & dividendo cognoscamus: ergo habet scientiam de illis speculativam quoad modum. Secunda pars prob. scientia Dei est causativa rerum ejusmodi, & istæ ab eo sunt operabiles, & modum novit, quo eas operari potest: ergo est practica ex fine scientiæ, objecto, & modo, & subinde simpliciter. 5.

Tertia conclusio: De his, quæ secundum aliquam temporis differentiam à Deo producuntur, ipse habet scientiam purè, seu tantum practicam: de purè autem possibilibus habet cognitionem virtualiter practicam. Probatur, quia illa scit modo operabili, & intendit 6.

dit operari actu, secundum aliquod tempus : ista verò non intendit operari : ergo illa est purè practica ; ista autem practica virtute tantum.

7. Quarta concl. Deus de malis non solum habet scientiam speculativam, sed etiam quodammodo practicam : non quidem itaut mala faciat, vel causet : sed quia ab eo permittuntur, impediuntur, vel ordinantur. Probatum quia infirmitates appositæ sub eadem scientia medici cadunt : sub quâ salus cadit, in quantum de infirmitatibus disponit : ergo etiam mala sub scientia Dei practica cadunt, sicut & bona creata, in quantum mala permittit, vel aliquo modo ordinat.

Solvuntur argumenta.

8. Argumentum primum scientia speculativa non est causa rerum scitarum : sed scientia est causa rerum, ut suprà ostensum est : ergo scientia Dei non est speculativa.
9. Responder Sanctus Doctor quòd scientia Dei, prout est speculativa tantum, non est causa rerum (esset enim tunc causa sui ipsius) sed est causa rerum, ut est practica : quorundam quidem in actu, scil. eorum quæ secundum aliquod tempus fiunt : quorundam autem virtute, nimirum eorum, quæ Deus facere potest, sed tamen nunquam fiunt.
10. Argumentum secundum ; scientia speculativa est per abstractionem à rebus : scientia Dei non est per abstractionem à rebus :
ergo

Ar. XVI. An Deus de reb. hab. scient. spec. 825
ergo scientia Dei non est speculativa. Respondet Sanctus Doctor quodd scientiam esse acceptam à rebus scitis, non per se convenit scientiæ speculativæ, sed per accidens, inquantum est humana; homo enim in cognoscendo à sensibus dependet, qui sunt ipsarum rerum, & hæ causant scientiam in nobis.

Argumentum tertium pro parte affirmativa: Quod est nobilius est Deo attribuendum: sed scientia speculativa est nobilior quàm practica, ut patet per Philosophum in *primo Metaphisica, tomo secundo & libro sexto, textu sexto*, ergo Deus scientiam speculativam de rebus habet.

Respondet Sanctus Doctor quod scientia, quæ est speculativa tantum, & ex parte rei scitæ, equidem est perfectior, quam practica tantum: sed scientia, quæ est speculativa quoad modum, non est perfectior practica simpliciter: quia de operabilibus perfecta scientia non habetur, si sciuntur speculativè tantum, & non inquantum operabilia sunt, sicut multi sciunt quid sit domus, qui tamen non dicuntur esse scientes artem domificativam. Et ideo, cum scientia Dei sit omnibus modis perfecta, oportet ut sciat ea, quæ sunt à se operabilia, inquantum hujusmodi, & non solum ut speculabilia sunt. Neque per hoc scientia Dei à nobilitate scientiæ speculativæ, quæ videlicet est speculativa tantum, recedit: quia omnia alia à se in seipso videt, sicut in causâ & medio prius cognito, seu objecto specificativo;

11.

12.

826 *Quaest. XIV. De scientia Dei , &c.*
cativo : sui ipsius autem habet scientiam speculativam tantum : & in speculativâ sui ipsius scientia habet cognitionem , & speculativam & practicam aliorum à se , quæ sunt objecta secundaria , à quibus scientiæ nobilitas non desumitur.



INDEX



I N D E X

RERVM ET VERBORVM,
Quæ in hoc Tomo secundo
continentur.

*Primus numerus paginam , secundus
verò notas marginales designat.*

A

Ægyptii.



ÆGYPTII Deum appellabant oculum
mundi. pag. 109. num. 5

Æternitas.

Æternitas duratio infinita , indivisi-
bilis & tota simul. pag. 358. num. 23

Albanenses.

Albanenses asseriebant Deum non cognoscere
mala nec præscire , nisi referente dæmone.
pag. 243. num. 1

Arriani.

Arriani , secundum Suarem , locuti sunt de ab-
soluta scientia non de conditionata. p. 655.
num. 413

Attributum.

Attributa Dei positiva quemdam modum cau-
salitatis important. p. 207. n. 1

Cognitio quam habet Deus de suis attributis est
propriè

INDEX R E R V M

proprie sapientia. pag. 59. num. 53
 In Deo respectu suorum attributorum non da-
 tur proprie scientia. p.48.n.69. & 50.n.72

B

Bonum.

Bonum creatū dupliciter dicitur. p.641.n.401
 Cognoscit Deus malum secundū ordi-
 nem ad bonum. pag. 641. num. 401

C

Cognitio. Cognoscere.

Cognitioni divinæ nihil de novo objici po-
 test. pag.275.n.5
 Joannis VViclephi error circa infinitam Dei
 cognitionem. p.273.n.1
 Erraverunt qui corruptibilia & sublunaria Dei
 cognitionem subterfugere asseruerunt. p.105.
 num.1
 Erraverunt qui substrahebant à cognitione Dei
 actus humanos. p.106. n.2
 Erravit Averroës dum credidit Deum alia à se
 non cognoscere nisi in communi & quate-
 nus entia. p.149.n.1
 In eundem errorem lapsus est Algazelli. ibid.
 In eandem sententiam ivisse videtur Aristoteles.
 pag.150
 Deus cognoscit rerum omnium proprias natu-
 ras sive rationes atque operationes. p. 152.
 num.3
 Redarguitur Empedocles dicens Deum non co-
 gnoscere discordiam. p.151.n.1.p.265.n.7
 Erraverunt qui solum hominem ex istis su-
 blunaribus

ET VERBORM.

blunaribus à Deo cognosci sustinuerunt.

pag.107.num.3

Comprehendere.

Comprehendere dupliciter accipitur. p.97.n.5

Contingens. Contingentia. Contingere.

Contingens dupliciter considerari potest.p.285.

num.3

Quid sit contingens. p.285.n.2

Ostenditur unde in rebus contingentia per refutationem argumentorum contra allatorum.

p.317.& seq.n.8. & seq.

Aliquid adesse alteri dupliciter contingit.p.334.

num.2

Creatura.

Creatura dicitur esse in Deo dupliciter. p.182.

num.55

Creatura in triplici habitudine ad Deum se habet.

p.335.n.4

Quomodo in Deo creaturæ contineantur.p.155.

num.6

Quomodo in Deo creaturæ possibiles cognoscantur distinctè. pag.158. 159. num.11

D

Decretum.

DUplex in Deo distinguitur decretum.p.638.

n.397. p.771.n.547

Triplex in Deo decretum est distinguendum.

p.536.& 537.n.285

Decreti nomine statutum, constitutio, definitio, dispositio ac determinatio intelligitur. p.534.

num.282

Decretum apud iurisconsultos est deliberatio iudicis cum cognitione causæ. ibid.

Pontificum

INDEX R E R V M.

Pontificum decreta constitutiones vocantur.
ibid.

Decreti vera definitio secundum Theologos.
ibid.

Datur in Deo decretum prædefiniens. p. 545.
num. 192

Probatur auctoritate Scripturæ & Conciliorum
ac Patrum testimonio. p. 546. 547. & seq. n. 293.
294. & seq.

Divini decreti causalitas dupliciter considerari
potest. p. 563. n. 313

In decreto purè concomitanti divinæ volunta-
tis futura contingentia libera, Deus certò &
infallibiliter non cognoscit. p. 580. & seq.
n. 340. & seq.

Deus decernit permisivè peccatum, & illud de-
cretum attingit substantiam actûs. pag. 642.
num. 402

Voluntatis divinæ decretum à Patribus variè
appellatum. p. 542. n. 290

Deus.

Arnaldus de Brixia & ejus sectatores damnati
in Concilio Lateranensi quia dicebant Deum
agere ex necessitate naturæ. p. 211. n. 6

Deus cognoscit mala. p. 243. n. 2. p. 244. n. 3

Quomodo Deus cognoscat mala. p. 246. num. 7.
p. 247. n. 8

Deus omnia alia à se cognoscit. p. 107. n. 4

Deus se ipsum perfectè comprehendit. p. 95. n. 1

Deus se intelligit per se ipsum. p. 81. n. 1

Deus noscitur lumine naturali ab omnibus.

p. 2. n. 1

Deus scit omnia enuntiabilia. p. 805. n. 2

Deum scire probatur auctoritate scripturæ.

pag. 5. n. 5. p. 6. n. 6

Testimonio

ET VERBORUM.

Testimonio D. Gregorii. p.5.n.4
Ratione S. Doctoris. p.7.n.7
Solvuntur instantiæ contra rationem Divi
Thomæ. p.24.n.36. & seq.

Discurfus.

Duplex in scientia humana discursus. pag. 198.
num.4

In Deo nullus est discursus etiam virtualis.
p.198.n.3

E

Effectus.

Cognoscere effectum per causam dupliciter
intelligi potest. p.203.n.14

Effectus contingens quis. p.286.n.3

Effectus contingens tripliciter dicitur .p.287.
num.5

Eus.

Duplex est ens. p.213.n.1

Deus cognoscit non entia. p.223.n.2. possibilis.

p.224.n.3. imaginabilia à creatura etiam im-
possibilia. ibid.n.4

Nomine non entium quid intelligit D.Thomas.
ibid.

Enuntiatio.

Enuntiatio conditionalis duplex est. pag. 444.
n.153.& 154

Essentia.

In Deo non datur cognitio creaturarum in se
ipsis immediatè, seu independenter ab es-
sentia divina, priùs visâ & cognitâ. p. 182.
num.56

Essentia divina in cognitione, qua Deus cognos-
cit creaturas quaslibet habet rationem medii
&c.

p.159.n.12.p.160.n.13

Tom. II. Pars I.

G g g

INDEX R E R V M

Ethnici.

Ethnici ex duplici capite omnia necessariò evenire contendebant. p.218. n.18

F

Futurum.

- A**rbitrati sunt quidam Deum cognoscere futura contingentia in causis impedi-
bilibus. p.453. n.165
Futurum conditionatum quid sit. p.443. n.152
Futura contingentia dupliciter considerari pos-
sunt. p.284. n.1
Duo præcipui exorti sunt errores circa futuro-
rum cognitionem. p.311. n.1. p.312. n.2
Quæ sunt futura facta à Deo. p.627. n.384
Futura Deo sunt præsentia non tantum objecti-
vè sed etiam physicè. p.339. n.7
De futuris contingentibus societatis recentio-
rum frequens opinio. p.461. n.171
Molinæ opinio circa futura contingentia à Deo
nota. p.454. n.166
Solvuntur argumenta & rejiciuntur opinionis
circa futurum. p.291. & seq. n.12. & seq.
Quin Deus tollat contingentiam & libertatem,
futura contingentia & libera cognoscit. p.312.
num.3
Cognoscit Deus futura peccata, & quomodo.
p.639. n.398
Quomodo Deus scit futura. p.220. n.20. p.226.
num.8
Quid sensit P. Suares circa scientiam futurorum
contingentium. p.460. n.171
Circa futura contingentia duo Ægidii sententiæ.
p.458. n.169

Vasquis

ET V E R B O R V M.

Vasquis sententia circa futurum. p.290.n.11

Varia Authorum explicatio circa naturam futuri.
p.288. n.6

I

Idea.

Idea dupliciter sumi potest. p.521.n.268

Idea propriè dicta ad cognitionem practicam
attinet. p.521.n.268

Deum futura contingentia in suis ideis cognoscere
affirmant aliqui. p.454.n.167

S. D. ideis divinis tria nomina tribuit. p.542.
num.289

Immaterialitas.

Immaterialitas est radix cognoscendi. pag. 32.
num.50

Immaterialitas non dicit ex parte rei aliquid
positivum sed aliquid negativum. pag. 36.
num.54

Solvuntur argumenta contra immaterialitatem.
p.37.n.55.& seq.

Impii.

Impii Deum non videre mala credunt. p. 242.
243. n.1

Scripturæ increpatio in impios dicentes Deum
res, opera humana nec scire, nec curare.
p.110. num.7

Infinitem.

Deus infinita cognoscit. p.274. n.2

Quomodo Deus actu infinita cognoscat. p.276.
num.7

Dens per scientiam simplicis intelligentiæ infinita
actu non tantum cognoscit imò & per
visionis scientiam. p.275.n.4

Quidam mensi sunt divini intellectus vim in-

I N D E X R E R V M

finitam per angustam humani ingenii capacitatem. p.273.n.1

Intellectio.

Actualis intellectio in omni creatura est quoddam accidens. p.98.n.1

Intellectus.

Intellectus Angeli qualis. p.92.n.18

Intellectus humanus quam similitudinem habeat cum Dei intellectu. p.86.n.10

Intellectum.

Visum dupliciter dicitur sic & intellectum. p.121.n.26

Intelligere.

Intelligere Dei est ejus substantia. p.98.n.2

Quod intelligere Dei sit ejus substantia duplici probatur ratione. pag.99. num.3. & 4

L

Libertas.

Error Calvini circa libertatem. pag.220. num.19

Lollardus.

Lollardi error qui Deum nec scire nec punire mala quæ sub terra fierent dicebat. p.243. num.1

M

Molina.

Iactantia vituperanda molinæ. pagina 652. num.411

Increpatio in Molinam & doctrinam ejus per verba D. Hieronimi. p.651.n.411

Scientiæ mediæ primum inventorem se facit Molina, p.651.n.411
SS.Patrum

SS. Patrum Doctrina repugnat illi Molinæ.
p.652. & seq. n.411. & seq.

Multiplicitas.

Nulla in Deo multiplicitas realis constituitur.
pag. 100. num. 5

N

Necessarium.

Quid sit necessarium. pagina 285. numero 2

O

Objectum.

Variæ conclusiones circa objectum formale primarium divini intellectus. p. 121. n.27. & seq.

Varie doctorum opiniones circa objectum formale motivum & terminativum divini intellectus. p.146.n.19.20. & seq.

Argumenta lata contra illas conclusiones solvuntur. pag. 138. num. 49. & seq.

P

Pelagiani.

Pelagiani asseriebant Christo divinitatem ex merito fuisse collatam. p.656. n.414

Potentia.

Potentie cognoscitivæ aliæ mere passivæ, aliæ verò non tantum passivæ imò & activæ. p.230.231.n.18

*Præfinitio, Prædefinitio, Prædestinatio,
Prædeterminatio.*

A SS. Patribus prædefinitionis nomen acco-

I N D E X R E R V M

modatur dispensationi rerum in tempore gestatum. p.556.n.304

Molinæ inconsideratè sensit de prædefinitione. p.551.n.299

Divina præfinitio importat quandam antecessionem ad futurum eventum. pag.552. num.300

Quam prædestinationem admiserunt Pelagiani. p.656.n.14

Quid de parvulorum prædestinatione senserint Pelagiani. p.657.n.416

Responsio Patrum Societatis facta Romæ eorum nomine per P. Cobos Jesuitam circa prædestinationem. p.663. n.413

Recentiorum Societatis circa prædeterminationem variæ assertiones. p.550. n.298

Præscientia.

Doctrinam Augustini de præscientia divina duplici solutione eludere conantur qui ei adversantur. p.674. & seq. n.433. & seq.

Pelagiani præscientiam conditionatam seu scientiam mediam admiserunt, ut Augusti rationem efficacissimam eluderent. pag.658. num.417

Præsens. Præsentia.

Præsens est adesse alicui seu non deesse. p. 334. num.1

Divi Thomæ sententia circa futurorum Deo Physicam præsentiam. pagin. 349. & seq. num. 18. & seq.

Quidditas.

Q

Quidditas.

Duplici intellectus operationi respondent
quidditas & esse rei. pag. 48. num. 70

R

Res.

Res secundum triplicem causalitatis mo-
dum in Deo continentur. pagin. 626.
num. 383

Duplex in re distinguitur præsentia. pag 335.
p. 336. num. 3

Rem dupliciter posse esse & non esse intelligi
potest. p. 285. n. 2

Rem unam esse duplici modo contingere po-
test. pag. 88. n. 13

S

Sapientia.

Sapientia perficit intellectum in cognitione
altissimarum causarum. p. 45. n. 66

Scientia.

Scientia dupliciter accipitur. p. 111. n. 12

Scientia Dei non est causa rerum nisi adjuncta
voluntate. p. 210. n. 5

Scientia Dei est causa rerum scitarum. p. 208.
num. 2

Rabbi Moïsis assertio erga scientiam Dei. p. 263.
num. 3

Quid dixerit P. Vasques de scientia conditiona-
torum, p. 462. n. 172

INDEX R E R V M

- Thomistarum communis opinio. pagin. 462.
num. 173
- Scotistarum modernorum Doctrina. pag. 463.
num. 174
- Scientia Dei de futuris contingentibus saltem
bonis est scientia approbationis & beneplaciti.
p. 629. n. 386
- Ad efficacitatem divinæ scientiæ hanc contingentium certitudinem reducit Palatius. p. 460.
num. 170
- Scientiæ definitio. p. 76. n. 113
- Scientiæ Dei non competit definitio scientiæ.
p. 77. n. 113
- Contrarium sentit Illust. Godoy. ibid.
- Divina scientia discursu formali caret. p. 196.
num. 1
- In quo sistat virtualis Dei discursiva scientia.
ibid.
- Dei scientiam virtualem esse discursivam putat
Illustr. Godoy. p. 197. n. 1
- Contrariam opinionem tuetur Cornejo. ibidem.
- Origenis , Justin Martyris , cæterorumque
Patrum opinionis circa Dei scientiam explicatio. pag. 213. 214. & seq. num. 10. 11. 12.
& seq.
- In Deo verè est scientia. p. 4. n. 4
- In Deo verè est scientia distincta à scientia communi.
p. 12. n. 13
- Scientia Dei omnino invariabilis. pag. 812.
num. 2
- De scientia media à Societatis Patribus diversimode admissa. pag. 465. & seq. num. 175.
& seq.
- Illam impugnant ferè omnes Theologi præsertim

sertim Thomistæ.

ibid.

Illam tanquam inutilem & supervacaneam re-
jiciunt Thomistæ. p.471.n.182

Refelluntur opiniones adversantes Thomistis.
p.472.& seq.n.183. & seq.

Solvuntur argumenta. pag. 480. & seq. n.193.
& seq.

Scientiam mediam ad visionis scientiam seu li-
beram pertinere asserit P. Suarez. p. 689.
num.451

Semipelagianos scientiam mediam sub. præ-
scientiæ nomine tradidisse docent prosper
Hilarius Augustinus. p.659.n.418

In Deo non est scientia à posteriori. p.71. n.103.
& seq.

Avicenæ & Origenis opinio erga Dei scientiam.
pag.3. num.2

Theophronii opinio circa scientiam Dei.p.812.
num.1

Scientia perficit intellectum in cognitione veri.
pag.45.num.66

Qualis sit scientia Dei de omnibus aliis à se.
pag.823. n.5.6

Deus habet de rebus omnibus scientiam quate-
nus cognoscit suum esse. p.61.n.85

Scientia alia practica, alia speculativa. pag.821.
num.1

Scientia quam Deus habet de se est tantum spe-
culativa. p.822.n.2

Aliqua scientia potest dici tripliciter specula-
tiva. p.821.n.1

Scientia simplicis intelligentiæ omnia attingit.
p.237.n.26

Per scientiam simplicis intelligentiæ Deus co-
gnoscit

INDEX RERVM

gnoscit omnia conditionata desumpta ex vi
illationis. p.448.n.158

Præter scientiam visionis & simplicis intelli-
gentiæ scientiam approbationis ab utraque
distinctam admittit Vincentius. p. 233. inf.
num.20

Quidam existimaverunt scientiam Dei esse
perfectionem distinctam ab ejus essentia.
pag.3. n.2

Scientia visionis quomodo se habet. pag. 233.
num.20

Solam scientiam visionis admisit Gregorius
Ariminienfis. p.231.n.17

Omnes Theologi scientiam visionis, & simpli-
cis intelligentiæ admittunt. ibid. pag.234.
num.21

Singularia.

Avetroës, Avicena, Alguzel, & alii ipsius se-
ctatores negaverunt à Deo cognosci singu-
laria nisi fortè in universali. p.262.n.1

Ipsorum origo errorum. p.263.n.2

Deus singularia cognoscit tùm universaliter
cùm propriè. pag.264. num.4

T

Tempus.

IN tempore multiplex imperfectio reperitur.
pag. 362. num.29

ET VERBORVM

V

Veritas.

Veritas conditionalium fundata in proposito Dei infallibilis. p.445.n.155

Virtus.

In Deo tres virtutes intellectuales reperiuntur.
pag.44. num.64

Visus.

Visus inter ceteros sensus præstantior. p. 231.
num. 19

F I N I S.











